



四庫全書存目叢書編纂委員會編

齊魯書社

四庫全書存目叢書

集部  
第二八一冊





責任編輯：孫言誠 賀 偉

ISBN 7-5333-0615-5



9 787533 306151 >

EB41/11

# 四庫全書存目叢書·集部二八一

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092 毫米 16 開本 51.75 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

# 集部第二八一冊目次

## 集部·別集類

史復齋文集四卷

〔清〕史調撰  
北京大學圖書館藏清乾隆刻本

一

卓山詩集十六卷

〔清〕帥家相撰  
江西省圖書館藏清嘉慶二年刻本

四八

瓠息齋前集二十四卷

〔清〕凌樹屏撰  
首都圖書館藏清乾隆二十四年刻本

二五五

問義軒詩鈔二卷

〔清〕莊綸渭撰  
北京圖書館分館藏清乾隆刻本

四〇七

玉芝堂文集六卷詩集三卷

〔清〕邵齊燾撰  
湖北省圖書館藏清乾隆刻本

四四〇

凝齋先生遺集十卷末一卷

〔清〕陳道撰  
福建省圖書館藏清乾隆刻本

五六一

柘坡居士集十二卷

〔清〕萬光泰撰  
南京圖書館藏清乾隆二十一年汪孟錫刻本

七一八

綠杉野屋集四卷

〔清〕徐以泰撰  
吉林大學圖書館藏清乾隆刻本

.....



# 史復齋文集四卷

〔清〕史調撰

北京大學圖書館藏清乾隆刻本

附《四庫全書總目·史復齋文

集四卷》提要

序

開中舊多績學力行之士言動悉遵先儒矩矱斷新  
人已義利之介粹然一出於正而不敢一念偶弛其  
防莫如余年友華陰復齋史先生也華陰自顧亭林  
王山史兩先生講學以來士多窮經汲古砥節礪行  
以蘄造乎古人境界凡所以立身誨人者往往奉橫  
渠張子為準的復齋先生生而醇謹少卽以實學自  
策年踰弱冠補博士弟子員有聲藝林庚子舉於鄉  
余亦於是科登浙江賢書試禮部相聚京師卽知先  
生爲關中篤學君子也乾隆丁丑冬嗣君猶龍由教

史復齋文集序

諭赴銓曹候補明府賁先生遺集示余并索余序余  
匝月卒業作而歎曰先生脩己收民育才訓子無念  
不軌於正真不愧儒者模範也先是先生爲諸生時  
早爲華陰明府簡霞山所器重授以王河濱集先生  
卽恍然曰學非僅博科名也將以求其在我者而已  
自是學日以進事事以聖賢爲圭臬方其出宰仙遊  
也愛民課士約束期會皆以實心行實政多與上官  
鑒枘甫十月卽決意請去以視淵明之辭彭澤何多  
讓焉歸田後西安崔大中丞紀重先生爲篤行君子  
聘爲關中書院山長教士先器識而後文藝一時泰

爲人師蒸蒸丕變見者不問而知爲先生弟子也嗚呼如先生潛於榮利奉身以退人盡高其風而不知其力學也以實不以名其牧民也能養復能教其育才訓子也又事事務爲躬行實踐而使合於義路禮門後之人有能繼先生之學與教者關中之實學庶幾留一綫於勿替矣乎會稽年弟周長發拜撰

史復齋文集

序

二

序

奮志於科甲者有矣吾未見不汲汲於祿仕者也需次於仕進者有矣吾未見不營營於宦橐者也溺情於仕宦旋起旋蹶如南宮敬叔者有矣吾未見於繁華多麗之場急流勇退歲不待周瓜不待期托以羸疾而引去者也今皆於史君復齋先生見之或曰若好名者也抑矯情者也且過於自重者也余曰汝何所見夫名者實之賓猶身之有衣也衣服附在吾身而塵垢之必浣袒而臂裸而身曰形全可乎情則性之發也果其廉貞方正乃率性而出者也非矯也世

史復齋文集

序

三

之所謂情乃聲色貨利而已忘乎情今有以夜光之珠而彈鷲鳩者人必駭之謂其珠不賁而一鳥微也就而入和而出彼且爲褰裳我亦與爲褰裳彼且爲同濫我亦與爲同濫及溺而已矣數者人之隱微痼疾而君固自無恙也飲狂泉者一人不顧反目以狂宜其爲君病而豈知君之勿藥有喜乎然而君自此遠矣余與君生平未之相識君沒後四年而君之子孝廉猶龍哀君稿來問序文集語類真切簡至想見其爲人有康節之安樂無靖節之枯槁有顏介之遺規無樂天之任誕峻不至厲恬不至隨如水之有坊

與乘之有開鑄金之有撫範關中之德造所薰沐者  
多矣余言非誇也余蓋徵信於虞村先生君宦於仙  
遊其鄉士之以公車來者猶能言曰清吏也吉人之  
詞君子之守於斯見之彼哉夫已可以息喙矣  
乾隆十六年四月秀水諸錦頓首拜譔

史復齋文集

序

四

史復齋文集目錄

男猶龍敬輯

卷之一

稟本府第三帖

告病詳文

平糶事宜

禁餽遺

禁招搖

端士習

禁慣訟

史復齋文集目錄

二

詰諭里民俗言

戒安逸俗言

荒政要畧

義倉目畧

卷之二

志學要言序

薛文清公從政名言序

鏡古編序

重修華山雲臺觀朱子祠堂序

樂則集說序



跋高士傳

跋養豫企聖編

退者論

祭簡霞山先生文

辭帥藩臺請掌關中書院書

辭烏太守請掌關中書院書

辭保舉賢良方正

謝王太守書

答同年黃進士書 附黃進士書

寄學博王季館書

史復齋文集 目錄

二

卷之三

三則求士

橫渠書院學規

橫渠書院策問四目

橫渠書院公諭

雲臺觀書舍公諭

諭子書

卷之四

語錄

功過式

附刻

先公文林郎行述

墓誌銘

墓表

祭文

御史崔紀永濟人  
翰林孫景烈武功人  
翰林仇恮富平人  
歲進士

史復齋文集 目錄

三

史復齋文集卷之一

男猶龍敬題

稟本府第三帖

竊居其官者盡其職若才力不及病軀誤公皆當求去以待能者此進退之大義聖賢明訓昭昭難容纖毫委曲者也今職蒞任七月有餘德不足令人感威不能使人畏才力不及無庸言矣兼之半身不遂吐紅兩次精神衰憊諸務廢弛職即貪位諱病延遲歲月憲臺亦應裁之以義誨之使去此皆天理之公非有所薄於職也聞憲臺晉省望於各上憲前直言職

史復齋文集卷之一

一

多病堅欲求去之意一以全進退之節一以免誤公之愆玉成栽培寔從道義起見其勝保薦之恩奚啻什倍職寔心祝之臨稟翹首不勝悚仰乾隆七年三月二十七日

告病詳文

為病軀寔難供職懇恩迅賜告休以免貽誤事竊職自乾隆六年七月二十六日到任蒙列憲格外優容雖竭盡駑駘莫報萬一而年方五十齒未就衰正宜勉辦公曷敢遽萌退志乃因向有痰火病症時常發作客歲冬杪即患半身不遂暈迷兩日方得醒悟

倩醫調治畧見痊可然壅廢公事亦不少矣今歲入夏舊疾轉甚又復吐紅兩次飲食少進諸癆病症俱發屢求醫治藥餌罔功伏念仙邑界連泉郡民刁俗頑非精神健旺之人必失照管貽悞地方倘再遷延戀職上負憲仁下沉民寃病軀總不足惜公事豈可一日不理捫心自問頃刻難安急合據寔詳明懇憲臺俯念地方緊要迅賜委員接任庶公事有賴殘喘可延再職所撙之疾委係虛勞之症必須靜攝難以刻期調理情願回籍永遠休致合並聲明乾隆七年五月十五日

史復齋文集卷之一

二

稟各憲平糶事宜

竊仙邑倉穀已於四月初八日平糶復即報明在案職再三籌畫設法惟恐遠近不能遍及又人多必致擁擠守候以及地棍重買囤積等弊故設廠東西南北四處驗明門牌收錢給票赴倉復驗明牌票領穀每票止許二斗如路遠及人過十口者許三斗每人一日止許買票一次本日買過之後即在門牌內用戳註明下次輪期再糶又復戳記查仙邑共十四里並分日分里一四七日糶折桂興泰功建文賢興賢等里二五八日糶香田善化萬善永興等里三六九

日羅安賢連江孝仁慈孝仁德等里先行給示遍諭使遠近得以均沾老幼俱無守候地棍無由重買至逢十一日暫停糶賣以爲核算所糶錢穀總數不致日久滋弊其分日糶穀之里又分穀厥功建善化孝仁近縣人衆入西倉餘里入東倉又慮最苦窮民不能多錢買穀後將倉穀陸續碾米照一米二穀之價零星平糶自一二升以至五六升不等驗牌領票俱在北門米厰另設一處在縣治二門內總計每日四處給票三處糶穀米抵倉魚貫而入先後不紊老幼均齊民俱稱便除行典史幫辦外職仍不時親往收

史復齋文集

卷之一

三

錢發穀之處抽驗牌票查稽升斗各民俱依期赴買安靜守法並無一人擁擠爭鬧各辦事吏差局於照牌給票照票給米之法又臨晚將存留底票與外票逐一磨對伊等技無所施弊竇以絕再查楓亭地方逼近海邊有毗連香田連江慈孝等里居民稠密離縣寫遠不通溪水民食甚艱適有臺郡彰化縣運過仙邑穀五百石貯倉船灣泊涵江海口因溪河乾涸不能搬運來縣職畧行變通現在差押各船戶將各臺穀仍由海邊運赴楓亭平糶接濟所有在城倉穀內扣五百石以作臺穀存倉既省陸運之艱又有移

粟就民之利而倉穀並不至有闕乏一轉移間而數得其便已飭委楓亭司就近妥協辦理四月初九日捧讀憲臺密諭仰見憂國憂民平糶杜弊之良法職更當留心密察必不敢卑汚自處希圖纖悉並不使有絲毫不公上負國恩並負憲臺愛恤窮黎至意至於仙邑存倉各穀共四萬六千零每日糶過三四五百石不等或日後倘有不敷另請憲示職臨稟不勝仰切之至

禁餽遺

居官受餽遺非理也凡縣中紳士耆庶惠好本縣者

史復齋文集

卷之一

四

望勸誨鄉人各習醇良以匡不逮懷感多矣若投贈等物卽菽菜菓品槩不敢領鹽當等商日夜營謀苦辛堪憫或有贏餘宜贍家室凡一切規禮水儀亦俱不受把門家人或受人一物及得人絲毫銀錢者查出重究不貸與者照例同治

禁招搖

爲嚴禁招搖以肅官方事照得居官以清操爲重安民以除弊爲先本縣蒞任以來一切陋規悉行示革外誠恐家丁及六房三班人役藉官誑騙亦未可定合再曉諭示禁爲此示仰閭閻士民人等知悉本縣



聽斷詞訟準依情理或有不明決無故錯若聽人囑托害虐困窮受人分文顛倒是非有一於此神鬼共誅但查仙邑好訟之徒不惜銀錢竊恐奸人乘隙而入或衙役假稱托情或胥吏揚言通線或門上家人潛通賄賂又人財物或傳話書辦探窺意旨騙人銀錢如此等弊累官害民深可痛恨爾百姓中有遭此害者無論狀詞輸贏俱許具呈首縣追還原銀受者依律重懲如不自首被別人告發究明即以銀給告發之人與受同體治罪爾等良民其仰體本縣一片婆心毋悞墮奸術毋畏縮不前各宜遵凜毋違特示

史復齋文集

卷之一

五

端士習

爲端士習以維風教事照得紳士之所以可重者以其常學問知義理飭行勵節鄉氓觀感移易風俗也其次亦須謹出入嚴子弟爲鄉黨自好之士仙邑紳士有品有行正自多人其抱呈疊訟出入公衙亦復不少當堂詰諭俱云萬不得已夫學者讀書貴體書中所言勉強力行變化氣質顏夫子犯而不校孟子云橫逆自反豈皆無不得已之事耶抑顏孟必不可學耶卽今本邑紳士內亦有杜門自守片紙隻字不投公庭者豈此等正士所遇皆得已而若輩所遇皆

不得已耶機變之巧無所用恥好訟之子特工機變耳本縣以迂腐書生待罪茲邑自愧不德不能整易風俗但願境內悉爲好人此心無時刻能忘如前所稱正士本縣愛之重之願好訟者效之否則以本縣禮待紳士之故不自寶重安生事端名爲紳士何異齊民大乖士人行己之常重負本縣期望之意恥辱之至寔惟自取其各慎之凜之特諭

禁慣訟

爲嚴禁慣訟以正人心以維風俗事照得上乘之人與人不競觀君子無爭犯而不較與禽獸奚擇之語

史復齋文集

卷之一

六

可見若中人則須是忍忍到熟處自然量大福大或偶有訟必事涉倫理關係人心風俗不得已爲之者也若好訟則品斯下矣不識廉恥不畏人言以安靜守分爲無能以出入公衙爲多才不自愛孰甚焉夫訟之端有開自上者有開自下者官長貪利家人衙役招搖由是豪富之家狡棍之子結交胥役紛然敢訟此弊本縣宜自清之不貪人一錢不聽家人衙役一慫恿之詞如有借官騙人錢財者或本縣訪知或被入告發必根尋嚴治不貸贖貨之私既絕請托之風必除爾百姓其釋意外疑慮若開自下者其弊百

端難以盡指今特以害之昭然者爲爾等折言之士農工商各有其業一紙投衙便不自由質審稽遲公庭守候不惟情性染於街棍抑且本業爲之荒頽士東詩書農惡耒耜此廢時失業其害一也生理本直慣訟之人失其本心事本微小演成江河迹涉疑似裝成佐據或因人之無口辨而多設繁難或因人之寡資囊而故遲時日意想所到詭於魑魅筆墨之慘毒於斧鉞官長受罔弱民叫冤止于天地之和下短奕葉之福此滅絕天理其害二也安靜醇朴之美德多事善訟俗之大惡欺人屢矣不徒見惡於有道

史復齋文集

卷之一

七

長者抑亦不齒於村夫俗子方正之士時而避席良善之家甚且拒姻豈無托求之人急則用而緩則棄亦有酬酢之頃貌則恭而心則非孝弟忠信禮義廉耻一字加彼不得費却一生精力做成醜態用盡千般工巧終被惡名此敗行汚身其害三也大凡仇怨只可相解不可相結每觀好訟之人或一事而數年不已或一年而連訟數事骨肉交噬怨氣流及子孫鄉黨相爭同里竟成吳越積深則報必烈或相時造端構出奇禍怨久則謀必工或借手他人圖洩私仇始於小忿之不釋終成大故之莫解此仇怨相尋其

害四也安詳爲福器狂訟多敗家此理之一定者素號訟棍人費十錢彼費一錢分算乃占便宜日住衙端人訟一事彼訟十事合計總是重累法將臨汝勢必蕩業以護身勝或在人不惜傾貲以圖後亦有空拳赤手度日盡在訟中究竟惡滿災生結局總無善狀此破財累身其害五也人以勢利交者不固以險詐交者愈不固惟勝氣爭訟則必徵才匪類明教彼以奸謀乃服其奇計明導彼以刻忍乃稱其果剛事敗則訟者拙事成則謀者功少事經畫便啓邀求應之則欲無厭拒之其禍方速始則計巧必彈助我攻

史復齋文集

卷之一

八

人繼則彌逢稍疎助人攻我隱忍吞聲追悔自咎此曲結匪類其害六也四民均屬良業胥隸乃是賤役惟抱訟不休者常於閭邑共憤之衙蠹欺洽將之討其口氣探官長若何意旨察其向背決對手曾否賄賂酒館列爲上賓長者奉以尊行幼者聯爲兄弟金錢付於密室多費者服其穩確寡用者感其簡省甚至讀書之士對坐歡飲縉紳之貴握手言私辱莫辱於此矣賤莫賤於此矣此詭媚衙役其害七也寧靜之子與邑宰疎宰恒重之刁訟之輩與邑宰熟宰深惡之苟爲小醜一責罰足矣若屬一方巨蠹而縱之

不問非所以安善良而整風俗也溺職其奚辭除惡之志既堅去惡之術必周或多訪惡迹以俟其時或預稟各憲以待其來未發時鼓暗金寂既發時風行火烈重或隕身輕亦破家此見惡官長其害人也人生至重者無如祖父言行不怨惡於人則祖父尊爭訟日取勝於人則祖父卑忿極難平恒呪詈其考妣冤結莫洩時評毀其祖先或搞其先世之愆對眾講談或演爲多端之詞隨處播宣人共憤其子孫之不良遂多信爲祖父之果有此刁訟之人不但自喪其良心取怨於衆口而寔自辱賤其祖父者也此又其

史復齋文集

卷之一

九

害之九也人生至愛者莫如子孫世有以陰德遺者有以詩書遺者有以產業遺者乃如之人滿腹機械陰德奚存案堆狀稿詩書安在費錢擲財產業何有行事毒忍虧盡奕世福星思慮奸巧鑿破後昆靈竅子孫賢良乃屬萬一之望子孫癡愚定爲天理之宜況士之子恒爲士訟師之子不恒爲訟師乎惡種相傳人鬼共憤其弊更有不忍盡言者此又其害之十也以上弊端人所共知今分析明示以便觀覽警戒俾我士庶悉歸醇靜羣享太平之福共安樂利之休則人心幸甚風俗幸甚特示

詰諭蚩民俗言

人貴有恒業無恒業之人始於喪其心終於喪其身如賭博竊盜訟師等類一經有犯立加重法誰曰不宜但愚民俱係赤子本縣斷不忍不教而刑因作詰諭俗言爾百姓其共體予心

問爾父母生爾日夜懷抱苦辛撫養欲爾爲好人乎爲不好人乎曰欲我爲好人爾親戚朋友鄉黨族衆愛好人乎愛不好人乎曰愛好人今爾賭博竊盜唆訟是個好人乎是個不好人乎曰是個不好人問爾儼然人眉人眼有口鼻有手足也吃飲食也穿衣服

史復齋文集

卷之一

七

因何爲不好人乎曰心上一時糊塗問人心莫不有知爾亦有心何以爲賭博爲竊盜爲訟師豈以此等爲世上好事乎曰也知爲不好事問爾既知爲不好事何不改手去做好事曰心上要改却不知不覺有時又做問爾不改爾父母教人罵爾身子教人賤爾子孫教人輕朋友遠之親戚避之鄉黨族衆絕之爾中心果有何得意乃安爲此乎曰心中亦不安問爾心中既不安何以背心做不好事曰一則慣了手脚不能遽改一則爲貧窮無賴在此中日騙幾文爲過日計問爾年來爲這等事手中果有餘錢乎別人窮



而受苦或農或商或工今皆有生計聲名又好過口  
又比你強無良心之人天終不佑爾何以不卽改去  
曰也欲要改因半生爲此等事教人賤罵今卽奮然  
改去恐人亦終不當個人故安居下流間改過最是  
好事爾從前做不好事便是不好人今後做好事便  
是好人爾旣爲好人豈有不當個人之理况人不怕  
有過只要改過爾果行事改存心改端然做個好人  
本縣卽以好百姓待你後來人信得真自皆以好人  
待你又何憂臭名不洗乎曰小人亦有人心從今後  
定不走邪路定要做好人決不忍負教誨予曰其姑  
史復齋文集卷之一  
十一  
釋之以觀其後

戒安逸俗言

逸則思怠勞則思善安逸誠種禍之門哉士農工商  
勤其業者日夕不給安有餘心餘力以及邪事如賭  
博姦盜陵訟諸惡行其始由不務正業游手好閑一  
至於此深可悲憫因作戒安逸俗言俾家喻戶曉焉  
天安逸乎曰否運行不已地安逸乎曰否按序生物  
日月安逸乎曰否一日一週山安逸乎曰否日供採  
取水安逸乎曰否川流不息人中至貴者無如君君  
安逸乎曰否一日二日萬幾早朝晏罷覽閱奏章引

見羣下何勞也降自將相公侯與夫一官一職莫不  
各事其事人生安無如至聖孔子孔子安逸乎曰  
否加年學易發憤忘食不知老之將至下此顏子不  
情曾子死而後已莫不孜孜勞苦天下至無知者莫  
如物物安逸乎曰否禽鳥有血氣之類孳息孕卵飲  
啄有求牛任耕馬任行犬守夜鷄時鳴樹木花草等  
物亦各應期發生暑不後時六合以內求一物安逸  
者不可得也因備書以與我士民共聽之

荒政要畧

救荒無奇策固矣然措置增損克當其宜詎無裨益  
史復齋文集卷之一  
十二  
不猶勝於袖手者耶今夏秋荒旱民間積粟最少倉  
儲不能遍給逃無處食無資淹留待時耳夫天下無  
可如何之事必有隨時補救之法旱天災也經理得  
當則民荒於天不荒於人利濟無術則民不怨天而  
怨國家之草菅民命飢餓積爲忿恨忿恨積爲盜賊  
事浸長矣今民閭積粟雖約亦必有充裕者散賑不  
能遍及亦可恤救緩急活得一人一人獲再造之福  
活得一時一時留再生之想特恐區畫無式使民不  
得沐寔惠爲可慮耳茲揆時望勢稽古法之可以濟  
然局者仿其意列數項具左

一檢報要實

陸宣公曰人情多諛計所厭聞則小其事揣所意悅則侈其言荒上所厭聞也或以十分災作五六分報者有矣豐稔上所意悅也或以二三分收成作六七分報者有矣夫百姓之凶荒未甚則在上之拯救不急民受極災而隱其半彼轉死溝壑者非死於歲而寔死於查荒報荒者之手故檢報之法須細訪確問勿徒問官人宜親行田間或遇朴拙老成無知之人詳訪利病可得其真荒之寔數既得即據寔報上如參差不齊分數不得的確者寧令荒數居多收數居少孟子曰文王視民如傷檢報者宜

史復齋文集

卷之一

三

悉此意

一散賑要均

開倉散粟之弊博哉州縣百餘里俱領取於縣中官倉零星搬運合郡騷紛一弊也縣數萬家盡投領於一處守候之苦盤費之需大不利於窮民二弊也豪強衙棍與吏屬熟者得先領遠鄉貧朴老稚之人或不能即領或終不得領三弊也有粟之家或竄名混領移糧取利四弊也油滑無行之徒或改名屢領五弊也或吏役受賄賄令人多領六弊也或窮鄉野處不得占升合而衙役吏屬屋積官糧七弊也斗夫高

下其手領不得足數八弊也欲除諸弊宜酌古法行之昔官鄭公鄒青州河朔大飢勸富民出粟益以官廩擇公私廬舍十萬餘區散處其人以分給之身其事者不必現任之官散之民者不必在官之屬千古稱為美政胡致堂曰賑飢莫要乎近其人行義云所儲倉米遇有荒年照數量支以出計其道里之費就其步里米運之當社之間以給散之此皆賑荒至當不易之法可參酌行者也卽以華陰縣論縣主於未開倉之日規定法式榜諭四鄉使各靜聽遵守其法先計定倉內應散糧若干不得其寔數卽以其數酒

史復齋文集

卷之一

十四

派二十七里每里應得糧若干石大張告諭令合縣通知各里立里長四人士二民二令合里人公舉於各堡立堡長二人合堡官並選名於里長堡長查本堡窮民並其家人口多少每家註明數目造爲領糧名冊冊面註明通堡窮人數目有粟者不得混入貧弱者不得遺漏冊成投之里長里長又持冊巡行各堡驗問的寔呈冊縣主用印仍付里長收存縣主擇定開倉日期卽先時出榜云某日散某里糧應列分明聽領此日須要照榜文散訖令各還歸各里里長至散糧日卽引運夫至縣搬取或運至縣內別處

或即搬至本里公處聽其自便里長盤費運夫與口食俱在官糧中酌  
取本里糧數既領定將各堡冊內窮民合算共若干  
口以官糧洒派之每口應得糧若干數里長即書明  
傳單令各里通知約定分糧日期堡長領各堡窮民  
搬取每堡照依冊上窮民數合與之如此里長方不  
不延遲壅滯至運夫脚價里長堡長食費並搬糧至  
斗斛拆耗此時同衆公議除算自平允無弊搬糧至  
本堡內堡長逐名分散總之此事宜簡便公平官以  
糧散之里長里散之堡長堡散之窮民胥吏不  
得乾沒斗夫不得高下其手官不煩勞民得均沾諸  
弊杜矣社倉糧亦宜依此行之如更有官項賑濟或

史復齋文集

卷之一

五

米或銀亦宜依此行之平糶依此法則富民滑棍不  
得混糶取利煮粥依此法則老病幼弱不至匍匐道  
途愛民者其潤澤古人之政毋落近弊哉

此段法甚密而慎釋里長為第一要着里長得人  
又可就其中運用變通隨時制宜不然亦恐生出  
弊病。弊端在官吏人不敢言其害大弊端在里  
長堡長人敢言其害小寧舍彼取此。照里散  
糧不論人地糧在何里只論居住坐落。在何里  
或有未便處因又擬一說一里有一甲以堡長易  
作甲長亦可每甲立甲長二人同本甲催役查貧  
戶知其貧富臨行用彼用此再酌有撓此說者曰倉  
糧有散有收今盡散窮民徒為官累耳此不知理  
道之言也官長父母也窮民赤子也赤子飢餓將  
死為父母者逆計其難償而不令食之心亦忍矣  
憂過計者沮公道者也

一勸富出粟

古人云積粟之家凡出米賑濟係崇尚義風不與進  
納同宜破格殊禮遇之宋仁宗遇災傷勸富民出粟  
秩以官爵蓋富民散粟惠鄰自古然矣國家歲飢必  
蠲長稅貧民田少獲益至微徒利富民耳安可不推  
其餘代王養民乎且鄰里困窘常思甘心於富者何  
若以義聲沮之其法堡長舉本堡富戶於里長量其  
積粟多寡分為上中下三額里長審察的寔列具名  
冊呈縣縣主隆禮優待開導勸諭即照上中下酌其  
出粟數目以紅筆註之冊中本名下用印訖仍付里

史復齋文集

卷之一

六

長里長將本里富戶所出粟數洒派本里窮民每口  
應得粟若干數其本堡富民粟即照應得數散本堡  
窮民里長至其堡不足者復以他堡富民粟撥補如  
有餘復撥散他堡窮民本里粟止分給本里不與合  
縣通算此只就華陰言若他邑有庶免紛更之累亦  
篤近鄰之義事畢縣主據冊報上以俟殊賞富人許  
收領冊豐年貧人照所得數償還

一嚴禁劫奪

辛棄疾帥湖南賑濟榜文用八字曰開糶者配劫未  
者斬一郡帖然後世遇飢僅流年凡有竊盜事俱以

飢民寬之此謂養禍上誠於賑民事體周布均平小民咸懷守法理自應爾如有不良之徒或陰行竊盜或糾眾劫奪宜密為訪拿盡法懲治決不可行姑息之政論者曰恐激變夫上不救民其曲在上若多方活民而民不守法其曲在下何變之能生況富民所積之粟貧者安坐待餉又復橫肆侵奪是特乘急作祟者耳寬之必長寇志除之可杜禍端周禮荒政十二終曰除盜賊誠嚴之也附窮民有肆為浮言者故及此

### 一廣井地之利

人力可勝天旱年之井田是矣家有八口得井地四

史復齋文集

卷之一

七

五畝足保無虞第可井者皆肥地富民多有之井地一畝之勞足當旱地十畝之工富人有數十畝井地力能自治者十餘畝而已其餘與旱田俱成棄地貧家有壯丁數口竟無一畝井者或有一二畝不足罄其力者富者閔其地貧者閔其力計亦左矣今擬於極旱時令富者盡力播種其井地其餘力必不能及者許貧人灌種或地本無井而可井者許掘井或一家不能掘許數家合力治之富人散井地若干畝堡長亦具冊投於官俟旌表焉旱止則歸其地於本土

此法似創行之駭人然富者不容棄矣詎各地方必種麥時亢旱如數則此法必宜講究行之或貧

人力作收時與地主兩分其粟可乎

### 一查貧戶

貧與富較宜周貧者貧與至貧較宜周至貧者緩急失宜毫釐千里今歲足食者十之一二食至年底者十之三四目下無食者十之四五足食者無論食至年底者並置之今年半歉之家實往歲全足之家大約有肥產少積債能自為謀者也只單查目下無食之人堡長同合堡人公平計算取其的貧者造冊內官糧雖約獲益多矣

### 一平糶

史復齋文集

卷之一

六

官糧平糶設局縣內徒利近地耳貧民錢艱富民商賈錢易不別其人直為市利者資哉有憂其弊者減糶之數以抑之如一人只許得五升三升是也善營之人算及錙銖詎以利薄不為乎遠鄉窮民持盤費誤時日得米數升何利之與有莫若依仿前法以一縣所得官糧酒派二十七里以一里所分官糧酒派一里窮民縣主分散各里長里長分散各堡長堡長在本堡內出糶窮民當下有錢者照應得數糶之如無錢許堡長存留令其緩糶限以期過期許堡內窮民分糶收價交官

一 詢弊

法行多弊弊於行法者耳上以法示下後不省謂是棄法也今據荒政數條上憲下其式於各州縣耳委心腹忠誠之人入境密察其實力奉行窮民得所者卽獎美保舉不如式者責之不勝任者易之風聲所樹誰不奮勵地方官分倉糧於各里長宜親往民間詢問富民混入者令窮民揭發窮人遺漏者令自陳實則罪加堡長不實者坐里長散粟極妥當者大加殊獎事畢卽以其名報上不善者定行改易令里人別舉公正有義行者更有貪小利於斗斛折耗腳價

史復齋文集

卷之一

九

食費等項充用官糧過多者士則罰民則刑不少貸如是則賞罰公明人心愛畏法度行矣

王者子惠元元大臣體國撫民其要在於誠其意況救荒一事萬民生死關於呼吸者乎誠使邊疆社稷之臣情切已飢耻同納溝壑已之上報朝廷在此已之爲民父母在此已之不愧聖賢之學在此已之活億萬生靈引積陰德以種子孫百世無窮之福亦在此督率下僚仔細苦辛務期一粟半粒寔被於百姓而不徒爲賑荒之虛名仁心所結誠意所感自然上召天祐凶祲不久應息矣倘時

奇未復有倉儲之散有公帑之頒有富民之代于養者有井田之以人力勝者其失所者亦不過十之二三矣卽或人衆食寡羣悲鴻雁然親見地方官苦力經營散賑之均平如此飢寒總切感激亦深必不至以苦愁生其忿恨既不忿恨自安義命旣安義命自不竊盜孔子籌不得已之策去食不去信此殆類之蓋信在平日禮樂訓誨信在危急必有一片誠意愛民之心貫入肺腑令人不忍違背捨去倘天時一和畧爲收拾元氣卽復歡樂之象可立觀耳余讀書華山雲臺觀境內禱雨澤於

史復齋文集

卷之一

三

山靈者日夜接踵顛之狀無所不有憂坐無聊倣古人法私擬數條并敢謂荒政盡是特剝釐其急弊以俟世之君子採擇焉

義倉目畧

- 一 義倉接濟貧人有粟有力之家不得濫行保領
- 一 三月放倉領狀註明家口前數日彙集領狀量入口批領穀石
- 一 七月十月交倉七月交麥一麥抵二穀十月交穀
- 二 穀抵一麥與官倉易算同
- 一 十月終收倉畢如推諉年歉或更有闕吝不還者

下年不許再領務須收盡領數

一領倉糧一斗還倉加利二升非乾潔者不得入

一予同高祖之親一次不還者二次許領初次之半

二次不還者三次許領二次之半若三次均不還

再不許領如有孤獨無告之人另酌

史復齋文集

卷之一

三

史復齋文集卷之二

男猶龍敬輯

志學要言序

東萊呂先生曰習俗中易得汨沒須常以法語格言  
時時洗滌薛文清公亦曰心每有妄發卽以經書聖  
賢之言制之因錄儒先要語四十九條以當書紳條  
末時附陋見非敢僭妄亦還守張子心開卽記不思  
還塞之意云爾

薛文清公從政名言序

文清公從政名言從讀書二錄中摘出舊有其書矣

史復齋文集卷之二

一

今類爲八則庶醒目易觀入官先看志向故首存心  
居上以寬爲本故次愛人未有邪枉而能利物者故  
正次之未有貪利而能正者故廉次之曲謹小廉濟  
得甚事故政次之下無冤抑則政平故法次之政清  
刑肅一匪人足以敗之爲邪所以遠佞人也故待人  
次之數者非學不能有成故以學終焉

鏡古編序

庚申冬予謁銓入都懼無所持守因取古人善政善  
言爲邑宰之所可行能行者分爲八則彙成茲編雖  
簡畧弗備大旨正不外是公暇翻閱觸目警心庶少

有裨益云

重修華山雲臺觀朱子祠堂序

華山雲臺觀朱文公祠建自康熙二十四年主其事者邑侯遲公屏萬左右愆恩則東吳顧亭林吾邑王山史兩先生其建祠首末具於崑山徐先生之文碑記可按康熙四十二年中丞鄂公重修盤屋李中孚先生紀之考朱子主管華州雲臺觀在宋淳熙年間歷五百載創建祠宇崇道術正人心美風俗使後世讀書懷古之士有所感發興起諸君子之用心偉矣予舊居雲臺二十餘載宦遊閩海十閱月以病歸復

史復齋文集

卷之二

三

來居此升堂瞻禮廟貌頽於風雨又念齋舍缺如不足受四方裹糧之士非所以廣厲儒修而大文公之教也慨欲重修囊橐無具不自勉而欲勉人誰其應之但懷德慕義人我維均安知四方士人不有與予同志而不同其貧者何妨鳴之以鼓其來耶方今天下名山下多有盛蹟如嵩陽嶽麓白鹿洞諸書院與山相千古太華拔地五千仞雄冠諸嶽歷代名賢高士爭艷誇之獨闕茲舉貽羞山靈職誰之咎諸君亮哉

樂則集說序

史復齋文集

卷之二

三

自孔子正樂摯千諸人去後古樂浸衰經秦火亡其書漢以來談律呂考尺候氣諸說紛出宋胡安定司馬公范蜀公悉大儒論各不一朱子謂季通之書諸家莫及近代韓恭簡楊忠愍宗之然吾邑山史先生既王仲復律呂圖說雜引衆說有謂鑄鍾均絃造器算數皆不足據有謂求樂於累黍周顒漢斛魏尺無異刻舟求劍更有以旋宮爲傳會列管候氣屢試不應樂之難言如此嘗試論之制禮作樂非聖人不能亡而圖之與作同功三代後無聖人故難也孔子曰立於禮成於樂卓立爲賢義精仁熟爲聖古樂雖難遠復講求其義理制度使不失作者意自賢人事禮先樂後立卽成之先聲昔人謂德性淳厚者能知樂予又謂必偉丈夫方可言樂如韓恭簡楊忠愍是也吾友上官公度先生以名甲宰山左齊河有丰骨民懷其德行取戶部分曹方利於宦矣乃毅然歸養不少稽大節如斯非所謂偉丈夫者耶歡侍餘暇博極羣書尤精究律呂之學約爲樂則一編以蔡韓爲宗而神明於自得之言簡核精密事半功倍信乎特立不撓斯可究中和之極樂之實樂斯二者詎非理之至極不易者歟夫鄭聲亂雅久矣孔顏衷四代禮樂



猶嚴鄭聲之戒謹治忽之機也。今先生兩制闕異日鼓吹休明釐正舊章寧令樂府新聲梨園法曲汚太和之音哉。此又予之所私心竊幸者也。

### 跋高士傳

此書採取非平巢許事識者議其誕況他乎高士雖非聖賢中道然不競仕進不貪榮名自成其高耳非戾於正也。若荒誕野僻之士異論亂衆崇尚幽渺幾於仙釋之侶矣。以此厲濁激貪弊將滋生明道稱伊川自幼不看莊列最有深意宜取魯論丈人沮溺輩爲權輿後代如嚴子陵陶靖節及潔身自好之士咸史復齋文集卷之二四

### 跋養豫企聖編

昔孟子道性善言必稱堯舜此爲學第一義義利之分人禽之判只爭些子學不師聖更無第二條路可走其爲之至與不至則隨其質與學而高下列焉周子所謂過則聖及則賢不及亦不失於令名等級固如此也。後世道學不明日紛呶於利欲場中語及聖學羣笑其迂且怪甚則訾議之使無所容躬教導者旣不以此望其人而家庭秘囊亦惟授以掇青紫媒

利祿之術而正學每諱言之。此世道之憂也。咸林次知堂先生有道君子也清德曠懷人擬之靖節先生或又曰似邵堯夫長君若干調同學友仲二成屬季妹丈予三人幼同切劘頗不甘自卑兢競焉欲爲古

人之爲者先生懼其不篤也懼其半而息肩也懼其外似而中拂也因舉古聖賢精微之蘊揭於行習日用垂爲箴銘以教其家義質而深語和而肅心周而曲以達與顏氏家訓溫公家範朱子小學等書相埒旣成編以養豫企聖顏其端蓋曰編內多下學事上達正不外此朝夕勉焉不見異而遷焉以之入聖無

### 史復齋文集

### 卷之二

### 五

難也。夫聖之不敢爲久矣而訓迪惟是諄諄其所以問其家者誠篤而先生之德之學直綿濂洛關閩之系而係於人心世道不細矣。調往復德門廿載從二難獲其庭訓甚夥茲編未之見也。壬戌冬由閩海拂衣歸閱今夏先生出是編授之噫豈以拙於世始克與於道耶。抑以學不經世退休巖泉詎文章報國者宜力學以補其所未足耶。否則以聖賢道業重遠難仔一息尙存志不容懈不可以善病爲高人逸致林下爲養閒縱樂所耶。惠此嘉德敢不敬拜長者之賜憶調毀齒時先大人曰授云欲做好人第一要不愛

錢自惟由少至今幸不失足坑塹貽名教羞者時刻  
記此一言奈所怙早失弗得詳聽訓誨今讀此編快  
若干二成得於定省食飲間撫拾金玉庭闈之樂倍  
調萬萬矣然又思之父母欲成立其子罕有異同嗣  
惟服膺明訓勤勉不少怠聖與賢不敢望或庶幾乎  
令名先父母有知亦將功是編而戴先生之德不衰  
顧有請者教兒嬰孩蓋言豫也今若干二成絕塵而  
奔久矣調髮無墨不老而衰瞪目驥尾欲從莫由尙  
冀鞭之

退者論

史復齋文集

卷之二

六

予謁銓入都中丞河東崔公方閑居數過從討論往  
籍以及當世之務一日告予曰予撫陝有望人焉俯  
而請舉五而得十撫楚有望人焉俯而請數往不得  
一詞其意左陝而屈楚予部銓得聞仙遊仙之縉紳  
居都者叩其邑事皆不答一人忽前席鼓掌扼腕無  
所不吐若數十年積懷待予而發者心竒其爲偉男  
子抵仙廉其有行誼者數人歛之酒或徑至其家屏  
左右請有答有不義意各別侃侃恂恂之狀均堪矜  
式鄭東園先生家居與當事諸公帖詳陳地方利害  
活其民不專以簡默爲得漢太僕杜密以黨禁歸里

同郡劉勝亦自蜀罷歸密每謁守令多所陳託劉閉  
門掃軌無所干及同時兩賢之顧涇陽許崑山張可  
菴諸敬陽二公云張大類劉諸大類杜各成一局然  
可菴有譽無謗敬陽往往得謗徐察其得謗之由率  
爲世道人心憤發其不平究何損於敬陽其言以諸  
之得謗固不後於劉之得譽也朱子曰爲天子近臣  
合當蹇諤正直却又度退寡默及處鄉里合當閉門  
自守躬廉退之節又却向前做事便都傷了大體似  
此白日掩扉濶絕要人爲得退者之宜予惟語默無  
定視其人何如耳其人足聽吾言諄諄開陳不爲幸

史復齋文集

卷之二

七

事否則敢言自豪無益且生他辱世卽於偷久矣固  
有貌爲謙遜近正人以于世者不察其底裏而進其  
所難終格不行賤乃舌矣孔子曰不可與言而與之  
言失言尙其折衷於聖哉

祭簡霞山先生文

維年月日仰華書院受業門生史調謹致祭於勅封  
文林郎簡老夫子之神前曰調不見夫子十年矣憶  
華亭侍坐與諸門兄質疑請業宛在目前意隔如天  
上矣夫子嘗云予愛讀書人尤愛好人好人二字調  
時刻銘心但操持不密脚跟未牢時出時入夙夜祇

懼慮乖師訓前輩名賢好樣最多觀感效法親炙爲  
深調數年來性褊急思夫子之和緩則自愧量淺隘  
思夫子之寬厚則自愧或爭論紛紜激昂慷慨思夫  
子不動聲色不言而信則自愧或憂患困苦疑慮滿  
胸怨尤中起思夫子恬淡自如行法俟命則自愧夫  
子之德之學調目中所見一人而已調自夫子沒後  
久處雲臺依本分教人子弟已身用功好看宋明儒  
先語錄因見聖賢所言句句都是實語人之異於禽  
獸真爭幾希但徒翻故紙力行無門每念夫子如在  
見調若此必有以指其迷策其怠曲盡作成之術奈

史復齋文集

卷之二

八

昊天不吊哲人云亡夫子之學不盡傳於茲土寧徒  
調一人之不幸哉調今歲春闈獲叨一捷幸夫子獎  
訓常記心頭富貴利達不敢急急在京靜處一無干  
謁事畢之後入夏抵家華邑文風駸駸日上邇厥由  
來端賴夫子客歲發六人書院內居其四今歲發五  
人書院內居其二其餘未發者俱羽毛豐滿有奮翼  
南溟之樂嗣後仰華書院之盛當必更倍於今矣夫  
子之澤人其人世其世久而彌光何其溥哉調惟與  
諸門兄恪遵夙訓謹身寡過勉道義切磨文章以  
不敢辱夫子之道者守夫子之教夫子其亦少慰於

心乎嗚呼意不能盡辭不可終幽明相隔事理難明  
如或地下不異人間此時郝約菴郭右民二門兄當  
必歡然侍坐矣其果然也耶其非然也耶言之愴懷  
不能爲情詞語鮮倫妄瀆師聽夫子有靈冀鑒恕之  
伏惟尙鑒

辭帥藩臺請掌關中書院書

諱念祖江西人

敬稟者本縣官持大人明訓至調家捧讀之下慚懼  
交集以調學淺行薄不遽棄置復畀重任宜趨程  
赴省上副殷懃至意乃猶如是濡滯者誠以出處去  
就爲義至重一行偶失貽玷終身其不敢復入書院

史復齋文集

卷之二

九

之故可爲大君子備陳之也竊惟名不正則言不順  
權不一則教不尊今書院先生某明師宿儒訓迪諸  
生已久調以後進不敢妄爲參預一也與某共事數  
旬初不見有過舉而外面頗生物議竊恐波及有損  
名節二也調初未悉院內事體妄膺崔大中丞命一  
入院中負咎厥心悔始進之不愼今復蹈之過浮於  
初矣此不可者三也本擬張大中丞未上任前晉謁  
大人面陳曲衷旋即歸家奈行至臨潼病於旅邸不  
能動身卽令稍愈入省將見張大人與否不見恐其  
疎於禮見之則無端請謁殊蹈干進之嫌此其不可

者四也夫進退者行己之大關廉耻者持身之要道使調於前數者姑置不計而以奉命爲恭既不正已焉能教人書院中安用是人爲况今病於中途卽平復可待精力終減以此任院事訓迪不能諄切上負朝廷並負各憲大君子曠職素餐罪將焉諉且勉強從事心迹相違徒多往來去留之煩於院內諸生亦何補乎今因臨潼縣官入省敬修荒稟上瀆鈞聽臨稟不勝悚懼之至

辭烏太守請掌關中書院書

在書院內瞻公祖儀型知爲多士南車一路福星惟

史復齋文集

卷之二

十

願常沐休光時聆德音但治晚以病軀強應撫憲命精力短少訓課不能諄詳抱愧寔多前中丞大人無湖北之行亦私擬告歸院內諸生有預知此意者非敢飾說也治晚歸家理宜稟辭恐因辭得留鄰於巧投故弗敢耳今捧讀公祖來訓命復入院寬其疎慢之罪畀以重任刻感何可名言他治晚氣體虛弱訓迪之責寔不能勝又冒雨華州道上抵家寒熱交作靜養服藥不敢動身書院人才聚會之地必使行誼文章俱堪報國方不枉一番作興膺教導者力能勝則任之不能則退處以俟能者未有自知其不能而

以從命爲恭者也不然尊卑上下之分治晚夙聞其義豈敢故爲此方命之舉哉伏冀宥諒益荷高深臨楮不勝惶悚之至

辭保舉賢良方正

爲學慚自信致用無資祈天轉申庶免躁進事竊惟學古所以入官功貴素裕行義本於求志道嚴自欺如調無能何堪內問自幼授讀卽攻舉子業於聖賢修己治人之道寔未講究庚子中鄉榜後讀宋儒諸書及薛胡等語錄時有所感不欲自甘卑下奈詞章之學未能遽割荏苒幾二十年於正學毫不得力去

史復齋文集

卷之二

十一

歲春闈倖遇聊結八股之局莫釋五中之慚在京不敢自炫自鬻於大人君子門未嘗一足及之冀得歸家靜處專治古人書遲數年効薄技於世或與覆公餗者異乎迄今逾年猶然故我學無速成之理亦固其宜今歲詔下求士郡縣各舉所知傳父母出調名報上蒙司查取印甘各結調始聞之而感繼思之不勝愧且懼也夫以調之株守迂拙賢父母卽念及之樂與爲善之量寔足以鼓勵鄙懷而益勗其所未至也然學不足以窮經博古行不足以抵節善俗且兵刑錢穀之事工虞水火之職自問無一能者空負所

舉寧不愧懼前報上時外面未得的據虛致推遜恐  
類托求今復恬然安此虛名欺人欺己顏何厚與夫  
調非追踪石隱山居養望第以處士虛聲貽笑今古  
調科名雖堪續貂寔學終難附驥又烏敢以櫟枵之  
質辱茲鴻典况保舉之條功過甚嚴倘妄膺此舉異  
日蒞政無術使賢父母受知人未悉之累心寔弗安  
敢披真情具狀力辭懇祈據呈轉詳俾遂安居庶無  
操刀傷手之憂且免以政爲學之誚爲此上呈

謝王太守書 諱廷諱

竊職前具荒稟疎畧不盡所言又以隔滯一方不得

史復齋文集

卷之二

三

坐春風爲憾去歲獲領明訓凡有疑慮卽酌大小輕  
重以決從違得力甚多然不能盡言中義蘊又不能  
叅會言外之旨浸灌滋潤漸與初心微分塗徑隱衷  
抱慚昔人云仕宦奪人志竊自慮其蹈之也因念前  
輩名儒仕學一致如前代薛文清公王文成公近時  
如湯潛菴先生楊賓實先生合古今爲名臣爲理  
學其根柢原自厚也憲臺親炙先覺學有源本處紛  
雜御刁頑素號難治之區莫不秩然就理深心定力  
足以擔荷重遠經濟寔學於斯見之職寡才多病作  
吏十月毫無一成憂與慚俱病因勞增乞休歸里誠

爲上負 國恩者矣憲臺固宜鄙之責之否則憐其

無能多病而姑寬之置諸不論不議之列可耳屢叨  
恩庇何緣得此頃在仙邑袁令處獲觀憲臺德音倦  
懷交盤一事關切懇摯感愧交集莫知所報現交盤  
已畢北歸有期始以匏繫之身無從負笈今以告病  
之員又艱請益南車伊始邇離思潏洏計惟歸家山居  
益自謹飭從故紙堆中討生活決不敢閒放自適爲  
聖世自暴自棄之濫民以負憲臺玉成教誨之至

意也茲郡爲徽國鄒魯之鄉名賢輩出憲臺篋中如  
有理學要書爲北方所罕有者望酌賜之職臨稟不

史復齋文集

卷之二

三

勝仰止切慕之至

答同年黃進士書 諱福福建惠安人

捧讀年臺手教義理正大規諭懇切忠告善道令人  
想見古人交情曷勝忻感出處一節昔人比之溫飽  
寒煖未易明言來教云去就之間宜準於義列當去  
者四項其中才不堪任身且重病兩條正與弟合謹  
錄稟稿詳稿附閱亦可見弟決去之義矣外書兩冊  
呈覽餘不悉

附黃進士書

恭惟老年臺嵩華嶽立涇渭水分以西都領袖爲仙

邑冕旒固已蒼生盡沾霖雨士類皆被陽春矣弟侍  
附驥尾得免登科厚顏之耻客歲新任公務叢集兼  
弟在制未能掘衣迨後拜望台顏冰壺玉尺慈日惠  
雲真令人片辭莫贊也所不能無疑者近日出處一  
節耳蓋聞年臺以足疾告假病已暫痊世兄自北來  
以解組勸年臺決意拂衣去矣噫是豈當事而避難  
哉毋亦矜名而厲節耳先輩曾有云居位者貪戀官  
職固無齒矣卽高言氣節亦當細爲取裁若但以子  
子爲心自謂能打破利名關究其所爲氣者客氣所  
爲節者矯節也夫士人出處止有義而已義可去則

史復齋文集

卷之二

西

去可留則留或義在可以去可以無去之間則當權  
其輕重以處之此義平正縝密豈容一毫意氣參哉  
故年臺今日之去似屬無因夫吾之事有所受之也  
得罪於吾君當去上人掣肘使不得爲所當爲則去  
或才不堪其任當去不然而身且重病不能舉其官  
矣亦去年臺數者未有處也惟足疾一併可辭耳然  
聞疾已稍痊且年力精壯醫治無難竟以倖倖面目  
對一邑士民將未免當事避難矜厲名節之太過不  
然前年謁選時曾病足京師既受事一出乃不能一  
歲而歸前何所聞而來今何所以而去此特空中橫

發一個意見恐於義無取也此段議論敝鄉先正所  
以箴其友者望年臺熟思之迴念曩日造拜年臺摯  
肺腑以示曰余每事常懷內愧夫心中常存愧之一  
字則學問事業皆出真誠操此以驗時人不惟存之  
心者少此一字並發之口者亦不肯出此一言也今  
日得之年台則平日之立心制行可想私心耿耿不  
忘而以大有爲望也所願養精神親藥石待平復以  
蒞事至簿書聽斷之間能時懷愧心何患民瘼有不  
悉哉況三年兄及世兄又帮理有安人乎世兄未及  
謀面然近傳發賣倉穀時民有借甲牌以買者年臺

史復齋文集

卷之二

五

責之板世兄力爭於後夫假冒甲牌而責之者法也  
民貧借牌以買穀欲勿責者潤澤於法之中也此亦  
足以窺見世兄一斑矣敢抒所聞一得之見自廁狂  
夫伏祈電照並候興居

寄學博王季館書

前聞玉體性暑差人趨海東兄俱來天佑吉人可卜  
卽愈胸懷寬靜勉強加殮養病良法長者自知之無  
容遠人過囑但弟所望於先生者以速歸爲得耳年  
來亦頻言歸於今未果未免猶涉牽滯古人云在我  
者可爲卽爲更勿思前想後歸去爲初念轉第二念

即不得歸矣聞彼處有未了債物理人情炤然足照  
恐未可以暫不歸者幹當此事澄源玉堂金馬之器  
張大家門無疑也特欠工夫先生何不速歸令其埋  
頭遜志於書冊中顧久居外以彼易此哉弟受先生  
知特深懷思極苦道義相勗不敢作世俗躲閃語行  
將掃榻雲臺取玉泉水洗盞煮茗以待歸客之至伏  
惟亮之

史復齋文集

卷之二

六



史復齋文集卷之三

男猶龍敬輯

三則求士

學

理學

博學

時藝

古作

行

敦倫 如孝友等類

史復齋文集

卷之三

一

操守 如不安交不干謁不苟取與之類

忍讓 如待物平恕不與人爭競不入公衙致  
利物 如樂善好義積而能散急人災患惠及  
困窮

才

識 遇事看得透脫到底

能 或能任一事如六藝中項目如蘇胡學治  
兵治水等類又如今詞六科中做得一事  
詳明無弊俱謂之能

右具項目仙邑紳士內量多其人祈高明另紙  
列名填註使愚有所矜式焉

橫渠書院學規

一謹容儀

衣冠必整容貌必莊步立坐止必端正

一潔居處

灑掃居室拂拭几案常令潔淨文字筆硯與諸器具各整齊頓放牆壁及土塵中不可拋落字紙窻壁几案文字間不可書字

一專心志

晝坐惜陰夜坐惜燈毋羣居聚談毋遇客久留毋日高不起毋白晝打眠毋管人閑事壞品妨業大累心體

史復齋文集

卷之三

二

一慎語言

毋高聲喧嘩毋浮言戲笑毋說閑話毋談人短

一崇遜讓

講課坐次俱以齒序語言步趨毋先長者英妙能文愈應抑畏不得妄自傲慢目無老成有乖遠到一嚴出入

非有正幹不得輒出院門歸家必告假註冊毋踐非禮之地毋站立衙前

橫渠書院策問四目

問孔子云吾十有五而志於學又曰志於道程子曰

言學以道爲志言人以聖爲志是立志爲聖學第一義大學舉八條目則從格致起頭其故何與朱子以貪利祿而不貪道義要作貴人而不要作好人皆歸咎於志不立直須反覆思量究見病痛起處此病之根果因何起又何能一躍躍出可詳舉其說與論語言求仁從富貴貧賤說起末章言知命方可爲君子其與立志之說同乎否乎抑有可互相發明者乎多士讀書體行析剖邪正之界講究義利之分素矣其各著於篇云

史復齋文集

卷之三

三

問文以明道也今制藝之文果有益於道與虞書載敷奏以言制科取士亦敷奏之意由此進身者其賢否不同何耶朱子言宋之銓法爲挨排法科舉爲信采法今國家選士與朱子所言其異同可判與胡文敬謂今之科舉非徒不能得賢反廢人進修之寔果篤論與程伯子朱紫陽皆由科第出又何說焉易曰修詞立其誠古者鄉舉里選詳於周禮實與之典今依其法果可得真才與養士選舉之法諸子必素究其說矣其悉言之

問德行本也文藝末也人恒遺本務末何與制科取士大儒名公卿多出其中其德行文藝相兼之故可



得聞與今人開口談義理鮮有不知重行輕文者及觀其行事殊不然此病果從何起制藝闡明聖學有德者必有言文與行詎兩事耶今欲令習文藝者不專口說廸修厥德追古人而企及之果何道之從其入手門戶亦有可指陳者與諸生其各抒所見

問性命於天有善無惡孤子與告子明辨之又與公都子發明情與才之說爲萬世功端木氏謂性與天道不可得聞豈孔孤有二教與荀卿言性惡楊雄言善惡混韓子言性有三品其不識性之故可得言與且性既皆善又何以有生知上智中人下愚之分與

史復齋文集

卷之三

四

程子曰性卽理也堯舜至於塗人一也才稟於氣氣有清濁稟其清者爲賢稟其濁者爲愚與孟子才無不善之說何其異與程子又曰論性不論氣不論論氣不論性不明二之則不是旣云性與氣又云不可二義果何居其不備不明之故可指其是與張子曰形而後有形質之性善反之則天地之性見焉又何所分與朱子謂程子說才字較孤子爲密其說可得聞與諸子其備著於篇以觀性學之蘊

橫渠書院公諭

人才不興由教導失術昔人所憂多在門戶異同故

諄諄於朱陸薛王胡陳之辨予謂此爲有志於學者言之也朱子曰貪利祿而不貪道義要作貴人而不要作好人皆是有志不立之病學人不先立志如何商量入細舉業八股率習成口語無益實用宜合文章道義爲一途庶不失制科本義爰拾先儒論議不矯於今不戾乎古者抄錄如左以與諸同志共勉之程子曰天下英才不爲少矣特以道學不明故不得有所成就

又曰大凡儒者未敢望深造於道且只得所存正分別善惡知廉耻如此等多亦須漸好

史復齋文集

卷之三

五

又曰人多說某不教人習舉業某何嘗不教人習舉業也人若不習舉業而望及第却是責天理而不脩人事但舉業旣可以及第卽已若更去上面盡力求必得之道是惑也

朱子曰學校固不免爲舉業然亦須告以聖學門庭令士子畧知脩己治人之實庶幾於中或有興起作將來種子

又曰今日後生輩以科舉爲急不暇聽人說好話此是大病須先與說破此病令其安心俟命然後可教告以收拾身心討論義理次第當有長進耳

呂東萊先生曰科舉之習於成已成物誠無益但徒在金華兀然獨學無與講論切磋者閭巷士子捨舉業則望風自絕彼此無緣相接故開舉業一路以致其來却就其間擇質美者告語之近亦多向此者矣

黃勉齋先生曰應舉工夫不可不勉得失窮通則勿以累其胸次爲佳不然則與庸人何異哉人家之興替人事之亨否固有定命也

王陽明先生語門人曰家貧親老豈可不求祿仕求祿仕而不工舉業却是不盡人事而徒責天命無

史復齋文集

卷之三

六

是理也但能立志堅定隨事盡道不以得失動念則雖勉習舉業亦自無妨聖賢之學若是原無求爲聖賢之志雖不業舉日談道德亦只成就得務外好高之病而已此昔人所以有不患妨功惟患奪志之說也

雲臺觀書舍公諭

讀書以明道修身也今惟作八股計取青紫失其旨矣予前後授徒亦夥紳士中不乏其人求其拔出流俗慨然向上者未之見間有二三氣質好者神氣疎遠與初不相似至辱身賤行貪利忘義放肆無忌之

徒近亦稍露情狀予惟言教者訟不欲多口詎情於心勿謂不能鑒汝曹肺肝也雖然俗之敝久矣師不能以正學訓其徒父兄日以俗事策其子弟而滔滔者又復以利欲引之榮華誇之飢寒困苦喝恐之非稟賦過人幾何不趨乃下流也又安得徒咎吾小子哉邵康節先生曰上品之人不教而善中品之人教而後善下品之人教亦不善予終不忍以下品待吾徒也小學一書乃作人根基許文正公信之如神明敬之如父母教人無大小皆自小學入諸子宜敬讀此書日了數段質其疑義寔力體行可以養其良知

史復齋文集

卷之三

七

良能庶幾根培而枝茂所深望也否則不式古訓不說正道而徒以八股之故往來予側其待我已薄而自待亦復不厚異日卽歷通顯亦與所言辱身賤行者等耳小貴則小辱大貴則大辱污正人君子耳目虧祖宗父母形質不忠於朝不良於野亦安用此等人爲乎嗚呼汝曹以予言爲迂腐予悲汝曹毫無知識操莽檜蒿大貴人也愚夫孺子皆醜焉不德故也富貴在天人力莫致有費盡經營終身不得者有旋得卽失者有賈大禍者有身富貴子孫不肖卽窮餓者有日負豪華而正人清士以接遇爲汚者富貴果

足章人耶小子何不大放眼睚展開識量掃浮雲而  
觀青天爲磊磊落落一男子耶

諭子書

庚申謁銓囑子書

爲官不透底澄清義利夾雜顧此慮彼卒必流於小  
人之歸我必不爲作清官於養廉外分毫不可取衙  
中除幕客脩金諸辦事人工食外所留至少我總要  
儉之至儉一年所用不使稍溢所留之外爾家中宜  
悉體我苦 我平日居家時有侈費處乃安常處順  
心無所懼而然居官則大有關係一拖累則補救無  
史復齋文集 卷之三 八

方勢必畏上虐下百弊叢生予蓋不得不儉不敢不  
儉也爾在家要仔細勤儉要知我居官不能助爾一  
文宜自求過日子予設科雲臺時脩儀可以養家居  
官反不能養家所得止可備衙中費耳家中不可生  
一毫妄想 今負債約四百金應令清高人作笑柄  
我非萬不得已決不行借貸家中宜痛自減損不可  
起借貸之想 銓官後報房到家畧與酒食錢即迫  
令起身我不以官爲利豈有餘錢及他凡事要俗人  
說妥當將來弊不可支矣歷觀古今正人舉動多不  
合時宜我自順吾正而已 讀書不可時刻闕功教

學生不可頃刻放寬誤人子弟與壞人家產同罪其  
孽必自受之此事我歷歷看見宜深凜鑒 親友有  
往還事可令小僕送禮去留得工夫讀書課徒親友  
知我如此命汝亦不汝罪不然日事奔走自誤誤人  
患將滋大如有必宜自往者更酌之 事你母親要  
和順不可自說我心無他容貌語言可任意也 後  
日家眷上任時行李須要清簡費用須要儉約決不  
可有官氣上任時如少盤費或當數畝地亦可不得  
更向人開口令一樹上取兩層皮生人厭惡也 農  
事要緊須本身常學勤勞不可有公子氣我作官之  
史復齋文集 卷之三 九

辛酉都中發

三月二十五掣籤得福建興化府仙遊縣茲行也觀  
山水秀美覽東南諸名勝之地訪李延平朱文公故  
居並先後各名賢遺址書籍宦遊卽壯遊矣存心利  
物可行則行倦飛而還一官能羈我哉 功名是各  
自頭上的六弟與猶龍科舉要緊作文警策而不冗  
長便好氣却不可促迫此時風氣體裁畧倣成弘命  
意措詞仍要有啟楨辣氣諸子中科舉會試者並藏

之

二

專向義好做專向利亦好做惟要做好事又欲取無  
得常規銀錢義利夾雜便做不得近日畧知仙遊寔  
際極有陋弊可得錢若我爲之止有八百養廉耳其  
餘於義於心俱未安 前見關化龍字情詞愴然令  
我心動繼見楊象九字情意真懇數閱之不覺惻然  
自此相隔在六千里外憶與諸生雲臺寤談時不禁  
神志悽動但諸子能遵我囑語守正不失則我之教  
行矣豈以離別間哉我生平宦情如寄得行其志只  
史復齋文集卷之三 十一

辛酉仙遊發

平昔知得行其志爲難今愈知之平昔知做官難今  
深知之惟傷於虎者真知虎之可畏也亢則取禍卑  
則取辱欲丟去二者只有歸去爲得耳 爾在家宜  
靜讀書以舌耕爲生活勿以一官暗作意外指望也  
仙遊地本富庶爲閩中美缺我爲之止見其民情刁  
野不可以義理化誨不義之富於我何與取者少與  
之數勢有不得却處所入不償所出久居其地必致

虧累不如早歸爲得出處去就士人立身大節我必  
不肯苟同流俗以貽爾後人羞爾其放心

二

十一月初一報到陝西題名錄知爾得中足慰遠人  
愁思尤宜鼓勇一捷以結此局到京要靜養精神以  
蓄思深力厚之氣聚天下英才相角必有出色處方  
好 行其志決不能貪利又不肯曲媚人又不肯我  
意欲告病歸家如有此報爾亦不必操心從來歸去  
未有不以病爲言者也

三

史復齋文集卷之三

十二

警策奇拔乃制藝勝境詞語要典博勿涉空疎氣局  
要莊鍊勿涉冗嫩鬆散須未進場之先胸中擬一樣  
式或單題長題幾截題幾扇題雖不能擬定我心  
自有幾個定局入場時定要依我心中不亂此謂以  
我制題題不能制我

諭子十則

官無崇卑盡職爲難今爾任富平教諭予懼無所持  
循荒廢厥職因約十則示之母謂卑近循之而上爲  
忠臣孝子可也否則陽遵陰違有初鮮終不惟上負  
國恩亦重拂爾父志勉旃勉旃乙丑秋日示

潔肅聖廟

門須常鎖閑雜人等不得入 殿宇常洒掃神龕香案常拭拂臺階院落茅草常剪除 大風雨須入廟審視 今佛寺中有一勤謹和尚寺內必潔淨學官守至聖宮牆顧不如寺僧耶

慎重祭祀

祭品要精潔祭器桌案要乾淨 器皿有不具者設法購買不可臨時借貸苟且 祭肉祭酒應頒送處與自己應得外盡數分散諸生不可留餘以爲常日之費 祭有額定銀兩尋照原數用盡有舊規供應

史復齋文集

卷之三

三

清潔立身

凡學中一切禮節送者受不送者勿討送柴米醯菜等物者受在學外者酌受 真心請益備弟子修儀者受初入學以修儀自來者受 無故送厚禮者勿受 有事以賄來者分文不可受過惡小者教誨之責之大者照法治之此亦整學校之一端也願請罰者勿聽 書辦門斗有以訟事指官騙錢者得其狀

治以其法而革除之 或堂批或詰告有關倫常學校者理夾雜他事者勿理 凡訟事不得罰人若不得已而罰須安頓妥當勿絲毫粘手 以上所列條件卽窮餓欲倒亦不得犯偶決其藩卽不可收拾流於小人之歸矣戒之戒之

謙厚待人

事長官要恭謹接同儕要謙和遜讓 做清官是本分不可因此長傲勝氣凌人世有一種人每日我不要錢何懼於人此言最少涵養招是惹非 與長官言我直彼曲只平心靜氣令其理明委曲濟事爲得

史復齋文集

卷之三

三

不可忿怒相爭 紳宦中賢德者親厚之心伎多事者禮貌之勿隨勿忤 庠中老者加尊禮壯者幼者勿慢有請卽見勿自尊大 有好事相求者既許必誠心濟之 待人要有一段真意關切勿作套頭應故事 謙要真謙勿在聲音笑貌上做工夫

訓課諸生

每月立期課文第其甲乙於聖賢正學尤須懇切訓導擇其氣質好有向上之志者或另立一講期如前賢會講之制隨時酌行可也 有孝義之行與凡立品不苟者極力推獎以成其美 作記善簿亦好

素行不善者須詳細訓誨勿便拒絕勿對眾詈辱  
凡出入公衙好訟多事者須嚴戒之 諸生觸當事  
怒者決不可行笞縣堂果寔有可惡處領於明倫堂  
重責以懲其後勿作故事

### 親近正人

凡縣內義行君子須徐徐細詢得其寔即誠心尊禮  
長者敬如師長等者親如弟兄幼者愛如子弟 不  
可誤認人 直言逆我者多正人甘言順我者多小  
人以道義扶勸者必正人以財利慫恿者必小人

### 自奉簡約

史復齋文集 卷之三 四  
汝自能儉無煩吾囑然恐時啟侈心亦須常自檢點  
不可有鄙吝氣不可有窮酸氣 飲食不必好總要  
足衣服不必好總要完潔 量入爲出要在數內勿  
在數外

### 御下寬和

衙役役者勿授以事作小弊者小事授大事勿授決  
不可用者去之 待家僮氣色要和飲食要均衣服  
要蔽體寢處去所要過月淵明日此亦人子也言宜  
服膺 前人云人能於奴僕處不任情發怒則德量  
進矣

### 細密

凡禮節應酬須周詳不可厭煩不可疎懶此雖官套  
然來而不往非禮也 凡文移簿書詞狀往來書札  
簡帖之類須字字看個清楚不可輕忽慢易 課文  
批評須慎細勿錯誤勿寫別字寧遲發一二日不妨  
常存細密意思 愈忙愈要細密

### 忍耐

遇極不得意事接極不得意人心下勿急躁勿發暴  
怒徐徐照道理上料理去省得許多事 呂東萊曰  
忍之一字衆妙之門當官處事尤是先務書曰必有

史復齋文集 卷之三

五

忍其乃有濟諺云忍事敵災星少陵詩云忍過事堪  
喜此皆切於事理爲世大法又曰一行作吏豈得盡  
如人意惟耐事忍煩爲佳耳又曰當官者先以暴怒  
爲戒事有不可當詳處之必無不中先輩嘗言凡事  
只怕待待者詳處之謂也蓋詳處之則思慮自出人  
不能中傷也愚惟東萊初聞大是有性氣人故鑒鑒  
言之如此 朱子曰事正有不當耐者豈可全學耐  
事全學耐事其弊必至於苟賤不廉此與呂說正互  
相發明按耐事而終不失其正乃好若至苟賤不廉  
決不可蓋耐事者欲委曲以全吾正也若在我者詳

處之法已盡終不能全吾正則亦終不可耐矣此在臨事自審處耳

乙丑橫渠書院發

得憑後即赴三原爲正理家事統於有尊我到家告主前不必爾且既受職私情固不得伸也 費用差遠能不狠狠否儉而不困可也 與同寅宜謙遜決不可露圭角爲衆所厭惡氣象言語勿自矜異 十則常放在眼前體行門第要緊素風清操宜持守勿墮此卽所以孝也

二

史復齋文集

卷之三

去

定要做清官 宜儉而無俗態 我所言十則今同人盡知其事宜勉力遵行不可有一毫自暴棄之意我如今極憂慮事惟恐你做官有不好處所極快活事愛聽你做官有好聲口 宜養我志勿養我體况咱家田地自足養我何待竭窮秀才脂血養我乎 做好官便是好兒子我便視你爲孝子 一切儀節不惟不可討胸中並不可有意外偶來之想恐糾擾了念頭便踟躕不濶大 理學書要常在心目上過做人便自會長進此爾在外第一義也 做清官衙役最不喜於閒時以和顏溫語訓誨使之畧知理義

良心蓋彼既不得錢不可又臨以厲氣

三

聞交代因數冊書缺少至今文書未出此不審大小之分或着伊僱人寫補或官僱人寫補否則獨任緩緩補足亦可不得太執固州縣交代尙怕有刻薄名聲學內有何重大事致不爲同寅所喜也卽刻結局天下事一喫虧爲之何不可了 文書出遲與例便不合與人便者與已亦便與人不便者與已亦不便此二語須常念之

富平學署書

史復齋文集

卷之三

去

不受錢易不愛錢難爾父平生着力把持不肯苟得然不敢以真不愛錢自許也今以此四字勗吾兒果能真不愛錢則矣過乃父固深樂之否則亦勉強把持不過如爾父今日之造就而已嗚呼爾父明日卽五十矣幼壯罕有指授故止如此吾兒明年方三十一歲不能壁立千仞以第一流自期暴棄何疑父子同體爾愚我亦愚爾賢我亦賢其喫苦向前光我門庭勿以一得自足也乙丑除夕書

丁卯家中發

與某人事我行路兩日胸中穢而不快忽想古賢處

此何若孟子三自反顏子犯而不校不勝慚愧羞慙  
亭生平遇不肖人始甚忿恨隨即消釋皆由轉念能  
處分得也汝其體之 過情足以招辱止乎義理而  
已 與同寅不善亦足損聲名

二

近日又悟得一二分理路不慈當與不孝同科我若  
以窮苦迫爾卽不慈你在外只可辦你事全勿計家  
纔是如自然有餘力可也倘因我而敗清操是重予  
之不德何以爲我何以爲爾況我豈匏瓜在家全無  
一點運用乎總之養體不如養志使我心有所不可  
史復齋文集 卷之三 六  
沒滅之樂未必非養疾之一助云

三

雷厲風行非教官事近聞爾於有過諸生多出粗語  
大失學者氣度宜力改之謙之一字六爻皆吉傲之  
一字此丹朱與象之爲千古惡也學問不日進則日  
退邇來自勘果何如我日爲病所苦理宜遣爾歸回  
今不遽如此者以地近且欲令爾修職業耳若或做  
出不合事體便負我苦心體之體之

四

近日全不進飲食手足發腫夜臥反亂痰喘而氣促

造物困人真不能支矣見字可將你家眷先行歸家  
你三月終四月初須告歸嗚呼人生無不死之理修  
短乃一定之數世事鮮克如意人心罕能滿願大開  
眼孔往往如是惟有順理安命隨遇處置不失儒者  
家風乃爲得耳吾兒其勿躁

史復齋文集

卷之三

九



史復齋文集卷之四

男猶龍敬輯

語錄

孔子首章說學便說時習或作或輟豈能有成

時習要持敬工夫為主  
時習則不止於能存其心然未有心不存而能時習者

曾子曰有三省南容三復白圭大賢輩尚時刻把持  
我等日間獨可悠悠放倒平宜思己身病之重大與其易犯者是何事放在心頭常常自省如三省三復

史復齋文集卷之四

等用功不患不上達去

尋孔顏樂處尋字要體貼是尋其樂在何事因甚有此樂非只令空空尋樂也

恭與媚不同儉與吝不同中有慎獨學問

常照看此心

心要對得鬼神

能聽逆耳之言其德必進

不以流俗毀譽為憂喜方能自立

勿談人短

凡事只可反己不可責人

世間好人少者多由不能安貧可見安貧卽入道初一階級

事到面前須思其合義否合則爲否則斷然止之

遇不如意之事勿心下急躁宜徐徐審量照道理上料理去

事事要責難於已寧喫苦勞勿消其初發之善心

休說閑話閑話多喪德損氣

去惡要猛才覺得更勿思前想後卽便斬斷

力量小念慮應接間有愧於心者不可勝數然亦只

宜耐心克治勿自隳其志

史復齋文集卷之四

右五條是從己身察出書以警目距今七年有餘

返己內驗不能體行有終因敘始末書之以爲予

暴棄之戒時年三十有九

吉凶禍福皆天所命然有義理之命有氣數之命惠

迪吉從逆凶此義理之命也顏子早夭盜跖壽終此

氣數之命也體盡義理亦可轉得氣數百不能轉者

是氣運值其艱否之極孔孟不遇於時諸葛孔明岳

武穆不能恢復中原皆是如此然聖賢行所當行不

逆料其氣數之艱而輒止之故曰行法俟命

義理之命每不勝氣數之命亦是天道如此所謂吉

居其一凶悔吝居其三也此中須大力人擎持

天無心而成化看作有意便不是人每言天生諸葛孔明岳武穆於衰亂之時便當使成就其功名既不能成就其功名何故又生他出來不知天未嘗有意生出這等人亦未嘗有意屈抑這等人天氣有清濁衰亂之世濁氣用事然清氣亦不能盡泯沒故有生出幾個正人到底清氣薄弱終勝濁氣不過故終不能成就其事此皆氣數使然看做天之有意便不是性出於天然有義理之性有氣質之性故人有知愚之分命出於天然有義理之命有氣數之命故禍福

史復齋文集

卷之四

三

容有相反之時

從古取士之法不一然皆有弊中庸云取人以身此爲至論

胡文敬云今之科舉全無用處夫自宋明以來制科中好人不多然皆信采入彀非以其爲好人取之信乎科舉之爲無用也

胡文敬曰漢取士猶近古用孝廉科賢良方正科是尙德行用茂才科經義科是兼才學可見學須是經義後世舉博學鴻儒只以善詩賦工詞章之人應之失之矣

存心要光明正大若事合義理內存利己之心便不可此不須易其所行史豈責心使胸中無所爲而爲之方是

清操不能如嚴子陵陶靖節忠鯁不能如文信國楊椒山是做人根基尚未立得定遇事却要討取一條中道去做未能立而求權竊恐流爲小人之中庸而歸於無忌憚也

惟剛足以任道做人須從剛方邊立腳根若有意求合時俗便無上達之基

易以陽剛爲君子孔門傳道亦只是剛顏子克己復

史復齋文集

卷之四

四

禮是真剛者曾子得正而斃是何等剛氣子思言偃去君誰與守及大馬畜偃之語皆可見其剛孟子泰山巖巖氣象亦是剛程朱不久立於朝進退絲毫不苟皆是剛學者須是有剛氣方能自立

夢中有不合道理事皆是日間有些根子不可以其夢中寬之

仁是生之理具於心心存則仁存

做當今一個好人須是壁立千仞此言常常存於心若爲俗下牽引焉得長進

人不可求安逸欲逸便是私心

人貴喜聞過

爲己是存心根源主敬是存心工夫

人身具理氣理附於心氣充乎體人心又自兼理氣中所蘊是理其運用處是氣善念是氣動而理具惡念純是氣邊用事

文敬舉敬有四種畏慎是心不放整頓是身不惰卓然精明是不昏昧湛然純一是不紛雜合觀之敬之義備矣

學者多怕主敬以其拘束不適不知整齊嚴肅能養得精神起錄云莊敬是保養身心的工夫良然

史復齋文集

卷之四

五

錄中講敬源流本末無不的寔完密真入聖津梁

格致是大學起初用功處前面却更有一層工夫曰立志格致功到志亦愈定愈正

念念在此而爲之不厭方謂之志

常養仁心

有一念之刻非寬有一行之詭非正有一物之欲非廉有一意之傲非謙有一事之華非儉

非禮勿聽可以養聰

曾子傳聖人之道以忠恕明一貫教人極切實有用功處

天氣清和嵐光竹影交映胸中豁豁無一事山居如此境亦最難

門道地有仄凹者步履不能端穩取土覆之日來經過其處坦平自適

凡事難處只在起初一着治天下初着只要擇相得賢相天下不足治矣然擇相最是第一難事

中庸云取人以身身修則自能知人理不可言無言空

儒者存心是活法釋氏存心是死法

德禮是二帝三王之治政刑如管子治齊漢唐宋明

史復齋文集

卷之四

六

諸賢君皆是德禮不足法制脩明亦可太平一時降此則廢弛逸樂禍患敗亡立至矣治天下如此治家亦然脩身爲齊家之本自己孝弟感化家人又於內外長幼祭祀冠婚一依於禮是卽所謂道德齊禮也家其有不齊者乎下此者明一家之政內者治內外者治外耕者耕讀者讀凡應酬費用衣服飲食皆均平有法度子弟僕役不遵者家長責管之如此治家自無窮急苦愁之患若安逸侈奢家中大小諸務散亂無紀雖萬金之產不日而盡矣

三代後號治平者純任政刑其中賢者亦或偶具德

禮義意此是天命之性不沒處

玉臺翁云子美詩之聖堯夫更別傳夫詩以道性情堯夫自寫性情得詩之本義謂之別傳可乎

邵陵簡夫子德量和粹遇子有過失特以冷語冰之家庭雍和有不貴善遺風王季翁負性溫良居平鮮有怒氣加其子侄家人悉稱為佛余惟溫顏化誨可行於中人不可施於下愚無所畏而為善不數數也家內有嚴君此意最足予父事簡夫子兄事王季翁常欲竊其和氣以消忿厲至教子一事不敢奉為程式焉

史復齋文集

卷之四

七

曾子能養父志後來曾元養曾子問有餘曰亡矣當時何不聞曾子責之以已之事父之道耶可見聖賢於盡已處無所不用其極至與人不求備雖父子之間亦然

王山史先生常自言予性急而心雜以尹和靖虛閑二字為箴予聞山翁後來養得閒適溫和暑月整衣冠不汗體性氣全釋先輩之好學如是

薛敬軒曰吾奮然欲造其極而未能得非舊習有未去乎又云舊習最害事吾欲進彼則止吾之進吾欲新彼則汨吾之新甚可惡當剷絕之余因念已舊習

最甚者無如安逸因循乍作乍止今四十二矣將何以贖之

予第後或勸學詩曰無此工夫然則看吏治書乎曰亦無此工夫其人愕然予惟自幼授讀弱冠入庠廿四中鄉試彼時只以讀書為取科第耳廿六歲肄業雲臺觀挾復齋錄看之始有醒悟後搜求近思錄朱子等書並及讀書錄居業錄讀之因知讀書學為聖賢全我所賦之理科舉之學方才看得輕然每遇會試期邇依舊分些工夫做他雖其中有難已處亦由自己利名心未能斷絕也今春第廷試列二甲眾同

史復齋文集

卷之四

八

人皆欲予求保舉有詞林主政之望予念十數年來工夫作輟毫無成立然大閑決不可破進身之始即事干求將來居官必至決裂無所不為遂不敢輕動抵家會書居於雲臺胸中寔懷隱憂蓋輪却這邊工夫混同枉過一生草木同腐誠不甘心但年已四旬兼之多病此間又無師友講明鼓勵不無扞格難成之患然朱子云二十歲覺悟便從二十歲做起三十歲覺悟便從三十歲做起即至八九十歲覺悟亦須據現在剷定脚跟做起人生自幼至老無不可學之時因舉一絕曰四十用功功已遲此時不用更何時

漫言老大事難濟辦取朝聞夕死之

孟子莫非命也章分別出個正命非正命命字之說方盡今人不知慎重此身凡足以戕生之事悉爲之曰死生有命由不知有非正命一條

正命命字是有定的如死生遲速皆有定數是也非正命命字是無定的如人宜活至八九十歲而自戕其生則亦夭折

不應夭折而夭折者是正命所謂莫之致而致者顏子早死自是正命

顏子安食是順受其正賜不受命是不肯順受故讓

史復齋文集

卷之四

九

顏子然有賜之才方能不受命否則終局於命

順受內有脩身功夫今人於諸事不勤苦勉勵而動云聽命直是自誤

佛氏以淨智圓妙空虛知覺爲至境不知滅去人倫其所知覺果何用也

困知記中闢禪語極的當能抉其所以然

禪家認心爲性故空明淨智儘有圓通之妙而不知

至中至精之理故歸於冥行妄作大乖人倫王伯安古本大學禍後世不淺真聖門罪人

橫渠言男女從幼便驕惰壞了細忖自己一生病痛

總不出驕惰二字

親與子本同體於其親有物我便不肯屈下許多不孝處皆從此出

怨天尤人病痛宜時時自勘如云命不好氣運不好之類皆是怨天如云人負我人不知我與凡有責求於人之事皆是尤人順義安命則不怨天攻其惡無攻人之惡則可以不尤人

孔子說不怨不尤卽說下學上達非寔有脩己之功如何能不怨尤

子路慍見便是怨尤

史復齋文集

卷之四

十

羅一峰與陳直大書云伯恭居喪授徒子靜極以爲非今日使子靜在恐亦不敢以爲非也稼書云一峰言不敢以爲非者想指爲貧之故不得已而然者愚謂非授徒真不能自活姑爲之可也否則當以陸子之言爲是

論語首章朱註人性皆善明善復初等語指明學字實地

學字訓以效先覺之所爲此是循途守轍踐舊迹之說後人真有志於學從事小學灑掃應對等項大學八條目規模次序乃是效先覺之所爲

不效先覺所爲則師心自用走入異路陸王白沙之失只是差看此學字末節提明學之正三字最是用意處

不愠是不怨不尤境界用舍行藏分量故曰成德三代以後儒者除程朱諸人外難打得破一愠字

愠字若看做名譽路上人焉得有前兩節境地此亦從天命人心起見若孟子謂吾何爲不豫哉便是不愠

魯論首言時習今之時習者果有人乎

顏子不惰曾子三省皆是時習

史復齋文集

卷之四

十一

孝弟生於性中之仁故行仁自孝弟始

鄉里有一橫暴人詢其處家定不孝弟有一慈祥循理人定善於父子兄弟之間

和順二字道得孝弟人性情出

人家子弟有知識只教以孝弟後便好今人於畧有知識之時便語以世務俗情等事甚或有以專利趨勢之術秘授之者後來於人如何得不乖戾至有父子兄弟間相仇視者總因始初不教以孝弟

孝弟是人家至寶如是則昌不如是則敗

愛親者不敢惡於人敬親者不敢慢於人不但天子

之孝如是此理可通人人於人不敢惡慢亦自有幾般道理孝弟則心和順故無惡人慢人之事惡於人慢於人人或不受致起爭隙令我父母喫惱有乖愛敬之理論其至直從乾父坤母民胞物與大源頭來人以形生生我者爲父母然亦乘天地陰陽之氣以生故天地爲衆人共公父母天地當孝與父母當孝是一般知孝父母道理自知孝天地道理知孝天地道理凡天地所生衆人與我爲同胞豈容不保持愛護故親親仁民愛物自是一串事

巧言令色是色取仁一輩世俗亦多稱說他是仁者

史復齋文集

卷之四

十二

故夫子以鮮仁斷之

後世假道學多巧言令色者

致飾於外務以說人如見其肺肝然

曾子三省是時刻擔力

惟心不肯一刻放下故曰有三省

日省是誠身之學所以能日省由主敬來蓋心常存則能日省戰戰兢兢曾子是一生如此

不惰者顏子而外有曾子

曾子大勇人也

曾子能喫得苦

巧言章是專用心於外三省章是專用心於內記者其有意與

謹言最是難南容三復白圭是一生着力處

讀書錄說謹言處最密最詳

諾人一事雖微小宜盡其道

宜耐煩

當下事不可錯過

身在此而心在彼只是不敬

吾自盡吾心而已從否毀譽不計焉

論語說教人自弟子章始可見蒙養爲要

史復齋文集

卷之四

三

弟子章是一部小學綱領

禮之用貴從容不迫中有工夫在

今學者且從無諂無驕做工夫

子貢說無諂驕是真無諂驕今人亦說無諂驕却未必真能無得

朱子以默識心融解不違卽所謂默而識之者

所以所由所安亦可返觀自勘

程子上殿劄子前導以法古其要在先定其志擇善

固執是下手用功處後導以親賢是九經中首兩條

千古告君之言其要總不外此

尊師取士先看起來頭如何近侍賢儒各以類舉及執事悉心推訪此處不錯下面自會不錯矣然非人君有脩身工夫又焉能知近侍百執事之賢否與所擇之邪正乎故曰取人之則在脩身

乞留張載狀所關義理甚大與伊川不受他職同意

說選士先從擇師說起所謂師道立則善人多若不

立師而欲行選舉之政苟道也

十事劄子疏時弊處只舉其寔然不涉激昂得告君

體後儒不識此遂有以言獲過者

孟子云國君進賢不遽可左右大夫國人之言而必

史復齋文集

卷之四

十四

自察之竊疑此人既未見用與君濶遠何以察之讀

程子善賢疏方覺釋然所云公論推薦左右大夫國

人在其中矣不遽進以官蓋亦未可之意館之延英

試以政治典禮時賜召對正所以察之也察以累歲

然後使賢能任職大小各稱其宜此卽所謂見賢焉

然後用之者也

靜亦定是大本之中無所偏倚是也動亦定是中節

之和順物以應而心無與也

仁是性能行得仁的道理方是盡性性豈有內外哉

欲却外物以定性不幾流於寂滅者乎

喜怒不繫於物而繫於心是甚景象

遽忘其怒而觀理之是非此制怒要着

三年治功成大法定猶未遽能興禮樂也善人勝殘  
去殺只是風俗醇厚不用刑殺其視二年之成不可  
比擬若必世而仁則教化洽禮樂興更深於成矣

孔子立道綏動神不可測孟子云五年七年爲政於  
天下其事有可想者大約省刑罰薄稅歛行不違農  
事數項使民養生喪死無憾行尊賢使能數項以收  
天下四民之心至五年七年時分田制祿之法定庠  
序學校之制立即孔子所謂有成者矣

史復齋文集

卷之四

五

時勢易而德行速孟子五年七年之說久已算熟在  
胸中

不言人過最是厚道亦涵養性質之一法

我力未能制敵無遽以力敵之或用間或用奇兵或  
老其師或借勢於人高帝云鬪智不鬪力是也

不爐不弱以邵子超世之姿尙如此勤苦後人怠惰  
苟安而欲其學之成也難矣

講學而不強以語人最有趣味

功過式

惻隱

羞惡

恭敬

是非

誠

刻忍

貪污

驕情

昏昧

欺

日間以此十種定功過每察起念舉動合於惻隱  
等項屬功流於刻忍等項屬過○非心常在腔子  
裏便不能體認功過此窮理之學即存心主敬之  
學也

史復齋文集

卷之四

六



附刻

先公文林郎行述

先公姓史諱調字句五號復齋晚號雲臺山人先世居豫之南陽明初諱彥才者徙關中始爲華陰人越九世曾祖諱載言增廣生員妣雷氏祖諱標明崇禎庚辰進士順天武清令國朝鼎新杜門十九載詳陝西通誌崇祀鄉賢妣李氏繼王氏盧氏韓氏考諱克疑武清公季子賦性聰穎好讀書稍長多疾因精岐黃術名大著然不欲以醫名也嘗痛生未得侍父暨母沒貧不安窀穸南遊以營葬資宿病發晝夜視

史復齋行述

卷之四

七

於神曰令某歸家朝葬夕死無憾後果得回里躬親畚鍤哀勞病劇未踰年而卒邑侯簡霞山先生私謚曰孝穆妣陳氏繼孫氏孝穆公三子先公行二孫瑞人山幼多病性篤謹不好弄與兒童處衆皆嬉笑而公獨默坐衆亦莫敢侮者及授一事悉心理料必求有濟或誘以他端不奪也孝穆公喜語孫孺人曰異日大吾門者必此子也予病軀不及見成立汝躬辛苦毋使失學既而孝穆公棄世哀毀骨立就學同邑郭石臣先生載籍楮牘及賻修孫孺人易績以供初志舉子業潛心經史以培其根博涉古文大家以疏

其氣收有明以來諸名家討論源流以軌於式踰冠稱博士弟子員庚子舉於鄉霞山先生器之授王河濱集公悅然曰讀書非爲科名已也將以求其在我者遂搜近思錄二程文集及薛胡諸儒書讀之立志以聖賢爲師行已以廉耻爲本白衣冠居處之細及應事接物咸恭恪有法度居華山雲臺觀廿餘載依本分教人子弟四方從之遊者雲集公擇氣質尤純者語以聖賢之道舉古人行事使與已身體驗務切實功夫尤諄諄義利之辨爲學人第一關課文月凡六卷凡百日夜評閱無停刻盛夏不知汗流浹衣冬

史復齋行述

卷之四

六

夜漏四下學者皆倦而公衡量不止曰壞人子弟與破人家產同罪每閒步及靜坐時必思某生病在何處當讀何書誘掖裁抑盡化道之術一時登甲乙榜者十餘人拾青衿者不殫述其與人交一言之諾死生不易霞山先生卒於官以廉聞使其子南歸公泣而謀諸同人曰吾等職弟子而師不得葬乎募白金數百歸櫬楚之邵陵俾安葬焉少與郭右民王景鄰善郭卒以子托公繼若已出今補邑庠學生王卒會公南行擇賢友轉托其子躬行賁葬禮從孫述古幼失怙公教且撫方遊庠而天後數年復以其弟命

龍曰此曾王父一派零丁失依予憫焉汝善勗之其  
他恤親舊周孤寡鄉里親串到今稱之居母喪盡哀  
盡禮欲爲灰革北方少有行者遠搜書傳近馳水土  
細密堅固適合古制一切喪葬費獨力任之雖傾囊  
弗計適同室爭產訟於官公鬻地以賙而爭猶不息  
遂遷居小營屯避之處之晏如也事兄如嚴父諸所  
欲爲委曲相濟公所分得庄宅悉行推讓弟庠生誠  
繼伯嗣貧甚極力督課誨以孝敬俾得家庭雍睦父  
母昆弟臺無間言合邑公舉孝行皆公之力乾隆元  
年成進士殿試列二甲時有勸公求保舉者謂可得

史復齋行述 卷之四

九

詞林主政公慨然曰始進之日卽事干求將來居官  
決裂不可收拾矣弗爲之動崔虞村先生撫秦鳳重  
公學粹品端延掌關中書院會改撫楚公不苟留後  
當事復以禮延聘俱以病辭謁選得閩仙遊令適有  
仙邑望人寓於都虛心請益凡士庶枉直民間利弊  
備得其詳蒞仙設學行才三則取士因得交邑之正  
人君子其子然特立足不履公庭者從一奚奴式其  
瀛觀者不知爲邑宰也簿書稍暇卽與諸生講學論  
文戶外履常滿又思得人才莫先養人才養人才莫  
先立學校謀將庫內閑項二千兩建立書院獎勵本

邑徐紳捐地二百畝節年得租穀四百石作院內膏  
火詳請上官俱允其議告病時猶以功未竟爲念歲  
歉開倉糴穀慮遠近窮黎不能均沾分里分日分廠  
極力經畫晨出暮歸民皆稱便三月間闕地大旱步  
行數十里祈禱卽停征有以無綴征文書阻者不聽  
盜賊乘時肆行多方稽查懲以嚴法不少貸邑內產  
樟杉諸樹戰船所資中尺寸者遂標其木價值運費  
較民間僅二十之一吏胥藉船工名色恐嚇窮民莫  
敢誰何適有一大杉百姓搬運踰高山大川日用百  
人苦不能支公爲民請命事得中止雖被以阻撓之

史復齋行述 卷之四

十

名不顧也聽訟折獄悉心窮究惟恐下情不達骨肉  
相爭者諭以孝友紳衿則誨以道義講明正理不事  
笞杖人至有感激啼泣而去者至饋贈舊規絲毫不  
受蒞任甫十月決意告休士民懷思立石頌德哭而  
送於道者數百里家居未幾聘爲橫渠書院山長立  
學則數帙大要云人才不興由教導失術昔人所憂  
多在門戶異同故諄諄朱陸薛王陳胡之辨此爲有  
志於學者言之也朱子曰貪利祿而不貪道義要作  
貴人而不要作好人皆是有志不立之病學人不先  
立志如何任重致遠舉業忌落窠臼無益實用宜合

文章道義爲一途庶不失制科本義爰拾先儒論議  
不矯於今不戾於古者抄錄數則與諸生共勉之踰  
年以疾歸餘脩儀數十金或勸營產公曰祖宗無祠  
宇而爲身家謀心實不安出金付族人創建宗祠歲  
乙丑龍任富平教諭諭以十則事理平易切寔可爲  
教士官箴林下五載鍵關飭已適有以橫逆加者公  
曰孟子三自反最爲得力復棄小營屯遷居祖墳北  
其克已恕物如此病革題其銘曰願做好人一生行  
之不至願見好事子孫補之爲賢語畢而卒嗚呼先  
公以莊毅之資而充養於理學諸書用世難進易退

史復齋行述

卷之四

主

見利寧辭勿受智達事先趨避無迹而物不能危行  
期素位義命自安而境不能困德容可親威儀足畏  
屬在親友各有見聞龍不敢爲溢詞以誣親並以誣  
當世之賢人君子也平生著錄有志學要言從政名  
言二冊又鏡古編一冊語錄雜著間有存者龍將彙  
集付之梓人嗚呼痛哉公生於康熙三十六年三月  
二十日寅時卒於乾隆十二年四月十二日巳時享  
年五十有一晉贈文林郎元配王氏早公二十八年  
卒繼雷氏王氏俱早公卒晉贈孺人葬本縣西十里  
舖先塋之次以地勢之狹不容合葬也爲公卜兆於

本縣之西北七里許保德鄉附父母而葬焉又繼馬  
氏晉封孺人男一卽不肖龍也元配王孺人出乾隆  
辛酉舉人乙丑會試明通第一名歷富平神木二縣  
教諭秋滿遷陽武縣知縣娶王氏繼劉氏女一出聘  
潼關廳童生王 孫男一孚幼孫咬二長適本縣  
庠生楊伊徵餘俱幼今將營葬事謹述家世行業及  
歷官行事之大概以求誌於大君子焉乾隆十二年  
月日孤子猶龍泣血述

史復齋行述

卷之四

主

墓誌銘

君諱調字勻五號復齋別號雲臺山人先世由豫之南陽遷華陰遂爲華陰人祖標明崇禎庚辰進士順天武清令父克疑母陳氏孫氏君孫儒人出也生而篤謹少長肆力於學踰冠補博士弟子員庚子舉於鄉華陰令簡霞山深器之授以河濱王仲復集君恍然曰讀書非爲科名已也將以爲聖爲賢求其在我者遂屏居華麓之雲臺觀二十餘年潛心先儒語錄文集卽日用居處之細以及辭受取與咸嶽嶽有風節方是時三秦學者翕然而來君視其質之尤異者

史復齋墓誌

卷之四

三

語以聖賢之道尤諄諄義利之辨使默自驗於言行間其他學文者亦必導以程朱之理不苟爲炳炳烺烺煩蓋華陰自顧亭林王山史諸先達講學後興頑起懦未有如君者矣丙辰余分校禮闈鄰房江鶴亭先生得一佳卷示余詞有根柢光芒萬丈余極賞之爲同薦於總裁諸公榜發叩其姓名卽君也余之知君自此始越明年余奉命撫秦卽延君爲關中書院山長公餘談心又得洞悉其生平焉庚申君需次都門適余以言事解職君規之曰退休林泉此其時矣嗚呼舉世博縉紳之榮誰能高上其事而並以之勗

人者其視世俗之交相去爲何如也嗣是君授仙遊今興除多端悉中利弊顧蒞任十月決意請去或止之咎云出處一節皆人比之溫飽寒煖未易明言志不能行惟有勇退爲不失正耳清風亮節此尤表表者而余之抱愧於君不亦甚乎歸家設教橫渠書院五年而卒所著有志學要言從政名言鏡古編藏於家餘未付梓沒之時乾隆十二年四月十二日生於康熙三十六年三月二十日得年五十有一配王氏繼雷氏王氏俱先君卒又繼馬氏稱未亡人子一猶龍乾隆辛酉舉人富平教諭娶王氏繼劉氏女一未

史復齋墓誌

卷之四

三

字孫女二俱幼君之葬將以乾隆十三年十月二十七日附於其考妣之次前期猶龍持狀來求誌銘曰此先君之遺命也余不容辭銘曰白帝真原孰秉厥性史子鍾靈卓然自命學以爲己力追賢聖推己及人文不先行詭說者徒志道業敬作宰仙遊以德爲政十月而歸其施未竟納銘藏幽以俟餘慶

### 墓表

復齋先生既卒之明年爲乾隆戊辰將以是年十月念七日葬於其考妣塋側禮也前期蒲坡崔虞村夫子有書囑余爲文以表其墓先生固虞村夫子所賞拔者余義不當辭嗣君孝廉猶龍遣人持狀至狀甚悉并讀虞村夫子所撰墓誌於先生世行言之質而簡矣余復何言無已第卽余平日所聞見者識之俾後人知先生之足法是卽所以表先生也先生諱調字勻五復齋其號嘗設教於華麓雲臺觀故自號雲臺山人祖諱標明崇禎庚辰進士今武清父克疑以

### 史復齋墓表

#### 卷之四

重

隱德重於鄉先生由丙辰進士爲福建仙遊宰甫十月卽致仕歸林居五年而卒壽纔五十有一歲余初聞先生工於舉業習舉業者多負笈從先生遊以爲先生之學或猶夫人耳戊午春偶晤先生於青門容貌辭氣儼然有道者余又思先生之學殆不猶夫人之學也時虞村夫子巡撫陝西延先生掌教關中書院多士受裁成焉已而聞有短先生者曰過於自重又曰矯情曰好名余於是益慕先生之學真不猶夫人之學也其自重者殆以希賢爲己責也矯情者殆不欲苟同流俗也好名者殆疾沒世之不稱也嗚呼

求全之毀自古有然豈獨先生哉歲庚申余方在庶

常館先生謁銓至都會於虞村夫子寓齋從容對談余乃知先生有志正學素究宋元明諸儒之書體驗於身心而非區區以舉業之工自見者又何怪乎短之者之肆口也虞村夫子嘗謂余曰史君有勁骨有恒心足以羽翼關學蓋非阿好云聞先生之宰仙遊也十月內未嘗一日曠厥職仙遊人皆愛戴之先生度不能竟其志遂於急流中勇退當事聘爲臨潼橫渠書院山長其教人大約以存心立品爲重而又以辨義利爲第一端門人王生巡泰昔受業於先生爲

### 史復齋墓表

#### 卷之四

重

余述先生之教獨詳余與先生始終未通縞紵所聞見者如是先生所輯有志學要言從政名言鏡古編各一册念吾關中自南阿豐川兩先生沒後薪火岌岌不續余以庸儒之質問道無力安得同志如先生者起而與之講學以輔我而相勉於無盡哉雖然先生往矣先生之行亦足楷模儒林矣余固樂表之以爲後學法也武功西峰孫景烈頓首拜撰

祭文

維年月日富平閭邑紳士仇恠等謹致祭於復翁史老先生之靈前曰士有僻處一鄉囿於見聞而終身不遇良師友及傾蓋相逢切磋勸勉示我典型而旋合卽離竟至永訣者良可痛也伏惟老先生以名進士令閭仙遊閱十月告病歸或曰文章名士也知者曰其人端毅廉介居家不肯苟得居官不肯苟祿打破富貴關頭並打破功名關頭賢人也予素仰之每以不卽見其人爲恨乙丑冬長君友翁先生以明通例授頻陽教諭甫下車謀余新至聖廟接其議論手

史復齋祭文

卷之四

毛

采課試諄諄不倦尤以存心立品爲諸生第一義陋規習弊革除必盡其餘措置具見條理識者共嘆家學之有自矣聞長君之來富也先生手諭十則義理正大條目分明其序曰毋有初鮮終陽遵陰違循之而上爲忠臣孝子可也嗚呼先生可謂慈矣豈徒富邑多士之幸哉富與程子四箴共揭明倫堂爲司鐸官箴耳方今道學不明利祿是趨嘗有子弟年少聰敏競以富貴相期許幸而登一第獲一官視爲奇貨可居計算錙銖不遺餘力至廣文一席小有賄賂議者猶以寒毡寬之孰知爲教化之本風俗所自始哉

又孰知居官爲報國之資哉又孰知利祿之外有道學一脈爲慈父孝子相授受哉雖然以先生而與恒情較亦淺之乎窺先生矣言之爲世戒云爾亦以明吾之哭先生者非關二人之私情也先生就醫學暑時予任廟工相得僅數月耳談論如罄生平焉余以虛度長先生念餘歲方冀老休之軀天假以年借達者啓迪得附朝聞之列而先生竟一疾不起也耶嗚呼痛哉抑思之邇來世情澆漓人心偷薄當秉篆蒞政時穢聲遍草野一朝失勢凌侮立至至館地寂無人踪者往往而然也今先生往矣長君已卽事矣富

史復齋祭文

卷之四

毛

之人聞訃而哭憑几而弔以余最相契而屬之墨此亦見脩德之報而公好之在人心者未嘗一日亡也異日者因長君之教澤思先生之家傳解山溫泉當共千古云先生有靈尙其鑒茲



史復齋文集四卷

陝西巡撫  
採進本

國朝史調撰調字勻五號復齋晚號雲臺山人華陰人乾隆丙辰進士官仙遊縣知縣是集一卷爲其官仙遊時稟諭及荒政義倉等畧二卷爲序跋書論三卷爲橫渠書院規諭及諭子書而以仙遊所定求士三則冠焉四卷爲語錄及功過式併以崔紀所作誌銘附於其後

# 卓山詩集十六卷

〔清〕帥家相撰

江西省圖書館藏清嘉慶二年刻本

附《四庫全書總目·卓山詩集

十二卷》提要

豫章素稱人材之藪而賢哲聚於一門者奉新帥氏稱盛焉大中丞五實公以名進士起家臺省直聲著聞孝廉石柱公爲中丞之姪敦行讀書倡明古學創業垂後父子祖孫蟬聯奕禩方伯蘭皋同小阮卓山兩先生則先後陟身詞館尤早以詩文馳名當世而周宮保力堂之序卓山詩集故有蘭皋詩名少魏兄子卓山之譽然則卓山之詩較蘭皋方伯抑少勝歟已已歲余需次南河卓山以銓垣出刺廣德道經袁浦予卓山詩集序 何 一 三一 彙書樓 夙耳其名介姪孫副使焄而納交焉卓山相見 權旋出自註三十乘書樓詩集問序於余余拙 於詩顧嚴於論詩以爲世之風從波靡者皆無 與詩人之事故余雖不能詩而一時之能詩者 之詩終無以使余之心折焉獨心折於卓山之 詩則以卓山之詩諸體取裁豐贍出入風騷尤 長於七言才調鮮華涉筆渾渾入古而不必借 徑於中晚以洗滌其塵蒙之氣要與今之規模 初盛者區以別矣此余所以心折於卓山而嘆



帥氏之多賢才也是歲夏余客居廣德官廨既取蘭皋方伯塞外所著多博吟讀之書跋卷尾旋讀卓山大父中翰簡齋公墨瀾亭文集暨尊甫贈公宗道公詩古文辭悉本道德之所蘊根柢經傳又以子史爲波瀾發揚踔厲成一家言而湮淪扼塞惜俱不遇嗟嗟懷奇抱異之士隱居草茆不遇知者困頓挫折終老牖下既可悼惜幸而通藉幾於用矣而不究所用又羈旅歷落於砂磧險巇之地何上蒼之困抑才賢一至

卓山詩集序

何

二

三十稷書樓

此極也然而帥氏一門賢哲代興石柱公以下自子而孫自孫而又子如烏衣門第封胡羯末難更僕數盛已今卓山以履任清要

寵俾外郡或者少致憾焉然予觀卓山志氣伉爽遇大事不驚其得力風雅滋多昔歐陽氏典牧滁陽風流照耀繼且敷歷中外主持風雅然則卓山之進而益上者正未有艾余又益以嘆帥氏一門之盛也山陰學弟何暉念修甫拜序

卓山詩集序

周

一

三十稷書樓

農曹帥君卓山爲余友秦藩蘭皋之兄子偕余弟學伋貢禮部以論詩相得歡交甚善卓山旣成進士入詞館詩日有聲聞余弟計偕復至喜懷所作亟往伺之比一見疾相持且呼且躍聞者耳驚徐探懷中詩出共讀又喜且大笑也余弟性木強不諧俗來京師杜門不接一客或禮先之輒稱病不卽答間以詩問者亦不應羣目爲怪獨卓山樂與處余弟亦獨喜卓山可與處謂真能詩者吾友也可與言詩卓山之於詩也

足之舞而津津有味其言之也余弟既還卓山時若有失歲之三月謁歸將道陝省其仲父蘭皋而質以詩屬余爲敘之余與蘭皋交二十二年矣中間聚處相得不異余弟與卓山而余媿不能詩卽蘭皋故有詩名亦似少媿其兄子積至今余髮且白尚無可道者竊用自咎故於敘卓山詩而深今昔之感幸卓山其以爲鑒勿重蹈余之追咎且示余弟尚母方人以速自勵也  
昔乾隆五年春三月力堂周學健序

往余族叔春圃在西安方伯帥公幕府得其樹人堂詩攜之以歸余爲之選擇百十篇余友王梅谿鋟板以行其時吾師以翰林出守廣德方伯公之冢姪也梅谿遣一介賁其書至廣德署中吾師感激涕零如出望外蓋方伯公此詩無副本旣恐不傳而茲忽得之於無意中爲尤幸也乾隆癸酉鄉試吾師充江南同考官余以書經獲雋出師門下展謁之餘追譚往事師始知梅谿所刻詩得自余之選擇而梅谿序文中所卓山詩集序 汪 一 三十稷書樓 謂汪君東湖者則余也敘述嗟嘆往復低徊漏下四鼓矣明年冬余至廣德師以平日所爲三十稷書樓詩示余受而讀之風格高古氣韻沉雄瓣香應在工部視方伯公之詩殆有過之無不及已今夫詩之爲道也有才有學長於才者或不足於學而深於學者或不足於才均之可以爲詩而不可爲詩也惟才與學兼優而後其詩可以牢籠百家亦可以自名一家方伯公詩長於才者也吾師之詩深於學而才足以赴之

者也何必規規焉摹倣古人而又安在其不及  
古人也哉余旣得方伯公之詩選擇而授之梓  
垂十年又得茲編浣手莊誦敬識數語思自附  
於可與言詩之列蓋師友淵源得諸授受者於  
方伯公則聞而知之若吾師則見而知之乾隆  
十九年嘉平月縣縣門生汪士通百拜撰

題三十集書樓詩集

秋雨滴空牕冷風向四壁惆悵不成吟何以慰  
今夕竭來美人子手示詩一冊開卷讀未已頓  
覺情意適如觀大海水波浪幾千尺如觀華頂  
雲霞光燦五色忽作驟馬奔壯夫莫能掄忽作  
神龍舞隱見不可測入門疊出奇一氣無終極  
直欲超漢魏不蹈西江格大雅煥清時後學宜  
矜式我雖未讀書雅意事筆墨廿年走湖海曾  
入騷人席斯道歎淪亡誰能振其翼今知一脈  
卓山詩集題辭

錢塘徐煒  
手稿

數百字請君爲指摘

卓山詩集參訂姓氏

項家達 豫齋 宋 瀛 環川

胡 榮 安址 徐良知 曉初

汪金浩 玉田 帥培元 信之

蔣知讓 藕缸 帥學識 明之

陳鍾炆 秋圃 帥捷元 蒲香

涂從軾 爽軒 帥理 鳳綸

舒驥祥 儼思 帥學議 論之

舒麟祥 玉書 蕭光時 香泉

卓山詩集 卷一 三十稟書樓

舒祥雲 正思 鄧春曉 令德

潛文曙 寅白 蔡 芸 禮耕

蔡景遠 谷愚 蔡賀元 首弓

彭祖梧 蔡香祖 蘭谷

熊韞輝 奠北 涂日耀 遠憲

鄧 華 惟猷 甘立泰 魯瞻

徐光廷 兆猷 朱國琛 鶴山

廖學星 占奎 裘成科 第元

廖貽孫 拱辰

卓山詩集總目

五言古詩二百二十七首

七言古詩七十七首

五言律詩六百八十七首

七言律詩一百七十三首

五言排律十五首

七言排律一首

五言絕句三十一首

七言絕句八十七首

卓山詩集 總目 三十稟書樓

詩十六卷總計一千二百九十八首

卓山詩集卷一

奉新帥家相伯子甫著

述言

燥髮事吟諷。賦詩亦連篇。有如邨姬女。背人弄  
花鈿。十四襲梁陳。開口求華鮮。織詞繪繪中。倚  
響竽籟前。二十擬唐律。稍與風雅緣。雖與風雅  
緣。撫拾爭技駢。不知本心聲。鉅釘披陳編。陳編  
亦浩茫。如水灌百川。百川紛亂流。學海存淵源。  
超濟不以楫。墮深自輕捐。迷津使人悲。中道又  
卓山詩集——卷一——三十稟書樓  
可憐夜起奮迅呼。掘井惟及泉。仰觀曠寥廓。俯  
瞰周袤延。高下每咄嗟。網緼彼何宣。余懷集已  
衆。熏灼如火煎。莫知所自屬。抑塞深纏綿。有客  
向我歌。發聲妙絲絃。空中杳音節。又不可招攀。  
因思激天籟。意結萬象先。萬象無滯著。人心有  
拘牽。嗚呼卅年來。枉逐時流賢。斯文豈但儉。匠  
巧非雕鐫。名心鏟真宰。混沌鑿欲穿。晚覺才益  
盡。那知道難堅。天地垂大文。以我殊淺淺。窮繪  
宇宙態。委之散浮烟。六雄與六雌。有奏諧鈞天。

鳳鳥遺好音。豈不惟自然。今欲屏幽獨。何當守  
言詮。願攀瓊瑤枝。自策珊瑚鞭。駒隙度白日。雪  
霜凜華顛。空言任一世。死去當誰傳。

早春東臯

蕃生各動息。蠢然見天和。交枝啼鳥聲。蔚綠滋  
榮柯。天桃亦始花。碧草還滿坡。予行東臯上。覽  
物懽如何。吹萬齊一息。臨風散酣歌。青春幾來  
還。霜雪昨已多。無心豈禽卉。易地同蹉跎。東隣  
有饁餉。取醉長經過。且憐楊柳色。映客醉顏酡。  
卓山詩集——卷一——三十稟書樓  
今日樂上樂。委心終阿那。

喜聞青海凱定

都護全師舉。休屠一戰空。獻俘羅種落。斬馘過  
崆峒。議出明堂上。威行絕幕中。軍門方振旅。鼓  
角入熏風。

汎溢

十日春溪雨。盤盪到岸高。鳥飛皆貼水。龍臥不  
驚濤。委曲通旁市。浮沉沒半篙。地窪殷蓄洩。流  
惡事吾曹。

憶周 崑

有賢淹下里逢使問潛夫他日詩稱癖知今谷  
是愚不彈雙缺直自倚一筇孤意氣斯人老如  
何跡未俱

九日汎舟南川

任運無止息時序迭已然息心俯澄流逝者猶  
轉旋馳波競文魴急翼翔飛鳶羣物趨一候淒  
淒向高天換辰豈遺情况有下水船臨流一放  
宕忽謂過古賢古賢久不見往者隨化遷形骸  
卓山詩集 卷一 三 三十稟書樓  
一朝在即事皆可緣比興或賦詩悲歌激清漣  
豈無東籬菊藉我酣相眠不及陶淵明率意題  
斜川聆音在深樹靡靡號雄蟬逝將亟時會亦  
欲聲相宣哀音悵無已駐轍俱留連

送從軍二首

朝過漢軍營傳宣赴募兵將材須有種烈士尚  
成名策轡風俱逸臨邊月獨明祗應安牧圉王  
者自無爭

猛氣常思敵輕身銳執父一時收草莽百戰望

邊隅駕馭慚英傑飛騰試道途塞烽原自靖未  
用急馳驅

芍藥詞

搖曳不自禁如傷折贈神東君且一眄此物殿  
餘春

秋藕詞

苦心托蓮子斷藕寄秋蓬借問絲常在西風不  
語中

瓢

卓山詩集 卷一 四 三十稟書樓  
有用辭匏繫無容植種偏一瓢堪藉飲二頃漫  
須田道豈形骸寄心將嗜好先青瓊同故物吾  
輩但爲緣

甘母一首 并序

康熙十三年諸藩構逆奸民竊發剽掠予外  
會王父以鄉勇團練保障一方已而疾革瞰  
垣窺戶內外沟沟外會王母何氏韶年介守  
奉孀姑撫弱穉艱難轉徙身家獲全嗚呼節  
已苦已作詩述潛德俾後世有傳

甘公子  
超諱

大節有特稱余茲憶髫髻登堂侍慈幃口授追  
名媛俯仰六十年蒐求尚聞見薄俗惡高行鄉  
閭掩遺善空有黃鵠歌誰賡柏舟諺采風失記  
載遺事益深羨往者蠡蠆羣血腥諸藩煽么麼  
弄干戈慘殺及鄉縣守臣徇赤子勢肆恣蹂踐  
飛鳥無定巢饑鶩啄簪鈿流冗號子妻窮荒絕  
逃竄况閱承平時千邨失團練一夫起長呼萬  
衆號時難霜明耀戈矛兵甲始營繕倉卒多病  
軀乃翁及斯變庭萱絕持扶乳哺旋關牽一身  
卓山詩集 卷一 五 三十稟書樓

吳麀畫山水障子歌

死未已三世情彌眷斷臂志則盟毀容血交潛  
天意終畀純妖氛甫週散雖脫豺虎羣終隣死  
亡患荒屋無尸庭榆皮不成饕餮病又膝前乳  
乳待誰盼扶危天地心似續仁人願子孫托安  
宅豈盡初塗炭不有父老貽流傳亦瀾漫直道  
感至今歛歔復長嘆側聞寇亂初所辱非庸狷  
蟻衆來倉皇男兒失冠弁人生艱危際豈用中  
瞻戀操始嬾女躬垂之凜章翰

高堂無人靜森爽十尺生綃洞開朗錯磨丹翠  
豈空垂翦苟烟嵐澹悽愴盤紆遠勢萬里來手  
腕運之凡幾迴峯摧樹偃元氣絕筆枯穎禿精  
神開新機轉入奧窅處古色復帶松泉哀咄哉  
三十六瓊島莽與烟霧相徘徊乘陵絕巘俱反  
走風雨崩騰倏前後之罌一峰獨不移溟滓迴  
迴合滌湊巨靈呵護弗使前鬼工叫嘯來陰岫  
不知匠巧汝何神直恐山川失會遺懸崖東南  
原阜空故開屋宇臨深洪中有海日昇曠瞻  
卓山詩集 卷一 六 三十稟書樓

波蹙彩驚蛟龍浮舟難還避不得反畏江湖踰  
樂國傲睨卻出釣鰲夫臥穩菰蒲情弗隔町畦  
故與區輿合出處翻貽世人惑得不置鄙叢巒  
間卽添芒屨穿清灣具茨問道失童子舉眼崆  
峒絕往還

夢得末句醒而足成

怪得天風徹夜寒倒吹瀑布紫雲端起尋五老  
不知處萬疊秋屏立馬看

自九江陸路過匡廬

徑仄崖欹征馬愁不知已傍匡君遊長風忽轉  
天全暝楚色常隨江倒流五老入雲翻半出諸  
峰拔地遠相求棹歌落日向官渡回首青蒼又  
莫留

徐州渡河

河流三萬里一氣混滄溟影界彭城白寒濤充  
國青漢封餘信誓楚雨獨英靈落日黃樓笛猶  
從倚棹聽

西苑

卓山詩集

卷一

七

三十稟書樓

宸居不在壯餘地得仙宮日月秦雲外芻蕘漢  
囿中鴛鴦閒水殿鵲臥花叢極望連雙闕從  
知雨露同

上白塔寺

迥入青冥路高披碧漢風樓開雙闕上山出五  
雲中禁樹平相倚宮鴉半在空諸天寂寥界還  
與上林通

生日示同舟諸子

祇記懸弧合遠遊百年此日不禁憂髯青顧我

知無賴頭白諸公定幾秋身世關心重汎梗乾  
坤迴望炯沙鷗南江北駛遲孤棹已畏催人萬  
古流

下閘

上閘如登天下閘如奔駛上閘復下閘憂虞悵  
徒旅建瓴落飛舟入坎欣徐舉先後及漕艘轟  
騰更如圯畏人實臨淵况及龍爭蛇豈知轉雲  
帆古者寧於此海波避鯨鯢疏濬環千里感激  
深經營傍徨念遷徙事有荷天仁人寧怨洪水  
卓山詩集

卷一

八

三十稟書樓

狎險雖爾危終憐自爲取紆餘舟楫手嘆息猶  
龍技瞥眼判危安沉浮信凡幾人生各窮通况  
乃涉涯涘日暮陽侯爭悵絕黃牛死

京江望金山述古兼示同舟五百字

旅行傍滄溟所歷異肩輹進止任蒲帆江山惟  
極目二十初遠遊觀物苦不足指示資同舟平  
生證圖錄非惟富延覽藉使明顓覆潤州爭戰  
地江左興亡隲高深信殊狀嶠海共結束余意  
方逶迤余舟及洄瀆乾坤入高望俯仰生遐屬



天塹終浩茫方輿豈踉蹌鐵甕擁南徐金山時  
中矗插天聳浮圖離地漾金粟愴恍丹雘明迴  
環翠雲簇呀然寺門開已破長江腹鯨穴湧波  
濤驚靈奠平陸固足激天輪終能穩坤軸是日  
天轉陰蛟龍起靈族艤舟泊枉渚白浪崩如屋  
渡江非擊楫息駕且諧欲安知今古來世事如  
驚鷺在昔康王朝漂波走沉鏃當時誤鼎鉉棄  
險首畿服滹失長淮河項臂已全縮遂孤維揚  
軍遭彼大焚戮倉卒溫明間君臣自株觸蒼茫

卓山詩集 卷一 九 三十稟書樓

天蕩翔舞金人燼不有韓公能中原傷慘黷  
駟師八千人據要孤山伏中閨震桴鼓窮虜墜  
袍玉一戰基南朝孤軍振全局譬彼師合泥奚  
殊鑒鉅鹿成功雖未竟勝氣足恢復讀史軒鬚  
斜憑臨豁衷曲大儀又獻捷驄錦威望肅桓桓  
武昌公犄角聲破竹和議苟不成曾何憂挫衄  
至今泚盤盪湧滌靖康辱補天杰士略誓死忠  
臣躅一泥成敗論今往難更僕泚衆流聚掣  
掣人代速天險重不移山川亘遮複南都事固

守豈合輕涯澳立蜀惟苟安亡秦跡相續彷彿  
遲留間千秋迭歌哭東南本削弱形勢起襄蜀  
置制復異宜由來坐窮蹙遡古煩心神周行自  
幘幅長飈忽宵寂羣響羅林木何當躡丹梯窈  
窕度層麓一寄江上情空濛對澄淥

五人墓下作

衣冠傾衆寺社稷棄眞儒灑血無裨世囊椎向  
此夫山川存故塚風雨葬頭顱日暮要離側英  
靈正不孤

卓山詩集 卷一 十 三十稟書樓

胥臺行

奢侈深入尚千載至今歌舞思前代楚歌越舞  
爲誰哀吳宮髣髴當年在憶昔夫差全盛時廊  
間響屐藏蛾眉五年不惜億民力臺成豈識隨  
鴟夷鴟夷東浮復終古日暮風吹但黃土墓古  
於今葬玉魚軍威在日誇銅虎霸圖且使無移  
時何況傾城鬚眉嫵錦帆涇前花可憐香水溪  
邊樹無王此時西施復何適曲憶烏棲長不憚

酬蕭二惠書見憶 家訓

長年淹別日賴汝寄書頻閱歷惟知已艱難思  
古人浮雲吳苑樹歸夢越江津感激猶雙鳥中  
心念所親

觀潮

龕楮起漫漫魚龍瞥眼觀向時英爽盡終歲海  
天寒浩漭會無極盈虧復一端聲悲兼旦晚信  
有混茫寬

哭蕭二

更欲逢誰語平生失此人璠璣終不琢衣食累

卓山詩集

卷一

十一

三十稟書樓

君真天假才何忝人貧死竟隣蒼冥無問處斜  
日下延津

魁樓并序

魁星不載祀典大抵觀乎天文以立教者也  
祀於奉新學宮者有像有樓風雨剝落神以  
弗棲於是陳諸生坦奉尊人容齋遺命捐厚  
貲塗暨丹雘霍然以新容齋以文章世其家  
獎厲後進與立教之旨甚合余獨嘉坦動輒  
不忘其親爲可風也

高樓倚穹窿上切丹垣寒精炯下迴薄靈旂歛  
高盤其芒屬斗杓其享非祠壇昭格良有自塗  
茨固其端嗚呼孝子志一事甘纓鞶疇昔憶成  
命風霜歷摧殘徘徊繼述大自古爲辛酸感激  
懷永言因君陟盤桓哀走罹犢獨手澤空長嘆  
往者天性懷吾汝同悲歡崔嵬迴高步撫念不  
得攀悵快踰歲月極望天漫漫

述感

感憤殊百端或非壯夫志乃生失蹉跎竟被妻

卓山詩集

卷一

十二

三十稟書樓

孥累棧豆樞馬羈一枝鷦鷯寄悠悠廿年身戚  
戚百迴慮高天結浮雲掩抑不得意迴顧白日  
光戎戎集陰翳九原旣長夜填海悔精衛閱境  
解傷心逢人惜憔悴今春少女殤隔旦嚴君忌  
麻衣不蔽軀藿食窘承志慟哭三更頭擲掄憑  
鬼魅慈幃恐淒淒聲出復偷淚惻惻煩哀殤沈  
瀾默相視祇憐大兒癡嘔啞若相慰宇內餘此  
生人寰悵浮寓於邑誰共伸咄嗟惟自異樸櫟  
喧樹間長風復驚寐獨起視玄穹吾生那無倚

雜述四首

晨起思茫昧。趨超竟誰依。對人忍輦蹙。獨坐歌  
采薇。謀生日苦拙。壁立甘長饑。石田本常磽。豈  
必逢時非。昨聞秋禾登。輸納日弗違。顧我無租  
稅。終朝長掩扉。

溫飽實有天。無襦豈今年。綈袍古高誼。肯乞俗  
子憐。零落舊詩史。風力悲折綿。無綿又何折。烈  
風恐無權。杜陵有布衣。至死名愈傳。無已不凍  
病。後世誰爾賢。歲寒乃有俟。身外非吾緣。

卓山詩集

卷一

十三

三十稟書樓

身如梁上燕。寄壘他人前。宛邱打頭屋。陬陋勞  
周旋。慰彼一枝在。寧無坐忘天。舟居既無水。陸  
處不置椽。其人侈梁棟。托足甘迍邐。我固闌闌  
子。抗懷豈高賢。長嘯意忽愜。浮寓自古然。形神  
識舟寄。放志遑復憐。  
誰矜安步榮。未斷乘車念。境遇苟適然。下澤良  
稱善。所悲矯激士。介介殊榮賤。情役道彌遠。機  
深物交戀。而我慕庸行。蕭然托遐願。有履不借  
人。荒山踏霜霰。

贈劉翁宏龍

詩改

斯腰不常折。未知富兒豪。以茲累饑病。媿恥深  
兒曹。走貸市藥資。囁嚅使不高。生人異貧富。四  
海多嗷嗷。咄嗟已饑溺。豈足煩呌號。乃翁惠余  
私。鍼灸隨手操。弱子幸苟活。銘佩爲翁牢。翁也  
掉其頭。高歌眷蓬蒿。往者閭里間。東舍爲貪饕。  
怙勢主稱貸。剝及脂與膏。西隣有哀鶴。雌者淒  
青皁。分翼在一朝。仰天激號咷。義心感熱血。俠  
氣衝兩髦。左顧問所因。右盼揮金刀。別鵠操未  
闕。和鳴起林皋。惠施本不報。事往失貶褒。請賡  
劉翁詠。勸美存風騷。在汝信擇術。於時切民勞。  
自茲布明德。一事爭毫毛。莫知醫國手。牛喘真  
忉忉。吾聞拯時策。不在痊疥搔。腠理會有恙。公  
私寧各叨。小民念何責。競利窮秋毫。貴賤善調  
劑。商農肆甄陶。綱維合郡國。風俗熙游敖。余餓  
又何恤。與翁浮濁醪。

廿六弟

志道

粵歸述遊

雀噪柴門烟。粵客返征旆。掃徑拂風塵。投輪慙

高會豁茲殊俗情苦道南方異始從度大庾遂  
入花田畛舟車沓紛營山海環襟帶由來百粵  
地自古南夷塞其俗襍徭蠻其民介中外鮫人  
市明珠海舶售機貝

聖朝大優柔恩渥逮若輩惠養旣攸同疇非安  
境內憶登尉佗臺感激洪流滙當時南越王巍  
然擁方帥漢文示寬仁存恤書頻再乃知黷開  
邊武帝羞前代四海誠一家幅幘豈云隘決滌  
視江流趨蹌眇鱗介銅烏有時動噫氣含大塊

卓山詩集

卷一

五

三十稟書樓

青蘋始悠揚颶母歛澎湃飛沫激天輪沸波陷  
離位鰲軸終不移鯤鯨豈誠大鯁生戀鄉閭出  
入逐羣隊不有碣石游安攄達人槩側聞古伏  
波殺戮平諸若分茅亘長嶺銅柱可還在歷覽  
向名區行踪慰能屈相逢一樽酒佐爾炎州荔

出門

乙卯

車鳴馬又嘶親戚及我屏我入別慈母執手語  
意遲兒住母艱養兒行母又悲親縫手中線淚  
落身上衣戚戚視兄弟悵悵淚亦垂游子策高

足涕豈生別滋有親弟尚幼恐不任支持薄田  
無半畝余實畏母饑此心質明明感歎在故知  
晨雞四五唱不得少依違弱子忍不顧掉頭竟  
駟馳至性恩豈薄事有輕遠離出門復紆鬱重  
與親故辭

墮舟

夙昔臨淵戒江湖竟若何劇貪微命賤入坎一  
身多生死浮名路悲愉頃逝波莫辭長蹈險世  
事總馮河

卓山詩集

卷一

六

三十稟書樓

岳忠武祠

詔獄猶三字成功豈一身死生歸聖主忠盡信  
愚臣社稷安危恨祠堂日月新道途哀展謁貽  
誤竟何人

渡京江

我來京口渡獨濟過江船浩瀚此何地風波無  
歲年金焦雙黑子潮汐半青天大地同南北吾  
行自扣舷

淮陰釣臺

漢將功名空復論釣竿今指一臺存舊榭翡翠  
迎舟尾暫止鵝青沒水痕淮上波濤迷漢楚市  
中雞犬哭王孫大風歌後歸來晚哀樂千秋怨  
古魂

題漂母廟

食恥王孫進功扶漢世勲終貽巾幗禍古廟立  
孤雲

淮口

長河思故道舟楫溯清淮倒引爭強弱交流異  
卓山詩集 卷一 七 三十稟書樓

決排湖洪常共險轉運庶無乖微禹功何在重  
慙萬古懷

奉簡周二丈學伋六十韻

夙昔懷知已斯人與古期宮商嚴曲顧道德結  
輟隨前輩淵源正孤蹤邂逅奇文名蜚舊譽詩  
律準新釐頗憶趨庭日長矜入室思銀根差弗  
謬至斷倘能施末俗逢瀾倒陳編本曜垂元聲  
宣豪簪天籟判雄雌軒管原調鳳虞庭載命夔  
謳謠瞻帝世雅頌著周姬尼父無邪旨軻賢不

害詞千秋尊有系六義炳於斯迹熄騷風振音  
存樂府遺河梁開絕響鄴下建崇規典午沿洞  
盛昭明選擇宜柴桑非世代康樂具標儀鮑庾  
才兼富楊盧體莫疑三唐紛體製兩宋漫警訾  
在已抒情性因時見盛衰鵠鵠關寄屬蟋蟀念  
勞疲或假江山助寧傾砥柱移西崑非綺麗南  
渡豈陵遲歷歷高會矩煌煌俎豆貽如何教胄  
子但語唱伶兒遂使同文重羣遵異軌馳鉛華  
工色澤蕪蔓積支離輦悅爭相飾俳優巧互欺  
卓山詩集 卷一 六 三十稟書樓  
興觀殊已矣諷勸抑何其虎豹龕留韞驂駟祗  
相皮還聞事壇墀堪爾熾旌旗往聖猶哀憫微  
衷並渴饑國家鳴運會男女肇綱維訐譖轟酬  
行當懲才流每共咄撫膺傷燭火矯首望晨曦  
季扎今難起申培敢自辭有情歸慟哭無力付  
齋咨精衛啣雖苦蚍蜉撼未支從來孤立懼必  
任眾咻爲不有英豪集終朝寂寞居畏人藏面  
目忘我悔鬚眉蝨老張公乘螢乾董氏帷波濤

憑瀕洞冰雪信逶迤丹篆何年夢金篋詰旦醫  
 篆中逢述者物外慰來茲雖賴休囊貯焦桐免  
 爨炊低頭尋欲拜傲骨那禁持白也庸多讓昌  
 黎實抗師廿年探鐫鑰一日範鑪錘芥合初投  
 袂葵傾獨解願卜商留小序束哲補亡詩肉食  
 驚河漢膚言藉指麾窮愁疎骭髀身世謝磷緇  
 兩兩憂蓬髮頻頻進酒卮長歌江漢地縱覽雨  
 風時此誼須千載平生傲一枝空園吟鳥雀深  
 峽擁蛟螭尙想匡君麓馴超蠡水湄洪都擅宗  
 卓山詩集 卷一 九 三十稟書樓  
 派渺渺婉余私

卓山詩集卷一 終

卓山詩集卷二

奉新帥家相伯子甫著

西山秋望

不知西極幾崔嵬龍起嘘雲日未開一氣自空  
 澄海宇萬靈如拱見蓬萊秋來色與高旻澹雨  
 外寒生大漠哀十二芙蓉朝北闕九霄鸞鳳共  
 徘徊

贈別曹十二 觀先南返

息駕皆如此悲歌又送君路隨燕樹盡厓到楚  
 卓山詩集 卷二 一 三十稟書樓

天聞行李淹相逐吾曹合離羣逢人訊遊子且  
 道學終軍

神樂觀怪松

支離可吁怪歲古但餘青自不棲雙鵠人疑萃  
 百靈有時森嶽氣忽覺走龍形尙抱咸池曲誰  
 從音外聽

聞太常樂音聊短述

予宗古師氏審律固吾先往者開曠儔幾聲嘶  
 幽玄豈無韶濩比翼鳳真廻旋一知契樂理音

節如我傳邈彼太古奏虞夏猶當年裔流苦茫  
昧管籥徒居前雖懷造永至未擬聞大淵聖人  
固有象豈外黃鐘宣今古自一律人神格悠然  
吾茲聆鈞奏若夢游九天形神攝真響欲述愁  
爓爓昭代備明聖安容置言詮儒流尙探索逐  
事將留連歸坐但凝想不有通先賢

贈婦二首

孔雀戀遠別其雌噉高枝豈知屋上烏日夕偕  
鳴悲貧姑念長媳遊子資房幃無薪作供饌何  
卓山詩集 卷二 二 三十稟書樓  
似炊屨屨無米作供饌巧媳辭莫支固知巧莫  
支糟糠婦難爲余豈恩義薄撫膺自無辭  
人生譬浮梗身不限南北聞知一心人山海永  
弗隔自鄙徂北燕青條又殊色想見初別離語  
卿阿嬾側悵悵不能言卿已意潛繹吾汝締大  
義燕婉豈晨夕區區有私懷日夜勞卿臆

月

獨憶天邊月團圓自故園山河虛照影雲樹遠  
留痕慘澹隨羈思淒清到夢魂刀頭經幾見愁

絕是黃昏

送魏臨穎明府

涵暉之任

軒車稅其輪持贈固無有出宰向名邦永言在  
朋友君才富磊落百里膺新綬况邇潁川遺飛  
騰不須久向竊陪話言後先一回首遭逢標枝  
岷豈復憂稂莠

聖人宵旰懷仰體惟蓬蔀利器苟欲矜更番十  
凡九蒼蒼大梁內藹藹龍城舊風土要衝間時  
聞急南畝繭絲勞營營其用或咸拇鞅掌余豈  
卓山詩集 卷二 三 三十稟書樓  
詰因時信爲守發行古燕城樹績南都右道上  
皤白翁因君具糧糗持論昔何時翹知切爲毋  
我卑不足陳相念在樽酒寶劍莫附身佩刀落  
君手丈夫得爲日君必抒懷負飛雲望行旌繫  
念非秋柳指顧丞相祠前程數原阜

觀周二丈藏李伯時畫五百羅漢

丈人示我青錦囊開陳水墨何微茫此圖識者  
久垂絕獨寶五百須彌王超神極象日相視萬  
劫靈光今不死尙摩欸印識龍眠欲別胚胎真

道子千變萬化不可窮色身法身形相中花幢  
珠蓋各異狀何況五百留其蹤風裾水佩絕描  
繪擲火駕海傳虛空龍興昨夜走且踣皆入此  
圖無杳濛雖增妙相一千偶顧視奕奕精神同  
丈人好古非好佛反令瑜珈中夜出龍象齊聞  
嘯吼聲百千舍利明空室瓦棺寺中神炯然開  
元東塔俱千年丹青之奇有不沒筆墨母乃非  
雕鐫世人見畫第論畫縱有淵賞漁忘筌君不  
見李公畫妙今所傳風流獨有黃公憐爲公放  
卓山詩集 卷二 四 三十稟書樓

吟終此篇

木根老人行

木根老人世罕見土花蝕盡婆娑面撫摩卻覺  
精神俱造物鍾靈有時炫酣歌爲汝增長嘆霜  
催日暴丹巖中劃然混沌開鴻濛丹砂竹箭輕  
一擲鬼工鑿巧天機通猿啼吠惟與守天遠  
地澗無時逢老人老人母乃同需泥蝕蠹得未  
蒙遭遇偶爾留其蹤嗚呼遭遇奚所窮君不見  
華表之木摧枯桐歲云暮矣悲回風

哭江六丈侍御臯二十韻

風吹栢臺樹鵬鳥夜相呼蕩析庭中棟飄零水  
上蒲豈惟哀穉幼永嘆及貧軀北冀售真種西  
秦泣舊都老親違侍側游子望窮途骨肉傷卑  
賤提攜感涸枯救饑方朔米流淚粵鮫珠筍味  
酬微願豬肝免自誣春饒燕市雨秋極楚山蕪  
遠客終如此斯人有是夫貞珉思礪石空匣闕  
銀鐲意亟方騰鷲才憐未躍駒捫心餘激烈歷  
職竟須臾委贅頭顱具踰時骨骸俱臨危憂髣  
卓山詩集 卷二 五 三十稟書樓

得余一兄士玠消息二首

青鳥翔猶集哀音故不長一時如夢覺兩地別  
生亡感慨存遺句酸辛及遠方風塵迴首地天  
問失彭殤

死別人間有哭君非暮年桑榆堂上淚升斗室



中懸夜夜懷人夢朝朝問卜錢吾徒漂泊裏萬  
一誤流傳

夢弟

儘向天涯做黑貂平生有弟一身遙夢中見汝  
眞顏色覺後何人最寂寥千里獨餘蝴蝶枕百  
年深媿六令謠掉頭索付酣酣睡莫問家山驕  
斗杓

潛太君

吾師幼也孤堂上泣孀母夫子初授學興懷母

卓山詩集 卷二 六 三十稟書樓

恩厚顧謂藐微軀沈淪固無咎哀哀失怙初吾  
在襁褓乎大父記含飴龍鍾搔白首少長後兩  
兄東西詢師友歸來茅簷下糠粃尙空缶吾母  
默無聲咨嗟但爲久反覆歲已徂蹉跎志終負  
此生不有躬老大甘株守側聽時未終涕洟俱  
被肘及齒登師庭荒垣足三畝拜母機杼下憂  
愁半黃耇頃者命上堂酒漿呼我取何必梁與  
肉蔬筵可口入謝驚半鬟欹歔向杯酒母意  
又綢繆陳羹雜春韭顧言子英姿所貴器能受

汝師惟切直廸訓差非苟再拜銘母言今已十  
年後孀星闇無明令範猶存否傳習夙未然思  
母顏今忸蓮池侍金仙其事或烏有垂涕書令  
言依違瞻左右

太君有版依  
大士遺圖

奉贈大司馬甘公 汝來 十六韻

下士深感恩知音豈逢迎况乃累世好卵翼隆  
深情門庭獲依倚勿使憂瓶罍方同托嚴武復  
似親羊甥倡酬下諸子出入俱時英猥余苦違  
俗世或資譏評方朔訾滑稽張顛誚公卿夜光  
卓山詩集 卷二 七 三十稟書樓

促織

促織汝何物吟先露未繁夜深清自喚秋思動  
無痕幾地寒機杼今時夢塞垣更隨天外月淒  
絕到家園

螢火

蕪根積雨露感候亦能輝一物存天意微生各  
動機暫時偕隊密故欲趁星微未遣臨書幌於  
人絕是非

歸燕

知時屬梁燕又見別烏衣北地依人久南中獨  
汝歸羽毛全故質霜雪驗微機盼極長空影經  
時墮遠暉

候雁

卓山詩集 卷二 八 三十稟書樓  
雁汝竟來賓真疑得比隣三秋封信絕一物繫  
情親避弋猶高矯依羣信有倫年年逢旅食媿  
我稻梁身

饑鷹

同有摩天翮誰憐待食哀人間絕知己吾亦欲  
懷才毛羽秋猶暗風塵志不迴乾坤儻空濶側  
目任徘徊

魏允迪甘禾筵奉簡醉歌

鄙夫婪杯日不足頭上愁無巾半幅兩君交我

不世情每得相從共醺醪席間說盡豪雋才古  
人未死應徘徊天門氣軼思詆蕩閭閻幾見隨  
風開買駒售骨古如許且與回首黃金臺兩君  
念我淹空牖惜我幽梵苦搔首小妻解語非少  
年世上醺雞感何有我有舌在當莫愁丈夫得  
名非得酒酌君之酒爲君歌歌永言深感君厚  
人生磊落真不誣知音豈怕稀吾徒蘇門發聲  
初未已鸞鳳應響猶相趨卽余貧病結環堵尙  
有七尺昂藏軀忽覩寒梅足冰雪早覺明月相  
卓山詩集 卷二 九 三十稟書樓  
持扶未知且盡平原醉他日長吟憶此夫

戲爲雙劍行

昔之豐城有二劍一屬張華一雷煥提攜不走  
獻天子安得延津不騰變鄙夫亦有雙魚腸終  
日置我行囊傍往時憶汝蛇流瀨掣電閃閃浮  
晶光年深物古知者絕扣之亦失聲鏗鏘平生  
仗汝踰淮海未忍沉冥晦光采清夜置酒爲汝  
歌胡汝風塵戀飢餒盍化人間繞指柔應傳市  
上鉛刀在豈知龍性終不馴風雨叱咤動有神

天精下馳與挈攫氣騰惟向高秋旻藏之不得  
藉拂拭土花苔蝕空滿身身長匣短且安放酒  
盡更闌共惆悵時平豈廢急需才萬里邊城願  
屏障劍兮且莫竄江湖藉汝終馳螭螭上

送魏令運世之縣

停車紆一別青旆已城闔送遠復今日之官皆  
故人吾曹知必達儒者急親民直羨膺華綬遭  
逢致汝身

逢南歸使奉寄蕭九丈鵬暨甘六弟志道

卓山詩集 卷二 十 三十樂書樓

非關使者告將歸歎息經年問訊稀祇爲困窮  
煩故舊畏傳貧病到庭闈九秋夜雨蒙頭睡十  
月霜風見肘衣今日題絨愁已絕他時啟匣憶  
相依

曹十二孝廉冒雨枉顧讌飲喜成

折角愁遭溼迎門慙淖泥定霑鸚鵡醉莫惜鵬  
鵠啼風雨歡無間窮通理亦齊典衣從假日吾  
輩有天倪

萬柳堂小集同馬九員外位分成得捫字

藉挂西山笏從開北海尊古堂春共做深柳翠  
長捫細草霑垂佩孤雲擁駐轅清娛殊莫極獨  
樂故名園

寄劉尉漢陽二絕句

楚天高引領落日暮雲多爲問瀟湘北秋來幾  
雁過

故郢風騷地君歸定有詩休從賦鸚鵡只合詠  
江薺

蟋蟀二首

卓山詩集 卷二 十 三十樂書樓

獨遶西堂迥先期大火流自鳴涼月下長共碧  
雲秋小物如知覺無情詎感憂攪眠拚永夕憐  
汝劇宣愁

比類洪纖別將情鉅細同蹉跎霜露表恐懼歲  
辰中幾日親牀下踰時謝故叢人生隨委蛻念  
汝悵無窮

中禁宿直

無數宮鴉隊隨人赴上林物情趨  
關戀羣動向宵心一月中天瑩三台宿衛深靈

蚪通不寐毋乃勵臣箴

客舍二首

少日爲貧累遷流未定居風塵依薄宦花木得  
吾廬陋巷安何有匡居澹自如欣隣茂先宅繞  
屋足圖書

細草扶傍砌枯苔去座隅移巢馴宿鳥落網護  
懸蛛人事勞初定經營道豈殊誰歟善居室容  
膝慰吾徒

哭周七十二 崑二十二韻

卓山詩集

卷二

三

三十稟書樓

存沒豈撓慮斯人傷質無牙琴千載具雷劍一  
朝孤夙昔嚴投縞逢迎必握瑜筌蹄求古契方  
駕藉先驅迴接鸞孤聳欣連鳳夾趨市交徒瑣  
瑣末誼托區區風雨移樽密冰霜論道俱世流  
相汨沒吾輩異侏儒大用收藏器乘時薄守株  
必辭爲嬖御莫濫在廷筭議偉資銅鑑心清印  
玉壺祇今留藥石當日注醍醐始我班連鸞逢  
君病似鳬十年淹客館千里哭妻孥至死鬚猶  
磔臨危日獨肝片詞成隔世終古勵狂夫唯唯

哀何極冥冥敢自誣醇交綠汝盡蓬直借誰扶  
返國思丁令招魂望楚巫青楓迷故路宿草視  
平蕪譜句傳應否攄懷恨每踰試憑生死外矯  
首企踟躕

簡吳屯田 煒南鄰

十年崇古契一日慰求鄰閱世皆浮寓忘骸獨  
故人樹分當檻影梅借隔牆春不要疎晨夕追  
隨亦夙因

題馬員外 老樹山房

卓山詩集

卷二

三

三十稟書樓

閑庭紛落木老樹卽名軒長日供高枕秋風對  
掩門古來甘錯節歲晚傲孤根念汝端居意撐  
牙肆目存

遣意三首

積感還成笑勞生屬有躬親慈千里外身事二  
官中倚枕看新劍漂波指斷蓬廿年慚陸續去  
任損孤衷

天近居庸塞寒多古薊城淹延非一道出處况  
殊情婚嫁猶諸弟艱難獨友生向平嗟未達朱

絨豈經營

飽費侏儒粟明分學士銓

大君恩不替疎拙恥何能雨露微生繫風雲側  
想凝金臺紆極望惆悵怯頻登

過萬三 松齡 檢討候久不至留題

靜擁迎門鶴深函被

賜書坐來花色午吟待篠陰疎嘉會猶淹蹇庭  
闌費掃除翰林鐘律細留贈試軒渠

護國寺

卓山詩集

卷二

古

三十築書樓

帝城天共麗梵宇佛兼雄白馬流傳舊青獅法  
象同摩尼珠世界瓔鬘玉璫瓏更說波羅偈終  
叅色相空

周 大樞 垂示詩卷走筆卻貽

病餘始覺疎朝請入直翻隨退食班世事形容  
吾較嬾文章枝節道常慳斯人迥出風塵外詩  
筆傳來水石間一卷晨昏聊過目與君江海興  
同攀

柴門八首

蓬蒿秋不剪萬古一柴門地癖成吾簡心清見  
道尊雨中收菓實林外護苔痕雅有鷦鷯賦逢  
人不欲言

一室經營外浮蹤隱顯間飛雲隨影沒流水著  
秋閒賈誼書會上陶潛駕未還平林深不隔戶  
外揖青山

大陸流颼澹空天落羽舒亭臯初睇矚景色鎮  
蕭疎世事全觀物蒼生寄讀書所棲餘半畝朝  
夕坐清虛

卓山詩集

卷二

五

三十築書樓

浮名攫世故空谷憶同羣杜若山中雨榛苓日  
暮雲掃除爲寄托悵望結殷勤信有吾廬好輪  
轅寂不聞

莽莽市塵中雙扉掩朔風對牀清澗冷當路古  
苔紅翡翠來何暮蒹葭故有叢夜來深巷雨猶  
爲洗高桐

九陌浩茫茫車塵隱夕陽雲嵐侵曉白草木未  
秋黃到眼紛紜地栖神廣漠鄉豈無馮氏冊不  
敢信行藏

昔日南川口柴門瞰水開江山鳴鶴靜林壑臥  
龍隈楚荔違初服莊樗棄散材如何經九坂奔  
走任駑駘

豈啻牆東癖猶虛竈北心古人誠不作斯道風  
常欽風雨盟孤劍山川韻破琴簪裾吾寄散長  
覺閉門深

簡沙二 宗義

側聽騷壇侶都傳事起衰斯文吾委命名士各  
膺時遼海秋風哭韓陵片石悲寂寥江漢外藉  
卓山詩集 卷二 六 三十稟書樓

汝寄遐思

傅六 鳴玉 久旅江南寄訊 詩集

才子常名客間關信有之吳雲知汝在朔雪別  
經時餘事爲詩累傾身與飽期故人膺祿仕頻  
感倚闥思

贈馬九

馬公懿忠節百代思名門燕山賦求友邂逅逢  
公孫儼茲秦川貴太息成追論古閩抗王命黨  
逆連台溫往者何岌岌妖塵一隅昏賊臣秉旌

麾守禦失虎賁乃公一文吏畫策親軍轅倉皇  
殺主守頃刻騰沸燔百夫駭無措一義恃所尊

呵叱豺犬輩辟易猶退奔裂眦飲白刃洒血紛  
戎軒卓哉一死重節義昭乾坤偏裨昧真識豈  
計臣主恩哥舒失固守百萬驅放豚抗節雖陽  
間李郭功常存英雄軼成敗豈獨障一垣至今  
仰徽烈足使頑懦敦傳聞久懷緬何況逢後昆  
嗚呼祖風烈合擅璵與璠魏謩甘棠蔭一笏猶  
莫諉朝廷憫臣節自古同一原興宗大振起感  
卓山詩集 卷二 七 三十稟書樓

激當何言

春遊和韻

野興隨時集華裾儘稱身草熏馳道綠風度夾  
城春氣色神都麗鶯花上日新最宜青髻影湯  
沐及芳晨

送莊 大中 同年赴任東安

風雲動行轅萬里方自茲與子悵日遠興言賦  
新詩疇昔試廷陞同時蒙

主知

天子維兆人乃擢英賢姿綬安視宰牧

命吏三疇咨爲政尙米鹽勞如傷繭絲經綸蘊  
吾黨卓犖惟君宜東安隸南粵嶺海稱藩籬闢  
地百年間民俗兼蕃夷盛明彰文治豈獨遺邊  
陲宣化逮遐邇固以煩有司古今治荒徼事有  
存設施青雲昭令器墨綬恢前期儒流異督責  
父母深維持廣宣

聖人意一慰黎元思贈鞭壯臨行握別余又悲  
顧余濫荒飽茸闌絕所爲慷慨征塵間長歌從  
卓山詩集 卷二 七 三十稟書樓  
此辭

與馬員外月下賦詩

明月寡長好酌之固攸宜月華自今夕風露相  
間之瑤闕炯洞達仙靈此高居因君攬流影佇  
望同倏遲

久不得蕭九丈鵬消息

消息何時達中間歷歲年亦知貧不改况遣病  
虛傳江國達青島春山怯杜鵑疇當假飛翼縮  
地有神仙

答簡丁十二庶常一燾二首

京國勞形會隨人困馬蹄江淹無夢筆謝眺輟  
留題動覺浮名累行趨賸客迷不緣資比興綿  
望失攀躋

斯人自軒冕抱道識從違世事詩篇在塵途古  
調稀冶情工賦物托境妙忘機合擅風人體如  
何訊是非

夜苦屋漏走筆答馬九見簡

風雨聲中一草亭短牀承漏寢常醒陰榑側注  
卓山詩集 卷二 九 三十稟書樓

江河勢隕壁深盤虺蜴形着眼平原違悟性打  
頭陳郡費詮銘故人未用頻相訊布被生寒只  
慣經

午飲漫成因簡沙二孝廉

猛雨欺風去復來荆籬過酒藉愁開百年轉盼  
獨惆悵一月能消幾醺醺時鳥自然嚶澗谷夕  
陽容易照樓臺山公不得稱同調騎馬猶思踏  
草萊

送鄒嶙令褒城

仲父領西藩。褒城故環屬。使者通往來。民風耳  
爲熟。鬱紆湘沔。會嶠嶂中。梁蠡地。迥關樹寒山。  
危棧雲複偏。方亟文治大吏。憂遐俗化。遠行或  
遺風。馳已云速。黔黎混愚智。影響固從欲。循吏  
愜攸司。騰聲矧茲牧之君。吾曹望經濟。舊滿腹  
胸懷。肅恬靜。文綵事紛郁。俗吏詡張施。斯人輕  
案牘。吾知化蜀績。但惠無爲福。渺渺及行邁。悵  
悵結衷曲。古昔眷當乖。豈伊恒情局。風雲浩分  
手。山水送行轍。行語汲廉泉。分貽乞升斛。

卓山詩集

卷二

三

三十棄書樓

西掖寓直

北斗下穹閭。徘徊紫極旁。無聲三獻露。不斷九  
天香。刻漏傳初永。春風迥覺長。綺疏籠壁月。清  
澈自騰光。

送馮大編脩

神

謁歸還代州

雁門西去雁。昨夜一行斜。謝病君真返。還家鬢  
自華。恒雲遮白馬。畿柳戀烏紗。好在綠邱隴。春  
風拂路賒。

薄遊

終年積塵悶。不遣污青鞵。邱壑全吾性。纓裾有  
古懷。衆山深自擁。一水逝無涯。問道方壺在。安  
期跡未乖。

幽事

地迥滋芳鴈。堂空下燕巢。興隨幽事集。春共客  
愁拋。世豈榮蕭艾。吾甘用苦匏。無人悟玄賞。悔  
解子雲嘲。

一室

細雨下廉纖。秋風不捲簾。吾知一室好。心與百

卓山詩集

卷二

三

三十棄書樓

無嫌白鳥投。門隙青藤上。屋簷荒庭遺。掃洒苦  
鹵着。書籤

圓月

團圓萬古月。獨與露華凝。迥涇千門綺。清涵一  
片冰。瑤樓相洞澈。玉兔自升騰。合有霓裳曲。塵  
寰聽未曾。

夢醒

殘夢悠然覺。觀身本舊蹤。儘憑莊叟蝶。虛屬楚  
王峯。斷漏催城鎗。晨鴉起禁松。羣生隨動息。萬



事付從容

寒臯

仲秋氣爽爽天地始呈露峭蒨陰谷寒虛明夕  
河素蒹葭離披晚野日荒涼度嫋嫋風被林蕭  
蕭葉辭樹物理不可息蹉跎迭新故吾人結遐  
情况乃溘遲暮弱念弗使展蕃衆隨奔鷺延脰  
仰冥鴻凌雲逝還駐抗懷思古人雀躍詎回顧  
日暮臨寒臯流飈振高步

懷族兄桂貴州

卓山詩集

卷二

三

三十棄書樓

本支百世後散處成天涯都城一交語枝葉還  
一家吾宗固必大於子三嘆嗟鏤鏤林邑貴豈  
爲沒泥沙飛螢散中野披汰恐不加躍冶豈一  
朝騰光知鏤鄒風烟念分手萬里期及瓜邇者  
歲月晚秋情感蒹葭石門側駐足陸廣無汎槎  
龍宮晝轉晦雨樹春不華識子別離苦轉悲途  
路奢人生宗族重况爾騰天葩山川無阻脩冰  
雪行璫車眷眷諒此意遠愁霜日斜

送彭十八沃分倅西延

君始展驥足速步風雲生丈夫貴職守豈直半  
刺榮分猷大宣化萬里迺此行顧瞻金明地亘  
出銀州城征蓋薄延水驂驪起秦聲揚旂按行  
部負弩先驅迎邊陲紀令肅制遠責豈輕萬姓  
仰威儀遐疆昇賢英馮君績已偉故軌垂崢嶸  
轍迹循有餘雄姿况生平驅車信云邁慷慨將  
王程王程絕倥偬促駕猶于征賢者勵圖始政  
聲想由成故人期渭水日夜傳深情

送徐三玉田令石樓

卓山詩集

卷二

三

三十棄書樓

石樓晉偏域莽莽風煙會城郭積冰中人家古  
墟外時宜縣花種地絕根莠害治古稱山青庭  
閒到泉籟蕭蕭朔風動肅肅飛行旆作吏見斯  
人遐陬緬攸賴操刀豈須牛游刃希無昧單父  
固鳴琴巫期邑稱大劇簡地豈然才猷偉涵蓋  
欣君樂從事永眷循良最

夜過魏二舍人致酒相餉有述

隔年今見汝問夜迥相望白月秋如水高風地  
欲霜別離驚歲晚生事急流光暢好杯中物當

筵意莫忘

送陳二 克繩 令保縣

之行新作令作令最聲名莫使農民避須臾小  
吏迎錦城花舊麗岷水玉同清自古蠶叢地長  
勞注屬情

題馬九竹屋讀書畫圖

讀書西園竹吾亦有此廬往時對虛心足使百  
念祛空影淡細素秋烟在人裾不知君家林况  
此當何如生綃徑十尺披拂呈舊墟非無千雲

卓山詩集 卷二 三十 築書樓

勢下蔭靜者居馳駟各異地回首俱躊躇書聲  
共寥落傾耳存空虛羣心感故尙萬物獨有初  
榮悴迭更變枝節或已疎居常小搖落動警歲  
月徂倏遲就蕪穢那不殷經鋤吾君妙寄托寫  
物藉滌除畫圖倘終毀悔擁上古書

夜飲曹編脩前輩寓齋卽席賦呈

剪燭遲深夜開筵托舊知吾徒非癖酒長是畏  
吟詩冰雪宜人夕山川悵望時從來罇竿慙不  
敢漫相期

寒月

氣與嚴城迥清依重露寒管絃聲外色星斗澹  
時看對影梅全瘦栖枝鵲未安何人識羈旅永  
夕正凭欄

宿摩訶禪院

禪空花殿闕鐘動白雲留初地成清懃彌天集  
道流入因原有役離相得無憂未曉三摩地逍  
遙總自由

傭僕莊翹知詩能奕詢之零落子也感而

卓山詩集 卷二 三十 築書樓

有述

曾恠雄翹古絕倫風塵也復見茲人因歌阿段  
還成句轉憶他鄉倍汝親幾許泥塗看此力百  
年漁釣負前身可憐不遇胡僧識吾亦東山企  
隱淪

卓山詩集卷二 終

卓山詩集卷三

奉新帥家相伯子甫著

陪周庶子一丈學健二丈學俊泊諸同人

遊陶然亭不及登覽

嘉遊今有數雅集竟虛延放眼皆隨地逢場好  
任天陂塘疑弱水林墅小樊川人事多淹隔臨  
風寄惘然

豐臺

路引芳塵入春依藥圃長林園酣穀雨客思夢

卓山詩集

卷三

一

三十稟書樓

維揚錦幕隨年盛香車近市忙猶來蜂蝶影多  
分惜時光

遊城西王氏園林六首

何年地有靈兀傲擁林垌決水通寒玉劔山立  
翠屏祇盤深穩氣不別莽蒼形往往懷開闢茲  
遊絕風經

側仄垂丹磴灣環抱碧湫屈藤交冑馬牽荇密  
維舟隱者宜盤谷仙人住沃洲洞天疑自闕福  
地有冥搜

琪艸經傳種神芝亦自鋤境中花倚薄人外竹  
蕭疎靜悟趺跏久心冥欸接初不違魚鳥性翔  
泳得真如

柳膩晴如沐苔肥步欲扶春隨天地在境逐水  
雲孤合上南樓嘯全披北苑圖平生事游覽緣  
想托虛無

怪石常人立懸崖墜屋低米公垂欲拜安道記  
會棲布置毋傷巧鉤通欸更迷雲嵐迴合處一  
逕有鶯啼

卓山詩集

卷三

二

三十稟書樓

金谷求遺址藍田足舊莊留連真在眼亭榭此  
傳芳倒入斜陽紫歸循暮蘚黃空青猶不極回  
首夢瀟湘

兄桂過飲成詩

藏身避名利榮檄催出門寧知迫家計反覆勞  
恤存出處兩環慮終年失開鑄吾兄辱來覲重  
是同本根親聯一家誼可以傾所言呼童具鑄  
竿促座重追論府君鬱儒術沒世道不尊至今  
泣遺簡偉議猶鯨奔淵源惜韓嗣草土哀楚魂

田園絕舊計何以慰北萱屬毛又雛幼涕泣朝  
與昏古人藉擊柝毋乃急饗殮負荷况弗克且  
忘嚴誨恩當年譽堂構倘亦承後昆逼迫事干  
謁會遇排帝闈身榮事何補感極聲每吞國家  
網時髦才節共所敦吾憂落流品又恐遺經綸  
乃身詎予惜先志忍再屯那無飛騰術使我離  
孤鶩人生域定分智勇力豈掀揮杯更深酌矯  
首望乾坤

送趙三湯陰令開元之縣

卓山詩集

卷三

三

三十稟書樓

此地風饒古窮逋必可憐近聞崇薄歛合喜宰  
吾賢職盡雩禱內民蘇蜡臘前看君妙爲政琴  
鶴致翩翩

課傭人莊翹灌當除花卉畢觸事寫懷一

首

生長念根荄發榮視培植萬物皆匪殊庭葩悵  
何極吾行愛林居必近園池側十載走京塵不  
得少栖息僑寓敢求安開園藉餘力艸卉多雜  
臚芝蘭並修飾砌石疊雲根編籬混枯棘雨露

懷有滋炎威况相賊得毋損苗條未免煩胸臆  
呼童灌連筒斟酌務如式汝輩資安全不可忘  
食德可憐萎餘花榮悴異頃刻惠養天工思  
維尚邦國精心體物理大用昭厥職溉被苟全  
資憂虞豈民食徘徊藥欄久歌嘯鷗奴嘿華萼  
靜韶姿茗亭媚真色賞延怡日夕羣彙委通塞  
馬九員外出示乃祖忠勤公褒忠諸錄爛

然忠節著於文章感激有述

卓山詩集

卷三

四

三十稟書樓

褒忠載實錄國史詎不光煌煌植節義百代猶  
紀綱家乘且弗泯曾孫意何長古來節烈士亦  
切構與堂身雖死鋒鏑報國情豈忘後昆不振  
耀一死俱渺茫蹇余忽太息走也非空桑先君  
早不展抱節朝凜霜秉志孝友間發揮著文章  
等身垂述作散逸貽哀傷亦欲表微績令訓使  
再彰追維名世業儒者豈漫嘗陵遲百年內憶  
汝徒相望忠孝具至性永言迫中腸

喜雨

浮雲多傍漢時雨固從天稍稍通靈霧融融溼

綺煙灑空纔有色注地已如泉不要經原隴青  
林亦可憐

江十一丈帶惠書見訊兼述近况幸此酬

達

此離頻骨月顛倒又來緘自墮勞生網眞思說  
法巖百年須白首萬里只青衫余亦虛糜久相  
須證楚凡

送馬九歸觀

慈母吟於巷適子懷於荆同情異去住不敢送  
卓山詩集 卷三 五 三十稟書樓  
君行

春日姚二立德招飲賦詩

春色在詩瓢花枝照眼嬌綠樽虞晚晚白社喜  
招邀語燕周章急流鶯雜亂調騷人耽景物爛  
熳自今朝

雨中憶五弟駒七弟駿西安

分離猶越嶠眇矚更秦川兄弟憑流轉關山閱  
歲年不知雲樹外猶是雨風連萬里還隨侍躋  
蹠憶汝賢

周二丈學儂曹七丈秀先就敝廬取醉卽

席賦詩

客舍開筵造次成平居須是懶將迎豈意便諧  
文字飲如何偏繫古今情高迴落日臨空盡細  
指流雲集漢生同調幾人歡此會莫辭爛熳向  
飛觥

落花二首

報道青春暮殘花漸欲飛雨餘長委艸風靜更  
霑衣一物存榮悴浮華有是非都將經眼處眉  
卓山詩集 卷三 六 三十稟書樓  
歛惜芳菲

慘淡辭榮木留連戀故枝亦知無復駐偏欲暫  
相持豈合萍逢轉終看雨露滋春風渾易失歲  
暮有餘思

詠古三首

士以時名重出來念致身馬周哀貫酒羊陟憶  
沾巾古有存知己今難避世人孤騫辭假翼疇  
昔竟誰馴

往憶宏農尉居然困令狐才名看異代世事惜

爲儒自許心堪質人情道可誣苦緣題錦瑟珠  
淚月同枯

嘆息通泉老終傳寶劍篇斯人徒晚晚吾道屬  
迤邐意氣宣陽惜浮沉許下憐流雲自舒卷何  
以報高天

送劉二庶常炯罷歸安邑

栖遲非得罪歸去未辭貧學術憂方切詞華不  
致身山川延矯首關樹與行塵嘆息鳴條返河  
汾意甚真

卓山詩集

卷三

七

三十稷書樓

贈牛大同年琳出宰偃師

事貴切時務斯文毋乃同不然抱小技義豈關  
國風性靈得陶冶涉履遺窮通子登詞賦選代  
已無揚雄豈非鳳樓手託興猶淵衷

聖明特知識政事俾有從朝辭集賢院回首承  
明宮倭遲朝士惜眷戀人臣忠反覆著事業得  
失非當躬偃師王城域地古俗必隆陳詩有正  
雅尚想洛水東近聞區郡邑孔道當驛衝游方  
善措置土著權歡豐族師寓保甲蚤絕崔苻踪

種花洛城舊飛鳥緱鶴逢亦知文詞士施設卽  
有功奕然有功績獨我非明農往者累疎放擇  
術師屠龍由來不適用豈得悲道窮分司隸出  
納典領職已崇高天盼浮雲送遠馳秋蓬千里  
諒不隔風騷懷始終

牛大琳始銓偃師辭 覲恩調遠邑時以

親老乞補近縣改令萊蕪別言八韻

孝治唐虞理諸生稷卨臣明庭均布化毗俗始  
親仁投檄甘辭寵之官不厭貧

卓山詩集

卷三

八

三十稷書樓

聖恩重有眷別

旨竟相因迎養榮衣彩謳謠任甌塵未徒烏鳥  
遂兼擬雉雛馴報國歸君事爲郎念我身成詩  
頻送遠感激及天真

曉出冒雨

昨夜乾號天外雷未明風雨劇悲哉風驅急雨  
倉皇到雨助長風合沓來秋氣遠臨華闕靜空  
烟徐傍紫垣開還趨

輦道無旋淖豈事停驂駐草萊

陪同曹諸君讌陶然亭子

百年地識古蓬茆亭榭依然俯近郊不到竟疑  
三島隔經時已共一春拋雲霞屢變生檐外城  
郭長紆出樹梢且爲追陪聊乘興諸君可許醉  
村庖

有憶馮川舊茆屋寄兩弟

學英

南川讀書處一水自局門籠鵲時收放庭蘭蕙  
本根雲山諸弟有風雨隔年論試指渾河口如  
何滙一源

卓山詩集

卷三

九 三十稟書樓

七月七日夜

駕漢橋何在驚枝鵲未棲虛無牛女駐慘淡歲  
辰躋鍼縷煩生事刀環憶故妻關情今夜月隱  
見達深閨

京西尋覽

勝區天地間跋履亦隨素未甚陟嶽崙悠然緬  
寰寓高城初背日連嶼半垂暮窈窕明烟嵐深  
沉間晴雨疎林倚薄入遠色蒼茫露氣象鬱崢  
嶸神京拱迴互經營王者力安鞏雄畿固鄙夫

航部領未備搜探具眺覽出尋常俄延極瞻注

山涵萬古色雲改四時度劣則信燕然康夷有  
天步歎豐風土別摩擊商農裕曠朗豁迷方優  
游達明務塵竄失駐足惆悵此深懼

甘公尚書宅奉陪潛公

脩席間成

尚書從設醴夫子不吹竽合席笙簧奏垂軒海  
嶽圖燭光連寶月酒味出水壺况擬隆東閣鯁  
生辱座隅

戲簡沙二

卓山詩集

卷三

十 三十稟書樓

投門達文賦名士自古然沙君特困躡守道毋  
乃堅高詞又駭俗縱好無人傳少貶憫窮餓人  
誰捐目前艱難首陽蕨世幾夷齊賢况爾守正  
軌祖述窮遺編古人美文章未必皆百年好惡  
或隨世顯晦常有天沙君掉其頭北顧恒山巔  
嗟我尚皮相世人誰爾憐

高齋雨望

細雨爭春色高齋悵望時野橋張網密深巷賣  
花遲世事安便靜流光急轉移西山終日好長

共展脩眉

過永光寺

叢林開覺路城市自淄塵  
魚鳥分空性鶯花入淨因  
聽經猶別院隨喜不逢人  
一室傳煨芋憐余累俗身

周學士一丈出示文信國行書書帖

乾坤昔流蕩宋室已云墜  
遺翰落人間飄零莽誰識  
煌煌文信國凜凜扶危志  
碧血復今存寧惟耿文字  
嗚呼柴市魂慘惻崖山淚  
一物寶銷

卓山詩集

卷三

士

三十稟書樓

餘千秋緬遺懿丈人亟深賞  
金石辭虛嗜椽筆有崢嶸  
流傳亦垂示晶熒伏光景  
旋斡迴天地盤鬱固其常  
紆徐復遙致超神遇精爽  
緬古脫虛僞判晰愼毫茫  
研窮悚瞻企兩間會正氣  
陟降豈休敝得無有憑依  
愴怳倏來萃一理無不然  
吾徒憬深意卽憐煙煤物  
顯現非神祕拱玩肅微忱  
踰時不遑置歌詩許激發  
萬古櫻遐思

又觀號國夜游圖歌

翰林學士開秘藏畫圖出手何焜煌  
翻如鴻驚

客堂漫興四首

拙疾甘便靜深堂倚薄秋  
掃除隣蟄蝨粘累付蝸牛  
太古經年樹神靈積水湫  
風霆存用壯吁

卓山詩集

卷三

士

三十稟書樓

駭足相求

每愛沿堦卉嬋娟入晚榮  
未忘希雨露有植足生成  
採摘俱相擷樵蘇聞自明  
寒藤與蒼蔓糾結獨爲情

曠涉同游行天然暢物機  
蟬魚齊屈蘓熠燿借光輝  
徙倚宜山閣沉吟問釣磯  
洪纖如一類莫信有乖違

虛室寒生白空天倒著青  
息心依晚晚易地與沉冥  
蔣詡蕪三徑楊雲傲一亭  
委蛇吾自遣不



礪坐深局

秋日呂大 正音 相尋

局門深落木直好謝時羣委積無人掃秋風復爲君

秋柳圖送姚二

可憐秋柳枝不作舊柔絲復憶西風外行人正遠離

秋柳劇知時征人固無息惆悵畫圖中依然曩相識

卓山詩集

卷三

圭

三十樂書樓

馬員外兄自秦中寄訊兼慰惠詩

且自殷勤寄所思也憐心事托新詩秋來最有相思子不敵風流采擷詞

哭宮保甘尚書二首

引領明良世傷心故舊臣老成驚每謝時碩慟斯人紆鬱朝端涕悲涼地下神只應求諫草當日竟批鱗

再蹶心無屈中年道固窮

聖明方倚任屬繫已崇隆物望先清節操持獨

匪躬豈徒瞻北斗故事惜南宮

送周二孝廉丈南歸

人生亦有別胡乃淚縱橫豈繫轅下駒負輓增悲鳴鬱紆吾徒志遲暮久不驚歎忽向道路惘惘若有情蓐收更時節上谷秋崢嶸浮埃滿城闐祖鞭不可停驅馬好繁轡急馳無良程渡江莫揚帆風色多憑陵駐足焉所虞殷勤結微誠嚴霜不踰瞬天地已秋聲百草趨具腓松柏懷故榮荏苒知已念如何托明明且持一樽酒屬卓山詩集 卷三 西 三十樂書樓

子行自傾

憶馬位

三日不親黃叔度一篇猶愛孟襄陽相關舊事遠山碧無那新愁秋木黃太白望懸經伏雪蘆溝夢繞隔城霜倭遲苦惜羲和馭駐目秦雲送景光

送寧明江使君 源 起牧晉州

使者存威略流傳自粵疆至今歌出牧何似鎮遐方近輔先疇俗豐年計稻梁不違循吏績相

望更蓮塘

題杭二編脩前輩松吹書堂畫圖 世駿

頽風振寒柯但有危苦音傾耳紛晏歲恐懼方  
自今生微喬松骨安得絕所侵杭君體貞素獨  
見希有心虛無沓偃蓋杳邈聆疎琴猶當凍蚪  
蟄迥得蒼龍吟圖畫自綰染固足開我襟喧迴  
高飈轉靜與白日陰從來曠遐屬情性諒所欽  
延賞達物表至籟茲可尋曼屨委流運馳想極  
遠岑企哉霜雪幹嘆息吾已深

卓山詩集

卷三

五十五葉書樓

除夜有憶故園諸親舊柬鍾二 晚馬九位

方四 道興

關山紛歲暮俱盡此宵中幾度離心在相逢別  
緒同嶺梅何地白爐柏舊時紅且有平生彥休  
令酒醖空

簡沙二移居

竟聞蹤跡定歌哭有斯廬旅食三年寄容身一  
室虛積蒿憑滿逕撲棗在鄰居反覆齊通塞風  
烟囑里閤

清明日讌集馬九園林

節屬思烟晚筵經試火新鳥啼紛對酒花落暗  
逢人草木繁生意林園向暮春且憐休沐暇時  
得換良辰

題張閣學前輩 照馬員外位 西山倡和詩

登臨寄唫嘯山水發其端壯哉西山遊豈但馳  
逸觀名賢慎駐足攬結屬所安茲峯表神皋踞  
勝峩龍蟠軒昂太行首拱護都城寬側思崔嵬  
頂盪胸互雲巒會當小培塿放詠凌千盤其巔  
卓山詩集 卷三 五十五葉書樓

雜言五絕句

不薄今人愛古人祇緣今古誼長親江河直使  
滔滔盡風雅流傳正有神  
且惜金針秘度人豈知前輩自深醇苦憐百代

虛相賞未改風騷故步陳

豈有虛言使自傳一時陶杜緬前賢晉唐遺事

經千載不使風塵汚簡編

况聞風俗更相關鄭衛須知不可刪切莫逢人

矜篆刻揚雄已恐誤人間

只解遺型在國風徧題蟲卉亦深畏人寰諒有

真情性指點山川屬化工

又二絕句

心畫心聲本自真隨人俯仰竟何因論詩已出

卓山詩集 卷三 三十集書樓

雕龍右合許遺山獨問津

莫論勅勒興騷詩風雅緣人代盛衰忍爲中州

橫喚點乾坤清氣又伊誰

自都謁歸道陝留別京中親友兼述鄙懷

三十韻

昭代容休沐微軀遂物私絕裾無復悔執袂竟

何疑入夢勞歸計緣情起別思戒裝殊亟亟脂

轄故遲遲祖席交惆悵嚴程鮮藝維渾河波浩

渺上谷路透迤古驛花經眼春城柳皺睂心懸

知己濶身老客途悲夙昔窮餘骨諸公相捨皮

一官重負米百慮愁調饑西蜀懷舊賦南陔欲

補詩逢迎能贈編記憶竊傾葵感激非今日間

關自我爲人猶憐遠涉吾往更紆期地轉嶠函

迴天連華岳垂授餐分鬼草採藥失仙芝埃冷

烏紛接山危馬易疲吳江趨阻隔渭水逼淪猗

閱歷諳留滯儻何付險夷乞躬誠暫許間道敢

深辭含飯殷疇曩焚囊快及茲竹林還有託萱

舍卽前馳去去寧多囑栖栖乍若迷鶯愁離禁

卓山詩集 卷三 三十集書樓

樹鱗喜泳宮池出處儒生重安閑志士卑行藏

籌必熟家國念攸宜叱馭王尊節遺羹考叔規

親年翹永日臣職暇清時象闕存瞻戀卽園託

委蛇長安迴首近應莫訝臨岐

又別馬九位 沙二 宗義 二十韻

伐檀曾託詠折柳信堪悲渭樹迎征蓋燕雲送

驛騎乖違人事改結習友朋知尚論方千世瀕

行此一時輪轅初異轍途路卽多岐阮哭誠無

謂臧亡或自茲山花叢碎綴林鳥話支離眼矦

勞如許神交諒不移么絃將別緒卮酒屬心期  
往在憂謠詠諸君鎮委蛇璫璵珍顧盼蘭杜惜  
歲蕤下士增狂笑高才累俗宜嚶鳴猶接迹窈  
窕又攜辭此詣真篇什斯人賁羽儀未妨專一  
藝何莫慎當師執御吾奚敢承蜩古有之文章  
關至道風雨切追維去逐孤蓬遠情牽斷雁疑  
欄河雖間阻騏驥必同馳萬里憑魚帛須郵寄  
贈詩

發蘆溝

車山詩集

卷三

九

三十稟書樓

綠盡橋西柳依然閨客程川原逢舊契車馬識  
歸情天遠恬空闊山明効送迎津梁無阻滯寬  
法及時清

登定武浮圖

高攢一堦尊倒瞰舊軍屯北宋方全盛西藩此  
國門權宜資上策獻納在中原過客閑登覽茫  
茫莫竟論

沙河

風起沙飛雨孤城立曉烟隔河雙樹直落日一

耶圓野渡漸流澁人家略約偏時時逢覆轍途  
路必迤邐

柏鄉縣途中有作

長途罕停驂翠袖紛馳逐不知適何道惶惑先  
耳目落日經石梁隨行度林麓灣環一阡轉慘  
澹孤祠肅擎跪混翕嫗簫鐃震山谷蔽空捲蜺  
旌駭俗神龜卜侏儒沓歌舞醉飽從巫祝祈報  
卽明禋雩禱必時屬方春亟耕作非享寧無賓  
男女須異途如何襍屈宿虛無立鬼神奔走荒  
佃牧古人黜淫祀此足關風俗若邦尚淳質古  
制存冠服編氓惜多愚教化企遠沐涉世紛祝  
鮓何能徧申囑媚竈吾不知迴鞭駐喬木

宿邯鄲

旅懷鬱鬱束涉跡付屢遷今朝耳目迥走馬邯  
鄲邊古昔豪俠窟遺蹤况神仙沙土浩漫漫城  
邑紛闐闐野人狎鷹犬僊士輕彭錢風土變情  
性由來知習沿下馬坐當鑪呼酒快目前千金  
忍一擲萬載非久延人生守故步遭遇良偶然

余行匪一轍素志幸已堅茫茫古城軌刻鵠哀  
可憐明旦策征馬曠然冒風烟

大風渡漳河

水激風號萬騎馳高天白日下低垂炎劉割據  
紛如見魏武英靈可在茲當日玉魚憂葬骨至  
今銅雀不生悲濁漳流瀉千年恨滾滾黃沙又  
一時

新鄉途中有作簡趙三

開元明府

周流資汎覽風土徧相關衝邑非無賦山家鎮

卓山詩集

卷三

圭

三十稟書樓

自閒綬安存職守毗俗各勞艱爲報循聲吏今  
朝破客顏

渡洛川

卬山趨有徑洛水涉無梁欲渡憐清泚臨流怨  
夕陽神靈疑漢女詞賦惜思王潦倒皆文士風  
塵重感傷

過新安

道路憑蒿目經行問石壕撫時知俗阜懷古獨  
民勞倚嶂營田小綠崖鑿宇高土風猶樸陋還

欲托歌騷

宿硤石

險紆生夢境側仄信摧車跋涉吾何有崎嶇又  
一涯間途親老馬投止托棲鴉道是崢嶸路饑  
驅亦可嗟

盤豆早行

暮躋山程危早陟陁峽黑縈紆將百轉險隘通  
一闕谷聲傳虛空山響和語默渴塵如雲浮墜  
塊每雷激詞喝憂非常夷猶獨行客輪轅本安  
卓山詩集

卷三

圭

三十稟書樓

步蹈履豈不測陷溺且康莊驚疑自崩迫凌晨  
馳廣路旭日晴更白側想息心神當途竟搖惑  
出盤思茫茫永悔堅貞力

入關

逕絕風雲通龍蟠侈蜿蜒十年仗寶劍歎倚秦  
中天頰首洶大河東馳無歲年華山氣悽愴起  
伏相周旋停驂莽遐眺入隘百慮牽萬古一崖  
谷金湯信云堅古來或失守揜塞空可憐吾聞  
貴在德自昔以爲然驅馬慕歷覽遠籌思三邊

雍秦控夷蜀豫冀爲襟咽茲關轉北拱面勢徒  
一偏城墉自雄壯形勝固屢遷時清慶遭遇并  
貢日踵連此邦特衝要鎖鑰最所專

望嶽

太華少華紛低昂西南元氣與迴翔盤空翠巘  
極何處回首白雲通帝鄉玉女有情相繾綣巨  
靈終古盼滄桑偶然策馬秦城道竚倚明星攬  
大荒

登萬壽閣最高樓

卓山詩集

卷三

三

三十稜書樓

危樓十丈勢不窮飛甍迅起翼虛空金天上逼  
勾陳位白帝高憑太乙宮長河引漢橫流入華  
嶽迎秋倒影通秦時漢祠何處是茂陵西傍古  
扶風

宿驪山麓下早浴溫泉

今古興亡夢憑陵道路情草窺銀海涸月亘羽  
衣明水氣涵虛闕山靈自故城風塵悲信宿惟  
擬雪芳清

西安

地古秦三輔天荒漢五陵鶯花春自在形勢代  
相憑商女調箏急邊兒射虎能十年思躍馬拂  
拭劍華凝

觀夸使入秦

自古宣威在虜疆葡萄貢使日相望龍媒不貴  
來天馬犬翟誰矜獻白狼一統車書垂鼎盛九  
羌服事委尋常直崇大體宏綏德須識中朝具  
弛張

仲父幕府新池

卓山詩集

卷三

三

三十稜書樓

流水觀爲政今知澹有餘池因疏鑿得地已俗  
塵祛明鏡無留翳冰壺一片虛澄心清白在遊  
憩獨何如

曲江

唐家烟月漢朝宮萬古江流一綫通哀樂有情  
惟對酒興亡無限獨臨風霜悽楊柳關心碧露  
浥芙蓉起眼紅韋曲杜陵惆悵盡山川長記舊  
秦中

登慈恩寺浮圖

頻視連山列海濤不知身置碧雲高虛空一氣  
相迴幹日夜長風中怒號萬里登臨悲汗漫百  
年寄屬眇毫毛濁涇清渭流今古轉眼翻愁盼  
矚勞

觀射

秋入平城壯合圍雕弓白羽帶霜飛焉得控鞍  
齊引臂正思揮劍把征衣邊聲迴落千蒿勁殺  
氣高團一隼饑獨許登臺懷李廣羌氏終古震  
餘威

卓山詩集

卷三

五

三十稟書樓

望終南

石闕橫西極天都隱北環全秦收太白半郭望  
南山緬邈風雲沓局深虎豹閒爭從值毛女回  
首漢唐間

城上

中南接西華落日森有無獨面重城勢窺臨百  
二圖樓蘭猶欵塞細柳絕防胡悵望龍堆將誰  
膺虎竹符

卓山詩集卷三 終

卓山詩集卷四

奉新帥家相伯子甫著

秦中雜詩四首

天府名都會乾坤著大鈞星文連豫冀地勢極  
洮岷控制華夷盡憂虞戰伐頻無因天障塞側  
眼辨風塵

籌餉三邊戍移軍萬里屯東南民力富西北地  
形尊充國聲名老驃騎壁壘存燉煌踰弱水扼  
要自多門

卓山詩集

卷四

一

三十稟書樓

白氍新安堵金微遠畫疆銷兵輝日月綏德大  
隄防越雉齊通貢吳紈集販羌盡令熙率土自  
識

睿謨長

太史輶軒眇幽詩鼓吹同依然臨禹甸獨欲補  
秦風兵革歸農事枌榆頌歲功桑麻連井里壤  
擊逮黃童

雨

關中秋易雨泥淖且吾廬曲水環流漚終南積

翠虛倦飛投瓦雀浮沫起池魚物理齊通塞忘  
機對豁如

已晴還滴瀝覆雨竟須臾永夜移牀數平明倚  
檻孤客愁連灞漣歲晚問菰蒲慘澹青門曲悲  
秋又一隅

晴

溼日蒸土壁傾圯如頽山積階填深淤避穢長  
掩關朝陽固無偏棟宇非我慳桑土失早計晴  
雨信兩艱由來急綢繆萬事齊一班上天惡靈  
卓山詩集 卷四 二 三十稟書樓  
陰一陽喜來還滛霖倘愆令豈不憂痼瘵黃壤  
靖兵革豐穰徧民闔番夷紛貢使格被安苗碩  
太平既有象永奠殷人寰人事無錯迕天時安  
等閒引領駐靈曜曠然開我顏

登牛頭寺

寺古臨空廓山高傍沏寥倒盤雙鵠上長望片  
雲邀檻外樊川小林端白閣遙憑凭無限意已  
羨出塵囂

移住蘿陰新成舫屋戲題

經營出遠致結構且吾緣陸處臣無屋舟居小  
有天白花寒自結紫蔓細相牽絕笑江湖客無  
時縛一椽

九日曲江

生事五陵遊西風曲水頭移樽成勝賞吹帽在  
高樓太白流寒彩歸鴻急急暮秋繁絃兼促管况  
及暝雲收

聞蕭九丈鵬亡二首

渭北無魚懸極望天南有鳥藉深娛祇知書信  
卓山詩集 卷四 三 三十稟書樓  
平安在何意風塵涕淚俱兩世驚心交誼絕一  
時回首故山孤燕秦繾綣人如昔負米歸來失  
此夫

祇此艱難數故人當年潦倒未言貧卽今劍在  
虛還楚解道琴亡誤客秦白馬生芻空涕泗青  
山墓碣久嶙峋楓林關塞猶遼隔是處風霜足  
愴神

西安逢談三太康丞視會賦此柬之

故人未似六安丞萬里驅馳涉大凌風雨關山



權及見泥塗事業有何稱極知出處經三則且有文章吊二陵東下嶠函逢令尹不將塵事漫填膺

觀高公 其佩 指畫羣魚

高堂森蕭白日微大魚擲向空中飛不爲神龍已騰變江奔海駛相因依文蘋細藻復稠密十尺水綃若無質滌洞蕩滴端倪窮大者鯨吞小蟲蛭淪紋蹙縮十指痕墨藩翻掀萬鱗沸當時構取競宮闈封侯欲笑曾非筆秋風予已謝鱸卓山詩集 卷四 四 三十稟書樓

魚乃處其下十日餘洞庭瀟湘各在眼忘筌釣鰲交卷舒觀濠祇共惠子樂挂壁並美羊公譽安知呀呷紛形影別有神鯢畏豫且

灞上

首路陟層冰維繫往何托脩途溯前軌灞水寒已涸斷流咽無聲古柳凍不落原平浩漭漭山遠澹漠漠遊子亦依然征途緬成昨此邛多別傷溯古情轉惡羈縻自往昔徒旅日紛錯流年各蹉跎山水互寥廓吾道信驅馳寧惟一耶壑

安得縱遐觀萬里天如幕

出函

始行次豫地復與秦關違紫氣瞻已遠猶龍知是非人生天地中倏若朝露晞結情慕仙侶常恐道氣微豈惟俗慮牽人事罕息機今我苦行役千里絆若轡薄遊且言旋出谷深昧睵那忘白骨化飄蕩泥奮飛歷險諳踳踳阻修遺渴饑古今竟殊軌絕俗安可希

自信陽州至武勝關八十里山水作

卓山詩集 卷四 五 三十稟書樓

空青在城郭入望多好山捫歷巖石峭迤邐密林彎始至虞境盡百紆如引還巒迴障千壁谷轉蟠一灣寒色沓蕭灑凍泉咽潺湲勢旋不可極嗒呀開古關豁然露平敞反顧紛烟鬟往來形勝域竟日窮躋攀寧惟壯險隘結構自奧寰陟途無平危愜意遺孔艱停策稍紆鬱疎梅映微殷風光異申楚旅思今已閒

入楚

今日廼徂楚行邁邇故津遠人迫鄉關跡近神

已親蔚茲佳山水早與雙眸新湖光澹魚鳥野  
色分松筠窈窕廬舍靜栖遲雞彘馴當時灌畦  
叟覩此大有人彼返混沌化予辭風波民聖賢  
異軌躅亦自羞隱淪機事藉擺脫虛無浩吾隣

酒湖渡

捨車始舟楫高興愜所投湖流曲迴互抱彩空  
中浮慘澹分楚色湛明帶汀洲鳴榔起獨雁扣  
舷急雙鷗水鄉暢羣情游息皆故儔朝旭寒復  
翳浦烟積還收地幽變氣候江國覲可求延佇  
卓山詩集 卷四 六 三十稟書樓  
會超曠吾生詎無休

江漢三首

江漢滙雙流岷嶓一氣收烟波方赴楚城郭始  
含愁鸚鵡何人賦薜蘿舊日洲自來哀郢地隨  
意得羈留

日夕懸江國居停復楚關萍蓬任地轉風雪付  
天慳野岸連雲盡漂波繞郡還庾樓烟樹影極  
望有無間

自爾成棲泊浮沉大澤寬鱗鯉憂水落鷓鴣喜

天寒跡累淹延見心勞出處安乘陵風雪夜酌  
酒屬郎官

漢陰大雪歌

南來郢國猶飛雪江上行人垂斷絕東還客子  
趑波餘人事天時兩淒切蟻爭麒麟摧鱗甲龍  
母架空掀玉屑陰洞無聲猿狖哀僵柯半死鸞  
凰咽百年未作青松根偃蹇空貞歲寒節神女  
招晴川狂客誰相挈登樓萬感積煩紆俯視關  
卓山詩集 卷四 七 三十稟書樓  
山競寒冽

疊韻苦寒行

漢南風緊三日雪四野霾陰陽絕縮蛰惟增  
寥客傷哀鴻慣使幽憂切長江作勢捲銀濤大  
谷希聲噤瓊屑局戶深盤朔漠氣欹庭自送悽  
惶咽天地安知積袴窮冰霜祇試牛衣節旱乾  
水溢江東南嚴威或使蝻蝗滅亭毒深仁竟可  
思懸鵲忍自傷無挈獨憐舊褐凍垂折負米歸  
來傷凜冽

鍾三太守昭署逢鍾二助教曉時先予覲

歸三閱月矣

人生委飛蓬著地方有託行隨高飈轉倏與栖  
雲薄邂逅古所難分離感如昨予昔辭承明謝  
病返邛壑欸門一言別慷慨動深酌走也趨倚  
問君亦謝攜饌陳情不旋踵念我先鞭着丁寧  
致書郵消息傳引却浮踪忽如繫執袂先郢鄂  
迎我班彩衣映我棣華萼餉我茅容蔬坐我陳  
蕃幕具物傷羈維緣情溯寥廓峰迴擁長道江

卓山詩集

卷四

八

三十稟書樓

闊浮飛閣冰雪蟄蛟蛻天風送鸞鶴追維判襟  
始主客同驚愕明發往何殷栖遲頃誰縛古來  
嘆行路卽事干評泊遲速道有該因君勵衡霍  
登黃鶴樓

憑高閬衆紛天籟杳相聞一夜空江鶴孤飛萬  
里雲仙人不可見登覽復誰羣落日吹長笛虛  
無感費君

晴川閣

大別窺鸚鵡丹樓引鳳凰一川徒綺麗終古費

詞章晴色開江夏波聲抱漢陽禹碑重拂拭苔  
蘚已迷茫

登大別山

岷嶠北折走鴻溶控制東南第一峰江漢波瀾  
安指顧荆襄雲物在心胷楚王舊殿薜蘿合神  
禹新祠橘柚重我最徘徊湘郢地夕陽漁父對  
歸節

黃岡阻風

歸帆覲翔鳶行櫂狗浮梗天意故迤邐人事敢  
卓山詩集

卷四

九

三十稟書樓

微倖藹藹山吐雲冥冥日藏景驚飈發無端急  
雪紛相騁維棹憂簸搖中流得毋警神傷阻畏  
途心喜接佳境木落臨臯閒寒生雪堂靜古來  
風流人困頓托哀郢涉履無窮通當機貴神領  
寒盡凍始晞日晦燭須秉傾耳餘風濤觀心畏  
形影知者防未然茲焉發深省

道士泐

隱閔棄險絕飄颻信馮夷漩渦沸鯨吞噴沫爭  
鯢馳呼吸答崖響鬚眉鏡巖姿汎汎獨俄頃艤

晚深差池安知浩太古往者皆履危平生江海  
思中墜亦可悲世境紛伏莽沉淵破燃犀雷霆  
鼓迴瀾壯志藉靡移舟子歌嘯起睨睥慰淪漪  
淺揭有濡尾艱屯本生涯

次九江

大江汎東下止泊奄自茲未謂轉雲帆儵與匡  
君期空色交綺翠江光滑琉璃游目湛一鏡驚  
湍亦平夷險難閱豈盡風十適所宜關門滯行  
楫詎必無紆羈遠近理固一予歸昔無時延想  
卓山詩集 卷四 十 三十稟書樓  
馳八極終甘托威遲

歸次安義離家僅四十里馳報兩弟二首  
風雪有歸人春回馬首塵山青曾入夢水碧竟  
吾隣休沐辭

明主行藏媿老親明朝拜堂上取次話酸辛  
潦倒拋妻子艱難累弟兄團圞今日重離別昔  
年輕捧檄毛生喜還家萊綵明風烟喬木影瞻  
望已關情

悼煜子

問訊傳多慧歸來見汝殤饑寒誠失計聰異竟  
能妨世上初無藥天心豈獲禳飄浮身健在脩  
短付茫茫

哭馬刑部 位 四首

書來臨歲暮客恨滿重泉此別成終古斯人竟  
可憐郢中空白雪海水結哀絃萬里愁汧渭無  
因寄淚漣

任道憂予懦扶衰識汝豪志存爭運會才本擅  
風騷少日矜頭角清時著羽毛至今留意氣江  
卓山詩集 卷四 十 三十稟書樓  
漢未滔滔

念子孤忠裔名家奕世姿顏回終更天伯道矧  
無兒舊閱青山宅先塋峴首碑一時兼百慮淚  
盡更何期

昔別情何切臨分乞贈言半生逢獨賞一語契  
同尊塗路風霜隔詩書氣誼敦九原如可作百  
贖爲招魂

與宋大 五 七 遊集南川觀競渡戲作

野興成山步飛艫逐水嬉蛟龍投楚渚樓櫓下

昆池杜牧關情晚靈均舊俗疑明璫紛髻影好  
及上頭時

南川

兩水湛縈帶半堤涵莽蒼林紆通路約岸轉別  
城隍濯足無人處看雲獨鷺傍漁舟漾波入相  
引到瀟湘

邨夜

村容異昏旦暮景闌林堤落日歸羣鴨深烟返  
一犁與時安晦息緣跡貺幽栖復見驚猿定紛  
卓山詩集 卷四 十三 三十稟書樓  
紆物理齊

寶雲寺牡丹

祇園本佳麗托植竟敷榮自孕空中色人娛世  
外情曇華爭婀娜蘂葡萄太孤清諸相冥心界天  
香別樣呈

承方公閣學 苞手札

垂老憂斯道憐才掖古刑性情深感激書札眷  
丁寧念昔薪傳火親承水在瓶抗顏惟自任傾  
耳獲殊聽詞藻非干祿名流或叛經感通竊典

冊沈實牖心局雅頌咸吹萬詩書本踐形至今  
無汨沒莫惑是虛靈一別離羣久孤蹤岐路停  
居諸荒草草風雨墮冥冥自爾迷咻傳無因辨  
渭涇不關來剖鯉誰與燭焦螟排異功攘楚開  
蒙力救邢大儒矜節取學子惜先零豈直扶文  
統相虞既說鈴百年悲旦暮早晚傍元亭

廿六弟明府謁選赴都末獲餞送郵贈以

詩

悵惜殷垂別追維失贈言茲行真作吏上理固  
卓山詩集 卷四 十三 三十稟書樓  
頻論綬綰宮花艷旌迎路柳繁銅章司性命百  
里付恩寬

陪廖三妹丈 宏訓 廿一表弟 毅集小閣

花色陰清晝林亭合款迎客深親誼切秋到酒  
懷清爽氣明山彩微風競鳥聲酣餘重話舊亦  
復可憐情

奉酬周侍郎一丈惠書兼答沙二弟孝廉  
謝病歸來野興疎都門懶寄一行書陳情直戀  
將烏鳥勸駕何因促鯉魚鬚髮有情寬拙性文

章無挾畏虛譽故人合羨知音近正是潘輿奉  
客居

題水西亭子

水西亭子立孤煙白石滄波迥接連日晚鳬鷺  
寒自浴雨餘荇藻綠相牽雲霞迭變邀塵眼風  
物無心遂醉眠儘遣閒懷賦蒼莽夕陽古樹記  
周旋

暮登青雲樓望遠有懷

層樓倚迢迢暮景紛相送餘霞斂寒彩回影散

卓山詩集

卷四

古

三十案書樓

梁棟凭檻俯深青平林隔空洞衆星天外淺圓  
月波中動境孤風物澄露溼衣裾重紛吾集綿  
想舊事揚州夢千里汎悠悠明河遠迴控烏鵲  
眇南飛臨風托吟諷

九日與兩弟侍讌太安人席上分成

令節傳分菊稱觴美餉雞深娛成燕喜真味足  
豚蹄糗餌從兒乞萸囊出手攜顧言頻歲別聚  
集試分題

雨

疎密隨時見秋窓祇獨看情孤容易懶夢冷不  
全安天矮欹林重雲深度鳥難白蘋愁裏識肅  
肅向人寒

佩刀吟

佩刀出匣天風翔玄冥艷慘飛青霜龍蚪破山  
力未猛雷霆劈石鋒猶藏臨橋斬馬氣披靡入  
水截鯢寒浪駛虎鬚壯士笑相視手按螭頭冰  
冽指書生何緣竟致此意齟齬甘游俠死區區毛  
錐安用哉百年無挾空徘徊鉛刀市上一操割

卓山詩集

卷四

五

三十案書樓

落日華陽荒古臺

重至章江寓居

江聲爭日夜清夢識滄洲逝者知誰待重來記  
幾秋山川吾郡古文物昔人憂茅屋還依舊逢  
迎慰駐留

江上逢吳三

雲爛

兼攜酒饌見餉

會面驚垂白天閒有道身轉憐詩獨健甘藉酒  
爲隣蟹擘秋霜飽葵霑曉露新酣歌重得遂風  
雨暮江津

吳三出示篇什校畢賦贈

老惜推敲切情憐賞識希吾知風雅重一證古  
今非騷漢無殊體源流具指歸平生崇細論獨  
擬謝元暉

聞方二通判道永消息

市虎徒虛謗笈鳳必脫羈竟聞鄒獄白不作楚  
囚悲造物殷嘗試名途付險夷斯人及寬法感  
奮念清時

陪周二丈江上飲

卓山詩集 卷四 七 三十稷書樓

誰能顛顚對梅開天遣逢君藉醲醑卻怪劇年  
忘醉醒始憑江檻豁追陪春明雪色浮天動日  
短濤聲捲夕來送目蒼茫浩如許欲從嵇阮屬  
傳杯

重上滕王閣

西山意有待吾亦及重遊地任遺文老身經屢  
陟浮雲濤延矯首今古擲迴眸莫但滕王蝶荒  
烟更幾秋

招吳三 雲烟集飲東湖

醉客黃嬌酒陳茵碧篠居莫辭酣水石相許證  
清虛徐孺高磨鏡雲卿老種蔬湖光將柳色照  
影入蟾蜍

寄示煥子改置樓居

好支尺木架樓居示汝休言十笏廬疊屋計惟  
資隙地去天藉可接清虛逍遙湖海高人榻次  
第農桑上世書卽曉經營吾道在速驅斤削莫  
教疎

上梧桐嶺

卓山詩集 卷四 七 三十稷書樓

獨上憑雲裊高躋挾鳥翔烟霞局石宇草木帶  
天香洞古何年闢巖陰白日藏山精傳閱世穴  
處見徜徉

歸喜樓成示兒子 煥卽三十稷書樓

一年家食猶漂流此身自分隨虛舟安居賴有  
此半畝容膝可托供優游始虞不足儲萬卷匠  
意獨出成斯樓天風歛吸迴四周浮雲白日相  
颺悠安知萬里來沆瀣已踞百尺空虬螭行藏  
倚此况少定風雨獲蔽吾焉求盤虬翼鳳倚標

渺豈較此樓安駐留咄哉營構有如許凡百要  
與精神謀予豈不有雙吳鈞倚天自足橫清秋  
鬱紆胡爲事一室嘯傲獨許凌丹叩

表哀吟

昊天肆予毒降割宜藐躬胡然變倉卒我獨懼  
此凶生爲負罪軀死亦餘隱恫生死固弗恤有  
身疚終窮白日爲陰霾層雲亘高空號風絕定  
木萱草萎故叢人生撫斯慟天地齊永終側身  
廣輪內汎若零飄風有覲視人世有聲徹高穹

卓山詩集

卷四

六

三十稟書樓

高穹垂聽聞百贖固閔衷玄天幽且默沈痛莫  
我通夙昔讓簪笏棄薪實心忪娛志藉甫諧焉  
知虛祭豐玄冥沍霜雪永陟當季冬垂訣一貽  
目蛻形飜粹容豈不念永棄隱寬惜塞胸嗚呼  
慈母意存歿殷情鍾寓宇有止極深恩浩鴻溶  
誓將委人寰依彼泉下宮明冥亦咫尺一訣無  
更逢中夜起躑躅涕洟如雨淙側彼兩雛弟交  
頤猶我同大弟稍成立儒巾守繚籠中弟兼未  
婚焉蘿怨青松藐茲含飴孫子立又靡從惓當

迫奄逝汎愛環內攻至今未了志魂夢悽故蹤  
既來不分明倏隔旋萬重總帷肅寒颼殘燼殷  
微紅一慟胥已矣寸忱枉憧憧咄嗟人子行有  
職養弗供萬死亦何貸生已還鮮封百事成晚  
悔誰爲勵咎夔人儔及存養毋使悲縮縫

追和馬九員外見贈之作

有序

自草土損心文字屏廢閱再朞矣理猥籍篋  
中忽得馬九員外位往所贈詩自惟平生故  
游落落不十數人謁歸訪舊大半爲鬼而天

卓山詩集

卷四

九

三十稟書樓

涯知己宿草屢新零簡牘篇增茲慘感余頭  
顛未四十所遭遽已如此矧過此乎時故人  
王子有謨亦傷徂歿遂連類哭之以詩乾隆

九年正月晦日

海內論交吾最早百年未料先傾倒位也風流  
較可憐登堂一笑欣投縞目營蒼狗擲浮休力  
返金烏幹元造詩成動作萬齡計筆橫愁將九  
州掃雲霞烏奕郇公牋蛇蚓縱橫伯英草篇長  
字古絕殊賞汝和吾歌得同抱當時綠髻未相



讓醉意騷心極瑤島酌酒焉得挽長繩萬事回頭竟何道棄薪往者辭故儔訪舊翻然墮煩惱歸來里巷餘少年回睽天涯問長好白楊風悲鄰舍靜青楓雨泣關河老人生聚散苦艱難天意凋摧任殤天詞章信罹造物忌塊獨堪遭蒿薤懊此身未已眞悲哉舊哀不斷重新哀丹雘白馬吾有誓結交願莫逢奇才君不見王郎抱道已淪落復使淹湓隨飛灰

入春

卓山詩集

卷四

干

三十稟書樓

乾坤惻孤悶時序改無痕永日偏經眼春風獨閉門傷心催柳變伏枕畏鳥喧大地啼冰雪虛徐客未暄

春雪

嚴雪故違候霏微似趣人有時憐素影賴汝掩華春墮羽驚新雀因風拚古筠疏蕪兼厚地凝佇日霑巾

蒙周侍郎手札審呂大

正音

沙二

宗義

李

大

邦彥

均罹內外變故觸類愴心不禁

有述

嗚呼遭不造何意徧同曹書見纏綿字心摧快割刀斷猿紛老淚雛鹿集羣號目極天南北淒其積雪高

奉寄周侍郎一丈學健

奉使兩淮二十六

韻

經濟歸吾鄙

朝廷倚大臣豈惟灾待卹直以物咸春建節司空寄連輿戚晚親聲名宣日月儒術軼風塵允

卓山詩集

卷四

干

三十稟書樓

似歐陽議如披賈讓陳波濤安息壤魚驚出生民末誼過曉舌芻言竊鼓唇東南爭保障淮海逮涯濱倒注狂瀾勢西傾砥柱湮儘虞湖共險合憫壑爲隣沛泗鱗游市邳虹水沒闌陬隅安自蹇沃瘠固同屯往在勞疏洩殷憂及縉紳逆流終泛濫直下必通津籌畫高卑分脈絡均誰云於海口須計度河身霖潦非時有清黃可自馴功規全局立論取獨持仲禹績傳訏略堯仁溥拯淪公才齊濬畝拙意薄填薪塊鞠哀

餘命乾坤又棄人胡然勤款曲疇曩憶咨詢兼  
聽會無惑多方廣大鈞撫躬猶率土默禱尚高  
旻引領敷三策行歌奠四垠他時碑版製感激  
動天真

述考德三百八十言示煥子

羣山派崑崙萬里走蜿蜒黃河下九折星宿開  
其先吾宗詩書胄百世思垂傳汝祖實承之疇  
昔追象賢世家耀簪笏儒素輕貂蟬學業有所  
授箕裘至今緣予往授書日趨庭每周旋汝祖

卓山詩集

卷四

三十稟書樓

坐絳幄風儀炯真仙左圖兼右書縷管和丹鉛  
上述周孔業下訖醇儒編談理百氏廢讀書九  
經穿文章黜蟲篆道德羞輪轅長門賦千金露  
布辭萬言中道悉捨去有懷義農前疏方未譬  
國授學空遺田七畝自立傳三車亦遜禪那無  
碎胡琴名播宣陽屢炙手固可熱丈夫豈便嫫  
東籬菰霜鞠北澗採香荃心怡谷梅遠骨倚崖  
松堅古來行藏重儒者道所權伊昔甫髫髻北  
堂奄背捐伶仃母王母嬌穉性靡遷折節庭闈

間哀號信旻天至今曾閱譽往在宗祥聯釀和  
既醇如肅禮復凜然畏縮走宵小風操敦薄儼  
公侯叱前席紈袴憚致延回首家壁立罔知居  
罄懸飄飄青田鶴皎潔西華蓮益知先人志介  
守惟青氈凜予庸懦姿念爾堂構牽事業逐瘤  
贅詞華落枝駢熱心功名場岐路聲華間先烈  
實頽墜矢懷又迤邐汝曹羌晚出明德曷誌鐫  
末流薄行誼時局趨腥羶不爾徽懿貽殷憂終  
百年

卓山詩集

卷四

三十稟書樓

古風書題觸目

小婦彈箜篌大婦坐流黃流黃織錦字箜篌寫  
宮商纖波振流風滉漾明月光明月照機杼軋  
軋夜未央不及照几筵繁絲發清揚繁絲蕩人  
心婉孌有所將願因高天月爲君結襦裳二五  
蟾兔好三五蟾兔望朏魄常美滿天孫起徬徨  
寧知秉梭人默默生周防

將有遠役別弟妹等

執手不能別申情淚已涼只今分雁苦無復翼

離憐生業隨芒屨乾坤問麥船白雲依舊合策  
馬思茫然

卓山詩集 卷四

三十稟書樓

卓山詩集卷四 終

卓山詩集卷五

奉新帥家相伯子甫著

奉陪高劍川二丈為阜舟中愜譚有作

仙舟亦有期塵柄得齊披瀕老方捫舌逢人忽  
解頤清颺流座永湛露滴衣滋恐懼驚蛟出烟  
波竊聽疑

高使君丈又示徐墓三詩率作二首和之

回首炎精震蕩時徵君實有杞人思清流自搆  
諸公駸大厦曾何一木支獨讓聲名歸俊顧正

卓山詩集 卷五 一 三十稟書樓

憐身世共安危申屠不作陳蕃死已使高風百  
代垂

宮寺深知勢莫降英流不死重危邦依違故榻  
心千古寥落生芻淚一腔微烈自高存漢季風  
流誰許吊南江平生論世兼騷雅亦向鐘鏞發  
蕤撞

風雨江城愴心有述

庖風盲雨攪天悲獨客含悽較淚垂今日無須  
怨遊子此生至死哭孤兒江聲白日周遭急檐

溜空階斷續遲爲念深堂雙乳燕生成毛羽故相窺

入蠡湖

從茲淵陸絕萬里寄分風左蠡三千頃驚波蕩  
涵中匡廬孤影亞身世一舟空遮莫欹斜度漂  
浮未有窮

匡廬二首

五老不可極今知領萬靈寰中分嶽氣江表壯  
神局遯跡宜高士標題著道經時來雙白鹿騰  
卓山詩集 卷五 二 三十棄書樓  
擲下空青

客意爭峭崿乘陵小阜坡如何瞻帝座咫尺在  
崇阿日月生丹壁仙人卧綠蘿秦皇兼漢武曾  
憶此經過

白鹿洞謁朱子祠堂

詩書秦火盡夫子振來今至道披荆棘山川盛  
古音一鐙存講義萬派仰靈岑信有遺規在長  
綿鼓篋心

過匡廬諸蘭若

山成諸佛國僧並古先生隨意逢清唄無心歷  
化城樓臺鉤洞壑世界割陰晴何事東林隱惟  
傳慧遠名

觀三峽泉

長聞三峽勝始見玉淵泉風雨此迴合蛟龍無  
蜿蜒會懷濯纓志晚及汲深憐豈識山間石崩  
騰度歲年

望瀑

豈有天潢注高寒壯一門倒空垂太古歸海自  
卓山詩集 卷五 三 三十棄書樓  
孤根山水勞漣滌乘陵屬渴煩赤鱗鱗鬣在了  
了貺仙源

神靈湖蒙馮七弟

可宗

攜佩劍就舟貽別

忼慨契高誼栖皇怨乖離逗留纓宮亭愴惻將  
焉期公子倦羈旅過從有餘思手攜故青霜把  
袂來齋咨汝懷跨湖海復苦逢蛟螭世事趨反  
覆丈夫深挾持故人結微誠假物願有資靈竒  
伏飛物服御從君爲傾心溢貺賜取佩軒鬚睂  
平生虹霓志舛午沈淪悲寧知浩叱咤於世無

危夷悲鳴激中流星斗湛不移龜勉信于邁風  
波逝何疑淪淪延津浦會合正有時執手矚吾  
子無言翻鬱伊人生愜意氣遠別非所知

纜石鐘山

茲遊迫屢空詭興迭予貺造物勞逸人希聲諦  
眞妄纜舟倚巉巖傾耳流清曠稍覺鏗砰訇旋  
驚沓悽愴無人合奏永靜夜孤鳴壯宮商亦時  
和正變苦難狀崖竇互參錯風水滙奔放激搏  
出空音安諧物情暢探奇屬轡轡撫物增惆悵

卓山詩集

卷五

四

三十稟書樓

翹跂端明翁高情偉駘宕

風阻登觀音閣望小孤山

獲躋巉崖高始妙孤山態莫緣風色轉歛條虛  
流睽會悟流止機甘從達觀槩振衣竦巖端飛  
閣表雲內凭欄曠放濶騁目盤螺黛空際束脩  
鬟江山緬遺佩千尋插漢小萬古漂波在惆悵  
湘娥愁連蜨澹相對天風迅迴旋海日涵靈靄  
靄影墮冥茫衝帆狎溟泮遐哉一峯賞事亦從  
天賚迴瞰已無蹤良因浩難再

東流江中暴風雨作

道路多倉皇涉履不可常信往在夷坦林巒鬱  
相望吳波曠無籟楚芷空有香此邦舊彭澤緬  
古念故鄉縈愁百如結豁釋移瀟湘瀟湘忍橫  
流眼盼初茫茫白日墮入地羣山起低昂驚風  
走飛電一霎移陰陽挽泊各不及中流偃桅檣  
百萬同號呼安期異存亡餘生感太仁一葦存  
舸航當時一蹉跌捐棄孰爾傷傷哉玩胥溺祇  
累妻孥將營飽又滿腹馮河日章黃不聞古陶

卓山詩集

卷五

五

三十稟書樓

公巽坎薄此疆羣生汨灑瀕百事膠均堂倖免  
情始愜侈然欺相梁

過池口

倉卒踰菊邑留連汎池陽浮槎不暫息詎欲趨  
銀潢超忽若飛鳥浮沉委相羊墩亭失雙鳥回  
脰深微茫天海混一氣江湖涵點蒼東浮更何  
極道路不可量神姦此淵鼓順逆又莫防髮膚  
有所受輕試臨大荒弱冠慕陸橘一舟老行藏  
問予往何爲疇昔有母將俯觀馳流變仰睇孤

雲翔泛覽安所屬淚下綿汪洋

望九華

空瞻岌業勢騫騰如許蓮華逼岱恒便已橫胸  
空女几卽今流影半南陵雲通碧落翻相失日  
射靈扃忽可憑早晚塵途脫鞵鞅也應岸幘最  
高層

排悶

旋風不停吹永繫關南宿神懷夕雲蹇夢短春  
蒲馥側聽更漏重仰觀星芒蕨蓂蓂天籟迫慘  
卓山詩集 卷五 六 三十稟書樓  
慘官笏促陰火恠潛燃鮫珠泣宵伏四顧潸無  
人長瘖向孤僕不知今古來幾許窮途哭氛霧  
歎騰翔神幢訝輪輻蕭韶間悲絲導引沓哀筑  
餘月逗微光昏黃漾飄倏虛無眎彷彿瑋露  
衰束鴟夷泛白馬靈均佩秋鞠城主亦飛舸芙  
蓉互紛郁維還神之來無寧鑒窮蹙各屬古傷  
心興言莫醺醪恐此涉渺茫橫江孤鶴肅

江雨口號

泂雲東上接崦嵫暝雨西驅極四陲萬里有天

迷咫尺一身無地試安危神傷浩淼悲黃鵠目  
眩虛無見白螭湖海十年成底事波瀾屢涉欲  
深疑

悶

水荇披風弱可憐牽愁帶恨又江天闕來詩似  
探喉出望去山如一髮延信宿檣烏留顧盼識  
人沙鷺藉周旋故遊且是音聞絕東下迢迢信  
大淵

蕪湖贈別會令

尚增

卓山詩集 卷五 七 三十稟書樓  
留滯始一晤亦知會面難敢輕離別心行役自  
不殫稍稍申款曲勞勞致盤桓有如浮萍合聚  
散從無端回瞰俯大江落日煙水寒清颼一徐  
動舟楫依微瀾逝將從此隔執手生長嘆猥走  
務駢拇委身鬪危湍不知馮夷宅下有靈虬蟠  
貝闕如可蹈矢心求所安無資照燃犀不得窮  
誦觀傾墮薄餘事正憐江海寬寧知托吾子再  
拜聆加餐苦爲風水慮蛟虺慎與干然疑甫間  
作顧盼重辛酸至誼今幾人吾寧甘棄拚風波

倦契濶矧復追古歡去去疇與道喟然摧肺肝

過牛渚

江腥龍氣在地古戰雲高挂眼空形勝關心舊  
鬱陶青山留故宅赤幘畏人豪仗劍輕來此猶  
思掣海鼇

舟中望采石酒樓聊漫賦

惟宦胸懷橫磊落亦知李白最違時安能齷齪  
歌吳調信有風濤護楚辭開寶已非存感憤江  
山何有借淹遲縱令相望不可卽騁目潯溟自

卓山詩集

卷五

八 三十稟書樓

詠詩

寓明中山王西園

今隸安徽藩幕時客魏公定國故得寓居

薇省寄萍跡懨懨托平泉紆餘蓮池曲愴恍朱  
門連上公故邸第感激哀流傳營構出高廟故  
非闌闌妍樓臺逼丹霞洞壑流青烟太古屈蟠  
樹幽澄洄洑淵崩騰石巖裂窈窕雕欄懸稍躋  
形亭高騁望羅嬋娟玄武出其後鍾山屹當前  
蕭森孝陵柏終古悽迴旋眷往企豐烈韓彭固  
同年立坊盟帶礪賜宅貽會玄豈知懋鴻績不

得違革沿吾人誓建立絳灌羞比肩羊公感涕

泗百代垂憂煎市朝陵谷變屋社卽墟憐劫灰

未隨燬此又關古賢平生侈流覽閱歷萬海田

腐儒老一室且得栖華椽男兒勲名就豈復非

宿緣公府遺畫戟高堂憇行氈顏思夢顏色颯

爽來九天

贈魏二舍人

驚嘶睨目嗔予狂蚩尤鼓勢掀迴翔銀濤天際  
傾危檣焉得公子來予傍石頭城中一相見顧

卓山詩集

卷五

九 三十稟書樓

盼足使神飛揚一雙寶劍掣奔電三寸青鏤橫  
大荒詩成獨立烟豪態酒後逢人生俠腸肝披  
膽瀝極儕輩金在牀頭高意氣石家如意費珊  
瑚陳市胡琴艷璣貝古交有神殊不誣請從吾  
子馳江湖平生予亦非侏儒

金陵覽古四首

盤胷鬱律來吳會放眼江山屬古詩如許英雄  
哀鬢髮等閒龍虎變陳隋石城鼓角橫空靜閭  
苑煙花懶自迷猶是孫郎圖霸地直傳南渡幾

興衰

聞道烏衣已劇憐總持舊宅更相連千秋帝業  
懸名士數曲宮詞偉大篇奕葉勲華何代盡過  
江文采到今妍青谿夜月尋常見不照傷心六

代前

鳳凰臺古幾登臨江左風流不可任烟草淒迷  
金粉氣雲山綿邈歲時心佳人落魄憐風景豪  
客傷懷問陸沉柳色千門未搖落桓公涕淚久  
侵尋

卓山詩集

卷五

十

三十棄書樓

惆悵興亡竟不殊飄零懷古獨吾徒西州自灑  
羊曇淚南國終哀庾信孤星斗逼人憑看劍乾  
坤隨地擁遺圖後庭賸曲無人譜腸斷秦淮夜  
夜烏

府中登樓盼遠傷情愀然之作

杜陵老作諸侯客王粲重登異地樓今昔總垂  
詞客淚虛空不斷旅人愁白波風勁蒹葭暮黃  
鵠聲乾菡萏秋四海隨身惟一劍十年生計閉  
孤舟

僕病

仗爾欲爲命鬻予切厚虞陰陽侵有以佗僚到  
斯徒道路疲筋骨饑寒共髮膚古來矜遣力顛  
倒致持扶

淮上遣心

乞食淮陰市鳴哀漂母祠烟波餘鹵莽身世向  
今茲際會千金薄淒涼一劍疑煩紆輕弔古延  
覽默齋咨

露筋祠

卓山詩集

卷五

十一

三十棄書樓

長喙何憎惡夫人尚有名委蛇當不死隱忍獨  
貪生桂日明蝸壁松風落蠹旌寂寥湖側廟猶  
似築懷清

平山堂題二絕句

江北江南絕佇延客情終繞舊山川孤墟賞識  
成千古賸藻凋零繫一椽  
山色有無渾共見風流寂寞幾人思可憐百代  
悽惶客獨向空亭問我師

望海



一氣淵淵滙東觀識海門相將琴氏鯉隨意楚  
蒙鯤碣石晞華髮扶桑攬赤暎雲山重障蔽長  
望竟安論

宿毘陵驛

信往頻膠著空垆羨野鷗栖遲半江左寂寞幾  
名流古驛秋花冷征帆細雨收無眠思季子一  
劍志終酌

西湖二首

莫決西湖派從他盛武林淒涼還入畫山水屬  
卓山詩集 卷五 三十三葉書樓  
何心波靜青金鏡峰環碧玉簪依稀南宋地牘  
粉在清潯

走馬看花疾迴船入鏡孤鉛華容易歇高興幾  
吾徒天地移喧寂雲霞眩有無往來雙鶴盡睇  
絕古林逋

過釣臺口號

踉蹌風波客猶從此路迴白雲無限好遮盡子  
陵臺

加腹容驕蹇垂竿豈釣名美人憂炫服羣諱到

先生

泊河口因遊天池精舍

一夜舟航指故鄉清泠河水逼滄浪江衝地骨  
開羣嶼寺裂天垠隱上方無際靈光知淨土有  
時山海接詩腸佛幢僧火留連地蹤跡平生禮  
梵王

重至星子

湖流不改色堞影只啣山一片青冥氣經年浩  
淼間斷堤橫古柳獨石炯秋鷗歲晚傷情候征  
卓山詩集 卷五 三十三葉書樓  
蓬又往還

望匡山

漢王一峯尊其勢不兩大五老忽爭雄天低翠  
雲外

落星墩

但覺浮波小安知砥柱尊洪流漂不盡惟有落  
星墩

度吳鄣嶺

天亞懸崖影肩輿入岫雲轉輪風落石空燒樹

留暉俯仰江山勢追隨鳥獸羣客心容未達得  
免笑匡君

九江贈別張教授滿

夫君何絕累守約復居卑冷署傾杯晚寒臯語  
別遲峭風驅獨棹明月在空湄多事青衫泪相  
看髣未絲

馬孝廉榮祖

聞自京師記誦拙詩甚多往

於揚州一晤遽別客舟無慘益思良友  
感作一篇貢郵寄達情見乎詞

卓山詩集

卷五

十四

三十稟書樓

大雅寢已廢風騷久誰陳平生荒山中自寄天  
籟真長安車馬客冠蓋蒙風塵古調夸瓦缶今  
聲登席珍嫵詞鬬嬋娟媚語工笑嘖六義轟破  
碎四詩汨紛綸寧知性情物道與風會新駢麗  
妙雕繪安諧王化淳孤懷獨懣結綿志迫欲伸  
長年走江湖謂得真偉人此道不終沒果娛心  
所親九天落珠玉咳唾便有神往者倦何沈千  
里耿莫申刊江締車笠傾蓋誼飲醇悠悠結交  
場締好重所因豈伊標榜屬任重非一身常恐

索居久一心轉縑磷名流示獎借曲士超沈淪  
何言風雲會忽間東西津縹緲陟閭嶠委隨忽  
儒巾周公盛開府尚契賢主賓顧相竭干請頻  
年無定循仲冬已冰霜鄂沔趨白蘋肯爲憂離  
切人事櫻苦辛艱難英豪集委婉各賤貧意氣  
劇犀兕頭顱羞莽榛終安斥鴳諄忍使威鳳屯  
不知魁岸儔亦畏時賢嗔煩紆不能達得句岷  
嶠春寒月伴孤舫悲笳咽空濤中宵潒東矚萬  
里天無垠寥寥垂情慄獨致湘江鱗

卓山詩集

卷五

十五

三十稟書樓

逆風

長年怨未已囊口號不息橫顛旣髡柳側落漸  
崩石日脚駐雲寒濤頭類潮黑鯨魚喜吞噬魑  
魅或接跡不此戒垂堂開蓬竟摧折可憐一葉  
旋微命賤螻蝻身非洛賈曹屢逐湘編客隨行  
屈關吏合隊防衛賊隱忍無不爲憂虞旣崩迫  
封姨怒儒巾又使中屯阨三日發潯陽連朝冒  
空驛駕雁東南來卻整凌風翮祠鴟背爭食毛  
羽疲騰擲森陳鯢鵠妄感激蚘夔釋睍睍恣夸

猶佇延候晨夕落日吹江豚頻憂津婦識

赤壁

文章偃蹇垂興廢形勝支離改魏吳獨擁山河  
悲孟德最煩詞賦屬周瑜三更慘唳橫江鶴萬  
古哀號繞樹烏才子英雄俱太息扁舟落日問  
菰蒲

黃鶴樓中作

鄂渚宮前獨鶴歸鳳凰山外白雲稀神仙可在  
橫長笛詞藻於今有斷磯冰雪連天人又至烟  
波著眼客多違左司不賦江關老景物年年愴  
暮暉

贈王戎府

雲翔

剖節分符視使君山川風土寄論文古人吏牘  
江湖興名輩騷懷雅俗羣漢上烟霞趨浩淼磯  
前鸞鵲澹紛紜禰衡日夜傷鸚鵡羨汝高情獨  
入雲

王戎府幕贈李諸生

標

卽貽王使君

郢國風謠古明公汲引深舊聞窮谷士曾有臥

雲心詞藻哀微技才華著賞音高軒能有過千  
載溷中吟

和酬卂仙碧山二絕句

卂詩附卓山豪氣高千丈放膽江

樓說古今我欲飲君三  
日酒晴川閣上破重陰

羈人不解吟黃鶴如此江流遂古今焉得仙人  
爲吹笛一時拍手楚山陰

豪情獨有仙人識名士傷懷直到今川外更無  
芳草色詩成空對夕陽陰

雷

卓山詩集

卷五

七

三十稟書樓

江雲霾作雨楚霰冷兼雷是月龍蛇蟄翻隨斗  
柄迴一聲中夜恐九地積陰開不意關山客重  
虞疾病哀

霰

令候寒宜早愆陽霰已嘉點窻憂小裂夾雨看  
全斜沍氣虛無敵空聲冷不譁殷勤豐歉感荆  
楚亦吾家

雨

楚雨不成雪彤雲只自寒飈憐如客淚終日未

曾乾巫女悲空峽湘妃怨浩瀾平時騷屑恨繾綣極河干

王戎府雲翔集高劍川爲阜李諸生標汎

舟江漢托繪遇仙圖仙卽碧山也余感懷幽渺因而賦詩

神仙浩茫焉可期涉情曠渺風雲疑玉幢有無引翠節江波不動江天垂漢陽司馬貧好士吐屬烏奕仙風披招來老豪滇中牧泊以文士騷家癡中流合鼓一葦楫咫尺杳見三閭悲鳳凰

卓山詩集 卷五 大 三十稟書樓

翩翩下黃鶴鸚鵡振奮從威遲碧山親憑仙棗閣俯睇下盼生齋咨湘蘅沅芷久蕪謝褰裳却有風人遺感通真宰會超忽或駕赤鯉驂文螭咄哉靈遇吾豈知風流政事親見之君不見丹青繪繫仙舟影猶使狂夫爲賦詩

巴河

小泊巴河鎮歸心急逝波年華催閱歷去住感蹉跎楚市爭魚米吳航重酤鹺天涯見風俗只是旅人多

葺傍舍畢遣懷

局深燕傍人花落不妨春莫測幽偏境翻然物象陳林香通帝夢隱几諦天真夙尚渾如此無慚謝紫宸

重五集宴浣春別墅乘舫夕歸

綺節同人勝榴樽避俗歡酒浮金鑿落蒲泛碧琅玕醉憶貽芳珮舟宜駕木蘭靈均吟嘯至知在暝雲端

望雨二首

卓山詩集 卷五 九 三十稟書樓

山雨不違候當春已越期震雷驚更蟄薄霧惱相欺赤日晨光恐青林暮色疑末由邀灌馭颯颯展雲旗

無田虛冀雨有歲固啼饑獨眷垂天澤羣深遂物私背人求蜥蜴默語呪蛟螭束皙須來此爲陳鼓社詞

野館

杉雞如導客逕轉透疎櫺野館自茲入柴門半欲扃塾師遺束帶童子解分經疑有龐公輩時

來笑挈瓶

窮鄉

幾惜古風淪窮鄉一返真花嬌慵插髻鳥熟欲  
親人父老勤憂國兒童恥問津吏胥能不擾休  
指避秦民

山寺

不意逢蕭寺紆迴路幾迷見人松鼠竄愛客竹  
雞啼佛座莓苔積鐘亭薜荔低老僧吾似汝補  
衲夕陽西

卓山詩集

卷五

干

三十稟書樓

浣春園成二絕句

一鳥不驚人雙魚不避綸讀書松樹下松子落  
衣巾

聞經在別院落棗入東家獨憶臨隄柳秋來繫  
釣查

聞甘六弟

志道

罷令卻寄

及汝早休官歸來愜古懽盤根非不試直節已  
齊觀意氣高投憤風流傲挂冠惟留北亭句他  
日訊刑寬

悼程生

煥

旅殯漢陽

初逢子已貧落托竟終淪末俗誰相弔平生苦  
爲人空囊持任俠寶劍薄隨身他日浮湘沔哀  
濤共愴神

寔

冷盡芙蓉劍孤愁俠氣空貧甘爲道累身不值  
時窮賜錦移蚪蟒遺瓊落蠹蟲縉紳淪賤士感  
激復憂忡

貧甚擬買金石書冊感愴之懷鷓鴣不足

卓山詩集

卷五

三

三十稟書樓

喻也

嘔血因求字療飢莫責書私心惟秘篋公器且  
陳墟啗點憑流俗抄謄費小胥何顏矜雅尚有  
寓托勾除

獨夜二首

拙計甘幽獨中宵署老禪僂風傳密箭隙月漏  
圓錢鬼畏椰揄入形孤罔兩前漆園有遽蜨只  
是不能眠

倦枕驚城柝披衣藉井榦樓臺流靜影星斗滴

高寒穴鼠逢人拜  
牕雞語夜闌  
癡童憐只睡喧  
寂汝齊觀

遙送仲父遣之軍台

鼃勉孤臣節艱難  
大漠程天南  
遊子淚塞北  
古人情上谷  
邊雲靜焉支  
漢日明青城  
非異域畫角起行旌

白草來侏馬黃塵散橐駝  
藩封歸部落遼海絕  
風波去異樓煩戍時傾  
勅勒歌成詩遙送遠辛  
苦涉渾何

卓山詩集

卷五

圭

三十稟書樓

客春乖候歲歷有秋  
今春初雷霰兼辰愆  
陰于令乃心怒如不禁有作

天豈遺蓬蔀春宜釀  
歲華殷雷違尚蟄急霰轉  
爭譁一氣鈞陶重三時  
節物差杞憂雖自哂心  
折舊田家

風

未雨深霾晦無雷  
撼窳寥大聲傳欵啟逆勢靡  
調刁巢鵲儻伺下翔  
爲撇捩驕相看樊繫鳥息  
羽佇超遙

寒

春澹闇無色天暝慘  
若垂日斜門自掩  
風定鳥猶疑比戶炊  
烟靜終年挾續期不  
成乖節候遮莫縮蛟螭

夕寒

城角不時高簾颺  
觸佩刀一檠窺蹠  
踖盡室感蕭騷弱女  
爭鑪芋荆妻綴褐袍  
風鈴能破寂永夜  
眠琳瑯

聞沙二肺疾卻寄時余亦抱疴

卓山詩集

卷五

圭

三十稟書樓

公幹搜多瘵靈均屬古愁  
形神先共餒華蓋此生  
尤貧也身如寄頽然志  
未酌浮區皆物役文  
理禍人痛莫以工詩累  
須蠲抱道憂友朋心苦  
切時俗古爭仇念汝尻  
爲馬憐余耳聞牛六淫  
灾重感二豎日相求步  
藉過睂拄腰疑繞指柔  
丈夫牀第淚同輩死生  
憂意氣貞豪俊乾坤蹇  
嫖脩一緘聊寄遠兩地  
莫關秋呼吸調龜息經  
營委鶴謀終須諦懸解  
方寸自天游

病起浣春園作

莫知青草色縈砌早芊眠天入春生態花經雨  
獨憐東陽憂太瘦丁令委求仙悵惆叢翳外移  
時咽杜鵑

空園夕詠

城上春寒漏有無牆頭晦影月模糊壞楹古甃  
滿柔露老檜高樟嘯獨鳥欹枕乍驚飢鼠入檢  
書偏見帙魚枯眼中物理勞推測倚杖閑堦思  
長梧

友輩乞予論詩作三什示之

卓山詩集

卷五

五

三十稟書樓

詩人秉至道至道存昆蟲詩人結深情深情溢  
虛空朝日微雨過落花冒疎櫺幽人不出戶自  
起鳴孤桐風松澹絃指嶰竹吟雌雄有時變楚  
角亦復和磬鐘妙響在天地發聲本心胸此意  
或不解虛懷彭澤翁

太息古風淪雕蟲濫騷雅此道根性情微茫辨  
真假禽卉孕天機風雲藉陶冶豈不貴苞涵曾  
何累瀟灑寒梅抱古榦採摘香盈把春色流自  
然桃李無言下元白溫李徒質文區史野落落

浣花吟宗師向來寡

余本拙詭譎祇思立言艱詞章固小道念與六  
義關雲霞竭裁製金石鏤斑斕那不費匠巧嘔  
心血猶殷立奇轉雷同侈古遺梯攀輾轉蘇李  
輩夸猶間清孱佳人奏錦瑟相喻神明間君思  
泥膠柱至籟何時還

五弟遠郵以詩憫予近狀時當就食江湖  
作此俟其旋日囑妻子授之

卓山詩集

卷五

五

三十稟書樓

橫牒去三春韶柳倚愁孤此時妻子拋餬口何  
處關山出畏塗鶴鵠那無憂急難直怕東風繫  
鷗鷯

聞沙二弟孝廉宗義亡

甫惜休文病驚傳慶緒亡嘔心原必死刮目更  
誰將孺穉虞棺殮詞章少襲藏墓門俄宿草此  
泪只滂滂

撫琴疇最愴挂劍且頻年盤敦思京國風流盡  
大燕詩人康樂擅才子賈生憐更有吟壇雋無

爲編紵聯

吾死當誰誅君亡莫語詩變音寒易水騷響夢  
江離地下修文驗天墉作賦疑青蠅他日客邨  
復覓相知

別內子做齊梁體

東風大堤上楊柳自成綿金閨方送遠玉勒不  
相憐翡翠無分翼鴛鴦作對眠刀頭知幾日憶  
汝卜金錢

客塗寒食

卓山詩集

卷五

三

三十稟書樓

馬首逢飛絮人家屬禁烟不知挑菜路重此賣  
錫天客恨連芳候春情記別筵夕陽官驛外憔悴  
自年年

川上寺樓對月

水色湛澄陰曾樓演漾深鼓鐘諸吟寂天海法  
華臨緇俗方行腳機緣獨此心虛明渾不碍徙  
倚得栖尋

卓山詩集卷五 終

卓山詩集卷六

奉新帥家相伯子甫著

豐城江夜

江碧染虛烟天遲一月懸維舟依劍浦星斗若  
爲妍地迴鷗儔接心夸鶴夢連等閒輕道路謝  
客語同年

泊孤洲

傾囊買一舟偃仰又孤洲水荇牽初散汀雲縹  
未休身趨行脚老骨累折腰柔多謝歸漁唱勞

卓山詩集

卷六

一

三十稟書樓

渠警溯游

舟行

呌嘯爭飛筏孤舸滯淺沙貼流閑燕燕迎權急  
鴉鷗雜佩逢蘭茁春袍思草芽青山似騷客白  
石抵生涯晚日相窺下浮雲作態斜幽人宜浴  
鷺吾道問鳴蛙不盡塵中網何年海上查興移  
如有屬途路訊烟霞

三月望次廬陵界始見桃花

逢花不暇賞花亦避人遲地是吟溪古根無閭



苑移一枝零落後三月雨風時縱好迷蜂蛭漁  
舟恐後期

過文丞相故居

荒村倚夕陽廬舍佇青蒼丞相原無第貞名重  
此鄉朝廷收士報臣子勵忠防風雨崖山淚遙  
遙感頡頏

偶書

頽鯉文鴛性不移江潭水際各相知每憐舟楫  
身如梗縱佇雲山跡似羈萬點春心輕柳絮百  
卓山詩集 卷六 二 三十稟書樓  
年時序屬花枝惡風苦雨催將晚又聽津亭戍  
角吹

登白下驛樓

誰分驛樓中褰裳望碧空龍歸滄海雨鵲起廟  
門風細竹銷輕粉殘花褪淺紅非關鵲鳩怨已  
是悵飛蓬

上贛石

回瞰崩騰勢聲猶壓夕陽鯨牙開道路鼉背上  
舳航疏鑿寧無漏安危固有常客心移敢決一

葦信行藏

望空崗

拔地瞻華蓋橫窓列翠屏勢尊南服古天送北  
來青攬結塵中客睥睨世上亭仙真憑席帽倘  
許問熊經

鬱孤古臺

卽望闕亭

歲月臣心苦江湖客興憐孤亭傳自昔鬱望有  
前賢斗極高廻互鉤陳下接連長安無礙日知  
近嶺雲偏

卓山詩集

卷六

三 三十稟書樓

次韻同吳二院長登濂溪院中高閣

湘皋

神仙玉女炯先秋綺檻朱甍物外遊湖海始逢  
眞老輩山川合上古名樓岡巒四擁天南郡章  
貢雙迴嶺北頭聞道仲宣多感慨此身猶異托  
荊州

戲題夜話亭壁

坡老陽公尚有亭當年邂逅眼同青河傾月落  
聲聞絕倘有英靈聽窈冥

憂旱三首

硯田本常磽畫餅不可食餬口竄江湖經行問  
豐瘠本無憂民暇撫已增悚惕自夏爍流金火  
雲亘晨夕山澀絕餘氛風乾巖危石氣蒸洪鑪  
壯威甚火龍擲水荇失離披池荷只餘尺田疇  
未經履想像虞龜拆古邑又偏衝由來急脂澤  
上游輸運罕陬僻荏苒匿矧余行邁人雁鶩趨  
魚麥豐稔復不期勞勞思樂國饑渴中人心等  
閒詎阡陌腐儒餓則死猶以屢空迫庚癸徧號  
呼營營天地窄側目視京穹惟希眷黔赤安得  
卓山詩集 卷六 四 三十棄書樓

又  
殷雷與掣電時復相奔馳莽雲亦中騰四矚青  
天垂當欄急靈鼓匝地開壇壝迎龍結旌幢拘  
柳歌童兒祈雩百法備一雨詎不滋舊穀方未  
沒新穀迨有期若何騰市價早及凶荒悲人心  
若風尚天意占羣私吾儒縱事外不敢忘憂危  
小人席安祗莫識天地慈物緣競機詐人命爭  
資貲克孽倖苟免單羸封惠綏借如疲敝世悉

索猶得支綱維緬王道恩義無偏治蚩俗繫邦  
本結情詎今茲亭午天作態東南拂微颺羣情  
載鼓舞歛倏零飛絲及時縱霑霈誌警春秋辭

又

家問昨日來遙遙悵予里孟夏四月初山陬奮  
蛟虺泉如天河落勢競滄波靡厚地半泥塗窪  
田橫傾圯吾鄉最安堵比舍戶庭毀外縣暨旁  
州皆聞勢崩駛訛傳冀萬一藉釋中如燬及此  
憂早乾於焉信洪水吾廬茹三椽歷歲未經理  
卓山詩集 卷六 五 三十棄書樓  
始謂必漂搖何由庇棲止人生困窮甚天亦哀  
終否倘不荷恩慈傾頽竟已矣如何小人念偏  
自勤憂杞母乃關性情當非利封已居然擬國  
風可使收太史吾思秉軸賢悉遠覆公恥余本  
挂微銜十年困羈旅世事敢輕論全生累妻子  
六月廿四日雨奉呈馮公二首 淳  
還思伐鼓縈絲日祇是焚香閉閣心可有天心  
違感格足知人事在誠忱閭閻爽色迴霄漢杭  
稻空青鬱午陰卽未沾塗趨隴澮早聞歌吹答

高深

空崗積翠捲天來白鵲樓前淨紫埃一物那當  
遺雨露九霄復信有風雷小人憂暵知全釋客  
子調饑悶半開更見雙旌出城府勸農幾度歷  
蒿萊

西園雨後

簷溜傳聲始不聞西園瓜菜已繽紛荷芰點染  
流秋意鷓鴣逢迎掠水紋蝶粉細霑榕葉露蜂  
鬚欲綴稻畦雲重思隔夕瞻河漢撥觸關情滿

卓山詩集

卷六

六 三十稜書樓

暘氛

同馮七弟夜起看月

關山無限月知共此樓多盡入羈人夢頻殘子  
夜歌披衣能獨起攜手愜相過莫問疎簾外虛  
留魄幾何

碧瓦鱗鱗淨金波穆穆寒人間萬古月相倚一  
亭看曉暈明河澹涼颼湛露溥羣飛憐熠燿隨  
意點空欄

隔夕又同宜亭坐月

多君情莫極結屬到無聊旦晚分盈縮江山共  
沈寥薄雲初點綴素影忽飄蕭况復空亭外王  
孫語夜驕

榕廈行呈東吳二丈

古桃榔庵傳粵都高榕樹亦中州無丈人不使  
志奇瑋陰植得出庭之隅巢居憶在太古上窟  
宅祇與神工驅竿根下掣地脈舉飛弁上薄天  
垠孤青霞蔽虧萬竄篠翠幄復沓千繒繡虛徐  
造化機巧集指似窠奧模糊俱模糊鬚榦交撐  
卓山詩集 卷六 七 三十稜書樓

拄虺攫蚪爭闢庭戶楯欄櫺牖低昂間顧矚青  
冥妙規矩公輸魯般不得驕大匠工師重仰俯  
海飈瘴雨蠻烟中亭亭嶺嶠淒長風斧斤不逢  
賤惡木鸞鳳始集珍脩桐桐椅梓漆庸非材豫  
章之木糊塵埃松柏都無棟梁具古來僵躓誰  
何哀如爾輪囷實擁腫無用爲用真疑猜丈人  
偉懷相與開擁書醉臥酣風雷如山廣廈何如  
哉飄風盡捲芴屋破此樹千年庇無那

生日造意 丙寅

悶覺身如夢情憐命屬花都忘瀕誕日惟憶繫  
天涯甲子看人老衣冠市道譁長菱青髻影卻  
笑戀韶華

強仕踰暮迫江湖興不闌少年輕寶鍊吾道惜  
珠彈事業空囊壯行藏一刺安風塵易搖落莫  
信有金丹

日暮西風起飄蕭振客襟落花零雨淚孤鶴損  
秋心繡澀寧關劍清商激賞音紀時餘舊什辛  
苦候蟲吟

卓山詩集

卷六

八

三十稟書樓

憶昔羊公淚曾潛峴首雲百年身各事四十我  
無聞潦倒含香賤生涯守墨羣何因招隱桂獨  
爲結氤氲

八月十五日夜

天上能無桂林中信有蟾練雲長歛幙鏡月自  
開奩芳霧遲終宴山河對捲簾如何兒女淚獨  
爲旅人淹

秋風

聞闔何來襲客帷江山無語夕陽遲簷鴉忽忽

垂雙翅砌竹時時墜一枝涼月自明秋士眼斷  
雲如結古人思孤城不待聞橫笛壞柳殘楊極  
望迷

登虔州第一樓

樓在邑  
官廨北

南粵東閩在一樓斷雲殘日此凝眸鳥飛不極  
長天勢風急還生絕徼愁控制空同開半壁指  
揮章貢滙雙流孤亭望闕相遙峙王粲年年委  
浪遊

見白髭

卓山詩集

卷六

九

三十稟書樓

壯志輕華髮勞生見雪髭會何身就老豈竟道  
無爲市井經營拙江湖出處疑一莖留未鐫歸  
取笑妻兒

贛郡舍觀古榕樹

斧斤不入官齋裏千年老樹爭雄詭慘垂密葉  
自虧蔽倒攬靈根半生死飛樓縹緲百仞強卻  
顧雲幙通天閭太陰一氣盛霜雪瘴海萬里迴  
淒涼蒼龍裂土青牛現霆擊巨圍天地變剪伐  
無傷魁廐姿精靈總共飄顛戰碧霄羽人白玉

幢虛無下駐駢雲傳吁怪巖傳樹有神挂旂蕙  
帳開壇墀日暮眞疑暮雨來絳霓倏避青霓開  
天雞島鶴可栖憩得地樅楸皆楚材

將赴寧都縣別馮弟 可宗

大鵬擊南溟九萬風扶搖飲息傍一枝獲翔適  
鷦鷯物情委定分人事虛超遙予汝兄弟親由  
來非一朝中當事乖隔感激神飄蕭有淚不肯  
揮恐君悵無聊予意君獨知予行固萍漂寒聲  
撼庭樹鎮日流高颺且未卽嚴程關山環寂寥  
卓山詩集 卷六 十 三十稟書樓  
關山豈必遠會遇豈不料苟爲汎靈槎不爾揚  
金鑪吾輩捐遠別寧爲怨魂銷

泊雩都縣

一鰲風霜苦烟波又泊舟女牆全礙月官廨半  
依流吠犬迎舳尾驚鴉掠棹頭隣船夜吹笛入  
破總含憂

江邊

江日寒猶麗江雲溼更飛數家茶樹合十里蔗  
田肥崦石時欹帽洄流或濺衣鷓鴣翻釣艇相

狎可忘機

沿江徐步

未敢荒筋力無聊逐水湄人貪紅樹遠舟過白  
沙遲棘蔓牽祛住莓苔滑屐歌居然適行止隨  
分採江蘼

入灘

贛石行皆有征帆進轉難榜人爭叫駭客子問  
危安劃地龍無力吹空雪不寒憑陵思注蓄疏  
鑿豈相干

卓山詩集

卷六

十

三十稟書樓

盧待詔

明楷

招遊翠微金精諸勝是日僅

由金精洞至雲臺山不獲登翠微峰訪

魏徵君禧遺跡因賦此詩卽以示盧

溯古夷險外山林有清真盧君打門來拉袂過  
重闌首途陟亨衢徒步信所遵劃摧兩厓裂裊  
壁縈勾陳陰晴自茲改登頓愁緩逶迤又豁  
廠朗挹仙都春穹閭不爲高玉府驅纖塵石髮  
墜千尺嵌泉湍每新長沙一何愚兵鑿良苦辛  
麗英不霞舉凡濁詎爾因至今紫雲集往往聞

韶鈞雲臺視若案別走雙龍蹲下磴上磴間窅  
焉眩心神杉篁復地底鳶鳥低飛馴鼓鐘發空  
聲結想馳無垠俯憐呀坑大仰翼朱霞親翠微  
落雲表未可生逡巡長風蕩流靄始識嵩衡均  
與天但一氣象緯攀星辰豈惟腳力懦側眼不  
敢瞋此山絕升躋孰擬超淵淪昔者高世士崇  
巔耦遺民文章眩其華已耀西郊麟抗心獨嶄  
嶄艱險道所申嵐彩朝暮合總總何璘璘幢節  
或空下虛徐來紫輪盧君掩口笑駢拇事一身

卓山詩集

卷六

十三 三十稜書樓

古人信可覲中畫自使跋

題金精洞

不有勞開闢何年福地基局雲還自闕簾雨忽  
空垂乳竇流香氣孫松滿碧脂雙桃磐石古服  
食至今疑

雲臺觀

香霧通羣帝霞幢擁上台雲中雞犬在天外鶴  
笙來羽客青精饌仙肴火棗開凡夫矜一飽况  
乃近蓬萊

別曾進士昌齡  
盧待詔明楷  
去之石城

白石清江斷柳枝下瀧上瀨委殘絲津亭見雁  
存相識驛岸逢梅閣自知獨往貪循川路合長  
吟畏動水龍悲無端故舊牽情想雲樹朝來有  
所思

舟夜卽事

坐永迴官燭霜風斷客衣一星浮水大半月入  
艙微守穴羣猿喚離行隻雁飢吾行趨隱忍歲  
晏自忘歸

卓山詩集

卷六

十三 三十稜書樓

舟雨

解纜愁遭雨征檣此際孤暗潮經日上寒影極  
天無不信占箕畢爲生轉轆轤長年余累汝淹  
漬似鵝鵝

江岸逢梅折一枝寘舟中作

枉渚逢梅何造次江津繫纜小留連無人攀折  
寧藏艷有客栖遲若共憐供喜哥磁芳韻永歌  
殘旅枕夢魂堅故園欲寄無憑寄對汝聊賡古  
雪篇

奉同鄧太守瀾登凌雲山閣

東華西華雲出沒南阜北阜峰噴吼倒屈星河  
窺指掌自橫風露肅衣冠銅魚紫馬辭歸覲絳  
幄文與奉古歡知有桐花雙鳳集據牀今日使  
人寬

題石田塢呈鄧公

谷口疎烟外漁樵盡不喧脩蛇萌道性獨樹結  
靈根問俗披周禮匡時盛魯論須知熊隼客萊  
舞出衡門

卓山詩集

卷六

十四 三十稟書樓

放船

迴迴緣舊道裊裊下輕舸瀨減羣流汨人安積  
石牢浪遊詩債集終歲客郵勞措大從無謂錢  
神薄魯褒

時時川路絕一轉一虛徐篙子爭瀧口村人狎  
砦居寒增鳴鳥寂雲上古梅疎物態環蕭澁猶  
堪傍歲除

贛人日因寄京師館曹親舊諸公

風物天南亦自新遺羹翦勝俗相親江山是處

逢人日歲序何心屬早春岸柳費傳雲外信驛  
梅偏犯嶺頭塵清輝憶得留題後鷓鴣年年夢  
紫宸

望漲

積雨收聲夢始成夕陽牽牽傍樓情墜波桃李  
不還駐下峽艣航那許輕忽起叢烟迷極浦全  
洶海氣在孤城儘緣浩蕩開襟抱浴鴛眠鷺未  
肯盟

倣玉溪集櫻桃花

卓山詩集

卷六

五

三十稟書樓

娟媚逞初春東君眄有神含嬌樊子笑妬寵鄭  
妃顰朱實期先獻紅顏委後塵末由辭翦代穠  
艷竟何因

上八境臺

皂蓋朱轡擁上頭坡公老去浩悠悠空懸玳瑁  
栖文燕自障翠恩避野鷗臺閣至今憑氣象山  
川只合愛吟謳通天巖古無人到滿眼春雲傍  
客愁

晴日春望五首

鳥哢餘烟夢始醒護寒簾幙響金鈴已遲芳草  
無窮綠卻展連山不斷青

沙涵晴日天垂地江合澄雲水似油儘上樓臺  
最高望只饒春色在芳洲

花近原傷悵望心刺藤勾棘轉侵尋不須岸柳  
縈情線已怯流鶯聒耳音

雲容無定雨無期一日春晴候百移春煥春寒  
太牢落儘傳芳信屬伊誰

牡丹花繁二月寒芭蕉曾是隔年看望闕亭南  
卓山詩集 卷六 三十稟書樓

望亭北杜鵑莫待怨春闌

宜亭朝霽和酬孫秀才 法鵬二首

稍覺春雲高山青撲人面曜靈始流暉綺繡開  
華甸鄙夫恣晏寢擁被恬舒卷餘溜夢中殘新  
鶯人外囀之子獨何如登臨賦文選叩門了無  
話春在房櫳見

山川各淹留陰霽迭聞見君處菰蒲中高情獨  
殊選騎馬詈人扶哦詩中簣囀平生老氣在零  
落千縹卷俗士委流波騷人寄芳甸孤亭絕翳

蔽珍重防人面

過接教精廬

精舍獨相尋烟花象外深祇緣苔路滑却到藻  
池陰篠碧娛禪味禽幽接妙音風旛渾不動合  
證止觀心

歸雁

儘延春尚在已見雁羣歸雲際數聲斷天南二  
月稀上林辭樹久絕徼度烟微避煥尋常事因  
風驗識機

卓山詩集

卷六

七

三十稟書樓

芳草

連天一碧中芳草映無窮客恨依南浦騷人對  
渚宮茂歸路合渺渺漲痕通莫漫王孫怨方  
遲鳥信風

落花

棠梨始零落桃李故闌珊人事淹春色東風急  
暮寒金衣催宛轉寶馬惜盤桓尚有遲飛絮飄  
飄思未安

江漲



爲客經多雨，憑樓閱逝波。無妨嬉鴨驚，不信友  
龜鼃半落沿流堞，斜傾下瀨舸。何如江畔侶，終  
歲任漁蓑。

登樓

不能成出處，何意問行藏。盡日高樓望，連天去  
鵠長。空瞻雲海濶，倒隔暮岑蒼。莫對藏鴉柳，披  
風倍許颺。

返照

始知江雨歇，盡撥夕雲低。返照團銀竹，餘烟澹  
卓山詩集 卷六 大 三十稟書樓  
碧谿細分無限嶂，轉接未收霓。喜極他鄉鳥，無  
煩囑淖泥。

永日

幙影驚風入，幽人怯小寒。客情兼病苦，春睡欲  
醒難。宛轉憐癡蝶，扶持惜穉蘭。連朝鳴雨急，砌  
草一時繁。

積雨遣興因呈同志諸公二十二韻

霾翳何時徹，蕭森一氣平。積憂相慘澹，枯坐自  
怔營。澤國偏多雨，羈居故少晴。畏瞻懸溜影，怯

聽點除聲。雲氣全低幙，江流半上城。鴛鴦淹偃  
蹇，鼃龜亂縱橫。惡溼熏金鴨，驚風視石鯨。數花  
慵蛺蝶，萬柳急鷓鴣。陌上青絲懶，樓頭罽索縈。  
韶華拚似夢，氣味轉如醒。伏枕拋書卷，呼僮洗  
藥鐺。有時號地籟，莫曉息天鰲。跡累羸餘賈，心  
悲鹵莽耕。斷蓬交泛汨，糾蔓與拘憚。接跡宜中  
散，忘骸想步兵。羣公能有眷，僉父竟同盟。折角  
趨還入，聯床句共成。那愁泥滑滑，別愛草菁菁。  
爲客傾知已，傷春屬古情。不干鳩語切，已重鳥  
卓山詩集 卷六 尤 三十稟書樓  
鳴嚶。吾輩艱難集，寰區浩蕩征。蛟龍思會合，震  
電每相爭。

久居贛府春暮遣心兼懷兩弟三十韻

謝病經時久，勞生著處奢。雙江淹改歲，獨雁怨  
平沙。客序春還入，孤城日又斜。繞梁喧舊燕，立  
沼鬩新蛙。已濫清明火，都嘗戊社茶。天催梅雨  
急，候轉棟風華。舴艋搖高漲，藤蘿隱斷霞。濃嵐  
通五嶺，欹瀨下三巴。恍繫他年舫，行踰旅戍瓜。  
跳丸誠孔亟，汎梗抑何涯。草自迎袍綠，禽饒吐

綬綯絲看蠶縛繭窟問兔羅罝地每窮章亥天  
庸補女媧閑編陰蟻渡靜翫午蜂衙心事伊誰  
質吾徒實可嗟古人貧豈病中世宦爲家計拙  
眉頻皺吟多手屢叉窮途傷汗漫市道識紛拏  
幸渥公門李班榮幕府花感恩金在冶守已玉  
無瑕延譽叨牛炙療飢飽蕨芽留侯矜借箸漢  
使浪浮查憶昔分蕭鳳寧期誤晉蠓懷清辭補  
憶婪祝貺盈車本願拋姜被須酌採葛砂重思  
滛去住兩地困條笈莫晒初衷失從知故步差

卓山詩集

卷六

二十

三十齋書樓

丈夫龜共曳名士蠹空爬淚溢三珠樹情牽兩  
槩牙樓頭朝夕望寂寞悵悲笳

苦雨歎

度中一雨動一月似欲東南捲溟渤腐儒輒怨  
屋角烏鳥啼無聲雨豈絕霾雲亘天下接城崩  
雷墮地忽不鳴千巖倒流泉水急萬壑遠合呼  
洶聲度南地高罕漂汨幸弛隄防在營窟春苗  
半爛夏麥蕪充飢那得資薇蕨吁噫播種民所  
天雨師何怒風何顛風摧雨淋壞屋壁半床承

漏如湧泉眼中顛沛浩漣滓憂滂可憐誰氏子

晚晴

客愁愁絕散還生亦向天南洽晚晴江岸捲雲  
開夕嶂人家橫綺帶春城比隣穡事聞農悅明  
日山遊逐隊行高閣倚梳收柳碧欲憐飛絮一  
時輕

喜晴

樓頭鐘鼓晚自徹屋上鳴鳩時一鳴客倦最愁  
三月雨春歸猶得十分晴東家烟火融相集北

卓山詩集

卷六

三十

三十齋書樓

渚波流汎不驚牽惹詩人閑草木已看碧杜間  
紅蘅

郭外一日書

經旬強半間深闌郭外看雲始破顏春水入家  
何處渡夕陽飛鳥不知還漁人曝網行相傲茗  
客收籠恰共閑已及永嘉遊爛漫紫騮嘶憶舊  
溪山

寫懷四首

浮雲何總總乃在天南隅遊旅有所思悲歌起

然疑結客在少年張筵列屠蘇吳姬澤紅粉燕  
俠騰銀鏃皆謂豪逸姿不當同豎儒揚塵不因  
風著物成沾濡遭遇偶不適轍跡成改塗美人  
惜睂黛壯士羞頭顱各有當境心不關間悲愉  
丈夫空慷慨折節勞錙銖

章貢日夜流萬里赴溟渤瀧石苦泐之豈不費  
衝笑置酒臨高臺飲酣跂超忽引手攀長星參  
旗逝西沒古來適歡娛轉瞬半白骨歲幾澗中  
蒲晦蝕天邊月月缺已復圓蒲芳竟終歇志士

卷六

三

三十棗書樓

懷苦心肯爲拚華髮猛虎歛爪牙不能廢搪揆  
蒼鵬繫不解此志常傲兀

家鳧不能飛野雉不解鳴目蝦羅羣遊駉驢必  
偕行神魚負潮來江海爲西傾螻蟻或制之所  
爭詎溟瀛俯觀萬物資仰睇高天情白日下照  
臨不遺葵藿誠駕言躋南山采菽願滿盈披棘  
棘刺手刈蘭損蘭莖刺手但血出損莖傷故榮  
委念物我間自古勞經營

平明褰裳出言陟杜若洲香風從空來欲挹不

可求上有反反蘭乃在松柏頭種植豈不高托  
根恐飄浮天風來汝吹感我紛百憂我能薄浮  
雲上與一氣游引領扶桑霞驂凰翔不周威遲  
長離翩偃蹇念所儔鵲鵲原上飛鴻鵠相與愁  
誰能恕此去以作蕙草羞

題孫秀才八境臺和詩一絕

眼見層樓俯逝流  
新詩句句感牢憂  
風謠潦倒  
吾曹事要得坡仙繫贛州

清江寺

卓山詩集

卷六

三

三千棗書樓

古寺橫江出幽深已似山紅塵原不到禪室未  
須關一徑茶醺擁雙林薜荔環懸絲蟲裊葉伸  
縮意俱閒

待渡

隔城見山影直滿縣樓青不知清江外幾許白  
雲扃曉瀨春澤滿泠泠猶可聽徘徊渡頭久花  
色午冥冥

題崦內人家

崦外見茅屋橫天一徑斜白雲陰谷口空翠在

山家落日水田合春風葛苧華近池多汲女辛苦汝堪嗟

山邨卽目

歇馬當村店春耕見飯牛客居非避地幾日倦  
新晴賦壤饒菸草叢巖菰木油老農新月令成  
算費推求

遊通天巖二首

絕壁天門敞橫崖地底通蒼龍蟠磴道玄武出  
巍宮憶讀先賢傳深局有古風白雲不可倚一

卓山詩集

卷六

五

三十稟書樓

夕夢瑩崗

松雪四山捫長河直到門巖巒吾得集耶壑道  
原尊晏坐經時久橫琴不欲言忘歸碑碣在心  
折獨黃昏

夜夢廿五因寄此詩

春夢潦倒太分明遙憑故人深故情憐予計拙  
營妻子不道神交屬友生衣冠吾黨紛睂皺江  
海餘流及膽傾彷彿無倪殘漏頃最勞相遇惜  
長卿

桂樹

蟠踞嘉天竺空香隔歲聞移枝見秋色偃蓋下  
春雲獨秀相知否叢生自出羣太常遺詠在莫  
遣落紛紛

畫厓

故作風沙色知愁避弋深蘆花依淺水一夜感  
秋心畫史揮絃接羈人係帛沈王奇微末吏賴  
汝托知音

瀨河曲

卓山詩集

卷六

五

三十稟書樓

芙蓉草滿接虔關雨打風吹天柱灘上艇張篷  
下鳴漿石人穩在太湖灣

四月已過黃梅來贛河西下三巴迴篙師整理  
新栽竹送盡歸航向北開

金沙洲上雁迷羣分水岡頭亂白雲記得買船  
齊上峽大家打鼓祝儲君

自題解公縉手敘顏氏家譜歌

吾州才名莫指數有明解公亦其伍贗文僞本  
半人寰百年耳食誇奇古古人文字無虛張論

述亦切垂休光瀘源之傳平原裔忠貞未泯淵  
流長解公紀之千百禩青原山水環瞻企揣摩  
碑版鑄鴻詞坐位規模略神似純臣英爽通行  
間裔嗣風流大沿起足知金石焜龍宮巨筆豈  
肯爲雕蟲古人今人一手眼見貽進士胡相忠  
胡君目光出紙背相也嗜古畦町空垂之夜半  
光熊熊世眼驚破無矇矓

送朱丞 大春 赴銓吏部

東帶不暇懶晨興踵城隅自嗟滯州邑送人上  
卓山詩集 卷六 美 三十葉書樓  
京都東風昨夜還宿草成萋蕪芳香不恨晚送  
子野踟躕子盟捧檄志不恥丞簿汚結此忠孝  
忱慨然事長途誰無屨勉思指高雲孤爲我躋  
金臺南望一再呼側聞千黃金市駿皆吾徒臨  
岐念假翼咄咄憐賤軀

季父手扎示詩言經遇暴毘陵

四海空囊遠邇同稱詩不壓綠林雄傳來洛詠  
從容下側想湘舸震撼中世路關心皆伏莽風  
塵投足自驚蓬阿咸又安丁寧囑更欲東浮狎

射工

將出贛石遠之三吳呈別馮公並東七弟  
關河千萬里仗劍不能言此別終懷刺平生獨  
感恩波湍催下瀨雲海挾回輪拜手辭南關投  
躬掃舍闔吳江趨水府楚渚逐烟村燕雀迎人  
喜蛟螭觸手捫未秋悲警鶴欲暮畏嘯猿羊涉  
交須合何澄道豈尊雪堂思舊詠春座緬餘溫  
師表宣崇契通家孔李敦芝蘭猶世譜桃李自  
公門在昔知音重終身至誼存追隨荒歲月流  
卓山詩集 卷六 美 三十葉書樓  
轉信乾坤盡結瀕行恨臨風漬淚痕

卓山詩集卷六 終

卓山詩集卷七

奉新帥家相伯子甫著

江灣

行旌不可息觸熱向江灣  
天水垂無地雲霞薄  
有山屢遊風土慣一傍  
葦蘆閒客思從消減拘  
虛累世慳

天門山

建標吳楚劃東指六朝烟  
客至多懷古舟行忽  
在天江流疲戰伐山色麗  
詩篇爲問孤帆影何

卓山詩集

卷七

一 三十稟書樓

時駐日邊

與商前輩

盤

沈明府

鳳

程諸生

茂

秦淮汎

舟

飛來蛺蝶避簾鉤卻汎牙  
檣傍舞樓回首百年  
名士感傷心一夜美人愁  
休關意緒傾金尊且  
仗追陪漾綵舟春草淒迷  
暮流急桃花桃葉總  
成秋

朝天宮

後卽謝  
公墩址

朝天宮殿擁三台十二名  
樓悵望開玉女倒窺

青瑣下金仙中護絳旌來  
飄飄羽葆瞻宸座想  
像龍車隔世埃未有丹  
經資換骨祇應吟嘯謝  
公臺

明內

鳳城柳色暗蒿萊最是衰  
亡入眼來南國鎮遺  
歌舞恨中興必屬羽儀才  
江山如舊眞王氣風  
雨都成故苑哀聞道孝  
陵經夜哭不關幽怨運  
摧頽

由宏濟寺遂登燕子磯絕頂

卓山詩集

卷七

二

三十稟書樓

岷江從西來直下欲無勢  
橫磯走截之萬里起  
控制浩浩元氣中蟠龍擁  
迢遰橫岡望脩巘亭  
榭初蒙翳心與幽賞遐神  
馳碧波逝遂躋翠雲  
端果爾愜超詣木杪下潮  
頭風中清鶴唳俯身  
接飛羽仰面攀流彗所歷  
非萬盤高深迭虧蔽  
流止實有然百年憂恐泥  
落日疎鯨鯨回瞻寺  
樓閉烟雲浩漭汎山水轉  
幽閼蕩瀟淇濤哀孤  
根自終歲獨立思眇茫吾  
生詎無蒂

自龍江關與謝都水行舟相失惘然有懷

鳳詔

落日戀江雲終朝獨望君還禽爭集侶泛梗又  
離羣楚芷慵晨擷吳歛厭夕聞關河易疎濶倘  
擬擲紛紜

黃天蕩弑風二首

江勢滔滔極風帆葉葉輕鼓行蛟虺避側落鬼  
神驚道路從微倖艱難熟險傾舟梁涉忠信未  
敢憶生平

慷慨輕天險沉浮狎楚蓬百年淹利涉萬里惜

卓山詩集

卷七

三

三十稟書樓

凌風往者韓王戰終銘宋社功棲遲經舊地流

覽浩茫中

入儀徵河

橫山迴遠影胥浦控安波帆出傾欹外人歡企  
喻歌城窺楊子小市雜柳陰多託跡舟車會淹  
留並估舸

浦上奉贈周一丈總河

黃鵠謝戢翼嗷嗷結孤翔直以親舊故攝衣廁  
公堂公堂藹餘溫四座春風颺梧桐樹左右鸞

鶴翔中央清池浸華日不浴雙鴛鴦野鹿走堂  
下和鳴夾笙簧顧盼心內喜矧惟托趨蹌鰥生  
挾琴來奏曲理清商元賞在夙昔委懷得相將  
撫調不使終恐予神內傷升堂躋入室高興發  
詩狂馳騁上兩漢鑠陵下三唐中成屈宋咍湘  
漢起徬徨豎儒得獎借故態遂已張詞章本輦  
悅光燄豈遽長側惟大臣體道德敷文章勲業  
不已建公忠挹撝光非緣盛採納薄技敢激昂  
一節仰純臣由來畀封疆是以膺

卓山詩集

卷七

四

三十稟書樓

寵命視河古淮黃

國家大經理濬引兼隄防上切

天庾懷下廛民命殃古法慎蓄洩今河劑弱強  
橫流錯氓居損益深籌量公昔此臨蒞蒞蕘結  
衷賜秦越視肥瘠無裨中贊襄迂生議國政泥  
往侈中藏不承指畫益撫事悲茫茫邇來益侘  
際志意落榆枋四海泣庚癸終年困炎涼春秋  
誅不葬婚嫁迫同行嘿感僮僕嗤顯違賢哲坊  
蹉跎偃經術身世已郎當悲辛逐殘炙而又惜

冠裳驚馬幽阜中反思傲騰驤空貽囿人笑伯  
樂不在旁自顧辭散才不甘委摧戕寶劍經繡  
澁發硎有銛鋒何能向時人吟嘯天蒼蒼自古  
屬知己一飯不可忘

值李大邦彥垂示倚劍圖因贈

八載一相逢離憂安可道江山夢顏色意氣猶  
傾倒往者燕山頭酒酣視穹昊蔚雲萬里合一  
碧秋難掃吳鉤躍在匣側倚天浩浩鷹隼望烟  
霄驂騑羈檻早風塵子契濶遲暮余枯槁握手  
卓山詩集 卷七 五 三十棄書樓  
未宣言歌呼間懷懽男兒重氣概樹立當須早  
涼颼吹薄帷歲月零秋草秋草亦有華涼颼激  
人抱壯志寧摧頽銷沉舊頭腦流星落圖畫卻  
顧中如持橫夾復可憐鬚眉君未老

又爲愛菊圖行

草木未變衰不知霜露委君年甫少壯放意須  
礪磨晚香荒寒卻回顧蘭蕙無言芳草暮美人  
迥立滄江湄青眼爲君藉傾吐烟披霧沐顏色  
同春生日嫗羣芳妬遊蜂戲蝶紛無數不來枝

上樓妍素洞庭木落江始波秋風吹人雙髻幡  
古來摧謝何其多黃花鬪霜如汝何

寄題朱衣泉歌

卽錫山羅漢泉以  
構祀文昌易今名

九龍不上通星漢安得文章麗灘渙近聞翻闢  
古摩尼已道重瞻新在泮偉哉浩浩之靈源泰  
伯遺波自澆灌世衰道喪不可求釋氏緇流踞  
相亂古來佛法誤中華可惜山川亦瀾漫當非  
劫運有遷變詎合風雲改殊觀立神扶棟盤崔  
嵬秩祀栖靈蔚輪奐金旂翠旆蕩摩戛牲帛馨  
卓山詩集 卷七 六 三十棄書樓  
香杳燔裸天門忽射文光開二十四曹中夜見  
朱衣閃爍憑有無核實標名感真幻杳冥精爽  
森相炫苦欲求之隔江畔悠悠一物蹇懷思及  
駕羣靈走相按

爲華八

紳會

屬題半舫居畫圖

江郎寢才盡筆墨委蕭索憐君愛我吟一室起  
磅礴之子舟楫資投閑寄蓮幕萬頃森伸遊形  
骸憂束縛清川結悠悠跡象眇邱壑舟居竟無  
水浮芥任所托巨浸收中懷半舫不爲薄君家



梁谿渚人外漾青雀九曲相抱縈清秋氣漠漠  
沙棠汎菱荇芳氣聯杜若構厦必如航剗瓠憎  
擴落棹歌入圖中流水逝無着吾輩清逸入江  
湖事棲泊巖巒信在眼亭榭荒竹籜况入白雲  
斜欹蓬窺一勺吾廬更誰畫踪跡企脫略

覽嚴大鈺望雲圖畫觸感成詩二首

明發不可懷江山靜延佇屹岵雖有思望雲弗  
能語白雲曼在天遊子無人憐白雲遠在道遊  
子永無告望雲亦何許况乃無依所圖畫終望

卓山詩集 卷七 七 三十稟書樓

雲乾坤吾與汝

天長信云長地久亦良久人子父母身一息未  
摧朽白雲日遲遲逝者不可追瞻望古河陽宿  
昔期在茲捐棄日以遠沈慟日以滋撫中欲自  
割不斷如縷縻白雲歛來前悵恍中心悲曖曖  
空中沒悠悠安可期盱睥復盱睥終生此懷思  
懷思結無象欲語終告誰

幕夜二首

露清葭白星微微雙鶴隨人不自飛軍府夜寒

深鼓角戟門秋盡捲旌旗南來書信憑魚斷北  
望風沙到雁稀時仲父方赴軍臺自薄陳琳工奏記十  
年零落把征衣

幕上高樓倚碧林淮南秋色轉蕭森寒砧自到  
還家夢明月無情入夜心生事幾年憂落魄故  
人相見幸知音飄零賴有詩豪在悵絕須爲抱  
膝吟

夜坐

淮海高秋夜風霜獨坐身有家從委婦疎節未  
卓山詩集 卷七 八 三十稟書樓  
安貧素月寒相照孤蛩語共親百年縈寸念宇  
宙最艱辛

奉贈顧總漕 二十二韻

方公無市交名苞賤子久琢磨藉識天下士所思  
間山河如公益幾人溯道潛與沱間者侍絳帷  
公名耳義娥夫子往有謂汝行礪偏頗斯人樹  
圭臬永誌成觀摩漢落淮海間秋風激頽波時  
公日邊旆駐此河上艤高軒儼來覲引調使我  
歌我歌多未諸苦意識陰何已詞自末奏理爲

鑒者哦萬松鬱碧崑其下交翠蘿翠蘿豈自垂  
松巘亦有坡良晤忽已愜清風脫然和徐榻爲  
予下傾談振林柯平昔企偉人此誼竟弗訖指  
揮玉如意今往相摩挲自我竊師傳雅意避網  
羅逢迎氣彌下意豈淪蹉跎黃鵠唳九霄鳴聲  
感人多林宗古人誼豈必辭三訶諒哉千秋契  
吾道盟嵯峨

九日顧公招同華八李大萬松山登高

拂袖羣招白雁來萬松亭寄翠雲隈淮流一綫  
卓山詩集——卷七 九 三十棄書樓

從天下楚國孤城畫地開獨有山河深俯仰至  
今風雨接膠萊明公不爲登臨賞吹帽何須傲  
逸才

送三從父由浦之金陵

骨月生有別何當重饑驅風吹白門樹啼煞夜  
栖鳥

與李大別

慷慨事遠濶余行君亦歸淮南多高風落葉墜  
我衣落葉不可掃離索不可道欲言亦須更爲

別各草草吾汝諒古懽寧憂間城堡山川不能  
隔何累搜懷抱天際馳白雲相視顏色好君歸  
豈不憫顧我念潦倒慷慨屬我歌歌深激華槁  
嚴霜結崇柯偃蹇鬱穹昊撐牙窮冬骨兀傲歲  
月老聚散終安論臨岐重相保

客淮寓程九南園因贈

黃葉江上飛不知落何許白雲點秋樹人外接  
儔侶園墅依平泉湘蘅間虛渚清風脫然至披  
拂澹延佇有時感秋心相顧不能語暮登食勝  
卓山詩集——卷七 十 三十棄書樓  
樓明月照平楚空光鏡千里俯仰若無緒長淮  
天際流海色迴孤嶼但有萬古懷安期吾與汝  
投止復故人高歌藉依所

書刊上寓居

朔風吹不盡獨樹向人高爲客轉憔悴深局互  
鬱陶鄉音拋錦字拙計謝綈袍未害僑居惡門  
盈仲蔚蒿

聞雁

葦枯蘆折又江濱一夜風霜起雁羣終歲稻梁

頻似汝數聲淒切獨相聞不煩幽恨傳明月共  
結深愁入斷雲嘹唳音中休宛轉野田黃雀尚  
紛紛

舟行遣意

橫空一雁號風雪轉行舸天意爭寒矮江聲入  
夜高浪遊哀小惠寄食恥儒曹惆悵歸來暮關  
山累縵袍

乾隆十二年冬促上部限由浦淮旋南請

檄舟次安慶逆風有作

謝病以還滯營  
婚葬家居旅食

卓山詩集

卷七

七

三十稟書樓

八稔  
於茲

百歲君親恩儒者立先務衣綵旣中還歲月倏  
已度茶蓼集一身饑寒更奔驚根觸劇炎涼逢  
迎半危懼有如逆崩濤舳舻徑江渡疾風頃西  
來舟楫簸迴互感此思茫茫行藏卒何慕利濟  
雖乏姿前期試翔步忠信涉舟梁由來委瞻顧  
長年睇整幟滅沒向烟霧整暇猶歌呼操持疾  
徐赴委身宜海途安險亦不數思昔臨深懷會  
爲世緣誤孤城澹落日天水點雲樹葉葉江上

蓬關河閱晨暮余亦催長帆凌波駕前路

舟發別諸弟

淹遲復淹遲豈不思急流行棹歛東發凜然紛  
百憂式好矧相念興言固無儔疾風西南吹欲  
駐不可留飛鳥逝平陸羽翮紛相求如何風雲  
驥側足凌道周君子貴于役吾道方乘桴卻顧  
蓬簞材早爲梁棟羞浩茫古今際事業蓋有由  
炎日照洲渚山川杲悠悠加餐誼相勸風水慎  
與遊風水奚所道加餐甘所投

卓山詩集

卷七

七

三十稟書樓

重登燕子磯兼攜兒子

煥燧作

高跨睽大江俯仰情未畢豈伊汗漫遊轍跡已  
非一予昔抱幽憂終年累顛躓撫懷佳山川萬  
里寄紆鬱壯夫情未遂往往恣超軼今昔成改  
塗高期每相失憑陵萬仞巘悵惘不能述卻攜  
兩兒子直上躋翠嶺庸汝逸豫觀高深辨塾屋  
落日羣龍翔衝飈轉飄颻飛濤接溟海起伏相  
蕩涵目眩山動搖心驚石崩蹕平生飛動意輒  
轉生凜慄豈知鰲軸安萬古莫寧謐汝曹歷世

黃河謠

卓山詩集

卷七

十三

三十築書樓

除日飲王主事

元

宅

百年幾除日清醺竟能同不負梅花興宜婪柏  
葉空山川冰雪裏天地歲華中暢好浮鷁外酣  
歌送朔風

夜宿善慶宮道院倣蘇州作

爲龔三通

學海

聽鴻畫圖題長句

卓山詩集

卷七

十四

三十架書樓

早朝三首

左掖曙星懸千官肅靜鞭漢儀瞻上象神樂奏  
鈞天夾仗鑪烟直移旌陞日圓從容鏘劍珮喜  
起盡鴟聯

賜酪分堯酒歌熏合舜琴堂廉多古意天地入  
朝心冠服南荒遠星辰北極臨三階瞻泰象九

野洽韶音

執戟叨羣從依

宸喜倍親五雲扶瑞日三殿擁華春報主寧論  
秩逢時忍顧身山龍無待補長念奉

恩綸

捷金川凱音至

上相能承

旨王師允服誠國家崇大體懲伐示專征間謀  
陰謀奪敷宣大義明紅旗馳露布歡動漢家營

卓山詩集

卷七

五 三十稜書樓

香山侍直

烟霞赴直廬珂珮振清虛草奏雲留紙承

恩露在裾山移仙佛宅地湧

帝王居聞道蓬萊殿時登賈傅書

藤花廳

公府猶森爽藤花亦有名龍蛇盤歲月雨露寄  
生成糾蔓垂多蔭騰芳愛晚榮莫令傷剪伐結  
實較朱櫻

春日陪范六郎中

時綬

集遊二開至王氏

林園

青烟蕩紫陌楊柳昨夜新連騎欲有適出門天  
地春笙簫九衢市綵繪重城闌微颺扇馳道繡  
轂交清塵紫遊亦徐控迥出官河津紅樓漾澄  
淥畫舫遮翠蘋解鞍駕方舟挈榼醉意頻中流  
盼趙舞龍女調歌唇深波徹清聽吹沫騰脩鱗  
物情競妍美冶意爭紛綸卻顧桃李園起踏苔  
蘚茵青叩眼中見白社置不論興酣登平臺千  
里流氤氲萬象一芳藹安知榮悴均繁華盛都  
卓山詩集

卷七

其

三十稜書樓

會青帝爲陶鈞及際熙攘遊山川豈常因承平  
古不易爲樂思共珍延覽馳四極諒哉曠無垠  
馬九員外歿逾九年京師重觀其僕法郎  
以向所題竹屋讀書畫圖乞書泫然有

述

隔世遺圖在酸心故主恩青衣憑舊識蒼髯欲  
誰言題句悲荒籀書聲哭斷猿揮毫能遽就縹  
素只啼痕

次韻集黑窰廠二首

湯休亦時暇融景侈方長下馬親叢葦臨欄試  
小涼宦情疎酒醖清興藉胡牀北望紆華關芳  
塵澹莽蒼

地濶尊穹阜遙臨紫陌開幾人趨假日吾意屬  
登臺大陸高雲靜空天急羽來酣歌無住著傾  
倒任傳盃

海淀雨行因奉省垣諸公

宿雨淫淫染玉珂轂輪不斷轉馳波縈雲半落  
栖宮樹急鷺鸞飛集液荷輦道最宜霑溼好芳  
卓山詩集 卷七 七 三十稟書樓  
隄已是哀春多自公各有從容興豈負西山洗  
黛螺

送胡大相忠令屯留

天下思在理綱紀合羣邑屯留跨河朔潏潏風  
上集仗策君有行飲餞復長揖落日征葢明疾  
風軌座急山川矯登頓琴鶴睇行笈攬轡情可  
思分裾義相執顧我重足悲摧頽限深汲駑驥  
不並馳殷勤邇原陞

觀岱

支離萬里眼忽到岱雲端詖蕩朝青帝神靈下  
翠鸞從來小天下何處望長安待覓登封路終  
朝駐馬看

浦上感舊書

清濁淮黃水空留舊淺痕風流何頓盡生死竟  
誰論落日華亭鶴悲風楚峽猿西州徒隱慟不  
敢哭哀魂

雨泊丹徒

鷓鴣鷓鴣繞繫蓬短翎塌翼怯禁風雲霓百態  
卓山詩集 卷七 六 三十稟書樓  
生江上城郭孤臨自雨中北顧心情迷浩渺南  
徐蹤跡事萍蓬最宜丁卯橋邊宿好有詩篇續  
許公

路逢楊十太守 侯 卻贈

五馬兩朱輪相逢郭外春左遷猶得意東道慰  
同人對酒風煙地牽裾歲月身別離無恙在頭  
白未傷神

卓山詩集卷七 終

卓山詩集卷八

奉新帥家相伯子甫著

登白茆嶺貽貢令

震

眼倦名山懶復開  
單車行縣偶然來  
稍遲旌旆娛春在  
不礙雲烟繞綬迴  
絕壁障天盤洞壑  
長松低地隱樓臺  
雞豚桑柘標枝俗  
莫遣誅求寡婦哀

三峰樓

萬戶披烟出三峰  
雜雨齊樓觀  
桐泖盡山擁岱  
卓山詩集 一卷八 一 三十稟書樓

華低面勢野重險  
籌年眇寡妻  
平生蒿目思幾許  
絕高躋

郡齋遣意二首

一室擁清疎山川靜者居  
蟻循脩木上鶴步廣庭  
虛觸象紛羣有清心閒  
簡書嬾懷從寄散流水上  
堦除

簿牒荒山守江湖  
魏闕心感恩存獻賦報  
主在鳴琴紗帽隨箕踞  
圖書日癖淫淮陽容臥  
理不礙寄清吟

棘夜酬陳泗州

慕楷

兼貽朱滁州

樓

兩使

君

桂樹團團鎖院深  
廣庭重幙自蕭森  
秋傳鼓吹高  
清曙月下星河擁  
薄陰畫省風流還  
共詠棘垣趨走未  
違心相逢笑有滁  
州牧莫信江山負  
醉吟

赴宣城漕次中塗作

王事日軼掌錢穀  
亦不遑雙旌導前  
驅肅肅侵晨霜青  
山濯曉色烟縷交  
迴翔炊綠出不高  
廬卓山詩集 一卷八 二 三十稟書樓

舍紛相望平疇草  
根斷飛鳥無徬徨  
反顧場圃間居然  
有餘糧遭時幸豐  
稔篚貢民所當刺  
史職亦易矧鄰謝  
公卿窈窕障林木  
蕭森鏡陂塘冬日  
澹石色寒嵐滴衣  
裳倏接佳境庶物  
藉徜徉往者東作  
初萬姓愁愆陽播  
種恐不遂雩祭日  
孔將皇天無偏毗  
解雨忽已滂畝涇  
倘未盈中澤徒哀  
傷萬事急綢繆盛  
運古不常忝操吾  
民責爲政憂怠荒  
古來詩家詠往往  
求倉廩紫馬儼游  
敖山川盤鬱蒼庶  
幾幽風繼樂事歌

不忘

與許大琬野橋夕望因寄何三十二

曉

野興宵難罷平橋賞復延波鱗衝月動巢羽綴  
星懸開市爭籌算危樓下管絃漁歌空外聞喧  
靜各悠然

自有此清漪霜輪夜夜期誰言倚欄夕復感照  
梁思結攬知同契山川各自私衣裳霑重露綿  
矚判淹遲

水次獨遊

卓山詩集

卷八

三

三十棄書樓

古市窺平水人家障遠峰魚鹽深擁沓雞犬澹  
春容問俗隨孤往憂時契老農彌年殷土物不  
擬間殊封

同許大宛溪汎舟

水落涯傾石瀨平彩橈絲筏動寒聲偶思長往  
飄飄去忽共忘言自在行漁籊鳴欄紛綴屬霜  
楓烟橘訝將迎宛陵風物無遲暮合就追隨謝  
眺情

遊雲山寺

宛溪之澳南湖東山勢崩騰忽不窮石裂龍鼉  
盤峽內天迴鶴鶴入雲中經聲杳度雙林出梵  
宇高趨一徑通香吟自來誇淨土化城可許息  
勞躬

雲山洞歌

熊羆守穴遮王屋未知中有白蝙蝠歷險捫幽  
心所適秉炬入之凡幾曲灣環踏蹴青泥痕合  
沓驚疑白猿宿虎牙銅柱互稜刺鬼鑿神般齊  
一哭至今石乳尚交流怪底金城隱深腹飛來

卓山詩集

卷八

四

三十棄書樓

燭龍啣火珠照耀白日無模糊瓊樓璇闕敞洞  
達玉幢珠絡明紛敷蓬萊羽人右王母招我列  
坐斟醞醕離奇誕謫事固有設想恐或真吾娛  
三花頃者聚靈蓋五嶽昨夜貽真圖出洞茫然  
心若失卻道希仙要仙質赤日莽蕩瞋兩眸反  
視巖中黑如漆安得離塵偃丹窟吁嗟乎安得  
離塵偃丹窟

贈何三十二別駕

吾隸古神君君之先大父往在前明朝銅章任



茲土是時國運感萬姓日噢咻公來搜旱乾夙  
夜竭誠腑百萬騰飛蝗毒甚肆獫狁疆界歛不  
踰於今未爲蠱彈丸雖小邑世亂資禦侮繚堞  
置重垣成功非百堵公區此二事績自彰文武  
大節又炳然哭廟殉榛莽至今遺父老尚秩神  
明主國史紀繡衣家聲競鳳羽君誠名家裔特  
立才莫數經術已醇儒絃歌必鄒魯草玄笑揚  
雄文采復傾吐吾昔未交君芳聲震儕伍介紹  
惟嗣孫介君重姪監司因得納交遭逢公路浦煥奕名世姿

卓山詩集

卷八

五

三十稟書樓

爭先鸞鳳覩一官古題輿傲岸寄簪組猶嗟滯  
騏驥詎合吟鸚鵡安得附蓬萊終思掇蘭杜一  
論文獻邦興言懷幸祖怵惕仁孝思他山得予  
輔刺史漢符魚綬安越門戶岡巒互繆結壤地  
雜荒鹵其民尚忠質其俗薄華靡教養各可施  
芸生切循拊吾聞二千石所至先疾苦次第文  
翁猷備員惡何補居常念刀犢政不甘哮虎何  
以寬誅求何以篤恃怙惟子曰無荒惟子曰靡  
監惻隱吾儒心風流舊人譜高山望咫尺請子

按行部一世求友聲印須誼千古結契空悠悠  
平生復奚取

喜七弟

駿

八弟

馨

遠郵登覽近什卻寄三

首

何許將詩卷山川各蘊涵風烟窺故里樓榭記  
會探白日神飛動清宵夢熟諳都忘塵宦意不  
害滯鄣南

客外心猶曠家山賞不疑歡娛長見弟倡和欲  
依誰鴻雁紛相隔雲霞汝共私重瞻桐汭月又  
卓山詩集一卷八

六

三十稟書樓

到習公池

曲水流痕淺長橋臥影微樓知通菴畫岸憶夾  
芳菲漱石容磨礪看鷗澹是非無因綰章綬同  
爾詠忘機

公府集諸僚屬醺飲因成

自公日多暇僚屬有餘清延欸洽今夕華鐙燦  
裾纓主稱上壽娛酬獻各有程初筵秩肅穆終  
宴諧趨迎堂上翡翠幙堂下辛夷楹奕奕飛蟾  
蜺陳陳雜駝猩樽俎旣已備笙簫亦和鳴湘靈

五十絃郝素十三行遏雲入桂棟卻月歸瑤京  
融泄庶各極玉衡始西傾豈惟宴衍歡亦達佐  
理情崇處戒封已聲明懼聾盲端人正跬步趨  
止防琚瑛集腋縫作裘掇蘭豈遺莖醴酒未卒  
設遐心固賢英諒哉衆參從簡貴合共貞觴我  
金叵羅聆我絲肉聲且盡需飲樂海宇方昇平

暇日招宴郡中文士作

錮習晚不除逢迎渴文字旁午稍紆徐持函遣  
諸吏招邀鄒魯彥揖讓賓從位肅禮還攝衣捐

卓山詩集

卷八

七

三十乘書樓

煩罷揚觶牛心或先啖雞跖鄙奢費真味回餘  
甘深歡洽微醉淡泊吾人心迂拘文士器古者  
三千徒狂狷亦殊致洗醖更傾樽引滿稍縱恣  
吟詩刻華燭論古發經笥繡囊錦連翩綵筆雲  
膏膩吐屬本天真斯人豈顚顛深惟言游室復  
想文翁肆終宴莫深辭風塵豈吾事

與朱七騎尉郎中

必坦

話舊偶書

共爾新姻婭關心舊友朋江山吟詠在霜雪鬢  
毛增謝病驚相見浮家我未曾尚禽他日願五

嶽記同登

聞周庶常二丈已歸南昌

洒泣窮鱗別甘心碎首期生還無宿望寬法及  
今慈道路惟深慰風霜莫自辭伶仃有猶子歸  
去慎扶持

秋雨遣興

濛雨壅滯江山平暝雲墮地深嚴城獨鶴向人  
不自舞亂鴉集地已旋驚詩懷詩興那復遣墜  
柳折蒲猶有情南樓北首更何屬滿眼風烟萬  
里程

卓山詩集

卷八

八

三十乘書樓

捕虎篇

去年宮中看殺虎虎如羝羊就落箸今年捕虎  
來山中自率鄉徒施網罟張牙勢已摧南山踞  
地聲猶掀厚土獵徒抵死誓一前奮尾一搖叉  
落股里脊絕叫生致之往距來迎閱儕伍穿深  
機巧絕脫逃什伯雷歡動林莽亦憐愚賤獻豺  
心反作驅除聖人覩向非攝伏震威靈實恐披  
猖梗深阻從來百獸儀至仁猛虎跳梁終擾馴

余亦荒山綰符竹媚茲惜未陳騶麟

廐馬行

山荒地遠少置驛官廐惟餘馬二隻一馬不  
蹇不前十步馳驅九僵踣一馬錯莫沉輝光金  
埒錦韉空在臆便令市骨已無用况乃攻駒譁  
絕跡良由縱逸置房皂無怪蹉跎疲氣力長安  
紫艷誇權奇縱駕鹽車材亦得垌野蕭條江海  
絕立仗從封渺消息明年

警蹕臨江南萬馬調遣扶乘驂款段低垂供下

卓山詩集 卷八

九 三十稟書樓

澤長嘶戢戢思翔驪

句容道中

縣古結靈氛岡巒萃紫雲神仙終度世道術竟  
無聞勾漏初從辟茅盈自隱君良常山色好聯  
騶致殷勤

寶華山禪寺

輦路垂丹級靈峯拄蔚藍石壇虛月鏡銅殿閉  
花龕佛界莊嚴得禪心起滅叅法華須授夢終  
古現優曇

龍潭瞻

幸蒙

恩馬上

顧問恭紀

仙仗臨

天語江潭忝外臣

禮深關異數

恩重激忘身永効三嵩祝終同萬物春此生蒙  
帝澤願附屬車塵

卓山詩集 卷八

十 三十稟書樓

江口

泝泝沿江乘滔滔湯甕城海門收不盡天塹逝  
斯征風日曾何損烟波竟有情頻年歌擊楫一  
涉壯心驚

送人之岳陽

蠶麥成時叫杜鵑一篙早稅上江船何所獨無  
芳草色春心寄在洞庭烟

調何三十二納姬

十載揚州事已遲鍾情憶煞杜秋詩最關名士

傷懷極一笑掀髯問肚皮

爲譚二仲希垂釣畫圖二絕句

宴坐江底月垂綸水中天猜疑白鷗盡俱上米家船

投竿已復懸魚戲東西逆相憐誤芳餌深意起纏綿

歲祲巡視饑籍中塗作

樂歲詎不多獨哀我人斯豈非臨蒞失不足希天慈吏責職所甘補過事已遲苟無

卓山詩集 卷八 上 三十稟書樓

皇王惠何以蕪氓蚩驅馬偏閭閻稽按敢濫遺野田舊黃雀向我重酸嘶粒粟飽有餘且憐同困饑誰云泣中澤異此鴻鵠悲道逢採蕨女筐筥忽不持苦言取擷盡欲刷無所資那無舊田宅詎爾克乾廩鄉隣盡蕪穢鬻賣當向誰窮猿哭三峽涕泣相漣漣而隱閔無告情天地窮恩施仰惟

朝廷意實欲宏惠緩但使中飽絕不受胥史欺成法固有定恐復多權宜胡然過區別坐使哀

此難得罪世態怯憂民古人思慎爾顛沛氓俗吏奚申辭

因視饑籍夜投山寺憇宿有述

翳翳翠微暮採蕨人未還我馬嘶忽驚虎跡連空山誰能絕恐懼余亦趨禪關借問持筐人信往遺禍艱潛身度密箐趨避力孔殫餒腹藉少充縱死辭羸孱偷生豺狼窟人命輕豆簞念之迫中腸吏責何由寬老僧供薄粥揮退不擬食忍饑度深夕庶以齊痼瘕穴鼠號顧我餘糧亦

卓山詩集 卷八 上 三十稟書樓

奚干惻怛吾同人不言心已酸四隣寂雞犬閭室候夜闌明晨忍遽出菜色吾重看

守歲侍四從父暨四弟喜成

終宴屬辛盤燃松待夕闌竹林新有集花萼互爲歡酒味酣春速鐙花結瑞團檐梅爭索笑應共慰平安

獻歲

獻歲開新淑韶華轉舊春山川還僻郡梅柳自芳塵物瑞標金勝朝儀企

紫宸銀旛遺賜在笑取一簪巾

阻雪宣陽遇史廣文飲戲調一絕

莫怪行厨絕綺筵柳邊梅外住征驂雪花如手  
不成醉笑殺宣城舊酒仙

雪月

慘慘偷雲見溶溶照雪孤常時豈藏鷺此夜必  
胎珠眇矚冰真魄迴光玉在膚凍蟾原自炯况  
是碎瑠扶

雪霽

卓山詩集 卷八 圭 三十集書樓

春雪不成沍微暘氣便柔數家烟乍直百道潦  
交流物色催梅澹風光集柳稠農人先月令未  
耕已東疇

復雪

微日烘猶冷層雲散轉局旋增堤舊白更奪草  
新青結溜懸相續盤鷗噪獨靈水池重布彩生  
意問枯萍

晴二首

凍猶膠曳櫓旭已洞重簾宿莽微微白晨颺習

習恬入雲摩獨鴿吹沫上雙簾漸引瀟湘興高  
吟側帽簷

幾日迷江雪連朝隱几心暄和終必復天地豈  
常陰野意爭初柳空聲鬯好禽褰帷須放眼春  
事迫相尋

逆風不得趨采石歎

駕舟學着宮錦袍青蓮復生許吾曹高吟長調  
復短調遠汎萬里之奔濤驚嘶嗔人海又嚇江  
上古豪蛟虺得鼓棹顛風卻不前橫磯側島空

卓山詩集 卷八 十四 三十集書樓

千尺美人娟娟烟水黑酒旂蠟屐相蕭瑟李公  
詞賦江湖軀萬事未有從胸臆登筵上殿已復  
乖跋扈飛揚少顏色且從捨檝驂青驪襄陽不  
歌白接離疾颺急霰相驅擁江外詩人壯一麾

秣陵關值晴見村中桃李欲華喜賦艷詞

屋角未逢蒸晚霞三春桃李空矜誇遲明擁騎  
雲在頂瞰日忽射却西斜飄空晴絲三十丈已  
來馬首閒偎傍蛺蝶栖芳未返魂泥香土膩春  
先盎着眼偷覷雨露林姹紫嫣紅澹相貺半綻

未綻情奈何回嗔作笑驕微和青樓女兒大堤  
曲一日薄醉朱顏酡舞衣欲施旋復卷左藉右  
倚吾當歌君不憶鵲鵲無語鵲鵲急轉瞬冰霜  
昨夜多

登青陽縣東萬壽禪林疊翠閣觸景寫懷  
落日敞虛閣捨輿試高登空中五色霞入望先  
蔚蒸南矚紛岑巒紫翠縈千繪金峰獨業起列  
嶂尊峻嶒月出牟尼珠濁水涵清澄信知佛界  
美空色茲交憑放神絕物表垢淨移孤膺轉維  
卓山詩集——卷八——五——三十稟書樓  
禪宗理不滅亦不增生滅由外緣終焉黜傳鐙  
塵人繼絆久一憩厚自矜巡簷極引領摸漢攀  
金繩茫茫古日月兔沒還烏升百年計幾屐志  
願亦已宏毋爲諦金偈任運安吾能

是夜因憩宿萬壽禪林中宵作

攬幽忽成戀投憩聽晨鐘念身如鸛鶴終日愁  
雕籠簡書驅行役軒騎勞倥傯不有慧窟游安  
知息雲松一鐙隱琉璃尸寢安雍容萬衆齊一  
夢酣然滿寰中轉憐百緣寂卻入千慮攻靈明

雜淨穢二念奚銷鎔龍堂振法鼓午夜昭羣聳  
歌側已復醒金波半疎櫬

住宿翫華亭值雨不得觀九華諸峯

九華九芙蓉矗出天之半昔歲揚江帆依稀眼  
中見一隔垂九年徘徊夢葱蒨今來玩華亭庶  
識眞顏面頃聞上人言嶽峯尚條幹况羃烟霧  
昏延踰但迷霞忽思拄綠玉甚欲憑丹翰颺舉  
非道流馳觀落塵絆沉吟綺寮側往復雲嵐畔  
暮雨騰青蒼空光忽微眩兒孫諸崑巒翕條猶  
卓山詩集——卷八——六——三十稟書樓  
萬變或使攀瓊枝羽人侍終宴緬茲上霽窟豈  
入塵人眄解衣夕衾溼欹枕溪猿喚睡境還清  
幽棲林信餘善終歸附鸞背秉燭佇平旦

程次達內子

陌上鶯將語梁間燕已栖春光九十日大半閤  
中間積歲淹征蹇還家遂醉泥雖非太常婦略  
似翰林妻

淋雨愁泥滑相思益不閑無須秦隴月照汝溼  
雲鬟的的窺紅杏雙雙戲白鵲穠花長共笑倦

鳥各知還杜二什戲襲李杜二公詩語

小憇殷家滙公館卽事

公館日沉靜停輿事早饗陰晴瞻隴麥早晚問  
春農野鳥呼煙溼溪花綴座穠往來紛使節吾  
此駐雍容

雨宿黃湓傲黃魯直一篇

長雨闌風侵昨夜潭堤陰陌困今朝肩輿平地  
轉驀淵野店空宵時聽潮鳴雞角角自沈晦信  
犬嘵嘵撼寂寥誰謂征途惡風景欠伸一枕夢  
卓山詩集 卷八 七 三十稟書樓

僬僥

皖江田家

天迴江水色湛湛鴨頭綠知是春風來青袍麗  
相屬平原露豁爽霽色宛在目麥隴浮新烟蘆  
芽銳微鏃蓊蓊條桑稠鳴鳩矮屋稍欣物向  
榮復見山如沐老父出荆籬呼兒飯黃犢莫作  
去年荒不稅公家粟

溫太守同年之子崇憲陪遊大觀亭

都督城邊散羽旄忠宣墓下長蓬蒿天晴翠檻

明吳樹日落朱甍上楚濤輩行漸催憂老眼江  
山無待閱英髦韓郎又話三生石羨有清聲振  
彩毫

返塗復宿玩華亭乘月泂溪

終期夕陽盡佇見山月出彩入蔚藍天光動龍  
蚪窟迴環衆山影一素千幽鬱白鶴已宵翔行  
歌步叢密清谿凡九轉轉轉露嶠崿融霧靄初  
輝散如珠露溢一滴零衣裘芳香襲蕩苾詎便  
訪靈源石橋希髣髴稍欣愜微願不震昨颺颺  
卓山詩集 卷八 七 三十稟書樓

乘興安吾常旋跬偃瑤室

重憇萬壽禪林步月同林木上人

張樂洞庭野笙竽滿虛空豈知霧谿瀨自和雲  
岑松松頂下圓月玢明遡無窮羽衣間霓裳曲  
奏涼露中此時不振武毋乃譏盲聾緬邈已昨  
日當窓見諸峰峰色又變態諸天固殊蹤不知  
塵浮界駒隙潛相通上人金僊骨爽秀明宗風  
指示空色微邀我臨深洪千川一明月是理非  
朦朧結攬今稍悟戾止聆疎鐘

南陵縣兩行至晚甫霽抵宣城

淖泥滑砥道十步九摧挫僕夫仰天嘆吾豈安  
行坐稍瞻菜麥榮復聽鷓鴣和一雨滋神膏五  
風實仁播太和被人寰於物念深荷煦子非吾  
儒賢人識其大隔歲憂黎元及今憫窮餓何能  
區區督促任疲瘁前遵訊五松草樹識婆娑  
李耀裾纓新楊媚轅軻斷雲間晴靄卻望青  
天隱隱辨江城驅驅薄濺沍驂從各歡呼耐  
可沒雙髀向使從便安誰爲振頽隋宣州江謝  
卓山詩集 卷八 九 三十稟書樓  
邑風雅代繼作輝映佳山川忻茲滌塵壘  
宋太守 敦 招宴謝公北樓  
太守微元暉誰從發高興前身非金粟亦得領  
佳境丹甍三百尺川陸俯明靚高揖敬亭雲遠  
湔東溪淨脚底千堞雄眼中萬家盛天風不停  
吹竽籟發清聽層巔忝芳醺觴竿敢不罄舉手  
傾流霞酣歌八埏靜古人日寂寞吾輩續餘勝  
樓榭已千年淵期自茲訂

送貢令震移知靈壁

吾州昔祲饑菜色憂黔赤哀鴻偏郡縣蒿目幾  
嘿息

聖朝嫗育慈調委固靡極十二聚荒氓經理必  
精覈煦子抱仁心詎爾渙脂澤不周蓬荜隱奚  
以達羣感貢君宰予屬愷惻事厥職遠邑懼鞭  
長所需贊計畫繪陳鄭公圖計發士衡積每資  
備申請郡邑均衽席盱衡西山遺浩蕩古周恤  
緬邈吾汝情何期一懷臆驅馳卻于邁綬纒在  
茲役墜柳拂行轅疎梅點官驛川原澹送遠相  
卓山詩集 卷八 十 三十稟書樓  
顧豈悵惜奪我同官良慇懃倦今昔迢遙古淮  
會鹵莽塗山域凋敝半遺黎嗟來詎爲食撫綏  
必有道盤錯視汝力汝才固循良先後忍殊跡  
飄飄轉征蓋長揖自遠適千里夫何如瀕行繞  
朝策

河房

花月春江影流傳亦可憐後庭翻水調前渡亂  
鐙船南國深遺俗東山舊少年髣髴聊自把猶  
分倚嬋娟



桃葉渡

風流古渡頭桃葉已無愁來往看春在谿山涉  
跡浮雜花歆白舫斜日澹紅樓轉眼驚秋至慙  
懃記冶遊

雨登雞鳴寺

六代莊嚴寺諸天閭澹遊湖山如昨日風雨獨  
深秋輦道緣雲裊經壇裊翠流臺城經眼地宿  
莽易關愁

柘塘口號

卓山詩集

卷八

三十稟書樓

短策年年役平林處處憐浮生勞底急世事晚  
逾牽鴨綠明清潦鴉黃染斷烟飛栖各有意指  
數坐悠然

酬徐三煒誦詩垂贈之作

鳳池贏得舊生涯晚向山城贈物華荒郡事稀  
題自徧春陵行在興誰誇邱郎點綴評依草江  
令蹉跎咸吐花陶冶性情聊遣寄敢緣餘事號  
詩家

送兒子煥就婚萊郡

汝去赴東牀東萊得舊鄉克家宜子嬾催老畏  
兒郎汎鷁青翰穩歸凰綵服香歡心隨路柳披  
拂上瑤筐

月

飛來古蟾兔倚着舊娑羅一片愁人白中間客  
夢多照空星獨伴寒重鵲頻過辛苦流黃婦機  
聲怨汝何

至後寄兩弟暨廖三妹丈

至後新添繡線長客心隨日倍思鄉吾家最似  
卓山詩集

卷八

三十稟書樓

枌榆俗親串能招蜡臘觴先宅古梅芳作陣舊  
隣疎籜瘦成行雲山一別飛鴻遠人事天時逐  
渺茫

至後又作一首寄京師臺省羣公

九重捧日南山壽三殿瞻雲北極高臺省自分  
新法洒江湖猶著舊宮袍螭頭儼立鱸烟合豹  
尾輕移劍佩韜憶得玉墀歌進履也陪青瑣事  
揮毫

仲冬

仲冬之末百務清狂杖巡檐晦自明澹澹水烟  
虛不散霏霏林月蝕還生春聲機響環相屬瓦  
雀盆鱗互有情誰道銅魚千騎長不同汲黯臥  
淮城

觀池中羣鶩偶然書

紅掌清波了不奇寫經道士未來時更休靈異  
爲池鳥悔煞多材古畫師

高劍川使君十年不見始於石城一晤遽  
別

卓山詩集——卷八

圭 三十稟書樓

疾風吹雲向東逝萬里飛蓬亦能至手輪甲子  
垂十年會面都驚顏色異石頭城北方舉樽木  
末亭南卻旋騎一言未剖淚交迸半杓初嘗神  
已醉江濤無人日洶湧路草含情各顛顚人生  
會合亦可憐百年幾何東下淵朝飛金鳥暮飛  
兔轉九跳擲無迴還白首能期數相見綠髻何  
減非當年卽今江南花事早短簫長笛金陵船  
有肉在俎酒在尊請公放喏終此筵丈夫豈能  
鹿豕死肝膽照耀無山川願爲加餐再三囑願

抱霜翎展鴻鵠紆鬱遠別非人豪更佇東山會  
絲竹

觀何三十二桃花扇劇曲題辭行

猩紅醺醺夜宴客優奴慷慨動顏色山陰別駕  
老作顛酹酒當筵屬詞伯手開卷什邀我看筆  
競風騷重合拍公子夷門逸興高美人白下金  
縷袍寧南將軍帳中死閣部老臣哀暮濤云亭  
曹官古述撰選調徵歌寄簪鈿不作乾坤莽蕩  
愁祇傳兒女恩私戀憶昔南朝初下殿內直猶  
卓山詩集——卷八 圭 三十稟書樓

馮公淳宅後產芝奉題短歌

馮公十年老作吏相也門牆實依倚自蒙鐵網  
脫風塵早識冰壺淨污膩在官不騎地產馬還  
家便鬻先人第風雨飄飄一茆屋舟裏棲身岸

頭宿平明拳蘿補破壁脚底靈芝踏紅玉色敷  
王母態嬋娟菌抵仙人掌踉蹌東家西家出美  
酒與公作筵爲公祝吾公掀簪一微笑朽腐神  
奇詎能福去年吾鄉遭旱乾鳳鳥不得食琅玕  
今年澗東大豐稔此芝免落饑人餐乾坤彙類  
有常變人生守正不可干吾公竭來過古桐桐  
川往亦飛哀鴻遺黎幸不易子食吾公惻然悲  
憫同卽茲仁感宜物瑞芝草由來繼三異不爲  
嘉休但培植作歌諛詞豈公意

車山詩集 卷八 三十棄書樓

遊雲門寺

入門諸天笑呵導趨上方拂衣千斛埃頽落滿  
禪牀老僧亦世故袈裟迎路傍祇承數沙彌跪  
獻櫻桃漿緇俗齊一態世塵安可量脫鞵履蒲  
鞵解帶披荔裳庶幾垢汙軀且適清淨堂仰瞻  
大千界歷覽選佛場天風吹花雨惹龍四飛翔  
浮圖迥何高錦幢垂且長花鬘間瓊瑤妙麗還  
端莊反疑青蓮相亦要黃金裝謬誤此迷惑世  
尊恐徬徨願翻鸚鵡車永濟濁水航

宋太守集飲郡齋晚登北樓眺遠

宴客蟾蜍觥不如鸚鵡杯青蓮千年後復此瓊  
筵開賓朋旣雲集勝境陵徂徠官厨雜水陸酬  
獻相徘徊未知北樓上日暮長風來浩浩千里  
色空光夕陽迴酒酣試高躋萬象急景催支離  
六朝柏朔吹橫餘哀上世風流人安知此傾醅  
高招赤城霞連袂攀天台道遠不可致古今一  
黃埃使君命餘酌更坐茵莓苔錦觴間瑤瑟未  
必登蓬萊爲樂不盡歡山川日摧頽吾人累職  
卓山詩集 卷八 三十棄書樓

業世局多嫌猜良會茲已屢高吟信崔嵬

登莢別駕瞻新成懷謝樓

昨夜高風吹古愁敬亭山在隔城頭使君意度  
原招鶴謝氏登臨復有樓鴻鴻數行眠沼穩梧  
桐一樹過牆秋半生遠抱悠悠盡相對林泉劇  
宿留

少年行

海棠媚秋神芍藥趨春態不及少年心繁華百  
年在

涂進士弟錫穀需次赴京取道荒郡晤別

因貽

去効循良績來因故舊情一官非秩祿吾輩是  
科名前路青驪速他時竹馬迎平生獨樽酒送  
汝事長征

山邨夜行

叢務日不息山行夜有程候門幽犬怪蹲穴野  
猿驚地迥微霜白天空半月明居人大淳樸篝  
火自相迎

卓山詩集

卷八

三十集書樓

卓山詩集卷八終

卓山詩集卷九

奉新帥家相伯子甫著

開歲五日廨後方池汎舟

念茲職守累終歲無時休履候又五日淑序凜  
不留陂塘稍漱澗岸渚初澄幽拂拂下翠羽翻  
翻炯霜鷗芳楫吹凍葭壞柳開春柔潛介始羣  
泳蟄鱗亦爭游韶華轉百沍氣集萬景稠羣彙  
雖少蘇暄風不爲颺方池好在眼桂楫又可求  
不假蕩漾情安銷淹蹇憂沼洄半畝地興極各  
卓山詩集 卷九 三十集書樓  
有由勺泉豈溲溲縵佩非逸流瀾漫瞬屬目有  
春心偕秋深思感時士逐運須身謀當歌儘  
放卽事眷所酬著我宮錦袍適此青翰舟

出郭示僚屬作

青旗颭飄颻刺史爲春遊出郭門直視青條始  
和柔牆陰茆甘草屋角聞鴈鳩東隣買豚蹄西  
社開新竊男女各成列父老居上頭遮道刺史  
前攬轡擁遲留刺史遣吏問跪陳鞭土牛勾芒  
有肇祀斗柄指孟陬使君肅郊迎叱庶須何求

粉榆舊風俗祭賽實有由百室望盈止亦兆邦  
家休擊鼓吹笙竽咽闌間歌謳上謳天下平薄  
海陳共球下謳四序和豐穰大有秋謳管激清  
風傳聲抵

皇州神都擁郡縣百爾慎所脩

嵇太守筵卽事戲爲四絕句

璵瑜十尺爛春妍多事優兒惱繡筵李八郎來  
渾未識一聲喉嚨關驚憐

燕惱蜂顛春卽休人人怕聽古梁州卻趨柳底

卓山詩集 卷九 二 三十乘書樓

遲鶯膩更繞花叢趣蝶柔

吹徹瑤笙夜峭寒楊華飛出月團團歌來白紵

銷魂種裙屐東山別樣看

恰正旂亭年少時不教奚落卷中詩右丞一晌

關情甚紅豆江南唱者誰

春雨遣興

門外柳花踏作泥鷓鴣啼在畫樓西連宵細雨

催春急更道官街滑馬蹄

淅淅瀝瀝鳴不徹一聲一聲花底聞卻好未來

愁燕子無人知是阻春雲

與嵇四太守 登北樓望敬亭山

太守政多暇纓裾日接聯高齋非寂寞名士幾  
留連樓溼千門雨山寒六代烟孤雲飛不散縹  
緲此林泉

雨中望敬亭山

山意屬晴曉冥冥雨固殊天低全嶂失風轉一  
尖孤勝地終榛莽名賢跡有無眼邊憑秀色竟

覺杖須扶

卓山詩集 卷九 王 三十乘書樓

對雨走簡貴宣城令 中孚

雲從敬亭起雨合東溪迴一氣暗春郭羣流隱  
地雷升除亂鼃鼃擁戶限莓苔自忝元暉侶招  
邀滯往來

聞杜鵑

殘月隱不墜暮山清又空不知何年恨復此荒  
烟中化理天難測歸心路固通繚籠足鸚鵡多  
半老深宮

春野

蓊蓊花蘂合憑憑蔭木交黃鸝催夏嘯白鳥接  
人巢野豎齊驅犢農屨半覆茆固疑淳樸俗冠  
蓋自須拋

肩輿行山水間卻賦

到此遂幽圓竟無塵濁牽漪紋兼岸瀉石骨向  
天穿迎嘯雙猿狎聞香一麝眠山花俯溪荇點  
綴自爲妍

喜四從父循越中仲弟溯皖口同日次州

吳越各殊轍已知行路難開關成一面笑涕欲

卓山詩集

卷九

四

三十稟書樓

無端杖履風霜怯邛園問訊安莫愁羈宦苦猶  
得樹團圓

侍四從父兼陪二弟醺飲齋廳

鄉里庖雞黍兒郎潔藻蘋進鮮還獻祖奉尊各  
酬神上壽存深愛歌詩到本真百年千里會感  
激倍天親

與仲弟飲兼攜兩幼子照熙等

中歲親毛裏塵途愴髻絲當筵看穉幼識面尚  
初時餉果甘頻割牽裾醉莫辭短襦喧竹馬趨

走復何期

端午日憶子杭州

客序關愁絕憂離重此辰渚蒲香自泛路柳翠  
多輦遠宦親兒子流年老世塵武林烟水地綿  
望悵青蘋

山行憇紫荊蘭若

赤脚層氷踏未曾火雲揮汗怯峻嶒不辭繭足  
趨蕭寺可耐塵顏對老僧施食鳥過馴自入聽  
經猿下定猶騰休論得失年來夢一夜清疏七  
尺藤

卓山詩集

卷九

五

三十稟書樓

五弟驃騎行

第五逸氣飛騏驎龍池霹靂傳精神駑駘蹙縮  
不挂眼愛馬皆得驂驅身園中名駿動十疋驃  
騎羈序獨超忽目如電光不敢視氣壓羣材精  
在骨昔日西馳滿陵道秦地風霜秋白草決皆  
鷹鵬愁已下騰空宋鵲啼相惱邊聲聒耳亂笳  
角渙氣摩雲塞穹昊此騎一出排青霄纖埃不  
動懸峰驕九天迅落飛鳥敵萬里戰及昆雞調

道旁見者起辟易塞上材官傷寂寥燉煌酒泉  
望寥廓鬃尾獵獵飛長颿卻迴韁轡又山立恥  
與凡驥爭雄驍卽今在廐無殊相自古龍媒絕  
凋喪錦韉纓絡猶披身脯棗芳芻悵惆悵武陵  
桃花春竟杳毛拳耳峻心長放吾弟癖馬知馬  
真可憐汗血爲汝馴余亦識馬空馬羣歌詩磊  
落無其倫黃金銜雲錦阜得駕飛黃奚擬道虞  
坂風悲天浩浩

病起惘然作

卓山詩集 卷九

六 二十稟書樓

隱閔耽利祿經濟實不任退無買山費又莫休  
陵岑睢眴狗物役束縛縻縶簪陰陽自茲感日  
夕來侵尋寒暑運二氣天時無沴淫自人擾真  
府踵息莫得深汨沒在精魄形骸那持禁諒非  
金石質乃仗炙且鍼百年幸苟活賢達媿此心  
秋風振病骨稍復離呻吟欣懌良已極清歌理  
絲琴雍門不成彈淚下轉自今栖栖寰區內偃  
蹇趨浮沉生命委朝露吁嗟惜華襟

登太首峰

蔥蒨鬱萬象積陰九秋寒招手丹臺人迴翔紫  
雲端窮年逐物役彌眺目力殫及今季夏月觸  
熱還相關金颿蕩炎暘力疾生微懽沈疴感佳  
序氣達神乃安益思清幽域極想驂羽翰乘陵  
一峯尊墜磴垂九盤絕頂息鵬翼中峯矯龍蟠  
倒翻地軸湧迥出天垠干雲闕儼在下清都歛  
相看風松落疎磬鸞鶴朝虛壇拂拭互彩翠焉  
知緬孱顏賞延亦分外達士貴所拚香稻亂畦  
畝參差亞雲間榛栗委墜地松杉挺岡巒資生  
卓山詩集 卷九 七 三十稟書樓

東家行

東家天桃一百尺西舍矮松三尺強來遭雪霜  
花亦好眼見梁棟非尋常君不見孔公簿書置  
不理一月痛飲三十場漢二千石兼宰相瑣屑  
細故神鵲鶴

秋日漫興三首

野涼生薄袷秋意滿疎襟隊蟻初無力歸蝸不  
耐吟空烟團瘦日細雨聚窮陰已及淒清候蹉  
跎歲暮心

病起猶無緒心空轉自恬感時羣有恨入世道  
何嫌蟋蟀吟還苦芰荷折半淹秋清在天地極  
目佇虛檐

疏蕪兼僻郡牢落更秋風古市盤霜鶻平原住  
雪鴻冠裳熙太簡簿牒寄微忠日暮看山迥寥  
寥倒景空

卓山詩集 卷九 八 三十稟書樓

月夜憶諸弟

已近千秋節猶驚五夜砧清光不可沒寒籟自  
成吟轉益江山夢偏懸楚越心故林誰寂寞吾  
道媿淹滯

陪二弟泥飲頽然有作

銀羊錦鱸赤瑛盤綺席華尊未罄歡最憶頽濱  
痛會少卻教彭澤酒懷寬舊來篋竹向誰和昨  
日茱萸喜共看五十不妨兼一石玉山頽倒竟  
須拚

雨夕

鳴溜不絕秋沉沉地雲蒸潤生虛衾疎鐙獨暗  
當牕雨斷漏還淒比戶砧禾黍萬家憂泛溢隄  
防百道注淫淋寡妻童孺猶吾郡一夜哀鴻四  
海心

中秋同徐三 煒 憶舊題

前年中秋江水頭短簫長拍秦淮舟人生少壯  
不常集昨夜風烟已復收遂有芳雲騰玉宇自  
來明月隱瓊樓金尊綺席重辜負明日山川鬱

卓山詩集 卷九 九 三十稟書樓

古憂

酬贈何三十二兄垂示樂府諸篇

何郎頭白眼常青吟得新篇付法伶直欲縱言  
天下事不知誰作古人聽蒼生屬望肝前席名  
士臬牢譜後庭梁沈白鳬傷子夜維摩紅豆泣  
荒汀臨江節士悲秋舞故郢逋臣閱世醒一種  
幽憂羌笛怨數行清淚柳枝零豈無蹀躞歌天  
馬可耐飄浮賦水萍漂芷江蘺隨處是百年強  
半弔湘靈



殘月

殘月自爲照冥冥一角開關河天地黑風露鬼神哀紫塞沈弓影青樓匣鏡臺還須秉官燭駐望曉鴉迴

初月

始從雲捧出轉傍日斜生隴戍雖多恨關山未有情玉蝀終不滅珠露待誰傾若照流蘓夢金釵半欲橫

月圓

卓山詩集 卷九 十 三十稟書樓  
朏魄不常滿輝光此夕妍無因天上恨且學世中圓萬戶悲秋極三更警夢偏霜娥未愁思好及鏡華顛

月

天上明河隱人間玉樹秋可憐萬里白不斷五更愁鼓角榆關壯乾坤碣石遊誰能跨霄漢霜露滿高樓

懷濟一丈傳時傳聞已死因有此寄

延賓開徑僻頌酒閉門高適已多狂簡於人絕

詆訾占星何太誤哀鵬本吾曹健在須天意臨風寄鬱陶

宿橋庵

野寺三茅舍頭陀一病僧何來聆法曲有夢照龍鍾老樹唸秋葉空池釀夕冰團瓢足清悟煞有象王能

觀刈稻喜成

稻熟家家刈秋成事事歡粒餘鸚鵡啄實滿鳳凰餐比戶籌官稅明朝賽社壇兒童何太喜卓山詩集 卷九 十 三十稟書樓  
收握團團

嘗稻書示農人

田舍分新獻豐年得味嘉三時今有此一飽不須奢軟滑資娛老馨香佐食瓜諸君莫狼藉是物眷官家

觀漁

魚尾何條條漁磯在上頭水清荇藻密水濁泥沙浮彙物生成巧斯人網罟稠卽憐川畔叟機械日相求

登報恩寺塔頂

鍾山紫霧散靈光石塔高盤柱大荒十界香花  
降龍女九天仙樂會獅王沉迷落日低城闕浩  
蕩江流小混茫惻悵佛燈明滅影夜來猶照舊  
齊梁

高齋秋晚

檐雀啾啾落木悲亂鴉飛上最高枝公庭吏散  
苔莓出故院人稀薜荔垂自轉轆轤閒井幹挂  
空鈴鐸靜櫳帷當階舊種干雲柏老盡龍鱗更  
卓山詩集 卷九 三十稟書樓  
一時

惠承甘五車駕禾手翰戲報一絕

數行誰下錦雲函畫省僊郎道姓廿五六年前  
慈吏部有人問訊到鄣南

又寄贈甘五車駕

駕部風流古尚書節操垂弓裘看奕世文雅又  
今茲采擷思蘭蕙江湖吟羽儀太微扶宿衛回  
首縉雲司

魏大侍御涵暉惠書見憶率酬短篇

遠宦親遐俗彌年賦索居尚憐驄馬客不忘鯉  
魚書舊習愚誠在平生世法疎長思京洛會來  
往報瓊琤

冬日山行

沍氣纏山骨霜姿竦石根竄林投野雉懸樹息  
吟猿橘柚垂垂實雞豚隱隱喧肩輿終日好莫  
數幾家村

雪

騰騰萬井雪風急靡城頭一夜窮檐思千山白

卓山詩集 卷九 三十稟書樓

首愁競暄青獸炭不上紫貂裘更有梁園雋酣  
歌傲逸流

觀梅漫成三絕句

玉骨冰姿信有之水村烟嶠繫人思非關春到  
羅浮早實殿江山百候遲

昨夜雪晴寒滿天凍蟾高澈曉霜懸只憐翠羽  
驚栖盡總有繁香似去年

不信扶筇更有人眠香嚼雪澹相親苦愁簾幙  
東風轉無數天桃便弄顚

十九秋詩 有序

詩出三百篇所以鬯宣幽鬱發情止義詩固  
立言之一道也天時人事草卉禽魚皆吾性  
情中物故常托物以傳然範形則鑒略象則  
離又性或錮之情或滯之於風詩奚當焉往  
覽粵中梁太史前輩十九秋詩意頗未慊竊  
謂文章小技奚謝古人思廣其意用彰風人  
之則秋心多感根觸成吟爰詮次其題著之  
篇什

卓山詩集

卷九

古

三十稷書樓

孤城高且迥吹角下平原莫但秦人坂能傷楚  
客魂沙寒通漠氣草白接燒痕滿目悲秋感關  
山不更論 秋原

憂絕正高寒金莖接露漙誰能對搖落不遣望  
長安招手冥鴻近回頭漢渚乾何人起長笛多  
少倚重欄 秋樓

飛雨撼華棟高風昨夜哀西堂吟蟋蟀北戶怨  
臺萊茅舍猶堪憶柴門莫復開荔垣兼蘚壁寄  
住白蘋隈 秋屋

香界迥常泯花宮秋不違見傳栖鶴定警警故  
林稀斜日孤幢捲空山一衲歸祇園深寂冥吾  
道莫相非 秋寺

東家擊土鼓西舍割黃羊聞道耕桑野秋來足  
稻梁獻酌新酒醴壇墠古馨香報賽饒風俗粉  
榆自故鄉 秋社

一雁落平蕪前驅試僕姑馬曉盤地盡鷹急上  
天呼殺氣團西極商聲合朔隅眼中狐兔懼何  
假問於菟 秋獵

卓山詩集

卷九

五

三十稷書樓

八月樓蘭戍連營白莽高地荒龍鳥陣寒澁鷗  
鷗刀投筆心空壯從戎事本勞長城驅飲馬霜  
色染弓韜 秋戍

零笳江鄉俗蒹葭水國情秋心都莫極漁隱得  
其清木葉波初下蛟龍夜不驚西風競鱸膾一  
艇往來輕 秋漁

原野日蕭瑟陂塘互寂寥澄江分片影寒色動  
今朝蝦蟇猶無恙鷓鴣不自聊霜葉遺斷藕絲  
在更魂銷 秋塘

不雪風常近無雲雨自霑早驚秋在眼多事玉  
爲簾側想浮機渚憑虛洗暮蟾魚龍寒欲蟄莫  
向此中潛秋瀑

高天原慘肅野靄最紛綸窮象得殊態爲秋獨  
有神湘娥迷落日山鬼怯逢人愁絕空濛影無  
端染客巾秋烟

見說黃墟近朝來駐紫駟山河容易邈霜露古  
人愁桑落家家釀楓明處處樓高颺顛短旆已  
是不禁秋秋帝

卓山詩集 卷九 七 三十稟書樓

蔬畦亦零落抱甕竟如何匏繫因時見蓴羹着  
累多盤餐輕瑣屑土物記蹉跎肉食任荒飽栖  
遲想澗阿秋菜

蛺蝶寄草動翩翩感後時粉銷情未減香死夢  
交疑越女粧空戀王孫信又遲不干人意緒小  
物見相思秋蝶

無著哀時感關情到紉蓉悲涼秋中骨憔悴古  
誰容纖綵從人襲綿袍不自供霜威日相折補  
綻事裁縫秋衫

笛簾憑吾嬾荃床警獨興炎涼觀此物舒卷足  
相徵屢促三更夢空題六月水應同合歡扇捐  
棄委誰矜秋簾

丹蘂遺蘭馥青蛾點玉缸不知人更澹自覺影  
空雙賞靜拋饒炬觀空冷佛幢華擎無索莫流  
恨惱鐙意秋鐙

我有容成鏡清橫卻月斜應時催髮髮是物老  
鉛華幾日胎明水經年礪赤瑕秋來莫輕把著  
眼怨菱花秋鏡

卓山詩集 卷九 七 三十稟書樓

雍門亦成調萬籟不能窮天意蕭寥極琴心閒  
寂同相將絃指外獨譜露霜中彈盡清商曲秋  
空送逝鴻秋琴

九日夜集郡幕諸君席間分成

叢菊離離已自黃鳳笙龍笛間中央華鐙照夜  
明無燼錦幄圍春沍未霜座客竟須拚縱飲人  
生莫負是重陽憑高更謝南樓興白雁飛來盡  
望鄉

送姚二通判 立德 移知景州

侍郎風節見諸孫別駕聲名重

至尊似汝量移膺獨寄吾曹建樹總

殊恩政宣近輔非常績治較并州不易論青絡

紫遊調去馬使君端的度翻翻

甘編脩立功謁歸紆道枉顧貽別長篇

山州蕭條絕過客京洛音塵漭相隔編脩乃吾  
故人子宿昔相親今不得駕部翻來昨日書翰  
林欵輟今晨策候門欵接益惆悵脫履趨踴感  
顏色稱身衣服宮錦袍驂騶作乘鬢鬣高鷗鵲

卓山詩集 卷九 六 三十稟書樓

之脂瑩寶刀星斗不動函新韜意氣且是吾徒  
豪白面綠鬚惟君曹江南老吏悵相視顛髮森  
騷轉憔悴揚雄石渠委寂寞道州舂陵擁憂悒  
乃翁舊亦少年羣十年京洛橫青雲遲暮終成  
畢緘喜相憐賴向冬郎申髭鬚雪點不稱意南  
北山川問留滯懷人但作萬里夢接席重賡百  
年誼興酣爲汝傾金樽鳳笙龍瑟生徘徊流霞  
之竿更予壽一啜未已酩酊開感離懼會且如  
此與子盡覆蟾蜍杯振衣牽袂忽不樂奚奴控

駒在城郭凍日莽蕩翳行塵寒雪漫天落未落  
路隅古柳更莫折驛外芳梅且須索紫貂青貉  
不禦寒北馬南航道途惡少壯幾時行路多古  
來離別重當歌

春野

背郭山高礙晚霞東風吹拂帽簷斜不知何處  
未歸雁那許關情欲放花春水茫茫一千頃夕  
陽隱隱兩三家蹇驢竹杖從消遣莫計星軺屬  
使車

卓山詩集 卷九 九 三十稟書樓

江邊

徒旅金沙岸軒車翠草汀江春天地動山曉市  
城青暖日恬鶯舌和風弱燕翎棹歌三十里試  
作採蓮聽

試馬行

鯁生嗜文亦好武白面彎弧哮如虎竭來四十  
專城居乘坐喜得官馬騎櫪中牝牡自儔匹亦  
有蹀躞西驕駒青芻紅豆官倉粟參養羈縻閑  
噴玉騰睛爛絕塞中天嚼勒憂同餽裏肉志紬

身類吾未敢強筋壯骨情須逐驂驪卻顧倍有  
神珠絡鞵衣起裘束插腰長箭電流影控臂雕  
弓月東胸揮鞭奮躍平原中碣石萬里來悲風  
黃雲莽蕩不踰瞬雁門儼與天山通男兒橫行  
志絕域左控右送開心胸君不見龍駒戢悒絡  
頭老騰驤獨羨長城道

被徵入

覲示別州父老

時以捕盜不力  
干部例議

皇仁浩汪濊蒙肯許更新轉叨入

卓山詩集 卷九

三十 三十稟書樓

覲榮拜手朝

紫宸顧慚綸綍恩補報闕所申待罪今七稔終

焉汨風塵茲行赴

廷陛九死莫自陳於皇

聖人意眷顧惟斯民方惟

命吏初情及萬庶春使臣被

慈旨寵渥詎一身如何廣至惠鑄使風俗淳未  
謂綰符出蹉跎遂茲展廻旌駕言邁迤邐趨重  
閭可憐忠信已無勢復所恃父老十餘輩徘徊

遮路津長揖語父老爾何太殷勤本無臨淮政  
豈用攀轅輪中世多澆漓下上同越秦懸痼視  
守土留去任所因此最關禮俗猗歟爾何遵乃  
知皇古風未絕天性真感斯綢繆意益愧職業  
淪長楊垂別條駕犢鳴酸辛棄爾屬今日安能  
忍乖分雖微化理才誠惻惻素則慙念哉熙皞治  
綱紀萬國均賢愚有教化勿間山海垠懷之報  
天子庶以齊歌幽

間道暫還里門歸舟有作

卓山詩集 卷九

三十 三十稟書樓

一身爲虛舟蕩泊江海廣汎泊無時所因緣信  
來往予行異韜匿涉歷半濶濇驚飈聒巨浪聽  
命事帆槳何意羈旅間安波澹虛混人生適歸  
心久暫一懷想偶此卸魚符居然解羈鞅脫身  
非久計紆軼藉妍賞拍拍翩逝鳬茂聚叢蔣  
平林雜翠彩懸嶼答殊響聲色非外求江山自  
然敞環觀沓故物舉意豁元象道路紛留連喬  
木益悽愴馳神極邱壠遇物諧親黨人事貪便  
安羣情各流蕩仰瞻飛翰急俯瞰潛游上雲霞

肆凌競鳥兔環奔攘聖哲肇經營先王締置綱  
百年互苦樂墮地集疴痒沉想已復疑停船候  
潮長

發南湖

忽轉滄浪興揚舲沆濟間帆隨孤日下人向一  
鷗還蒼雪非吾事潏潏欲有攀青簾垂白舫浩  
蕩意俱閒

潛港守風

亦有西飛燕低垂忽不前榜人爭怨讟估客費  
卓山詩集 卷九 三十稟書樓  
遷延淹速猶吾道江山覺共憐水村無礙著隨  
分滯風煙

舊縣

舊縣何年改經行亦愴神廢興關井邑生聚思  
民人斥壤耕犁少荒塢水鶴馴連閭  
蠲復詔匝地喜歌幽

抵吳城鎮

幾不親邛隴情兼戀釣游故鄉今日是前路半  
帆收宥過無拘束寬仁許宿留人生荷

恩命啣感極東流

卓山詩集 卷九

三十稟書樓

卓山詩集卷九 終

卓山詩集卷十

奉新帥家相伯子甫著

葺屋

家國本一情綢繆切桑土荆榛上堂與豈獨悽  
衡宇小恐椽題摧大懼梁棟窳入門羣燕雀偃  
蹙避深廡鼠穴伏危機脩蛇足爲蠱蕭條委菜  
麥狼藉問蘭杜立廟隆大宗飄搖憎神主况復  
被

賜書霑漬夜來雨古人慎攸處仕宦亟門戶衰

卓山詩集 卷十

三十藥書樓

薄宜振興卑棲豈華撫遣徒辟菑翳命匠揮斤  
斧陶復新軒楹削屢舊環堵蕩滌先汚邪栽培  
後華樹次第分施爲亦頗襲規矩欲速薄經營  
崇飾非惜祐編籬柵雞豕導洫限園圃擊牲宰  
肥牛布几速諸父永願留懽娛庶亦絕羣侮凡  
百深經綸寧惟篤生聚堅脆異其材成毀各前  
睹尸樞有不蠹蟲入必先腐甚關至精理亦達  
治平譜予斯小人事汲汲勵脩補流離先人業  
輾轉歸吾取

定爲先中丞公第傍  
隙地曾於他姓購回百年詎計料

好樂重稽古蓬華與願期終思讓簪組

樓成

蘊鬱不可磨躋高始無涯蓬樓起壯觀營構詎  
不奢平生滄浪心宿昔期漢查不此藉施展安  
能徒喑嗟稍空東南隅勢亦宜形家驅徒斬灌  
漈幸甚無蔽遮迥出百雉上俯臨一川斜樓成  
又今日景物念已嘉雖微盤紆勢且佇目力遐  
連岑互左右遂壑窺哈呀慘悽水崖木榮纈溫  
谷華常變終宇宙四時愷分差蒼波九湘合帝  
卓山詩集 卷十

三十藥書樓

子臨長沙漠雪來無時高城隱悲笳翩然王子

喬駐景延靈砂東攬扶桑瞰西塞赤城霞悲樂  
一以集悰憂耿無譁生人有終極豈累外感拏  
羅浮三珠樹翡翠巢其樞瞻延美人子炫服從  
奇袞往我縹素樓蠹簡粘涎蝸信道不廣篤脈  
望終浮夸飄搖遂今茲蕩佚豈自瑕崇思乘沆  
瀣永願攀日車

暮雪縹緲樓招集諸親舊暨諸弟作

風雪厲今夕高樓亦淒其玄冥沍四表仰首極



吳維萬象一歲晏百年矧斯須今此不爲樂感  
喟益不支置酒臨平川折柬召所私川流鑒澄  
澈照見鬚與眉班白易哀傷少壯猶及時中厨  
出漿酒味薄觴可持藿肉登在俎斫鱸不作絲  
繁華易銷歇聊儉得因辭座中期功親存沒竟  
不期親朋半零落逝者非旣衰生存復趨從娛  
樂詎等夷擊鼓吹笙簧鏗鐘間塤箎音響一以  
合宮商忽游移寒聲起獨樹凍雀下故枝荏冉  
在一世盛筵猶苦悲且極歡懌情中道母頽摧

卓山詩集

卷十

三

三十藥書樓

女夫朱詔爵騎尉見省因貽

汝到吾真慰情親別愈難關心兒女戀會面歲  
時殫雖稚分甘喜田農命酒寬逢迎好身手佳  
壻譽鳴鸞

汝父同年友因之戚黨私蹉跎丞相系少小羽  
林兒保任恩彌重忠貞世不衰騏驎渥窪產騰  
蹕問前期

哭五從弟中翰 駟厝所

急難何人恤平生此弟昆艱難終死別歸到忽

空原天地容愁眼山川漬淚痕撫膺惟一慟長  
恨畢哀魂

班白多身在簪纓急代衰汝如騰振耀吾稍薄  
支持滿眼憂婦穉臨危哭母慈一時王謝燕飛  
舞落低垂

毋恐先朝露憐渠哭几筵吾憂增馬齒汝死屬  
羊年酒病隨時發詩豪轉自憐徘徊松柏地淚  
盡更淒然

與族人會飲因而賦詩

卓山詩集

卷十

四

三十藥書樓

曰予曾未衰上馬必加策疾走懸崖巔仰首捷  
飛鏑射雁出雲中高天落翔翮爲官忝文吏印  
綬輝的礫雖然攬簿牘頗不任文墨歸來會宗  
黨詢問無赧色宗黨各喜歡置酒命几席開尊  
大娛悅此足譁鄉國宗老爲予言信子實殊特  
吾宗古簪纓先世有成式千騎何輝煌子已濫  
千石不知振衰頽已復懋官職美酒斟醍醐割  
牲汝具食羔羊有餘肥膾肉未中炙

冬日行經田家

鳥雀晨未稀刈禾更冬穡驅雞散疇野鳴啄自  
儔匹田家值歲晏婦子寧百室好樂且復歌歌  
詩例無逸腰鎌挂高壁犢子偃重窟菽粟祇自  
供布縷必手出老人飯精粢童穉衣蔽膝負暄  
短榮下東嶺已出日微溫入懷抱俯仰願各畢  
親戚從外來斗酒互昵暱路逢軒蓋人走避笑  
且咥余已揮巾車終憂訥蓑鉞

周二丈相尋

下馬趨里門樞衣問親故耆舊歸山阿鬚眉復

車山詩集

卷十

五

三十稟書樓

童孺但逢新相知老大欲生怖新知豈不樂往  
往涉疑懼故人今碩果百里惠予顧重繭獨不  
辭將鬚喜無度喚婦饌肴羞呼兒侍巾屨豈無  
方回奴未足展衷素一觴同所持忼懽互傾吐  
情至語獨悲離深淚猶注艱危舊十載相遇莫  
更訴寒雲野潑蕩白日不西駐習習流谷風吹  
我屋傍樹冰雪生中懷乾坤亦嚴沍荏苒志士  
心華顏豈遲暮死者非百年驚心此重聚

翫月同弟

天畔團圓月無人落檻前此時初共照昨夜不  
同圓

縹緲樓獨坐

高樓不可倚獨坐且悽神萬里江山眼三冬雨  
雪辰擁書聊益睡貰酒莫辭貧落日孤城上猶  
聞戍角頻

縹緲樓

飛甍插天半挂在古城頭風雪竟何地山川有  
此樓盤盤將落鵲汨汨未浮鷗隨分娛空濶憑  
欄指十洲

車山詩集

卷十

六

三十稟書樓

與周二丈別

塞衛悲行色加鞭亦若何萍蓬惟別苦身世只  
愁多古路明殘雪官橋嚙逝波相持看髣髴生  
事竟蹉跎

樓上二首

且憑綺檻溯層空閭闔猶來萬里風劍氣每聞  
衝斗極笛聲長是落雲中  
地湧華林惟拱北天廻川水必流東高樓

頻年望雲海蒼茫在眼中

樓上卽事偶成

雉堞南頭一角低衆山紛亞畫欄齊一雙漁艇  
橫流去深樹無人喚竹雞

寒夜酌酒書示所知

時臥病初起

重宵青鶴下無聲霜雪偏能警五更人事多  
悲豈盡古今情在夢頻生支離風景隨時變  
慷慨眉暗獨驚多病長卿憂較切鸛鶴典去任  
飛觥

卓山詩集 卷十 七 三十稟書樓

渚岸尋梅

昔年錦幙春正寒綠萼紅葩却懶看耐可徑趨  
林壑迥愁渠獨傲水雲寬也憐疎影傳虛照更  
覓孤舟走碧湍湍瀨自喧心自悄美人終古佇  
河干

雪中登樓有酬七弟

駿見貽之作

風雪登樓眼何人最起予江山開秀句俯仰足  
遽廬歲月今如此墳簞跡未疎南來有皓鶴翔  
步莫虛徐

觀漲二首

水勢如湧出騰騰亂遠郊每疎江海興復耐雨  
風交側島窺蛟室平林下鳥巢忽驚高岸坼恐  
懼平衡茆

稍覺平三尺踰時沒半篙龍鼉移宅駛鳧雁貼  
天號流蕩須何極舟航失自操頗聞農稼集幸  
不礙蓬蒿

雨不止

已傾三峽盡復障九嶷連隨地憂茆屋逢人訊  
卓山詩集 卷十 八 三十稟書樓  
爨烟警風兼夜迥蒸菌上堦圓天漏無從補媧  
皇思渺然

馮七弟停騎枉顧敝廬命酒有作

相見雖已屢相親轉神瘁關山澁雲雨道路疲  
征騎濺污滿襟裳感子蒼茫至命僕陳壺漿慰  
勞問淹滯走干諸侯門舉動多直氣道義無逶  
迤人情局同異阮生窮途哭千古一涕泗春風  
吹酒綠浮蟻湛清泌一酌散百憂再酌遺千累  
憂累信可捐爲子薄楊觴烹鮮旨肥羊切肉必

大哉念子辛苦行爲懽偶然遂慙懃事斟酌庶  
以篤高誼天馬日夜鳴悲酸待駕駟一念知已  
難安得闕沉醉離別舛多途百年矧如寄顛毛  
共顧眄一覲一顛頷娛樂頗在茲艱難忍終替  
富春江舟中夜過曹七給事作歌

卓山詩集

卷十

九 三十稟書樓

輦歸布帆絲竿如鳶飛舳舻觸忽啣接肩袂  
握捉還因依相持脫略共狂叫拂拭且復觀鬚  
眉斑毛紺髮互揉雜滿眼風烟溯離合富江寒  
淥潏欲動釣瀨潛蛟吼相答十年見面身各強  
男兒心眼須開張羊裘客子老崖岸釣竿一拂  
輕侯王酣歌達曙且稱意明日烟江終渺茫  
嚴先生祠堂

風節開東漢星文感上台斯人高視盡世事緬  
懷哀素瀨環流合羣峰束峽迴祠堂亦蕪沒道

路擁徘徊

小泊富陽縣

迎潮成小泊繫纜一紆餘雉堞懸清漢樓臺浸  
碧虛山川隨境媚草木自然舒暢好烟波色經  
行似故墟

連日殊苦毒熱晚得小雨納涼有作

毒熱焦肌灑乘陵更道塗不因今夜雨空憶冷  
秋菰消息齊羣命乾坤寄大鑪飛蟲亦稠密於  
汝見霑濡

卓山詩集

卷十

十 三十稟書樓

放溜

了不關情思扁舟興不違退潮隨岸落停棹受  
風微菡萏迎人眼蜻蜓上客衣中流大自在何  
事有塵機

上開化寺塔頂

上界超羣有高空萃百靈江湖懸倒影風雨接  
青冥涉跡成登覽浮生悟梗萍法輪隨地湧束  
縛媿微形

至杭城不得晤何三十二

晦作此慰問

著處清江訊錦鱗武林江口又懷人舊來沈約  
經年瘦聞道袁安別後貧垂老未忘憂著作端  
居長念偃經綸吳山越水將愁絕一夜相思繞  
碧湣

陸四 蔚 招集西湖汎舟

岱華江海遊敖徧眼倦湖山近十年蠟屐未應  
籌幾兩畫船何地托吾緣錦堤烟月移尊掌繡  
檻風花著管絃合遣天隨資逸興六橋一半屬  
坡仙

卓山詩集卷十 十一 三十稟書樓

西湖重泛

興極猶無賴迴環幾鷁舟烟花天共永水月夜  
常秋涉跡宜高士歌騷問古愁向來流覽屬艷  
煞浙西頭

最憶留連處孤山一徑開寄情相澹絕此地得  
閒來落日逢歸鶴高風對古梅西施誇越產空  
復致低徊

是日獨遊孤山

靈隱寺

湖頭接初地一逕轉幽清合有唐名宿由來佛

化城樓臺通日氣鐘鼓報潮聲不住虛空意相  
期世外情

登吳山至瑞石洞恭誦

御製敬成

蘊靈有所歸神秀隱翕張嵯峨負城闕流峙理  
不常固疑萬仞顛勢已縈天閭空中五色雲垂  
被萬物昌偃僂循

輦道攀援遂崇岡飛樓爛紺彩繡檻迴神光託  
身霄漢地鵠鶴低其翔左睠因右顧江湖點孤  
卓山詩集卷十 十一 三十稟書樓

蒼地脈走綿亘高低忽飛揚咄哉瑞石巖萬態  
森瑋琅參錯入奇詭神功諦微茫榛蕪丁仙後  
汨沒江海旁

萬乘正南狩搜披出康莊豈知

問俗心四海求耕桑獻靈及山水亦合親

旒裳守臣供給備罔識

宸慮長儉德風宇內至仁本陶唐一夫靡不獲

愷惻猶

天章伏讀御製云偶因振覽一凭欄率費中  
八十家產大哉王言至仁如天聞者感

泣豈獨浙小臣隔江表嘔泄病臥床永懷望

黔首爾耶

藻翰側眷戀山海疆愚誠願有獻億兆熙時康

銀甕及器車珍奇貢殊方

飛來石

茲巖信奇詭森動擁突兀連山走百態眩視不敢越西峰特要眇洞穴慘毛髮嵌空隙天光崩落石嵒萃中休鸞鳳翥倒蛻龍虎骨騰擲崑柱

卓山詩集

卷十

三

三十藥書樓

移披垂井蓮揭我來遡天風飄蕩恐倏忽安敦在化理窮變豈艱

宸翰拱標題山靈寵綸綍物榮有遇合忠盡獨

泊閩門

不作吹簫客終淹古市門連雲依玉帳聽雨託金尊舊地泉生廡無人角里村哀絲將急管况遣夜深繁

揚州送陸四之金陵

遂解蕪城纜還登白下程前途仗知己此別憶勞生暮火鳴津鼓晨風動戍旌隋堤無數柳不管繫離情

遇鄭三宣

掛眼荒烟郭逢人野岸陰何因十年夢相見九秋心會面難如此關情直到今世途交態盡邂逅抵黃金

刊上逢高司馬

植

招醺成

卓山詩集

卷十

三

三十藥書樓

疾風吹船觸危石豪客江村未相識畏途恐懼兼艱難何人獨憫滄波色故人剖節當要塗廻航乘馬欣扶持錦雲油幕擁爛漫揖我上座顏色殊琉璃卮浮琥珀酒引手自酌偏提壺鮮紅荔子出南海江東紫鱸兼芳腴憲章百品脂我腹入口便覺神懽娛少年豪氣每欲盡轉眼蒿萊劇憂憫使君魚佩分熊軫紆鬱蒼生寄平準漢之京兆今海沂萬里雄飛視雕隼丈夫意氣相與高嗜好飲食非吾曹且爲需樂極終宴世

事浮雲空鬱陶

題法海寺

往來疑有六朝僧  
寶絡花鬘廢自興  
落下曇雲深布護  
飛將靈鷲小峻嶒  
莊嚴不改菩提相  
檀施終輪象教能  
鸚鵡車中翻宛轉  
禪機畏落第三乘

陸四見寓遊虎阜詩篇走筆答之

迢迢經寶阜  
偃仰未成詩  
汝憶生公石  
翻題幼婦詞  
鍾情非一致  
溯古得遐思  
吳苑三千劍  
騰卓山詩集

卷十

五 三十稟書樓

光更陸離

陸四蔚既行未果復俱如京師

挾瑟侯門賤登達

輦轂尊從歌燕市  
酒莫掃舍人闌岐  
路悲相失同舟道  
覺敦江湖羣燕雀  
鸞鳳不栖簪

觀汎擬呈河上相識諸公二首

汎汎盤渦黑  
凝陰積氣平  
河淮爭地險  
風雨怯傾

聖主唐堯詢諸公  
賈讓情匡時正原  
委莫作後

功名

萬禩許

宸算三時切  
遠謨成功非  
欲速盡地有  
全圖客子煩  
飢渴滄波指  
道途牽情無  
任著拭目望  
菰蒲

守風竟日夕引觴獨盡有哀笛自隔舟來

音響如訴情感乎聲詩成涉筆

玉琰金觚懶復傾  
渚蒲洲蓼坐縱橫  
飛聲忽到悲秋絕  
吹笛何人倚恨成  
幽壑竟聞蛟夕泣  
長卓山詩集

卷十

六 三十稟書樓

風兼集鳥叢驚  
五音未合繁商羽  
一夜征人鬢雪生

北風

稍動青蘋末  
遲迴迅大颶  
天心寧有怒地  
籟鬱相驕勢  
拔章臺柳聲  
驅越海潮灌壇  
兼雨至闔闔捲  
雲飄一氣消涇  
渭三更簸斗杓  
相烏旋莫定翔  
驥逆難招草木  
萎朱夏鷗鴈嗥  
紫霄齊蟬須抱  
葉莊蝶欲辭過  
水防崩岸臨疇  
懼偃苗川原迷  
慘黷城市亂埃  
器行旅甘留滯  
舟航困

擺搖古來期五日此度震連朝信有雌雄異終  
看律呂調洪鈞宣橐籥元化叶簫韶遠意凌鴻  
鵠經行傍葦蕭轉蓬無繫著吾共汝超遙

過寶應縣

風急懸危帆湍高束巨川波濤爭百道廬舍立  
孤阡土物嘉吳產城墉蔽楚偏射陂烟火地過  
容易留連

泊淮城

海氣入蒼茫睥睨正夕陽留連淮水曲屬望楚  
阜山詩集 卷十 三十稟書樓  
天長野廟黃蘆岸人家白葦墻漢廷紛詔使枚  
里自輝光

贈程九諸生

不見偉人久江湖君白頭相持平子賦爲上謝  
公樓高視收溟濤羣情望斗牛婆娑盱老眼流  
覽杜蘅洲

秋日逢程四

程五 洵 昆季集宴書堂  
秋落淮陰市天迴萬里風關心時獨晚覲面酒  
須同念我萍蓬合懽君酪乳融意深寬禮數跡

絕感淵冲接宴憑瑤席徵歌傍綺櫳鳥馴新檻  
語荔擁故垣叢圖史都無恙文辭信有終世途  
紛艱脆人事費惺懔閱歷哀猿鶴塵埃問蠅蠓  
故游身各健吾輩道非窮此會悲愉集相親氣  
槩通田荆垂蔭好支藉托傳空

戲題劉伶古臺

螺贏觀人世蜉蝣一死生荒臺今泯沒酒客自  
聲名

舟夜

阜山詩集 卷十 三十稟書樓  
荻葦洲頭浦埭深南來鴛雁起蕭森星河不動  
天垂地風露交寒夜向陰京洛夢多隨伏枕蒿  
萊歲晚切關心湖洪水急舟重滯處處人家問  
碧濤

彭城懷古

黃河北走注彭城西楚千年恨已平風雨尚疑  
來夜帳洶濤不斷是軍聲漢高在昔雖天授項  
藉平生事力征終古興亡經舊地夕陽寒寥亂  
縱橫



韓莊阻汛

舳艫爭北溯風息偃飛舲極望惟孤鳥沿洄指  
聚萍人家浮絕嶼斷岸抹微青莫怪傷懷切哀  
鴻徹夜聽

次濟寧三首

盤鴉下女牆細雨駐城隍舊地環鄒魯淹留問  
岱滄居人營末利猥俗逞身強落日明原火歸  
途獵騎忙

舟車紛冗沓川陸俯衝衢燕俠調腰鏑齊姬傍  
卓山詩集 卷十 九 三十稟書樓

酒壚棗梨張市估挽運寄供輪

聖主勞心地經行訊黍稌

南池人不不到古樹易爲聲借問風雲色猶憑魯  
任城酣歌渾漫興文采薄虛名白甫栖皇地謳  
吟委浪成

登南池水亭

微雲秋郭澹疎柳水亭閒野象憑清潦虛空下  
白鷗喧卑聊避俗溯古得開顏道路周南客康  
衢縱往還

濟寧登太白酒樓

余昔幽吟經采石振衣未上江山樓今來濟上  
尋李白夢遊忽到東瀛洲芙蓉欄杆碧落底引  
觴注入天潢流左肩巢父右狂客蠅蝶一世空  
王侯丈夫落魄有如此百年未信輕浮休齊謳  
啁啾魯酒薄至今寂寞荒臺留相也操舟溯天  
漢漉酒合傍青蓮儔涕津白日寒浪駛越觀天  
風吹客裘登高臨深隄在此徙倚檻檻紛百憂  
君不見李公不踏匡山頭照耀清節橫九州人  
卓山詩集 卷十 十 三十稟書樓

生蒙垢亦有命世事茫茫空自謀

任城古樓屬酒醉歌

高樓悲風薄沈湮命酒終須屬孤爽西窮鉅野  
東瑯琊嶧鳬挂眼平窺掌茅柴釀薄鯨飲川臙  
曉襍羅餚鮪鱸山東棗梨盛鮮美盤餐餽餉亦  
可憐麒麟不出麻姑脯淪鳳鯖龍落酸腐飲酒  
不入壺中天不如澆酌劉伶土青萊濟充百萬  
家豈無歌鍾列鼎門高牙曉攀扶桑始出日夕  
睽虞汜紛流霞至今惟有李白痛飲迴杯汗君

不見汶水南趨泗流急天上酒星無愠悵吾曹  
但飲美酒莫更哀夜郎萬古抑塞磊落英豪才  
且倚楯檻傾餘杯

拜工部杜公祠堂三首

未死憂聞道於時絕我師平生太白骨今日少  
陵祠薦藻卑喧邑傷心屈宋辭王風淪正雅尚  
想繼吾衰

尼父無刪定東周遂民亡歌騷憑一哭讀史憤

三唐投老淹江漢哀時賦草堂日斜先主廟露

卓山詩集 卷十 主 三十集書樓

灑淚千行

祖述千何事江河只有情到今無論世終古甌

時名圖畫瞻香象風濤掣海鯨猶存嵇紹血抗

疏屬匡衡

積水

積水無時盡微風昨夜波細流猶泛溢遠勢到

星河井屋騰烟小蛟螭聚穴多不緣優

聖澤懸室待如何

舟中月夕

客舫親孤影淹延改朔望江湖深夜白廬舍切  
天光城漏舒銅箭村砧警玉鐃還聞邊戍卒鼓  
角傍清霜

聊城

路人齊西鄙風迴碣石哀城依微子國地識魯  
連臺山海無懷古塵埃有軼才舟航自來往高  
詠亦雄哉

魏灣獨尋

一棹沿齊魯徂徠若可懷無妨欹白帽隨念適

卓山詩集 卷十 主 三十集書樓

青鞵蟹舍微茫見蝸廬斷續排荒寒人外境問

道最無乖

杭編脩 世駿 居題所居桂堂久未報命舟

行豫河涉筆成篇

漳衛驅船走不息纖阿自南人自北攀援桂枝

不可得何時拾香粟香國憶君草堂江上宅江

東桂株大如石君安百本較出羣一一聞自丹

膏分盤根入地蛇神走偃蓋薄雲鸞鳥親相逢

引飲巖際霞憶別動感枝頭塵南州桂陽採盈

掬鷺岫頻聞漏金粟托根恐懼淪凡木忍死冰  
霜老崖谷君不見津頭荆棘枝怪鳥夜集天風  
吹當津客子掩耳睡安得挈攬薰蕕披爲君賦  
詩君得知君居高堂不可疑

抵天津二首

回首朝朝倦短篷滹沱南詩訊朝東關門鼓吹  
傳清永輦道風雲拱會通海色倒窺明蜃闕潮  
聲靜湧接龍宮君平錯話支機石未擬銀河涉  
太空

卓山詩集卷十

三十稟書樓

沽酒滄洲昨夜開中條山色傍船來長風作意  
吹帆槳碧渚經年擁溯洄四海自同尊禹服一  
舟常繫古商才千檣萬戶昇平象敢廢經行問  
草萊

生日天津舟次陸四惠詩見貽率筆戲酬

流霞酌酒海西頭賜錦斑斕擁一舟中歲自悲  
間道淺老豪不怕乘風遊五雲天近蓬萊闕八  
月秋荒杜若洲橫笛故人飛鶴遠寂寥蹤跡問  
黃州

陸詩有  
好其翳蘇傳玉笛鶴  
南飛處五雲留之語故云云

都城

雲際仙人湛露盤高承沆瀣滴琅玕中天日彩  
明金鑑大道花光衰錦鞍珂珮昔遊輕浪跡衣  
冠終古盛長安十年江海形塋夢掖樹宮烟取  
次看

周二侍講集諸同年因贈侍講醉歌

烏兔踰蹌不廻顧京洛逢人迭新故黃公鑑頭  
秋向暮飄零酒杯亦無數周君逸興不肯孤招  
邀輩行開樽壺座中斑白各淆列但飲美酒軒

卓山詩集卷十

三十稟書樓

詩

三十稟書樓

頭顱銀蟾照室炯夜白綺鴛張幄圍春蘓霜螯  
六脆大如手槽頭珍珠壓新酒鯨吞蜺吸各極  
致員嶠方壺共延首吾君去年使海隅駕航如  
山天漢趨駭鰲鬚風折危柁狂鯢鯨紛騰踈  
祇豫周閑屬誠懷涉險不用神持扶

皇風宣暢萬里敷周君周君偉吾徒卽今飲酒  
動百觚百年聚集真歡娛爲君飲盡君再沽缸  
花夜落紅珊瑚就中有客歌且呼高陽酒徒不  
可誣

送曾使君

尚增

之任郴州

使君與余皆由詞垣先後會刺

廣德

走馬京洛塵避人恥先進平生少年儔相識亦  
已僅晚尋金閨舊重得之君俊高興激飛揚殊  
標樹清峻拂天玕琪株橫絕地維鎮不植崑崙  
顛攀援自千仞柔枝附聳榦顏色謝朝薜終作  
汨泥沙寧甘委流運栖遲世中事舉動防悔吝  
立身富事業結抱獨忠藎翩然展行蓋念子寵  
符印浩蕩衡湖間山川擁名郡諒哉施設手老

車山詩集

卷十

五

三十藥書樓

題興聖寺寓居三首

晚歲心情懶未休泥人黃土怕相求古堂藉證  
僧迦業香界都無世境愁晨引研花滋鉢水夜  
隨寶月倚鐘樓毒龍狂象知無賴白鴿青猿各  
自由

寺外紅塵日日飛闌門車騎滿鄰扉旋看高鳥

渾難定到眼浮雲不自稀供佛獨饒詩爛漫還  
山強半夢依稀年來擬話三生石杜牧江東正  
未歸

塔鈴昨夜語相聞喧寂踰時杳不分闔戶無人  
還獨往逢僧幾地若爲羣委懷事業觀朝槿著  
處行藏訊暮雲蕭寺乞身會未得佛幢龕火費  
殷勤

移居寺後西堂卽事二首

左宦安需次虛堂習鬪閑移居通寂照選樹寄

卓山詩集

卷十

五

三十藥書樓

孤攀擁篲添香篆緒經引法環本來清淨性凝  
鎖費重關

鸚林深轉迥寶樹鬱相參自顧恬幽曲因心展  
細探一時親鳥夢竟日習優曇信意成遷徙逃  
禪復小酣

缺月

缺月亦能生深虛看到明氣沉千戶肅寒抱半  
樓清莫伐吳郎斧須憐素女情姮娥心耐老三  
五竹盈盈

錢大給事琦筵被酒戲爲長句

髣髴毛髮垂五十終日嗶同小兒謔騰入南山  
燈青兕步歸醉倒雕文幕今年罷官走京塵市  
門躍馬屠門嚼西風吹斷陌頭枝叢菊有花秋  
不落鸞臺故人心所諧停鞭且就金龜酌莫記  
蓬萊頂上行惟嫌琥珀杯中薄放達無虞解豸  
冠窮愁不到鸕鷀杓春蠶抵死絲猶縛秋隼繫  
絛心那却銅龍沈沈催曉析啟明一星生屋角  
席闌嘔吐襟衫惡酒痕記取休輕滌

卓山詩集

卷十

三

三十稟書樓

卓山詩集卷十

終

卓山詩集卷十一

奉新帥家相伯子甫著

飲龔三學士學海因爲醉歌行

頭沒深杯眼花落惟有酒懷差不惡春明門中  
跨蹇驅走覓山劉半凋索益令飲興不能罷東  
舍西家就深酌更逢佳士崇古懽割酒頓遣廻  
羈鞍便登上座恣狂吸老饗鼓吻豪盤餐豈關  
沈湎厲觴政亦憐聚集多艱難漁陽朔風喧動  
地十月寒威蛟縮蛭凍徹高樓聲策聲慘摧折

卓山詩集

卷十一

一

三十稟書樓

都門漫興五首

樓殿逼朱霞城春百萬家

皇居瞻氣象客思屬清華列第排龍整環營翼

鳳斜軟塵香自擁終日戀行車

莫擬歌燕市誰甘藉酒鑪山河雄禹甸冠冕壯

神都炯唳青田鶴高驤渥水駒卅年詞賦客感

激頌康衢

玉漏遲芳苑銀泥麗

紫宸太平先景色禁近切陶甄細雨滋槐市暄  
風拂柳津寄言鸞鷺伴莫忝鳳池春

見說南翔雁他時托上林長鳴殊繾綣弱羽自  
淹滯戀

闕終生事懷丹祗寸心百年慚渥寵鑷白苦侵  
尋

竟日營薪桂逢人乞酒錢効忠猶狗祿媚寵固  
卓山詩集 卷十一 三十稜書樓

欺天昭代崇迂直平生恥慧嫗馮公悲白首未  
覺古人賢

對雪貽周大玉章學士

積雪聚天葩流空一素斜九門虛洞達三市逼  
清華集瑞依彤陛縈輝淨綺紗侍臣端有賦簪  
筆詠無涯

雪中崔大評事置酒相招

長安昨夜雪朱戶未應開天遣袁公臥誰呼阮  
子杯相從姑射客欲上妙高臺不見梅花發空

香亦自來

疲驢行

疲驢尚勒黃金嚼市頭市尾供行脚柳枝拘作  
青絲鞭十步強驅九退却彤雲昨夜三尺雪積  
潭填淤沒深轍周防亦恐遭蹉跌牽拽翻然成  
挫蹶路旁觀者笑掩口自顧深知非汗血長安  
少年不肯騎騎馬亦侈千金騅錦韉玉勒行蹀  
躑奚奴左控還徐馳粉紅作顏花映肉不知黃  
髮生何時疲驢縮足轉趨避信往實恐逢呵咍  
卓山詩集 卷十一 三十稜書樓

雪後逢程大侍御廷棟枉顧兼誦新製

正憐經日雪不報一車騎獨有徘徊雁相親十  
二時故人身豸繡旅客賦鶴枝且及芳梅發爲  
哦灞上詩

看雪吟

門外枯柯堅古鐵，欹風墮雪垂。垂折飄枝打人苦，寒開門倚柯。袖手看層雲，冥冥日向晚。飛鳥漠漠愁無端，幽州客子擁岑寂。氣酣落眼鴻濛間，風之宮隔翠海。銀闕影動千琅玕，倒窺大地入孤炯。上接元氣開蒙濫，沁脾濯肝有如此。人生懷抱終得寬，藐姑仙人鬪顏色。自倚容華誇沃澤，青髻丰茸照忽白。坐令芳顏增嘿息，丈夫肆意豈有盡。世事回頭不須極，天外鬼車寒不語。樹頭冰介晶相射，皓鶴無瑕得淵映。蛟卓山詩集 卷十一 四 三十稟書樓  
龍靜蟄資恬，適夜窻積素。深復深，眼中洞徹移疎襟。

掩關行

人生百年胡不開，昨日今日深掩關。幽禽啄雪語細碎，長藤曳風聲襍繁。前夜梅花經曉發，隔垣松鬣隨人攀。垂簷鐸鈴聞復闌，破院幡幢飜且飜。奚童三尺擁鑪睡，長鬚一奴調鶴還。門生問字日，任至野客挈壺時。輒歡破車無巾整，不駕短褐經補終。成完抽書挂眼已，復臥撫琴觸

手徒空捫隙形黜，慮入無夢心齋踵。息齊忘天蝸牛自鬪觸，蠻國鵲巢永駐優曇鬘。經年掩關總似此，延齡不乃齊南山。南山有石白爛爛，終日輪轂摧盤盤。終日輪轂摧盤盤，咄哉南山終不閒。

送吳二瑄之令商水

漢代郎官寵周南，道路平古人親父母。夫子慎科名，曉日辭丹陛。春風度洛城，王程千萬里。不擬繫離情。

偶成

寡諧生澹慮，感寂落形交。對雨滋枯蘚，驚風下廢巢。乞鄰分井汲，覓友借書鈔。詩入閑中味，無心賦解嘲。

賓至

不是煩車騎，深局坐結鴉。空音殊自喜，薄俗每防人。命杖趨賓胙，呼童理舊巾。蔣生虛禮數，門巷本荆榛。

冬緒羈懷詩成獨酌

最有蒙莊達何如麴蘖清不知曾復醉綿屬轉  
須傾城闕深孤析風霜厲五更詩成失愁思冉  
冉夢蓬瀛

蒙龔三學士致酒相貺走筆奉酬

黃扉學士走倅函凍蟻行車滿玉饌亦念淳髡  
非殢酒竟憐狂白許分甘寵邀壁月留深勸笑  
索宮梅藉小酣風雪廬中僵臥久一時清夢熟  
江南

觀天主堂西人畫壁篇

卓山詩集

卷士

六

三十桑書樓

泰西畫工傳未久宗派誰何古無有只營分寸  
在毫芒但入睥睨通戶牖丹青不資鉛粉麗機  
軸全關幹旋手神光攝現有無間摸索疑回十  
凡九昔來此堂垂十年昔時眼俊猶茫然卽今  
眊眊復來此眼明眼暗同瞻延左爲崇軒右窟  
室兩開洞達中綿連畫家落想轉不到走役公  
般成窳奧旁穿曲屬百千楹側注迴凝盡馳造  
反捫却辨構虛空綺疏繡柱低徊中綠沉屏風  
金縷鼎一時沓現玻璃宮其間列壁盡塗績別

狀羣番姿狡獪旌帶飛纏葆幢長馬蹄怒踏帷  
廡外追形極貌百怪逃虬鬚豎捲筆益豪氈毛  
一獸復無匹庶効共球事旅獒吾聞西洋抵南  
極耶蘇立教人羶臊算家偶爾濫推測畫手那  
更攀風騷亦知微技隸游戲固傷淫巧收甄陶  
聖朝琛賁合萬國大宛名馬兼葡萄狡狴白麟  
滿中土金華石渠天漢高西利瑪竇何足道君  
不見王會新圖繪六轡

冬陰

卓山詩集

卷士

七

三十桑書樓

冬序騰騰短霽雲默默低亂鴉盤地合疎樹矗  
天齊倦枕多迷曉煨爐漫煮斯羣生窺動息寒  
重急雞栖

至日漫成

聞道添宮線爲懽動繡闌百年憂日短一夜警  
寒稀綺幕棉從薄氈爐火任微慶長騰萬國急  
理舊朝衣

過白衣庵

轉曲開精舍因閑寄獨尋無生長見佛有覺不



關心梵唄時還寂空香自見侵團蒲資頂禮且  
念息祇林

古鏡

古鏡不須磨深宜繡青多花紋曾透日菱影亦  
凌波魑魅經時隱云回觸手摩美人綿意緒慘  
澹托脩蛾

試馬詞

平明較獵望秦祠偏坐銀鞍縱控宜未老驊駟  
終蹀躞欲鳴騏驥盡驅馳

卓山詩集

卷十一

八

三十桑書樓

病

懶漫甘心守佛幢無因酒病却詩腔窮愁入髓  
都相擾藥裹關身可自降夢裏金仙猶傍

關眼中哀鵬隱臨窻百年幾許堪羸疾惱悶兼  
停白玉缸

僧寮徐步戲呈程大侍御崔大評事

常苦冰階滑拄筇寺頭寺尾趣西東千尋挺柏  
長欹雪一丈懸蘿自曳風到眼關情憐鶴瘦幾  
人枯坐對僧空詩成證入三摩地折柬因裁舊

竹筒

樓上作

樓上風烟俯峻墉西山湧入翠芙蓉九天倒落  
飛霞麗萬戶低臨結綺重身許効忠心獨急跡  
緣羈病意常慵憑欄且極攀援興目絕丹邱傲  
短筇

甕酒垂盡戲成口號

滿貯長安石凍春但憂酩酊未憂貧朝來斟酌  
成婪尾報道逡巡莫入唇三百青銅思賤值十

卓山詩集

卷十一

九

三十桑書樓

千釀價乞何人要知萬事歸終盡垂老淵明止  
酒頻

朝謁

乾清宮恭賦

舊奉長楊忝玉螭侍臣新引肅光儀薇雲不動  
天常近運漏初聞日未移豈有涓埃會報

主獨饒雨露更蒙私香烟滿袖能攜得朝罷重  
梳兩鬢絲

命下改官蔚州出都北門宿沙屯作

朝謁承明廬。夕濫專城寄。恩私感濃被。寵辱寧  
攸計。宣府視北門。分司委羣吏。方州枕燕代。沿  
革屢變置。得無拊循術。敢混盤錯器。豈獨榮  
主知。終思職王事。拜

命頃脂車。率帷問初志。薄誠毛髮具。臨事憂多  
躓。眷戀亦微忠。遲迴或旁勤。迤邐別城闕。黽勉  
附驥驥。皇邑甫西踰。關墉旋北際。孤屯莽牢落。  
野戍深樵嶺。輦輦角接邊。聲風雲生漠。氣顧矚李  
陵。臺低徊驃騎燧。長安萬里月。慘澹連并冀。孟  
卓山詩集 卷上 十 三十稟書樓

魏古雲中茲焉望旌識

度居庸關

居庸信奇險。鬱望心眼開。及今爲茲遊。壯志不  
敢頽。攢峯走疊巘。綠堞懸高隈。夾壁靜白日。重  
高削崔嵬。崩騰石根竦。慘裂坤軸摧。嚴冬鳥獸  
絕。風至聞驚雷。陰沙集馬首。攬物復已哀。長城  
被萬里。控制亦雄哉。古來蟻螭道。戰血腥蒿萊。  
攻守勢必極。理亂數豈該。函夏今一統。駕馭窮  
九垓。交通儼康衢。日暮清黃埃。畫角散邊響。華

雲抱旗臺。道逢高駝兒。驅策但自來。崇感  
聖化被。六合歸羣材。胡爲古時士。動激防邊才。  
八達嶺

天險有扼塞。北制凌大荒。八達其重肩。踈矚秋  
茫茫。旌竿表雲直。斥埃巉霄長。虎牙下礮礮。熊  
耳高森張。陰陽異氣色。直上排天闥。右揮黃金  
鞭。左控紫游韁。驚馬忽摧踣。惻焉心內傷。物情  
懼蹭蹬。愁絕九折岡。飛龍駕雲衢。亦起踰太行。  
古來揮霍材。豈數病乘黃。顧余肥遯姿。驅策念  
卓山詩集 卷上 十 三十稟書樓

所將。綿力不預計。殷憂蹟康莊。驅驅出岔道。高  
曠引迴翔。頓平夷險心。忽駐星斗旁。乃知擁護  
力

夕至榆林

蹀躞驂駟駒。赤瑁揚白羽。黃金鏤馬鞍。結束異  
儒素。言隨幽并客。蹴踏燕雲路。西指單于臺。平  
沙慘回互。圖功報

天子辛苦自爲赴。毳帳橫道周清笳。徹幽訴荒

墟戀行客獨堡愁歸戍牛羊白日晚繾綣對遲  
暮滅沒企榆林孤光隱寒樹飛馳逐奔鳥偃息  
求栖鶯淒涼萬里思爾許生瞻顧月出庸關東  
終焉結深慕

宿土木堡

夙期馳塞外。生小玩鉞戟。氣擲封侯筆。心銘勒  
功石。中年蹇文吏。泛漾江海碧。銷磨志意盡。高  
興不能激。左秩重美官。安驅况心適。指揮蚩尤  
野。躑躅清夷驛。夜闌經土木。殘月照沙磧。地高  
卓山詩集 卷上 三 三十稟書樓

雞鳴驛至上下花園

驅驅轅轍遠。炯炯霜雪逼。憑憑氣色改。莽莽雞  
鳴驛。亭堠兀趑人。飛沙隕如石。迤西度花園。地  
陋蕭宮跡。強遼躡中土。終古淪榛棘。稍饒佳山  
水。秀色餐遠客。疎林帶縈薄。落日媚野碧。流氛

散無象。曉霧輕更白。迴環耳目異。域外感遐適。  
熙朝制六合。九塞休士卒。窮荒蕩融靄。春色遠  
不隔。狼豹永潛踪。何憂蹇行役。

宣府三首

上谷誇雄鎮。幽州領北門。祇今馮翊郡。共職版  
圖尊。瀚海無傳警。天驕各內藩。何年漢都護。終  
日盛軍屯。

夙昔論兵地。時清恥戰塵。野耕犁朽骨。夜火照  
荒燐。風雨花宮暮。雲霞雀宴辰。上都今泯滅。遡

卓山詩集

卷上

三 三十稟書樓

古一驚神

地僻違春事。民勞訊土風。漢廷嫺武略。唐俗嗇  
年豐。井陌因時異。衣冠一道同。長城三萬里。未  
覺古人功。

花豹梁

漸人飛狐道。經行花豹梁。馬蹄愁細石。人面拂  
濃霜。江海拋前夢。并幽逐大荒。莫添兒女恨。牽  
率淚成行。

入蔚州

自茲佳山水引領不可畢馬蹄散輕冰縈轡忽  
已疾環青薄長漢散赭媚白日雖復激悲風黃  
雲澹超忽田疇互廣袤廬舍紛疎密麗童熟拜  
跪風土安淳質畿輔豈巖疆符魚固華秩當思  
訪耆舊素志崇庠塾祈夷湛若鏡清鑒毛髮慄  
懷恩誓欲報躑躅緬何術

與諸文士登郡中譙樓

隨分山川各有情漠雲燕日擁孤城謝安可罷  
登臨興庾亮因成邂逅盟星斗入懷憑氣象風  
卓山詩集 卷上 十四 三十稟書樓  
流相望自蓬瀛桑乾黑石雖無賴縱眼終看翊  
帝京

南山

連峯插燕趙橫被朔南隅磊落開吾郡勾留任  
此都絕貪巖岫變轉入塞門孤引領蘿川勝邊  
心昨夜無

飛狐谷二首

聞道飛狐谷盤飭擁翠微龍蛇藏地險草木峻  
兵威北距開炎室南通抵魏畿淒涼延廣劍失

計又臨機

輦角靜無聲憑陵此日情亂鴉吟破壘獨樹枕  
荒營戍老防豺虎時清偃甲兵嫖姚功未舉烽  
火接平城

野宿

列幕依平野初成紫塞遊關山此明月天地古  
幽州風勁鳴鉦急時清戰骨收白頭懷李廣猿  
臂未封侯

春半

卓山詩集 卷上 十五 三十稟書樓  
殊俗春徂半深庭鳥獨過梁園花盡發寒食雪  
方多落日耕羸馬荒烟語橐駝壺流清淺色稍  
喜豁融波

見天桃一枝有作

南國天桃樹風吹百萬株春應隨地轉花更共  
人孤蜂蝶遺相採冰霜候獨殊一枝穠艷在天  
末藉攀扶

偶題

攬鏡朱顏膩梳頭紺髮肥詩心天共遠吏事物

無違倚杖調歌鳥逢人訊采薇野翁爭席罷隨  
念得忘機

承諸君垂示李氏園亭看牡丹絕句二首  
看花重倚塞垣天淺碧鞋紅也自憐合遣詞人  
客并薊關情無那繫平泉

司農林園雲錦叢青油列幕駐芳驄好花一年  
一爛漫却入篇章怨晚紅

邊雨

塞雲衝地出邊雨逆風迴黑入穹廬合洶呼羽

卓山詩集

卷上

六

三十稜書樓

騎來空瞻神女館莫避李陵臺頗覺農人喜幽  
懷得好開

聞甘六進士弟

志道亡

束髮論文友泉臺亦自歸連天鴻雁泣隨地故  
人稀江漢空回首關山未息機重膺磨蝎慮恐  
懼切霑衣

余與進士皆康熙四十八年己丑支干生

黃明府邀觀沈周古木空亭畫圖

沈公操翰心膽粗一筆兩筆傳生枯勁枝挺幹  
千尋直化爲僵龍中有力涼風蕭蕭捲毫末素

秋茫茫生素壁不覺巫猿昨夜啼生憎野雀爭  
求息茅亭無人自排束空山本住高人屋寄象  
安知屬有心游情已合娛幽獨黃君邀我視以  
神世間名士皆有真嗟予顧賞目力懦願藉中  
林一置身

渡桑乾

去年渡桑乾河水厚如石今年渡桑乾河水膩  
且碧年年渡桑乾日日望長安長安自見日河  
水自迴瀾願因河之水寄我天邊鯉但作石鄰  
卓山詩集

卷上

七

三十稜書樓

彈琴峽

關南無號風關北無吟蟬卽有山與水清音固  
無傳簡書又觸熱紆執勞憂煎如何空中籟忽  
在澗底泉細激商羽音隱薄大小絃可憐彈琴  
峽哀切歸我妍綫流激微石湊觸生自然時遇  
互遭際人生各相緣峽深聞太古地迥窺胡天  
悲忻亦殊趣喧寂惟一宣飲牛須辨源飲馬無

擇川賞音必絃軫未覺鍾期賢

漢桓侯廟

本屬扶炎志因成翊蜀功古人先大義一世間  
奸雄廟祀崇皋里威聲緬漢中當陽非護主莫  
待永安宮

樓桑村

古樹鬱崢嶸樓桑復有名如何經再世不復蔭  
餘榮割據天無主英雄事偶成臥龍終汨沒立  
馬聽蟬聲

卓山詩集

卷上

六

三十稜書樓

保陽途次獲雨

雷聲殷西北日色遽明滅奔雲散復合飛雨零  
且歇家家祠土稷處處祈朱鷺十日乃無禾三  
農恐徒茶此事關閭閻寧惟困煩熱保陽密宸  
輔賦壤重吳越動塵宵肝懷臣工誼肫切皇天  
必仁慈澍雨通時節果爾霑滂沱踰時競芽蘗  
石燕迎道飛螻蟻各封穴花繁互佳色鳥嘒含  
新悅僕夫塗體足辛苦雜亂聒君子廣用心小  
人但猥屑世態其或然沈吟安可揭須臾澹餘

閃蟬螻懸高闕蟬噪生夕涼羣情散苑結

暫如京邑飲龔三學士宅

祇役薄京縣促歡緬良覲山川隔舊賞衢術疑  
新識迤邐門徑屬洞達軒庭闢繾綣惟石交殷  
勤展瑤席鬯調湘靈瑟悲和馬融笛極意娛神  
表傾心諦虛寂陰山旭日晚孤嶺炎冰積遠遷  
異氣候近洽溫顏色方期茂先宅永駐王喬舄  
誰令萬里風吹予復西適

沙城旅宿憶故園諸弟卻寄

卓山詩集

卷上

九

三十稜書樓

土室牛羊羶泥牀蟲蚤聚蠅蝨妬華燭復此揚  
飛羽營擾徹夜闌揮驅苦無具旅人艱一寢卽  
事傷奔驚念昔居山樊涼宵蔭嘉樹聒耳煩暮  
蟬含情攬芳杜棣華歌靡竟荆樹欣頻賦荏苒  
輕盛年中道膺世故環想念舊歡捫心忽成誤  
夜愁勞萬緒晨發憂前路沙城野寥廓塞月翳  
復吐日夕悲望鄉鄉心迫遲暮

蔚中二首

吏情流水寄朝簪萬里城西每獨探亞子營頭

晨繫馬武靈墓下晚迴驂窮秋老戍吹笳澁落  
日邊兒縱鵲貪泉白峯青容枉笏已無飛夢越  
江南

迴首山南萬雉孤石門東走接軍都鬪身有意  
騰飛駿脫手爭能試僕姑今日榮勛多衛霍當  
年擯地盡煩胡東風一夜吹頭白笑絕秦祠舊  
獵徒

于役宣郡聞妻子已達張灣卻寄

思婦城南望翠旌車騎營北急于征漸衰已覺

卓山詩集 卷十一 三十 三十 藥書樓

親兒女盡室翻然惱客程河岸細雲騰伏暑塞  
門荒日起秋聲地殊節異憑相見瑟和琴調亦  
可驚

萬柳亭

邊地風沙郡新開萬柳亭永憂頭就白復得眼  
深青曲檻盤金縷清渠擁翠局不知羌笛怨曾  
憶及秋聽

登鎮朔樓

胡笳動何處飛上最高樓樓上一延首天迴萬

里愁風沙橫斗曲城郭靜幽州落日危旌外茫  
茫澹未收

望遠情無賴悲秋日幾迴風高疑虎旅月白到  
龍堆一水洋河下千峯獨石來平生有懷抱倚  
檻若爲開

秋望

莽莽千家郭荒荒八月天封牛悲斷草蠅鼠聚  
平田野戍行人外孤筇落日前龍沙秋更遠指  
數古山川

卓山詩集 卷十一 三十 三十 藥書樓

塞上夜行

白草荒寒路征人夜佩刀馬驚危坂立狼倚斷  
崖號李益詩能壯班超筆未豪高風來萬里吹  
雪滿弓橐

初冬

石炭家家熱氈簾面面局應時移氣候生事易  
沈冥密笏收紅藥深籠護白翎年侵隨俗遣無  
礙適邊垆

白翎雀二首

白翎啄凍白沙堤苦學江南百舌啼啼到上林  
寒食節東風吹雪滿遼西

敕勒傳來塞上詞上都詐馬擁金卮可憐舊曲  
猶翻得不記灤中六月時

月中聞笛

不知臺榭月飛入古龍荒一夜關山笛傳聲滿  
故鄉照深愁白骨奏苦落青霜何處霓裳調飄  
飄徹未央

邊月

卓山詩集

卷十一

圭

三十樂書樓

故園羅綺色已復怨淒涼更遣隨征戍流輝傍  
戰場一痕連漠盡數尺去人長多少關南婦清  
砧搗暮霜

仲冬日過田家作

農事方冬盡田家日閉門怨咨宜未免豐碩敢  
輕論代俗猶崇險唐風庶已存荒祠騰社鼓稍  
喜集雞豚

郭外

官閒頻自放倚杖一扶衰地迥層冰黑山高出

日遲薄遊旋物外緬邈忽經時生事悲營祿終  
慚賦樂餓

五十

五十竟何成秋風耳欲鳴騰身腰劍重逐射臂  
弓輕歲月懸弧望平生善飯情誰能強身手高  
詠武威城

遣意二首

涉跡無遐阻因心得便閒一州懸北極半郭在  
南山老樹秋風急枯葇獨石殷空庭大自在獨  
卓山詩集

卷十一

圭

三十樂書樓

擬侈躋攀  
安貧原氏久運甕古人勞顧盼親雙劍殷勤惜  
二毛不關禽吐綬相念草如袍別有閒情興時  
時漉濁醪

塞垣冬候殊暄展然有詩簡丁二總戎

鷺鳥搏猶急征鴻斷更聞邊隅遠迥冷人事適  
氤氲水色參羣動山輝弄白雲連營知挾纈不  
數楚蕭軍

老樹



老樹風霜色虛庭托蔭斜塵泥猶蟄蟻雨露莫  
滋花幸不摧斤斧深宜護蘗芽曾聞泛滄海並  
得使君槎

晨發華山營馬上作

羣雞已罷唱殘月但微缺照見漢家營彎弧射  
羌雪馬嘶爭飲澗嚼嚙玄冰裂引手提絲韁金  
韉凍垂折褫糧飯中野炊冷晨風咽吟嘯古輪  
臺徘徊夜中發辛苦塞外行壯夫情豈茶側聞  
伊犁北

卓山詩集

卷上

三十稟書樓

天子有薄伐出師抵和闐萬里行鈇鉞

指授方略殊追捕蛇豕絕軍儲實委積供億正  
不竭擴地踰流沙降王集窮髮偉哉

聖人略豈事衡武烈蝥茲負固遠乃敢逆臣節  
苗頑有必懲干羽自成列兵至揚薰風旗開偃  
華月車書擁全盛擒戮在勇決軍威動天地六  
合一囊括臣工體國計奮激誼所切矯首西陲  
西攙槍矚明滅

深井值雪

平明朔風起掀簸撼土屋迴瞰古龍荒奔雲蔽  
崖谷騰騰摧急雪了了族寒玉灑落鐵衣乾深  
埋窮鬼伏僕夫慘不樂駑馬怨衡輻羣物傷外  
緣皇天一亭毒絕塞磽石田方春宜黍菽厲颺  
挾黃沙積凍起膏沃不達原隴情空嗟道塗辱  
夙歲憂稻梁中年膺守牧凍餒猶切膚豐荒計  
彌熟禮義生人心飢寒易風俗豈但祈幽竿終  
虞殷訟獄路逢燕俠兒狐白自結束買酒饅頭  
姬飛瓊佐笙筑不見皤白翁哀歌乞饘粥

卓山詩集

卷上

三十稟書樓

送鄧大表弟瀛入關返豫章

春意在楊柳春心抵故鄉別離都不計送遠若  
爲傷前路逢芳草回頭問夕陽庸關千萬疊故  
遣淚成行

聞逆猓將次就俘狂喜有賦

閩外遂俘周獫狁臺中爭畫漢麒麟

王師所到成風雨

廟筭應知有鬼神四海永銷兵甲氣諸酋合喜  
祓除新書生磨盾思將獻彩筆都涵大化春

漫成

朝廷有道百爲閒公案前頭對好山自擁簿書  
敦職業笑依花鳥駐容顏謝安必爲蒼生起陶  
令空因避俗還今古升沈關論世好攜筇杖寄  
追攀

度五岔嶺

肩輿歷翠微夾壁澹孤暉入隘初諧寂逢山忽  
當歸亂崖殘雪擁細竇暝雲飛遮莫倥傯地閒  
心日不違

卓山詩集

卷十一

三十稟書樓

西寧縣

古磧淒新莽孤城綴夕暉地荒連漠大縣小覺  
民稀春日無耕犢和風折戍旂年深傷景物寥  
落把征衣

贈別張三

秀才

碧峯佳人江海顏一揖論交并代間相看白日  
照鬚髮昨夜仙風清珮環擊筑每歌燕市酒彎  
弧不到賀蘭山掉頭策馬且南去淺草深楊觸  
手攀

代城覽古

百雉城荒獨廢闌金波雙引落荆榛孤村寂寞  
聞桴鼓故殿虛無立鬼神姊后山空餘碧血相  
稀地絕起青燐年深事往希陳跡夜夜高風擁  
塞塵

湟髭行

飛狐城中鶚夜咽烏孫琵琶起促節昨日嫖姚  
赤羽旂崇牙已被晨風折身依塞門翻絕倒少  
年羨煞天山草手彎角弓五石力短後韞衣花

卓山詩集

卷十一

三十稟書樓

繡襖初逢白雁不肯射側注燕支誇電掃雛鵬  
不下黃雲愁白日孤光澹亭堡反搔鬢髮雜斑  
黝却湮髭鬚矜未老妻孥競笑老作顛童稚驚  
呼顏色好主人引鏡忽頽唐五十專城未須早  
人生有軀誓報國君不見廉頗頽齡謝枯槁

夏日與丁二將軍及諸文士集蘇氏園林

紫塞鷹隼黑飛來浴澄泉烏號白羽地  
聖代清戈鋌蘊蒸禮樂俗紆鬱佳山川卷舒白  
雲心吏職俱陶然仲夏百草萋萋憂平田及

時風霆交一瞬萬化宣始遂需飲樂况多鄒魯  
賢將軍古驃騎委佩安靜便麾羽蕩柳色旌旗  
拂松烟名園又豁爽卉木叢芳鮮躍鱗不驚絲  
飛鳥孰管絃樓榭集瀟灑青疇蔭尊筵高風翳  
黃塵微雨忽已漣幽映淨白日空光溯無邊興  
移雲物內機息羣動先顧此狂狷侶任真皆我  
緣逶迤常山脊其北通祁連蕩摩金革氣格鬪  
思何年緬懷擴心胸含意俱纏綿撫景極娛悅  
母爲生事牽

卓山詩集

卷十一

无

三十築書樓

承丁將軍枉和集遊林園之作

大業

往者躋君堂香清凝畫戟卽知淵冲度恬退會  
有適廣陌接蘭襟芳尊敞瑤席是時踈雨過蓊  
鬱松雲積游絲曳或上搖漾一千尺紫燕忽低  
翔驚颺遏翎翮潛躍庶其常賞延情各極偶然  
動吟嘯騷雅濫撫孰是報瓊琚因君重推激  
雅歌轢鮑庾此事殊絕跡錦帶臥麒麟青鏤走  
蚪蚪熙朝澹無事豈獨休吏職將軍寵貳師牙  
纛擁宿昔五字寄長城依然排漢幟三過讀未

已於子感顏色愷惻纏綿情人臣誼無數因時  
托暇豫緣境寫胸臆庶以歌休明相期詠晨夕

卓山詩集

卷十一

无

三十築書樓

卓山詩集卷十一

終

卓山詩集卷十二

奉新帥家相伯子甫著

會諸文士席中賦詩

柳州故興學不獨文翁爲誰謂關塞遠馳逐幽并兒况今畿采地

王者所綱維城闕非挑達所慚遜文詞溫溫胄子行肅肅備禮儀載酒日能至抗師吾道宜膠柱毋乃泥寂寞情所移引機惜不發庶以神遇之梯粃一以寓興言著歌詩果爾獲繼聲此道

卓山詩集

卷十二

一

三十藥書樓

非言思鈍敏誠有別天機固無私統同企至化卽事猶職司奕奕風雅羣輪軒儻無遺顧此不爲樂悲歌非我期琅玕在天上鳳鳥亦已栖吹簫會羣響上下同追隨

塞上曲二首

風吹老上臺昨夜陣雲開漢將承明詔平明斬馘來

手中接飛鵲馬上擒雙狼頓轡忽惆悵墟頭索酒嘗

承陶廣靈令 淑 枉顧奉貽長歌

造陽老客秋無倚日傍高樓眺滋水水仙詞人不可見天外芙蓉寘江汜焉能捐愁付東駛不道逢人更陬鄙深衣委佩大幅巾曳踵升階脫珠履上堂再拜握余手不作昵昵兒女語知君脫略丈夫雄眼中一見風雲士狐裘貉袖頭虎毛臂弓腰箭演象珥代馬爭驕山後兒吳鉤共鬻邊頭市束結齊君登廣武蹴踏恒雲一千里人生愜願有如此短詠高歌謝餘子張筵合擬卓山詩集

卷十二

二

三十藥書樓

話促膝會面先期趨倒屣酒酣一笑披衣起少壯如君真自許鵬城北控單于壘獨望臙脂一痕紫

陶明府因索題雲中振策畫圖漫酬長句

挽弓不能挽五石未分金門執金戟漫從關塞鬪身強謝絕騷壇舊游客君來顧我色殊艷我獨遭君眼重黑近時文藻君復雄更上延陵嘯堅壁朔風吹塵邊地白黃狼蒼兔啼蕭瑟受降三城遠不隔旌旗裂霜凍殘帛敗柳衰楊互有

情賀蘭昨夜聞吹笛黃金作筆鞭西驂爭道所  
由行振策雲中片壤出花縣腹內邊籌傾老革  
雁門東頭忽縈轡狐峪西陲問新識逢迎慘澹  
黃沙磧倒脫儒巾齊一擲策勛及壯君果然一  
矚新圖兩瞳碧明庭念我筋力疲按圖索贈平  
生詩平生萬里無飛將爲汝高歌死不辭

又題從姑讀書畫圖二首

圖畫見山水斯人信讀書入官諡碩德領縣愛  
巖居邛壑憑懷古風塵頓起予疎慵關塞吏了  
卓山詩集 卷三 三十 築書樓  
了夢匡廬

劉向譚經處他年憶石渠文章非職業歲月謝  
居諸滿眼傾名士終朝笑子虛從姑崑閬裡共  
汝覓遺書

久雨

看天亦有情久雨忽忘晴塞水非由地關雲亂  
壓城夙炊量馬矢窮巷沒牛涇涇盡弓刀影猶  
嗟校尉營

樓上

烏桓不可望落日更登樓北斗平依劍西風勁  
集裘聽歌惟敕勒感候又驅腰莫擬悲秋賦平  
生志遠遊

臥病

蓬心初未已病久覺蹉跎秋入風先壯沙平月  
獨多鄉思添去雁物色聚明駝服食安期棗堪  
違舊薜蘿

北口峪

北口峙雙鸞仙人駐羽翰餘舒收日月迴合闕  
卓山詩集 卷三 四 三十 築書樓  
暄寒遠勢趨三輔奔流折九盤飛狐一千歲服  
食豈相干

入九宮峪

高興日轉愜巖巒亦屢遷自然銷夏窟此地信  
良川洞壑霏晴雪天門落翠巔窮幽增脚力不  
要縛行纏志稱州地爲美良川按唐書美良川屬滄州非州地姑借用之峪爲金章

宗避暑處

題峪中山寺

野寺嵌崖腹清虛縹緲間盤雲初出地轉磴忽

躋山佛性因心有勞生任境閑峽中無世法  
坐聽僧還

石門峪

綺雲晴不斷繡石偃猶高來往通羣帝風雷護  
百牢襍花分道蔭獨兇背人號更肯妨清興名  
區亦所遭

羌笛

羌笛誰傳入漢關一商一羽一回環高樓昨夜  
旌旗月脫木秋驚鼠雀山萬里伊涼聽未已十  
卓山詩集 卷上 五 三十稟書樓  
年征戍髮齊斑春風擬復翻新曲楚柳江梅莫  
自攀

程氏昆季

沆洵

等由淮南惠書見訊卻酬

有客機雲走傳郵開緘剖素識綢繆無多故舊  
兼零落卻任周旋在阻脩萬里放歌秋按拍一  
官寄傲雪盈頭西風又傍淮南柳白雁飛來亦  
解愁

酬姚二定州使君惠訊兼索郵近詩

南垂北際尚離羣一日開函見使君念昔爭營

方朔米出關長頌貳師勲饒歌騎吹隨高興疎  
勒祁連網舊聞更逐忘年何水部不妨白首漢  
揚雲

哭何三十二別駕旅卒粵中五首

大雅方惆悵名山必有人如何哀鵬鳥且似泣  
麒麟西蜀長卿賦南州孺子身一朝俱汨沒回  
首橫風塵

念昔同堂喜終成把劍哀相逢悲老大一訣遂  
蒿萊意氣無生死精魂合往來青楓猶有樹夜  
卓山詩集 卷上 六 三十稟書樓  
夜只疑猜

夙疾櫻風眩窮途履瘴蠻悲君瀕死地無日望  
生還余亦趨燕鄙何時入漢關黃雲侵老淚霑  
涇共斑斑

旅櫬歸何日南方不可居方愁魑魅喜欲共汨  
羅悲莫戀栖珠樹誰矜賦荔枝人傳有緱鶴一  
過雁關陞

若到東山麓須營處士墳生當題墓碣歸爲覓  
遺文聞道清茗月終輝葬骨雲斛斯榮著作莫

遣哭劉黃君以別駕銜名驅馳河上旋且栖遲幕府中間薦博學宏詞不就終老不遇

### 登高

憑陵莫極此寒裳塞上風多凍鷗鷺江漢東還  
惟白雁塵沙北地擁黃羊三年荆棣各異舍九  
日蓬蒿出旅囊苦逐黃花對消瘦碧雲迴矚秋  
茫茫

### 暖泉

靈池瀟萬態神物有所憑湛灑倒空光其氣如

### 卓山詩集

卷十二

七

三十稟書樓

鬱蒸雖微風雨至龍駕若上騰是以終宇宙不  
涸亦不增流傳有泉眼百竅相薄凌素鱗駭或  
上翠羽沒已升浸淫五花樹瑩淨千金繩蕩搖  
波中亭涉興因憑凭邊壤洗氛垢中懷浩孤澄  
嚴冬衆草死陂壑沍且凝微陽伏巨浸此水獨  
不冰足以融百體痼疾不更膺吾聞神靈澤溉  
被百物承忝身馨香主矢願惟歲登天時準人  
事地脈有廢興臨淵懼有戒凡百慎戰兢

### 上礪兒嶺

恭承使符屬歷覽事臧方郡邑雖僻小四境自

有疆不窺高深異豈別夷險行南山旣截嶠北

嶽猶森張雄壯稍不如前芳終相望到山未十

里徑絕路渺茫上凌躡崇霄下瞰歆墜梁引踵

旋及脰僂身折迴腸螳緣一綫大猿引千仞強

白日餒氣燄北風輕衣裳流汗雖被體息躬凜

嚴霜地偏改節候忝穀思平岡高下自殊勢已

聞秋稷香居恆任蹭蹬願睹民物康况蒙薄征

歛官守職役常糝粒尚黎庶廐馬喂白梁窮通

### 卓山詩集

卷十二

八

三十稟書樓

不一值拭目苗莠旁升高俯窪下庶用思周防

### 山亭

細石疎斜路澄波淺碧潭虛空雲不競轉折樹

相參地僻秋宜忝山高夕每嵐茅亭添一个勝

絕似江南

### 剎院

剎院趨還入宗門百不嫌猿獼馴處處鸚鵡息

譚譚洗鉢隨流水焚香漫捲簾天花應更舞可

耐俗清淹

送人之京絕句

酌酒城頭罷送行。南望北關心懸旌。連山複疊不可剗。更上一層應眼明。

黑石嶺

飛狐南走一千里。黑石中蟠百仞强。雷雨下方垂。蒼苟熊羆白日叫。青蒼卽今險隘尚堅壁。底事燕雲割大荒。時平不煩貔虎守。書生隨地陟周行。

南山陘中題

卓山詩集

卷十二

九 三十稟書樓

懸崖亘積鐵。陟此無窮門。刻出樓櫓狀。削排屏障尊。仰凌一綫天。俯觸千石墩。飛泉裂地底。激怒不得奔。轉幽一氣合。往往白日渾。高空插劍戟。其勢如軍屯。娟娟美人峯。秀特又可捫。左挹華蓋大。右廻鸞鳳騫。倏忽飛動意。攬之若無根。遲廻日車偃。不畏熊豹蹲。僕馬轉煩促。風多冰雪繁。以知吾人心。物感移寂喧。左思賦招隱。鄭谷依邱樊。徘徊問樵牧。駐馬迷荒村。

沈馬林

中外一囊括。制國詎有疆。長城落遺燼。無事資

隄防。嗟彼秦漢來。築城備胡羌。白骨棄荒壤。狹隘爲恢張。予行邊關道。涉跡生慨慷。西陲洗馬林。朔風飄衣裳。連山峙亭障。側落萬仞梁。盼險自天意。中原本金湯。制遠不以力。由來賓萬方。撥禡時外來。牛羊各成行。出入絕嚴禁。居民耕大荒。念此意。諧適興。歌樂康莊。蘇武陷大澤。班生悲故鄉。咄哉功名士。自古貽哀傷。

飲酒行貽陳三使君

卓山詩集

卷十二

十 三十稟書樓

城頭統如打五鼓。胡姬調笑猶歌舞。晨雞角角星轉高。胡兒走馬霜滿刀。人生苦樂動殊趣。使我不憚心臯牢。且與故人飲美酒。燕然山頭夜回首。天山飛雪時。點衣北斗挂城攀。在手硬弓大羽各插腰。書生勒銘非一朝。

夜三鼓公事畢。巡檐步除天真益。如因憶

日間蒙陳使君孝昇持惠菸草索判筆

題一絕以謝。亦見吾輩雖日在倥傯中

尚餘晉人風。致貽之以發軒渠。



老眼未應資黠黠野情終日愛巴菰嗜痴幾許  
稱同癖贈玖投瓊直我徒

萬全縣贈蔣九弟明府 良朝

漆園非傲吏擁授更邊隅轉餉煩深計憂民間  
積逋古人傷害馬仁者怵鞭蒲予亦栖荒邑逢  
迎正不孤

張家口

已盡燕山勢猶紆萬里城一隅分犄綴獨石對  
縱橫酪鹵商胡集羝羴職貢盈護羌還置守落

卓山詩集 卷十一 三十稜書樓

日靜危旌

張家口市臺對月

最殊今夜月萬里極氤氲眞見凌霜角初看度  
漠雲伊涼橫笛遠牛馬靜人羣戰魄無漸沒時  
應鬼哭聞

登壩四首 壩嶺也出張家口六十里

馬驕爭蹀躞已入大荒中毳幕居廬絕麻尼異  
俗通乾坤還太古日月住虛空舊地崑崙脊茫  
茫萬象窮 蒙古俗梵經書旗植竿風中麻尼準誦經功德麻尼轉也

絕域連伊里降王首畏吾流沙非險磧宛馬自  
通都乞縷憐蕃女空廬奉使符星羅碁布地指  
數視狼胡 畏吾兒卽今哈密部挈烏拉使至蒙古人皆空廬帳以居使者

關土耕遺鏃防秋解鐵衣庫車三萬里黑水十

重圍劍動傳俘馘駝奔走捷旂漢廷羞衛霍擴

地過金微 哈拉烏蘓譯言黑水又外臺郵騎多用橐駝馳之

弓衣渾自喜繡褶玉驂騮倚醉陰山道呼鷹赤

嶺頭書生渾鹵莽詩句得清道相問牛羊熟嬉

恬更可求 邊外以牛羊葦息爲歲稔云

卓山詩集 卷十一 三十稜書樓

歲除日塞門夜雪

牙旗裂凍風騷地柏火騰光鵲隆林已遣歲華  
爭赴壑更羸殘臘在凝陰飄零雪色春何許消  
息梅花夢獨尋爲問新朝米價賤葡萄作釀絕  
須斟

邊春詞

一道慘旂族錦袍將軍小隊出林皋柳川河畔  
垂楊樹雜捲駝茸作絮高

鴛鴦水暖下洋河靜市鞦韆女踏歌正是江南

花事盡夾桃和雪擁春多

廣昌

古邑愁無地孤城只抱關數家屯聚落百里迴  
躋攀落日飛狐語空林伏虎還嫖騎舊亭障未  
敢對孱顏

駐山庵

驅馬傷塵服迎門挂荔衫空山隨見佛獨樹老  
依巖呪食青蓮鉢歸樵白柄鏡相留可拚夜有  
夢証荆凡

卓山詩集 卷十二

十三 三十稟書樓

宿走馬峪

亂峯爭蒼翠終古斷行軒地利恒山隩人家澗  
水源近南暄氣候鑿險布田園客夢須安穩終  
煩夕瀨喧

倒馬關

萬里邊風吹卻迴大關前背亂崔嵬橫通嶽勢  
分條起絕派崑崙畫地來上黨信居天下脊長  
蛇扼入造陽隈杖藜策馬從吾適雪髯弓衣忍  
重哀

歎舊同姚二定州

逢君已逐三霜別歎舊終同百歲身梁苑嘯歌  
虛夜月秦祠羽獵靜朝塵滿堂冠蓋興誰屬側  
眼山河悵古人共捋髭鬚還共笑二毛迴首莫  
霑巾

村行

繡壤移行色微塵雨亦佳近塘春漠漠夾路鳥  
啾啾驅犢齡芳草逢僧蒨翠崖胼胝與軒紱相  
念固爭差

卓山詩集 卷十二

十四 三十稟書樓

宿唐湖僧舍

牛羊爭落日僕馬望烟村綠草侵行路青山到  
寺門懸鐙連雨寂宿鳥墜林喧一夜觀心安終  
身頂佛恩

盤道寺

歇武當峯脊禪扉祇息關細泉空作籟虛室坐  
來閑祇樹虛盈眼荆花擁駐顏何因與山衲投  
老石林灣

寺下靈泉

細竇流泉迥征途發興長琮音連佛唄玉色漱  
天光病累相如渴塵勞墨子裘衣濺還碗酌妙  
味間眞香

出紫荆關二首

短後羞驚馬長驅復朔隅春風隨更度南雁挽  
相呼石角巉天破關門抱日孤荆花開面面似  
欲慰塵塗

入隘中原斷迴眸析木孤湫流洶拒馬徑道接  
飛狐賂地環山後驅除過上都琵琶易幽怨沽  
卓山詩集 卷十二 五 三十稜書樓  
酒話當墟

浮圖峪

峽勢紛旗鼓餘舒壯一軍門庭森障蔽蔚代接  
風雲伺隙猶深入增防日警聞何如熙輯瑞驅  
馬靜遺氛

出郭二首

出郭農事集田家屬望勞課勤先王伯祈社足  
牲醪薄蕪嘉稌忝同情疾莠蒿幽詩如更作未  
耜卽須操

更愛雙飛羽催耕與白鴻勸農烟隴外爲恨塞  
垣中世事殷南畝川原厲北風田園終在眼落  
日傲孤筇

檢點高齋麤竟率賦寫懷

阮公從壞翳謝朓有高齋寄托因吾事清虛見  
本懷田廬深悵望風雨結安排興極扶藜杖留  
連碧水涯

寒食

寒食芳菲節天涯只寂寥素塵團雪起翠縷上  
卓山詩集 卷十二 六 三十稜書樓  
枝遙庭院笙歌靜兒童楚鞦韆何年分賜火紫  
陌趨金鑣

贈別丁二將軍謝病歸吳

置酒城東門祖幄臨道周垂楊駐白馬樹羽輕  
長颺左手執觴竿右手持脯脩且盡今日樂君  
行事歸休平時諸部曲奏曲彈箏篴篴轉清  
聲上有翔雲留拜獻各上堂爲君解兜鍪男兒  
志意愜豈必生封侯牙蠹何蜿蜒玉帳居上頭  
路旁故將軍宿昔羅羣騶貴寵豈不遂終焉感

吳鉤滔滔世中徒鞠脰趨沉浮勲略老不建悲  
歌委身謀黃雲野莽蕩白日迷幽州迴顧海上  
山仙人棲祖洲中有不死草嚙之銷百憂君行  
正東躋衰疾日以瘳含精壽萬禩林屋爲丹邱  
爲我尋靈威何時冀來遊吁嗟此判袂白首傷  
寡儔

小關遭雨

龍升幽壑底泉挂蒼垠外四瞻趨冥冥礪礪薄  
光怪銅蛇巨雷擊眩異生髣髴反顧無窮門陟  
卓山詩集 卷十一 七 三十稟書樓  
東大地隘塞雨多倉皇由來委常態走雲刷奔  
輪萬馬旋千槍轉疑須臾際大有精靈會恐懼  
摧心神道塗矧多億猥生膺薄職輟轄有所屆  
霜漬透衫襟肌膚忍深愛小人山澤情行止戀  
戎秦從星固未卜動切求征蓋豈知從違屬萬  
事憂多悔未雨胥綢繆櫻心此千載

浮圖村憩飲玉泉寺

兀坐厭城郭放形馳碧厓名藍自烟塢薄酒更  
茱柴鳥哢各相命泉香若可懷羈官時獨喜隨

念與無乖

野人獻桃實杏子

避俗機心渺貪閒野老期摘鮮旋有獻享意莫  
須辭雪霏騰佳品含章擁舊枝療饑兼益壽凡  
百見支持

雨中獨酌成詩

促生悲晚運經秋惜華顏風雨催歲晏蟋蟀鳴  
前關苦傷時不與復恐多憂患人事空中絮飄  
飄不知還有酒但斟酌儻以開心頑既醉旋復  
卓山詩集 卷十一 六 三十稟書樓  
醒何由適中山白日東出海暮歸濛汜間願因  
晨霞氣噓吸爲加餐

承姚二定州惠書並致竹根老人戲報長句

蒼顏老吏當關立眼暗腰酸望雲泣常恐支離  
百歲身走波掣電嗟何及朝來故人垂素書書  
長意厚詞於邑廿年京洛擁盤敦四海交遊誼  
車笠舍人門庭不過掃相如筆札重思給潑醅  
上天勸酒星宵除未曉翔鳥入張蒼華齡噓短

折含譽迴光走相揖事移境異失轉瞬到眼茫  
茫死生集北地周旋只兩公舊時寶劍苔猶澁  
故人好事晚益豪更有珍貽披在笈千年籀龍  
根伏地化作老人腴兩頰騰現端爲大壽徵捧  
持合共瓊瑤襲世事升沉且莫憶天涯霜雪行  
當蟄他日江南兩老翁白首酣歌互酬答

畫鷹行

幽庭突覺風霜入。纓鏃騰光百禽急。丹青畫神  
不盡力。蒼鷹尚是無心繫。縱之一決盤九霄。縱

卓山詩集

卷三

九

三十稜書樓

鵬血灑平蕪。淫鴟鵂影鬼車噤。羽儀但有翔  
鸞集。吾知畫師神渺然。雄飛雌伏都忘天。昨日  
邊兒放一鵂。攫拏燕雀羅行旃。刷翎抵距重顧  
眄。逞材鬪健千夫傳。迴看此鷹岸壁立。瞋目不  
見高飛鳶。乃知歛翮卑栖者。世上應多大隱賢。

雙燕

轉眼看雙鷺。懸情戀故林。秋來終更別。塞上底  
相尋。遲暮成捐棄。天隅獨滯淫。亂鴉啼復入。不  
管歲寒心。

浮圖村田家

茅舍如荒塢。臨門一水微。路隨黃葉擁。意動白  
鷗飛。日薄收場早。霜空穫稻肥。情親到農叟。籬  
犬狎牽衣。

浮圖村

林薄愛清肅。行田日復來。果園低走馬。水峪細  
傳杯。嵐氣深虛壁。雲根竦石臺。梵王鐘鼓裏。禪  
縛亦從開。

清夜

卓山詩集 卷三 三十稜書樓  
衙鼓伐初嚴。支頤息步欄。星光秋到地。水色靜  
移簾。渚漢浮雲盡。衣裳湛露厭。吳歛隔隣起。清  
夜此無嫌。

曉

風高彌益疾。郡僻假深眠。衾薄秋偏警。牕虛曙  
已傳。暮巢驚墜鷺。晨雨亂炊烟。不覺清霜動。披  
衣訊黍田。

夕懷

浩蕩江東客。逍遙口北城。鐙空花自喜。酒熟注

時傾老鶴因秋警跳狐趣月明親知半京洛一繫此時情

馬上悵望三首

地僻林泉少年深悵望懸亂崖流絳氣寒日墜青烟一徑沙河大孤城市井偏習池曾不見騎馬亦淒然

策轡吾頻出牽愁未有涯邊聲寒似雨日色冷兼沙遠戍餘孤堠居人見幾家荒寒暮行色作計問桑麻

卓山詩集

卷十一

三

三十稜書樓

水黑難爲渡原平信自投從來客幽朔辛苦事驂騑風撓旌竿斷霜淒畫角稠賦詩橫槊裏莫似李涼州

早寒

負病猶就曝風色早相聞日慘悲荒角天低作陣雲寂寥人事改時序塞垣分黃落關門樹枒檣寄一羣

獨坐

秋生羣籟靜地擁四山寒獨坐空林暮無人落

葉乾委懷成寄托因境得盤桓隱盡髣文几清琴觸手彈

向夕

不夜悲笳澁非時候雁臨更能當永夕愁絕對荒林薄霧見新月高風生暮砧哀猿踰故楚此地莫關心

送遠

玉帳開行色朱旗閃道塗驂騑輕別淚旄節事征夫報王傾生盡圖功與命俱姓名麟閣裏他

卓山詩集

卷十二

三

三十稜書樓

日間馳驅

重陽獨酌

茱萸一插一霑衣昨夜丁零雪已飛鬢髮未應饒益短雲山空念送將歸黃花淺逐他鄉色白草寒生悵望非聞道葡萄新釀熟可無斟酌到忘機

重九後一日雨

每憐厭秋無雨卻過重陽雁未來世事幾何經昨日山川隨地罷傳杯摧殘物色看籬菊倒

入朝雲夢楚臺故國風烟猶在眼碧岑黃樹逐  
愁開

久不得煥子南中音耗

竟日占烏鵲長天視白鴻九江星漢遠三楚暮  
雲空念我棲荒邑遭時忍乞躬血駒宜瀚海倚  
劍屬崆峒宛轉趨營祿支離奏薄忠行藏紆鬱  
裏骨肉別離中故國懷松菊初衣緬華嵩汝行  
能典謁吾道謝窮通意激平安字心摧潦倒翁  
數行書更杳萬里思無同靜夜關山月高城簷  
卓山詩集 卷二 三十樂書樓

策風豈伊兒女戀生事謬從戎

出關行

連年驚轍日不足昨日入關今出關關門兩崖  
自終古往來過者皆摧顏風聲水聲亂白日老  
鴉弔影啼空山長城殺氣黯慘慘腐骨已蕩青  
燐殷臨洮山海左右盡密雲倒馬東西間紫韁  
垂策行且看古來紆鬱惟儒冠祇今六合一同  
軌險道休歌行路難

小憩石佛寺作

青崖蔽白日雲氣但往來側身度空靄倒落蓮  
花臺響泉徹地底梵唄相徘徊天表現金相慈  
容爲我開下馬脫塵鞵膜拜亦已哀古來觀空  
人屏跡甘蒿萊道路結淨理蓬心曷由灰攬顧  
願已畢關山自崔嵬

渡媯水

軒轅去世久涿鹿傳其名媯流一川合滉漾生  
古情淡然夕陽盡孤炯一氣平遠穿居庸隘倒  
折沮陽城莽蕩自經歲川原各縱橫崆峒峙何  
卓山詩集 卷二 三十樂書樓

保安州

路轉雞鳴驛天迴馬首塵河流爭峽勢山影半  
城圍十里水田合千章灌木新逡巡多故物辛  
苦易傷神

小雨

晨色深成翳雲陰聚更分氣交時自密人靜若

微聞生意存疏甲閑心矚漪紋朔塵應不起步  
屨寄殷勤

春雪

細雨將春凍淹滯日未涯轉風旋作隊夾霰已  
成花暮角收千戍晨烟計幾家頗聞滋地脈不  
敢恨韶華

晚晴

返景碧微微人家罷掩扉白雲猶傍郭春意動  
寬衣雪色融沙盡邊心逐候稀數行凋謝柳隱  
卓山詩集 卷十二 三十集書樓  
隱著芳菲

見桃李始華喜而有賦

滿眼憂春盡驚心見始華繁枝低更密融序急  
相加宛藉東君力深宜處士家醉歸吾忍負吟  
望到昏鴉

微雨至夕二首

塞序慳春雨今年靜涼塵暗隨騎馬滑遙惜坐  
花辰獨鳥飛頻入童山洗不新看人涉幽興滌  
沼護文鱗

壓霧聲逾悄吹風勢暫騰著衣嫌土漬迎面拭  
春冰竟日淒簾影深宵澹夕鐙幽都異氣候拳  
縮待晨興

卓山詩集

卷十二

三

三十集書樓

卓山詩集卷十二終



卓山詩集卷十三

奉新帥家相伯子甫著

奉同制府方公蓮花池十二詠

環城一水入秀豁開靈棲清風滿池上已復循

幽蹊午陰疊巖石望與朱霞齊當春發異采錦

幕懸丹梯誰攜洛陽種及此娛攀躋春午坡

高樓插霄漢上接蓬閭居儼見容成君手授丹

素書萬軸比鄴架古人意何如天章仰

宸翰日月懸清虛當年重迴憶趨晨步石渠萬卷

卓山詩集 卷十三 一 三十葉書樓

崇牙侈十丈高敞蕩白日堂奧復巍然賓筵時

有秩境幽集遐賞意愜澹遊逸碧沼雙鴛鴦徘徊

弄儔匹華庭忝芳宴擁袂挾瑤瑟花南研北草堂

飛甍青冥外復此雲壑秀連漪影虛無空明若

相就云誰美人思孰是湘靈遊香風泛蕙叢委

宛入襟袖俛仰殿中懷時時引回脰高芬閣

露清蒹葭冷月暗鳬鷺宿桂楫不可求盈盈隔

寒淥逝將跨飛梁溯彼瀟湘曲青龍水中見虹

彩波心束言采杜若芳茲焉慰遙屬宛虹亭

馳想極昆閬翩然見靈禽羽衣神仙侶偃息高

槐陰高槐失夏暑警露移秋心延頸若有思徘徊

白雲深平生念羽翮江海契幽尋鶴柴

晞身華池水清耳魚山唄芬冒將何之幽尋隨

所屈花宮步往復祇樹無鉤挂聽歌倚滄浪忘

言向金界一室方煨芋無爲語聾聵葦幢精舍

思樂歌在藻登臨意何長高樓峙曲渚嘉植陰

四旁上有靈羽舒下有脩鱗藏動息齊一直高

卓山詩集 卷十三 二 三十葉書樓

深日相望因依乘游衍庶以娛徜徉藻泳樓

古來豐相圃園林復奧隅風廊歷石磴虛豁呈

亭衢躋堂一延佇襟履正所趨念昔長楊獵執

戟備前驅芳時屬遊宴曷敢忘區區釋堂

憑軒坐寒綠秀色開屏顏湘娥隔秋水睇望忽

可攀落日下鸞鶴清風聞佩環美此霜雪幹竄

斯巖石間高人用比德歲晏相往還寒綠軒

局雲有時盡駐景轉復豁丹室未輕躋披蓁窺

洞達谿訝屢迴互逕竇稍踰越石乳滴仙源曇

花供僧鉢清篇詎能留俗念庶擺脫篇留洞

結構何綿延盤盤自來往身隨白雲度路合青

谿廣濯足與濯纓因心同濶養馳鱗俯游泳喬

樹傍蕭爽願以百尺流臨風寄遐想含滄亭

大府宮保方公蓮花池十二詠成僚屬之能

詩者咸和之相詩最後進獨蒙公許可翌日

入謁禮數有加旋出二玉如意昇之且命以

其詩鑱諸廊壁焉相之隸公宇下六年矣荷

公策勵得毋隕越願以雕蟲小技復邀鑑別

其節制幾輔進退羣材駿駁乎易事難說之

風乃於一材一藝又且不遺葑菲如此此殆

如泰山河海兼收並蓄以成其大者耶夫惟

山海成其大而土壤細流皆得有所歸趣然

卓山詩集 卷三 三十稟書樓

則相之受景勳於公大矣况其有進於

是者乎乾隆壬午嘉平月帥家相記

為徐三秀才 煒 哀其賢子 堂 卒意兼惻悼

情溢于詞

少壯不待時歲月已復迅百年畏斑白蓄眼傷

後進予昔交而翁逢迎各青鬢論詩匹曹劉篤

友過廉藺酒酣語曠達志激薄時俊但恐衰病

櫻十年切親近石交死則已世講托諸盾憶當

過庭日弱冠奉嚴訓鳳雛煥其儀整翮毛羽峻

追從儼父執對語色厲遜頗謂識冬郎遲暮氣

每振白使小兒曹相依誼公瑾老樹拒嚴霜朝

華謝芳薺死生忽不料世事一瞬瞬慟哭垂白

翁蒼天莽難信平生飽周易自守無悔吝骨月

抱傷殘門庭累深蒙喪明禮所戒老淚誰與救

吾悲齒牙落見子逾初齟脣短已不期生年得

毋僅人生非金石殤鬢共棺殯垂死百念空誰

能結悲憤北風吹江蒲松柏挺百仞題詩倚崇

巘千里聊問訊

折花入瓶供戲成口號二絕句

卓山詩集 卷三 四十稟書樓

漢主黃金貯阿嬌紅顏獨恨董嬌嬈莫傷折落

花無主風雨連晨慘六橋

官樣瓷器汝釉新全消火氣別宜春重簾更護

邊風人不與明妃溷塞塵

寄貽清大 秀才

昔歲余先君論交死生際興言屬爾祖出語必

泣涕精誠指金石風義感奕世執贄猶而翁予

茲謬云繼吾師語道術但挾先天秘不克竟源

流咨嗟講堂閣通家托吾子誼續稻生契數疏

語必盡調給懷共濟相遇動將鬚相親日連袂  
所憂歲月晚不礙雲泥滯風吹紫塞雁急翼任  
迢遞譌作失羣號五年隔并薊越燕望舊巢江  
蓬絕根蒂向來磊落概共逐浮沉勢鶉衣子更  
結星駕吾頻稅老大劇憂傷箕裘未應替方作  
少年遊酒酣出新製雄驅百川轉峻削三華銳  
萬言日在口九折自歷試顧盼丈夫雄矜誇大  
賢裔終明卞和璞莫問淮南桂道遠不可思懷  
思百憂厲渾流斷歸鯉書札不得寄形骸委契

卓山詩集

卷三

五 三十稟書樓

潤慨懷君獨計

喜晴二首

雨甚疑無霽風疎忽更秋乍驚山有色不信霧  
全收燕雀何深喜關城不礙愁百年隨候物落  
日藉登樓

漫郎夢多遼山田怯早涼一痕開積翳羣植豁  
新賜地縮狐烟小雲逸去鶴長檣節吾事了隨  
分得相羊

仲秋行田作

農家百憂集不獨旱潦傷螾蝗及霜電皆足貽  
賊戕終年事百畝不必盈我倉况當仲秋杪豐  
歉爭毫芒有司視一體痛癢切中腸今夏盛霖  
雨凡或知相望水泉懈蓄洩蠹賊戒不常公私  
在菽粟大小貴紀綱行旌日徐驅履畝復徜徉  
錯繡麗佳色交風散空光獲刈雖未舉報賽亦  
已忙井稅有常候趨輸猶孔將風俗異貧富斯  
人孰無良如何古征歛鞭朴實篋篋吾思襲幽  
雅上奏

卓山詩集

卷三

六 三十稟書樓

天子堂

天子登明堂賜酺被萬方鼓鐘大合樂肆祀凝  
馨香小臣下拜手三獻無逸章郡邑雖褊小川  
涂開宇疆明明上天契惕若徵嘉祥

皇心日自懋亭毒信彼蒼來賀集萬國巡狩歌  
天王

贈王五 刻短歌

把君佩刀顧君笑王郎自是真年少西飛玉兔  
東飛鳥兩手攀招發狂叶憐君意氣羨君豪百

年付托須汝曹念我初爨兩瞳碧卷舒不怕邊  
雲高五年關陞看秋色脫下顛毛半蒼黑誰能  
敵贈黃金策逢君走馬遺羈勒挽君下馬爲君  
歌慎無棄我超天河吁嗟乎眼前輕薄子與人  
同生不同死我縱高歌亦徒爾

食瓜行戲貽王五

雲中食瓜每八月牙齒迸寒如嚙雪江南孟夏  
瓜已圓涼沁憶消三伏熱地殊物異已如此况  
每食之生嘔泄關情隔病怯淹蹇側眼邊關促  
卓山詩集 卷三 七 三十稟書樓

憶縹緲樓

高樓倒挂任丹霞北斗南頭張望斜舊事掃除  
淹去歷年來登覽傍清笳陶公栗里歸何日漢  
使星源獨有槎安得便騎青竹杖文簫峯底是

吾家

雲月三首

明晦稍自見支離迫傍人傳光如向曙幽映或  
傷神橫笛吹初破長河耿復淪高樓已愁思莫  
待素娥輦

斷漏淒相永疎櫺嬾未開興闌悲子夜夢淺憶  
陽臺關塞深牢落風霜澹溯洄更堪南去雁暗  
度大荒來

舉酒不成酌當頭已復收陰晴頻未卜隱現爾  
何求冷蕋吹笳地寒翳乞巧樓但令遮翳影掩

卓山詩集 卷三 八 三十稟書樓  
抑未關愁

馬上戲成自壽口號二首

少日弓韜備駿驥至今走馬自關陞受降城北  
暮秋盡不遺新霜上髭絲

誰躋窮石古嶺旣卻駕飛黃作羽翰萬里諸孫  
能上壽未妨酌酒屬烏桓

中秋屬疾

無賴悲秋警蒼茫看月時不成淹酒病已怪逐  
年衰露下金波淺宵空玉漏遲疎襟怯涼冷况

乃傍邊睡

秋夕疾中因簡徐三李十二諸君

城箭不能收霜風萬籟秋羣公方屬酒危望只  
登樓醕酌關吾事蹉跎委故游管絃知更永感

調入涼州

夜

荒落黃姑夜淒清玉女砧星河寒漏永風露古  
堂陰藉柱交頭杖頻賡抱膝吟維摩方示疾藥  
裹試披尋

卓山詩集

卷三

九 三十稟書樓

疾小愈

祇應吟嘯外萬事莫關憂閉閣聽歌鳥臨門對  
飯牛自然酬物感無著寄天游但使增強健乾  
坤任贅瘤

病起飲興

太息浮生有限杯况逢昨夜病懷開金鈿翠袂  
何年事錦席瑤尊半獨哀野角暮喧飛將幕塞  
雲寒護赫連臺茂陵消渴文園瘦遮莫關山任

酸醅

懷舊卽貽馮可宗七弟

海內懷親故逢君獨眼前雲龍終會合鸛鷀汝  
周旋涕淚趨彈鋏馳驅問著鞭相期暮霜色莫  
竟上華顛

代王城

金波泉畔路駐策傍斜暉獨往深懷古逢僧借  
息機野鷺寒自侶澤雉瘦能飛小吏知人意移  
牀近釣磯

路逢田父有述而作

卓山詩集

卷三

十 三十稟書樓

母雞棲埘中雛雞飛上屋萎此園中葵挺彼霜  
下菑田夫持美醞孫子環兩足相問亦奚求滿  
願惟黍菽牛飯使之齕牛饑生抵觸刈麻不旣  
種采薪候春蔭掇擷盡其芟萬類傷同族古昔  
鷄居時斯人第從欲周旋各問答反已忽局促  
圓體非不勤一身重拘束爲農苦不易觀化道  
未篤俛念竟何從平心詢持祿

邊城秋曉

朔氣在平城高天肅蚤晴雲霞扶旭上星斗傍

河傾列幕初笳勁叢臺急羽輕邊心共秋草迴  
薄曙霜清

鵲鵲

勇自螳螂敵嬉同蟋蟀場程材無鉅細好弄儘  
兒郎盛氣關何事微軀竟不量生成安淺草飲  
啄故徜徉

半翅

未覺珍毛羽猶供佐醴酥幸蒙收鼎俎不敢避  
羅虞錦雉調羹重家雞下箸無老饕婪食指生

卓山詩集

卷三

三十集書樓

事到庖厨

鸚鵡

豈知南服鳥亦度雪岑來綺語尋當識華衿本  
自媒霜清迷瘴海月冷限瑤臺何事驪山苑思  
鄉日重哀

送鄧二妹倩

基謨

出張家口外

黑水哀冥北書生匹馬行驗圖甌脫地爨食契  
丹營屬國非持節終郎謝棄纓黃雲黏白草一  
路傍于征

暮行小關山中

饑虎挾兩偃空山嘯風雨客子方暮行驚疑此  
中路草根滑微凍石角擁參互落木寒有聲孤  
星沒還吐墜梁一折落驚馬怯前赴僕徒苦驅  
策一蹶懼終仆君子慎冥冥小入急奔驚雖饒  
叱馭勇莫及臨橋怒微月頃乍高衣霑辨零露  
已復入荒村留連憬深悟

山曉途中作

山意佳在曉百媚生有無日華駘宕之紺碧騰  
卓山詩集 卷三 三十集書樓

紛敷斷崖立古鐵忽在天漢隅誰謂道里惡觀  
此興不孤白雲出封中日觀凌蓬壺昔者望泰  
嶽仙人五雲扶盤迴藥珠宮玉刻黃金塗五城  
十二樓直上無崎嶇旖旎旋翠羽節混漾明月珠  
王母備玉駟羣真列瓊妹白鹿獻靈髓服與元  
精俱安知壽萬億顏色固已殊何因謝道流念  
以職守拘脩短屬天命樂游委踟躕今茲乘旦  
氣緬想極遠娛諒哉騁六合不敢忘載驅

與李十二洽陽  
逆旅對酒

西風吹老鶴警淚原上山山川日寥曠坐見落  
木乾與子共樽酒乃在塗旅間既非需飲期豈  
盡宴衍歡歌詩苦不遂奏曲已復闌委宛適道  
周敢憂行路艱仰觀風雲色倒入霜露寒霜露  
漬衣袂拂拭誰與干蟋蟀勞者歌永傷豪士顏  
憐君屬意氣中聖同所攀

宋將軍作梅彭城山水十二畫冊歌

金臺走馬不累意招手黃樓事游戲雲龍山頭  
昨夜雪萬里飄風落燕冀白鶴飛來失憶歸桃  
卓山詩集 卷十三 三十稟書樓  
堤柳陌還娟賦將軍繪事豈有真長劍忽脫離  
腰身呂梁天險走汴泗倒扼梁宋窺三秦中原  
門戶實在此清時萬國開風塵爲君歌詩興絕  
倫彭城一抹春山春

春晚遣心

細雨催花色微颺漾柳塵地偏彌極目春晚切  
傷神獨坐登樓思高歌對酒身明朝寒食遠愁  
煞踏青人

東堂遣興

流水意何待頑雲逐夢飛與時看物變隨日佇  
春歸筆架霑花雨書牀剝蘚衣東堂讀書處嬾  
拙興無違

重登暖泉亭見舊題作

治郡稍閒憇隙日轉復惜百年山澤癯泉石况  
每癖出門壺流水照耀鬚髮碧轉幽沿清源復  
此亭沼適蘇壁見舊題溪山遂陳迹青春遞惆  
悵雲日互頽激風物豈自殊櫻懷異容色嘉娛  
亦屢遂在職本有役往者泳斯流三嘆情已極  
卓山詩集 卷十三 三十稟書樓  
潛鱗汨其泥驚羽競急翼物各任自然因心澹  
寥閒舊遊瞬歲月崇賞不可數

晚春邊望

望春春不極塞柳亦成行草綠連甌脫花紅傍  
戰場明妃容易怨蘓武未還鄉多少鳴箏婦含  
顰譜未央

暮春送所親入關因成二首

離絃已盡奏極望滄河山恒嶽橫遮塞渾流暗  
度關馬迎歸雁去春對暮雲還細礫明馳路驚

沙又慘顏

祖席臨芳草郵亭帶夕暉文通能更別張翰不  
同歸獨樹迷雲小長城挂漢微春風猶昨日渺  
渺隔

皇畿

過延慶州因貽陳三孝昇使君

一郡挂邊城東環右北平星文猶柝木風俗迥  
神京吏事驅蝗急材官射虎輕使君新治理耕  
鑿信生成

卓山詩集

卷三

五 三十 藥書樓

薊門行

薊門屹盤天所開護龍踞虎爭徘徊白狼九月  
急飛雪苦寒不襲軒轅臺谷深崖巘猩狖絕熊  
羆晝護青崔嵬巖然邊頭一犄角危旌拂雲辨  
城郭廣漠東趨注塹濠黃花北鎮撐寥廓三河  
平谷蜿蜒間冷陁盧龍合聯絡腐儒曾懷苦齷  
齷肩背何人語單薄跡同事異不可求漁陽羯  
鼓橫清秋嗚呼在德不在險古今磐石思神州

入田盤道中

役車何彭彭卻入盤阜幽石路嚙齒齒澗泉聒  
啾啾紅蘿委在地靈曜迫已秋攀雲度危梁接  
隼升古邛馬首若有遇青猿遮我留翻然稟王  
事愜此林壑遊離宮湧地現梵宇當天浮營構  
內府異邈茲人世儔鬱蒸雲嵐采錯雜金碧流  
眇迷目屢極絢麗莫竟收勞人古風謠孰以謳  
道周蓬閭實咫尺景行自瀛洲邁征有定分脂  
轄矧所投三歎語徒旅毋爲歌阻脩

登東西盤

卓山詩集

卷三

六

三十 藥書樓

扈從耿不遂于役澹有適山靈慰見招顧僕命  
遊策憑陵繡級墜縋鑿裡崖關灣環層峽黝豁  
耀幽谷白趨踰履天門懽喜度佛國倒披萬松  
偃震駭羣石擊鑑空澈潭泉膏沐膩嶼壁咀誦  
有無音佛光滅明色獨恐靈氣中金僊臨絕跡  
冰雪生中懷四顧情已極西躡衛公臺東尋子  
春宅景斯嚴巒地復此英豪碩三邊轉危望四  
正中扼塞勢分崑崙背氣壓太行脊窮窺大荒  
盡收視分野逼猛獸蟄爪牙幽禽散翎翮中原



形勝地熙盛莽游陟俛仰高深間騁懷念疇昔

晨陟東西甘澗

薄遊結攬盡申且復有期轉曲遵墜梁澗泉折  
清漪東盤欽餘靄西陸流瞰曦旭彩迥復寒孤  
雲出無時迴觀夜來峯娟淨美可持鼓鐘數花  
龕縱步情屢移蹇裳零露振袂揚清颺寥閨  
萬籟空松聲起參差晚窺人天奧中累物已私  
崇賞意不極興言賦歌詩

盤山偃松歌

卓山詩集 卷三

三十七葉書樓

盤山松株插如棘流傳或自仙人植山空石亂  
走靈氣罅縫迸根驅霹靂蟄龍初驚懶無力壓  
頂卷柯半依石左幹右排僵且立每欲持扶嗟  
未得拂水拏雲復有情停鸞集鳳翻何極天冥  
徑合無人知側身倒弄青瓊枝迴觀直聳支離  
勢縱覽必具安排資神丁斲山不盡巧屈綳鐵  
幹騰螭姿融精往往孕石脈飛蓋隱隱環金支  
應迴翠葆集駢駟問道崆峒緬可期

小憩天成寺

杖策疲登矯招提賞靜便懶成香奩夢空見竺

乾天細瀨穿檐入飛崖架屋懸迴瞻

仙蹕地

藻翰列星躔

恭讀 御  
題丹刻

登戚少保凌雲臺

旌旆何時卷鏡歌昨夜哀風雲瞻大將東北有  
高臺近塞閒烽燧遺勳溯草萊誰能擲錐穎一  
問古邊才

過千相寺

卓山詩集

卷三

本

三十葉書樓

松泉澹相會一逕入青蘿石路少人跡山門吾  
獨過老僧禪味古佛相翠痕多已傍離宮近鐘  
聲徹太和

返途至感化寺贈本臻上人

攀扶紫蓋極紺繡俯晴原一剎開平敞千峰擁  
翠屯返塗催暮景初地總閒門眼界紛羣有逢  
僧欲細論

宿田家峪農家

峪古田郎地秋荒野老家茆茨綠蔓棘桑戶綴

懸仄晚日邀還犢浮雲駐使車粉榆鄉土習偷  
眼屬塵沙

燕郊

舊市無屠狗平原已射鵰人情輕慷慨風物逼  
蕭條斷柳孤笳急清霜一騎驕當壚逢趙女莫  
是古燒饒

通州野望

朱霞一抹望丹樓轂擊肩摩是此州海國魚鹽  
腥落日吳天粳稻集深秋田廬遠近連郊甸渚

卓山詩集

卷三

九

三十稷書樓

漢分明上斗牛機杼聲中黃葉暮斷烟寒火自  
汀洲

雨中

峭風驅雨鮑邛城白雁迷雲已復驚一氣慘淒  
秋正老數峯明晦霧旋生不違晚節黃花淡無  
那亭皋木葉聲古驛斷橋人不到杖頭沽酒絕  
須傾

自薊門直赴清河鎮于役

山水紆銜軫塵泥促簡書雁衝寒雨斷天映夕

陽虛原野秋先入筋骸老未疎逡巡猶  
輦路叱馭較何如

九日清河

野館郊圻外佳辰旅食邊黃花疎綴岸白鳥靜  
浮川象闕崇丹極龍巖下玉泉登高應有賦未  
共子虛傳

清河晤趙三主事開元同年

牢落京塵路逢迎舊雨羣幾人生聚集瀕老惜  
殷勤繫馬垂楊寺吟詩枉渚雲傾懷無任著黃

卓山詩集

卷三

十

三十稷書樓

葉正紛紛

望玉泉諸山

鳳閣迴翔地鼇峯縹緲間駐雲猶五色望極卽  
三山夙昔隨珂珮高深實躋攀還看陪

輦處舊碧點衣斑

夕雨

浙浙復瀟瀟因風入夜驕寒蛩悲獨語落木定  
還飄欹枕增跼踖聞雞警寂寥不眠憂道路泥  
濘怯崇朝時方脩除道之役

昌平州

一曲孤城數舊州十三陵口翠雲收高原馬踏  
殘陽影戰地人耕亂石洲龍虎荒臺雄北阻鴛  
鴦瀦水合東流衣冠月出何年事闕殿空山記  
昔遊

劉蕢廟

風送迎神曲還如弔汨羅直詞傷自昔有美信  
如何落日歸魂遠浮雲屬望多至今懷薦藻不  
敢艷登科

卓山詩集 一卷三

主 三十稟書樓

遣愁

遣愁無地更愁生古岸荒墟看月明叢蔣易來  
新雁影空林時有候蟲聲疲人結束形骸苦觸  
緒星霜夢寐驚一任詩心與秋色百壺遮莫酒  
須傾

李四

嘉經

自宣化枉顧兼携籠鳥圖索詩

朔風擁黃埃陽烏晦西匿李公騎馬來脚跨陰  
山積陰山多雨雪百鳥戢羽翮戢翮猶可飛樊  
籠永棲息凍雀望紇干鸚鵡思南國君茲在羅

網相顧一悽惻脫手出新圖托感良已極丹鳳  
羈其笱意豈鷦鷯識孔雀戾赤霄更被鷹鷂擊  
浩蕩乾坤遊飛潛自爲適脫子青兕裘解子黃  
金勒下馬入廣筵商歌爲君激左手操朱絃右  
手秉柯笛雌雄一合奏嶰谷起靈翼

過懷安故城

老覺能騎馬飛騰日自驕山林隨處集風土半  
無聊曲畧三家市驚湍獨石橋瞑途逢折坂愁  
絕對礁嶢

卓山詩集 一卷三

主 三十稟書樓

懷來縣逢故鄉親舊

故舊猶新識追尋屬使車見人驚老大爲宦費  
年華鹿邑春常晚狼山日又斜持攜一樽酒斟  
酌注流霞

春鐙

太乙存遺俗鐙官蒞上元邊方猶節物衰疾起  
清尊城市先春色樓臺護月痕竹宮遙得似祝  
獻夜深繁

村賽

社鼓聲聲急春旂族族隨但令懽父老莫厭走  
童兒塞俗耕犁苦荒祠土穀遺遮留爭駐馬一  
聆竹枝詞

見新柳

一株初裊娜十五女兒腰物態尋常見春風合  
杏驕芳菲曾幾日折贈又今朝莫惜歌金縷年  
年思六橋

暘暑

暘暑今年異無因蔭一枝高雲尋萬變蒸雨不  
卓山詩集 卷三 三十稟書樓  
移時大磧方驅馬南薰欲賦詩胼胝及軒冕流  
汗各勞疲

遙哭八從弟 家馨

天南地北此衰門寒食松楸不可捫羈旅暮齡  
傷季父窮邊老淚哭諸昆彭殤淵跼誠難問遏  
末封胡莫更論日暮鵲鴿原上望斷猿孤鶴爲  
招魂

晨征

半月低徊影猶隨斷角生凌霜悲廣路嚴駕事

晨征斷柳排風立明河接霧傾陣鴉還底急馬  
首亂縱橫

飲邵將軍 承謙 軍府

盍簪真弗忝勸送酒如澠座客惟山簡將軍本  
邵陵劍輪龍天矯書鬪鶻騫騰不數封侯目清  
時著遠稱 時出觀古劍 并擘稟書

卓山詩集 卷三 三十稟書樓

卓山詩集卷十三 終

卓山詩集卷十四

奉新帥家相伯子甫著

哭內子鄒宜人五十二韻

老淚搵不乾窮荒夜飛雪他年鹿門侶中道頓  
隕折一陽仲冬交事變有倉卒北風厲元冥吹  
汝魂斷絕窈窕南國姿芳華遂凋歇上谷踰中  
原黑水深蕩涌汝生念樂土顧我在衰荅爲我  
賦頭皮爲我羞捫舌箴言日在耳作計苦不決  
悼痛乃及茲蓬蒿返無術慘澹陰山雲淒迷紫

卓山詩集

卷十四

三十集書樓

臺月生違孟光髻死憾明妃骨誰實使之然沈

憂不能述念昔歌屢屢贈卿固騷屑

余昔在京師寄有贈

婦糠粃無充腸甘旨不得闕歸來衡門下我母

亦哽咽象服已復膺親操無改轍蘋蘩主中宮

綺釜又齊潔生應宜冢婦死得耐先穴汝魂詎

飛揚汝魄毋墜沒汝往從尊章黃泉下娛悅亡

者日以安存者但苟活僮婢失依從衣裳倒陳

列驕兒繞我膝已是脚不韞癡女牽余裾霑濡

淚皆血大男隔鄉縣綵服在縗絰昨到一行書

殷勤問安吉於時屬侘傺汝念百不割淚落如  
連珠已示將離玦皇天何不仁人命輕蝶夢壽  
無金石固轉瞬異存歿緊我值途窮邊霜變鬢  
髮雖騎脫韁馬莫趣追風彼兩脚走蹢躅誰爲  
慎顛躓老我不如人文鶩亦云別往者行負薪  
十年困圭筆大布爲單襦鸞裙稍葢鄰晨炊汲  
井華綆短銅瓶缺素手引春冰戰凍欲龜裂背  
郎取手中掩蔽弄瑤瑟郎有萬里心無爲傷裡  
褐脫妾幼時璫爲郎購細帙置妾嫁時釵爲郎

卓山詩集

卷十四

三十集書樓

市珍核郎飢妾亦飢郎渴妾亦渴恐懼郎盛顏

憂虞郎疾疾同心三十載舉動膠與漆鬼伯相

催呼形神逝奄忽布地求椒漿爲卿夜陳醢孤

鐙耿青燐總帳起窳窳髣髴無音容翩跹彼何

物吾聞九幽下長有淚不滅一慟終茫茫人間

萬緣畢

明月入牀下三篇

明月入牀下羅帷如有人誰歌素娥曲不是隔

年春

明月入牀下徘徊夜未央他時機杼聲夜夜徹  
晨霜

明月入牀下孤光生獨警侍婢拾遺鈿時時橫  
淚影

無題四截句

上窮碧落下齋淪地老天荒悵此身千古英雄  
兒女淚至今遺恨李夫人

姊歸山頭玉女砧怨入薜蘿日夜深至竟根爲  
斷腸草一生虛對海棠吟

卓山詩集 卷四 三十稟書樓

飛來燕子落天涯門掩棠梨改謝家鵲血祇應  
寒食盡那堪重漬蔦蘿花

山陽笛聲秋已悲竹淚斑斑溢楚詞端合靈均  
憔悴死遭逢渾感悼亡詩

得十從弟 齏 凶耗

汝兄櫻痼疾汝復棄人間消息兼疑信精魂絕  
往還一哀憐薄祚萬里哭顏顏地下逢耶嫂知  
余涕血斑

感春二首

芳草遺情綠萋萋只自生無花經上已有淚對  
清明攬鏡懽笑屬聞鶉夢未成巫山峯十二處  
處起猿聲

騎省傷神夕思王賦洛年感深連蛺蝶人靜委  
鞦韆玉漏煩相報金猊寂不燃湘妃江上瑟撫  
盡十三絃

遙寄姚二泰安使君

君今爲郡伯好去作詩人泰岱臨公案徂徠訪  
逸民關情煩筆札問訊各清貧爲語黃丞相聲

卓山詩集 卷四 三十稟書樓

名寄重臣

入南口

迴車紫塞陞馬首拂春枝山背渾都豁川臨夏  
口遲情深彌悵望心喜托遷移頭白班生意懷  
人更淚垂

驛途春雪輿中口號

飛雪一千里和春澹蕩來舊時隋氏塞遙集少  
卿臺人事從遷轉關河藉溯洄最憐深素裏紅  
綻數花開

京師經馬九員外舊館

平生無故舊斑白此經過不見題詩石空餘逝  
水波忽雷聞壞壁山鬼避深蘿少日京華事頻  
年入夢多

更憶流觴集吟詩老樹軒戶庭無灑掃花鳥缺  
溫存冷眼紛陳迹餘生溢淚痕遼東歸鶴在憔  
悴向誰論

三藐寺觀盆梅

綠萼垂將綻紅葩亦自開老知春事貴花爲俗

卓山詩集

卷五

五

三十藥書樓

情哀願共曇華供曾驚翠羽來憐君空外色長  
得傍香臺

懋宏恩寺

朱題銀榜絳雲間綵絡花旛白晝閒椎拂未容

參下乘袈裟如住古深山尋常法吟臨

仙仗咫尺行宮儼

聖顏幸藉蒲團資懋宿尚餘清夢忝鵷班

題潭柘禪林

九龍迴合如雲屯峽勢雙蹲佛耳門泉出上方

流地底寺開盤谷接天根纔依法座空羣有若  
到華嚴禮世尊虬柘鱗松蟠歲月梵鐘禪板佇  
晨昏

題寺後龍潭

盤雲趨鳥道離地俯龍潭派入雙林寂天隨一  
鏡涵空光微自徹禪味擬相參來往因吾適前  
心仗佛龕

花朝日驛館遣心

紅粧翠茁已知春獨館局深怨鳥頻窮巷雨聲

卓山詩集

卷五

六

三十藥書樓

猶到夢舊時苔色解撩人百年事往休回首一  
月花繁最愴神牽率愁懷無住著更誰藉在老

夫身

漕河過慈航寺逢明然上人卻贈二首

寺門流水逼滄浪石板橋西卽上方直傍塵途  
開覺路偶紆勞輟到慈航人稀白鳥窺經案樹  
密清風掃石牀此地卻逢僧慧遠謝公心跡恐  
相妨

年來五蘊纏煩惱老去三生問涅槃可合天花

如意舞只宜金粟與愁寬思空色界無時徹眼  
倦楞嚴嬾復看聞說支公有真偈邨因息念向  
蒲團

次安平縣界

川塗隨遠近宦轍各驅乘地本依恒麓城今指  
博陵勻泉馴宿鷺淺草罷呼鷹笑絕龍荒客他  
時得未曾

燕萋春望二首

轉戰何年地風塵亦可嗟時熙芳草木郡古逼

卓山詩集 一卷古 七 三十稟書樓

烟霞問俗殷原撫逢春羨物華日來亭上坐不  
礙聽清笳

蕩蕩滹沱水南趨去不迴古人時共往春日我  
能來嬾漫看花眼崢嶸避樹才燕萋暮客色望  
遠接蒿萊

聞兒子 煥 奔迎內子靈櫬已抵深州時余

以事滯保陽

憂能傷人老可畏垂白馳驅百憂萃迅風吹雨  
決驚湖零亂諸雛亦顛墜傷心萬里哭慈闈眼

中盼煞靈椿枝百年離會已不料玉棺况隔邊  
雲陞杜鵑號春月正暝魯戈不挽悲泉景繫人  
情事百弗屏黃梁一炊天地醒孤兒匍匐忍遂  
見長夜綿漫吾更警荀神孫服安足云出入苦  
愁空實真眼荒足繭路岐子巫峽啼猿莫遣聞  
西園檢點畢觸緒寫心三首

蹤跡移官喜平生近日心憇餘成宿尚興極擁  
脩林捲幔歸巢燕疏泉浴沼禽未應辭免俗枕  
石自華襟

卓山詩集 一卷古 八 三十稟書樓

更闢南軒敞娛人萬里情地靈開下博天遠接  
東瀛風物多懷古登臨信此生援琴寫情曠孤  
賞到無聲

任運隨羣物緣情復老夫晚芳連雨重涼月傍  
雲孤人等因時有名心入道無西園營葺罷宴  
坐自庭隅

開元寺

寺古唐名額碑荒佛歲年曲環流水靜高傍女  
牆懸響徹諸天唄香生淨土蓮劫灰能不燬只



此證逃禪

題開元寺水亭二絕句

漣淪倒演逼虛空  
柳碧花光不可窮  
爭席便應偕野老  
著巾猶欲狎山公

孤亭兀立水中央  
水勢廻環合渺茫  
相問美人無近遠  
隔花遥擬弄沙棠

西園晨步

籬落因風悄  
藤蘿滴露深  
半亭參曲折  
高興得披尋  
旭日迎雙羽  
新秋在一林  
閒懷到疎豁  
杖

卓山詩集

卷十四

九 三十棄書樓

履只無心

北樓夕望

草際見星光  
微茫地有霜  
斷雲屯北郭  
缺月上西牆  
天海情何寄  
登臨鬢已蒼  
夜闌疎玉漏  
知爲一人長

歲暮禱成三首

屋角流飈急  
亂鴉清池水  
淺起冰花舊  
來心事陳風景  
老盡年華與鬢華

已過迎長臘  
雪來桃符爆竹又相催  
羣生遲暮

各含意指數  
盆梅開未開

白翎雀子護深籠  
曾共天山伴  
挂弓乘興出門無遠近  
男兒生是可憐蟲

花前二絕句

有序

首章七齡時  
什也髫髻之年  
便思解語  
今茲垂白轉益傷  
春來日大難  
百年不滿續  
綴一章以誌情種

年年櫻桃花  
時時開且落  
昨日非今日  
有酒花前酌

卓山詩集

卷十四

十 三十棄書樓

花如儂善愁  
儂似花多惹  
憶煞花娉婷  
拚却儂顚顚

送陳三使君弟

孝昇

移守潮州

居庸關頭兩州牧  
走馬烏桓日相逐  
挂眼燕然大石碑  
指揮直薄天山麓  
北風捲沙天爲冥  
柳條隔春不得青  
桑乾水深波無極  
欲渡未渡愁娉婷  
琬弓羽箭各在手  
焉知佩刃非青萍  
君年三十盛結束  
我老鬚眉還局促  
耐可同傷峴首雲  
寧能自枉荆山玉  
丈夫老大志亦醉博陵我

已驅車游感恩意氣若電騁別君三嘆開驊騮  
驂騮嘶風去如掃逢君更踏靈山道潮陽緊望  
兼雄言麗城保疆溪水枯高浪息鳳  
岑瘴凌青春早織蕉十尺買兼金荔枝五月輸  
甜棗番回飛舶走珍珠南郡流傳濫多寶使君  
襪被腰銀章十年寶劍猶生光握蘭藉蕙去南  
國尉陀臺下塵蒼茫眼中羣兒那忍顧撞鐘一  
拜文公堂祖君河梁奉君觴願君一酌瓊瑤漿  
平生與汝都昂藏

卓山詩集

卷四

上

三十築書樓

中夜歎

三更落月懸高柳倒射飛星入牕牖枕上疑聞  
閨蟻聲案頭瞥見驚鼷走欲眠不眠人柰何白  
頭舊夢皆蹉跎平明北走邯鄲道萬一黃梁熟  
未多

春月

春月無愁思金波暈翠痕管絃方入夜桃李又  
開樽光抱紅樓靜清違紺髮捫流蘓餽不隔腸  
斷起嬋媛

藥根上人邀同金太守文淳登高芬閣  
嬾漫成拘礙栖遲得小娛前身靈運似同日道  
林俱爽藉虛亭豁清餘獨鶴呼未妨偕五馬相  
屬證三塗

庭前丁香

素艷幽人覺繁枝恨客宜小牕留夢永重戶殿  
春遲莫訝芳香晚重教幹柎移荒庭大岑寂賴  
汝結清期

上巳日集醺西園

卓山詩集

卷四

上

三十築書樓

老嬾嬉春春已過黃鸝紫燕盡蹉跎柳塘絮亂  
漫天舞花塢香沉覆地多轉眼風光臨上已到  
頭煙景屬林阿百年幾許湯休暇莫厭當筵金  
巨羅

小雨

小雨暗城郭因風澹渺茫雲陰生戶牖潤氣逼  
冠裳獨坐清人事忘機到故鄉花紅如更拭春  
滿讀書堂

雨後

重幙開深翳驚風散晚愁鳩聲違伏枕花事急  
登樓屈蠅初舒蚓浮沉有汎鷗兒童歌嘯起躡  
屐信淹留

雨晴出郭

墟落白雲隈村村布穀催斷虹垂地飲浮綠醪  
空迴農事關心候川涂悵望開褰帷能每出不  
厭滑莓苔

侯大使君克岐同年至

晚歲親知繫念頻相逢轉益問風塵百年未枉

卓山詩集

卷十四

三十三  
三十稟書樓

窮愁骨萬里空歸薄宦身宮樹對棲金翡翠障  
泥交惜紫騮麟君復有凌雲賦老大終思獻

王宸

遠聞二弟疾起有寄

鵲鳴鳴急使君灘鴻雁龕傳問訊安狂喜且娛  
疎藥餌深愁終計累饑寒休虞白髮頻搔首未  
有紅顏乞授丹兄弟暮齡無更囑相親相藉亟  
加餐

春行卽事六首

小駟遵春往懸旂樹羽微爭看童穉喜合遣皂  
輿希地僻宜風俗民勞絕是非家家祠土穀薄  
暮醉能歸

舊地漳衡北流傳古戰場一軍趨下博諸道困  
饒陽歲月連烽燧風塵復囿疆瘡痍如在眼憑  
弔矚蒼茫

接木移桃盛綠車織素宜筐筐能入貢機杼不  
違時酒醴懷攸獻租庸命有司鵠鵲啼兩足歌  
吹族青旗

卓山詩集

卷十四

十四

三十稟書樓

老農明職業瘠土貴沮洳未解趨城府猶聞議  
積儲夕炊連比舍斜日見深墟窮巷歸犁晚初  
停事荷耒

飲犢爭餘漚驅雞上矮檐小人誠瑣屑作計本  
微纖慎莫滋根莠無傷治米鹽逢迎諸父老拚  
手自康恬

翳翳桑柘日藹藹棟榆風吟陌周流裏  
朝廷注屬中此疆猶采甸所至問疲癯明日詠  
龍見相期祝歲豐

短歌行贈曹二十二 廣先

高門閱闥青油戟華佩朱彩紛赫奕君家伯仲  
倜儻俱上書

彤庭駟馬驅五色雲輝燦花筆九衢日逐翔風  
駒君也低垂不一顧短衣匹馬漁陽路名士爭  
開射鴨堂窮愁自遣饑鷹賦通泉未就寶劍篇  
矮屋無櫻長官怒可憐相如入粟時那不明廷  
請掌故青萍刈禾驥在羈美人娟娟湘水湄英  
雄誕漫每如此簡兮萬舞何參差上堂爲君置  
卓山詩集 卷十四 五 三十稟書樓

送吳冀州 克明 乞還山東效蘓長公

青疇雨足新稻肥老農夜驅黃犢歸東家酒熟  
頻得喫醉來便枕橫江磯今年畿南毒熱甚冠  
帶不得披絺衣故鄉非遙夢可到一覺未穩傳  
驂驂曉排官吏坐烈日夜擁文案煩鐙輝上官  
嚴檄每旦至父老牒訴無時希雖勞職事竟何

補如馬在坂魚在鑊使君何來搗我屏方袍自  
換衣朱紱如規大扇握在手一拂響動妃呼稀  
使我肝腸滌冰雪頓教景物移芳菲人生出處  
信有道君也白首神知幾

朝廷方優予賜禮富貴自繫身名轡正藉嬉娛  
廣恩澤卽勞耕鑿成因依清沂之泉出靈醴徂  
徠之山橫翠微山之阿水之埒白鹿夾駟茅龍  
飛百年高蹈不早計何處山川問是非

廢院

卓山詩集 卷十四 五 三十稟書樓  
廢院趙趙入空門浩劫拋撲人雙蝙蝠冒戶一  
蟪蛄弟子無傳鉢袈裟思刈茅滄桑同世法莫  
更問經鏡

懷甘五車駕 禾 久住南中

十年不見問林阿公子淹留繫薜蘿人壽幾何  
堪爾別山川猶是感懷多天低倒接無邊樹地  
濶平吞有盡波盱絕故人雙望眼莫教身事太  
蹉跎

涿州馮相國故墅奉同曹通政 秀先 作

督亢陂南古明月不照繁華照衰歇井欄梧桐  
三百樹疎枝密葉吟秋絕相公始卜午橋莊連  
雲盛開綠野堂輦山蓬萊咫尺現決水翠海源  
流長高深一時異氣象洞壑萬古留青蒼綠楊  
道旁人繫馬頽垣却出彤亭下白頭園丁收落  
花淒涼萬事寧堪把高岸爲谷谷爲陵景陽夜  
墮鴛鴦瓦我來對酒臨風斜山公登筵重悵嗟  
故人相聚亦偶爾况乃門巷烏衣家胡梁奔流  
急如注燕臺落日昏黃霧西州門頭罷慟哭北

卓山詩集

卷四

七

三十棄書樓

遲暮

陪增觀察福周郡伯元理攜同藥根上人

蓮花池夜集

池深夜涼閒所至聞空香休沐在一時及此明  
月光明月寡長滿清荷有時芳忝從諸公後引  
領鄉澤旁碧甯持作杯浮蟻泛我觴叢木聚  
蔭草蟲發清商已欣百累釋不醉紅襦裳座中  
得緇流元契有所將名言問尊竿喧寂正兩忘

儘綠逸邁興諦入無何鄉敢希任達蹤嘉會屢  
不常零露下霄漢白鶴佇已翔

臬長裴公

宗錫

橫琴唳鶴圖二首

真人軼羣象感物惟自然朝蔭青松枝夕翫華  
池蓮華池漾澄浸素月皓已圓寥閬空山心迥  
絕大小絃揮之有餘清橫之若忘筌停響歸淡  
泊高雲起連蜷灑露方自茲鶴唳聞九天  
大音本希聲至籟非一端所調在元化感動鏘  
鳳鸞白鶴齊羽儀和鳴戛琅玕中宵罷逸奏河  
漢湛且寒靜息趨一候因心信爲安淵聆極幼  
眇曠屬不可殫啁嘶百蟲語末調焉得干

卓山詩集

卷四

六

三十棄書樓

同藥上人憩宛虹亭

白鶴清已唳暮蟬疎復同孤亭坐蕭散相對一  
僧空

飯藥公十誦禪房同汪編脩

師韓

金太守

文淳

諸公分成得念字

綺食厭葷羶時思野人餌已公賞我趣飲啖得  
親近嘉侶無獻酬伊蒲襲芳蕡粥鼓初一鳴齋

堂落眞韻平生任飲啄腐鼠失爭忿玉版庶可  
參爲公發禪問

夜雨

凍雨如鳴杵時時入夜來驚心全少睡流響若  
爲哀漏永寒無籟鐙深暈不開天公遣愁寂隨  
意坐徘徊

題宋三司馬英玉家園四圖

草閣茅亭不記年松根石上枕書眠畫圖省識  
蒼髯叟狼藉東山舊簡編雙松書屋

卓山詩集 卷十四 九 三十稜書樓

廣平先生江海心紗帽緋魚問故林高桐十丈  
竹千箇澹入天機不可尋翠竹碧梧

君家文恪舊祠堂迴合滄波接派長只擬新圖  
尋逸棹使君舟楫自中央山塘春棹

聞道靈岑本叢山百年繫念石湖間飛來一片  
家山月露冷霜清夢往還石湖秋月

黃公行贈黃五琛時爲余繪入關圖見貽

杜老騎驢逐殘炙昨日故人今不識黃公猶自  
走京華傲岸紅埃一千尺自誇豪翰有逸氣少

年動草陳琳檄二三時髦偶倒屣什百羣兒悲  
接跡今年十月爲我來老顙共捋雙瞳開平蕪  
泚隨秋色盡瘦日慘射恒雲回如游萬里飛將  
幕轉憶十載單于臺撫時感舊傷百折黃公心  
眼生激烈知君奇概無古今爲予把袂呼癡絕  
偉哉黃公眞我徒平生共有眞頭顱屢貌鬚眉  
在行路只今爲作老夫圖

奉和制府方公晨雪發易州二首

浩蕩芳圻雪虛明澹百喧朗然玉山道曠絕梅  
卓山詩集 卷十四 三 三十稜書樓

華村夙駕環清照晨旌淫綺痕遮迎諸父老幽  
吹日應繁

按部珠耶郡行轅肅不喧凜同冰雪意瑞應黍  
稌村曉色雲千里天光玉一痕川涂紛麗景葱  
鬱此中繁

又和答賓僚一首

謝公吟更續清響振羣喧會憶梁園夕人游灞  
上村品題珠有價拂拭玉無痕共語鄒枚侶春  
風幾座繁

制軍走筆索余客黃珠畫次韻二首

竭來粉本愛黃筌爲寫籬葩出世妍  
僕射詩懷秋更遠蜀牋飛落浣溪邊

黃君心跡任虛舟除却休文便罕儔  
三絕署來今絕倒此生不枉鄭台州

明錢穀梅竹水仙蘭花墨本制軍方公繪

像卷尾屬題

晏歲空山姿凝香入豪素篋管一千箇  
葉葉迎芬露初佩騷家流凌波列仙度  
都歸畫史妙自

卓山詩集

卷古

三

三十稟書樓

寫優游趣香色惟寂寥無人自抒吐  
銜霜不惜晚疎節動流顙采擷必清真  
風塵有遲暮遂令載筆徒休容繪閑步  
古綠叢華間儵然見巾屨至人淵賞心  
道德與天遇古圖如古人跡象可神溯  
汎愛茲目前丹鉛異新故

凌雲

渚蓮圖寫照題贈短篇

曠涉歸寡營任天脫拘束平生志浩蕩  
頗憶清湘曲湘江多蒨菹早瀨流清馥  
宛彼西方人相期澹幽獨十年絆塵紲  
走馬恒山麓北地多凄

風草卉暮不綠夏氣始和柔秋飈已悲肅  
衣冠事簿領鞅掌相局促豈知風塵外別有清虛屬  
意遐生遙情景觸紆極目逢君圖畫境足跣巾  
不幅荷香入涼夢披曉坐清旭初君跨鞍馬亦  
傍烏丸宿同我踏燕然彎弧決鳴鏃拂衣歛不  
顧澄慮遂濠濮乃知君子心神詣著高躅世界  
青蓮華伊人但無欲何能竟擺落共子編荷屋  
經涑水縣禱成三絕句

嫩日柔風又一時逡巡拒馬古河湄  
騎來白鼻

卓山詩集

卷古

三

三十稟書樓

嘶香急老眼看春總未知

土垣隤雉閱遷移古柳浮根倒著枝  
彌望麴塵波似酒殷勤藉醕祖生祠

尙書風烈耿于斯強項猶傳峴首碑  
欲共西州齊一哭廿年親從髻成絲  
縣爲鄉先達尙書故治

聽歌兒奏玉茗堂舊曲二首

一曲金柅幼婦辭前身應恐誤情癡  
聽臨姹紫嫣紅外鐵石心腸斌媚姿

伊蘭畹外參文字甄女歌中被管絃  
迎葉小兒

同舞戲合宜紫柏諦真禪湯有金祝閣及會參紫柏禪師

七從弟駿甫來深郡卽送之京師

相逢旋更別祖帳有餘情芳草無窮綠春風只自生艱難從仗策容易促登程白馬黃金轡騎君度鳳城

園

小園虛自闕徑路僻逾長暗水滋華圃深桃壓苑牆掃除身共偃出處道無妨合藉東山屐飄飄試荔裳

卓山詩集 卷十四 三十 乘書樓

官閣二首

官閣雖多冗浮區日自陳清虛容望眼倚賴獨閒身鼠穴通幽夢鷗儔憶比隣白頭情未減終日坐垂紳  
幽意亦時集林園信起予緒經饒益靜攤飯不嫌疎密篠交風亂高榆蔭日虛烟霞隨地擁疎散到樵漁

登城

高城寄所攀暮景正相關落日與天盡孤禽掠

面還風塵紛節鎮控制自河山溯古茫茫地登臨一慘顏

首夏

田田芰荷出纂纂棗花新茂樹遲經眼流鶯急喚人燕疑高閣冒蝶戀故階塵景物年年事推遷又此辰

微雨

麥秀宜蒸潤風疎自細微軒牕終日靜燕雀曉來稀密喜滋花塢清知度竹屏關心辭破塊不卓山詩集 卷十四 三十 乘書樓

礙卜披衣

書開元寺東堂

半剎邀徐步須彌一芥中堂深虛唄誦寺古覺宗風白足機緣渺黃金布施同緇塵隨值見空色梵王宮

夏夜

夜氣轉餘清蛙聲雜一城晚芳熏艾納細藻滑桃笙草露行猶溼星河坐更傾莫令千世務終夕晤浮生



端居

端居澹無賴朱夏得清娛瓦狗看兒戲金魚乞  
酒徒采香逢荳蔻汲水傍菰蒲世事觀空妄游  
方問長梧

爲藥上人索題江干送別圖

上人蓮華筏逕渡淮海秋風引行帆桂楫生  
夷猶亦有緇俗侶念之懷阻脩四海一行脚山  
川曠天游有情與無情世盼同其儔孰以無罣  
心乃緣淹蹇憂冥思畫圖外此意非象求空中  
卓山詩集 卷五 圭 三十稟書樓

苦雨

殷雷頻出地苦雨忽兼旬暗室防蛇鼠深林颯  
鬼神課虛人事罕臥病懶懷真更遣逢搖落低  
徊墊角巾

雨止見月

幾見當頭月今宵到座隅稍通涼漢白猶抱溼

雲孤隱現流空影淒清似故吾砌蟲吟未穩秋  
意滿菰蒲

哭弟英二首

沉痛無已時百年死無期奈何所同生奄忽方  
自茲生爲接翼鳥死與百草萎百草秋未零泣  
露華且滋胡然茁蘭蕙早歲逢倭遲白日一以  
逝景光亦西移異形同一身兄老弟未衰反覆  
迴存歿慟割心與脾泉下逢二人爲汝猶傷悲  
傷悲徹冥漠欲訴已無辭

卓山詩集

卷五

圭

三十稟書樓

緊汝屬彌留吾方役官府命駕瀕出門還車旋  
入戶情知當死別終久不復聚汝恐傷予心不  
忍言所苦汝病入膏肓汝憂煎肺腑旋歸永潛  
翳骨月委塵土彷彿無儀容悲懷及庭無哀哉  
兩訣絕一世生同孔魂魄無歸來飄風蕩無主  
近將指參辰追逐相終古

卓山詩集卷十四 終

卓山詩集卷十五

奉新帥家相伯子甫著

濟州守闡寄施三 純熙 馮七 可宗

沛水留連地王程亦繫維一舟膠岸淺獨聞注  
波遲魯酒孤揮盡齊謳臥聽時懷人逢滯著渺  
渺訊前期

姚二觀察集飲東齋舫舍

奏曲入齊謳相逢太白樓老豪能未減春色正  
無愁勸客鷗鷁竿開筵舫舳舻樹涼圍座密花

卓山詩集 卷五 一 三十 藥書樓

煖拂簾幽月淺光難定烟空澹不流當前渾寄  
暢憶昨忽成遊汶水南趨急燕雲北望收傾懷  
容十日晤面實三秋領郡行徂粵追歡在道周  
何人歌白紵莫忘是青邱燭炮膏應繼香銷篆  
更留郎官桃李夜司馬荻楓洲此會悲愉集平  
生磊落儔管絃終亦好觴咏倦還休不有高天  
問誰杼峴首憂暮顏如少壯江海任賡酬

方二 道禾 別垂十年歲丙戌聞自金陵來

上谷馳訪之行矣今年余移潯守走沛

上姚二觀察 立德 出所留松下長竿圖

摩挲老眼如見故人感舊傷離情移卷

軸輒成二絕兼呈姚公

拚却長干舊釣舟十年老我薊門遊松枝半蝕

綸絲落圖畫中間認黑頭 圖繪于四十年前方尚年少云

踪跡遲迴古汶河山川正耐別愁何相思一夜

秦淮水五粒松頭夢舊蓑

姚觀察屬題水月雙清圖時留沛上作十

日歡瀕行遂賦以塞別

卓山詩集 卷五 二 三十 藥書樓

任城古樓百尺孤倒演金波貯玉壺招手便來

狂李白雙清水月爲標圖

我逐平原十日遊棹歌起處切離憂青天更落

南溟月直上高樓溼早秋

南陽鎮待放閘成

東風吹柳綠一嗎一低徊樹杪懸湖水人家亞

碧隈茸茸雜花苗兩兩野鴛迴途路雖多壅閒

懷暢好開

舟行二首

建瓴崩峽勢注弩落輕舟越險安游衍憑舷悟  
宿留水花漂岸沒風柳弄絲柔著意憐春色尋  
芳又渡頭

天臨陰霽候舟泛疾徐中岫遠惟橫黛湖平不  
受風人烟收沆瀣魚鳥傍虛空勝絕江南景今  
年及轉蓬

泊泗亭

收帆依泗上地古大風歌猛士時皆有真王竟  
若何魚蝦喧近市鵝鴨亂清波亭城高春外疎  
卓山詩集 卷五 三 三十棄書樓  
烟一抹多

三月三日宿遷縣纜舟

烏帽憑花柳逡巡曲水溪春風蘭渚日細雨馬  
陵西楚國俗猶古湖天雲易低流觴不可御常  
幸醉如泥

黃河口

黃河不斷流汗漫起遲留濁浪迴天地浮槎近  
女牛告虔刑白馬度險識金甌浩浩思長策平  
生使客舟

舟行卽事

雙燕忽落春風微卸颿牽纜相因依小桃弄色  
殢殘雨細草接波搖夕暉幾度淮南作羈旅十  
年冀北當旋歸事殊時異看花眼蜂蝶無情尚  
惹衣

淮上尋程九茂昆季始聞下世已久感喟

成篇季名  
荀龍

羲和無停輪淮水日夜流垂老迫奄逝四海尋  
故儔十載燕山隅西浮引還舟載遵山陽道覽  
卓山詩集 卷五 四 三十棄書樓

物序屢周涉目桃李華摧折夷松楸咄嗟枚臯  
里衢術空悠悠未謂平生歡問訊歸山邨入門  
見荒宅輿僕皆白頭通家各嗣子遠適爲身謀  
燕泥落虛棟蛛網懸高樓圖史亦零落遺文竟  
奚求等身江都策氣每傾王侯投老謝干謁轉  
懷千載憂寧知葢棺後此物終貽留余昔趨臨  
卽長嘯天海秋君方事吟諷爲我賡相酬君季  
亦偉人橫劍視九州意氣相許與安知有浮休  
蹉跎累職役睽隔傷阻修倏忽遂今日人命輕

蚍蜉生死委定分百年瞬優游哀哉永訣絕念  
我方遠遊

蕪湖江口送七弟 駿別之巢邑

清江湛夷猶白日無蹉跎于邁各有適溯洄起  
高歌高歌亦如何會少離苦多相見踰十年相  
睽更江沱鳩茲望南譙宿霧紛林柯况我復西  
赴長帆走湘舸咫尺便萬里豈惟間山河黃鵠  
東西翔上與高雲摩男兒有職役未分栖巖阿  
少壯各異時所思駐羲娥汝登金庭山爲我窮  
卓山詩集 卷五 五 三十稟書樓  
嗟峨分手重分手流連激潏波

八里江

舊地瞻喬木經行改歲年魚龍憑窟宅吳楚隔  
風煙涉跡柴桑古浮槎渚漢懸不知湓浦月猶  
照舊隣舡

重至十八灘二首

宦跡如鴻跡時時感舊遊江光迷老眼風物傍  
鄉愁落日流飈聚空天碎雪浮黃公今更識辛  
苦自行舟

浩浩無時息徘徊廿載心風霆纏地古瀧石擁  
年深世路彌多險江山幾重尋沙鷗渾舊侶指  
點傲清潯

南康舟行

百丈爭懸溜逶迤十日行江光潌映影沙響亂  
河聲樓櫓無飛渡睥睨獨故城艣歌時復起辛  
苦又嚴程

度大庾嶺

畫劈萬古石蟻緣上青天風吹征衣遊子無  
卓山詩集 卷五 六 三十稟書樓  
歲年偃僂極九折聳身逐層巔南窺改氣候北  
顧迷空烟咫尺江廣異高歌起留連古來楊僕  
勲蓋世誇樓船垠嶸蝕鋒鏑從龍挺戈鋌至今  
樓櫓狀刻劃猶山川陵谷無變易功庸永鏤鐫  
咄哉聲施士必累時物遷稍稍林壑靜泠泠磬  
魚宣雲封出古寺高挹淨土蓮寒梅四五幹倒  
插崖壁堅摩挲淩冰骨倚拍羅浮肩庶幾香尉  
蹤證以南華禪王程日匆遽恐此復未然

嶺上謁張相國祠堂

羣峯壁屹走雲屯朱鳥南來峙一門合有祠堂  
依服領至今風度想開元倉皇警蹕言終驗興  
寄山川道每尊垂老哀君吟抗節夕陽人外奠  
芳樽

過彈子磯

孤艘撇飛翎迥入青烟中江水亂古綠蔚藍倒  
來空屋屨一千丈側落環深猗排根入地底直  
上不可窮盤紆控遠勢重若引滿弓予往求丹  
砂志願如葛洪移郡邇花石固娛心所從道路  
卓山詩集 卷五 七 三十稟書樓  
遲速間靈貺亦屢逢高空仰洞穴峻削連青穹  
得無資羽化合有飛仙蹤

觀音巖

南粵佳山川欣賞日有餘起伏如游龍結構常  
空虛茲巖轉秀特湧出青芙蕖大士垂瓔鬘玉  
女扶綺疏如見丈六身自在金僊廬吾聞維摩  
室照耀濁水渠復此青嶙峋紺綠襍卷舒有時  
落香霧入我鼻觀初心境兩殊絕卓哉此真如  
陳思別有愜清梵魚山魚

清遠峽

二禺風雨合帝子無時來下流不測江上插青  
崔嵬連山滙翠靄白日蕩已霾亭午倒景空江  
光湛然開靈氣自往復山精擁徘徊未知青冥  
內隱現軒轅臺不此問遺汞永爲賢哲咍艤舟  
逝南下落日歸猿哀

飛來寺

已傍炎渚遊空觀歷羣妙心疑蔥蘢外石樹擁  
奧突飛來古流傳鐘鼓發蒨峭曉風蕩流采白  
卓山詩集 卷五 八 三十稟書樓  
日入寒照卽微神功運頗極淵覽要暮齡趨百  
粵盡日殷肆眺瞥眼事已陳重遊逆難料終賡  
謝公詠一託孫生嘯

初食離支

乍擘綃衣薄初嘗舌本腴旃檀吾見佛姑射自  
來殊世事輕尤物江湖養病軀元津共含嚙真  
覺藉調扶

茉莉

弱植移南國繁枝愛夕陽靚粧憂老眼清夢入

蠻香越女簪新髻吳儂諗舊芳誰能罷惆悵生  
事又炎方

高峽行

端州城東高峽門端溪水接牂牁渾水流倒漚  
萬里勢山派互擁雙垠奔巉巖白蛻龍虎骨波  
浪黑浸芙蓉根青芙插天復界地蠻石塞空橫  
巖巖或如奇鬼紛相拏仰者如騫俯如墜巖底  
青花舊出奇巖頭錦駁常標異出隘猶封萬仞  
局烏亭挂在山腰寺交州刺史平南功山木盡  
卓山詩集 卷五 九 三十葉書樓

江漲行

蒼梧水深波浪黑南下封門猶氣色洶流況逢  
六月漲剽疾欲動三山宅我奉新符遵百粵插  
幟揚舠大炬赫篙師絳絕騁飛橈水怒風顛行  
弗得天吳掉尾翻漩渦盤盪捲入蛟涎白白日  
沉淪九疑暗連山簸蕩坤維坼平生叱馭有奇

槩到此憂惶殷動魄懷恩未敢卻臨深禱祀惟  
思效投壁白屋纍纍吞巨浸哀鴻慘慘吟中澤  
雖非吾土猶心惻安得陽侯訴黔赤高岸維舟  
不得力回頭側墜三千尺人生性命輕捐擲

後江漲行

昨日江流一篙足今日高漲三丈餘南紀自來  
憂澤國西江幾處無民廬我舟欹側抵死上卻  
入中流橫奔放蒲帆遠前已旋却篙檣無施亂  
趨向長年絕叫捩舵迴觸岸驚雷轉相傍北兒  
卓山詩集 卷五 十 三十葉書樓

宿榕塘墟

維舟乃無地落日榕塘墟風水人煙市龍蛇大  
澤居蛙聲隣杵靜螢火夜鐙虛復此爭塗客朝  
朝屬尾閭

舟雨

舟雨來常急蒲帆下每遲乍靈炎瘴重極望楚

天垂落日神靈集空山鳥獸疑客心移勇退辛  
苦誓前期

舟出封峽已入西境卻成短篇

超忽蒼梧陽留連交廣會東西各地氣門戶茲  
封隘畫開兩崖豁擁立重垠大勢極蟠穹閭形  
尊表襟帶雲迎鬱林秀水合三江潰亭障無分  
疆舟航通一閤熙朝一海宇流土環中外徭苗  
盡地著風俗同闡閭使者漢威儀官箴古師帥  
不才謬分遣夙負憂祿職地邇迫形神恩深極

卓山詩集

卷五

七

三十棄書樓

漲退二首

漸殺碎旬勢輕濤綺縠紋淹淫人事慰歌嘯夜  
中聞屋角臨漁網汀洲聚鷺羣蕩舟徐自引藻  
荇觸紛紜

夙昔憂青隄今朝出水村高城添峻影立石起  
孤根漂汨寧天意生成寄厚坤終須與田叟繫  
纜老繩門

梧江晚行

桂水清何綺潯流黝入江亂山圍落月獨夜急  
飛艘密箐深防虎孤村遠吠厖蜺舡紛暮火蠻  
俗見茲邦

繫龍洲

龍跡何年繫神靈奠一邱泮祠微氣力梧野互  
春秋古廟鴉羣語叢皋桂樹留天隅饒異境風  
水任扁舟

過藤縣

卓山詩集 卷五 七 三十棄書樓  
水下繡江灣孤城亂石間珠邱迷大野玉局對  
空山老樹青烟澹漁舟白日閒寂寥懷古意一  
棹寄顏顏

上古雍灘

邪許趨羣力回颺怯半篷驚濤江海外斷石有  
無中操縱憑舟子生全問化工茲行誇利涉恐  
懼與時同

題漢壽亭侯印摹幀子

春秋大義薄天雲遺篆斑爛炳赤文詔爵自頒

炎獻帝書官同日漢將軍生從蜀主無封秩死  
絕吳儂亦殉君千古流傳多謬悞只應無命怨  
三分世俗流傳多不經語當日曹本漢相公安  
公爲漢純心昭烈固深知之  
矣又建安初曹操爲費亭侯

謁漢壽亭侯廟

蜀相祠堂老柏林亭侯廟下白雲深三分已屈  
扶炎志五丈同悲殉漢心討賊未容湮大義吞  
吳不轉恨來今天王慘澹靈旗動何處荆襄問  
碧潯

卓山詩集

卷五

三

三十集書樓

登潯城郡樓二首

新乞

皇恩典領輕官閒日日坐縱橫山光倒引來公  
案水勢雙流下郡城龍戶幾家儕土著狼人相  
習備屯兵榕雲蜃雨安吾事快閣江天自眼明  
又

萬家烟火與天通不道孤城斗大中烏潯國墟  
今部邑將軍名秩舊灘洪謳歌異代猶恩信風  
雨蠻江起戰功天遣瘴邦真有意莫緣羸疾謝

袁翁

鬱林州

蒼然百粵會磅礴開古州川陸擁明觀城市一  
氣秋東來蒼梧雲上接女與牛南跨嶠海合鬱  
盤枕西甌鬼門一闕大蠻絡相襟喉偉哉沿革  
地憑藉生古愁我願從單車修與谷陸遊恩信  
被駱越文學繼魯鄒鄒魯今遺風冠裳振夷酋  
涉履遲留間山川永悠悠禮樂在百年茲焉憬  
儒修古今異塗軌頭白終何尤

卓山詩集

卷五

西

三十集書樓

行陸川山中

千役不自疲恣遊轉餘暇微風起纖末氣色淪  
朱夏頓出萬仞顛旋趨百泉下波喧白石走翠  
入青天亞老樹吮獨鳥深蒿觸眠麝與移絕軌  
敝境適遺顏謝古來靈輿區達者頻紆駕紗帽  
籠其頭披搜亦云乍

貴縣

西漢猶烏潯南來此化疆雕題通井陌魑結半  
冠裳羸石隨平野渾流下大荒檐帷初放眼行



部適相羊

覃塘苦熱時秋已彌月矣

執熱驚相觸馳驅又一時無方資救暍多睡怯  
傷脾暮齒櫻殊候深秋問土宜何當中夜雨霑  
灑浹羣私

賓州

舊地趨臨浦遵途問翠樓一圍城絕小十里稻  
先秋軼事懷坡老流風近柳州逢迎無俗物隨  
意紀嘉遊

卓山詩集

卷五

五

三十稟書樓

遷江

十室邕州邑家家住薜蘿雲深疑瘴起山矮覺  
天多女伴蠻裘束兒郎野踏歌淮陰猶舊裔千  
載誼蕭何

憇仙巖洞

道左初停騎迴翔一灑然穹都高穴地石乳倒  
垂天白日留虛照空雲不礙禪巖巒多異境惆  
悵粵西偏

駐武宣

小桂依窠阻居然聚邑都地遺荒燹陋山逼斷  
藤孤暖谷差宜稻陰峒竟射狐誰爲鬱林守勒  
馬望川塗

舟中望大藤峽作

五屯如雲屯龍嶺紛龍翔障蔽起雙峽高天落  
機槍右江一水來一束迴瀾滄上隆屹仙關下  
巖通牛腸峒若百千計安得無穴藏扼塞天所  
設由來寄周防豈以資伏莽憑依肆跳梁往在  
前明朝姑息貽厚殃不思門庭寇乃慮蝨賊傷

卓山詩集

卷五

三十稟書樓

王師計順逆斬刈通慈祥剿撫異其宜事或關  
興亡中原玩流寇滋蔓連苞桑勝國誤機宜豕  
突遂萬方遺烽蕩白日此地交茫茫伊古任族  
師其法周非常藍侯匪異屬藍侯盤胡係峽內四苗族制馭  
猶黔蒼先事忽遠略豢養成披猖國家無事時  
凡百貴紀綱稽顙集重譯輦圖必畿疆外攘而  
內靖遐哉古先王轉思韓王烈略備弛與張瞻  
駐遂咫尺永言適周行妖藤挾遺株江淥逝且  
長徘徊漾舟入側佇臨汪洋

九月十日諸僚屬陪登潯陽樓

予生太平代信意爲仕宦守郡得名區高深藉  
流眄方茲降婁月刻露山川面災方雖異候歲  
序同遷轉簿領綜核餘流連及清燕高樓逼重  
閣幽尚先羣彥桓公舊遊賞已值登臨倦踵跡  
相遮留林巒肅餘善懽愉雜悲惜慷慨重瞻戀  
伏檻何蕭寥風雲眼中見閭閻哀羅列井陌交  
凌亂草木屬變衰人情易咨怨望遠非煩憂采  
風必時諺衽席吾同人臨觀自臺館

卓山詩集

卷五

七

三十稟書樓

晨起南窻作

夙心惟外馳往來紛百憂夕夢華陽君凌晨間  
丹邱朝光入戶問好鳥時啁啾冠帶自結束脫  
然委衾裯南窻靜閒敞跡象淹我留旦氣矧復  
佳青山滿牆頭竹柏會空翠高雲藹難收澹然  
氤氲外集此沆瀣流使我形神閒清涼沐新秋  
人生貴本性杞柳傷外揉居恒任物役安得中  
自由闌珊架上書兩眼病已昏百年悔吝在一  
室風雨稠零露下榛征青茅塞汀洲美人無時

來吾道方悠悠永歎在中路咄哉奚所酬

望思陵山

林端秀色萃煙霧永徘徊勢拔層城起青圍斷  
岸來大都攀翼軫一半傍樓臺莫識巖棲者時  
時望眼開

謁新息侯祠

駱越雙銅鼓飛沈必有神自緣傷薏苡莫問畫  
麒麟祠廟還今日功名思古人西屠分漢地遺  
柱亦荆榛

卓山詩集

卷五

六

三十稟書樓

答故鄉問訊戲爲四韻

朝夕梧雲黑深澗鬱水腥三秋稀到雁十月聚  
流螢舊習歌仙陋深防瘡鬼靈老夫貪宦興未  
覺費丁寧

移花

生事落輕微林園日指揮榮華瞻草木老大惜  
芳菲夜合遲宵露傾葵急早暉移親欄廡近根  
葉莫相違

挂蘭

似蘭不資土壤而植  
者之空中粵中有此

獨許寄孤高生成太不勞佳人無採擷春日自  
亭皋葉葉猶香澤芃芃任玉縑不知滋九畹何  
事怨離騷

觀燒作

冬緒悲搖落高燎日照顏當歌紫騮馬歸去陸  
渾山氣色雲霞慘飛鳴鳥獸還楚風多火耨佇  
立向柴關

戲爲思恩蔣使君

均年

郵惠新釀首烏

一騎紅塵走注鉞夜交藤子作仙形細君絕齟

卓山詩集 卷五 五 三十稟書樓

酤顏紫座客爭譁鬢髮青瑤草有靈應共採玉  
蟾到手莫須停頽年似汝相扶引倒載何妨任  
醉醒

汎江

大江鬱黔合一派下渾河舟楫騰騰疾蘼蕪處  
處多空光搖石髮宿霧上漁蓑跼跼飛鳶影猶  
思馬伏波

燕子石

西甌聚靈嶠磐石爭嶢嶸掀動勢若飛瞻延態

疇似風竅怒自號波紋泐爲綺故著椎鑿痕側  
瞰虛無底米老袖可珍秦皇鞭未起吾欲驅五  
丁郭杜將移徙園囿雜參錯冠蓋相遊止題名  
抗羣流說法及禪理豈不異遭逢因時露恢詭  
搜披絕儔侶偃仰淪江沚犖确道自殊孤高本  
無倚一物感天全平生獨居俟

梧州舟次

灘水淥流別羅城舊控虛江清宜皓魄山曉似  
桐廬蛤蚧聲聲續枕榔樹樹疎移舟就白鷺心  
卓山詩集 卷五 五 三十稟書樓

跡擬相如

入灘水

楚俗通揚越湘源下桂江鴛鴦冬不病茅草氣  
須降翠滴連峒雨陰喧積石瀧戈船應此地懷  
古寄孤艖

江月二絕句

江月澄無底江聲靜似潮流光耿不定一夕送  
蘭橈

月在楊柳津秋風吹白蘋停船傍明月愁殺弄

珠人

由昭江湖灘江峽內山水二首

錦帆誰爲看山來北走昭潭萬巘迴王屋憶從  
雙峽入天門昨夜五丁開盤渦刺石風雲變苦  
竹靈楓猥狄哀知自九疑通脈絡夕陽吟望一  
低徊

重灘日日上黃牛百丈牽江日再收合有山精  
棲古木何年仙侶問神樓指揮巖竇猶懷役檢  
點風光委散愁霄漢倒窺惟翼軫湘源東盡是  
卓山詩集 卷五 圭 三十 乘書樓

昭平縣

古邑橫江澳羣峰倒影中數家猿鳥共一郭水  
雲空樹杪聞人語山畬量歲功猶傳荒徼地江  
漢有同風

江夜有憶徐媛因訊

煥子

記取鳴箏夕依依素瀨聲高風臨桂水寒月下  
山城小別紅顏淚深愁紺髮明丈夫憐少子驕  
蹇舊關情

宿龍頭磯

白霧隨時發疎風不夜寒江昏防暗石水落迅  
飛湍信道成棲泊懷安對羽翰四更山頂月猶  
映亂雲端

舟次平樂不獲晤何五 別駕卻寄

昭州有故人皂蓋正行春治是文翁古官宜漢  
吏循舟航空汎泊山水對清真上下雲龍意知  
予注念親

早行陽朔江中輒書卽目

卓山詩集 卷五 圭 三十 乘書樓

晨征展崇眺眼界遂不同少見多所怪化工始  
無窮瑤簪百千柱鐵色金芙蓉攢蹙萬靈銜連  
綿九嶷通曦日時復暄幽光瀉鴻蒙天風發潛  
籟牝谷開玲瓏華巖大金仙必起臨青空信宿  
謝宮嶺今來擁蓮峰八桂恣遠遊三生質遭逢  
顯晦異時跡棲心本同蹤孤舸阻重瀨明發念  
所從結情旣攸屬勞役猶從容

再題江上羣峰

江路雖遄迴巒石彌怪峭念之不置懷盡日煩

縱眺萬派殊孤根分形合羣妙盤盤亘絕壁業  
業飛崇嶠極勢摩青垠迴撐礙靈照陰陽自分  
割高下迷樞要在昔觀岱恒神遊脚不掉茲焉  
屬遐險偃仰憂騰趨攫吾集元想凡百懼幽渺  
平生阮公詠惆悵蘓門嘯孤城開一角落日青  
猿叫璇室莫復窺東山佇同調

水月洞

茲巖亦神鎮城觀相頡頏灘水洶南來中流扼  
其吭如遊石鍾口淪漪相迴翔艤棹集丹麓風  
卓山詩集 卷五 圭 三十 樂書樓  
水吾故鄉覽物信已佳徘徊佇清湘羣山會奔  
湊屹立青石梁面勢雖不高洞門靄青蒼石乳  
春未結巖陰午猶涼幽局敞不閉中隱白月光  
信有地穴通遊戲趨紫房吾聞白石山下接勾  
漏陽咫尺謝鞅掌焉期托裴航白鹿青龍車金  
支羽衣裳服藥求長生何如攬扶桑聖賢遵軌  
轍道德兼行藏桃源自入境恐彼涉渺茫

榕門行

建陵城南榕樹門流傳舊日青銅根千家術衍

通寒彩百雉睥睨纏翠痕翠枯彩落神靈樹魯  
門犧牲歛如故接來蒼梧萬古雲飛去零陵四  
時雨五更譙樓喧戍鼓城烏畢逋作人語不憶  
當時越入吳猶聞此路秦兼楚蠻夷大長作天  
子樹木翳蒙亂榛莽帝王雜霸皆有真禮樂聲  
明獨終古只今樹老空闌闔牙旗靜捲秋無塵  
肩摩終日出其下念汝西南橫目民

梧州郡齋見史郡丞

鳴皋

畫竹作此乞之

吳興以還無畫竹翰林古法傳何人金華殿頭  
卓山詩集 卷五 圭 三十 樂書樓

懶寓直一麾却走蒼梧垠蒼梧雲深湘水濶黃  
陵廟前痕半滅情通萬古呼癡絕蛟龍盤延右  
腕折秋風疾掃千萬叢古墨滛滛盡林列君家  
大篆夙所傳變體下述山陰賢君惟學衛費日  
月別寫骨法相千年年深地僻知已少天寒日  
暮愁嬋娟簞簞一枝幸寄我與公歌詠同周旋  
獨秀峰卽效光祿體成詩

峩峩奠郭邑面勢南服尊突兀拄窮石秀靈崛  
孤根青蓉映白日紫葢朝天門竦處遂終古曠

延實崇藩湘灘總襟衛宮陛紛攀援城闕趨莽  
蕩交衢俯馳奔複閣方極望閑房間餘喧露盤  
想像在月館虛無捫當時翠鴛合落日蒼鼠繁  
浩劫有變易幽栖自晨昏尚傳五君詠中有斷  
碣存王侯賤儒素道藝隨亨屯抗意厚自矜瞻  
延愴無言高山佇芳躅夙尚思同敦

春雨

春雨應時生農歌亦有聲人家迷曉靜城郭護  
寒輕景色隨年事霑濡見物情小桃紅更澤扶  
卓山詩集 卷五 三十稟書樓  
杖對分明

卓山詩集卷十六

奉新帥家相伯子甫著

春雨喜成

灑地初無色過雲歛不遲竟移巫峽影纔及季  
春時卽事鳥相命忘機蝶共滋惟應與農叟泥  
淖莫須辭

自構凝香閣成以詩落之

迴閣因心造幽棲亦自華乍留通幕燕旋護拂  
簷花枕席閭閻合風烟橘柚斜琴樽時獨遣吾  
卓山詩集 卷末 三十稟書樓  
與物無涯

春日繡江成二絕句

榜歌紛唱望江南無那春風柳拂簪玉局仙人  
歸未穩憑他桃杏一停驂  
李白巖頭跡未攀伏波江上繫舟還瞻顛太守  
關情絕到處題名署卓山

初秋尋覽

江山始惆悵百景趨孟秋顥氣從西來澹然不  
能收炎暑雖未退吟蟬有餘幽白露明蒼苔紅

葉暗汀洲清風闕相值暮竹何脩脩覽物猶及時開襟况林陬空堂枕獨樹上有螻螳游亦自紛營營不知竟何求瓠瓜日自繫叢桂成淹留蹇足瞻道途濯纓顧清流羣感本定運含生與浮休梧桐未搖落一葉已懷憂

衰至

衰至不自持頭風劫雙耳秋蟬雜亂聒石瀨交加駛牛鬪信或然蠅營盍云已暮秋櫻百感草樹謝披靡飛蓬觸蛛罥墜露凝苔屺鳥毳黏人卓山詩集 卷六 三十稟書樓  
裾枯蟬落書几盛衰一時序物類齊終始百歲歸浮游是身亦枝指吾衣委不舩吾脚曳其蹠不死非形骸相關熟悲喜園亭初寂寞風日舊妍美庶以和天倪精魄相料理

伍太守

澤梁

別垂廿年始於桂林握晤蒙

示詩走舍

八桂蕭森地逢人各白頭誦詩歡逸興握袂轉離憂風急鴻初度山寒日易收相看暮容色况是廿年遊

倦眼何曾白吟肩祇益高情親古離別詩老舊風騷大雅猶之子塵途謝世曹笑談終日好隨意坐蓬蒿

行陽朔山中

擁雜千峯勢烟雲極地隅荒城何處所白日此中孤岐路憂熊館逢人訝鳥都蠻方異行色車敝馬須瘡

伏波灘得舊銅鼓一紀之

制遠通蠻賂宣威樹古勲江山銅鼓跡瘴癘水犀軍孔翠騰深彩妖蜃穴廢墳波濤撞擊裏刁斗一相聞

望羅叢巖弔二程子

接跡謳歌地嵯峨望舊山高深臨氣象濂洛起躋攀道德親賢盛熙時庶績閒何當揮五馬終日白雲間

春郊

土膩塵香遠烟霏草色平因依停野騎留戀對春城細雨連桑柘微風傍旌旌流鶯喧柳陌處

處起新聲

邊曲

昨夜雪風掀毳帷  
平明飲馬度流澌  
年來酒味酣牛渚  
新襲衣裘暖豹皮

江樓宴坐卻題

顛風吹雨作空塵  
千樹扶桑一色新  
江上關情繁節物  
樓前倚杖倍天真  
川迴鬱水沄沄迹地  
傍梧雲曼曼春絲  
髮紵衣能寄遣韶  
華浩蕩自芳辰

卓山詩集

卷十六

四

三十藥書樓

三月

時方被効

三月楊花滿畫樓  
鳴鳩語燕急回頭  
年來宦味兼禪味  
老去新愁間舊愁  
坐攬江山歸酒醺  
夢緣風雨落浮漚  
葛洪自爲丹砂石  
送目雲將縱遠游

病痺不能捉筆欲有所書戲成口號

疇昔好清吟  
塗抹信兩手  
自今右腕廢  
牽制若拘扭  
向來橫揮洒  
驅役羣動走  
嘔心不知疲  
捉臂亦何有  
殊恐造物機  
杼洩到十九  
無寧鬼神

入偃蹇掣予肘  
吾衰精血耗  
歲月磨厲久  
秋氣從西來  
彫傷見蒲柳  
毋堅歲寒骨  
安得中自守  
遂初始今年  
踵息救殘朽  
百骸載神運  
得喪非駢拇  
泉石高其蹤  
膏盲適爲壽  
文通雖罷詠  
彭澤足耽酒  
束縛吾不櫻  
歌呼對蒙叟

歸舟二首

掉頭紗帽且歸來  
門對湘灘一棹開  
猿鳥自親邛竹杖  
芙蓉高矚太華隈  
何妨病蹇趨行藥  
好問平生舊酒杯  
無恙布帆秋水合  
漂波未上富卓山詩集

卷十六

五

三十藥書樓

春臺

放溜乘瀾意有餘  
疾徐終日信安舒  
蠻烟瘴雨經行盡  
呬馬沙蟲莫共疎  
引領風霜看髣髴  
迴翔天地入樵漁  
扁舟未逐桃花遠  
早有開心佇太虛

舟行滇陽峽中風便偶題

秋情澹天地  
雨氣清草木  
峽路雖迢迢  
迴蒲帆自馳逐  
崖石奮迅來  
巖雲逶迤屬  
開懷無任著  
老眼浩澄綠  
收秩初脫身  
纓珞尚拘束  
負病人事



廢聊此謝干祿清飈改涼序落日深極目病骨  
支藉餘彈冠詠新沐

曲江舟雨

連山忽奔湊城郭勢掀漾飛雨天外來興雲眼  
中上艤舟趨枉渚觸石危相傍信當風霆交神  
物茲用壯霑洒必及時飛騰乃殊狀孟秋月徂  
半暘暑時已亢不有惠澤濡寧惟或亢望旅人  
恬物外拭目神愈王韶山一峯尊莽蒼出高嶂  
倒影烟霧重迴瀾籟悽愴有虞蓋縹緲鳳鳥違  
卓山詩集 卷六 六 三十稟書樓

趨向落日生棹歌臨淵浩惆悵

江中望丹霞山諸峯

諸峯礧殊狀盤礴造化工朝光澹餘靄突見香  
爐峯兩兩屹天柱綿綿接青蓉遠眺益流態迴  
觀互蔥蘢騁目巉露外遊心有無中愴恍姑射  
宅浩茫玉蟾宮漾舟此遊行涉跡初從容延賞  
今不極曠然歌閬風

舫歌行

舫人歌呼哀入雲千舸萬舸同一聞似逢漢軍

已得楚如訴寡嫠傷其羣洞庭蕭蕭波欲起雁  
斷衡陽一千里戰士秋悲鶴唳原征人夜上龍  
荒壘猩猩怒啼怨風雨虎豹終南亦頽靡楚聲  
悲激古如此不獨湘纍憔悴死人生哀樂動有  
情關心百感自不平琵琶無聲楓荻晚江州老  
淚猶縱橫我最忘懷寄湘渚不知鬢雪幾時生  
經新建伯王文成公誓師處

黨逆方營博浪椎寺人猶勸濟江師君王自合  
揚威武道德惟應託委蛇當據上游先地利徑  
卓山詩集 卷六 七 三十稟書樓

趨藩府捷機宜至今古鎮臨江口風雨苔莓有  
斷碑

登望湖亭

傑閣初乘興高深一氣平九江天際白五老座  
中明地絕憑陵險山留戰伐名祇今餘俯仰割  
據事何成

重登縹緲舊樓

川流隨日永風物逐年侵此地登臨舊重來悵  
望深秋聲高傍漢雲氣下通林一片疏蕪色彌

令感素心

秋日置酒南川感舊卽示同遊一絕句

竹杖秋風偶復來  
畫舫清宴若爲開  
十年不記揚州夢  
廿四橋頭送酒杯

早春小雨暮登縹緲樓示兒姪等

落日浮雲合  
烟花象外遊  
何因今夕雨  
復上早春樓  
病怯詩情減  
登臨節物求  
百年傷坦率  
嘯傲寄林邱

晴

卓山詩集 卷六 八 三十棄書樓

爽懷無住著  
今日見春晴  
天意憐新柳  
韶華駐落英  
隔年歸社燕  
侵曉話流鶯  
狼籍東君思  
愁予太瘦生

脚疾臥聞諸孫夜讀聲

始余右腕僵  
吟弄久不作  
蘊鬱因內攻  
痛楚及兩脚  
呻吟類蟲蚋  
蹙縮如蜈蚣  
平生三十乘  
老眼亦荒落  
苦窳器所悲  
跼詎爲惡  
詩書且予累  
槁事糟粕  
遂令傷焚和  
身心成倚著  
夜牕風雨闌  
半榻擁蕭索  
隣光青熒熒  
斷漏收簷鐸

側聽聲吟唔  
深情感溟漠  
高歌出金石  
靜味先澹泊  
回薄少年心  
名山歸渾噩  
不爲混沌死  
豈有天游鑿  
後起其或然  
吾家老輪斲  
東坡願兒愚  
真意諒有託  
古來聰明誤  
厥疾煩疏瀹  
深宵萬籟寂  
夜氣通靈鑰  
強起頻割甘  
沉疴愈疔瘡

由準提禪院至三元精舍

將與造物游  
寒山亦吾友  
維摩身示疾  
幻相無不有  
脚病新少瘥  
遂脫羈與紐  
步出城東門  
風煙蕩榆柳  
曖曖交田疇  
延延屬岡阜  
招提出紺宇  
空室淨虛牖  
桑門舊沙彌  
相別歲月久  
豈謂象教殊  
是身亦衰朽  
茶瓜款造次  
禪味欣在口  
及此斟酌期  
濯瑕垢遠近  
魚山魚聲聞  
旋左右波羅  
異門庭飛錫  
卓前後精舍  
又閑閑褰裳  
忍相負紆迴  
度林塢指點  
隈隈嘉樹臨  
扶疎蔭蔽足  
三畝栖羽無  
世機遷延復  
吾偶鼓鐘雖  
未動松籟  
時鯨吼境轉  
越清幽塵心  
益消受當前  
各陳迹任意  
勞肱取世哂  
何茫茫神運  
脫飛走吾衰  
固胼胝佛說  
千眼手如與  
駘兀同山

卓山詩集

卷六

九

三十棄書樓

林一回首

過七靖元宮

僊人鞭鸞鳳昨夢親見之星斗燦其華照耀松  
桂枝侵晨會有適腳踏苔蘚滋琳宮忽左右絳  
闕何厓屢丹室伏龍虎元壇偃旂旗神秘一以  
屬清虛迺如茲鐘磬寂四壁空聲寫參差杉籊  
亂蒨蒨靈風起無時澹然道心生倏與駐景期  
密邇尚故里吾歸詎云衰不知大藥資卽是商  
山芝陶公有真意高詠南山陞

卓山詩集

卷六

十一 三十棄書樓

元宮西隅謁岳少保祠堂

寇盜昔紛乘邑小殊不支少保來筠州方建大  
將旗指揮戈矛黑斬擊霆電馳至今樓莊北將  
曜朗不移煌煌捍大難肅肅瞻古祠飲水思舊  
源甘棠固於斯感茲念前烈邁運當陵遲初公  
勵忠憤日月懸旌麾兩河一令下義士聯偏裨  
天地爲播揚痛飲方誓師焉知黃龍府尅日聲  
鼓輦金牌十二召臣死安敢辭慘沮五國城日  
夕聞啼規桓桓張招討往亦驅熊羆如何詔獄

成繆醜無異宜海昏絕血食直道斯民遺吾聞  
墓門柏蠲幹皆南枝冥感及草木秀靈乃無知  
茲堂秩南宋異代陳牲犧饗利兼畏神百年有  
餘思東接大王宮鼓鐘一威儀下有支離檜砍  
伐無歲時

過水心園舊址示兒姪并長孫詔郎

業業端學公粵余曾大父會當江東西水火角  
門戶未造趨詭隨先刑敦規矩天傭旣徂沒道  
喪益無主易堂肇金精一幟乃重樹奉新古遐

卓山詩集

卷六

十一 三十棄書樓

陬樸邈陋風土聲氣遠不通誰闢榛與莽岱華  
起從龍其下布雲雨泰運方始開鸞鳳有先覩  
一振聾聵餘文壇自鐘鼓道德垂再傳箕裘又  
吾祖講席相後先茲園實庭廡當夫振衰頹  
在濯陳腐始亦局異同終焉生鼓舞詩書示穀  
率大道爲柯斧啟發各新機忘言共揮塵百年  
具堂室興廢任園圃往昔兵燹餘干戈塞環堵  
經營風塵後綴葺但衡宇歷久遂漂搖滄桑異  
革撫遲暮多古懷餘齡媿繩武提攜及少長崩

迫步林塢墨沼空舊瀾餘馨尚芳杜流風一以  
邈歲月如飛弩乾坤舊茅屋廢隆寧終古旁有  
嘉樹林中棲拂雲羽羽儀關道術人事必乖午  
佇立城東隅嗟予獨何補

尺木軒讀書處

太乙真人天帝居藜光舊憶承明廬操鉛握槧  
久寂寞綠草青松空自如歲暮江湖思秘笈夢  
餘風雨枕殘書百年潦倒同臧穀又向荒庭問  
蠹魚

卓山詩集

卷上

七

三十樂書樓

顯教寺

舊地東山宅經行北部尋青雲龍跡在白月虎  
溪深佛誦通禪寂空花結殿陰時攜藤竹杖披  
豁白祇林寺有龍泉卽先世書院故址

浣春園

松菊清嘉地歸來見古園竊蟲吟在戶顛棘蔓  
盈軒風物新游騎乾坤舊酒樽升沉不可極落  
日掩柴門

高軒夕望

卷幔窮高望披衣得逶迤瞻雲迷日遠入夕畏  
風多野岸眠鷗鴻深林冒薜蘿瀟湘眞在眼人  
外弔英娥

雨中潛大秀才相尋

羅雀門庭古蟠泥巷陌深故人能獨入空谷自  
傳音細雨催春靜叢篁接夏陰流鶯相覘睨並  
坐一開襟

聞滇師告捷喜成四律恭紀

薄伐

卓山詩集

卷上

七

三十樂書樓

王師義生成大造仁

天威無不屈

廟略總如神星日廻戈麗風霆著物春三軍皆

赤子軫念到斯人

寸水走依險窮鱗轉沐

恩弛張文武道綱紀

帝王尊斬刈原誅叛壺箠卽外藩蚩尤如負固

兵力自軒轅

明堂初命將

天意未窮兵諸葛擒蠻計南陽馭蜀情鯨鯢甘  
就戮鈇鉞任專征一戰機槍靜降王集漢營  
水陸陳師盛梯航轉餉通豈真憂瘴癘獨重息  
兵戎不殺昭神武推誠本至公

聖明寬大詔送喜萬方同

潛秀才過飲走筆調之兼以遣興六首

零落江湖舊酒尊青絲白鼻記溫存竹枝喚醒  
維揚夢深院梨花雨打門

如糝楊花春更殘酒籌游榼兩闌珊誰能醉向

卓山詩集

卷六

十四

三十稟書樓

邯鄲市綠髮金鈿轉眼看

豈意高陽大有徒一雙蠟屐走泥塗相逢造次

無他屬自向花前舉百觚

頭沒深杯竟可憐洪厓拍手問青天顏唐便爽

朝宗約絕憶襄陽孟浩然

落擴歸來晒醉泥小兒爭唱蹋銅鞮逢場世事

詼諧裏拚與山公散馬蹄

畚鍤煩人不散愁會須領略謝家樓滄波浩蕩

青山遠指數飛飛兩白鷗

歲已庚間以足扉息里門故交垂盡惟潛

君日相蹤跡感賦此詩因寄甘庫部

京師

年少初可喜泛愛盈里閭比時意氣濃不獨執  
衣裾弦望在日月百年委乘除豈知謁歸來痿  
臂成枯魚杖藜問故游少壯填邱墟羣生會歸  
盡物靡不有初欲爲新相知面目世已疎天意  
倍愛惜同心永攸居

子來但徒步吾杖時交頭坐起各殊致笑談無

卓山詩集

卷六

十五

三十稟書樓

時休有時命尊卑亦不廢獻酬非以禮法拘自  
異嵇阮流聊用固誠懷老大多綢繆仰觀薄長  
漢星斗澹與秋參商異出沒驂駕無停留遠者  
不可致近者傷寡儔將子慎朝夕吾方思遠遊

溪漲十四韻

滔滔臨仲夏潤潤灌羣川積氣昏渾合中流汨  
沒憐漂沙沉鳥毳浮沫聚龍涎激蕩輪翻軸奔  
騰矢脫強飛茅橫木末鼓棹入居歷朝夕樓臺  
望風雲祗席前荒烟微自漾獨鶩去何邊不委

分條殺應疑大壑旋淫霖天意在汎溢地維堅  
遠近迷官渡高低訊阪田感懷馳浩漑蒿目懼  
顛連百谷曾無漏三時屬有年吾思驚向若何  
似亟憂天杖策柴門外從人買釣船

微晴

尤雲斷復平風轉入微晴矮屋深烟綠空階細  
草明掃除疎世法耕穫見人情莫倚高城望山  
山鷓鴣鳥聲

和德少宰

保

舊枉贈詩二首時巡撫粵東

卓山詩集

卷六

七

三十稟書樓

道出江右未及謁送故有此作

百粵新開府三台舊冢卿誦詩猶昨日傾蓋憶

平生家世承

恩重文章致

主榮無因瞻使節臥病廢趨迎

樓舫楊僕將銅柱伏波功徼海彌專寄權衡祇

至公謳謠連綠野愷悌足仁風他日羊城詠時

時寄贈同

潛秀才索題秦鶴圖

一鶴飛不去孤吟時自憐君今志湖海落日傍  
林泉警露秋偏入含情意未傳畫圖空擴裏顧  
眎次寥天

長日

長日無營自信天鳥銜花片落樽前禁持病骨  
全輸懶檢點韶華動改年巫峽雨來三楚外帝  
城春在五雲邊涓埃未効臣心苦莫逐鴟夷萬  
里舡

病起行

卓山詩集

卷六

七

三十稟書樓

男兒終當蓬蒿死不值生年問弧矢伏波馬革  
身未酬哭盡床前兒女子老夫平生有奇概南  
北東西縱恢恢前山射虎氣未降當直穿楊有  
餘技比季手足成偏枯腹疾河魚兼作痞驕兒  
老妾日環視使我沉綿怨牀第人生骨血精魄  
成一氣所鼓天爲驚鏗然竹杖宵有聲夜半強  
起枝梧行拔劍揮霍如流星神隨氣動臟腑平  
平明痼疾已旋起世事何常觀止矣

蠡湖守風

世路搜逶迤垂老迫顛顛此身幸無恙安敢謝  
勞勩仲冬方首途黃葉已墜地水落蹙崩濤山  
空鏜餘翠威遲在時物黽勉生遐思北風吹鯨  
魚鴻鵠千里翅舟楫成繫維淹滯亦時值向來  
屯蹇遭造物幾嘗試促駕猶簡書流連豈吾事  
殷勤囑分風庶以遺憂悒

皖江風利行晌午已踰池陽

元枵司冬權朔氣滿川陸寒飈日浩浩舟楫慎  
顛覆皖口過迴瀾隨行避隈澳曜靈轉微和風  
卓山詩集 卷六 太 三十稟書樓  
水忽相逐羣情載懽舞篷櫓競撐觸俄頃度池  
陽分明駛岷蜀布帆自安穩孔道無紆曲信與  
造化游機緣異遲速趨時事或違約守道每足  
桅牕藉延佇千里馳目急浪駭騰鱗閒汀散  
歸鵲蒼然蒹葭盡慘淡荒蕪綠時物相乘除乾  
坤一陽復及此江海隅膺懷參倚伏

登東梁山望遠寫懷

東觀領吳會西眺窮楚蜀意傾無時休情曠合  
有觸徙擊辨鯢鵬虛徐引鸞鷟長颺下天關逆

籟起潛谷井絡馳動搖元黃相沐浴上有征雲  
愁下見飛蓬速白日無蹉跎江山惟瑟縮皓首  
辭故鄉登臨此幽獨當歌擬一放俯仰煩衷曲  
墨子甘旅人嗣宗詎須哭

艤梁山麓下

艤舟倚絕壁斷岸何淒其堠火暗明滅江天笳  
暮吹平原葦蕭絕鳥雀中夜悲簪簪見積素霜  
明野人居空村寂雞犬獨戶聞機絲好樂不可  
荒斯人乃多疲游子傷歲晏艱辛欲何辭君看  
卓山詩集 卷六 尤 三十稟書樓  
翔南雁中澤勞哀思

舫夜

生事晚猶干孤舸向夜闌星芒垂漢下水色綴  
雲寒裘薄身能健樽空興自寬吟詩對華燭坐  
惜曙鐘殘

風轉小泊

北風起鴻雁欲溯竟如何絕渚寒潮大長江落  
日多龍鬣虛曩嶺山海慎蹉跎小泊蒼汀外茫  
茫感逝波

瓜洲望京口有懷

瓜洲對京口，嶠嶼日陰陰。  
掩暎開江邑，留連弭碧潯。  
斷霞明遠海，脫木下歸禽。  
長笛起清聽，寥寥聽望心。

高旻寺

紫殿接高躋，浮圖近日邊。  
寶幡頒

內府貝藏出，西天遲暮登。  
臨徧招提氣，象偏五雲明。

輦路望幸記當年

卓山詩集

卷六

三

三十集書樓

偶得佳香舟中隨意熱之涉筆賦此

未徹心香印，方臨鼻觀遲。  
杜蘅冬不馥，艾納晚相宜。  
晏序傷羣卉，因聞領衆思。  
熏爐資雅供，江海欲安期。

邵伯驛對月

市井喧淩雜移船，近大湖波宮連月。  
府彩鷁上天衢，素髮驚毫兔丹心。  
剖孕珠霜輪時更白，對影托踟躕。

月夕

素魄重圓夕，清輝愈超人。  
警寒思暮鵲，跳浪見潛鱗。  
影合金莖曉，光移玉斨新。  
京華消息近，感激倍天真。

雨夕

凍雨只成霰，頑雲不忌風。  
天涯淒病枕，人事颯孤篷。  
夢淺家山外，衣單永夜中。  
路難休寄詠，漂泊此懷空。

渡河二首

結舫個個屢踰淮，歲序周大。  
河沟霽雪春意動。

卓山詩集

卷六

三

三十集書樓

行舟驛岸疎梅小，樓頭朔吹柔。  
東風無假借，一夜滿皇州。

時風入春

間關委滯，滯齊泊異浮。  
沉朝夕神靈雨，乾坤浩蕩心。  
翠黹紛偃蹇，白日靜幽陰。  
莫說公無渡，平生薄楚吟。

陰平雪後月出早行有作

雪月交在曉，廣陸湛以冽。  
四矚無纖翳，濛濛天宇潔。  
星斗半闌干，孤禽時一咽。  
獨樹垂高柯，平疇偃微蘖。  
冰凍誠復佳，蝻蝗殞餘蠶。  
歲令關民



時綱繆非補綴

至尊宵旰仁百爾秉人節可使標枝氓操持惟  
一切中夜驅車行俯仰情內熱曉色開朦朧迢  
遙望華闕

宋三 英玉 始以新樂長嗣守正定作重臨

恒邵圖徵詞爲賦亦古者贈言之意云

爾

相門奕葉騰光彩 使君爲相國勲業文章曾不

改起家初握使君符爲治爭傳河上宰太行西

卓山詩集 卷六 三十稟書樓

臨鉅鹿斜木刀水煖盈桑麻今之斑白昔童穉

竹馬又見新髮髻謳謠頌禱亦奚有側眼狂獠

獨延首泰山婦語春陵哀古往今來雜稂莠迴

矜按部復何如花柳村村尚春酒重爲子起歌

南畝元嶽高窺懸北斗照耀康衢壽黃耆吉祥

豈弟相長久圖中之人吾老友

重過蓮池見舊題石刻 詩爲方恪敏公命刻校廊

特爲鯁生出一頭十年爭此哭西州人間淚盡

惟知已世事心傷幾舊游當日詩篇零落在異

時池館雨風稠蹉跎有限同中允指邇荆門悵  
未休

過藥上人舊廬

十誦廊頭舊幘殘空濛花雨一蒲團斯人滅跡  
猶長往倦客還山枉重看零落數行悲弟子蕭  
條此度謁詩壇只憐講榻塵絲滿檜柏青森白

日寒

卜居天仙精舍率題寺壁

白業生涯竟有因每臨方丈便逡巡僧瑜歲月

卓山詩集 卷六 三十稟書樓

消除永釋氏門庭自在真怖鴿飛翻旋入定藤

花開落不知春卜居已覺浮囂遠一任團瓢愁

此身

寒食日春游作

杏花餉粥鬪雞天走馬京華又十年門巷幾家

逢舊雨樓臺轉眼見新煙珠簾繡戶留歸燕古

木平田急杜鵑畢竟杖藜人外好緼袍終賃酒

家錢

過甘五庫部邀飲卻成

花絮飛前席猶侵舊酒痕故人今日會新緒一時論衰謝宜婪尾深歡屬瓦盆最憐經眼地蝴蝶過西園

曹侍郎七丈見貽蔬笋二器

分減及盤餐相將益食單便同粗糲飽不待上  
番看口腹煩人意林園興未殫老饕真自忝常  
憶謝猪肝

雨中漫興簡宋三太守

九日十日東風顛千條萬枝榆柳烟春光搖曳

卓山詩集

卷七

五

三十藥書樓

不自禁細雨霏微如劇憐照人穠花已歷亂入  
眼短草相芊眠元暉咫尺未相見樓上誰何乞  
酒錢

清明後遣懷二首

又踏紅塵陌上來典衣沽酒自徘徊清明已度  
棠梨長落日無人謝豹哀獨往心情淹作客放  
懷詩賦屬登臺金魚池畔青絲懶始信流光事  
事催

百年心緒閉門中駐馬經時憶轉蓬  
草自來

迷近遠伯勞飛去忽西東銷憂不罷樓頭望坦  
步何知屐齒窮早晚傾懷向芳陌碧雞坊裏送  
春風

值京師芍藥正開因事他出不及往觀而

作

往者都門盛紅藥烏帽青袍何拓落園林十里  
作紅霧臺榭千家圍繡幕自然寄興委投贈不  
惜將離濫訐謔柘枝起舞竹枝歌澶漫花前日  
相索花枝映肉春復憐忍使紅顏棄蓬蒿幾年  
卓山詩集 卷七 五 三十藥書樓  
不逐車馬塵舊事烟雲瞬如昨笙歌未罷曲未  
終輦洛重來嘆行腳橫陳嚼蠟吾豈然金谷飛  
觴跡如削老邁看花含意趣春愁入眼紛成錯  
何能背花終日行白首屠門但狂嚼雨雪載途  
行路難人生少壯真行樂吁嗟夫人生少壯紛  
行樂不擬餘春對寥廓敝車羸馬青山郭

題黃山草堂圖贈沈司馬士濂

瑚璉璠璣非一器鐘鼎山林不殊致大賢出處  
本同揆白石清泉足高寄使君影綬華其身富

貴不易真清貧騁汗血已天路鵬鵬振奮無  
風塵少年江海抱籌策向時漁釣皆經綸黃山  
草堂一茆屋宛委山陰鑑湖曲宅傍稻畦三百  
畝渚外芙蓉大如斛四時具美見風景十乘陳  
編藏海錄先人廬舍古經營抱郝科頭無不足  
門前榮戟弗須問靜蔭森森種成木可憐都入  
畫圖中狀取烟霞舊芳躅余交使君三十年余  
知使君非世緣卽看畫意與真意應附長離薄  
九天

卓山詩集 卷七 三十藥書樓

爲陳三使君讀書圖畫行

少年恥作章句儒白頭京洛猶奔馳誰能把書  
日匡坐逢君一笑傾頭顧百城坐擁已疇昔醉  
尉曾訶二千石同君我亦前使君未暇菰蒲聊  
寄跡丈夫成名動有時出處自與風雲宜書空  
殷生徒絕倒柱腹撐腸萬緣好遲暮終看匹夫  
望遭逢亦羨終童早南陽坐嘯風雨廬榮枯綠  
盡牕前草十年不下江都帷更生子雲心迹違  
蒼生未屬羣流眼健戶觀君杜德機

仲夏小涼雨中獨坐之作

雨氣傍天長林颺觸席涼冠裳時獨坐簾幙自  
虛堂團扇還捐棄殘書日把將不知羣燕子繞  
屋競獲翔

蕭寺

涼風在深院白日靜疎簾棋局人初散茶烟鳥  
不嫌逢僧開唄誦隨境悟莊嚴成佛先靈運終  
須慧業兼

寺夜

卓山詩集 卷七 三十藥書樓

夜闌鐘磬寂天漢起澄陰明月落平地秋風生  
古林何充貪佛佞白傳證禪心未必參元悟蕭  
寥滿素襟

久雨

朱夏全無暑雲陰日自霾沍流生屋角巨浸入  
中街穴螳先機驗征燐化理偕佛龕空色裏心  
跡坐無乖

復雨

風物婪天意林離復雨痕勢隨巫峽倒霾共日

車渾屋漏徒輸瓦河流直到門比隣數茆宇傾  
塌幾家存

雨中貽簡鄒編脩 玉藻

十日隔顏色終朝惜淖泥霑濡看鳥毳轅轍  
雞栖花隱青堤合天臨蔀屋低何時習池上同  
醉蹋銅鞮

奉酬李宗丞丈 友棠 索觀西甌鄱什集唐

垂贈之作

賞調誰人枉澗阿自來詩律謝陰何才如曹鄴

卓山詩集 卷上 天 三十 樂書樓

風流盡地是甌蠻感慨多折簡竟標唐品格慙

情重記越山河九天鸞鳳他年事笑憶西清兩

髯瞻 來詩有九天鸞鳳莫相疎之語

秋霽

積潦三十日愁霖賦未央秋開林墅爽天散雨

風涼欲落殘芳在爭飛乳燕忙眼中蕪謝意幾

地闌時光

甘庫部 禾 席間適過歌者遂呼以侑觴卻

賦

飲興因君有清娛引席長賞延成邂逅顧曲迭  
宮商夜月霓裳裏秋風錦瑟旁逢場皆似此莫  
遣度伊涼

西直門晴望

晴色開華甸瞻延到十洲日明仙仗綵河接御  
溝流白堦諸天近虹橋夾鏡收停鞭時藉草珍  
重玉驂騑

海淀

地迥連芳囿山靈擁翠微芙蓉深別苑楊柳聚

卓山詩集 卷上 天 三十 樂書樓

春旂立馬金吾仗聞香侍史衣多年湘漢客京

兆記依稀

卓山詩集卷上六 終

先大夫手澤之遺惟詩最富凡天地古今之大  
名物象數之繁有所感觸一於詩形之蓋其總  
角時卽解吟咏殆性之乎於斯者也弱冠登賢  
書橐饘走吳越齊豫燕秦楚粵間山川風俗寄  
興彌多乾隆丁巳

恩科成進士入詞館諸名公鉅卿往來投贈無  
虛日名噪都下咸心折焉旣而取前所作詩展  
卷嘆曰古人學知不足詩之道豈盡是乎不敢  
自信悉燔之彌復續學覃思以窮其極原本三

卓山詩集

跋

一 三十葉書樓

百篇胎息漢魏浸淫於有唐諸子而究厥指歸  
則惟以少陵爲宗中外服官三十餘載公餘輒  
賦詩自遣以寫其溫厚和平纏綿愷惻忠君愛  
國之思歲戊子煥隨侍潯陽郡廨時刊屬邑桂  
平縣志成因剗刪氏之便請於先大夫將是集  
付梓先大夫曰昔人之業藏諸名山傳之其人  
何鯁鯁焉以自炫爲固請則有我一日不死一  
日不刻之論今下世廿餘年矣宦橐蕭然艱於  
梨棗雖前

御纂四庫全書會蒙採入而尚未有刊本行世  
煥年且七十風燭是防其鈔稿兩弟燧照處固  
各有所存先大夫精神自足千古然煥之責庸  
可謝乎於是將外父舒慕庭先生贈婦之田售  
爲刻具而諸君子並踴躍勦助之集始得竣鳴  
呼此又煥之所感佩不忘者也時乾隆五年歲  
在丁巳仲秋月男煥謹跋

卓山詩集

跋

二 三十葉書樓

燧青玉

翰坊式言

男煥丙君敬編孫蘭生師馮

照嶠甫

翰培松承

曾孫

振鏞遠大振銘佩之

元孫登黃閣臣全校字

卓山詩集十二卷

江西巡撫  
採進本

國朝帥家相撰家相字仙子奉新人乾隆丁巳進士

官至潯州府知府是集又名三十乘書樓集中多

改竄之處蓋猶其自訂之原本也

瓠息齋前集二十四卷


〔清〕凌樹屏撰

首都圖書館藏清乾隆二十四年刻本

附《四庫全書總目·瓠息齋前集二十四卷》提要

瓠息齋前集自序

樹屏自就傳後入承芳治出交未暇督科舉外郎從事詩古文辭竊見斯道踈駁於前明未墜於今日荒村末學小生幸尚得其遺法未忍偁背斷朝夕爲之顧以材力蹇拙無能窮極格意三十年來苟有撰著不爲長老訶斥者鮮矣夫人手成一技果皆出諸辛苦之餘則甚陋未有不愛玩者矧於余乎誠不得以多所未當而輒棄也庚午仲夏游寓盛川逆旅主人不戒於火奚囊中物乃爲祝融氏取去聞溪諸生周玉霖者舊嘗抄纂其副本因乞以歸詩頗全而古文已亡今歲長夏無事料理故帙懼復有失爰并其後所作都差次爲一編以付開雕秀水友人櫟樹翁朱芬雅好余詩實率諸友人欽助焉目曰前集蓋用唐賢自集之例且使他日有儲吾文者出而見予得輯之爲中集續集云爾乾隆己卯長至後一日烏程凌樹屏自序



校閱同人姓氏

馬 湘芷鄉 秀水

朱 芬蘅佩 秀水

嚴遂成海珊 烏程

方卓然立亭 淳安

章寶傳習之 歸安

閔文山晴巖 烏程

張雲錦龍威 平湖

閔國棟邦懷 烏程

門人

不忠齋甫集校閱

黃本誠體存 嘉興

金 純汝耿 秀水

王賜魁彤華 靈州

李 璵佩玉 三原

陸費墀丹叔 桐鄉

曹秉鈞仲樸 嘉興

熊 忻光乘 南昌

計 璣文珍 吳江

夏樹本新綠 嘉興

鄭兆龍功偉 吳江

嚴師道凝齋 秀水

劉 沅芳楚 綏德

陸嵩高肩吾 烏程

管 嵩可高 吳江

康 璿應辰 邵陽

吳涵錦宸藻 烏程

程 璿朝璋 吳江

胡起詩雙轅 德清

董 鐘鼎聲 烏程

計嘉禾名書 吳江

不忠齋甫集校閱

凌雲高芳谷 秀水

湯 錦綢庭 吳江

伍應霖時若 大興

陳 泳介韓 秀水

丁景高子山 嘉善

顧 璿羽階 秀水

張廷相慶汪 嘉興

徐 玉嘉穀 秀水

陳 鯁躍青 嘉興

男元燈校字



瓠息齋前集目錄

卷之一

賦集

古律賦八首

卷之二

穀音集 起庚子訖丁未

古今體詩四十二首

卷之三

鼠腊集 起戊申訖壬子

古今體詩三十九首

瓠息齋前集目錄

卷之四

後庚集 起癸丑訖丙辰

古今體詩六十五首

卷之五

前癸壁集 丁巳戊午

古今體詩三十三首

卷之六

後癸壁集

古今體詩四十五首

卷之七

天光雲影齋集一 辛酉

古今體詩三十五首

卷之八

天光雲影齋集二 壬戌上

古今體詩三十八首

卷之九

天光雲影齋集三 壬戌下

古今體詩四十一首

卷之十

天光雲影齋集四 癸亥上

瓠息齋前集目錄

古今體詩四十六首

卷之十一

天光雲影齋集五 癸亥下

古今體詩五十一首

卷之十二

攬餘集 甲子

古今體詩四十七首

卷之十三

北莊集 乙丑

古今體詩五十八首

卷之十四

白洋集一 丙寅

古今體詩五十九首

卷之十五

白洋集二 丁卯

古今體詩七十八首

卷之十六

白洋集三 戊辰

古今體詩六十一首

卷之十七

爭席集已巳

古今體詩四十二首

卷之十八

南湖市隱集庚午上

古今體詩四十五首

卷之十九

冬瓜集庚午下

古今體詩三十九首

卷之二十

廬屋集辛未上

三

古今體詩五十首

卷之二十一

水明樓集辛未下

古今體詩五十一首

卷之二十二

倚蓬集壬申上

古今體詩五十首

卷之二十三

緇衣集壬申下

古今體詩三十七首

卷之二十四

關中集起癸酉訖丙子

古今體詩四十九首

四

瓠息齋前集卷之一

北京印文  
北嘉文初  
謝詩錄死  
紀載書印

烏程 凌樹屏 保釐

梅花賦 十五歲作

爾其清香乍送煖氣初融珊珊瑣骨落落高踪掩冉於上林之苑嘯傲乎層城之宮晨允燦而色奪夜月照而光空施之雪則太白擬以杏則差紅似暗還明遠在曉烟之外將疎更密幾經暮雨之中若乃沽酒帘邊移春檻側爭綻瓊腮競呈皓質乍

瓠息齋前集卷之一

二

脫萼而亂飄或承陽而互出既息意於鉛華復何心於粉飾寄來隴畔青松與翠竹同看折去牆頭玉樹共瓊枝一色助點額於壽陽效淡眉於虢國廣平舊賦曾傳美女之名和靖當年聘作夫人之職憑高閣兮香襲衣涉隆霜兮淚滿臆等桃李之無言恨騷人之不識及夫玉葬黃塵芬凋紫陌老榦新青遠條舊白悵十日之易消怨一春之永隔江妃失寵歌殘南內之樓何遜辭官烟鎖楊州之宅鶴惆悵兮空亭遂淒涼兮古驛泣翠袖之佳人傷朱輪之貴客從此林中夢覺難尋翠羽之蒐嶺

上風吹盡化杜鵑之魄

是歲里中興道古社首崇詩文余以一小子追隨家公後同往搦管是篇與賀廣文君納姬序並當日社稟也文筆穉嗇本不足存緣其最少時作即蒙諸老生傳訖未忍摧燒輒錄之以志一時磬琢之概

瓠息齋前集卷之一

二

落花賦

有序時在郡城余年十有八歲

寓齋牆角有海棠一叢居停主人不知愛惜聽其  
委折於風簷雨砌之中余悲夫是花之有國艷而  
不遇也爲作落花賦以弔之

已矣哉美人去兮高閣空雲南北兮水西東春光  
兮闇淡夜月兮朦朧盈柯兮結綠滿逕兮鋪紅恨  
桃源兮望斷恨天台兮路窮落花兮落花不知屬  
暮雨兮屬朝風於是江南塞北傷心滿目卽愛芳  
菲儂悲零落蕭娘粉水空復流卓氏眉山竟懶約  
結梳子兮心同贈可離兮路各驚鴛鴦塚上聞宋女

不孤集前集卷之二

三

之朝歌青草墳頭聽明妃之夜哭况復釣鰲才子  
挾瑟文人經年失職到處銷魂館有病梨之號臺  
無酸棗之名春纔移檻草不連茵季重罷河陽之  
讌淵明息彭澤之樽香乍飛而拂帽露旋滴而折  
巾贈丹棘兮無忘憂之用植紫華兮非長樂之心  
同下官于在厠類屈子之餐英于斯時也人逢搖  
落樹歎婆娑庭酌餞花之酒人唱送春之歌歌曰  
南浦餘殘照西山亂夕霞昔聞張子悲衰柳今見  
坡仙惜落花

看燈賦

楚娃字豔魏女名才朝妝半故行漏初催龍暝長  
春之觀兔升靜夜之闌芙蓉帳冷翻眉柳蓮子栳  
空斷玉醅怯淩波於洛水勑薦枕於荆臺於是併  
拾蘭宮獨鍵瓊戶委花簾於西樓逐樺燈於北路  
層綽約而安星步招搖而行露乍九枝兮齊光或  
雙花兮錯互蛺蝶脂鯨甲不須然此日看燈倍可憐  
幾年鑄鳳長迴頸今歲圖龍可並眠珠光轉彩樹  
蠟淚滿瓊筵想朱霞之燦燦凝紅袖之翩翩乃有  
青驄浪子寶玦王孫相逢南陌步出東門遭道旁  
而送目窺簾下而驚魂並馬過流星之市聯車入  
明月之園刺取燈花同掩映持來桂燼共溫存當  
此之時莫不志惑神怡心墜鬼落羨對燭之輝煌  
增孤榮之寂寞

不孤集前集卷之二

四

後看燈賦 有序

庚戌元夜二三友人拉觀燈於歸安之雙林市時則華燄盈街香車滿路潘輿到處橫逢柳果之人趙笛吹時劇有倚樓之女因憶梁簡文帝集中有看燈賦輒緣其體作之以記一時盛事次年太守唐公下放夜之令用是子城內外燈光溢眼宵色如銀遺穢剝珥者十步而九蓋不減曲江三月也老子於此興復不淺爰依曩語用伸今情作後賦黃雲城邊鴉亂飛赤烏池畔影初歸須臾又見華燈合火樹銀花滿路收翠色侵瓊砌瑤先逼繡幃

臥息齋前集卷之一

五

若非隋帝囊螢夜定是明皇宴月時蛺將指而助艷蛾飄燼而倒垂動長鯨於火窟映鳴鶴於冰池青入蕭郎之對燭紅搖庾信之單衣昭灼成連采華輝耀九枝吳姬十五不知愁懶向春街作夜遊伴喚姊妹行燈市悔與女奴坐月樓口脂印檻上首飾落釵頭綵綳頻點指蠟炬羨盈眸影照眉而婉約人秉燭而夷猶石榴燒棗而怨結金釭入座而歡稠一雙丹鶴從教入半幅朱簾却任收淚盡須添桂繩高欲墮球喜邀公子驅車至恨殺王孫駐馬畱錦瑟初調銀箏乍沸鼓叶紅檀歌喧彩樹

響十里之香街聞三條之花路竹肉繽紛珠璣錯互元宵令節五雲空免魄蘭膏相映紅世界別開歡喜地樓臺倒影水晶宮但逢三五二八清光夜那知十萬八千黑劫風金吾弛夜禁玉律占春融燄薄繒鰲瘦烟浮蠟廟濃百尺樓中漏正長沉香欲熟暗聞香相將且入珍珠市對坐何須玳瑁房時有瘠死者故云  
十萬八千黑劫風

臥息齋前集卷之一

六

乾元資始賦 以泰哉乾元資始統天爲韻

原夫杳杳冥冥二五之精混沌沌陰陽之會何造化之多端俾馮生之永遂春飈轉兮春物滋秋氣凝兮秋華退退則萬彙之生機房乎其中滋則百品之歸根宅乎其內代明者如輪環之遞轉而無端並育者類火隱之相煎而不害洵鼓盪之靡遺良施生之寡礙極衆形之毒藉人言行地無疆溯諸象之包含我謂惟天爲泰是蓋紅明未啟玄闡方恢太極之機緘欲露乾元之妙用將開深之又深肯奪代終之職動而無動獨昭資始之才鍛

瓠思齋前集卷之二

七

神功爲鑑治搏大氣以栽培物雖充而未滿理仍約而能該無蠕蠕而未有形埒垠堦敦敦陽陽而乍成芽蘖胚胎日君則搏桑紀次月配則生魄書哉實緜憤之自發羌煬和所由推當其道淪於虛霸權杜於潘淵捫之不可得其隱視之莫能窺其前蕭條霄霏寂寞連邇天鈞休而靡轉和輪止而不旋歸之太空設於無垓站之宇冥夫萬有超乎通允曜之先專精散精尚涵而莫曉吐氣含氣復納而誰宣類商辰之就縮同暢月之蒙顯此時方未始有夫有始曷以驗秉乾者之出乾若乃新

機乍鼓陳跡初翻擴升降之宅開闔闢之門帝出

乎震物役乎坤盛衰之離明嚮治正秋之兌澤悅言一南一北而羣生終始相摩相盪而品物淆樊物以分而方以聚雨以潤而日以暄續紛惹龍競暢於炁蓋黃輿之內炫煌萑蘆發施乎上亭下毒之根驚陶甄之莫禦昧包裹之有源咸瀏覽於寥廓孰相求於本元然而其端奚兆其朕奚施張弓孰主執象安尸萬物其有極乎夫疇得而見天地果無涯乎吾不得而知不生者疑獨能化者顯微恍兮惚其中有物是耶非其來何遲豈深藏而弗

瓠思齋前集卷之二

八

曜乍倣真以托基色之所色靡窮而色色者未嘗顯聲之所聲靡極而聲聲者未嘗馳猶橐籥之動而愈出類虛谷之視而曰夷推一元之獨運實衆甫之所資由是剖析毫芒雕錡物始炁北綿根蒼穹布體牢籠緼緼楊糠粃有形形而盈兩間衆父父而開萬子日用者不知徧覆之功月新者自極巨生之美勾萌甲苗喜弱植之爭榮蠕動蠓飛度纖靈之競起雷出地而蟻垤啟封雲行天而魚車決水固宜細巨畢含蛻和均委辰指卯而茂茂然物在夏而油油矣無如天無全功陽不獨統此

馬得應地之朋亢龍來擬陰之訟盤浮輪幹莫窺  
轉運之原斗降井升詎識災寒之總或運偏於草  
昧未洽文明或時位乎泉蒙仍須閑壅半子初生  
之際網緼潛精三陽遇泰之餘氣衡覆幬初寒暑  
雨長聞谷怨之聲武露威霜未盡生成之種斯則  
人猶有憾莫或要歸理故多違難言折衷所賴聖  
人首出元后身有幹旋造化宗主陶甄斷鰲既堪  
以奠地鍊石復可以補天體元德而配元功立人  
之極秉乾剛而居乾位開物之先善可兼資乘六  
龍以遠御道通無始馳八殞而遐駕裁成爲上帝

欽思齋前集卷之一

九

之功臣兼三而兩繼述實碧翁之肖子補偏以全  
自茲消息盈虛彼蒼可化其伏愆之運所以有無  
汗漫太素彌深其知始之權

韻脚內泰字因  
避家諱故改用

感士不遇賦 有序

昔董仲舒作士不遇賦悽切於觸藩流連於闔戶  
言之傷矣夫以董生王佐之才而值漢武多欲之  
主其不遇宜也非不幸也臣幼以文章自矢冀有  
所施用

皇帝御極之元年開宏詞科召試多士縣令羅君  
將以名聞守郡者少其齒罷之迨今十六年南  
巡狩觀風宋故都浙東西庠承獻藝之士咸次第  
收錄而臣以逾壯之齡方憂處苦廬不獲恭迎道  
左親承

欽思齋前集卷之一

十

日月之餘光豈非重不幸歟蓋有其時而無其遇  
尤君子之所感也爰感而賦之

悲乎傷哉時耶命耶高天之下厚地之內蠕動蠛  
飛莫不咸遂有不遇者獨一士耶人皆集於苑孰  
使汝集於枯耶茫茫巨化有物尸之無智無愚懵  
然而馳馳於其中或得或否或奇或偶或退而詳  
妍或進而奇醜或驟亨於屯前或更否於泰後苟  
所遇之非時雖獲寵而滋咎我獨何爲兮私自悲  
兮千巖競綠堦草萎兮萬馬爭駕廐薦維兮北陰  
鬱單皎日輝兮石田曠濕春霖霏兮匪時無良汝

無良時分會逢適而終乖豈

明主之不汝知兮亂曰士生不辰兮既窮且艱出  
門無路兮如隔重山願托蹇修兮蓋無由緣悠悠  
旆旌兮駐於江干黃童忤舞兮亦有褐寬彼皆獻  
技兮採入輜軒繫我獨無兮能無厚顏非以慕榮  
兮我道固然已矣哉時不可以再至遇不可以強  
求勤修身以俟命庶沒世而無訖日有夜其必有  
晝歲有春其必有秋良一往而一復洵何樂而何  
憂我茲且欣然而還讀謝表帛於賁仰彼桓榮之  
陳服張綰之鳴騶誠達人之所貴非奇士之堪謀

鄒思齋南集卷之

士

驪山弔古賦 有序

余于役至驪山感秦皇之極盛而驟衰也因賦之  
其辭曰

秦耽乳虎天厭祖龍哀哉暴骨瘞此荒叢紛愁雲  
兮漠漠復濯水兮峯峯成青山之萬古殘黃土之  
一封方其破連鷄下六鳥乘帝醉而驟興據星參  
而疾掃建何罪乎見欺丹有讐矣必討烈士不能  
堪其胸降王其皆刈爲草鯨吞遂而肆志多鼎系  
絕而稱樂早然後馳情域外極意豪中鳴金築道  
建轟成宮博沙漠北鞭石海東侯盧庸其誕斯綰  
閱其忠希徐市之可市恨韓終之不終近忘山鬼  
之遺遠慕仙人之踪薄五三爲短促期千萬於無  
窮是其每生貪勢畏死據崇固不可得而形容也  
及夫氣盡張狙兔銷孔記東羈始衰平舒漸替車  
中之載鮑徒紛海上之射魚何濟委愛子於長城  
托閭兒以弱季輻輳直入而六宮闐然銅梓晚移  
而百官遷次難迴玉虎之晴虛下金人之淚遂乃  
啟幽隧錮重泉徙珍怪設機權鑿空而下疑無地  
絕脉而中貫爲川游妃嬙於下里閉工匠於中羨  
當此之時豈不自謂至深至固不崩不騫笑風陵

鄒思齋南集卷之

士



之易沒怪桐塚之已湮曾不知黥趾已狼顧虎視而睥睨其前俄而宇內塵飛關東蟻起廝宦中殘將軍外市赤靈來白帝死決百二之險塗迤八千之平履火既及於宮中兵復加乎泉底悲乎痛哉奇珍異寶出人間矣玉匣珠襦委道路矣水銀溶溶四流離矣魚燈煌煌亂明月矣飛椎如雨其疇索矣賈石如星其疇誅矣徒使遊人慨跡過客傷神誰澆麥飯但長荆榛狐兔藏其故穴風雷墮其壞甕絰長烟於叢莽蕩鬼物於游燐牧豎羣驅以上下莠童捆載以紛綸無朝無暮塵至雲屯暗威聖之餘威何在而不能保此數仞之岫嶙

《龜息齋前集卷之一》

圭

貞志賦 有序

序曰

國初宏詞諸公幸據漢唐註疏以抉剔朱子集傳近時學徒頗有沿竊其說者余爲正告之曰諸公皆先讀集傳後讀註疏彼其少年識力既無得於此驟見漢唐人訓詁分趣別解輒振奇之因欲以其名物器數之學奪我義理俟矣余則不然由名物以求其義由器數以通其理先註疏後集傳窮流溯源反約於博遂覺朱氏精醇有非漢唐人所可及者既以語諸人退而作此賦其辭曰

《龜息齋前集卷之一》

南

噫嘻乎余滋不及古之人兮余猶自知悔前途之已渺兮庶來者其可追心閔閔而莫寤兮足踈踈而安之涉巨川之必資舟楫兮矧有志於我斯入藝府而瀏覽兮儼孔文之在茲顏氏子猶苦其卓兮余何恃而不作其然疑紛彷徨以求索兮冀尋軌而識迷既久之忽若有得兮不可以告誰曰余方混處乎齊民中兮其敢謂天地之獨我私日寢息於聖籍兮覺羣言之已漓世斐然有著述兮果孰辨乎是非嗟繁露之多踳駁兮至中論而老成陋河汾之剽雷兮固拔跡於紛攘韓李歐曾其爭

鳴道兮徒躑躅於門庭緬諸儒之迭起兮余尙不  
悅乎淵齡周東遷而孔作兮宋南渡而朱生言有  
巨其非誇兮同千年於望衡彌衆說之瑕隙兮抗  
至論於耿風叶洵川塗之絕遠兮譬長夜而復明  
何妄庸之有巨子兮奮赤手以擊捭漢箋唐疏其  
疇不讀兮彼驟見而若驚撫典物以送難兮謂義  
理之未精瞽不可以喻日兮聾不可以耳靈欲馳  
者不可使安兮欲癢者不可以使行迷東西於劇  
驂兮眩五色於丹青天昭昭兮雲冥冥月宵潛兮  
日朝升哀茲人之皆醉濁兮我何心乎醒清顧斯

孤思齋前集卷之一

五

道其難終晦兮願獨守此素貞

蠟梅花賦

以香簾影明閉戶香至爲韻

氤節初臨黃心驟吐乍倔強於雲癡忽紛葩于日  
叩陶處士採窮籬蕊更染麴衣壽陽主臥厭檐英  
重開椒戶喧蝶之粉痕易暗凍鴉之金背初明參  
差旭上迤邐春生徒誇桑蕾不數茗榮維那之清  
磬敲殘團成顚顚弟子之香槽跌破綴就盈盈繁  
裹繚枝細分紺帶細縠外施絳綃內繫旣似淡而  
還濃復疑開而半閉近安嬌額看一點之輕勻遠  
寄同心訝數九之迢遞霜晨苞重露夜房垂無情  
脈脈獨立離離異梅兄之素挺謝碧弟之紅滋別  
翻新於勁格同標韻于寒姿布席芳園稱汎鷺兒  
之酒泥房晚歲定成蜂子之脾割麝分薰鎔酥取  
媚竹榭孤斜土牆互避月有暈而黃淡雲將同而  
青瘁石季倫嬾親杯犂尙畱翠釜之薪王僧虔雅  
戲庭墀盡滴銅釭之淚聲飄玉笛而不知夢醒簾  
牀而白至亭亭有骨奕奕多香如撚脂以傳彩誤  
點蜜以成妝色染薔薇之露神侵蘭蕙之芳陋蠅  
窠之格下羨檀暈之品良未垂鈴寶先破茜囊開  
後鷓庚已詫翠衣之欲老啍經褐雀宜猜斑喙之  
俱若向暖心堅透寒力猛風度清奇襟期介耿亦

孤思齋前集卷之一

六

五出以爭華遂三冬而發穎迎風不僵在雪增影  
晁子醉尋之候落落茅簷蘇君眠去之餘疎疎松  
嶺宜栽玳斛宜隱湘簾配之竺穗輔以柏髻成膽  
瓶之閒雅適烏几之清恬清脾韻獨沁鼻芬僉燦  
黃琮於筠槌潤栗玉於牙籤蜜炬高燒非紅妝而  
艷發桂翁低掩隨素曆以光添

瓠息齋前集卷之一

七

瓠息齋前集卷之二

烏程 凌樹屏 保釐

穀音集 起庚子訖丁未

是集凌子學語時之所著也古人悔其少作  
今乃不付摧燒理而存之良以樹屏弱而就  
傳卽爲 先王父所器愛身自課督對屬聲  
律之學口授爲多凡茲吟咏雖復屢筆稚墨  
無當巨雅顧嘗資老人歡笑之具未忍廢棄  
稍稍述其可存者集爲一卷名曰穀音聊自  
托於小鳥之鳴豈謂有關春事乎

題淮陰侯傳

無雙韓國士勲業果難酬智作蕭功狗身殲楚沐  
猴將兵空入聖論相失封侯死謝高陽喁遺冤萬  
古愁

十二月行樂詞十三首

正月

黍谷春回日開闢檐前遍揀芝藤梗閒邀女伴擲  
金錢長倩厨娘簪柿餅如此風光那自由放寬收

覓恣冶游衆安橋畔開燈市任揣藏頭死未休

二月

中和時節天氣晴小牕歷歷珍珠明掃逕踰尋關  
艸約隔簾潛聽賣花聲細雨霏霏濕香蕊社翁社  
母要新水此時瓜菓薦青囊遺俗猶傳獻生子

三月

題鳩喚春春欲去羲和馭日騁六轡但過寒食一  
百五吹盡花風二十四青君促裝何徘徊林間落  
蕊應成堆剩有茶蘼三兩樹且燒殘燭罄餘杯

四月

孤思齋前集卷之三

工

薰風一夜鳴蟬暖日烘烏頭欲赤辟暑誰傳壬  
癸符吹灰新用丙丁日旗槍好試七家茶惡水還  
將釋迦汚口長從此君須愛瞥眼西山有暮霞

五月

脂粉香新縷妍媚菖蒲花老爭飛翠麥秋迢遞得  
先登梅夏晴明亦可愛團扇搖風苦未足炎光浸  
逼鮫綃箔直須張樂古洞庭爲唱秋霜皓露曲

六月

三旬驕暑庚金伏赤霞如馬驅南陸雄風直欲壯  
荆南豪飲端宜踵河朔黃雀吹塵菱荷老彤彤日

脚燒蒼昊湖亭會客休苦炎坐中曾設迎涼草

七月

赤帝收威氣漸爽時光又屆商秋節梧桐懼綠墮  
瑤堦楊柳悲黃蘗綺陌月額頻催洗車雨畫樓欲  
上穿針女石楠蕉葉爲誰忙剪勝栽花都未已

八月

黃姑娟娟殷秋仲盲風瀝瀝吹銅鳳十分金粟泥  
人畱一擲銀潢把月弄澤國蒼茫水芳老絲囊珠  
露凝霜早盡日圍棋不到頭終朝擊鼓應難了

九月

孤思齋前集卷之三

王

冷雨疎風將九九婆娑應醉菊花酒鶴林爲爛非  
時花馬當誰逢助帆曳一條紺碧門前水芙蓉亂  
落鯉魚笑停車更愛楓樹林但籠烟光暮還紫

十月

炁冥當權陽氣絕三星窈窕隨時滅多謝桃花及  
小春誰憐萸萸司嚴節霜風凜冽天始寒重衣無  
煖氣餘酸團圞好作暖爐會湯餅且爲蒸棗梓

十一月

寒風獻發一之日珠箔深垂嬌不出紛紛玉戲漸  
花鋪燁燁蘭枝乍芽苗獻轡春糕底用癡肥冬瘦

歲鎮相宜年年此月須添線長掩雕房知不知

十二月

蒼茫飛雪關山道朔風吹山勢欲倒斗柄依微向  
北迴塞鴻寂寞辭南早盡日歡娛莫計冬侍兒煖  
築肉屏風驚飈不怕侵簾入更熱沈香滿地紅

閏月

雙丸紉續天無常瑤杓界破生銅梁人間百物乘  
餘氣黃楊何短藕何長哉我玉冕當朱闕倭鐘報  
時鐵繩滑爲歡未央怕春歸却使韶光補小月

嘲風

蘇東坡集卷之三

四

有意飄紅日無情散綺霞昨朝風急處吹落幾多  
花

夜坐二首

細雨濕幽牕微風動殘夜寒蛩暗不鳴飢鼯獨上  
下  
睡鵲翻空枝鴝鵒號古木推牕試靜看點點鬼燈  
綠

輓烈婦某氏

烈婦湖上農家女也結褵半載而夫賈  
江淮間十四年遂以死歸婦因殉焉爲

作詩以弔之

明璫翠羽各生塵瓊戶空關十四春一笑自歸蓬  
島去恥隨人喚未亡人

試筆作制科文

豈有衣冠優孔子漫將溫飽羨王生無端效却邯  
鄲步贏得小兒學士名

題反離騷後

洲莽毗蘭帶怨情反離騷後是何人但令耐却顛  
胸病肯向新朝去劇秦

題翠竹美人圖

蘇東坡集卷之三

五

藕色輕衫玉樣腮沿階小立恣徘徊碧筠堂外分  
明見一笑湘靈曉瑟來

元旦試筆示同志

才入新春日倍妍竭來相對爲流連君愁我惜猶  
前夜斗轉星迴又一年宿毳未消香冉冉暖風初  
扇露娟娟舊時梅萼都無恙笠屐明朝且放顛

送人之楚

之子竟何爲蕭然事遠游去應過夏口來莫到春  
頭吳人謂春  
初爲春頭颿影參差遠鄉心次第勾楚雲團似  
墨南望使人愁

城上草

城上草何青葱牛羊不敢踐當春徙倚凌迴風鬱鬱深澗中豈無蘭杜葭薄命生成在平地意氣那得與汝同城上草且勿喜高處爲笑低處舞八月秋霜先到汝

吳門懷古二首

孰哉舊國五湖濱鹿豕紛紛最愴神於越行成真玩弄夫差振旅太因循聲沈哮虎悲縣目死起封狐轉嚼脣不是狂夫親建鼓甬東輕易赦孤臣亞字城邊草樹齊麗娃村畔野烟迷無端親豕能

蘇東坡集卷之三

六

銷骨不信爲虺竟噬臍山色自饒吳會里水聲終咽越來溪黃池爭長真何益梧葉聲秋散水犀

春日田園雜咏五首

舍北舍南春水村前村後人家父老各騎秧馬兒童競踏水車

紅杏花邊播穀綠楊枝底催耕衣竹不憂烘日餐葛屨可解醒

花到春深爛熳酒逢社散匆忙無意醉眠芳草偶然趁著斜陽

故人舊雨今雨此輩清流濁流衆飲不分賢聖耦

耕儘足優游

枝上鳥鳴布穀馬頭娘欲登輿興至獨行阡陌春  
花插遍帽檐

讀梁書有感十一首

無端投袂竟勤王揖盜從教氣漸傷宇宙將軍真  
跋扈閭浮天子太荒唐樓高北顧空回首城築長  
圍欲斷腸不是蕭牆有饕餮肯令韋粲死青塘  
記室清才出荏康偶然附鳳竟高翔瘦腰小臂綠  
何事空使君王怒赤章沈約

蘇東坡集卷之三

七

門戶誤盡蕭梁是此兒朱異

王家養炬本翩翩謝舉風流更獨難錯與敬容同  
列傳恰如老子視申韓謝舉

風雨鷄鳴思不禁有梁正士坐銷沈如今却憶南  
豐議當日誰知曲突心傅岐

列妓彈箏欲沸雲每緣豪侈少將軍臺城不是身  
當敵誰復臨危信祖忻羊侃

輻輳從教赴玷盟揚眉端欲定群英他年葛屨淒  
涼甚不省談交有到生任昉

弱冠風神蚤見知公才公望定何如選曹錯用名

公子寒素應遭非種鋤 蕭陳

揅筆終當掩博昌異才從此說南陽無因避難歸  
鄉里死恨湘東一目王 劉之驎

草屨柴車恣往還人間通隱未天全華林引見真  
無謂不獨荒嫗惜暮年 何循

甲觀文章盛楷模下亭飄泊悔歡娛圍城多少捐  
軀士剩有蘭成獨向隅 庾肩吾

瓠息齋前集卷之三

八

瓠息齋前集卷之三

烏程 凌樹屏 保釐

鼠腊集 起戊申訖壬子

凌子少奉高曾之架獲孤唱門庭名不出閑  
歲在戊申至壬子里中舉道古社昉從家  
公先生追扳其後賦夫差墓越王亭詩過蒙  
諸老生傳訖既而獲交閔丈晴岩並以少年  
靡綺不少微詞無聊有托之作往復遂多然  
回視丁未已前了無遷異殊負家公之教  
澤與良友師之磨切意甚媿之顧猶不廢排  
纘則亦宋人寶其鼠腊之意也

夫差墓

自古仇讐未易降幾曾鼠壁肯相忘囚城才見歸  
蠡即醉里終教失旦光烏喙君王成外侮鳴夷上  
相悔中傷只今寂寞香溪水無復蓮歌出晚塘

越王亭

越王霸業總銷沉極目山川怨不任狡兔在原須  
縱狗長蛇薦食也成禽風胡且共譚神劍焚執何

曾識雅琴試策南陽應太息子皮空復寫良金

無題

雀屏開處薦鴛鴦夜合龍葱照眼明入夢詞人元  
字玉步虛仙子舊名瓊同根藕上花千疊重璧臺  
前月幾更天若有情應未曉曲房長得話平生

襍詩四首

前溪妙舞之鄉子夜鬼譚之屬懊惱聲  
裏爾汝雙呼卷畫波頭箇儂並渡況乃  
步出東門人居南里相逢陌上馬蹄緩  
緩趁花開獨立牕中麝語珍珍容柳度

蘇子瞻詩集卷之三

工

妾爲女子幼慣當壚君是丈夫長仍挾  
彈杯分蓮子是以卿卿佩卿杏仁聊復  
爾爾綺羅換處喚阿母之留賓團扇擎  
時恨小郎而遮面彼其之子美無度適  
我願兮所謂伊人水一方如此榮者所  
常追諸魂夢聊以繪厥形聲云爾

斑竹籬邊豆蔻香隔簾閒坐數鴛鴦平生薄倖知  
誰是鸚鵡聲中李十郎

嬌小年華髮未齊臥樓新僦畫堂西施家舊事成  
流水留得前溪似越溪

小擘紅箋署酒狂故將杜牧配前行雙環莫問湖  
州約十四年前已斷腸

愛殺伶仃丁六爍品題只合任昭陽杏花眼孔桃  
花面更看芙蓉一尺長

呈閔一丈文山晴岩

詩句吟成太瘦生翩然鶴立避鷄群盧前王後吾  
焉敢魚北徐南路共分顧兔生涯唯附桂皆方從  
尊甫先  
遊爲龍變化欲噓雲借牙終是君逾力未必登壇  
果張軍

所見

蘇子瞻詩集卷之三

主

卮字珠簾不下鉤碧桃深處見梳頭玉人自在抽  
香屣不道新妝起客愁

園居雜興

小住欣然聊復爾細思舍此更何之對花且進桑  
卽酒弄月空吟木客詩五鬼祇應窮有約一餐端  
悔飽無期飄蓬踪跡都如此羞說亡羊路轉岐

園居即景

苦竹園林淺水渦小桃一樹壓微波閒按花葉供  
魚食自摘銅鈴放鳥歌遠迤酤憐書帶滿纜船漸  
喜絲絲搓花藍夫人咏郭詩有云稱與畫一坵一  
船索錦綉暖風搖出絲絲絲



堅垂垂老短鬢秋蓬奈爾何

烈婦謠二首

已酉季冬寒夜無聊偶與客促坐擁爐  
談古來忠烈事尚論之下兼及湖濱馬  
哀公婦及里中閔呆行婦死節諸狀余  
既聞而悲之翌日因呵凍炙研以韻其  
語庶俾輶車者一採擇焉言之無文則  
亦塗巷之歌謠比也

公無渡河公竟渡河墜風波青泥汚公頸白沙陷  
公顧遊魂寂寂呼不出猛浪如山喚奈何憶妾深

鄒忌齋前集卷之三

四

閨中此景未曾識驚聞惡耗來那免河邊涉悲公  
精靈何黨之妾今痛哭將安知冰夷作惡乖龍怒  
坐使我公無歸時公無歸長寂寞妾身敢戀鮫綃  
帕逝將弱體擲清流不向羅幃怨幽獨吁嗟乎妾  
豈不能斷愛根妾詎不願昭令德念妾與公結髮  
半載恩義無縱然兩死不必有兩失  
馬烈婦劉氏  
國不樂有忠臣家不樂有烈婦古來家國縱如斯  
妾今所處安可苟自妾入君門君病忽已劇未效  
鸞鳳歡空費參苓藥君泣謂妾云誤汝三生托我  
死幸自計慎毋守寂寞妾時未敢言流淚暗相續

念妾水爲肝豈比筍在簾君病妾扶持君死妾追  
隨矢志一以堅歷劫良難移朔風凜凜君不起君  
何亂命斗見疑於乎君何亂命斗見疑妾今不死  
復何爲此身拚向君前碎莫使夜臺獨徃君傷悲  
閔烈婦嚴氏

春來

春來物物皆生態靜會方知此味長海燕將泥忙  
歷鹿盆花蕉日意相羊風才著水翻柔碧柳欲裝  
綿換老黃他日飢驅應四出興懷多恐易顏唐

石林精舍

鄒忌齋前集卷之三

五

生長水晶宮烟霞富幽矚况彼西北隅奇峰攢極  
目巖展展清遊坦步尋坵堅咄哉小玲瓏空翠何  
紛續蟲峙蒼弁椒俯瞰碧苕曲危巖絡枯籐飛溜  
忽纏屬行行磊砢近怪石屹嶸伏猛如蹴龍象  
如立猿獨有虎或削牙有犢或崩角殊狀各巉岼  
仄逕裁安足稍稍至上層其勢始縮納崖垠豁天  
鍾平坦可架屋回視萬石林紛若斗拱朔緬昔葉  
左丞掛冠此卜築烟舍露林端松吹起雲麓真意  
在岩居從好良所欲  
真意從好承詔名  
我何榮知  
止綽乃不辱平生負日  
名軒心一易避暑錄箋古屹

膏肓哦詩滴珠玉往來多素心鄰園時舊躅鄰有朱氏

圓潭潭碧淋泉亦復恣沿濯卻登最高峯五湖眇

可掬芳規存至今靈寃不可復我來此岩阿陳迹

空追逐野鳥相悲鳴題字已摧剝涵空稿疊舊梁名

玉澗尙搖綠歸雲軒失故軒靄靄絳叢木左丞千

載人山靈爲孕育艸堂何易湮奄忽就凋落不見

紫薇書依然耀空谷山有杜牧之題名

牽冷

牽冷渾同一束冰射鉤賭覆百無徵非非國語憑

誰作反反離騷記我曾余舊有題反離騷詩賢聖酒仍開舊

蘇東坡集卷之三

六

釀脯脂田已萌新登自憐潦倒成雌辱谿谷終教

媿未能

朝出城東門詩

朝出城東門暮出城東門朝朝暮暮問君何事往

來頻東門有女顏若苕之華王之英珍珠羅皓體

綺縠被全身釵安獨角犀衣蹙懷紅麟眉照花而

婉約膚迴雪而停勻當牕獨立疑惆悵臨風彷彿

散餘薰小家碧玉驚無色南國綵珠慙未純傾國

傾城比之應不足過如此容華令人一見蕩心覓

朝亦相逢朝不得親暮亦相逢暮還入夢愁無因

誰侮予美心如鳩我欲從之恐他人之不我信叶

行雲靄靄無處所陽臺寂寂爲誰春悵東門之在

望徒煩冤而傷神

積雨半月漸有晴意俄復雲作

似墨濃雲推不去潑天水脚太無情留姑辛苦煩

祈雨喚婦扃閨或放晴一飽無期甘餓谷半生作

計悔歸畊何當矮屋伸頭出堵足檐前聽水聲

城關

城關空教記昔遊小桃依舊擅風流年來自悵尋

春晚兩兩鴛鴦盡白頭

蘇東坡集卷之三

七

爲竹塋沈中培樹德題尊太孺人貞松慈

竹園

歷盡水霜勢轉疎從教譜就歲寒圖玉姜餌後松

逾老金母歌殘竹未枯及看貞心凌細草曾將練

實哺清雛青青自是多年物取次靈蔭得似無

題閨文山晴巖詩卷後

沈約辭逾麗邱遲筆最妍君才何晚出盛譽讓前

賢

紀張睢陽妾死節事

有唐昔涼德京室何離披廝養倒授柄魚陽弄鼓

輦傳檄天子走入關哥舒夷士女各奔竄衣冠樹  
降旗巍巍睢陽公奮赤手縛蛇獨障江海勢空聞  
社稷移至死道不變苦守羞言疲羅天悲雀盡食  
人嗟虎飢可憐薄命妾殺身朶其願我聞朱襄陽  
健婢能守陴又聞并州媼千騎散清篋之子苦未  
諳立節良獨奇誓以藐茲躬濟彼擾攘師所以三  
軍士感泣咸嗟戲此事史未傳矣謂公殺之試舉  
以示人聽者互然疑於乎睢陽公正氣扶天維彼  
姝者女俠上下與攀追鯁生羅逸事定爲千秋辭  
配彼雙忠廟誰云非其宜

蘇息齋前集卷之三

八

西崑體

迢遙銀漢感離愁才撥重簾又上鉤見說靈丸能  
續命幾曾讓草解忘憂鮫綃帳疊閒搖佩龜甲屏  
舒見卸頭如許惱腸何處是令人長憶十三樓

小橋

滿城樓館柳絲遮艷李天桃盡著花何處春風獨  
惆悵小橋東畔第三家

有贈二首

休將團扇掩瓊粧小鈿輕盈拂額黃今日畫船相  
望處碧琉璃上看鴛鴦

淡淡瓊眉窄窄衫藕花相稱籠嬋娟人間倘得知  
名字願署晶宮第一仙

無題三十韻

拂檻迴鸞入墮釵集鳳垂斜門通寶碾曲逕砌瓊  
粧珠箔銀爲蒜楸枰玉作棋螺鈿雙掩映蟬翼互  
參差香暖入初起花浮日正遲長廊聞響屣襍佩  
聽鳴肌疑向高唐見還從下蔡迷小家劉碧玉圍  
扇謝芳姿粧閣眉同約迴堂手共攜看花前度日  
把酒後來時簾下憑遙覩牕中許暗窺含羞障便  
面促坐掩翠幃黛薄愁風逼情柔怯雨篩鹿茵名

蘇息齋前集卷之三

九

稱意鵲鵲慰相思心死鴛鴦枕冤銷荳蔻枝歡耶  
方未極行矣欲何之草草若爲送花花空自悲焚  
香心字碎欹枕骨材支別恨琴先覺離懷柳暗知  
兩邊添恨恨幾次爲猶更烏鰂偷將墨蘇蘭織就  
詩憑誰相問訊對此互然疑顏色應留在風光不  
自持圍寬餘帶眼簾膩褪唇脂永巷青苔繡閒階  
碧鮮滋鸚哥連夢斷鳳子共心期芍藥空繁淚芙  
蓉慣解癡畏人長掩靨問坐竟搢頤獨涕味無味  
雙心岐又岐憑闌時小立撫景獨長戲

偶記

姊妹曾名鳥女郎亦有花未逢花鳥使相對各無家

碧闌

碧闌相近畫堂東一笑無端許暫逢半爲含羞陽未識故將紅袖障春風

無題

畫堂千二百輕鸞踪跡猶堪記往年美女似花花弄月碧簾如水水連天復思影亂疑藏霧須慮萍開欲採蓮今日暮樓還寂寞壁衣無復籠嬋娟

閔聲白先生令蜀罷歸賦贈

蘇東坡集卷之三

十

自來拙宦人皆笑如此爲官公合休世路暗如行地肺功名險欲到壺頭還攜去日琴龜鶴共歎歸時風月舟不是玉鉤詩句好者番真欲悔西遊生合江亭詩稿甚富

病鳳謠

爲建平公舅祖作也公氏陸名士渭庚辰進士以建平縣知縣罷歸余少頽放不爲親族知識獨公獎借過當於其病廢謠此以唁之

有鶴生東南水竟而雪魄賦形苦不全曠懷寄廣

漠瑤瑤躍蓼林斤鷄互相嚇獨有威鳳姿乃復頗相惜謂鶴本凌雲胡爲落空碧努力願自愛慎無失所托一朝騰輝光風塵安可縛鶴時聞此言感泣淚潛落舉首爲長鳴面承色無作不料丹穴王漸苦小兒虐雙飛橫九州婉轉失其隻爾來未十年旋復傷兩翮兩翮縱已傷神明幸不惡頗能識妍媸定勝彼啗啄衆鳥且勿喧讓渠占阿閣鶴亦從之遊羽毛待梳掠

花燭詞

燈花扇影互踟躕笑撚紅絲喜欲顛心字香燒齊

蘇東坡集卷之三

土

下拜鷄鷄比翼登比肩

小別

小別經今六六時偶然促坐說相思俏懷忽地傍人見自撥瓊鈎挂話私

項王

佳兵不戢定將焚誤汝端因河北軍蟻蝨章王繞破盡爪牙信越已成群項亭祇自空留馬范父何勞爲望雲千古繡衣遺恨在故鄉不築憤王墳

中秋玩月有懷

一片秋光到處流那知身帶古杭州遙憐此夜團

關月淡照深閨一樣愁

弔岳鄂王墓

腦後雙環志已殊黃龍痛飲竟何如小朝未欲出  
牛角副使空煩來蠟書死恨狂生能叩馬枉教太  
尉也騎驢我來瞻拜增惆悵松栢蕭蕭一抹疎

雁字 昔方秋闈報罷

蘆落秋風欲恨誰錯將鳥跡乞人知連朝怪事書  
空語一幅傷心望遠詞異字崖邊仍信宿校文水  
畔莫棲遲何當整頓凌雲翮健筆排空愜素思

咏古二首

瓠息齋前集卷之三

圭

馬角烏頭恨未磨却教易水爲悲歌檻車促駕成  
何事直得漸離一死麼 荆軻  
狗監翻能識馬卿茂陵官罷轉傷神不須更作長  
門賦今日都無取酒人 司馬相如

瓠息齋前集卷之四

烏程 凌樹屏 保釐

後庚集 起癸丑訖丙辰

蓋凌子學詩至是十三年所矣天之道六十  
年一巨變十二年一小變凌子顧乃汨於靡  
靡之音踰千歷支罔所鑿改其於庚之義後  
之哉是年癸丑始思揆之以理啟杜韓張三  
集伏而誦之昔有所得然猶未免故態復發

瓠息齋前集卷之四

一

也乙卯以後華葉稍已芟盡雖未遑希響山  
石犖确之篇第却顧作女郎詩昔眉眼殊異  
非復曩容集曰後庚恨晚也

古詩六首

交讓本枯枝相思亦小鳥人爲萬物靈苦未合至  
道吳越各異視鄉里莫相保 南史張彪傳何況南  
山橋俯拾同芻蕘何況溫室樹數對甚了了我思  
如此人平昔空探討不識五倫字詩書亦奚寶  
飄風不終朝驟雨不終日所以曠懷人守靜安吾  
拙兀坐柳生肘瞥眼忽已失蝴蝶是前身蒼蠅爲

弔客但到我喪我寧憂物交物方寸本空虛變幻  
乃非實誓滌浩蕩胸飄然任所適

搥鼓者何人古之狂也直本可躍龍衢胡爲蹈虎  
窟磨挺以香羅雀飛以羽弋世路誠崎危耀奇安  
可得悲哉孔公表云云舊相刻

我聞帝二女曰宵明燭光並處湖巨澤遂主彼瀟  
湘秦客慣虞辭詭爲英與皇豎儒慣不察絳誤承  
之將從征旣非古水溺何荒唐每聽如此言掩耳  
走欲僵何當羅異書一一砭俗眶

如何兼果兼衆味白奈即今沒衆花草木類如此人

蘇息齋前集卷之四

二

苦才未奢興折覆公餗驥老困鹽車所任各不勝  
非徒弱者嗟於乎麗士元妃葛亦云誇耒陽冗不  
理侍中何爲耶所以乘田吏終推魯東家

開元有道初臻臻至上理享國易耄荒乃復寵  
姒禍水良已深失鹿終可掎如何唐詩人專比陳  
後王恥爲尊者諱君輩詎須爾風雅有正變君父  
無讐嘗脫口肆譏彈應乏昔人旨於乎三百篇詩  
亡乃在此

有感

月姊朦朧望欲斜紅墻銀漢眇無涯漫勞遠寄相

思子不分生成獨活花芍藥有情空繞檻杜鵑何  
日好還家年來遇事多惆悵縱到蓬山恨未賒

幾見

幾見王魁負桂英相逢至竟倍相親須知孤悶蒼  
涼夜別有燈前擁髻人桂英婢名有寵之而薄其妻者

咏盆桂寓意

嗟汝原微質無端亦泥人因風飄糞壤逐月弄芳  
塵敢與蘭爲侶休言杏作隣資誰輕拂拭便欲傲  
松筠

賦得小胆空房怯贈內

蘇息齋前集卷之四

三

生小輕離別空房獨自憐長嫌小姑伴慣作五更  
眠雨怕侵牕冷風愁破壁顛王郎若爲感驚絕過  
年年

四言詩三首

有鳳

憂生也凌子生年二十有三一瓊之  
外都無長物方寄食於人嗽粥未暇  
何處擲子昂之琴乎故作是詩

有鳳膠羽有麟擠脚逝將遠去四顧莫托天兮我  
魂地兮我魄何彼亭藉不我能著出門入門鼻穿

首絡嚴霜搏搏載承之簿莫厚不陷莫峻不削矧  
矣殘英曷不殄落我行念茲其愛孔博蒼生隔浦  
爛爛其萼薄言于采載前而却豈不欲往畏彼獨  
徇

### 有箕

畏讒也凌子性既疎失重以盡言招  
過輒復增茲多口恐不量者遂謂先  
生其有遺行故作此詩

有箕有箕其舌孔張有貝有貝其錦孔明嗟嗟我  
躬嘗毀藁生曹好不遠曹惡滋彰彼何男子實始

### 鄒思齋詩集卷之四

四

厥証見鋤非種寧惜妄盲靡然甚口日積日猖謂  
上而下謂西而東謂朱而白謂烝而黃曲之器器  
倒是亂常莫捫爾舌能不我傷

### 有田

安業也凌子有祖田十畝落歐餘山  
之陰佃人租不肯納懼故業之將荒  
輒往躬耕其間故作是詩

有田一畝有犁一把題然南山躬耕其下悠悠我  
民誰知我者維夕之日來歸里舍水休其車秧脫  
其馬載欣載奔獨行非寡爰止藁松消此長夏親

兩相存笑言啞啞或嘲樂荒亦譏禮假鐘鼓玉帛  
畢竟土苴科頭赤脚正復瀟灑我餽既將我芻既  
瀉群然酒坐酌彼三雅

題閔 文山 晴岩沈作霖 雨隱香區唱和詩

### 卷

詩句流傳太作顛儘將彩筆關雙鬢少常善謔飛  
卿笑閒殺清狂李義山

### 園蔬

雨後紅菰已透秧攜籃小摘佐春觴多因肉食嘗  
難好未必凶年覺始香蘇詩凶年始  
覺菜蔬香老我生涯還

### 鄒思齋詩集卷之四

五

種韭愛他風味却宜霜年來未欲拋場圃如此盤  
餐那可忘

### 豆腐

漫說吳王十二牢貧家風物最清高配他庖非寧  
同味伴取周菰也算豪畢竟磨礱隨變化自來其  
火悔煎熬平生傲骨猶能瘦肯學東坡賦老饕

### 咏雪五十韻

密雪鋪瑤砌重雲隱畫檐未勝風浙浙時棲雨霏  
霏水帝儀方赫炎官避敢說塗還先覓啟絮或誤  
峰粘冷韻從欺崔清輝乍映蟾霏微長連監婉轉

故飄塵不怕坤輿圯惟愁離日遲助威知起異陷  
垓欲流謙幾見成林介虛煩壁艾兼集堵盈片片  
迴惺舉襜褕著水神濤湧包原鬼酸熾耐霜青女  
冷戲玉碧翁怵物象窮雕繪萌芽乞覆苦連天藏  
宿霧到處放村柵銀海搖初眩水稠勢轉嚴紛紛  
旋碎隙一一透重縑授簡梁園滿驅車上谷淹素  
歸江令樹白上李侯籤戰合禁持鐵才宜不道鹽  
回全因舞密光半爲池添漁父水邊釣酒樓烟外  
帘波平勻面縐岫淺失眉尖鶴訝今茲甚嶮傳此  
地甜泥留過鴻爪冰脫蟄龍髯瀉竹聲能細推蓬

蘇東坡集卷之四

六

望覺纖松篁頻見挫鷗鷺定遭燐且喜雖爲送懸  
知麥欲蘗有人披鶴氅何處下魚鉶黃竹歌逾碎  
瑤華贈未廉旋空薛碎米無炙暖窮閭點綴鴉千  
隊淒涼火一炊短籬愁促仄破屋怯危怙坐愛乾  
坤遠行知草樹穢塗平花下砌凍合柳邊溝敢謂  
爭春遜難教覆手炎成堆圓擬璧刮面利於鋏被  
體綿仍折銜杯口已箝寒應深內共乾豈外邊愈  
庶陸驚疑暗流漸苦未漸山眉綠甲聳龜手怕書  
拈多謝清神智長憑洗焚候未妨隨白馬便欲捲  
朱簾鹽背應賦孟臆中莫臥潛袁寒徒寂寞黨俗

爲針砭卸曲聲才罷莊衣著早濡五更侵曉色三  
尺慶年占姑嶺神仙宅妻梅處士崦卽仍來粉署  
夢欲駐霞幘頃刻花逾好玲瓏玉未嫌灞橋覓詩  
思風味苦難兼

雪後卽景

紛紛玉戲已花鋪遠望還疑勢有無刺看飢禽空  
歷鹿可憐維竹敢枝梧未銷山頂冷逾峻欲沒檐  
牙危更扶破帽疲驢客我出笑他披氅合爲奴

山行

意行不覺遠迷忘歸路長杖策尋故逕松柏鬱相

蘇東坡集卷之四

七

望履武狐兔蹊趨風羽虎傍林樾忽已暗將疑落  
蒼茫斯須鼓薄出豁然露微光淡雲散初月前山  
猶夕陽緣此聊自壯兀爾坐崇岡

春夜作

夜迴燈欲青衣靜寒欲生春意何蕭瑟墻壁含秋  
情破隙過人語細碎作蛩鳴牕古暗塵漬刻意月  
映明檐馬迫松風錚鏦無停聲竊食可憐蟲躍躍  
方橫行

友人宥以長貧爲歎者作此廣之

信義智仁禮散澆貴者家吾子幸貧賤留得數靈



芽如何苦汲汲不解守舊涯南山春多雲北嶺冬  
有花置君於其間笑口應呀呀手耕荒穢土力破  
聲利置但飲瓶中酒勿看門前車

春草

平蕪東復東細雨太濛濛陌上三春後天涯一望  
中未妨隨意綠端欲襯花紅會見秋風晚王孫泣  
斷蓬

桑蠶

自來飽腹已便便博得場師到處鐫人世幾經田  
變海生涯長是木爲天十年作計真無謂二月醫

鄒愚齋前集卷之四

八

創劇可憐最是吳娘添恨恨懿筐執後轉茫然

猛虎行

昨日山中行道逢猛虎晝食人豺狼振眼不敢視  
長林溼瀝腥風生撐腸拄肚意猶寡四顧欲擇其  
餘者各鳥獸散走且顛虎勢愈怒掀坤乾虎乎虎  
乎勿作惡晉國馮生善執搏會須取汝作羹臠

釣魚

一物我何有居然弄殺機偶從方口釣韓退之詩  
正如方口  
釣魚使得扁頭歸抱竹猶濡沫銜絲未療飢過河  
空自泣容易說知幾

牧羊詞

上林牧羊嘗苦飽山中牧羊嘗苦飢羊飢應骨立  
就食城南陞城草有霜喚不得萬轉千迴空太息  
斯須日出霜氣清城中萬馬忽縱橫羊羊此草非  
汝食何不歸去山之側

齋中有懷晴岩

浮雲暗書閣獨坐意茫然有客清溪去相思落照  
邊梅花應早放遠道幾時旋多恐箋魚豸辛勤又  
一年

疊韻

鄒愚齋前集卷之四

九

傍嶂妄當障泥流優浮舟爰稼詫穠穠幽坵啾鉤  
輶

送友人北上

赤闌橋畔柳絲絲九萬風前載拜辭最是別離人  
易感隔船况復吹參差

釋草十首

寄生

入世同浮梗安身類宛童偶然容寄托差勝木人  
樞

指佞

神羊千載性變化未成灰心棘知多少長覓爲指

紅心

友杜精神合朋蘭氣味深試看蕭艾內若個是紅

芎藭

艸艸知多少芎藭次第尋不堪同藁本終是亂人

醉草

族茂知何所糟坵定醉鄉那如興慶草猶愈麴生

孤忠齋前集卷之四

十

狂

茅草

藥圃空繁被醜將遠志無美他千里色一望足平

蕪

變畫

俾畫能爲夜乾坤亦惘然太陽猶汝畏况復是蓀

荃

綸組

作宦傳紆組衡文重掌綸那知荒穢裏此物太綿

屯

書帶

詩書良已誤鄭圃尙紛綸待報王孫信苔錢傲却

吉祥

怪事真何有無端號吉祥誤將兒女子擎折滿頭

芳

海仙花

本名錦帶宋王元之嫌其近俗且以花在海棠之上改今名

一種纖穠寶砌中海棠何事闔春風枝掩燕燕垂垂  
尾紫滴猩猩艷艷紅細膩肌嫌釵朶重溫柔鄉愛  
玉塵蒙都官枉有嬌嬌句銷得攜壺是此藂

孤忠齋前集卷之四

十

與賦詩鄭谷海棠詩也

夾竹桃和韻

淡掃濃妝兩未嫌頓教奇絕一時兼碧扶紅雨千  
霞亂賦墮疎風萬玉纖我見魏公真嫵媚佛言天  
女本莊嚴凡花莫漫求當對如此襲身詎易拈

誦經鸚鵡

金絡盤旋意未伸詎誦端似悟前因擬參孔雀明  
王佛欲化鳴鳩和尙身修却後生騰碧落悔將微  
毳染紅塵他年倘證靈山果舍利佛言也見芻尼好  
結隣

送明經閔晴岩北上

夫君東南美金箭懷瓌奇而我本畸人雲龍敢攀  
追念君住連牆門開互撐摺吾翁與若翁倡和類  
墳荒同懷譽子癖各誇雙熊羆君先我十年光價  
重興藝才筆屹山立老橫無不宜我真憤憤耳墳  
索空鑽窺頗從尊甫遊倒篋過所期鑿石發隱秀  
磨圭平纖疵于君良晚出意見不我岐忘分結淡  
友臭味寧差池冬研或共炙春茶攜就炊商量及  
肺附輾轉遊群兒譬鸛鸞駸駸相不相離譬孳  
笙莞簫君手我乃吹往君遊清溪所恨不同隨感

鄒思齋集卷之四

主

君心怛怛寄君傷懷詩君時靳却答賤子生然疑  
厥後聿來還有如飢吸糜出我新哦句抽我新繡  
思敦君以去取芟夷蘊崇之君好不置口馨珠題  
其眉日君之館置乃在城南陞錢郎謂高兄富清  
譽玉苗求耕治瘵沈雨頻經過朝夕角鼓旗會合  
無它語但道凌生癡誦言襍雅諱差不入阿私積  
歲成帙吟歸哉寓我窺日此何爲者竊比楊劉詞  
詩係與雨翁可笑不自量撫綸窮端倪肖穎而遺  
唱和香奩集余前改君詩卷沈詞即君云豈其  
神擬君約與遲筆之句蓋取鄒州語也  
然我子母乃欺已聞殊俯顧謂我解妍媸維昨歲

夏五使者紛泉單濟濟經明士後先爭奔馳嗟余  
誇款段安欲駢驅驪故應無所獲返我舊樓坡看  
君奮蹴踏羨君馳九達縱然此發硎畢竟異醜夷  
勉哉幸自振勿作出門悲南戰雖暫蹙北征尙可  
爲昭代方尙文君數寧久奇及此簡拔藉其爲飛  
揚資憶昔東西陸入洛聲益垂又聞子昂陳碎琴  
感肝脾矧君谷口隱名已振京師行矣無躑躅趁  
波春明姿麥花何淡淡桃李盈其枝茲遊定稱意  
我不于汝規懷書入 皇都春華向天摘翬羽耀  
光彩鳳鳥借與儀何憂抱寂寞傾蓋驚紛紛披何憂

鄒思齋集卷之四

主

長冥沒延薦滿丹墀行當史載筆觀賓安足惟升  
沉一映事駭者徒睢睢勸駕知不謬聊可比筮龜  
顧我百無似甘此老江湄逢人幸蒞口萬勿說項  
斯飛瓊有姓氏肯落人問知

鷄頭十六韻 限鷄字

蛸腹攢毛縹鴻頭出水萍參差初露角磊落乍平  
莢夜炕輝霜兔晨司笑瓦鷄花連萼帶密葉蹙柳  
絲低肯與菱爲第應呼雁作妻未堪供鴨繆端欲  
賽鵲梨向日仍迎曉因風似帶啼舞臨空自眩峯  
立竟無蹊啄粒慙鸚母胎珠賺水嫵本來住蓮北

抹去設蕉西風味兼菰什生涯半零棲擘腮金五  
色碎額獺重泥爲唱凌波曲誰歌步落稽破芭同  
食噉著酒欲過臍蘇詩煮酒初嘗笑化雉全非蛤捶腐恰  
配壘箋人如薦食公鷺慎私齋

有贈

花上高樓月上闌不成真個最無端如臣正復狂  
難及愛汝居然秀可餐去矣漫勞愁得得是耶偏  
覺影珊瑚枕衣面具憑誰浣試剔銀燈爲照看

戲題呂洞賓像三首

不鍊黃金不鍊丹愛他回道最天全無端學得榴

蘇東坡集卷之四

古

皮畫點向吳興賺酒錢

神仙作達自清淳歷落應同我輩人千盞含春雙

管笛岳陽樓畔往來頻

茫屬麻衣浣海塵何須騎鶴上丹宸華陽雙帶迎

風折箇是仙家墊角巾

同里鄭君自作小照題其前曰蕉鹿夢意

取蘭圃仙人語而其圖則蓼蕉數本遊鹿

其下列意不如是也爲作詩以解之

塵世變幻何無常青楓作牛石化半壘夢况復多

鑿空鼠肝蟲臂恣徜徉列子寓言真狡獪以蕉藏

鹿事已太乍可啣花養淨瓶忍使包茅臥塊壚先  
生雅志耽泉石愛鹿迷蕉性所癖自適其適作是  
圖豈必與列相摺據草帝參差護綠苔班龍得意  
立蒼碧華胥覺境知幾人黑甜到此良奇闢扇仙  
可扇騎可控欲向瓊臺飲瓊液來風去雨優哉遊  
却笑道人鶴一隻

爲新安程歧宗世澤題畫冊十二首

西湖春曉

夷光天人姿晨粧最疎淡眉山橫眼波厥狀羞欲  
歛湖名乃不虛曉色殊可覽遠翠薄未收低紅上  
仍掩吳儂貪朝爽推蓬早指點但看兩塔青幾失  
雙峰黥漚亭水際呈風柳烟邊颭快意記昔遊對  
此復不減

湖山香雪

鄧尉空明山梅花瀟灑客二物固殊尤天生使互  
宅玉人倚巖笑麝氣霏靈液湖光何森茫倒映雪  
千尺安得清淨身老此暗香國茅檐或安牀仰臥  
看花塢幽懷忽已陳披圖苦難釋何當筮屐探素  
風盈兩腋

京口風帆

蘇東坡集卷之四

古

我昔亂京口未識京口險峭帆破空行捷于水下  
坎金山颯然過了不辨崖厂逍遙遊自佳鹵莽獲  
已歎何意浩蕩人妙筆填宿憾願此長風圖潮勢  
仍慘澹翠嶺疊中流歷歷鏡照膽卻望瓜洲渡蒼  
茫雲氣闌

孟津曉渡

鷄鳴天氣清波先正淠潏舟子登艫呼乘流一何  
壯雲破月三分舩輕風五兩白魚無復出赤鳥紛  
相望天蓋樹梢懸岸影檣邊漾擊水起幽眠勢與  
蛟龍抗指顧紅輪生豁然得昭曠河陽殊不遠花

蘇軾詩集卷之四

七

香暗已貶

太行秋色

巨形鬱嵯峨山氣正寂寥入慰彼車輪摧贈此晚  
行色危巖當面落空翠杳相逼浮雲廓然清嵐脫  
掃如滌木葉何稀微秋聲太蕭索惜哉登陟艱佳  
處不可撫驢綱徒紛紜崎嶇忘所覲移山賴夸娥  
了了見手迹

華頂晴雲

五嶽有真形太華最奇突叶杳杳青屏風天日互  
迴避白雲束其腰縞帶圍翠帔嵐光乍已收水氣

尙染黛玉女曉披衣往往梳霞髮霧隱十丈蓮風  
香空靄靄休言缺能補都恐影欲碎擬探仙人掌  
神漿迷所在

匡廬瀑布

我讀青蓮詩雅愛廬山好斯手固神筆一一窮奧  
突峭壁亘危梁玉龍何矯矯飛泉從此下白雲與  
縹緲嵐光界欲破海氣望仍杳坐令六月寒頓使  
九屏悄怒流或傍奔時時絙水杪料得虎溪人憑  
闌正橫眺

武夷仙館

蘇軾詩集卷之四

七

耳食武夷名眼厭武夷景武夷眇難卽臥遊良可  
騁仄徑屈曲通層巒委宛併跬步東西迷白晝巖  
穴暝軒然仙宮開雲氣何冥滓鎖骨蛻靈阿妙藥  
駐丹鼎神君一以往此境歎孤迴瓊液散不收山  
山發清樸

瀟湘烟水

半幅無縫絹幾筆有聲水如聞兩夫人出沒烟波  
裏曉氣含氤氲微雨扇成綺淺碧入深清澄絕固  
無比况彼英英雲有閒殊未已漁舟翩然來幽唱  
忽以起溪客一何淨山色欲添紫不見汨羅原漁

騰空冥冥

峨嵋雪霽

打牕者何聲徹夜風瑟瑟侵晨出門看堦痕雪已  
沒遙思峨嵋山此景應奇絕戲作飛白圖瓊岑起  
突兀玉立一千仞冰壑驚嵒岬勢壓蒙頂高光映  
平羌澗日華照不消入夏氣仍栗如何謫仙人却  
賞半輪月

洞庭春浪

積雪消岷峩莢花春已漲平添洞庭水碧琉璃千頃  
漾氣汨君山高勢蝕雲夢壯縐縠風翻浦疊翠波  
橫障點綴蹙漁舟往來引鶴吮岳陽眇何許危樓  
足清暢日暮變態生烟霞各殊狀最憶杜陵老臨  
流發高唱

黃山雲海

黃山何玲瓏仙漿胎滿腹苦遭烈日烘濕氣漫岩  
曲潏然作海觀魚龍互騰蹴不信波瀾壯將疑天  
地縮寂寂照林光隱隱露寺角崖窾杳難尋一望  
足平玉焉得鎖雲囊貯此千霞族羨君多遐思方  
寸起丘嶽

齋中玉蘭盛開

宮是琉璃殿水晶簾邊萬玉最縱橫小崔醉後凌  
風立諸謝開餘繞砌行幽谷清香傳素靨畫樓彤  
管褪朱英平生合坐看花命老此瓊臺未請更  
叔夜頻來慣露程無端槃礴臥前榮漫勞試粉傳  
湯餅底事臨筵闕白珩九畹未須花待女六郎只  
合世呼卿雲堦鵲立知多少素筆爭看侍玉京

玉蘭分韻得搖字

分得瑤枝第幾條移來月下占春宵班妃罷直金  
鑲管趙后新粧玉步搖情葉有人誇妙枝葉葭何  
物倚清標天公笑絕渾多事錯遣辛夷籠絳綃

疊前韻

蜀后渾疑化此條壁人雙擁臥清宵若教出浴身  
應顛多恐橫陳夢幾搖寂寞梅魂分月魄溫柔蓮  
性贈風標燕支買盡真無謂蕙質偏宜著素綃

瓠息齋前集卷之五

烏程 凌樹屏 保釐

芥壁集 丁巳戊午

余生平遊歷不出數百里外丁春偕計吏北上始睹江淮天塹之險燕趙虎都之雄書鞭作賦盡漫成吟郵亭舍館淋漓殆遍然頗爲逆旅主人所厭惡身未去而望漫者往往而是明年棲跡潯南復不自戒圍屏坐幄之間殊多粘綴亦安所得碧紗籠乎因并其兩年所作署曰芥壁以志余媿

題露筋廟

烟作衣痕月作環芳魂如在水灣灣應同怨女能填海今廟中獨無不分飛蟲欲負山天遣此人留苦節世因惜歎愧貞顏笑他趨戶真無謂懷坐何堪說

義鯨

過鄒縣謁孟子祠

微言息東魯大道忽已謝嶧陽有神人乘雲翩來舍嬉戲追相桓願學耻游夏輔世良獨殷躬耕固

未暇高揖齊梁廷所陳世盡說小試豈徒然于滕乃其借爲兆苦不終頗遭俗人罵著書傳絕學異氏力彈射別扶五霸痛彌縫百王罅狂瀾迴之東庶不類瓶瀉旨哉韓子言功不在禹下孔思續微茫萬古堪方駕瞻茲巖巖容有知月照夜榛蕪廓然開何況彼親兵

兗州道中感懷

客路三千里崎嶇到欲無追隨牛馬走信宿虎狼都伏閣慚杼策過關笑取繻白雲何淡蕩一幅故山圖

瓠息齋前集卷之五

澹臺故居

千金重寶知能棄一徑微茫肯便行世上紛紛皮相士可憐誰復取先生

卅兮城

三山縹渺知何處秦帝求仙志已盈海上盼將徐福至春風吹老卅兮城

弔望諸君墓

君臣義合古來難忍棄先王骨未寒禮汝金臺元始郭恨他鐵籠又生單攻齊得失真成戲入趙功名最可歎惟有南陽老名士出師長共淚闌干

董家里

離離黍稷遍郊原  
董傳曾傳舊里門  
曲學早知能作相  
下帷應悔不窺園

初爰遊陶然亭

紛紛長安道林馬  
而織車身迺與追逐心  
緒苦憐如目歷展嫩  
衰邁此野人居譬以水沃火  
滌然開塵裾茵苔舒微芽  
菰蔣爭湧與遠磬破林至禽聲  
何清虛斜陽淡半郭夕烟與俱疎  
風來人語細了不聞諠  
拏止此但十日曷其思蕪魚

前門市上有貨古琴者過而歎之

孤忠齋前集卷之五

王

琴材藥後未銷精  
入市還留太古名  
縱有妙音無妙指  
何出楞嚴經却教何日起秋聲

出都十餘日于恩縣北關外遇閔晴岩

賦贈二首

客中對客互流連  
荆席頻煩布麥田  
此去好攜春草句  
長安米貴待君蠲

軟繡天街軟紅土  
自憐無分却歸來  
看君北去還惆悵  
更立山頭望幾回

東阿弔陳思王

巨節如君世莫欽  
才華空復得名深  
翻嫌一卷凌

波賦掩却聞喪發服心

兗州道傍謁柳下季壟二首

斷碑幾尺古堤邊  
松栢蕭蕭絕爨烟  
死士生王身後論  
當昔三黜有誰憐

蒼涼魯國兩夫子  
事業同憐未到頭  
柳下聲名檀下跡  
至今江海鎮長流

晚過揚州

得歸肯作遷延役  
及向邗溝趁晚曛  
之脚帆開風五兩  
蓋頭笠帶月三分  
溪山清遠方縈夢  
鼓吹蒼涼覺礙聞  
愛殺家園好風味  
碧芽新弩水田芹

孤忠齋前集卷之五

甲

雨中過太湖

廉纖小雨類牛毛  
纔挾湖光勢便嘔  
積水蛇衰滄海濶  
濃雲蠶食洞庭高  
歌帆側枕危仍慣  
破浪乘風氣自豪  
未欲覓槎天外去  
扁舟且復弄歸濤

晚遊閔氏園

迢遞探幽境蒼茫逼下春  
緇風開樹影遠靄破山容  
鵲噪人歸緩苔欹屐印鬆  
不須移檻曲亂石自流淙

秋晚書柿園卽事

經茶吏酒是前緣  
才到三秋興便闌  
喚雨烏鵲巢



未定拒霜花老歲方寒功名久矣拚鷄肋噩夢何堪說鼠肝賴有故人肯問訊素書鄭重勸加餐得閱晴岩手札

戊午元日

山家清供製應曾拂拭先從隔夜增驚夢枉煩批頰烏賀官難得折躬蠅擬傳椒酒寧辭醉未到花茵且藉芳卻笑繩樞偏好事卯初初已帖門丞

重寓陸氏是亦山房有感

羅州鑄錯氣全磨馬帳重圍事豈圖長物欲乾呵水研小齋仍侍愛才奴花因久識惟含笑烏爲深

蘇東齋前集卷之五

五

知慣勸鋪好友任來今舊雨長安此遇故應無

苦衣繡檻綠初齊曲曲閒尋路未迷清供居然鮭

廿七故人依舊屋東西襟懷聊復同沂水時課童子六七人

箋注何妨到玉溪一卷尙書全部論古來不少

樹鷄棲

題范笏峰塞北省親圖

黃塵幕幕天際昏千疊萬疊山插雲我觀是圖神爲辛矧敢崎嶇向此摩車輪范君之行何仇仇驅先驛駱後昆崙怒馬欲躍勢絕倫錦袍風舉臺笠掀得非角兎走高原不然王粲賦從軍前岡歷歷

駐重軒嗟余固陋指且詢乃知潘輿雜踏相扶行叶聖代朝羌渾邊樓

人暨令母夫人同行恭逢

臥鼓烽燧燭尊甫麾守擁朱櫓牛刀犢劍教澤勻

流魚不到思煩紛幾雉化歸迎厥親春風健在堂

前護長途綿緲疇加餐公子意氣翩哉翻趨庭况復迨冬溫霜高氣颯夫何言王母阿母手掖前瞥

然西去承顏歡鳴鷄喔喔候寢門哲父奉水子奉

槃縣知此樂世莫均情誰妙筆窮天真太史繪事

逼董源圖爲富陽董太史邦達暨笏峯同里陳琴山合作其後幅圖記則太史一人手筆也

規撫至性生意存一鞭疾馳朝初暎恍如臂嘴參

蘇東齋前集卷之五

太

乎奔其餘布勢各巉嵬惜余弗躬空復論去親遠

道心尙勤爾室詆厲殆非人願貌萬本教萬民左

圖右記羅汾汙去其幼志使之淳林泉山鏡聲應

吞

壽董孝廉南谷五十二首

老息圖南翅相看髻欲皤淵深繁露學愁絕采芣

歌前輩風流在平生意氣磨喜逢覽揆日一笑失

重荷

失喜神猶王應憐志已灰那堪貧復病空負望兼

才有鬼長摩足沉舟自過槐壽垣列三宿謂華懷昆季

差後慰崔饋

董逃行

崑崙之山其高若天蹇人欲上愁攀援一闕風縣

圃徒紛煩誰其往者聖與仙駉青鶴驚遊戲踟躕

嗟嗟獨不知我艱二解豈惟不知我艱深藏丹訣瑤

篇拍手笑我愚頑三解虎豹森森九關八翼劣到重

翻四解服藥練骨輕身庶幾上謁東君與人子喬羨

門紛其俟予雲間五解雲間之樂欣欣前驅文豹後

摩乘風遊氣往還不得復慕崑崙六解

題沈振之榮簡詩卷

蘇思齋詩集卷之五

春花春草助清妍失喜今逢沈下賢詩筆六三真

不黍令兄謙之宗風百廿合比肩鍾嶸詩品序云

人預此宗派馳驅神鬼歸能理多少雲山用始鮮

盡日讀來愁易誤空疎無奈覓連蜷

口號答南谷見贈

探源多恐誤仙溪採木終慚錄朽題詩出楚辭夫

豈敢歌傳委巷或能齊鬪奇到喜神逾懾決戰當

韓陳易迷四韵未須誇刻燭黔驢今已露前蹄

題蔣鍊師像

澹澹數竿翠泃泃一泃澄班龍正息駕仙驥方停

翻斯人意俱遠松下看橫肱鑪篆裊欲上茶聲細  
未騰樵青自何處采藥山之稜靈草露石罅生意  
如亂響三徑安足慕悠然遇武陵道書讀有得却  
笑夕飲水

余作是亦山房感舊詩南谷先生見之有

前識之言輒依韻奉答

稱柴數米闌闌風千金累置誇豪雄我輩磊落那  
須爾不稼往往坐頽宗臨叩移宅空四壁長卿豈  
必真愚蒙賣田買書古有是金墳石典富非窮列  
竹未看宮入鳳刻牆竟遺齋盤龍君家舊識良可

蘇思齋詩集卷之五

怪嗟余亦復制圓穹山人頭銜署已久驚視先上

此前櫳是亦山房額本黃九烟書嫁名歐古墨淋

滴黃九筆補唇那得落其中固知萬事有前定桑

薪豈敢怨堪烘小詩乘興覺昨非誤煩推論悔愁

工塊磊且澆破悶酒芥蒂不挂吞雲胸婆娑玉樹

消永晝日高尙寐花影重側聞漢王重經街董生

勉乎善爲容蒲車翹待下西蜀士安立起風痺躬

此時廣廈構萬間沾溉寒士零雨濛蟲雞得失誠

細事浮雲不合礙高空

疊韻重答南谷先生

子董子詩源國風代興李杜角韓雄麾幢驟出萬  
夫辟探簡應無辭難宗再三我告不我漬象在上  
九利擊蒙亢草欲擒輔氏蹟所樹直收馬陵窮奇  
敏有如且脫兔變幻忽疑梭化龍自嗟醯鷄乏巨  
觀側身甕底誇蓋穹那知妙筆開妙境春烟起檻  
雲生龍坐隱莫同花下下憂句每示掌中中惜哉  
斯人有斯疾三年之艾憑誰烘葫蘆秘訣貴不賣  
昔被論格驚吾工雞舌不芬之問口偃骨敢希貞  
白胸落懷落桷豈合用老屋空支茅三重抗顏走  
俗良自愧天河難挽洗塵容縱使輪囷忽爲器先

鄒思齊前集卷之五

九

遊正恐失微躬覓船固知乏真長借慧尙喜有王  
濛一擊不中未遠去拙手請復慚空空

南谷先生贈言至再重以教戒之意余不

敏安所得此長者言復登前韻以報之

快劍斫陳馬道風董公健者真英雄江東虎子安足  
道跋鯨廝踢非强宗谿谷且安老子拙車服敢冀  
恒生蒙如瓶守口我能戒嗇夫喋喋徒致窮那知  
積羽偏折軸紛如蟻嚼蟠泥龍德高來毀事應爾  
嶢嶢自顧慚層宮寒號佻巧定咋舌群狙使捷長  
遭權何況鸚鵡坐甚口畢生老死雕籠中我今銘

座聊自勵三絨實恐膏煎烘公乎進箴勿進譽籍  
眼青白豈吾工移書萬歲誠至論持斧欲鑿荆柴  
胸韓豪孟湮當未足以玉抵鵲何稠重典籤雅悒  
賦梨樹博士誰復職從容唐人醫學博士制云以爾厚朴之材典此從容  
職之鷄犧木尊吁可畏勸君勿怨支離躬舊水有肯  
藏蛟鯢鬱氣終見歸鴻濠別裁僞體須巨手要令  
五色成虛空

小圃憂初羣花未開而錦葵獨早放感賦  
石醋嫌時未放芽野薺作意尙含葩眼前勸戒君  
知否幾簇沿堦衛足花

鄒思齊前集卷之五

十

偶成

所須誠不乏何物最爲良松茂泉清處蓼紅葦綠  
鄉山亭銘豈勒谷口逕能藏未欲誇佳趣終南氣  
正蒼

瓠息齋前集卷之六



烏程 凌樹屏 保釐

芥壁二集 已未庚申

已春復試禮闈雖倖邀一第而僻才狹識終  
違時用憂秋之交書券南歸不免衣奔食走  
偶有所得大都道途辛苦之作爲多日芥壁  
猶前志也

丹陽道中早行

瓠息齋前集卷之六

多事知曙鷄喔喔向我催被衣出門看星月何徘徊  
駟騾綱忽已至鈴鐸何雄哉輒復從之行豈敢惜  
驚駘蕭蕭嚴霜下帽檐爲低摧斯須天氣清海日  
漸胚胎晨光漾如水迴樹作帆開此景差不惡何  
如臥山隈離家日趨遠鄉夢諒難回安得車輪方  
馳驅空爾爲

汶上弔王彥章墓

石馬蕭蕭咽朔風鐵鎗曾此一坵封立名敢作留  
皮豹擇王偏遺獨眼龍夾塞功還成覆手長城壞  
欲自捶胸平生亞子終難服燼骨仍看沒草茸

容城謁楊忠愍公墓

九天虎豹自僊僊獨手撐天志未伸外後定傳心  
有竅杖時尙說膽渾身二王獄比風波險而疏光  
同日月新揭鏡漫勞徐相國平生補恨竟何人

盧溝城

鬱鬱葱葱佳氣蟠

幾南又作一屏藩門高順治

興朝識盧溝城起於明崇禎間其南門曰永昌蓋  
開國建元今南已易爲威武而北尙存故號地  
光武赤伏符明太祖誌公塔當無此明著也  
接昌平異代冤徹夜輪蹄行不歇切天日月望逾

瓠息齋前集卷之六

二

尊桑乾水落寧愁渡況值棲賢館尙存皆值水後  
城外民舍  
尙稀而賓館復新蓋國  
家所置以待四方貢士者

梳粧樓

一月分明處層樓結絳霄西山騰曉翠想見鬪眉  
嬌

呼鷹臺

塞草枯終古鷹毛勢欲驚馬捫朝燕罷聊復獵平  
原

來青亭

四面交葉蔭千岩一古亭林光皆曳白山色自來

青

碧雲寺

生號九千歲死殘三尺封可憐碧雲寺龜碣半磨  
攻

題號合壁間

平生雖不志溫飽天下要須關樂憂今日紛紛還  
自笑隨身竿木幾肯休

試院紀事

深鎖重闌晝不開  
封至豫 賜紅綾餅餚來十五日餅人各五枚蓋優忽如雷內臣親捧黃

孤忠齋前集卷之六

三

故事也御貢小臣得此亦厚幸矣

長安二月尚霜凝苦耐嚴寒入棘垣一自向方頌

獸炭春回黍谷頓奇溫是科作書維艱上以舉人呵凍

得得擁靈炎研誠異數也

四月三日恭遇臚傳

巍哉宮殿切雲開警蹕誼傳報

上回皆上方自鷺序千官方屏息鳴袍多士

已頻催戴蓬且喜填熬足衣薜曾安在澗材深愧

十年邀一第不妨旅進有微才

御試 保和殿賦得因風想玉珂

鳳閣隱瞳瞳書思夜漏中籟虛來遠近珂動想瓏

總錯認雙雙玉仍聞細細風趨朝驚許早假寐夢

還空音豈彫張里聲全襍鮑聰掖梧初漸瀝街樹

轉鴻濛空音光先到天高路欲通和鑾應已噤及

此奏璿宮

少司馬吳公壽詞五首

咫尺黃扉到不難精神炯炯冠朝端仁聲久矣縣

冬日碩畫頻煩佐夏官氣偃琬戈民望重功深黼

帳 帝心安 三朝元老知誰及勲業還須

姬范韓

孤忠齋前集卷之六

四

冰鑑平提數人主文奇尤拔得總空群藍田遍種

家家玉雪苑重披處處雲堯李濃陰仍四照佳蕞

綿葉向三薰公視學保定日楊忠愍聲名從此行

逾遠海內咸知吐捉勃

筦簫曾資冠隼才節旄遙駐楚江隈河清包老威

稷肅鳥化韓馮怨氣開公撫楚日平反冤狀部人

無數鷗鷺須換眼一時楊柳又生苦知公陰德元

無量看取高門接上台

幾番繡斧出巡昔暇日題襟慣賦詩柳葉柳花新

入夢時正值廣東還朝有粵遊集行世藥塔薇架舊縈思衙齋每

自編排集碑版都成絕妙詞政事文章皆第一當年歐蔡尙分馳

海籌添處甲方週平格遙從間氣留司馬耆英年最少曲江風度世難儔助箋恰比崔雙鳳舞彩還趨賈一彪慚愧霞觴稱已後也隨賓從到南樓

承天門行

十八孩兒走趑趄手執長弓射失鹿紫微驚看帝座移箭鋒直上承天屋狼心欲作龍獨眼虎步豈容驚跋足群蛙請天天不違賊戈雨洗金城開內雨京城啟為軍師宋獻孝陵蒼涼鬼泣月紅樓在策所占也已而果然

蘇忠齋前集卷之六

五

歲山上莊烈黯淡骨生苔摧辱喜無行酒至屈律帝自繼處也空多著識才勸晉美新勢方銳小朝更立兒皇帝顧曲已安錯認十錯認阮司馬枕于都忘復仇二福王與李賊蓋所進傳奇名碧翁厭亂氣欲舒瞳瞳日出陰霾祛蜂朝蟻陣復何有盜賊乃為王驅除承天突兀高千古又入興朝三輔圖

行次

孝陵恭作

呂鹿中原失軒虹表海流驅除因衆叛赴愬切同仇誕質欽明似乘時造化倅推心兼內外慨執極

遐幽指顧飛蛾定堂皇聚米收文章歸古則政枋絕傍由正及成功告俄從上帝游壤翁歌忘力植士感敷求光被元堯里靈藏卽嚮丘楸花春路迸馬跡夜墀留守陵主事云世祖方面玉色驚還在蒼生仰未休小臣徒雪涕敬謹發長謳

翼日復敬瞻

景陵有作

丕承佐吳歲恭已倦堯年海內安休養環中自斡旋厥初交尙險有藁起方顛指敵南車啟梟渠北

蘇忠齋前集卷之六

六

闕縣實兼開劄力重使德威宣覆幬元鈞並危微絕學傳對延皆弼士講席必名賢輕典蘇疲俗汪思膏下田台符新嶽鎮告穀舊山川御極日凡巡江南者五謂就日群情慰攀龍衆志煎唐音同遇密武緒更洪延悵望雲飛處神光正鬱然

兗州道中望泰山不見

泰寧東去氣細縕岱嶽崑崙沒遠氛雨葉不堪能掩目亂峯無奈又垂雲天門有路鴉幾下日觀橫飛雁一群自是欲從猶未得側身空復思煩紛

吾山在東阿

計程日日望卿關魂夢還愁欲到難但見吾山渾  
一笑路人又說是魚山

宿清江閣

鱗鱗小艇截流橫枕底潛聞細浪生驚夢一聲又  
何處官艚例打攏船鉦

盤糧廳行

盤糧廳下水瀾瀾盤糧廳前舟接尾高臺危坐彼  
何官御史如神吏如鬼漕丁股栗噤不言一船呼  
任驚欲死大筏小舂重汰淘申以機車殊未已連  
艘萬斛總膏粱不信經風還簸起五穀秀惡本天

蘇東坡集卷之六

七

生賤卒那能粟易糶粒米不中委泥沙可憐錙銖  
盡民髓側聞

帝德邁漢文飯不再鑒古所笑長官過求復何爲  
我

皇聞之寧汝喜君不見江南檢米苦且辛少婦停  
機農懸耜

望闕樓

淮水湯湯日夜流白雲東下思悠悠句吳亭畔不  
歸去一笑還登望闕樓

楊州硬上書所見

畸肆零難接翅營小娃到處解逢迎郎君下馬綠  
何事背坐明牕爲點笙

放舟直過金山

四過金山四不登笑余好事百無徵蜃樓應自望  
中見蓬島還須世外憑汲水有人移遠權破林何  
處出孤燈平生耽寂知多暇待結他年耐久朋

首秋南歸復理故園偶作

意識之無七月閒因而已十年昔名且居王後生  
活似勝焦先

惟有柳舒青眼更無情戀黑頭歷盡山程水驛依

蘇東坡集卷之六

八

然鳥喚魚洲

籬竹編成鹿眼園花種得鷄苗偶爾桔槔晨灌何  
如鴛鴦早朝

正自喚行不得無端噪喜奈何鵲曰喜奈何  
見清異錄掃地

焚香讀易人間樂事殊多

遠志元名小草遂隱合字鷓鴣我本越人安越誰  
知故吾非吾

關徑栽花幾畝收秫釀酒一甌醉後命客且去陶  
然月初出時

贈族祖綬章并貽諸宗長

太倉直塘諸宗與我晟舍支同十世祖者也我族托始餘杭數遷至安吉學士公懋翁有子十六人以卦爲名以壽爲行值元亂懼聚而殲焉遂分處江淮兩浙間而晟舍與直塘兩宗最盛明季猶往來靡間也比來猥以道里遼遠斷問者幾百年庚申夏余薄遊其地族望綏章士錫驚喜欵留傳食諸宗人家亦罔有厭倦因作原族詩百韻以贈之聊序世派之源流宗支之聚散與今日之會

藝思齋前集卷之六

九

合以傳於後留作吾家故事庶金毀石泐吾兩宗將與蒼卞之高婁江之深共渟峙焉

我氏本凌人姬姓所自出綿葉衍淇源深根盤海碣桓桓偏將軍虎氣冠群弼從父肇南遷禹航廬就結三國皆校尉操同其子偏將厥子帝所長膝置試英物庶幾亢若宗而勿荒考室事見吳其後或播遷榮名隱耕堡河汾有親承敬管絃富作述秀世本惜已喪肉譜不可核有唐上膏梁昇宗廟閭閻繫姓世昉重枝餘差堪擬家譜遺五季亂散佚至唐始有紀述

間氣鍾富春山靈產宗一豈惟榜生花兼亦祖起峴吾宗舉進士自唐宗一紛綸井經五名譽魏賢公華始譜亦托始焉七粵嶠未伸志嚴江遄歸骨所以明德後達人指勝屈綿綿百餘年涓涓固未室龍德爲世現非肯或不屑前後兩五代劇宜老蓬華益州振宋初策應天扶趙畢唐佐六劍鎮川警一九控賊譎生良與死忠前後互嶠嶂其餘千佛經羅列正莫匹二景景夏最奇尤兩民民瞻亦英傑肯爲雲海人寶守桐鄉穴昔有爲欵令者遂家沙溪至今沙溪凌祖桓尙繁密粵惟天水終吾祖復東轄乃眷鳳舞鄉形勢何屹

藝思齋前集卷之六

十

屹六梅紛可愛祖居南北莊在萬山中一名六萬梅莊蓋其地梅花獨六出云山氣如鬱卜築良復佳矧與先宰切莊與餘杭止隔一山遠隔將軍壘篤生吳與侯風雨勞沐櫛鄉州力保障民命出深熱千人活有封陰德昌可必況其立朝皆雅望殊嶽東幽光闇不發獲報應無均吉川公梓世無承以學士公勉勉追前烈蠻烟化雨消連州知者承以學士公勉勉追前烈蠻烟化雨消連州蟹海蚌明珠扶兩王浙江省塔藥咏未終澗羅志其號爾得人早央門蔭培愈深家慶流始溢世歷運會千庭趨元愷八授業人或同擇地居遂別良由至正間族巨畏媒孽巍巍十六宗雲散營鬼窟淮海乍揚舩



下營前集卷之六

七

吳越徧審術豈不懷故鄉庶且遠羅尉而我壽四  
 君森森泛南雪妻東吾愛第壽十欲往阻溲溇本  
 爲百世謀坐使兩地濶先疇縱已荒舊德幸未汨  
 努力事生聚一一綿瓜瓞玉抱波方流珠潛水圓  
 折至寶不久藏廊廟藉黼黻吾鄉三中丞郭南公  
 公賢雲霧迭起執巨戛斯時直塘祖雙桂高插月  
 公晏如京尹公汝志魏我京兆尹恢我治中節均州公先  
 尚書公雲翼布政公嗣音參政  
 尚書公雲翼廣西在尚書公後  
 惜哉各驤首出處不一轍假獲巷共衣定美床滿  
 笏忠介我太公三江昔紉綬願聞甘棠篇戴繹敦

葦帙衙齋貯觀察副使公必正尚書文孫也末第  
 爲作花鳥畫時值忠介分巡蘇松往來相密  
 爲寺圖甚情往往弄彩筆歸來一琴鶴留得數蟬  
 蜚始知勝國時勢格而情睚眦遠悲角弓一見慰  
 膠漆嗟爾後之人此意易蕭瑟相違未百齡曷勿  
 念曩日曩日固如何桃州實貽厥萬川濫一泉萬  
 葩蒂一枿五遷遠至斯忍令長斷絕吳義重南城  
 鄭義首東浙八世那足希三朝差堪悅厥邑吾能  
 常羣宗應共闕異苦本同岑理不問溟渤遐思列  
 祖心精神或來佑小子蒙無知巨道敢不察敬宗  
 故收族考禮性所契乘瀾我欲東湖光與盞澈登

下營前集卷之六

七

岸恍迷途望門幾失謁問訊到我宗俶見或驚瞥  
 睽隔知幾霜客至何突兀既駭復還喜命坐意惻  
 實纓覲問族故瑣屑不厭聒爲言魯溪墳松栢尙  
 森樾爲言北莊祠蕭黍尙醴醅可憐八詠堂郭南  
 郭南八景詩因名風流逐烟沒可憐華嚴山北莊主蹊徑  
 漸草莽止止勿復道相對互嗟咄長老問我來扶  
 杖走蹺蹺儕輩聞我來紆席恆促膝齟齬問我來  
 牽裾笑吃吃諸母聞我來刺促語闌闊真氣亦已  
 濃厚愛諒非汰念此眼前人孰非共爪鬚冠婚遠  
 莫通秦越置休恤在天數十公降鑒或痛咽一粟

題浴澠第結網圖二首

引緒縣知蓄意多八絃張就待如何笑他越客千  
 絲網祇賺夷光出苧蘿  
 曲尺河流方丈蓬散襟閒愛織魚纓未妨隨却吞  
 舟漏看取珊瑚出水紅

題塞北省親圖爲嚴權蘭

雲合知何處天涯望不窮水光連鴨綠山色兩螺

紅夏清情偏切春暉氣更融

聖朝崇孝治雞赦幾時蒙

題采藥圖爲新安程政宗

翠華蒙裏扣豪退

書第二人

聖祖南巡日政宗試真

特命待詔

不黃海雲中采藥行松露滴來侵屨冷巖花放

處映鬚明長鏡托命草堂甫道服衆身金粟瑛休

說商山多枳殼碧崕一路紫芝生

泛舟自魚山

安吉界

至紫梅溪里不三十

而水淺山紆遂至竟日

挽舟入石涇兩山逼岸出之字水玲瓏帆影厓曲

蘇息齋前集卷之六

三

折鼓擢與迴幹崎嶇欲終日轉振良復艱佳趣故

無匹九面疑望衡蒼翠何蒙密嶺臥清波紫花

紛可掇夕陽斜照衣涼颼來彷彿飲牛彼何邛蕭

蕭幾蓬室及此且泊櫓早行未爲失

自梅溪至桃山連行竹濠中

渭上千畝陰洪興一川綠何如此山中竹濠量幾

谷濃碧雲四垂交翠玉萬蓋併作未了青一一搖

空淥筍輿踏碎金密莽翳朝旭日履烟冥冥耳過

風謾謾送迎有此君庶不笑幽獨我聞蘇子云無

竹令人俗疑彼林間居尚結高士屋

同南北莊族衆至魯家溪省初祖吳興郡

侯墓薄暮而返道黃泥岡徑險仄迫藁條

肅肅作虎豹聲

梅莊有先臘梨園

即魯

遺祖琴舊德我能食堂封

忍勿臨山勢迴迴合松身尙稍森哀哉灑掃疎走

兔紛駸駸風來悵欲涕日斜思不禁同人迫我歸

爲指前岡陰一步再三顧遠閭坊堪任小徑危置

脣况復歷崎嶇逼仄萊刺目疑畏虎生心擬謂精

靈里那落莽蒼深我來諒已慣介路開自今

港口村

蘇息齋前集卷之六

四

村據孝豐山水之勝幽狀紛接不可殫

述

望望嶺足路行行港口村千石疊峰出億沙迴波

吞窾窾獻玲瓏渦洑束狂奔苔滑水生骨藻枯山

起痕烟崖鬱晚霧蘚枿浸老根頗疑泛鷁岷還比

積玉崑何年巧匠斷致此乖龍蹲沐月縣巖鏡挂

日收海瞰

華嚴山在南北莊卽所謂凌家山也有舊

刹在焉留覽之下一僧忽指示曰此公家

先學士讀書處徙倚久之不覺過午遂飯

伊蒲饌而歸

樵徑入蒼烟芒鞋踏寶蓮先入遺伏臘初地起何年題石應無跡緡經定有緣可中慚日影飯後莫鐘傳

釣虎行

山中有釣虎法每與虎遇壯士三人爲偶其二人手執鐵叉制其兩爪其一入手一鐵械形如雨蓋銳其首鈎棘其體以探虎口虎創甚欲退而此械倒刺畢張遂挽以行如牽犬然

瓠息齋前集卷之六

圭

山深善密月洞黑俚鬼啾啾泣林隙壯士拍手忽奮叶前岡猛虎因釣得我聞鈎蛟天下奇豈知鈎虎又倍之以鐵作竿身作餌連鈎逆戟次第施投之以機虎適中喉吻倒挂勢難動縛急何憂呂布呼刀制欲就黃公控虎乎虎乎太無武昔險在山今在狙搖尾向人人不憐如牛穿鼻牢繫組君不見西山虎荒真可哀獵者捕之山爲摧嗟爾壯士忍袖手有技不用何爲哉虎負盈罪或自斃虎腹冢骨已累累

遊蕩塘庵

題楊維垣傳

峯回路更微雲散寺還隱時聞鐘磬聲始識招提近奔石峭澁足駭麝香過吻松花自垂垂竹實聊可掬苔文蝕墨題客至固已廩到門一僧迎厥狀殊曲謹昂廊迴青蒼色相襍金粉水棧承檐流風吹作雷殷聽此適自快吾以蠲吾忿

當時應自悔傾危一死何曾免索吹猶勝耦耕堂裏叟白頭留玷黨人碑

瓠息齋前集卷之六

夫

瓠息齋前集卷之七

烏程 凌樹屏 保釐

天光雲影齋集一 辛酉

遼湖郡東南一舍許有村曰荻岡宋倪尚書  
思所紀二十四遊之一也余自辛酉以後流  
梗是鄉者凡三載水部章先生父子無日不  
過從亦無日不談詩寄跡荻蘆之中乃復有  
此生活誠自憙不暇自哀也歷年既久積帙

瓠息齋前集卷之七

遂繁因釐其集爲五天光雲影齋則水部兄

子靜遠君所築以寓余者

題章水部深柳讀書堂圖

小儒守章句汲古乏長編公學窮天人易其事佔  
畢園柳闢深堂編蒲研故帙婆娑三萬卷知非消  
永日經術以經世茲言固非謫堂堯舜篇一一  
準夔術讀書期致君乃不藉蕭律趙以語佐王蘇  
以書作弼二子故憂蟲所就已崢嶸何況弗串材  
今古罔不悉挹注瓢酌江經綸蠶抽乙洵美巨雅  
流夫豈俗學匹鶴書翩然來拭目看珥筆

題春江待渡圖贈章十一孝廉 寶傳

水穀烟羅入望多杏陰小坐待婆娑便須麾扇橫  
江渡底用臨淵喚奈何

杯閒文字喜同銜及暇經過或不衫他日三神經  
渺去臥桅容易羨春帆

戲約明史藁列傳語得絕句十章

披羽衣坐船屋吹鐵笛弄梅花有踏海耳死矣將  
就木焉嫁耶 楊維禎廉夫

牧牛兒癡如此游兔我仕何爲只合老稱屋王那  
教錯作軍諮 王冕元章

瓠息齋前集卷之七

二

文章卽君次矣暨儒與帝抗耶風裁凜然底用骨  
相薄耳徒嗟 張丁孟兼

生且結廬花市死便埋骨湖山老病見徵無用頭  
銜羸得可閒 張昱允弼

且爾烏巾背戴兼之黑牛倒騎行盡九峯三泖都  
忘法正心慈 袁凱景文

聞簫以簫報汝紅瓊瑜魄何爲俗子爾未見耳黔  
公我且領之 王綬孟端

名士奈何見虐盲子豈足當迎謠烏母殊自快賦  
彈丸故無名 王廷陳輝欽

瑟琶爲擗鼓曲綾被聽妓乞書帝問慎作何狀粉  
面花髻自如 楊慎用修

棲身太白山巔柱頰赤城霞上一生未見此人渠  
詎知有宰相 孫一元太初

沈先生幸無恙郡太守遣作圖徃役是乃義也貴  
遊不更辱乎 沈周啟南

禽言四首

比翼情鳥也其鳴曰歸飛蓋與杜鵑鵲  
鵲同其知退不徒篤匹耦之誼焉

歸飛歸飛鳳凰而輕出豈勝梟與鷂南山有鳥北

蘇息齋前集卷之七

三

山羅世路多巉崎眩死魯門九韶饗何如雙棲一  
枝爲不如歸飛

爵廉鳥也其鳴曰節節足是有止飲之

意故古人以命酒器焉

節節足足醇醪雖美中有鴆毒厥何爲而網罟甚  
何爲而死鴛鴦鼠飽飲河中流日暮還向草間宿  
節節足足予口鳥喙予音金玉

姑惡怨鳥也其鳴曰苦苦君子傷之願

爲觀風者告焉

苦苦今歲爾何苦餘糧尙棲畝啄食諒已溥君不

見昨日狂風今日雨小麥倒死半成土苦苦良復  
苦不平鳴且勿怒

烏曰勤鳥也一名駕犁一名喚起其鳴

曰架架格格五更聞其聲農人咸起服

疇焉

架架格格東方且白喚起君不起日暮忽已劇古  
人夜長秉燭遊嗟爾晝寢復何益架架格格人荷  
鋤牛服輓勿使石田而草宅

跌山漾歸舟

薊子眇何許山有薊扁舟吾獨歸閒雲銜帆落孤

蘇息齋前集卷之七

四

鳥背船飛水碧菱秧瘦菱青魚種肥好山如速客  
故故向人圍

齋居卽事

故知萬事未能除此日身閒樂有餘芒屨著花欵  
後露釣竿分鶴啄殘魚殺青敢比壽泉壽生白還  
同虛室虛自信供輸堪報國明朝都恐又與鋤

天光雲影齋納涼齋制微歐陽書齋庭  
藝雜花盤臨流水

池館全消暑氣蒸解衣閒就石床凭微涼生柳風  
無骨碎影侵牕月有稜花藥欄移天上坐筆茶船  
合鏡中乘臨流擬唱秋霜曲只恐庭柯落不勝

度渭煙艇歌爲靜遠君題照

科頭野服河間子一生怕墮紅塵裏有手不捉滄  
海鯨有口不飲蓬萊水卜築遙連泊宅村扁舟穩  
隱蘆花根葭岬蒼蒼碧無際烟波綠綠青生痕老  
槎或到產桂窟長歌仍起送蓮墩雙魚婢復何  
有季疵餘得江湖輪伊人可望不可卽獨坐船頭  
弄秋色鷗盟合住水雲鄉霞性宜耽極樂國浮玉  
湖心跌山跌荻風葦月無處無看君鼓櫂出杳冥  
便是溪山清遠圖

重題章十一春江待渡

孤恩齋前集卷之七

五

曲江二月春波漫東風作意杜芽綻空濛一片碧  
疏天迷迭千重紅玉岬隔浦遙知景更佳烘雲映  
日花無涯種烟不數琳瑯樹破浪誰乘桂葉槎楊  
柳渡頭喚渡遠桃杏濃邊據石淺過帆頗怪太忽  
忽擊汰那妨獨緩緩臨流惜發良有意君才肯復  
居第二潘淵不動神鬼潛小海一唱蛟虬避明年  
泛盡天池水蓬萊山低尺有只研帽簪花舞佳佳  
酒酣還倩數成歌

章水部見示貴門人羅天尺癭暈山房詩  
集奉答絕句二首

嶺南才子本仙羅羅君上世自謂說者好句曾經字字磨吟  
到見山如隔世集中佳句也十年伐洗是重病  
吟身合向羅浮住詩思還從梅萼探不是愛花何  
水部那將香色到江南

病中作

造化小兒何足嗟病魔多謝伴生涯酒因傷衛連  
朝却飯爲安親努力加帶眼那須寬至此眉頭幾  
得綳伸即無端遲我西山出合是巖樸未放花

病榻讀黃帝書有感

心痛難遣痛倉知脉論空煩肘後隨視病難嘗見

孤恩齋前集卷之七

六

垣水讀書敢學費人醫飲冬羹憂定何有酸骨辛  
筋聊自治國手紛紛今不乏可憐誰識內經奇

遊湖跌山感興

松下何堪列騎過角巾尙不負巖阿未妨重栗安  
書卷自有鈎輈當伎歌千載上人應識我山後有漢隱士薊子訓委蛻處四山外望奈愁何茫茫白水連天碧  
底處烟雲好結窩

余學語弱歲迄今二十年餘藏弄且千五  
百首矣殊自恨其未純及暇頗芟竄之係  
以此詩

平生耽咏雜疵醇倒篋傾箱未算貧三萬日真吾  
作客數千言是實之賓明珠耀月寧藏類寶玉生  
烟合賤珉莫道心肝經嘔出賀囊更欲著精神

閱榜錄有懷晴岩却寄

寥落秋風幾苦辛吾徒嘆息世應聞一千里內無  
斯士百四人中忽見君公道只今誠不乏得才如  
此復何云還須努力加餐飯好致吟身五色雲

幽居卽事二首

兩耳何曾駐俗聞幽居只合誦金墳千卿甚事一  
池水堪自怡之半額雲有竹有花兼有客無非無

孤息齋前集卷之七

七

是總無氛年來學得安心法終日昏騰似酒醺  
莫說無營便不營幽居隨分亦經行牽藤補屋忙  
于鳥洗樹升梯捷似猩坵壑著來宜此子漁樵問  
去有平生笑他擾擾膠膠者誰結牆東耐久盟

題戢武閣二十四功臣圖

龍姿化國閭絕熊長孫首以才畧崇長孫郡王英  
英宗室雄威銳誠祗如振蒙趙郡王天策聚訟紛  
莫從山議立斷推司空杜如義義玉立田舍翁直  
氣欲吐輪囷胸魏臨淄老謀世所隆死諫凌波尤  
奇忠房元侍中力贊臨湖功狀類若畫宜圖中高士

肅忠武怒氣不可縱虬鬚颯颯橫秋風尉遲敬德藥師

談兵鬼火紅下視武起壁鴻濛李靖公雖徧國之  
棟叶利仇死勝非臣衷蕭軍頭乘馬如乘龍南原

一戰開唐宗段志肯征得侯有夔公高城墮翹終

翔鴻劉洪扼吭不走將軍逼得而用之忠則同屈突

通行臺猛銳輕折衝巨斧斫陣前無擁殷開嗣昌

擊賊何雍容兩妓對舞春酒濃紹趙公季父早建

戎晚乃負絹遭訶攻順德洛州小膽怯寇逢據床

直視鬪摧鋒張亮尙書後起勲銘鐘叱下房李卒喪

躬侯君當斷不斷禍所叢鄒公投龜謀國工張公

孤息齋前集卷之七

八

屯衛舞梁山擊椿鷹婆特將何無庸程知永興重

厚雙權豐五絕高踞瀛洲峯虞世堂堂邢國首發

縱氣吞威雅如飛蠓劉政莒公口舌鞭撻何上策

無如跨秦雍唐帝曰汝勦殿我邦魏公不負肯負

儂徐世歷城氣慘光射瞳眼中寧識東帝充秦叔

斗室

斗室熏爐獨坐昔道心閒與靜相宜吾吾暇豫書  
千卷我我周旋酒一卮欲縱梅魂侵鼻觀未歸雲  
璞落詩脾偶然收得非無事細裊清吟到晚炊

小軒

岑寂寧知戶外驟小軒聊此結溪南雨猶舊雨客  
能至才與不才吾自諧亂石疊成峯伍伍雜花栽  
就徑三三閉子野鶴應容我多少塵纓未許探

除日立春

招搖才盡又東巡殘臘留添隔歲春苦爲韶光爭  
此日漫嫌華節作陳人梅風送暖仍先子柑酒辭  
寒尙守申是日恰值庚申莫向五更聽曉角十分景已一  
昔新

瓠息齋前集卷之八

烏程 凌樹屏 保釐

天光雲影齋集二 壬戌上

元日用立春韻

聿暮年光又蚤新正元風物轉愴神屠蘇却病應  
容醉噩夢驚心未易陳事費丁寧緣後甲命纏箕  
舌是雌辰戴幡我欲採春去無奈如酥雨膩人

採桑曲六解咏秋胡婦

箔蠶飢欲死日暮採桑行秋胡逢故妻相對不勝  
情

卽自不勝情妾自無聊賴蠶飢苦欲死對郎心不  
在

白馬立前頭黃金置道邊卽言採桑苦不如倚市  
門

採桑良獨苦倚門那可爲此婦聞此言擲金返其  
閨

歸我桑中居奉我堂上母阿夫自後來出金爲母  
壽



妻乃對夫言金已道旁棄生聚或慚君死別聊自誓

恭咏先世遺澤四首

中丞安然公臨子敬洛神賦墨本

中丞清節切雲高餘技還應壓輩曹每向天邊塵

日筆逼將霜氣入秋毫白頭總爲題官勝助膽曾

聞賜御醪公爲中書署殿勝特賜枉說魏公添

後勁桂語一不知已奪二王旄

泰政存葵公蒞廣西時所執象笏

先朝事業已成塵故笏傳家表直臣擊過蛇神應

孤忠齋前集卷之六

二

有血參政公集中配他棠蔭總教珍蠻烟賦處潮

生暈蛋錦裝餘氣似銀諫草避人焚欲盡漫從手

澤想垂紳

徐州別駕初成公礪山凱歌手卷

茫茫寰海已生塵獨唱檀來衆氣振別駕爲何時

王等十餘萬因章料天公終破漢遂令淮障竟亡

巡後守破犯徐州別駕駐歌虞有客能穿墻時從

十餘守房付力竭血死弔古何人爲勒珉銘尚未立碑一種丹心

堪報國可憐誰識兩忠臣別駕與司寇并歲殉

司寇忠介公在諫垣皆蚤朝圖

模糊宮樹破烟微如見孤臣待漏時常侍入班惟

白眼儀同憂國敢伸眉司寇白晴通眉狀貌瑰異平安未便傳

復火痛哭仍煩奏玉墀此日蚤朝真不易杏花開

後總堪悲盡忠歸云杏花蜚司寇少時異人所贈詩識也

蠶詞

嬰蘭堂外日遲遲葉貴鳥名聲中柘影移祀罷苑宸

還獨悵一生消得幾絃絲

長相思心獨苦

長相思心獨苦遠路迢迢不堪數君歸塞北雲妾

落江南浦吳魚刺雁兩渺茫願欲尋君無處所繡

孤忠齋前集卷之六

三

幔迎風颺金翠暗成土芙蓉漸老將遺誰獨對寒

缸淚如雨

行路難

誰云泰山高躡足登其巔誰云海波深單舸渺凌

烟銀河遙遙沒天際乘槎欲到風引還樽桑日出

光掩暖禿鵲啾啾雲破碎天孫鼓瑟娛黃姑機石

空煩遺下界歸來却見巖君平贏得人間呼客星

採蓮曲四首

憎憎方塘水蓮深汶復多連南蕩儂榮蓮北戲郎

舸

郎舸定何許荷葉徒蕭森持荷底作鏡不得照郎心

郎心如水流既流還復止浮萍無定根依著蓮心裏

蓮心同儂苦藕絲同郎柔絲柔良易斷心苦無時休

### 盆中松石歌

盆盎局促未足奇松石怪特夫何虧山骨峭成華不注虬身蒼作鱗之而磊砢應自白羊化偃蓋豈必青牛爲膚雲觸起或雨驟震颺摧入終雷垂松

### 孤息齋前集卷之六

四

耶石耶有如此矧不自拔來籬籬鞭驅欲血跋欲怒苦侵菌蝕形支離

### 哭南谷董丈

間世董夫子今成汗漫遊龍頭先喪管鼎足竟亡劉丈嘗言吾湖詩人不乏郡城以東勢分鼎書只足其一蓋自謂餘則嚴望都運成及子也書只供兒讀文終爲鬼修名題鄉進士經末也應愁

聞武康吳對德滋旃扶病北上已復下第

### 南歸

孟潮今已涸之子濬其源計吏偕癘病羣公諱直言棄縹空有志投壁竟成冤此日眠霜去應營石

嶠村武康有孟公湖石嶠村

### 釣古艇歌

栽栽海商船釣利鯨人窟一朝犯龍怒性命輕如擲翼翼孝廉船釣名京洛間京洛多風波錦纜難爲牽先生此艇天下獨舟居無水陸無屋元真泛宅未足誇永叔畫舫聊堪續泖然一鑑止水涵濤氣滂濛貯淵腹處不必烟可耕出不必露可沐竿以意輸綸心絲千古萬古恣沿濯或餌碧川鯨或緝滋泉玉燕波澄不流脉望紛猶擲聰明几淨悄無事日向虛舟釣卷軸接轡連舸彼何人我生老

### 孤息齋前集卷之六

五

此良亦足君不見李生攻文傷木枯尙能奈盡書中魚中流自在吾欲試孤槎直溯天地初

近得北信知沈舅新例閔丈晴岩南歸吳

兄飲尊尙留京師

### 雙雙辭

帝里制淚賦歸與有客方炊玉臨衢獨參驢更思垂釣穩終恨入時疎憔悴南來雁應傳季子書

### 村望

首夏江天未便煩眺閒長得倚衙門亂鴉遠沒陵陽樹流水深藏半日村不定雲容時漾漾乍生槐

耳故翻翻眼前有景須收拾底是驅車上古原

讀藏經

真詮一點是丹靈積悟何如頓悟惺但使屠刀能放下未須身列佛名經

讀列仙傳

上界神仙屬老成羣真鶴髮自盈盈嫌他子晉還年少謫向山頭更弄笙

西吳雜咏八首

下菰城在城東

春申君封於吳虛此殆其別館

孤息齋前集卷之六

六

危楚昔見延春申始出奇遺橫實履虎說秦終探驪上策既已建隆名重當時巍巍四公子並驚良所宜如何晚節謬生恣李園欺竊國還喪身不異卽卿兒當其封吳日形勢正猖披填門溢珠履意輕夫差規茂苑營未足別館衡山隱池隄窮地與穢礎凌屢屨不念鄧郢宮藏骸方摧夷爲樂苦未央伏禍來無期高會不可復空城餘舊基我來長烟亭孤蔣徒紛披

掩浦在城東北

項羽言代秦之所以梁掩其口故名

秦帝遊八極艤舟此水濱重瞳方避仇取代胡遽云椎擊索十日石書夷萬人鼎鑪猶有耳彼藉寧不聞想其發言時氣吞祖龍君鸞獸尙擇肉彈雀已潛身拔山力未試張楚聲先振學劍不學書壯志故無倫丈夫當如此燕雀難爲羣遂令三戶弱終摧餘威震武信亦人傑掩口徒逡巡不見隆準公夸語清渭濱是浦與終古雄風起漣淪

薊墓村在城東

漢薊子訓墓焉今成村落

我聞薊子訓名在丹臺上遊戲歷人間往來恣跌

孤息齋前集卷之六

七

蕩挽車週漢京賣藥走秦望過鴻爪不留神龍尾終藏稽山萬古青雲蹤迷所向何爲此岸寧尙遺精靈薊彭宅鬱薊林葛臺屹劍壙至人固有死騰跡毋乃妄蛻骨貯巖阿土民耐村釀怪鳥日夜啼往往雜樵唱豈聞緹嶺笙莫睹幔亭帳思此泉下人魂魄猶悵悵鳶鳥與狸兔奪予何得喪孤村山四圍嵐光紛相餉虛墳聊堪登紫霞非所仰

薊子亭在城東

漢高士徐穉哭友於此

甘陵競黨禍漢室方陸沉俊及豈不賢破釜無完

驚忍以荆山壁抵彼惡鳴禽冥冥南州士鳳舉翔  
千尋危邦古不入避地良獨深嶺山時縱往此地  
復登臨北望京洛間涕淚何滔滔得非孟博徒摧  
折傷遐心俯仰非一事况茲同苦岑悲風振窮谷  
萬鳥爲哀吟生芻聊自薦孤懷豈易任危亭落山  
址遺象尙慘陰時無磨鏡翁灌木空蕭森

泊宅村在城東南三十里

張志和浮家泛宅之所泊也

燕真昔高邁脫身金馬門茅齋結小閣舴艋窮水  
源自號烟波徒沿濯不厭煩歷盡東西浙斯鄉亦

瓠息齋前集卷之六

八

有村豈必久停滯暫過名已存漁童前打槳樵青  
爲弄綸往來蒼雪間浴翠蕩心魂矧此邦太守好  
士夙所敦遂使野人艇終問西塞津長歌起遙浦  
斜風吹白蘋興罷聊獨飲螺杯問窪傳所志頗已  
適寧知冕與軒乘席賦歸來高揖麾扇翁

桑苧園在雲溪旁

桑苧翁陸羽所居故園得是日矣

吳興富桑苧濃綠垂蒲地猗猗此園中嘉植更繁  
被竟陵有高人雅志樂衡泌自棹書畫船來探山  
水異睹斯神明鏡頗愜上築意湖田既可耕湖園

復堪時都無榮宦心甘與老農比那用毀茶經聊  
溫種樹記牆下與屋東處處交稠翠老夫足巾袍  
僮婢工蠶事所得良已足灌園非市義因茲以自  
號顧得山野思我欲從之遊腰鑷躬自試

窪尊石在峴亭

顏公真卿會諸賢酌酒賦詩焉故李  
相適之石尊也

李相本酒仙無日不樂聖况茲烏氏鄉佳酌故未  
罄手挾太古杯峴亭時乘興喝月當行籌呼雲王  
觴政殘尊傾莫收落此烟蘿磴繼起有名守風流

瓠息齋前集卷之六

九

實互競羣徒赴空談巖客踐幽聘杖策偕心朋剔  
薛出奇勝雅踪渺難尋石在醪尙凝杯飲固已豪  
醉鄉劇堪詠聯歌晚霽垂獨唱秋山爭如恨隴西  
公臨風喚不應豈期後之人斯懷復同病九京誰  
與歸遺詩聊獨廢

學士山在郿城前

宋學士蘇軾鼓琴焉因以氏山

蘇公任水天風月愁雕繪帝恐造化窮驅向烟波  
邁豈知謫居中復得山水最兩結西湖綠老搜南  
海怪奇絕幾平生終輸極樂界繞郭萬芙蓉園郡

千翠霑休暇但出遊嶼屐了公債縱觀南北峯前  
山更駐蓋琴聲發幽巖松濤互澎湃不怕猿鳥驚  
那計魍魎害一彈再三鼓風神何瀟灑遺音落人  
間林薄增譙謁巍巍學士名得氏山亦快應比郎  
官湖巨別同所屆

晚塘偶步卽事

槐風習習扇池塘小步偏宜趁晚涼鼓吹開綠蛙  
給廩菱荷淨爲鶴無糧虛舟相觸人爭喚遠靄孤  
橫樹盡藏變幻那須愁咫尺明朝重看日蒼蒼

孤館獨眠雨聲甚厲因憶丙辰愁南林寓

臥息齋前集卷之六

十

舍亦復愁寐如是忽夢亡友閔在王來過  
如作遠行狀不數日遂得因問緣想及此  
竟夜不寐聊作數語以紀之

風雨太蕭蕭空齋意寂寥昔年曾此夜故友到中  
宵妖夢終教踐遊魂未可招客懷愁欲盡不是歎  
無聊

珍珠蘭

九畹花開別樣風圓光碎影互朦朧湘愁欲泣腸  
先斷姑媚生香夢未通麝氣夜清重璧榭日華朝  
淡蕊珠宮憑霄合是空啣至幽谷長看浥露紫

四月十六日立夏

禁烟過後笋厨開老婦初看祀竈同好鳥煩呼春  
去也畫樓又見魄生哉戲杆奴價寧同婢巧尙櫻  
杆更著梅繞屋扶疎吾亦愛薰風况逐舜弦來

蚤夏效玉臺體

首夏日仍麗小園花正明異葉還同色分葩復共  
榮密楊坐綿羽歸蝠翼瑯英應候宜嘗麥堆盤乍  
進櫻蓮初方罍藻蛙嫩已調笙冷玉壺中皎薰風  
弦上生唯應槐蔭滿微涼弄餘清

臥息齋前集卷之六

主

郭息齋前集卷之九

烏程 凌樹屏 保釐

天光雲影齋集三 壬戌下

蘆江雜咏贈德馨書屋主人六首

故人結烟舍招我住蘆碕風俗陳留似歲時荆楚  
遺山蘆青筍足池酌碧簫爲永日聊堪愛清風扇  
水漪

竭來成小隱卜築尙皇初處處栽桑苧家家鑿稻

郭息齋前集卷之九

魚地偏遙得野路絕未通車自權雙頭艇閒仍采

接余

吳興清遠境此地欲同論分得茗名水全將荻號

村漁莊連斷築柳圍傍溪樊况復千重翠諸毗遠

近吞

舴艋蓮東滿清淪舍北咸浦風來晚唱湖目佐朝

饒盡日憑欄檻逢人不展衫唯應張水部冰玉關

臨嚴今叔容谷先生  
時見就論文詩

兄弟機雲並文章漢魏堪驚人時得句顧我只清

談氣味疑醇酒風流自盍簪因思題柱客辛苦滯

燕南謂令弟  
習之

吾徒竟家落獨坐意如何方丈宜禪寂尋常賴酒  
和謀生無善策驚鬼有高歌祇恐凌江晚芙蓉老  
則那

登章七秀才奕璜讀書樓

二阮焚書處時借令  
姪南壽

登臨意渺然茲樓宜爽氣極

目况長烟嵐影千層合波光四面連遙思漁父樂  
往往得忘筌

崑崙山人王叔承塚中磁盃歌

嚴墓吳丈鍾斗齋中有一古磁盃其巨

郭息齋前集卷之九

如佳光晶可愛丈云崑崙山人王叔承

塚中物也近爲不肖子孫所發骸骨俱

毀歟器無存惟一古銅劍及斯盃尙在

切灰中入穴後亦復燭天里人掩之并

獲二物劍已爲誰何取去余以二百錢

得盃嗟乎自古寢園所在以寶見虞山

林幽蛻之窆本無可欲乃亦以老耄者

不保其藏哀哉摩弄之下不勝感喟爰

作是歌

怪鳥嚇人來恍惚荒林嗷嗷鬼叫月夜深陰火逼

天高里老驚傳古塚發破碎寧知子幻墳飄零空  
認詩人骨塚中遺罷化雲烟校尉摸金空咄咄吳  
丈吳丈乃有斯寶非紀甌貴非彛興來一飲無筭  
爵得毋神輸供酒甌如聞古劍入淵合向見青磁  
出土奇盧家金盃不足道此物摩娑足歎悲苔花  
繡蝕神逾古玉質模糊燐血點埋藏幽穴定誰珍  
流落俗手招衆侮偶然拂拭露精光便欲居奇傲  
壘無登來二百青銅錢傳玩几席嗟未睹砂紋霞  
脚縱復橫火氣脫盡餘淳清宣德形模那可擬錢  
王秘器聊同評種蒲好滋石九節貯水宜澄秋一

山入故君今爲  
吳丈讀書處

中仍置此或恐吟魂時

按行

題諸升日如畫竹

白日陰陰風戛玉千尺琅玕貯丈屋竭來周氏淵  
源堂陟入文家簣當谷攢霄幾幹碧參差拔地一  
枝森肅矗鳳尾蕭疎怒欲奮龍身蟠岫力難束烟  
籠雨洗勢益奇蒼苔怪石相扶持如有人過影瀟  
瀟都無客醉香離離遂令四座壯秋色頓覺六月  
生涼漪我來見此頗驚倒豈信諸君筆所爲落墨  
有神腕有鬼寒梢一一排空峙技耶道耶我安知

但詫波濤吹滿耳模糊不辨个字形脩脩空睹天  
然起練實紛披寫未全丹穴鴟雛應餓死

奉陪容谷章水部遊其家先塋

羣山綠繞水紆縈萬木叢中一瑟城好鳥遠從江  
外至吾湖素無相思鳥瑞芝每向砌邊生戲探松  
鼈攢今此墳時有之滿已酉庚戌兩年是生瑞芝極目梅潮細  
浪盈戊午役有潮湧之不是于公偏有德那教惹  
驚異令子習之亦雋最分明

巫山高

巫山高插天剛風遊氣相與還美人亭亭縹渺

欽定四庫全書

四

間蟣蝨下臣何由攀且爲朝雲暮行雨連峯十二  
迷處所巫山高高且深清後嗽嗽傷我心高唐之  
女不可見可憐宋玉徒沾襟

烏棲曲二首

長河耿耿沒天際少婦停機有所思下堦忽見雙  
棲鳥含情最怨月模糊  
雲華黯黯澹秋月銀潢清淺繞一髮烏鵲懶眠不  
成橋織女黃姑空寂寥

月夜同章水部偕其諸姪尊懷狎飛呂涯

吳生宸藻遊演教禪寺

樽酒論文罷來從初地遊印川兼得月醒磬獨敲  
秋頓使塵心盡還憐晚境幽滄浪如可濯我欲坐  
臨流

孫孝廉岳揚偕其弟孝廉觀岑並滯都門  
近聞岳揚已南歸

兄弟通經術飄零亦可哀匠門多枉木  
聖代有遺才索米居非易盟鷗計莫猜凌波塘名岳揚  
所居好烟景留待汝歸來

九日尊懷紫甌呂涯三昆邀予同士林臧  
先生漢光仙潭胡生起詩遊湖跌山水部

孤思齋前集卷之五

五

先生復偕其令弟器斯先生拉同里印神  
發龍湖朱芑田郡城江虛舟自別船至會  
於八峰來翠軒時從者水部令子寶書孫  
元齡尊懷令子昌齡虛舟令子振蛟亭午  
訪桂於閔墓則凌波孫錫侯西余施堯開  
迤邐從隔嶺來良由彼舫先泊前山矣同  
兩君至者復有狎飛昆季主人好事遊客  
繽紛可云極盛夜更張宴於趺上即俗所  
名龍頭山也天空月皎山水一碧遙望平  
川菰菱如畫惜靜遠君以事滯遲斯勝踐

既歸作此以示之

年來醒醒走塵囂寒食重陽竟虛擲諸君好奇如  
岑參邀我來遊山水窟玲瓏萬疊壓船橫蒼茫一  
棹凌波發清光翠影互吞吐飲賦漢先失笑稱奇絕  
玉雪兩生起詩昌齡並道佳輪奴得意櫓聲滑轉眼已  
到菰蘆灣振衣直上蒼烟骨婆娑聊復歷險高脚  
踏實地寧憂跌凭虛四望眇愁予萬象森森變悅  
欵菱花歷亂彼何舟水部乘流至爰兀從以卯君  
兼小坡更喜希範叩挾佐日朱興逸還題塔院名  
才多未罄江郎筆主人娓娓說故遊舊雨飄零足

孤思齋前集卷之六

六

歎惻水部昔嘗偕友讀書於此今成昨夢矣依然肅客讀書堂笑攜  
童孫元齡理殘帙須知此會為黃花霜蕊深苞苦未  
裂遠香忽送尚書墳如聞金粟乍芽茁佳踐那妨  
閱種種勝友矧兼逢一一孫君施君來何遲此樂  
寧容公輩奪六郎飛微晒為吾言前山好景君豈  
撥頗欲賈勇畏途暝却返龍頭看早月清宴雖無  
竹與絲菊釀盈尊殊堪噉既立之監佐以史酒戰  
紛紜嚴失律諸公潦倒或坐遷我亦頽唐帽欲脫  
起視懸蟾正渺濛涼颼倒卷吹蘋末山空露寒難  
久留過歸猶恨夜未徹明朝作詩示章三如許秋



光君忍割

題友人幕府唱和集

蠻箋蛋錦富雕搜嶺雨溟烟入唱酬嚴武有詩惟  
和杜仲宣作客慣依劉襟題漢上爭傳集句滿天  
南未悔遊歸到故鄉誇盛事上公吐捉最風流

福建同年林

光

鋒過訪詢知與閱一文章十

一兄同舟至宿遷別呼小艇歸計彼程已  
過清口矣久遲不至二首

有客新從下相來爲言曾共刺舟廻淮南水勢今  
應減想見驚帆過釣臺

孤恩齋前集卷之九

七

悵望歸期未有期湖堤草色轉依迷楊州歌吹新  
蕭瑟未必勾留爲竹西

冬夜玩月有感

孤夜迴不寐開軒望凌兢誰將白玉斧琢此團圓  
冰霜風何蕭瑟素氣杳高澄遙天憺如水冷浸霜  
娥滕寒光落萬瓦一一生觚稜羣動幸已息覺夢  
喚莫應豈知天地理陰沍方總升對此空獨悵予  
懷竟誰懲

金鳳入冬尙著數花爲霜所敗

金鳳本好草疑是丹卽葩嗟汝不得志苦遭繁霜

加雙翅壓欲折朱喙空張呀離披勿復道躑舞何  
由誇羽王旣已杳茲卉亦云賒不如玉鷄苗猶得  
傲春華寄語青腰娥晚開寧非佳

放歌一首題飲酒讀書圖

弓不如眼中一个字名不如卽時一杯酒古人此  
言豈我欺况挾青編對紅友酌酒讀山經我懷陶  
淵明忘食無不可挈壺聊自傾浮白下漢書眇矣  
滄浪蘇拍案忽巨呌驚倒窺牕徒有酒不飲當奈  
何有書不讀徒澆謔生年不滿百日月忽已徂男  
兒要且適已事安能屈曲隨世遭摧磨開卷三只

孤恩齋前集卷之九

八

許古聖軒軒來庭阿痛飲三百竿孫瞻輪囷直欲  
凌天河醉後伊優殊不惡忽見此圖引聲爲高歌  
會須種秫萬頃資釀具不然掘開二酉之山窮搗  
蜊

章十一進士歸晤後賦贈四首和閔一丈

孝廉韻

玉笋風流故未遙知君刻意赴雲邀斯文畢竟推  
黃頗臚句空聞擢鄭僑龍卧有時蟠尺木箭飛無  
復屆崇標一房山

君家齋名

好閒留眺肯羨澄瀾賦晚

朝

得歸且作散行仙紅土寧勞帶玉賢好向烟霞供  
嘯傲漫隨飛李闌芳鮮眠莎仍比無緋鶴簪帽空  
安似蝶蓮俏敗俏成眞偶爾骨癡那用較皮妍  
未要當關建兩桓獨開籤室把書看君才定命騷  
爲僕汝輩從誇樣是官馬笛王簫元合調謂調丈與君  
日南月北可同觀謂君與予千秋有業蘄堅約如此齊  
盟那許寒

敢倚紅綾賜乃時分將寒袖伴軍持忽驚上客迴  
鸞至又見奚奴負錦隨君歸裝甚夥吟冊格調定知沿水  
部風情別自秦霞思時髦豈匹君休悵且擬徐生

咏素辭

與章十一論文重和前韻四首奉贈

九

元音終古歎風遙平淡難從里耳邀世合有人君  
便起文終是主我應僑相將鬼窟施三昧獨向狂  
流建一標不盡江湖須挽任忍令滄海絕東朝  
未論才鬼與才仙加理粗能便是賢任詫林花堪  
傳采總教秋草易凋鮮日光應勝迴風雪錦爛何  
如出水蓮第一脚根須立定莫同兒輩鬪肥妍  
那妨豪作猥皮桓肯便聲雌一例看但使斯文若  
元氣終應騷客是衙官黃河合自天中下蓬島曾

和前韻奉寄

經海外觀怪變得來真不惡淙潭落盡見清寒  
眞詮識得總違時奔馬勞將一髮持尋緒墜餘須  
力猛動刀微處有天隨擬裁玉檢推韓筆要到緇  
帷見孔思直截橫流吾豈敢破龔端合藉寢辭  
閔一丈南歸予以留滯荻岡未獲候晤三  
棲南嘶北兩迢遙千里相思未易邀烟霧忽驚巢  
父入荻菱仍共石舟僑麗隆字石舟流寓荻岡有詩云小築茅堂帶碧流荻花菱葉幾能語燭分藏跋終欲盟松各固標瘦島亂清秋  
有詩元是佛才江真合欽衿朝

與章十一論文重和前韻四首奉贈

十

曾聞有國號梯仙上界無端失此賢清瑟定誰憐  
古淡饒腸徒解嗜肥鮮春風旖旎仍眠柳夜月蒼  
涼欲睡蓮經得許愁懷更惡沈郎詩骨合嫵妍  
淵才雅量比鯢桓輕薄紛紛只靜看掃戶肯教呼  
熱客種畦便欲號園官清詞力把瀉心瀉怪句休  
誇豆眼觀憶否探梅曾有約與君曾有約微枝探梅花丈昔所見贈可也  
且同索笑鬪臞寒  
君愁我惜是歸時婪尾杯深合共持苦異要知岑  
本合形來終信影能隨那嫌秋水娟娟隔好慰雲  
山渺渺思苦語當豪真未足他年留比孟韓辭

自贈四首仍和前韻

金丹映盡十洲遙俗駕仍同夜鶴邀我道非與人在野歲云暮矣客方僑浮家到處紆蓮艇小儻經行課蟹標簑笠隨身應便足看他鷓鴣自趨朝何妨醉後舞仙仙時復中之賴有賢爛熳况餐長項美作羹兼得扁頭鮮米心偶爇綠嘗荔石齒微搖爲碎蓮比似蓴鱸都不惡張翰那止憶秋妍敢恨昇天欲後桓浮名端合霧花看不才自笑無能役得句終教勝作官入世已諳齊物論忘形好作衆生觀道人心地清涼甚肯逐炎鴻苦避寒

孤忠齋前集卷之九

七

徵逐徒慚彼一時閉門元是有修持正愁畏影影難却但說逃名名已隨不若冥心觀妙理且當掃迹寄隻思雕肝繪舌真何用我欲兼刪枝葉辭

感興

市價如聞尙痛騰紛紛官糶日應增縱令斗米三錢賤那易黃金似土能

已看樂歲終身苦况說淮南麥更無如此囊慳兼米貴諸公曷請十年租

憶家

斗柄招搖旋指寅薊仙墳畔滯遊身驚聞阿母

仍逃瘧愁絕曾參未棄薪

孤忠齋前集卷之九

七

瓠息齋前集卷之十

鳥程 凌樹屏 保釐

天光雲影齋集四 癸亥上

人日有感

不獨春光倍可憐  
巡行離落總淒然  
陰從元日連  
人日貧到今年勝  
去年溪勅底勞還  
勅水春鋤何處好  
鋤田那須說盡傷  
心事枯坐閑吟甫  
也篇  
春夜不寐得寒字

瓠息齋前集卷之十

獨宿渾無賴  
相思未有端  
夢從丁夜斷  
衾到五更寒  
飢鼠方行案  
虛光欲上欄  
含情復何限  
侵曉轉闌珊

咏水仙花

洛浦驚鴻事已除  
春秋菊漫傷  
嗟分明會却陳  
思意願得冰魂化  
此花

春日同友人遊何山餘興未闌復泛舟城

北登弁峰攬石林玉澗諸勝而歸

吳儂托足山水國  
閉戶還如不相識  
蒼弁自蒼何  
山幽有夢何曾生  
羽翼一朝清暇展  
清遊乘興當

消幾兩屐髯蘇已仙  
少蘊死此樂無端我輩得讀  
書堂古眇荒榛風磴雲莊自堪陟修筠蕭蕭封徑  
深老樹蓊蒙逼崖窄猿鳥無言供靜探寥然嘯谷  
徒俗客我今到此憺忘歸豈意玲瓏更奇特回節  
冥冥喪吾兵鼓櫂重遊北山北萬石稜稜疊峭青  
一澗溶溶漾深碧絕頂遙呼少伯舟中椒仍憩左  
丞宅鎖藉涵深景益佳子瞻好事惜未覩東坡嘗  
澗而小玲瓏嗟予二勝并日收深恐山靈怪創獲  
竟未及至歸來醉卧江月明尙疑嵐光落枕席  
望隔岸玉蘭

瓠息齋前集卷之十

二

月璞凋殘未易修  
素娥檢得蹙香毬  
窠一樹凌牆出  
恰似玉人嬌倚樓

二月盡始見梅花

奪却始音窵天還來結淨緣  
清輝宜冷食幽夢憶  
殘年雪瑞鳴雷後  
香疎鬧蝶前依然跨驢背聊復  
踏晴川

偶作六首

作富須知效者貧  
空同當日白嶙峋  
刪將擬雅依風什  
未必西涯隔幾塵  
濟南畢竟算奇才  
却恨荃蘭雜草萊  
若使有人仇

李賀便教焚後見清裁

句法公安類打油李王餘酸苦難收故應不及天

池子獨在東南半壁秋

辛苦爲詩兩竟陵縱然別派也清澄阿誰爛把詩

歸讀入室操戈汝太能錢虞山少時頗亦取選詩歸

鍾譚苦語不堪聞特起虞山又建軍錯把鋪陳尋

杜甫始知全未細論文

新城重代歷城興清秀羸將牧老稱時謂阮亭爲清秀李于麟

錢牧齋顧亟細讀羸提軒裏句又疑分得竟陵燈

稱之何耶新成五言詩有絕似鍾譚者

孤忠齋前集卷之十

三

燈蛾和孟東野韻

蠕蠕爾何蟲忌耀良已切而我本無心孤燈任明

滅所惜拋手書推牕就懸月

談往有感

何事閒時感百憂斗山遙望起離愁杜門長史仍

遭錮移疾司徒欲見收日觀雲深迷岱嶽天池潮

落隱滄洲江湖有路從來濶穩卧空煩羨野鷗

古詩二十首

韶光娛淑節嘉木輝良時如何孟夏日風雨轉淒

其棹萼亦已落命駕安所宜端坐不稱意俯仰增

餘悲眇思闔闢初巨化搏兩儀人生於其間譬彼

旋磨蚶分景懷百憂寸心馳八裔蜉蝣可憐蟲羣

聚笑我痴云何苦不樂膏火徒爾爲

風皇昔王木巨道尙榛塞淳悶豈不佳嬰憤固已

賊首舉四日相萬象力雕刻煌煌龍背書天地始

適職同患旣前民斯文復徧德廓然開吾苓渺矣

垂遐則愚鬼彼何知嘯梁空惻惻

淳氣忽已散五兵弄蚩蚩炎輝燿不然黃軒代麾

矛絕轡中冀野授符西王區雲葩照四極惜哉中

荒遊紫宮方發軔爰啟四帝謀神鉦重風敵一指

孤忠齋前集卷之十

四

烟靈收終能宛夏功制作通潛幽

驅車陽城山迺遇囚堯城巽讓古所美餘踪何爲

名潛桐股賊相乘耆昌耀兵世論旣非古誕章實

縱橫况彼二帝軌奇創來羣驚九子惜已暇嗣朱

徒開明贅壻忽主廟長亂或從生不見漳水濱雙

臺鬱曉晴

黎老旣播棄尙亦困棘津方其蛇伏時往往遭俗

瞋逐夫衆不收釣士世或珍龍彪一以夢遂爲王

者臣堂堂牧野師業業震雷震焚臺良已酷巨白

忍縣辛厥功非不高何如夔契倫薇山歸在望我

思兩賢人

入市疑攫金戒鄰疑盜財君子防未然瓜李慎所猜不信展夫子尙納趨戶娃同室亦已亂矧乃坐其懷區櫛古有訓異席嚴嬰孩巨義滋不明異說紛難摧彼魯有聖男狂瀾挽東廻

魯國儒一人皇皇東周志螻蛄方弄聲孤鳳竟蕉萃杏壇春舒紅尼山晚滴翠點易走義文刪墳驚軒燧回幹元化初川塗衰姬季鑄人良已閤航人惜未試崎嶇九州轅終泣捶麟淚

至道妙於有聃叟講虛無厥初本清淨後乃傳其

鉢思齋前集卷之十

五

巖刀圭寄性命鉛汞煩洪鑪哨哨五千言豈爲免死符我觀山澤癯形瘁神亦枯三州眇何許矧日忽云徂莊周與蝴蝶巨夢徒遽遽

秦代有高人其名曰四皓祖龍斧六王偕逝何浩浩豫逃驪谷塵終采商巖草赤帝奮長劍蛇蛟滌如掃國本立未寧陰風振秋槁期期徒免冠稷嗣危莫保彼張友雲霞乃復煩數老

人柳立漢苑病已起掖庭圖治良已力緩德乃尙刑牛毛衡簿書曾無日夜停既僭還復驕虛瑞昉盈廷五鳳縱翔遊豈潛鷺鳥形弓張實反矢林振

無靜翎所以蓋司隸奮身食青萍

荒君踐妖夢馳遐求梵書奔走狂國狂玩弄愚公愚巨惑者不解千載徒嗟吁有客爲我云西方神靈墟珍禽溢檀林名珠圍蓮趺努力登彼岸一葦航空虛再拜謝客言此樂或有無吾土亦須人安能從爾居

垓下奠炎鼎蹙項肇反梁上將向宛洛其勢適相當越能收齊勁羽乃挑吳強阿瞞固已困一蹶漢以亡專閫自爾疎始謀寧不臧嘆息隆中策時無徒蜀王

鉢思齋前集卷之十

六

當塗興代北正統垂元經洛陽既相宅奮修周典型東征仆秦石聿登雄聖庭像教幸已錮再世胡遽停羽林戕命帥放赦實失刑魏法自茲壞豈惟妖后腥草澤警先幾念亂遂不勝

文皇初履極力鏹亡隨風手麾譽樹諂面旌箴寶忠以斯羣輔効坐致貞觀隆晚歲何耄荒頗恨田舍翁凌波一拒諫萬骨枯海東立碑猶未戒復殺劉待中作法故爾涼後嗣宜何從可憐末命臣并日死北凶

唯唯魴逸梁綬綬孤奔山哀哉房陵君點籌何厚

顏臨淄揚海波瀉洗宮掖善治定氣易盡耄及脛  
風沿塞酥遂戲母錦綢况賜錢笑從金訂醜宜比  
天津懸前覆後滋甚彼昏奚責焉我欽兩才人冥  
冥殉重泉孟才人王才人並見唐書后妃傳

攻鼠勿薰社攻狐勿穴城狐鼠良易制熏穴城社  
傾洛汝漢唐衰誰歟召外兵健董既易器賊朱遂  
假名猗蘭接洛宮覆轍紛相仍國脉不可續衣冠  
復坐阮濁流宜此輩俊及還同清

全宋傳九帝藝祖如贅旒平生負巨志乃爲光義  
謀迷侯部將實都知豈爲點檢求躡踐固未可黃

蘇息齋前集卷之十

七

袍聊兄謀事定力焚母亂命良有由臣普解此意  
署筆類縱矛金匱亦已誓枉斧殊可羞一誤勿再  
誤此言吾何尤

前星耀朔方天帝幽南內豈無故老思巨福得不  
再矧彼五國君率土固罔戴但令兩京收何憂二  
帝在煌煌十議書此義惜未載坐使小朝廷還爲  
檜所賣都杭尙偏安破金或兩礙頓放在何處要  
語非狂吠諸公談中興盍先破疑塊

周東素王生宋南紫陽出言有巨非夸兩語固紀  
實主敬闡程宗格物演孔律痛指入德門深造窺

聖室瀛海納衆流陳陸岡所黜妄庸有鉅子震川  
生斥王李爲妄庸鉅更著傳習帙得非胡竝流異  
子余於陽明輩亦云歸先

代相祖述我欲翻銀河洗蕩同彼佛

日月歛以流宇宙復已隘古之慎言人三緘恍多  
敗兵默回天心夸毗徒世械茫茫千古事放論定  
焉屈懸鑑聊破邪然犀勿照怪矧余禱昧姿其敢  
棄前誠囊筆有所思庭花已瀟灑

張固亭見過知沈紹庭復往保定因懷震  
澤諸同學

弱歲交遊未便忘震湖曾共負書囊侯誰在矣惟  
蘇息齋前集卷之十

張仲我所思今在朔方柳徑如聞棠蔽芾紹庭尊人令慶  
都時植官柳萬株釣臺無復艇徜徉震澤有范蠡  
邑人以比甘棠焉釣臺余少小  
同諸君并於此燈前憶舊兼懷友幾許愁悰入斷腸

外祖母周太孺人虞日恭作輓詩二章奉  
奠

茹檠平生操歌虞此日心有人知苦節無子奉魂  
衾太孺人殮時舅氏以疔縈恨遺丹旄沉疴少紫  
葆慈幃空在望奄爾絕塵音

潛德憑誰發芳規略可名辛勤瑩兩世婉轉翼孤  
嬰外太祖支下惟長房一槁木形骸瘦豐碑姓氏  
子撫之無異所生焉

貞太孺人節孝坊炯心知有屬捧奠不勝情杜子美祭

永一

坵壑宜來久驚人未易鳴且藏愚者得敢信道惟精挂樹瓢喧耳揮琴鶴和聲杜囊羞欲盡杯酒足消名

春覺偶就枕上占此

九十春光取次虧獨眠忍問夜何其一簾花影半牀月好景正來寤癘時

溪望二首

蘇思齋前集卷之十

九

小立溪頭望眼開無邊春漲自縈回愛看一派深清水箇是崑崙絕頂來

門外一溪清且閒門前雙岫闢孱顏自家意思無誰會碧綠青黃已滿山

題女郎畫二首

梁孟昭秋山

不作卿家滿額粧要將枯淡貌深蒼平林迴岳添消瘦一夜西風落葉黃

李因蘆雁

蒹葭無賴水琤琮一抹寒雲界淺江自是前身名

並命化將朱鳥也雙雙朱鳥按法言注有燕雁鳳三解今姑從注雁者

梅下偶吟

無因索笑到寒梅得暇巡檐日幾回細咏家詩應有味但留老幹我還來家公咏梅語也

紅白山茶

碧空驅雲霞墮我春風圃媼神不敢收發此兩奇樹冒雪丹霞舒入夜銀光吐豁然變晴明雙雙出烟霧號顏非朱醅何面豈粉傳松杉與俱清桃李敢相妒縱然形質殊終不改其素一片歲寒心還應同所遇

蘇思齋前集卷之十

十

懷方行川師閣中

七閩遙望海天昏簿尉中間未脫身下考有人曾伏閣微官何日免趨塵乾坤迴互鄭虔老衙舍清閒姚合貧此去漳江應萬里門生空復淚沾巾



瓠息齋前集卷之十一

烏程 凌樹屏 保釐

天光雲影齋集五 癸亥下

審交和孟東野韻

種松歷千載其下乃蟠根良朋貴久要久要不在  
言枯木有直心何取陰蔭繁不見左羊交身死道  
義存太行豈不高終見車輪翻所以君子人金蘭  
慎所論

瓠息齋前集卷之十一

十

咏古三首

陳平擅奇計雅重陸生謀公孫固狷狹開軒揖平  
流始知宰相材不貴錢穀籌讀書悟舉燭要且及  
遐幽巍巍平津閣羅列巨道周奄忽禮賢地滿眼  
堆牛溲繼起彼何人我嗤屈釐劉

溫客昔適周詭云是主人徵巷迷其方闕吏始生  
瞋客乃對主言誰非周室臣如何太區區隔閼遐  
荒民河洛固帝里淮海亦王津本來宅四域何者  
爲主賓巨哉此客語至理超等倫

天道有反覆惠逆還自人聃叟戒禍始斯言實至

論投機以中虎激羽還喪身揚帆截狂流往往隨  
波淪哀哉平通侯終作西市塵當其許霍時意氣  
良已振

探梅

霜前雪後漫疑思問訊還應趁月輝短竹籬門春  
淺淺白楊村巷路微微一枝自好橫斜在幾箇人  
成晚晚歸我欲逕來花下臥野烟容借作重幃

三月朔復雨

得晴纔半日又復雨蕭蕭倚樹濕妨案過船平礙  
橋山藏無遠近閣暗自昏朝義馭知何處雲深未

瓠息齋前集卷之十一

半

可招

春霖嘆

十日始一晴一晴還又雨邇來兩月中落日那可  
數不知鴻濛天容得幾漏處霏霏連遠空霖霖下  
平淑有時吹作花間亦琢成黍寒霰雜愁霖斷送  
此春序崖梅雖清嚴擁闕無由吐曼陀乍破苞經  
濕半已腐何況桃李枝危脆難自主鳴鳩日夕忙  
有婦驅上樹重雲撥不開或謂爾所詛我欲并翁  
逐庶幾天日睹泥滑不得前中心痒如癢

春晴

正是傷春刻意時却欣簾額破晨曦  
妥枝小蜨侵花顫戀別孤烟立案欹  
寶馬碾塵香尚濕綠楊吐絮重還吹  
愁來莫說全無事趁此晴暉到好嬉

題洛神賦後

破賊今年正爲奴武皇如恨失名姝  
豈知賚枕歸藩後別有神光踐郁塗

小圃十咏

櫻櫚

櫻櫚何團圞沿階弄稠翠冷如鬼手  
馨強來捉人臂

蘇息齋前集卷之十一

三

來禽

爲愛鳥聲繁植此郎官果暖響破朝  
醒墮風無不可

山丹

太陽留與色瓦斛闔將閉公爵無誰  
錫空看沃赭顏

茉莉

白奈葳蕤好由來是佛花肯將清淨  
色閒闔玉釵斜

西番蓮  
卽子午蓮也不水而花中競自轉

萬里戎王子繁花畧與同祇緣心不定  
鎮日舞春風

凌霄

麴蕊和雲重蒼藤壓架斜比將夫子  
雀只合喚家花

荷包牡丹

不信文無草曾傳富貴名荷囊爭佩  
得肯聽子規聲

川杜鵑

怨鳥知誰化千年恨未伸還將一片  
血散作幾家春

蘇息齋前集卷之十一

申

佛桑

棲日曾名若乘鸞亦號桑自從聞說  
法一一散諸方

四面觀音  
山茶

華廬曾共樹彌勒此同龕現却莊嚴  
像還來面面參

暮春

一年春欲盡三月景初輝嶺氣清藏  
帶溪風憺散翻桃明殷蝶粉柳嫩纈鶯  
衣莫恨逢時晚韶光正

未歸是年間四月春較展下十餘日

春盡夜賦得月暈

廿四番花信欲殘棟風吹急月漫漫素娥合是先愁絕故遣重帷護廣寒

題章九紫侯容膝軒

陸氏東頭解新添屋數椽偶然開勝地便已結清緣疊石收山靄栽花隔市烟仍聞飯牛曲或恐是齊賢牆外即鄰家牛欄

研香草堂偶作

荻蘆根盡處有屋面烟霞避樹門開側依灘逕築

孤息齋前集卷之十

五

斜荷風香竈飯芒雨繡堦花便是楊雄宅容停問字車

蘆江野眺

重門日日掩春華閒就溪頭望遠霞七八箇峯破烟出兩三條港入村斜風翻細浪沉眠柳市到黃明上軟蝦蝦過清明始換軟衣前此皆老殼不中膾品小雨催歸人欲散短蓑羞傍踏青車

黃明日遊湖趺山二首吳俗以清明後一日爲黃明

作客經時見杏花籃輿偶逐上山車閒來登眺非行樂逢著鄉人便問家

乍明乍暗歸雲繁欲落未落昃日翻獨立山頭還悵望墓雅遙係李令村予家畧舍爲唐名將李晟屯兵處

弔詩人徐廷士墓

古寺花殘後空山竹長初空山有逕竹初長古寺無人花欲殘先生佳句聽人吟舊句便欲哭幽廬巨雅應難作斯文孰與如邕碑真不愧誰爲鑿崖書章水部爲誌墓惜未上石

重過徐先生墓

三尺封詩骨千秋絕雅音更無人替響空有客投琴草宿孤新穴兒癡鬼不歆年年寒食節故友獨悲臨時水部特往致奠

孤息齋前集卷之十

六

賦得五色社題

青

春甸陽初轉河橋柳色新望山渾未了藉草喜偏勾阮眼醒難換王箱嬾尙親一瓊吾舊物好向竹牀陳

黃

又是梅殘後松花結滿柯鶯身春色老牛背夕陽多沙暗風吹漠流渾雨攪河腰金真不羨牽犬與如何

赤

地勢迤南迴韶光入夏明驚霞千片落羽日一軍  
驚莫漫愁成碧遙應色誤瑛寸心元自結未要賜  
驛盟

白

虛室光生處渾疑雪未消一聲雞谷曙八月露濤  
驕龍論空非馬雲書未著綃遺清良已厚太素莫  
輕雕

黑

清光收落日曉曉數重簾烟暝雲容亂鴉歸樹影  
添避人惟守默顧我台名黯夢入華胥國晉騰亦  
自甜

蘇惠齋前集卷之十

七

金山寺

陡絕金山寺嵯峨壓水青樓臺埋地骨波浪沐雲  
局海日明崖樹江風靜塔鈴焦廬如可接我欲訪  
沉冥

偶感

一曲琴歌已夕陽斧柯淮盡見塵桑仙家歲月偏  
如矢不及人間日倍長

夾山漾晚櫂

溪風不定晚烟蒼一櫂渾疑接渺茫野岸背船行

去水孤松帶月立斜陽山圍極浦川客紫雲暗前  
村鳥路黃如此將無歸亦得明朝依舊趁漁航

蘆江竹枝詞 十首

才罷絲時又紵時當牕終日向嫌遲機聲軋軋連  
牆起不唱錢家陌上詞

不是南塍便北塍阿郎長自荷鋤行爲憐起蚤須  
先睡辜負塍東有月明

菰城南去水爲鄉多半生涯屬夜航兩岸栽成離  
別樹長教夫壻在淮揚

湖跌漾子水潏潏習艇風舫勢接連王餘魚好如

蘇惠齋前集卷之十

八

針細只是穿絲未有緣

魚秧風起不須憂以蕩菱多處處洲自是吳娘經

水慣一船三櫓艇雙頭

廟市年年白打來香船逐隊雁行開儂家小叔誇  
拳勇新著黃衫試一回

九里跌山十里湖上多松栢下菰蒲兒家更愛菱  
花好一片圓冰肖得無

對結高樓占水濱中間只隔水粼粼阿儂若要同  
郎話自撥舸舫不倩人

古栢門邊有落暉龍頭山下採菱歸柳灣忽地逢

郎舸棹入深叢露滿衣

漁莊結得水中居不會拔魚但種魚昨日鯀鯢江  
外至一聲鉦報攏船初

自碧落湖泛舟至錢山漾遂亂湖跌歸荻

岡寓舍時章七秀才十一進士并胡吳兩

生同棹

葉花裝勝翮碧落開遙清妙徒翩然至湖光與俱  
盈及此熏風時快作銷暑行擊汰菱歌發蕩舟山  
翠迎峯午雲欲燥波駛烟逾輕後嶺推不去前岫  
縱復橫九面隨帆轉一鏡當牕平罩浦榆莢小錢

蘇息齋前集卷之五

九

山 蠱岸神羊岬謂牙山羣攢况奔越嶺濤互匐旬飛

櫓不覺遠漸見流霞頽薄暮願息駕異景方更呈  
叢蘆出遠嶠積水圍孤青往歷豈不佳此境寧後  
瞻信美非所留葭渚聊前征無塔淹吾歸賴末徒  
風生湖跌山舊有塔誠齋詩云誰能作此塔庶不淹吾歸今廢

射村女

江南巨水成廣澤穀價如聞斗三百我湖北歲幸  
小康那堪公私復和糴升米仍看二十強幾家并  
作溝中瘠五十老翁形支離懷中有女常啼饑長  
女嫁作射村婦禾黍屹屹連梁茨阿嫗笑言生此

女炊釜那憂無米爲老翁聞之乃失喜手提小姨

走堵里女壻驚聞丈人來磨刀霍霍到羊豕羊豕

屏却草具陳厥夫那由知所以阿翁對案神爲愴

因言汝母無由嘗我幸飽此敢言惡安能著頰遺

糟糠壻也得言殊首肯半子餽橐理則當此女狼

骭那可說陡罵阿夫何乃劣如此荒荒天殺人豈

有餘糧濟別室老魅得餐定無厭又向人前強饒

舌乃翁聽罷淚盈眸躊躇仍返故陌頭生男果然

勝未耜生女緩急難爲求保抱此物真何用不如

擲向東西流到來老嫗迎道左喜說今朝銚舉火

蘇息齋前集卷之五

十

小女見出不見歸得非阿姊留過夏老翁回言彼  
已死薄命行將及爾我老嫗痛哭出門看清江冥  
冥風吹瀾回身却見空梁上老翁高高骨已寒自  
思縱生復底倚奮身重作懸庭狙傳來此事無十  
日震雷轟轟來恍惚道邊一女跪自陳額爛頭焦  
死何疾嗟汝不孝復不仁橫空一擊誠妙術豐隆  
之威無處所惜哉小試用未巨吳田夏麥尚有收  
市價痛騰果誰與西山餓虎方食人霹靂空搜射  
村女

初夏

小閣夜凉初蕭然獨坐餘一燈明復暗四壁響仍  
虛寒覺客衣薄清憐家信疎誰能耿不寐更對月  
躊躇

與習之觀近作戲贈

辛苦耽吟欲喻誰難將孤唱破羣癡世間惟有章  
十一解讀農家五字詩

初秋野望

秋原景物漸蕭騷剩得餘炎似夏梢怪雨欲來蛟  
徙宅孤雲忽落鶴歸巢山淪遠水仍添瘦月隱斜  
潢未補凹屏却傷心無限事閒拈詩句不勝敲

孤忠齋前集卷之十

十

遊演教寺

但聞夜半鐘未到夕陽寺誰昔記曾遊月華紛在  
地松關掩不開梵誦出深闕坐石徒忘歸問禪我  
滋愧目履乃始今遂已歷幽邃佛花當檻紅苔葉  
翻堦翠泉石涵靜心松竹有真意宛宛妙音禽來  
啄庭中遺風鈴鳴亦佳往往清神智頭陀彼何僧  
枯坐疑死榴不飲復不食曷若并身棄煌煌莊嚴  
宮構造知幾易頗看新蓮趺難尋舊雀離日暮難  
久留虛堂冷香穗

至後泛舟至荻岡有作

歲晚羣生息扁舟尙此行雪明孤嶼出雲暗亂山  
平寒易紛鄉思貧難計客程野翁營臘事豚黍已  
縱橫

孤忠齋前集卷之十

十

瓠息齋前集卷之十二

烏程 凌樹屏 保釐

攬餘集 甲子

舊冬好亭久駐天西北隅接於開歲復見東  
南占者咸謂水象至夏成都睦嫠諸州遂有  
發洪之異秋米湧貴凌子感時傷遇作詩至  
二百首臘杪歸家不知誰何攬去後見一妄  
子所構往往取青於此豈宋延清世固不乏

瓠息齋前集卷之三

耶燈邊酒際記憶所得因號攬餘集焉

元旦試筆有作

收盡妖芒瑞氣澄桃符寶勝接時新  
璿衡共喜星辰正鳳朔重開甲子春

四聖百年真復旦

國家定鼎  
來恰百年矣

一家八口尚胡園

與鋤我亦犁田去莫倚儒書作情民

山居

多木少人處千峯蟲翠霄到巔惟一逕有屋據崇  
標崖溜飛添井山根橫作橋歸雲時滯檻浴月早  
升寮松古餘平頂花疎落半椒竹萌應可饌石髓

豈難燒便欲辭塵履偏宜掛隱瓢著書忘歲月生  
計足耕樵嘯共孫登發迹從宗炳邀夫君自遺世  
不是少弓招

讀周忠毅公奏議

忠毅入諫垣雷聲殷琅璫當其攻廓園所見固未  
合如何六君子并日填牢闔乃知彼豚人凶蝕無  
不啻矧公陰象疏惡章固首入決剔虎豹潛披露  
閭牝襲盡言遭殺身世遂工泚滄豈知郭金鄉終  
亦腰刀缺

作閔在王墓誌罷重悼以詩

瓠息齋前集卷之三

千

之子敦宿好於我如鰥鰥鳩竹少共戲鉛槧長俱  
攻西阡與北陌出入無不同何期驚颯起忽墜高  
翔鴻碑版落吾手敢辭介運風作罷再三嘆無質  
誰爲工

聽陸生吹笛

一根楚竹挺龍骨伶倫采山惜不伐鳴鳴含盡湘  
怨聲陸郎得之叫秋月重簾曉曉蘭德沉忤殘桂  
死嬌蟾吟營蠅在棘不敢響進珠直貫梧桐上白  
雀翻飛天帝驚流霞片片吹空冥玉樓新成忽破  
碎劉翁失笑老蒼岱空庭鬼語何煩冤墻東森立

李暮魂

題史氏致身錄

金川門啟內蛇死舉國浪傳走天子龍旂鳳輦不  
歸來盼斷蒼梧烟樹裏當時從公亦渺茫葛翁鍋  
匠竟誰是無端鑿空傳此編一一行間填姓氏遊  
滇歷廣太張皇涉海踰淮固未已熊卿鄭監方縱  
橫蹤跡那堪遽爾爾縱然脫險有程生曷不空山  
老禪喜黔公首鼠良復奇從吳豈信更藏芋築宮  
客帝欲奚爲老燕高飛敢平視熱鬼夜飢啼殿門  
主橐枉煩松陵史侍書立朝知幾時方黃諸賢孰

與比間尋我祖薤露篇始識頭銜真處士

先京兆  
有晚史彬詩絕不言官俗語不實流丹青又說老

嚴殤昆水我鄉嚴尚書震直無遇惠宗雲

春雨不止且寒甚

殘冬疑未去寒事尙懷槍兩月雨如此一春花已  
荒瓦苔疑未綠岸柳濕難黃上已明朝至空傳泛  
羽觴

贈山中定僧

千條翠影此中停入定多年不啐經趺破松根忘  
石冷看殘雲脚剩山青澄觀自在烟行水伎念都

消鳥坐檻問著禪機還懶答如師真箇欲忘形

恭和 家公大人北莊八咏應 命

桑柘連檐

葉葉相當處閒閒怡稱身未妨依作棟或恐蔭侵  
鄰配芋翁爲號攀枝客與論那須求寸椹阿那自  
堪親

陂池匝戶

面戶池塘好閒情共憺深細尋春草夢自得野鷗  
心雨久水花疎逾瘦風荷密更沉有時散雲影并  
作一庭陰

平畦菜秀

一片光明地稠香散晚暉平鋪金世界低拂麴塵  
衣雨細黃初合烟深翠更微灌園真不惡對此欲  
忘機

夾岸柳疎

密密復疎疎綠堤更拂渠暗藏分繫艇深覆對門  
居狂趁蓮南北眠隨水疾徐待尋明月岸真欲眇  
愁予

曲港迷舟

未是流觴處聊煩隔俗塵方壺元有島曲尺自迷



津地或通仙境村應氏老人泛交知未識來往只姻親

涼灣隱釣

三十六磯頭何如此地幽有溪迴似嶼入夏冷于秋垂餌魚難覺高歌世莫求滋泉且提逕肯羨直爲釣

牆東夜月

小屋低於樹金波上復佳一方垣已透半壁影初斜未擬看朝爽還須攬夕華東西同一望况此足清嘉

夢思齋前集卷之五

溪北晚楓

十月肅重霜丹楓壯水陽濃餘藏古寺缺處見漁莊點綴霞千族分明驚一行歲寒吾更愛松骨最青蒼

溪北慧明寺有老松

爲張固亭題照一第子合繪

風神濯濯橫秋水張緒當年君復爾一生甘作菰蘆人髯之狀倫有如此春風二月楊柳舒阿誰爲繪深青居此子穩宜著坵壑次公那合同蕉漁桃花冥冥不歸去對立波頭通笑語態閒意遠知者誰欲往問之恐已絮老鳩在桑子在梅隔溪遙見

雙瓊瑰小叔攜行無不可竹馬豈患生塵埃翁公自據臨流石手把一編消舊癖俯仰真知樂有三優悠豈羨城擁百我覽是圖神爲馳却憶與君最小時十五未足十三強讀書學劍徒爾爲兩情驕騃方共揭出門往往類鸛鵲范蠡臺邊同釣雲憂王橋畔聯踏月令弟差屏尚莫陪諸郎此時安在哉轉眼於今二十載人事歛忽如奔雷我領有鬚漸鬢鬆髯乎居然引雛鳳僧達跳虎技已荒冶春翻將猶子控盡工畫此意獨殊要把一家和樂撫何時我亦御車至更繪荀陳會合圖

夢思齋前集卷之五

臨安

玉殿瑤津兩渺茫怒清飛撼鐵幢塘湖山畢竟還錢俶社稷終看屬濟王朔燕至今飛尙白南冠何日返能黃六陵是處堪惆悵一樹冬青白夕陽

金陵

當時自喜築城高兩度兵圍竟久牢可嘆纖兒能撞碎不堪下殿竟通逃春深燕子翻歌席雨斷梅花逐恨濤欲弔舊陵何處是在來虛塚耐村醪

閩中

長江從古是通津海上仍看閩位新遺識祇應傳

一福行朝真欲比三閩止戈未及先亡國仗鉞空  
煩有死臣至竟仙霞元不險羨他甌越歷周秦

廣南

龍岡已斷無王氣牛角仍迴作帝州八桂揮戈煩  
上相五溪駐輦愧蠻侯天竊盜賊皆回面李定國實殉明  
地絕君臣不到頭入緬甸後諸臣畔去者多矣千古昆明池  
畔水定知鳴咽向南流

夜泊荻塘

晚唱漁舟散遠汀客程猶逐塞鴻征一燈明處帆  
隨落萬籟寂時潮乍生

鄂忠齋前集卷之五

七

臧母孫孺人節壽詞

秋菊芳盈樽華堂紛設悅彩舞引梧枝繞膝競蘭  
桂捧觴承顏歡哀容暗紫淚云昔入汝門汝父方  
英銳本圖寒松期豈意朝露委腹汝纔三月立節  
世所忌茹檠兼含哺辛苦罔不脩爾來三十年汝  
鬚漸如薺豕孫倚案長小者亦逾晬眼睹團圞景  
老心差堪慰奈此先君思終古眠幽邃汎和誓儀  
髦歌鵠敢稱鱣言已神爲愴滿堂生嘆喟貞履良  
獨難素門令天瑞作此節壽詞聊以券永類

虎爭食行

日慘慘林冥冥小虎攫食無時停傍睨忽動巨虎  
怒俛鬼倉皇百獸舞須臾小虎再拜言此事豈必  
公所阻西家鬻耳猪東家多髯羊腥穢不足充公  
腸側聞人肉甚甘美願爲狙取供朝糗巨虎聞之  
心暗喜小虎明朝搏人始

葛衫

赤烏噴火蕤天熱重纈錦袍著不得花林女葛水  
紈輕金剪裁成冷浸骨粼粼一片含風漪雙龍巧  
盤紅玉肌回頭欲唾復恐浣却少紺花橫蒲枝

苾蒞

鄂忠齋前集卷之五

八

江南蔥草細於髮織作方鞋稱羅襪黃家朱鳥非  
時藏苔徑曳來風拂拂椒眼玲瓏取次成素紗觀  
得松花明香塵滿地疑不起坐間有人聞無聲

柳葉扇

老柳化酒半遭斧枯葉紛披倒溜雨阿誰說取金  
波形製此團圞驅酷暑象牙生花鳳簪鏡背鏤消  
得沉香柄贈將玉手搖春風還逐羅幃同掩映

芙蓉帕

芙蓉驕春嬾放蕊長得采筋滿湊理剝皮作線巧  
製成可憐不及秋江死膚汗飛珠浸霧縠凌風一

拭香馥馥那用鮫綃入坐涼長筵張此良已足

同習之懷晴巖叟東

一雙妙侶吾兼愛底事夫君獨遠離復社沽盟還  
有主三張文采欲遺誰雲生海上鼉吹浪日曉茗  
南荻滿碕兩地飄零俱可念江城况復隔天涯

遊慧明寺贈印公

一村何蜿蜒孤寺聳其尾碑碣莽難尋經營忘所  
始應自白馬來此地便已峙陵谷幾變遷劫火不  
汝豸頓令莊嚴宮化作瓦礫址蚍蜉巢佛顛雀餒  
滿地委苦無布金人兼少飛杖士荆榛家道場巨

臥息齋前集卷之三

九

刹徒已矣豈意旦晚間豁然丹霞起神構出岳觀  
法象呈妙指聞磬聿來遊耀眼竟如此品臺儼化  
蓮苾山紛聖藥影覆欣未湮燈傳知重啟因悟掩  
關翁寸心涵至理苟非七聖財厥功何由累

螢

空院一螢青徘徊著露停將飛愁更落在暗忽生  
熒性豈耽笙典光還助曜靈忍遊隋帝苑點點悞  
繁星

燈杖

一寸筵偏小殘輝却賴撐短檠吾托命藜火汝前

生不怕油乾盡惟期燄倍明底須糊四壁鑿處要  
同清

絕句

素月冷欲流燈花淡自結一螢承微風當牕獨明  
滅

砌蛩歛餘響隔巷吠村獨應聞落葉聲悞汝叫殘  
月

羣鷄懶不鳴一鷄忽孤唱起視兩界星碧天空漾  
漾

未聽枕上鐘忽聞牆外響寂寂草行衣荷鋤人來

臥息齋前集卷之三

十

往

野興

一溪縈百折盡處是桃源宿鳥喧爭樹歸船隱繫  
門村醪分茨實野飯薦菱根顧我非允隱聊堪減  
俗煩

同章七秀才奕墳樓望

此樓宜拄頰爽氣况秋添木落殷康浦雲開伍員  
崦盤雕依塔倦遊艇入蘆潛何日還同爾重探小  
隱巖

塞下曲四首

自古從軍最苦辛年來箇箇是閒人胡笳羌笛無消息哈密城邊鼓吹新

屬國降夷近塞屯每逢吉月拜軍門昨宵獵得陰山鹿首領親來獻壽樽

老卒曾經幾用兵箭瘢養就一身輕夜鉦打罷渾無事醉卧沙場看月明

飛將如閑靜塞塵昇平譜入舜絃新熏風一夜還吹遍絕漠荒涼也似春

昔有

昔有賢良吏起家實試合近慕陽城考遠比仇覽

孤息齋前集卷之三

士

政愛民不忍刑矧肯催科橫其民亦與忘竟不貢惟正從事捧牒來坐邸責報竟令因自繫獄爲吏實不稱民貧那可追敢以身聽命耕甿聞之驚釋耒趨縣庭是日所輸租更與一州競豈其畏法嚴實恐失君聖乃知得民財不在敲朴勝今民亦猶古豈不樂清淨如何桑羊流日夜傾笞榜

冬曉書所聞

燒殘梢柵夜嶮嶒坐擁寒衾睡未成萬竹忽來颺外夏野航侵曉已敲冰

寒極戲作

縮手不得出豈容近墨池舉口但呬哦堅冰緣繞之詩思填滿腹逼塞何由施仰視空濛天寒氣方總滋同雲蔽四野濃霰忽復隨壓倒此茅屋匡坐遂無期呼童急整頓庶及三春時我口既得開我手仍堪持咏成以橫掃聊泄胸中奇

哭陳翁

愁絕嚴霜落晚楓寢門會哭幾人同飾巾好比太邱長拍手應隨鴉結翁厚志更誰堪誅德孤魂何處尙吟風遙知半夜留眞冷泣盡塔前蘭玉叢翻屏風事言非陳威父子比也

孤息齋前集卷之三

士

瓠息齋前集卷之十三

鳥程 凌樹屏 保釐

北莊集乙丑

是歲家居無事因雜取齊梁詩擬之至秋有  
妹之喪重以母病遂輟業焉

春望效宗懔

芳春景何極望望臨高臺汎桃魚欲上樹杏燕初  
回處處綸雲滿離離組草開應念當牕女遙憐臣

瓠息齋前集卷之十三

馬來

折楊柳效梁元帝

楊柳傷心樹當春已發芽鶯藏憐葉小燕度趁枝  
斜高樓自得月蕩子慣忘家攀折那將贈遙關  
塞除

自君之出矣二首

自君之出矣缺月幾回圓思君如帷帳夜夜向君  
懸

自君之出矣篋琴無復聲思君如妒草逐日連錢  
生

長安道

名城回北斗大道直長楸芙蓉金作闕楊柳玉爲  
溝俠少探丸急兒童拾彈稠此日樓君卿還應過  
五侯

洛陽道

叢雲絳闕迴流水緯塗開冥冥終夜起噉噉逐晨  
來橐筆參梁乘攜琴入董臺豈知攫金處尙有論  
衡才

芳樹

茲樹林中秀芳芬蔭滿庭清輝涵月白勁節犯霜

瓠息齋前集卷之十三

青類若鳥常絰非桐鳳亦停叢交因作屋英簇勝  
爲屏勿拜懷嘉德無言緬舊型

隴頭水

澌澌隴頭水經秋亂漫流平添征戍淚深咽古今  
愁東下連京國西來接涼州行人不歸去驅馬更  
悠悠

驄馬來

買得千金馬無將駕鼓車銜羈嘶月疾過竈牒風  
徐非徒工細步終看騁高衢君如取鳴仗願爲發  
清譽

銅雀臺

武帝風雲氣銷沉良可哀分香空有意改玉豈無才  
漢臣方再嫁魏伎亦重媒更無殉死者寂寞望陵臺

巫山高

雲雨連巫峽宵縈旦不飛猿繩頽日險鳥路破烟  
微洛女椒塗似湘君貝闕非空傳峯十二婉戀竟何歸

關山月

皎月應同漢重關已入胡遙憐砧杵苦誰省戍亭

孤思齋前集卷之三

三

孤衣鐵光生瀨吹蘆冷浸葦將軍方夜譙不敢請  
兵符

梅花落

邊草幾時盡庭梅落已多枝高無復賞蓋冷欲如  
何太素元非色餘香尙滿柯應知征戍客忍聽笛  
中歌

折楊柳

何地無楊柳何人無別離別離有久暫楊柳異榮  
萎憶昔青青日今成搖落時何須更攀折直是誤  
相思

王昭君二首

薄命爲君妾恩深未得前近日埋秋草衝沙靜塞  
烟琵琶聲最急黃鵠勢難騫寂寞烏孫王還應同  
病憐

呼韓方歛塞邊微足銷烽多事教遣妾倉皇出漢  
宮舞衫縈落日蟬鬢颯悲風君自相捐棄何勞殺  
畫工

紫騮馬

物馬三千匹無如紫騮良羽林十萬輩無如少年  
強雙趺著鞍底短箭腰身傍猛虎不足射安用問

孤思齋前集卷之三

四

孤驄

驄馬驅

殺氣漫陰山胡騎復橫軼壯士驄馬驅爲君試一  
決飢餐單于羝渴飲左賢血豈必洛陽花終勝葱  
嶺雪

劉生

劉生本龍種任俠五陵道夜博常得梟朝獵惟射  
蠃奇名冠漢京逸氣凌秋昊相交丙少卿公然王  
咸鄙

上之回

豫章修禊罷長楊校獵歸星施風旆旆雲罕日暉  
暉行芳縈警騎眠柳拂垂衣魑結陪軒乘連鞿列  
飲飛皇威懾無外惟覺射聲稀

有所思

落月關層雲相思此何極別淚宛縈衣君行不可  
卽淒淒故琴鳴黯黯殘燈熄願咒三春花併發千  
里色

子夜四時歌八首

築室依梅根前裙臨渚水何期入月痕却落歡眼  
裏

蘇東坡前集卷之三

五

桃李斷腸花同開不同落不及浮萍根到處還相

著

誰家好兒女生小不勝情芙蓉纔作葉蓮子已復

生

牕月何璣瓏承卧解要懣儂今方自弛歡子忍相

逼

涼曉不成眠羅幃浸已薄梧子連梧心秋風忍搖

落

梧生本高岡誤植大道口破心合作琴生死隨歡

手

朔風吹南山終古自劣窮莫學黃河水到春還解  
釋

霰子不作好坐使歡斷絕兩心果纏綿儂自來掃  
雪

東飛伯勞歌

東飛黃鸝西飛鵲巫女湘娥遙相對誰家少婦好  
樓居媒雨嬌雲態有餘下堦戲折鴛鴦花連髮髻  
影釵鳳斜少嬾韶光苦未足忍使鳴箏怨幽獨如  
思若凝徘徊中還將唐突罵春風

江南弄七曲

蘇東坡前集卷之三

六

江南弄

風花滿樹江南路媚蝶甜蜂恣暗度娑拖小女嬌  
春暮嬌春暮舞春陽臨欲前凝且翔

龍笛曲

沅雲撲地月照樓美人愁坐怯聊頭手擷龍管銷  
煩憂銷煩憂來無端聲伊抑涕洟瀾

採蓮曲

澈冽小舟入荷深扶菰扣櫂揚清音芙蓉生腹蓮  
生心蓮生心無極已花並頭枝連理

鳳笙曲

銀屏朱火炙冷簧龍鬚流滑施鈿牀妍脣嬌吹弄  
清商弄清商淒以哀懽聞變傷懷懷

採菱曲

秋烟帖帖銀波淨紅舳亂入真珠迸薛萼團團勝  
作鏡勝作鏡照容儀持贈君君不知

游女曲

天葩冶葉長千曲油壁闌闌輾春綠流光宴瑱飽  
郎目飽郎目悞郎心徘徊望知淺深

朝雲曲

氤氲雲氣迷離雨巫女瑤宮怨嬌處妖魂婷婷來

孤恩齋前集卷之三

七

容與來容與是耶非山疎時水清輝

白紵舞歌

吳興白紵爛銀光裁縫作袍袖特長美人服之輕  
且涼軒軒徐舉隨風颺陛下萬歲方樂康曷不起  
舞娛中腸雕屏初啟羅裾纓璫瑜罕地紅雲平連  
翩垂手玉交橫欲前不前千妖生疑常復變何嬌  
猗流芬滿堂花盈盈雜以妙竹兼清歌樊然赴節  
相按摩鳥繡小拍分章詭舞以宣氣聲召和快耳  
悅目理復多惟日不足歡如何

前溪歌四首

儂任前溪尾郎任前溪頭溪水有順逆艇子難爲  
浮何當合併流

自棹雙頭艇同郎使榮歸不見前溪上鴛鴦梳雨  
衣雙雙帖水飛

生爲合歡草到死不擬分華芳難久駐郎心有故  
新新亦好爲春

幾度喚郎前苦言溪水滿日暮但能來還把郎眠  
艇前溪水深淺

長門怨

落葉不可聽想君同此心如何久決絕閉妾長門

孤恩齋前集卷之三

八

深孤帳秋風滿幽宮日夕陰此時承寵者應更屋  
爲金

荊軻歌

荊軻不得志意氣何摧殘劍拔秦庭上君臣相顧  
難迸柱精光散搥胸霸膽寒所嗟功未立何以謝  
燕丹

行路難四首

莫恃顏色好顏色易成暮莫恃君恩深君恩易成  
故色衰愛移會有期金屋長門無幾時君不見駿  
馬折股車折軸尋常平地有翻覆何況孟門之巔



太行麓

有手但荷鋤有口但飲酒荷鋤無賢愚飲酒忘是  
否人心變幻夫何窮飢飢飽恩如追風老子畏避  
走胡中劉翁強解事下視人間世薄天帖帖彼爲  
誰玉龍十二鞭不逝吁嗟乎天帝之尊猶爾爲群  
生悶悶何所之

人生不滿七尺軀其志乃欲奠地維立天樞智窮  
力竭安所就里巷小兒往往起而笑其愚天不可  
作曲蓋倚地不可作磨盤舞夸父追日終野死何  
況一夫蹇蹇欲與造物相撐拄北叟移山期子孫

孤忠齋前集卷之三

九

上帝聞之畏其言吾徒作事須如此要使精誠貫  
九閭行路難行路難君不見龍逢比干身已死當  
時誰說有忠肝

東家有賢女修行揚清聲西家有賢女落落無時  
名匿彩潛光世不見西家反向東家羨鉛華刻意  
爲摧藏不特人忘家亦忘始知真品入時難國香  
誰識林中蘭野花叢叢舒艷蕊露冷烟深採未已  
此時賢女方深居肯學東家殉虛譽春華秋實各  
有時慎莫但取天穠枝

釣竿篇

翡翠琅筠管珊瑚裁釣車未過西岐日還持東海  
涯彩橈亂深苕珠服入重霞波痕隨曲折魚路自  
交叉餌竿堯厨翳絲分園客花巨倍連鰲得纖鈎  
觸藻賒蓮西忽相見柳北共歸家莫戀支機贈明  
朝又汎槎

子夜變歌二首

烏啼月又落懊惱別歡時爲嫌不成匹只是費儂  
絲

酒清花又覆郎來底不來幃帳終朝合風吹遂小  
開

孤忠齋前集卷之三

十

歡聞歌二首

玉琢鴛鴦盒相銜不暫離如儂與歡子分無決絕  
時

烏東兔西走精光常相通但能如日月何惜各西  
東

歡聞變歌二首

白門好酤酒梅根好繫馬秋風吹梧桐消息無一  
可

門外馬蹄聲權今向何處碧紗籠芙蓉蒼茫隔烟  
霧

采蓮曲二首

連連十里塘花深溪復多  
郎裝貫月艤妾乘飛雲舸

蓮南時相逢蓮北還  
相迂折花繫郎衣香風或暗度

秋夜

庭樹明寒兔燈花撲晚蛾  
砌緯承露織檐網禁風梭  
不盡憑欄望悠然引興多  
萍雲洗天末罷藻淨池波  
和杵聲偏苦彈箏曲易訛  
離人感茲夕悽愴欲如何

蘇息齋前集卷之三

七

蘇息齋前集卷之十四

烏程 凌樹屏

白洋集一 丙寅

白洋吳江東南鄙小水也  
然接波巨鎮畫舸紅樓華  
輝無際兼亦備絲竹之趣焉  
余遊寓於斯因取以名集

白洋春望

濛濛春樹萬家烟歷歷晴  
光照滿川雙鏡遠涵羅

蘇息齋前集卷之十四

帶水六龍調高翼吊欄船爛殘燈事過寒食冗長

梅花接舊年二語組土風時令已是十分添旅思况堪迴

閣度危絃

我仁上人既重興竹墩寺將以其生日落成來乞詩

遠公人天師法門森龍象  
緬昔舊招提推顏餘故榜  
慧日間無光智燈耿難朗  
叢雀弄晴輝時時戲佛額  
坐使春浮林中枯成散椽  
於焉施妙力半空忽飛杖  
洪塗來羣趨聳鸞輦衆仰  
湧金或山輸願欲非勉勞  
淨殿起崔巍初地絕塵埃  
煌煌雀離宮

鐘磬雜梵響既闕東林居復掉南宗鞅偈吟朝書  
千禪趺宵跪兩虛室會圓湛靈山通盼蟹行知履  
邁年無復非可想心旛良已空身臘應無映恒河  
水長清澄觀同泥漾

送閔子遊京師就其比部令弟

今年春事晚二月寒尙沍雪花壓馬首遊子從此  
去愜懷命僕夫蒼茫指前路詎無倚樓人掉首不  
一顧故知烈士懷坵壑非所慕尺鷃決榆枋鴻鵠  
排烟霧結想良已殊安能同趨步湛湛江水深片  
席竟飛渡我我太山艱擲足遂高踞長安諸貴人  
一一遶塵屨何况第五君永懷正將助及此好舊  
身毋爲老蟬靈慚余真小草尙戀洞庭鮒

夷門歌

邯鄲城南殺氣昏長平夜走馬服魂武安氣已吞  
六國救趙不獨爲平原魏王曹騰喚不起醉倒如  
姬懷抱裏監門老卒設奇謀手握兵符付公子公  
子瀕行淚滿濁朱亥屠人如屠狗嘆惜上將一旦  
傾眼見秦兵向西走矐矐日出趙宮開趙勝先驅  
負藁來毛公薛公更送進此時侯生安在哉

北麻漾走槍風

室處寧非好舟居敢誤程還將似萍跡快作破空  
行遠樹隨船定孤雲背日明何時田負郭倚杖聽  
松聲

雨牕喜陸丈賓右以醫至

歐餘山人方看雨雲間高士來欵扉十全爲上君  
進道五技皆窮吾阻飢正此銜蘆謀雁食忽逢賣  
藥到螢幃病貧我亦知難療且請更深話息機

爲閔屯田丈題梅亭讀易

槎枒老樹何嶙峋千花萬花開先春屯田婆娑坐  
其下索笑不用傍簷巡玉琢圓樊水掛壁踞石危

讀蘇詩前集卷之五

三

冠稱去聲清域手把一弓太古書想見天機貫胸臆  
心絲屈曲穿高深搜求點畫傳空音欣然有得便  
忘食鼻觀胡爲香湛湛公本起家演孔思謂春秋假  
年更鑿焦林義仔細枝頭探暖寒東北西南果何  
利一點香傳造化歸直教拈得總芳菲灞橋踏雪  
空爲爾城都賣醫真忘機但使悟到圓微室會盡  
奇音鷄花并偶實不見青陽二月時碧綠滿山都春  
色

讀計甫草先生改亭集

籌南辛苦竟誰論鍛羽高雲豈不寬老向諸侯作

賓客死無及第慰孤魂金明書就傷心甚先生舊有金明寺上陶朱公書布被歌成雪涕繁今日一編燈下今此集刪去勘更憐負米遍中原

新柳

百花猶未放此獨與春俱邊水青初滴裏烟淡欲無弱難經手折歎合倩風扶莫怨車輪斷傷心是路衢

野步

婉婉陂塘慢慢巡意行不覺到溪潄落陰滿地欲無路亂水一村知有人閒倚柳根看鷺浴戲拋石

蘇思齋前集卷之五

四

子散驚屯野航過盡歸來晚却趁平沙月色新

書齋卽事同計少府鈺

小閣浮香處交牕面面靈雨絲沈笛韻風格度蘭馨注老花從落論文酒易醒計籌應可借我欲叩圖扁

絕句二首戲友人

人登竹垞壇家樹阮亭幟文殊自文殊渠詎關子事西厓無深情他山亦猶壯何意今詩人每下乃愈况

友人蓋誦法四公者余此詩先不題款以示友人友人覺額曰是殆爲我作也嗟乎今天下之半籠於四公而不敢自異者豈獨一我人哉荒江小生乃欲拔戟成隊與爲撐拄可謂徒勞罔益矣且亦何異蚍蜉之撼樹也丁儀厲志賦有云覽前志而博觀求余心之所安雖疲篤而才弱敢舍力而不攀區區此心庶幾無罪者乎戊辰五月三日復閱舊稿因書

蘇思齋前集卷之五

五

柳如是盛澤之歸家園人也今求其故居不可復得偶讀順德同年羅天尺弔柳詩有地下黃門悔亦遲之句蓋指陳人中斥辱事余謂柳特妓女之放誕者耳卽其殉身夫已氏亦祗同類相死不足語於綠珠之死石關盼之死張岐甚何緣悔人中乎况其自縊海虞人頗有異論孫進士夢達述之頗詳今亦不暇悉記因作此以反之云

粉蹟叙痕若箇邊漫從芳草憶嬋娟當時若逐黃門死也合珠鄉有井傳

關盼曾聞死建封藤蕪近亦殉錢翁豈知出塞蒼

涼日共著胡貂別漢宮

如是嘗與其夫各收喪王昭君毛延壽出南都城

計少府見示懷西湖詩却答

身與西湖有夙盟被君吟出轉關情小車露網騎  
偏面憶逐春風得得行

初夏湯世珪王楠兩太學招飲湖舫且觀

燈社卽席作

一簇珠雲護月棱溪光稱漾小平乘偏憐好事岑  
參似却媿同舟郭泰能魚躍練波迎水笛風迴錦  
障蹙街燈醉歸不用人扶送匝路紅沙勝軟繒

閨上已和鈕布衣學乾韵三首

蘇惠齋前集卷之四

本

乞得東皇分外春漱流應許味餘津還將秦襖連  
周舊更聽華言續願新滾絮慣隨園柳髻墜鈿仍  
遇賭釵人刺桐花老知多日爲看清陰覆四鄰  
苦愛添春却減春續車空過落花津汎桃已看隨  
楊縮襖艾難教逐藕新寒食聞鷄眞偶爾義和紆  
轡故愁人年年此是吹薰候辜負櫻盤餉比鄰  
爛熳東風冗長春陌頭重見柳生津一年一度奈  
何許三月三日重此新畢竟船中得高士何來水  
邊多麗人酒甌花舫無消息一笑山陰堪結隣

汪鼎秀才見和畫舫卽席詩仍用韵却答

兼貽慶元老秀才

劍濫空傳舊有稜動微終愧筭頭乘蟻封折讓名  
駒獨嶢谷聲輪老鳳能晏卜不嫌身近市匡來好  
許隙分燈劇憐新句清如拭銷得詩屏壁色繒

湯太學四十感懷詩和前韻見示輒捧摅

四十事以報之

卅載覃精出句棱木鑽透盡悟金乘鶚飛不羨專  
城貴蚪骨還看學劍能未老閒扶游獄杖方秋清  
擁讀書燈與君合是肩隨長好比忘年一會繒

爲新安吳生題扁舟獨往吳時寓震澤

蘇惠齋前集卷之五

七

炎夏方苦熱解衣臥前除忽逢延陵季示我扁舟  
圖科頭坐船板白恰迎風舒懸巖分積水澄波檐  
滌紆葦花紛漠漠蘋香來徐徐翩舟任獨往應號  
楓江漁洵美清涼國稱此山澤臞何當驅煩酷從  
君老菰蘆

宋景嵩太學招飲湖舫因謁其家貞節雙

祠

忝招暑飲泛中流爲挹清風小泊舟齊女名高吳  
地記伯姬書入魯春秋鳳方雛日先無匹鵲到孤  
時定少儔宵窓滿庭應可薦禮衣終擬手重握

桂花是日衣履  
頗未整故云

計少府第三子滿月詞

赤水珠方滿丹霄月又圓  
廻環周莫莢次第應桃  
年歌協將雛曲觴飛說餅  
筵英聲知己載爲抱出  
簾前

感古四首

陶公昔少賤爲蛇海之陽  
奇修無復採壯志徒慨  
慷一朝感過客傾蓋賦同  
裳聲譽從此起遂參謝  
與王至今八州督勦名何  
章皇所嗟范孝廉身業  
忽摧藏存人實自存誰不  
頌清芳我思截髮事賓

八 蘇思齋前集卷之十四

王俱難忘

晋室中板蕩衣冠推趙醒  
溫生抱奇志雅意在朝  
廷高揖劉并州飄然遂南  
征我知王陵母臨送有  
餘情勉子爲忠義豈必戀  
所生監儒不解事妄謂  
絕裾行君看扣冰子何如一王經

劉生慷慨士所志在皇州  
道值天地否壯圖無一  
酬登臺發悲嘯戎氛何紛  
糾耶無遠畧功名誰  
與謀義勇一朝散并薊遂  
見踪失勢魚羊間肘腋  
生戈矛盧諶徒感激豈能  
佐前籌身死精不滅勁  
氣光嶽浮可憐王彭祖終  
亦成古丘

聞鷄夜起舞祖生何乃豪  
擊楫渡中流悲風激蕭  
蕭壯士志夷難一去不可  
招草萊裁就剪義聲馳  
洪飆羯勒畏其氣往往避  
前茅壯懷雖未就立節  
良已高如何戴司州奄來  
墮成勞哀哉臨江誓先  
鞭竟難料

徐繼樺太學見贈不律圖書占謝

十矢霜豪一鼓珪絕憐持  
贈到非才知君長物元  
無幾愧我分餘却未該江  
筆禿來聊藉補義文與  
處定難猜殷勤爲報南州  
子擬署魚箋錄近裁  
時兼  
勝故云

九 蘇思齋前集卷之十四

聞溪屠孝子詩

火鬱攸風颺颺父棺不救  
雖生何益兒在此父勿  
驚火烈具舉不如精誠掬  
淚成雨噫化風破除箕  
舌驅炎融孝子之孝堪回  
幹銀河倒卷瀉秋空神  
呵物護乃有此固知事非  
偶然耳汝南君仲陳留  
昆異轍還看有同軌區區  
勞力何足奇至性直與  
天相隨臯心鏡骨頑不動  
忍讀聞溪屠氏詩

秋夜和王二太學聞笛

斷腸月底斷腸音旅思秋  
懷兩不禁霜侵寒聲驚  
落葉風吹別調誤傳砧蒼  
茫折竹圖中路屈曲通

犀夢裏心此夜愁悵應併發莫嫌霜鬢已蕭森

太學復以詩來重答之

傳得東鄰空外音危欄倚遍那爭禁有人翠袖方  
凝露何處蘭閨向響礎斷續秋風來塞口蒼涼明  
月到天心遙憐此調真難和枉向閑亭繞竹森

白馬廢寺

杖藜尋勝蹟蕭寺直湖湄波路通江遠松塗關逕  
敬默經疑漢舊臥碣有唐餘樹古圓心圻檐虛閣  
角危靈風飄梵帳仄日過閒堦蟲墮全疎網鴉巢  
半折旗僧半誰得體帝馬自忘羈尚賴瑜伽法鐘

慈惠齋前集卷之十四

十

聲十二時

時打十二時鐘蓋俗僧度比所為

漢壽亭侯祠

想侯身在日應未有家爲今世爭禪祀茲鄉特偉  
奇重暉迴日照炁象肅宮儀帝座神霄迴靈居別  
殿宜芙蓉開藥苑桂樹護平輝花氣氤氳合嵐屏  
曲折規散珠交電網圓玉淨成池鳥誤籠髮影魚  
喁穀疊漪禮寧從漢厚恨莫尚吳遺所弔成都廟  
蕭蕭古柏衰

宸洲道院

狂狂龍蛇動沉沉閭闔開夜深陰火起疑是步壇

回

目瀾洲卷

四面波光合淵然作水觀道人方入定何處著層  
瀾

古龍巷

紫竹林邊白版門僧房幽絕鎖雲根人來結夏月  
初上無限涼颼吹蒲旛

香波橋

香波橋下香波水一片香波浸遠空客子晚來正  
愁絕碧烟無際雨濛濛

慈惠齋前集卷之十四

主

栢家橋以栢孝子名俗土改爲百嘉

短笏橫斜鎖市腰嘉名誰錫憶前朝莠蒿滿地無  
人識十里塵昏孝子橋

晴市

流黃織罷曉烟消閒逐春風過市橋十里霞頭標記處爲霞頭見宋人小說還歷亂隔花閒盡賣錫簫

織娘歎

東隣有好女惻惻機中歎小來工織素不解作綺  
紈時世異所尚變草須吏問純白遭棄置其敢苟  
自安辛勤易故業庶以博衆歡手生綜緯拙不

如習者嫻鳴梭多古意踴躍無近觀方空雜鴿滿  
四角蛟龍蟠妾心良自竭君意豈徒然十日成一  
匹見者笑疎頑還持舊花樣孤悲涕汎瀾

機戶歎

少小入機房老大轉自誤時世尙奢華織縑不織  
素五日竟兩端縫人不一顧功深經去聲亦繁引縑  
遂無數叩門索餘絲蠶女坐徵賂卹知杼軸艱日  
暮尙勤務眼昏交縷遲臂軟飛梭互翻樣應羣求  
道疵召衆忤違心作語言巧與市兒遇不惜顏色  
低冀以免耗蠹所得子已微母貴終難附蒼黃營

蘇思齋前集卷之十四

主

一餐歸來還夜作

爛溪

爛爛溪光好靈胎近有無餘霞收晚照遠水沒秋  
蘆勢接苔松近波分吳越孤滄江不可極聊欲問  
沉鳬

白龍巷

沉沉雙鏡合蘭若扼中流過櫓妨禪定澄光送閣  
秋幡風起蘋末寶刀照吳頭彼岸危橋接分波故  
笻留時聞父老說曾見白龍游謂故明建文帝

盛澤卜舜年故明時以詩狂名余觀其綠

曉齋集大都狐穴鬼窟中作生活耳老無  
當於風雅也

卜子孤奇人行僻詩亦詭六馬避康衢隻身臥冢  
壘稻梁不暇謀往往砥石髓琢崖露微光破玉成  
巨痕所得良已鮮天趣頗撓眇時有賣菜傭賣菜傭與陳堯德舜年所引與同調者彌不及綠曉集詩矣亦與相鐫砥才平氣轉  
浮無能供願指方其出蓬蒿當世固稱美始知人  
才難匪今嘆委靡

寄懷閔一丈孝廉

愁子眇江水飄泊孝廉船一劍未容賣多文空自

蘇思齋前集卷之十四

主

憐婁東羈食苦糞北壯心懸那用思綾餅身同守  
冷飢

寄懷章十一進士

進士方需次悠然臥漢陰詩懷端已似文筆可之  
侵洗竹閒挑水婪雲自登岑古悔應好在不盡歲  
寒心

張貞女

我讀曾子問墜公女在塗臨筵易服弔弔罷歸其  
廬又讀行露詩禮成始御轍六禮一未行雖訟不  
汝匹古人制禮本如此未嫁那須同穴死守聘終



身誓不移世間乃有奇女子南湖有鳥鵲與鴛鴦  
媒初托心已存薄命不棲連理樹中道分飛何翻  
翻賢雄一去逐雲沒羈雌蒼涼宿夜月宛頸空悲  
黃鵠心負子終藉螺贏室兒能似夫妾守夫之死  
黃墟樂有餘人言苦節真不苦始信奇貞古所無  
留侯之宗橫渠譜忠矩儒規良有取誰憐至操在  
青衣竈下還超北宮女婢素雲亦不嫁

一白洋竹枝詞十首

洋水東西兩鏡開爛溪如帶遠潞河昨宵誤認雙  
珠出却是神燈倒影來

慈惠齋前集卷之五

古

亥市辛街處處浮一生長住水中洲溪流五色紛  
難定莫更郎心似水流

二月燒燈分外妍冶遊不數放魂天儂家最慣聽  
銅阮柔櫓輕隨十番去聲船盛澤燈二月聲與共里諺也

女伴相邀看劇忙謝王宮裏舊登場春權忽地還

潮却爲點佳家待月廂

野賽年年比伏臘祆宮一一接平蕪幾家奉得金

元祀不怕聰明有海都俗奉金元總管神甚嚴鎮有故明都御史海公祠俗

召海都廟今盼聖梯落矣

面水樓臺壓水檻燒香船過響丁寧春砧閒却渾

無事小倚紅樓看打青

即白打也清明後一日有之

百萬樗蒲未算豪荒倉有意贈錢標須知此是天

杆水不比金窩旋旋銷鎮爲河朔富商聚處天杆水青島家言也

採菱渡頭風較多白龍橋外水嵯峨尖頭版舫潑

波去唱徹彎彎月子歌

大娘茗茗慣畫眉小娘軋軋自鳴機年來慣織鴛

鴛錦翻得團花却趁飛

禿袖小兒青盤鍋十五五聯踏歌唱到阿子歡

聞變月明應有斷腸多立秋夜較唱山歌

慈惠齋前集卷之五

圭

瓠息齋前集卷之十五

烏程 凌樹屏 保釐

白洋集二 丁卯

時無和者孤唱不豪歲云暮矣頗動旅羈之  
憾故寄托轉深二三君子有依而詠者亦爲  
彬彬焉

玉荷金粟美人行爲倪秀才 若需 題畫

洗車雨過秋容麗雲薄瑤空涼脆脆原裳未集風

瓠息齋前集卷之十五

翻窠剛斧初停月破簾美人曉起闌粧成逍遙折  
步橫態生露凝不怕霑裙濕飄動唯愁颯鬢清連  
催侍女擎團翠却向花叢嗅花氣姿掩白任阿侯  
凝宵窳還就松支乞玉荷金粟各可憐晚塘早院  
何嬋娟但識蓮心如妾意肯教丹蕊遲君窅

擬古八首

古詩十九首紫陽夫子擬其八余亦準  
其數作焉正未知視陸內史劉南平何  
如耳

落落衣天星蒼蒼腹雲月哀哀吟思妾惻惻傷華

髮黢黢朝榮傾非菲暮芳歇昔日桃李枝今成蒲  
柳質君亮復能來容華徒自失

高樓何名巽綺疏結四面芬蔭若爲通雙星時相  
見徙倚彼何人凭闌發孤歎流響激哀桐收情屬  
斜漢苦辛知爲誰悽憐有餘惋日暮浮雲生寸心  
彌繾綣不恨君不歸但畏君恩變願得兩心齊千  
里同所戀

下堦采合歡幽庭積芍藥采采還自傷故人方廖  
廓沈鱗緬深淵逝羽趾重夢同夢隔殊床永懷淚  
潛落

瓠息齋前集卷之十五

秋風埽懸宇梧葉颯前庭天旗揚素輝耿耿案我  
楹霜變氣候堦苔無復青驚鷺既遠逝駭鷄亦  
遐征念我斷金友萬里違徽音忍以新知樂寒我  
誰昔盟王良不策馬帝車無復衡虛名諒已誤磐  
石庸自貞

鬱鬱幽澗草凌波揚素華與君結久要有若山與  
河山河改有時久要終不移如何一朝別愆此芳  
春期調飢夜不寐安得保容姿傷彼芘芘花灼爍  
良易滋陽曠苟不照終逐寒霖摧妾今幸未老請  
君爲顧思

河水清且駛波委紛相屬叶蘋末寒飈生芙蓉慘  
將落華芳知幾時轉眼氣蕭索夸父阨馳精魯陽  
激頽魄叶適已幸自恣無爲徒處廊亭蘿有名姬  
素膚芬蕙若光彩既照人善口復工作潛響動游  
魚飛聲感舞鶴含悲未極陳舉坐但嗟愕思爲同  
心鳥生死巢君屋叶

之子自宛洛遺我詭文紈微我無錦衾感君心拳  
拳裁襪合作被鴛鴦安兩端纏綿託素絲繾綣著  
重緣持儲禦歲晚還如春日暄

明河何爛爛流輝入我床愁子當此時刺促悲中

蘇東坡詩集卷之五

三

腸遠遊豈不樂應念居者傷既起還復坐酸楚知  
獨嘗浮梁限南北欲濟徒回惶

同年平潮他塔拉明府舒瞻母夫人鈕祐

祿氏挽詩二首

忽訝娥輝隱嬪風宛自清燎鬚煩僕射謂今相悼  
挂切潘生翠帔凝霞冷丹書耀日明檢匱有才子  
捧涕不勝情

仇香此棲棘化雨欲同滋詎料襟護折翻令訟樹  
移還魚留子舍弔鴛下慈帷無復登堂拜空懷逝  
水悲

題秀才計瑣照

獨坐幽篁裏彈琴復長嘯深林人不知明月來相  
照右丞非隱淪托興固微妙却恨老畫師未繪此  
清峭粉本垂千年有客始撫數怪石落狂豪叢條  
出橫掃澹澹霜兔生肅肅風龍搖鴻送渺凝霄鸞  
振隱聞嶠虛谷揚清音枯桐令古調是時計然子  
高懷復浩浩知君抱十策空山寧久要我今賦招  
隱無爲守局操

塞上曲

古來沙漠地今日是中原極勢空迴望邊聲靜塞

蘇東坡詩集卷之五

四

垣暮烽間尙起秋旗悄欲飜幾人還走馬何事復  
和番寒雲開迴騎孤城挂落暉小時經戰士近已  
養癰痕劍枯花繡鏑弓逸錦舒韃却月自橫陣如  
霆徒結屯柳關欵疏勒榆谷屬堅昆四夷方守在  
從此罷期門

讀書樂園雜咏三十首

梅

闕得方弓地容裁曲蓋梅圓輝兼素影絕勝一枝  
開

七姊妹

小蹙同心結深紅間淺紅聯翩無限好莫漫開春風

月季花

青陰半庭轉紅輝一色純羣芳應謝汝留得四時春

玉蘭

省月朦朧合膚雲淡施深憐卿揮素筆未有近朱心

薔薇

翠玉初栽架賴霞旋覆庭紅香紛可愛未擬錦爲

孤忠齋前集卷之五

五

屏

木香

亦有深青架仍開能白花素馨將碧脆別是一天邪

垂絲海棠

未是昌州種春來舞萬條曉妝初浥露勻出退紅嬌

諸葛菜

曾是躬耕物紛然小園中邪蒿何處著讓爾占春風

安石榴

萬里槎頭舟移來不記年何須頌多子已是十分然

牡丹

亂石臺偏好繁紅翠欲流還如山吏部愛向竹林遊

繡毬

拋擲前生事攢團此日功笑他隋苑內紛蹙可憐紅

鹿葱

翻得來羅曲黃花標鬱金微微含宿雨更爲爾愁深

孤忠齋前集卷之五

五

芝蔴

一虬何曲折千蜨太葳蕤更愛輕紅蕊偏宜照酒杯

薜荔

春寒銷勁骨石丈怨無衣爲藉濃陰襯光風滿翠幃

蓮

屋裏安荷好殷勤爲晚開不須愁霧隱終自有香

來

金絲桃

葉勝桃根碧花侵桑蕾黃絲絲弄春曉好鬧蜨頭長

鐵線蓮

淡韻知無匹花將葉共輝還如詐馬宴一色只孫衣

檉柳

此物真如線隋堤浪得名夢魂飛一一顚汝繫柔情

孤思齋前集卷之五

七

宛宛無多力偏傳富貴名直緣依倚好最易是欣榮

黃精

葉較蒼莨近根從鉤吻猜學仙非我事從爾滿堦栽

紫薇

怕癢難教無夢紅却耐攀更無人可對深愧汝爛編

蘭

幽谷平生志偏來淺砌中多疑香色異誤汝舞春

風

桂

繞逕栽叢樹堆泥作小山清香來晚檻孤月照人閒

金絲荷

田田舒淨綠應比晚苔青絲露知偏脆還停幾个螢

金鳳

娟娟好兒女隊逐玉階旁釵散雙飛翼離離舞夕陽

孤思齋前集卷之五

陽

鷄冠

無復一聲白仍簪五色冠木鷄應讓汝時復闌霜寒

天竺子

一簇珊瑚子離離散綠雲雪中應更好莫惜待寒

竹

短短龍孫茁裊裊鳳尾翹縱無千丈勢亦足駐清標

寶珠山茶

樊弟應偏好曾同玉蕊清  
賜緋知幾日忽漫誤盤瑛

素心蠟梅

江夏知名早吳門晦迹真  
還將素心對應笑買脂人

雜詠補題八首

讀書堂

種樹復難書閒堂靜有餘  
名香燒不盡還見此心初

蘇東坡集卷之五

九

船齋

曲徑開方丈林居面水涯  
叩舷還整檣隨分作漁家

平臺

小立平臺望遙天到眼中  
紅埃方滾滾列子漫乘風

石梁

砌得亭邊石疏將竹下渠  
靜深真可樂非我復非魚

石池

不憐仍容沼梅根喜得泉  
菱花開晚鏡最耐結清緣

芝雲石

一片玲瓏石如芝復似雲  
終虞商叟採好作攬囊分

獅子石

突兀蹲蒼翠居然淺毳雄  
拄頭無復吼尙足撫孩熊

立石

是丈真虛牝曠然凌素風  
定能容幾輩莫笑此中空

蘇東坡集卷之五

十

空

歸家口號

雲日千重麗風花兩岸香  
此行殊不惡况復是歸鄉

蘇臺懷古

一片荒山遍艸萊昔人曾  
此築金椎獻帽已自甘吳  
豢據檻應便看越來曲徑  
更誰鳴屨至廢池尙憶  
翫花回當時自恨歡難極  
游鹿空煩相國哀

金陵懷古

杯傾福祿遂忘仇更向江  
南作醉侯獄底短青方

乞命臺邊巨白已懸頭甲與志父終亡晉黨論甘陵竟滅劉獨有君王遺恨在尚方聞說少名謳

大悲菴就蔡鵬秀才暑坐

蓮宇凌波迴蘋風入袖涼故人同小坐參論到諸方妙義窮非馬禪心得啞半菴僧窗紗休便暗我欲借顏光

由越來溪至始蘇臺因懷吳越故事

越殿吳宮總可哀王堦終見澁平苔山餘木客悲前事城屬麋王惜霸才更忍崎嶇尋廢壘重憐寂寞上荒臺蓮風梧雨知何極一嘯長天霽色開

顧節婦潘氏

清秋徂東訪舅氏吳興老翁迎門窺手持一卷冰築字授我乞作節婦詩我詩要爲不苟作安能鑿空言支離篝燈午夜輒捉管知翁真樸不我欺節婦之節果誰右一百年來嗟未有門楣曾許安仁家生世空爲彥先煩願隨弱婿并紅顏定爲婦始成白首未亡仍任立孤雖有終還代懸封厚哀鵠茹荼兩不疑縷覲懿行夫豈私我覽此卷三歎息窮鑄敢惜屏豪施因思我舅有世世高節合與相扶持余外祖陸太儒人力昌黎不作隴西逝更陸三喪亦與節婦同

誰傳此磨穹碑

爲仙潭胡生起詩題照

樹梢退夏綠石根滋秋紅砌臺拭如淨氛障驅欲空吾子此宴坐衆香餐滿胸披覽賴祖典殊勝洛市尤研花點素帙不藉硃鉛融還讀洵堪樂况攜江夏童之無曾記識定是飛兔雄烟樓半自固莫待跨阿翁

秋夜不寐效楊誠齋體

鑿鑿街鼓已敲殘兩脚彎跼苦未眠只麼鄉心三百轉夢魂容易到家川

蘇惠齋前集卷之五

照地漠漠霜月微打牕簌簌鷄鳴非明朝急起向西望一片白雲空爾飛

中秋夜復不寐

長年此夜月倍明今年此夜雲交橫半秋風物乃爾惡使人聽盡簷前聲

族雲沉沉天洞黑古月欺人嬌不出東家飲酒西家歌有客聞之淚傾河

題閣梅詩興爲徐繼畲太學

問自何年築梅舍昔日春好將水曹句重俟杜陵人老骨涵香古清思合味真此時同迴立相與出

風塵

秋懷三首

我家茗溪尾誤落楓江頭  
若水繞我屋還入楓江流  
歸帆挂晨曦未到日夕收  
羈子易飄零秋晏仍淹留  
南橋方傲霜北護難忘憂  
有烏萃梅啼羣雛互嘶啁  
如言反哺樂不解分飛愁  
人生亦何爲飢驅謝幫  
牖負米愧昔賢稻梁徒爾謀

颯颯庭前風摧彼楓樹  
林秋氣亦何烈愴然傷客襟  
客襟良易惡况復懷鳴陰  
遠游雖有方不如感歸  
參仁粟難爲求瑞藥復誰尋  
去住兩不可望雲

孤思齋前集卷之五

圭

徒悲吟燁燁幽薄華  
庶足菱霜深泛泛清江魚  
羈鱗定浮沉所嗟病孺子  
尙費分甘心

一年三百口無口不客寄  
一家十一人無人不憔悴  
奇窮固所甘愁病何虞至  
薄暮家書來掩簡不敢視  
篝燈試復開細字雜如穗  
慰勞未及終往往索藥餌  
我欲作信答未就淚已亟  
人生知幾時寧堪數憂悸  
南隣多錢翁滿堂方歡醉

寄弟

膝下周奴定不慚  
同功終藉作吳蠶  
秋風秋雨成飄泊  
愧汝親除舊糞函

徐沅秀才思親圖詩

我今兮山行路曠兮林冥  
破鏡側我跳兮臯前我迎  
惜我不忍見兮目踟踟以  
盲翳我來東兮願與君朋友  
君匪他兮獨厚所生必恭敬  
兮堂之榮髮斯艾兮心要求  
弗得兮其思其凝爲君作圖  
兮告君情圖不能告兮爾情  
孔明樹椿不古兮樹護墜英  
嗚呼噫嘻綿綿此恨兮無時  
可平

題龔布衣昇盛湖二十咏卷尾

歸園美人鄉卜莊才子地  
爾來一百年此風竟誰嗣  
龔君出塵埃乃復有佳嗜  
跡類魏駟隱心契唐

孤思齋前集卷之五

圭

賢秘日履遍村幽冥搜窮  
里異雖殊域外觀所得已  
累累曠然發爲言烟雲隨  
遣置遂使寅亥置而同丁  
卯遠妙趣闡無窮清思儲  
不匱縣經如未成請以補  
遺志

秀水高永祺中武試來乞詩

意氣爭看欲貫虹  
秀才何必諱從戎  
監儒幾敗乃公事  
男子要爲天下雄  
九箭破空眞點雨  
四蹄旋埴妙追風  
駭蠻見說還橫道  
好試籌南與蜀通

氛尙未靖

與管嵩秀才論詩



管子論詩每不同要將瘦硬變妍豐知余句法本  
先輩錯謂心裁出化工冗雜有人嗤杜甫本朝一鉅公頗不喜少陵詩事見趙執信談龍錄精嚴幾不識治翁紛紛輕薄非  
難掃只欠周郎用火攻

鄭烈婦墜堦半歲夫死殉焉哀其志作此

雙環鳳尾帶百尺朱絲繩願縮同心緒爲君結平生  
君年如初日妾貌勝朝榮流光一以照華葉相  
扶傾嚴霜半夜至百物隨凋零如何升旭枝而亦  
墜風輕舊環無復約單絲徒縱橫哀哉同心結還

作畢命綴

和汪慶元老秀才七十述懷韻四首

碩人依舊詠巖阿華髮盈顛興不磨衆嘶尙容鷹  
霹靂萬暗敢說驪蹉蛇德星連極占教盡仙日生  
芒服較多自是睢陽留一老未隨四皓漢廷過

顏渥鬚飄迴出羣耆英共說畧來真禮於溫國應

先飯年是香山最後人系出鵝峯門更素系本新安才

分珠繼冊同珍珠繼君家越國故事他時河上書重授好爲

文星一指津

老氣橫看在上頭高情澹欲謝量籌篋金散爲留

今雪籤玉藏應滿舊樓屈指亥年誰謝辱然髭午  
夜自消愁莫言馬援還豪壯最憶劉般早束修  
著書端合住松根避世何妨隱柳門逐兔漫辭臣  
已老移山又見子生孫行吟健甚容蒸挂坐嘯痕  
深有榻存報我一編無俗語若爲清句侑華尊

歲暮六言二首

舊住李令村畔竭來海都廟邊踪跡只如雲葉情  
懷差比雨羶

敲竹初來封八叩蓬又過葛三客子婆娑未去尙  
寄家書一函

如愚齋前集卷之五

冬日冬夜二詩同管十一秀才作

記否家園白醉宜此鄉真欲謝晨曦安篇未悟肌  
生粟對雪方思客典衣四海一身還破袴十人兩  
地各虛飢東江米價今能減好挂征帆冒凍歸  
微微仄日漸埋輪慘慘寒先總逼人昏暮叩門鄰  
乞火明發不寐客懷親爐燒棉柵添偏冷鼓雜蝦  
蟆打未真坐盡殘缸心已碎更堪鄉夢度西津

除夜家公命題門帖

表先生戶蒼涼甚積雪從他吏掃忙無客登龍友  
題鳳有門隱柳屋因桑歌風但覺出金石避俗何

嫌殊井疆那笑歲窮添一事也修闔扇貼迎祥

瓠息齋前集卷之五

七

瓠息齋前集卷之十六

烏程 凌樹屏 保釐

白洋集三 戊辰

掘成湖晚泛

莫惜溪光晚沿洄任小舫江湖余樂也水月客知夫遠火開村樹歸鴻靜渚蘆倚蓬問舟子同我到明無

紙薦秀水陳布衣梓有作因同之

瓠息齋前集卷之十六

十一

未豐毛羽漫能鳴倘得春風特地輕從汝通靈還有線聽人高下斷無聲九霄容易看翔翼六月應難問息程多少槍榆成悵望不知元異決雲情風軟遙天霽色開珊珊鎖骨絕塵來守氏生有凌雲氣化翮僊非伏檻才高處兒童還仰視下時燕雀莫輕猜平生腐鼠知難嚇爾輩殷勤爲挽推

寄懷吳丈鍾斗新陸

瀟洒吳夫子餘春契濶仍落花懷古臺細雨隔新陸耽詠世情澹閉門天趣增夜牕知我憶夢路耿孤燈

園齋率然作

一重兩重葉深覆三朵五朵花小開游蜂惹得  
歸去政爾清陰滿綠苔

長歌一首贈程秀才璫新婚

我本吳興溪中老釣碣喝來楓江弄明月高歌開  
市鬼亦喧拍舞長街人盡噉屈作梅管嵩宋景雲

鄭兆龍時逢迎坐使董京白社習習春風生其中

程郎最閒雅玉壺融冰水倒渴諸生計然之子孫

對客往往舌欲捫但道程郎忘朝昏程郎程郎

何乃有此我靜如山人譽如水瘦不及沈昭畧短

本思齋前集卷之六

七

不若齊晏嬰然而不狂復不隘更令二子對之慚

機形如何去歲文戰罷勁毫竟少高雲藉將進酒

歌莫哀得非天欲老爾澹蕩之清才今年且種胡

麻樹轉眼秋香須滿路折取一枝兩枝定非難歸

來好作添妝助課織燈邊稱讀書分先莫惜畫眉

餘男兒三十要爲羅敷婿莫學老漁相對守菰蘆

讀邵子

結習駘墮二十年無多歲月已唐捐如今擬登藏  
書櫃只讀堯夫內外篇

爲吳處士題照處士頗工小詞

高人抱松心結茆雙松下兀坐倚石牀風神特瀟  
灑翠濤沃滿胸秀色體盈把豈無五笙簧不似供  
乞假忘愁謝酒澆適興托詩寫微吟天地冥長嘯  
風雲墮靜氣入眇茫縱橫無不可屈蟠作小詞亦  
復非苟且延陵今聞如夫君實巨雅清輝我儀圖  
還如節礫何

支硎南峰菴楊君謙先生讀書處

儀曹四月厭塵纓謝病歸來日未傾法鼓禪燈完  
舊業松籌奚鏡寄平生詩懷愛向顛中放文體知  
從老後清不分衰殘還一出衍波應悔託餘情

本思齋前集卷之六

七

桃花塢唐子畏先生墓

行盡蕭蕭萬萑田更誰遠爲駐吟鞭天生夫子名  
於酒世失斯人遺作顛憎達有文魑魅喜求伸無  
術蛭夔憐塋桃一塢都零落不見當年種樹僊

吳孺墓前余文通公祠

海湧峰邊落照低漫緣登眺獨尋碑一叢幽草眞  
孺墓幾簇閒花太傅祠國色元勳俱冷落春人秋  
士自傷悲多情最是山坡月曾伴萊陽謂故明給諫姜公  
哭黍離

寒山趙凡夫先生墓

千尺雪邊一坏土先生幽骨此長窺談詩只遜陸  
卿子通隱還如陳仲醇老鮮尙榮書篆石折流自  
下泛觴津夕陽坂好無誰賞閒盡寒梅欲笑人

支硎寺

傳是林公舊講亭愛看馬跡上層冥松聲快作逍  
遙論山色清如小品經江左客來惟聽法剡東人  
去遂遺形塵囊賦恰知多少例逐柴車也欽扁

天平山

萬笏朝天勢絕奇森然如見漢官儀九京小范應  
難作當日羣公尙見疑山霽至今留正氣桂槎何

孤思齋詩集卷之六

處弔殘碑閒思史傳尋遺事坐盡斜陽欲下時

題學繡圖

剛是臨臆學繡時猜綾一幅費千絲背人刺得慈  
雲像自和心香乞阿師

題法螺菴牡丹下

初地分明路不除一坡榮折到烟霞因芽意葉無  
消息開盡人間富貴花

胥江新橋

平吞湖水塹江湖界劃東南第幾橋八柱承鰲填  
陷軸一河貫霓負穹霄樓臺倒浸春燈冷蒼翠西

飛暮靄遙對景塊無雄偉句待呼長史與重標

胥江新橋對月用蘇子美中秋松江新橋

對月韻

選勝營奇事本同登臨况值月華中翠浮玉鑑涵  
孤兔星淡銀潢起一虹垂練淨飛仙客杖刻晶寒  
築素娥宮胥江景物能如此莫但鱸卿有好風

楓橋

帶郭丹霞隱萬家夜深還自事如麻楓橋一路簫  
聲滿吹盡前朝蕭瑟花

三月廿三日夜在吳門見霰子後得省抄

孤思齋詩集卷之六

知江寧亦於是日雪

胥臺纔見散水花白下仍聞舞玉鴉應是春皇喪  
平月姊故教三素護靈車時方接  
賢皇后哀詔孝

賦得春在蓬瀛日月遲

蓬萊二月春正濃文鯨初躍瑤池融神壺漏淺翠  
虬蚪欲曙不曙天濛濛紫府真人方未起玉蟲亂  
吐金蓮蕊歡多愁少足清愉缺免規烏互迤邐拒  
松枝上朝瞰明桃花牕榻六螭橫匝路游絲晴聽  
颺滿園懸萼曉教成斯須又見圓冰上流輝照徹  
銀星榜桂芽短短慵未開兵霜銷盡龍鬚網鐵輪

幾轡行遲遲廿四番風循環吹木公金母坐忘老  
閒命雙成理蜀絲簾外霏微香罍地燕歸恰值韶  
光麗雙飛明鏡各徘徊愛惜春人嬌不逝三山宮  
殿高入雲遙瞻瑞氣何氤氲別有傾心照臨下願  
隨仙輦分餘曛

久雨不止

分龍未到出雷初一雨瀟淙兩月餘苦爲蒼生愁  
壑轉都忘八口尙饑虛市因移粟騰還痛養欲求  
仁計已疎多少茅簷思見日聽卑容易望高居

學舍方缺月供而米囊花盛開戲柬徐沅

鄒息齋前集卷之六

秀才

十日愁霖溢野塘空齋苜蓿亦全荒天公似惜塵  
生翫爲勅花神送鵲猩  
幾簇鬚茸繞逕裁未妨穠傍讀書臺官蛙給廩寧  
須此好向閒庭取次開

霽後書事

帝虹似厭雨霏微界破殘陰弄晚暉小鳥一雙偏  
解事飛來閒坐釣魚磯

感事

誤恃殊恩氣易邁擬將漸水築金溝公孫布被應

同矯元載胡椒未厭求鄢塢可憐成撲滿武昌遂  
已唱牽旒祗今邗上翫歸日鼓吹蒼涼起暮愁

讀書樂園卽事二首

小園供嘯做料理不辭難壘石駢之靳支亭惠用  
蘭網高閒蝶拍花密隱蜂冠時有清音送漁歌接  
遠湍

數肘荒蕪地閒除興轉多點朱研孔易擊壤和堯  
歌亂石胎雛筍森松衣女蘿便爲養生主何必羨  
鳴珂

白十姊妹花

鄒息齋前集卷之六

小蹙瓊粧挾翠茸七娘三妹怙清慵玉闌慙倚雙  
行隱珠履輕拖五兩重籠月有痕眉共淡舞雲無  
力態偏濃春陽踏盡還聯袂莫上繒屏又絕踪

自練市曉入瑤山寺

水水清華地孤橋接寺門竹颺鳴利鐸松露滴簷  
簾靜識禁心苦閒聽蟹眼翻此中宜結夏竟日綠  
陰繁

練市道中

一水澄如練千家倚作村竹深園井落花罇散雞  
豚風物秦源似衣冠夏尙存先人遺伏臘何處薦

蘋繁先中丞賜第在市之鍾吉橋今已廢矣

雙林夜歸

欲定未定村漏翩然獨漾歸鑾峭帆挂風一幅規  
逢落月半牕野戍候燈明滅孤汀宿雁隻隻遙望  
故廬何處櫓聲漸愴鄰猿

登吳江塔

江郭橫如船錦纜資臥虹巍塔鎖其根庶不隨波  
海言如此孤高拔地起窈窕凌虛空凭闌一以眺  
雨界何杳濛五湖未了白吳山青叢叢遂近不可  
睹况欲辨窪隆惟餘笠澤水尙作楸文縱因思古

孤思齋前集卷之六

僭侯曾此角兩雄黑白竟誰是殘局難爲工姑胥  
旣失險丹陽亦覆示永懷方未極海曲來悲風三  
神自泯沒且爾送歸鴻

夏日觀龍挂雨

風林驟覺戰聲酣不見遙天舊蔚藍雲霧山巔漸  
山址雨昏溪北過溪南怒龍挾勢欲移壑睨日破  
空時作風但挂枯倅吾已足况勞清灑洗如快

書齋道署無計而汪陸兩君史程管諸子  
方奉學使者檄赴崑山聽條教於其舟次  
口號送之

解帶逃陰勢不堪炎津底更理征帆春風有席清  
涼甚不怕滂沱利市衫

花下絕句

散髮入朝林花翻露溜沐飛雛欲依人故故還相  
逐

花路

因山營別趣小徑趁花回闢角龜紋石連錢鑽子  
苔不言芳自滿爲閨塞還開寂寞斜陽裏蜻蜓幾  
個來

花架

孤思齋前集卷之六

伐得湘川竹羣芳結契深璫璫編鹿眼次第縛椶  
心雀誤累愚迴花疑錦幄臨漫言金瑣碎亭午自  
陰陰

雨後郵望

餘雷猶殷叱斜日已懸明疎羽羣鳥喜歸巢獨鶴  
清帆收何處雨網挂半林暗遠望知難極輕陰散  
又生

吳江計節母詩

婦人莫無夫無夫最辛苦從死豈云昭孤生竟誰  
主側身先後間顧影無一可奉槃適寢門彳亍勢

自阻守貞良獨難况言健持戶我懷行義發志節  
何嵬峨處茶不辭艱獻旨常恐吐圍同道韞解喪  
亦龍憐舉養得同生枝昔婦今成母代終差不慚  
清風滿江渚

連日奇暑悶甚得雨以解戲作

炎憂苦歎鬱氣悶不得舒金石懼焦爍何論血肉  
軀偃仰以轉輾流汗滿膚逃涼既無所重扇亦  
云徒一雨蘇萬物天也遂清虛固知造化力旋幹  
直斯須如何久蘊隆不早施開除譬彼酷深吏決  
去人乃孚貫盈徐計罪得毋非天鋤前暴嗟已甚

孤意齋前集卷之六

後惠幸卒圖九著如可叫我言實良謨

西疇望稻花

薄暮西疇望稻花紛堪拾天水碧如鋪麴塵黃欲  
疊雨來自油油風過還帖帖老作隴頭春豈識蜂  
與蝶勿問人間芳富貴無爾及卽此米珠年遙見  
心已愜殷勤告田祖忍使螟蟲嚼艾奄可觀敢  
糜王人粒明年賣鏡犁我亦耕絕佗

平波臺作

臺南有流水臺北有流水臺東有流水臺西有流  
水洪波日夕飜危檻橫空起我疑蓬山鰲斷足分

填此不然巫支祈掣柱卓其裏所以風雨晨不怕  
龍攫圯一鏡漾菱花微颺蕩如砥軒牕開四面往  
往收清美還虞晚烟生咫尺迷涯涘但覺混茫白  
豈能求海底憑闌發長嘯洞庭正孤峙

老汪秀才父子徐太學並以陸烈婦詩至  
戲東太學

乍見綾幘新什五言字字清醇我謂弗如城北人  
言不及汪倫

殷氏軒中老銀杏樹用小汪秀才韻

園園庭中樹千霄挺奇骨旣蒙平仲名亦擬仙人

孤意齋前集卷之六

七

核謂鳴脚何垂垂浮烟與澹浮頗愛習靜軒覆蔭  
此鬱宰生涼無夏冬含氣不日月餘鋒直千常抵  
蟠定幾笏古光照眸清寒韻灑腸腸披襟一以當  
往往森毛髮微颺弄柔枝筆竿宛悟發有時迫長  
風陡作波濤汨我疑老霜根下有蜃龍窟其敢尋  
斧斤繞絲或遭輓况聞蔽芾棠古人戒剪伐斯木  
詎不才天年幸未竭惜哉生卑壤不如凌嶮崕溝  
水日浸淫那免防撓滑封植良已艱慎勿輕手扞  
且須避拔塵最願遠炊突神理果得全菁英看永  
越雲霧散滿牕星斗自任圮塌來游其間絕勝依

蓬越稱構巢父巢兼忘兀者兀氛懷廓然開意象  
實超忽不解三株槐辛苦立門閤

和陳後山古墨行奉謝殷翁以和貺徽墨

先生身入寥天一芒屨踏破黃山石選遍凌雲概  
日姿搗殘炁甲蒼鱗質麟膠重劑勻螺紋犀角初  
瑩澄麝息李奚舊法今不傳樂浪珍材竟誰得寶  
珪森出尚書家翁家先世有以兵樞總制雨廣者見明史列傳絨藏却惜  
與子姊如何輒生輒蒙餉青李來禽知莫敵蟾蜍  
腹霞剛吐半臨磨階覺翠珠散自笑孱豪頗好拈  
驅遣膺糜苦無筭客卿輦頻遠逖逃時時斷向溝

鐵墨齋前集卷之六

圭

中見荷翁厚貺佐淋漓只恐天公愁怪變况看此  
物最希有得之不用是我醜非人磨墨滋不憂蒲  
編鐵鐫均難朽怪囊一昔富非窮光氣還疑射牛  
斗間試新煤賦報章何似徐峯傳奕手

復和后山冠十一惠端硯謝前人貺靈巖

硯材

紅絲青鐵古名器好之不已成疣贅寒儒無力羅  
殊尤殺墨但取方圓備何來斗室偃蒼琮夜夜橫  
空騰寶氣精芒欲補天傾斜俊骨肯隨人役使眞  
宰如惜秘氏文還擲星光流下地震湖之瀆靈巖

根重翠初開驚出世有文或恐蛟螭蟠無眼都疑  
鳳凰睡姑射凝脂滑不啻秦皇鞭血驅而致鬼工  
琢削露霞文登來不數瓊瑤貴平生愛結金石交  
學書徒然嗟紙費陶渚亦復強支吾中窪往往與  
舊異挺垣由來不值錢那知動輒違人意筆端乾  
澁本無奇呵硯別禁更煩碎感翁此貺直非常得  
當寧論百朋惠石君拜侯副以卿文壇從此有生  
意談部覈流不足道要作一經關符偈

奉謝張書翁篆石

張翁年八十意氣摩天翔元神出顙頂時作白毫

鐵墨齋前集卷之六

圭

光以茲胚胎厚腕力迴牛強慣持三寸鐵快切古  
玉肪青瞳照萬里何況剖微茫象緯蹄跡文無不  
刀鋒藏意閒識復定其肯輕頓鋒卓立遲又久豁  
然露清蒼尤工螭匾篆老法世莫當虬龍蟠正骨  
圓活見嚴莊亦如徐鉉筆轉折無偏傍下視凌舞  
手繩韋驚堂皇篆石有棱刀舞刀諸法翁獨用卓刀法蓋中鋒也嗟余名  
字陋未足登圭璋胡爲不自量而乞巨及揚遂令  
倭僂姿刻畫類姬姜平生癖吟詠往往災縈細得  
此聊自壯庶克免摧傷英簫愼爲輔上有壽星芒

初秋雉城道中晚行遇雨



小郭園村市遙山作雉臨風光尙迴合王氣竟銷沈客向中溪醉風偏白苧侵日斜寒不禁况復雨蕭森

優游初收暑重林竟隱規亂山平積霽一水駛孤桅客夢驚秋蟀漁燈出晚碕溪流何霑霑臥聽不嫌疲

雉城卽事

坵壑過清之境有城國於其間沽酒客求筭釀望氣人識烏山墟市或遊羣虎縣門時集白鵲焦谷網流竟日幾家贏得許閑

孤思齋前集卷之六

古

雪溪道中望西塞山

魚遊空際雪溪水翠滴雲中西塞山凭取李家殘剩筆臙脂洗盡見清顏

鬣影羅紋雨絕奇空濛尤與雨相宜晚來閒倚蓬牕望正是樵青下嶺時

爲從弟悼亡五言一首

吾宗實衰薄外喪方總臻前予行邁歸居室不五旬既視從父舍復臨嫁妹奄平生數憂患無此荼毒頻飢驅更作客晦魄繞盈輪悲風颯西來達信徒酸辛驚聞新婦賢歎忽遺形神生理固無盡茲

獨邁艱屯冥冥重泉臺慣埋茗華珍娥輝隕始曜恒木摧初春子來尙感歎矧余兄妯親因思恭拜日其儀尙紛綸

代友人悼亡

秋月隱還朗秋風歇復吹如何人異此奄忽榮華衰篋衣不盡著臺鏡儼猶輝流光一以過空使安仁悲宛宛小弱女饑索牽虛帷閨蕪深日夜屢履何由追昔人遭此事往往違其思如聞推令淑詎易鼓盆爲

秋咏四首和徐太學計秀才韻

孤思齋前集卷之六

圭

秋風

無柳寒飈徹夜鳴况當蕭夕若爲情黃雲遠塞琵琶語老屋疎燈鐵馬聲花樹蒼涼人去盡井梧搖落月孤生在勞閒憶噓春力猛聽雷譙又短更

秋雲

散漫因風肯便同襯將秋月轉塵籠雨三片葉依微合七八個星點綴工鵲駕亂填流翠滑蛟梭碎織冷綃空却教何日成霄溼閒布西郊未有功

秋雨

正合看雲坐晚楹那堪小雨做秋清睡蓉欲老離

披重夢蝶初回次第驚有客登樓還望望煩君打  
葉故聲聲蘇牀他日同聽處抵足應思此夜情

秋晴

陶雲仗雨太無因力破秋霾似有神極浦光回明  
霓遠亂叢影碎喚鳩新花融阮路烘樓錦風暖隆  
庭曝槐筠如此商晨元不惡漫將幽怨爲重陳

贈張處士文瀾

寂寥張仲蔚寓跡與誰同聽盡竹西吹冷歸江上  
楓鈞絲尋舊侶書板走村童我亦成樵悴時來訪  
隱蓬

孤息齋前集卷之七

去

贈王美中

王翁形幹小膽俠包渾身憶昔牆東隱奇寬忽橫  
孫雄嶷自閱市室怒來捉人連覓盡奔竄府記紛  
在門豈不愛高蹈要以全弟昆慷慨辭衆往縲纒  
甘所屯瀕危道愈直就薄何斷斷卒使深竟吏亦  
感義薄雲歸來對妻子瘡痍難磨至今天陰日  
餘癡尙隱皺忘軀以急難立節良苦辛從茲廢人  
事遂與灌園親栽花與洗竹往往見經綸桐徑日  
回復得意忘朝昏莫憂脚步蹇扶杖有家孫

孤息齋前集卷之十七

烏程 凌樹屏 保釐

爭席集已巳

麥子非庚桑子也然是歲寓跡聞溪下鄉日  
與堊人伍彼豈知阿婆三五少年時乎小閣  
吹笙閒亭鼓瑟挑泥擔糞之徒欲來並坐亦  
無誰何阿庵之蓋亦幾於爭席矣因取以命  
集

孤息齋前集卷之七

春至

春至誰不樂獨我意愴然有如尺蠖蟲出蟄無伸  
緣棲穗拾欲盡野叔難爲塞詎不安轉壑何以承  
顏歡飢驅告親故所遇無一憐言遺載盈耳路人  
或譙鐫哀哉小兒女尙舞春風筵

早春和蔡鵬秀才白蛺蝶韻

初化翅鬚瘦欲渾早隨春事到芳村粘殘雪盡全  
無影浪入烟叢別有魂撲絮乍寒添粉額舞衣尙  
重蹙羅痕謝郎爲爾耽吟苦懶訪梅花自掩門

疊前韻

裁純剪紙色全渾  
驚上簪旛定不卸  
花蕾撲來清有韻  
苔萌點處黯銷魂  
未逢練扇微微困  
乍簇羅裙細細痕  
自是慳春交尙淺  
娉拖輕粉到歡門

春夜沈四太學拉步南張新橋

夫君好事與人殊  
攜我晚尋春水渠  
月墮風涇寒影碎  
露霏烟柳翠痕疎  
沈沈水面自橫霓  
冥冥蘆中誰出漁  
便欲相從問津去  
袂衣繚戾意何如

野次有短碣冒出土間曰張縣君徐氏壙

呈花晉月想容腮  
唐人誌銘中語  
敲樞空生牧唱哀  
一樹野桃無主落  
別墳吹送寓錢灰

孤島蒲而集卷之七

涇上晚步

爲惜波光晚來等  
水上亭平湖收落日  
細浪動繁星野柵  
棲鳬定村帆入樹  
停故林知不遠花  
霧自冥冥

觀沈四作畫

和風扇庭柯斜日晚  
西壁永啓靜無事  
來就老畫癖含毫  
惜未下腕路何冷  
窄忽復縱橫生滿  
堂散雲液頗疑飛  
白晝最肖漏痕格  
揚揚幽谷花春光  
訝許垢煒煒拒霜  
枝非時竟的皪淺  
抹時深皴生趣各  
清爽我欲從之採  
檐英方滿額

贈新陸李西銘處士

野處非函谷青牛  
復此臨盂葵呈古  
色松柏見冬心結  
契柔陰轉論文燭  
跋深新陸好風日  
遲我遠相筭

野望

隔林遙送闕車聲  
無限春人上冢行  
一色鵝黃平似翦  
葉花香遍射襄城

晚檻卽事叙懷三十韻

霽明將晚色收拾  
與書巢坐曠山雲  
亂風多竹樹交饑  
驢閒引子歸騎急  
鳴鞘岸柳烟扶直  
檐鈴燕

孤島蒲而集卷之七

七

啄凹地金勾菜甲  
池珥散魚胞因網  
蜂針禿行涎豹脚  
膠露葵剛勒葉暗  
藥漸舒苞斲雨移  
新本封泥護舊梢  
梅龍裁曲折石嶽  
疊簪巢紅細懸櫻  
落青疎碎蘚拋架  
籤吹自啟箔蒜靜  
還敲洗粒綠調鷓  
鴒翻腥欲跳貓叩  
觥漁笛遠競食豕  
緇奴飛篠思蕭讀  
津虬感朱郊徑篁  
邀客看市鮓謝鄰  
捐爭席人呼馬謀  
身我豈匏長疑翁  
是贅莫謂叟名贅  
擁腫樗千畝侏儒  
飯一簋未妨懷浩  
浩敢信志嘒嘒有  
檄從騰笑無文爲  
解嘲逢時真嚼蠟  
戰藝憶垂簪此日  
還爲圃平生恥力  
茅病林看矯翼廢  
水侮

潛蛟况值天中日寧甘水幻泡濬源聊酌洞儲寶  
漫耕燒禮志常親校兵書復手抄少文羞織簿拔  
戟擬登輅敗事儒真監盟心學詎饒可憐惟寂寞  
不免更詠咽空復憑高檻誰知氣獨恢

夜坐

庭際習風靜袂衣涼露偏時時雲破處樹杪一星  
懸

觀村劇

縛竹爲高榭軒軒出湖湄耕忙初罷社開面施膏  
脂繞場呈妙技炫服何參差詠咽雜俚嘍鬼母將

孤思齋前集卷之七

四

蒙俱忽然金鼓震跳擲同騖癡一唱遂百和沸耳  
實淋漓窮觀竟不識終日但然疑野老時評點亦  
復堪解頰始知曹好異貴在審俗宜折楊方入聽  
安用清商爲

春田

麥浪漪漪浸遠空菜花稠疊亞交風別開鴨脚明  
如繡嫩碧嬌黃襯淺紅

寄山中友

知汝方遺世層巔架隱寮齋心違虎跡習靜長芝  
苗尙癩蘇門嘯寧懸武仲瓢帶鎌時一出應就澗

邊樵

出遊

一兩時苗薄輦車閒來涇畔玩春華兒童積與先  
生狎亂傍牛轅撲柳花

訪徐繼樺太學值往西湖不遇

三徑經遊處蓬蒿闔戶深報君湖上去遲我水邊  
尋刻竹閒題刺迴舟靜散襟奚囊何日返定有入  
山吟

張濬管嵩過存草堂因贈

江草綠綿綿朋來破曉烟持愚逢管輅忍病有張

孤思齋前集卷之七

五

蟻飛辨應偏霸論詩得正傳識途吾豈敢愧汝乘  
韋先兩君曾以詩見贊

初夏出遊

薰風催暖入荷衣遊客清江尙未歸更促疲驢行  
野岸閒看釣艇立沙磯翻翻垂柳各自得落鳴  
禽相閒飛乘興休稱前進士讓東總北近忘機時野  
老頓有指目者故云

喜屈作梅鄭兆龍至

單舸走迴紆翩翩二妙俱我方爲衆棄爾獨背時  
趨坐石論詩舊餐松結趺孤快談方未極落日滿

菰蘆

越數日鄭生復同熊生忻至值余歸不遇  
知後却寄

傳聞鄭十八念我最頻煩復挾豫章士相看桑梓  
園禮筭應有述詩派况猶存却愧浮雲跡徒勞客  
歛門

江叩卽事

渚青沙白稱垂綸岸曲溪迴斷過賓俗陋毋嫌前  
進士村深時見古皇人鐸竿對語燕巢定水柵頻  
飛鷗路新爭席饋漿無不可浮生久已渾齊民

感懷

隨分江準學種田力耕仍未要逢年浮沉里巷將  
四十仕宦中朝無後先書斷故人緣祿厚手驅春  
犉覺腰便漁翁埜叟時經過莫道却無二仲賢

程瑤至

煩君走十里冒暑到荒城立志孤高甚求師性命  
輕量才無玉尺懷寶有珠英何事肩緇笠辛勤訪  
老僧

共羨

共羨先生久息機隨身一笠一蓑衣蛙生菜渚自

撈網鷺直柴門閒立磯獨往不隨任士哭相逢便  
逐隱淪歸堂西正接菰城路兵對青山無是非

偶有所見口號

犴袴貂袍舍利帳十家應是九家空短衫破帽催  
租去媿爾溪南多穀翁

屋後芝藤依棟棟樹先後作花甚可觀

芝藤花了棟花開一樹龍葱錦繡栽若使四時交  
不斷那教辛苦覓桃栽

草堂新成主人遍求花樹植之

艸堂築罷興悠哉一道清溪屋後來却笑主人偏

好事桃栽覓了覓松栽

夜有偷兒至獨不及余戲作

從來作客經寒暑鼠蟬葛蟬裘總一肩惟有青氈差  
好在夜偷應不要青氈

登射襄城故址閒望

射襄城外草離離遊客登高有所思長水風光開  
望眼陵陽雲樹接平漪不稱老日毛偏二欲立身  
時氣已衰獻賦十年尙如此可知人世尙居奇

雜興

酒徒呼我復何如自笑狂生任不虛走馬跳丸行

樂耳著恭擔糞勉爲諸家無儲石仍容博市之懸  
金莫著書獨有傷心難忘却眼看流冗徧江墟

川黨平志喜

不戰

王師正求生醜類窮如聞司馬法後定冉驩戎上  
相停籌筆羣蠻效賤筒從知雪山外銷盡成烟紅

恭讀放赦金川

恩詔復作

爾輩寧遺種吾

王不好兵三驅開獸網一

孤忠齋前集卷之七

詔輟星營事異誅豈布觀非築海鯨

皇恩元自歲從此息徭征

感古二首

韓侯昔未遇區區釣徒中道逢老嫗爲進食徒哀  
王孫豈必識英雄報一飯捐千金人生相感不在  
深劉嫂解幃釜陳嫂請肥數是君與是臣所遭何  
一轍淮陰此遇良獨殊誰云巾幗無賢愚丈夫不  
能謀生乃寄食吁嗟漂母安可得

商山皓歌慨慷睢陽老與時忘皓乎老乎相招而  
避秦四皓之暮年乃建安劉勳一老掉頭不復顧

茫茫空山雜烟霧我欲從之迷其處不如紫芝曲  
悠然滿深谷漢廷數言在人口應爲史遷曾記錄  
乃知人生會須乘興試一出不然老死蓬華徒泯  
沒同時更有魯兩生至今無人知姓名

六月十六日徐子繼釋屈子作梅程子瑞

沈子寅貞嚴子樹管子嵩計子璵嘉禾鄭

子兆龍湯子錦招游折蘆菴觀荷迨夜復

廻舟白洋醉月而歸分韻得恨月墮三字

如聞祇樹林寶花八十萬妙涵清淨香脩然絕塵  
空固疑湧地生詎必勞天獻燦如舞越施紛若蠱

孤忠齋前集卷之七

九

楚曼欲語倚楊嬌無言疑息恨予愛真徒云且往  
慚俗恩勝侶來連連相扳償宿願游鰈亦渠裝沉  
筵復花園聊隨魚戲東卬畏鳬驚遠行行到洄流  
靡靡交芳噴碧筍尙堪傾紅衣半未褪窮歡矢無  
歸及爾同繾綣

戢戢隱士裳冷冷美人鞵緬彼出水安風標何清  
越今我與數子各抱烟霞骨所志諒已同佳賞寧  
遽竭鈍樓扇微颯花氣與鬱勃相挾入澄襟詎復  
知暑暍而况座中人眇論窮理窟舌本吐青蓮一  
一堪映發樂此殊未央有酒且擣杓如何西馳輪

銜山繞一髮流霏杳冥濛波光淡欲沒斯荷非夜  
舒歸趁前溪月

終日不覺炎入夜清逾可迴撓溯風行溪流漾潭  
沱飛花嬌送人時時吹滿舸青墩漫停維前村已  
漁火轉眼晚霞升腹月來舸左羅紋蕩圓輝全壁  
碎鮮磋華筵此重陳老子興亦頗蓬檻倚蒼茫極  
望窮遐瑣舉杯屬阿姮對影成爾我長歌浩未終  
玉山已頽墮離披倒載歸側帽盡餘朶閉門有元  
歎應復笑輕姘時領孝廉我釣托疾不至

雪後出草橋門望龕山

孤忠齋前集卷之七

七

天風何慘慄地勢屹猶存積雪平龕頂寒潮落屢  
門中流開寸碧四望極全渾我欲探蓬島三神遠  
莫騫

是日渡江訪山陰舒明府

亂山銜雪尙成堆作意寒風逼浪回不是故人情  
重處那扶竹擔過江來

山陰縣

尙是春秋國城山互跨合縣門疎竹樹印篋闕烟  
嵐換字王鷺好揚風姥扇堪坐衙深翠裡何必慕  
朝參

重渡浙江

帶水拖泥一霎回牛車趁坐亦危哉漫嫌襟袖偏  
清甚曾向山陰道上來

歲暮東西奔走了無所遇感賦

臣朔飢欲死師雄歌亦豪意氣雖復壯性命等鴻  
毛况我孤露人將伯無一遭旣痛當衢殞復愛中  
澤罄方寸如素絲豈能免悲號太倉自有粟不飽  
食李膺園府自有幣不填亾羊牢哀哉夫何言齒  
冷彼錢饕

孤忠齋前集卷之七

七

瓠息齋前集卷之十八

烏程 凌樹屏 保釐

南湖市隱集 庚午上

南湖秀州之勝區也裴公島舟里街皆連屬  
焉余僦一廬於街之右朝夕課業以短簿爲  
隔簿以外皆販途賈販擔夫之爭啖花姬之  
唱喚賣錫簫出鷄鼓之狂吹而遽擊輒與謳  
吟聲相亂余既忘其市中市中人亦都忘其

瓠息齋前集卷之十八

有余也是可編以爲市隱集矣

雨中過新厓有懷吳丈鍾斗却寄

憔悴州來季他鄉寄跡同  
懷心應五字入世只孤蓬  
阻道知洄溯荒村惜雨風  
漫嫌王與盡自有夢  
寬通

附 答詩

吳元

才竟雲泥隔情偏寤寐同  
半生憐憶客兩鬢笑  
先逢曾訪歲初酒俄交寒食  
風傾脂河近在應  
有鯉魚通

初至秀州

堆青山色漸朦朧  
澄綠湖邊雜雨風  
子夜歌殘盟  
不住片帆一响到禾中

過訪梅伯昌 肯堂秀才水邨

積水灣環處橫開  
白板門花邊維舫  
艣竹下散雞豚  
聽唱荻芽句應知  
梅九不故人此棲  
隱何必城桃源

由同里至震澤訪同年朱明府

富土同里之非吾  
托飄零復此行烟  
波通笠澤風雪入  
麋城驛樹哀雲暗  
官梅出岸明旅途  
逢舊雨珍重若爲  
情

瓠息齋前集卷之十八

夜泊吳江城下

水邑蒼涼夜辛勤  
拔恣來江聲沉塔  
影橋勢壓城隈  
旅客若爲夢隣  
爭何太哀故人  
期不至流雪自  
皚皚

咏懷

清時無事放教閒  
隨分因依到此間  
賣藥何須就  
賓石草元都恐  
笑君山若逢屠  
狗須相識一任  
呼牛且破顏自  
是平生耽習靜  
罰從關市覓禪  
關

旅館曉雨

殘盡孤燈暗復明  
紙牕竹簾有餘  
清朝來何事偏



知雨臥聽沿街仰角聲

懷越昂弟塞上時在扶二伯父極

西望陵陽樹色微  
兄南弟北各無依  
鴛鴦湖畔人初老  
鴉鵲關前客未歸  
嗟汝負骸行不易  
愧余求粟計全非  
刀環舊約知何日  
空使征人淚滿衣

賢倡巷弔蘇小小墓

陌車陵柏各蕭然  
此地仍傳玉化烟  
今日賢倡巷口過  
路桃墻柳不勝憐

戲題僧院壁

落日蕭蕭祇樹圍  
亂鴉接翅鬧黃昏  
野桃輕薄渾

孤恩齋前集卷之六

三

無賴又逐春風入院門

咏史

漢金散盡楚謀臣  
從此君王氣不振  
一曲虞兮千古淚  
可憐不爲背疽人

自秀州過訪嚴樹濯英吾靜閣聯句

主人情重客如歸  
自小閣清樽未忍違  
寅賓不覺

狂歌忘短跋繼樺愛看雄辨解重圍  
樹白頭尙作

飄蓬跡自高宴曾無舞蝶衣  
寅賓只恐鄰雞將唱

曉繼樺蒲川離思轉依依  
樹

復得五言一首

畱君永今夕徐剪燭話離悰  
嚴老馬途寧識自方

崙嶽所宗沈春風同立雪  
徐夜月共哦采嚴苦憶

籌山子自計生謂書廬遠莫從  
沈

宴坐

終朝宴坐送年華  
聽盡城闌一市譁  
入室清風明月我  
饋飧蔬食菜羹瓜  
有書難下滄浪酒  
問字空

停蜀艤車便欲老  
同簾肆隱牆東終  
恐路三义

喪 母孺人後重至秀州

荷衰帶經不祥形  
兄弟同謀勸此行  
身是庶人難

下禮家纔八口豈  
他營架犁勞作催  
耕計謝豹應

孤恩齋前集卷之六

四

知泣血情小范漫  
嫌今未得年來壠  
麥亦無贏

晚春偶作

晴陰初長葉園綠  
已凋花桑血稱葉牡丹直正是

春殘後尙無書到  
家寢祠如不祭菜  
果可容餘未

爲飢驅出何應滯客艤

上巳後三日計生  
瑣招同諸君子修  
禊事

梅湖分韻賦詩屬  
余有 母氏之喪以  
道

達未知仍遣畢字  
見寄重以聯唱之  
作既

至秀州閱月始克  
爲詩以報之

當君羣詠辰是我  
無告日臨涓滌穢  
氛而憶不祥

物同岑豈不懷倚廬何由出庭樹生悲風晏晚增  
慘慄何意朵雲來方誇修禊筆彭殤難一致此事  
古所休矧予孤露人復遇春暉畢晨鵲及暮猿號  
叫未中律毛錐誤錄之是五乃非七書成以報君  
聊當夢我帙

題馮道墓

菩薩曾傳鎖子身瀛公相業與同論世儒莫漫輕  
譙責廢宰應多膜拜人

初夏行田偶作

與鋤逢首夏荷笠行平疇牛脊分晴雨魚鱗次吠

孤思齋前集卷之六

五

溝怒生秧簇蠅決起柘彈鳩尚有辭金婦閒閒過  
陌頭

雨中述懷

憑將苦雨斷囂塵小閣從閒散棄身無以爲家彈  
缺客何知餘子臥樓人直緣性懶難衣食多被時  
疑學隱淪獨有南湖看不厭擬設臺笠與重巡

登真如寺塔

扶欄百尺上應難極目山川勢鬱蟠地閱興亡餘  
檣李塚埋文字屬旃檀助朱賣臣臺萬家帛繞  
鶯花路幾處棋分錦繡盤俯察仰觀何所得旅人

不覺涕汎漚

幻居僧素賢以詩見示因贈

老僧年八十力尙勝龍象當其人定時萬變來惚  
恍俄然發唄音一一吐圓朗全舍陀樹芬而作倭  
伽響刻劃元化愁涵泳真風爽亦有問句徒每示  
書中掌竅貫逝千年此理遂波蕩惟師優得之創  
獲非鹵莽誰云文字禪畢竟落言網華嚴繪空無  
寒山箴鑿壤共淵無殊瀾庶且同霞賞

月夜叩太古道院同沈鍊師茶話

晚晚尋僊侶花壇出月明怪松疑鬼攫影草誤蛇

孤思齋前集卷之六

六

行笛送穿牕韻茶騰隔院聲叩門知不厭相與坐  
深更

苦雨

南山殷雌雷北山起雹車風雲一以變天地爲蔽  
遮豈不惜黯黹要取滋萌芽如何久不去橫逆連  
朝加壠麥坐爛灰園卉摧新葩街泥滑踈馬點屐  
徒紛譁小人雖近市所求良已賒何當驅勁風解  
此踣駸霞

喜晴

請雨臺羣聚喚晴鳩爭飛二物徒擾擾開霽固有

時重陰方蒙幕一朝驅除之宛宛餘綺秀欣欣繁  
綠滋跂足孤樓上風日聊可嬉明牖稱翫映爽榻  
堪哦詩俛仰既以適不喜復何居猶勝把盞出簷  
簷行塗泥

### 短歌行

萬物鼎鼎歲月悠悠志長而日短使我心憂我心  
之憂我又何求驅車過蒿里賢豪累累埋骨於斯  
坵蓬蒿非所願白雲不可遊驅車過蒿里賢豪累  
累埋骨於斯坵我擊我鼓我發我謳我又何求志  
長而日短使我心憂

### 蘇東坡集卷之六

七

### 長歌行

我所思兮我亦不得而自知天杳杳而上穹雲隆  
隆而下垂我欲乘之遠去義和曾不肯爲我駕螭  
言不可以衆市兮志不可以戶謀叶胡越異其舟  
車兮夫孰得而化之我有佩玉亦莫我穀我有明  
珠亦莫我姝嗚呼噫嘻夫我實然兮於世何尤叶

### 古歌

昨日之日我買質而出行狗不吠鷄不鳴今日之  
日我低低而來歸雞鳴於桀狗吠於籬有樓翼如  
有鼓統如參橫月落我歸我廬嗚呼曷不歸我廬

而路此雨露之淒淒

### 鄰有賣餅者感之

朝唱渭城曲暮唱渭城曲嗟彼賣餅師似亦有可  
樂而我獨何爲戚戚苦不足戴面強向人覓夢常  
踏蹋風木無長寧天雲有反覆哀我鮮民生徒然  
此求粟謂種循陔蘭翻化匪我蓼責躬亦何裨滿  
庭氣慘肅

### 吁嗟行

空城兮無人草木兮繽紛彼攘攘者何子兮曾不  
我聞維日之出我與俱出維日之入我與俱入青

### 蘇東坡集卷之六

本

天曠曠兮汗漫我獨行驅文狸兮從言俾前不得  
津矣兮後懼即乎坎阬嗟無人兮空城

### 計瑣巖樹拉游南湖遂遇風雨

二子翩然作快遊老夫牽率與同舟敬帆打箬乘  
危出僧勝推藏小市樓

### 徐繼稭嚴樹至承饋鑑金

浮生自分藏三市妙侶何煩駐二車約結滿胸奇  
固少載金問字得無賒

### 白洋返櫂過歸家園爲屈作梅程瑤管笛

鄭兆龍扳留問文竟日

晨光何熹微白洋水潏潏翻然權歸舟遂欲凌清  
漲忽憶歸園中數子方高唱過存果不虛滿庭施  
文帳此來期遍觀豈敢當哲匠丹鉛誤入手趁快  
卿須讓虹玉固上升龍蛇或遭創琢磨豈徒然操  
縱冀一當庶幾野處秀而作朝家望桃李非我私  
諸賢其國杖

秀州歌十首

朝出春波門暮宿杉青堰阿子滿田飛他儂不可  
願  
十步九倒頓行行至半路拖環八幅帆送郎從此

瓠息齋前集卷之六

九

去

嘉興古縣前去去五十步白馬嘶不行此是蘇小  
墓

風涇東去路日暮風蕭蕭儼作白苧舞郎登白苧  
橋

西塘三塔寺春日羅好女結伴聊遊行宴填不可  
語

窈窕三重樓對值傾脂湖儂家樓上住不分顚教  
梳

湖裡芙蓉花湖上鴛鴦鳥鴛鴦自雙飛芙蓉不長

好

區區負薪子貴賤反覆間至今游冶女不到死亭  
灣

前望女陽亭遙憐義婦坂青墩花事繁相送不道  
遠

好在裴公島日斜孤鶴飛小娥增意氣采得晚蓮  
歸

爲友人題照 董氏而業醫者

峰翠幾重落幽人聊獨行嶠平安屬穩濶過入襟  
清古樹厓邊側孤雲澗外橫社栖威輦迹出署叔

瓠息齋前集卷之六

十

封名荷笠歸何處林深杏正明

瓠息齋前集卷之十九

鳥程 凌樹屏 保釐

冬瓜集 庚午下

冬瓜唐詩人張承吉之子小字也時有合出  
瓠子之誚蓋以承吉名祐云今秀州東北隅  
有地曰冬瓜堰李日華雜綴乃云承吉嘗爲  
此堰官卒後其子虎望復權是職遂前來語  
圖記取之二者未定誰是余於夏五由春波

瓠息齋前集卷之十九

門左遷跡堰傍翅岸斜開鱗溝接次如齊林  
邊朝陽明滅孤帆往來長年漁子喁吁唱答  
之聲隱送霞外蓋雖帶負城闌而饒有泉壑  
至趣始與塵屢遠焉

爲吳上舍 汝璠 題漁樂小照 內作二影一  
已沉醉一方引觴自酌

小船帖帖橫灘維巨船鱗鱗蘆中倚水花生風香  
滿衣湖旁老漁罷漁歸得魚換酒餘付炊呼朋約  
侶無後期柳陰列坐倒盆區草茵林帳隨所施一  
漁橫笛信口吹一漁豪唱樂不疲一漁隱樹遙和

之更挾一漁眼垂皮似醉欲逃不可縻一漁方醒  
何淋漓仰首濡飲缶戴願就中一漁最樵机矚之  
不置狂非癡兩漁虐謔一漁笑詎識元神出頂時  
跳從側畔閒鋪繭前身應是滄浪師阿嫗來觀馱  
小兒頗爲絕倒雙髻披隔江遙憐衆婦嬉如與羣  
漁相倡隨玉山頽墮苦不戒食單重遣三漁爲與  
人爲徒我與我乾坤此樂復何知不信有人方理  
碇意氣欲到天河湄

聞閔秀才 國棟 昨至秀州

小月淪雲耿不流隻身徙倚夜航秋更無人給猪

瓠息齋前集卷之十九

肝片辛苦衝寒客此州

枕上聞木樨花香

朝睡敦敦意自酣漫緣小觸當幽探秋風未是無  
情物解送清香到枕函

同徐上舍計茂才沈文學夜飲嚴樹家得  
侵字

舊雪翩然至華堂此合簪話濃忘燭跋坐久覺霜  
侵艷作飛花飲清成叩鉢吟四豪真不忝我意轉  
蕭森

同友人九日登東禪寺佛閣

傑閣巍我立遠空漫隨側帽上高穹殘楓點點落  
如雨迴帆蕭蕭斜帶風欲插黃花羞髮蒜難將貝  
葉洗心蓬由來此際偏多感況復登臨是客中

堰上偶吟

秋涇橋外冬瓜堰曾說詩人此抱關今日我來風  
景異滿川落照唱魚蠻

讀章舍人寶傳行卷

歸安有章生神骨實寒重當其微咏時亦如老僧  
風餘溢見爲文儵然發清呀一粟瀛海涵寸鎔精  
犁洞初不用力爲而力乃兼衆所以能蘊藉至音

蘇東坡前集卷之五

辛

非市閭此道如狂瀾近已患奔縱何況雕刻徒組  
織無緯綜我念懸斯文淨洗彼霧霧

賦得霜葉紅於二月花

正是三秋後偏宜二月中霜林凝曉色雲岫絢春  
紅爛錦青陽似披霞紫陌同幾經渲染雨如趁剪  
刀風萎綠關天意迴黃仗化工寒蜂無股帶老蝶  
少鬚蒙露冷仙源迴烟疎上苑通只應微省客最  
愛淺深叢

傷吳江周秀才玉霖

此才不三十天意竟何如一桂不到手六螭紛西

驅人生可憐蟲把玩本無餘念君漆鬢髮早已名  
其間老蒼旣生之豈不愛惜歟跳屋羣梟叫墜雲  
孤鳳徂蕭蕭銘旌出靈輶爲踟躕襴衫裹玉骨春  
樹埋秋墟荒郊莽慄慄日夕悲風狗反虞無子哭  
但一老翁吁

閱潘絕句

偏工短咏閱敦甫富有清思潘健君忍使患聾兼  
病胸老天端不爲斯文

存沒口號效杜少陵

閔子勲清醇吾所愛歿章生寶傳僞拔世尤推存近

蘇東坡前集卷之五

甲

憐妹聲知名字不見蘭庭論義才  
管蒿吟骨偏能瘦存張濬清材絕可憐歿今日誰  
爲三沐薦他時空和四愁篇

偶述

野鳥心情散木形先生踪跡太沉冥羈棲郭外非  
無事閒逐兒童看琢釘

十一月望日作

青女由來嬾降霜滿庭草色未全黃闌衙蜂子偏  
驕甚曳盡殘花入蜜房

次日又作

冬行春令奈時何長養蝻蠅理則邨近日黃蜂太  
乖角殘花曳盡曳殘禾

覽宋秀才景雲遺文感賦

宋生不復見遺文空在茲寒夜幾回讀傷心可語  
誰憶昔計氏園曾共垂清幃一龕燈火碧半榻苔  
蘚滋相對各無寐窮研至幽微此志矢終古分無  
願息期路井招衆竭高明來鬼竊無端風雨夕摧  
彼玉樹枝南溟未搏翮西谷遽頽曦開篋理舊帙  
妙語儼新施珠璣不適用魚目方時資寂寥梧桐  
鄉之子何由追

龜山齋前集卷五

五

答閔秀才問

朱翁汪叟亡來久今世誰爲第一流正自有人君  
莫問南湖相約且同遊

管計兩生秋闈報罷後見過

細雨平江路秋風樵李亭此時傷晚曉晚相見各飄  
零賤子方頭責兩生誰眼青屠龍終不惡莫便逐  
魚丁

賦得竹露滴清響

疎簟含宿露侵曉弄餘清驟向欹邊滴俄聞暗裏  
聲無心辭故葉有韻動修莖籟淺龍身靜流高鶴

夢驚異風還浙瀝匪雪自琮琤入谷神同寂游林  
耳欲傾珠光凝復散玉質弁仍鳴所願承沆瀣飄  
飄鳳吹生

送同年黃本之任榮縣

時川繫未平

蓬婆初罷成好去驟康莊公膳多魚舅蠻祠半竹  
王遵塗無反側爲治易循良莫惜除民病三年佇  
報章

雪後樓望

打牕初罷小樓虛閒倚層雲勢轉孤我欲更登濠  
股塔爛銀堆裡看南湖

龜山齋前集卷五

六

同閔秀才夜話

市樓風雨正淒清點屐聲諠睡未成擁被與君談  
一出不知簾外月華盈

庭有籠雀以懸墜而失之閔秀才爲作歌  
因同之

翩翩黃雀子托命野田中飲啄蟲蟻壤取足不求  
豐是誰巧羅罽閉置漆雕籠朝沃過清流暮飼後  
熟種主人豈不愛無乃違故蹤失勢羽毛落丐食  
言語工回視槍榆侶霞思常恍怙一旦羈紲解決  
起風雲通華堂不復顧寥廓遠相從兩翮得自主

意西東西東昔爲墜溝鷗今爲冥飛鴻王德良已  
厚報環期矢終

送陸生嵩高歸南海

送君逢至日愧我尙離羣別緒愁添線歸心却望  
雲便嗟遊侶盡都恐惡言聞好醞南潯酒明年此  
共醺

仙潭胡生起詩招寓石門曹氏余以留滯  
不果却寄

胡子吾疏附相違草幾青寄書餘不水招我女陽  
亭鷄少乘風力駕全戀棧形寸心知有在終欲望

吹冥

徐太僕祠堂舞蛟石歌

怪石挺巖骨潛蛟媚淵鱗二物固殊性動靜見天  
真如何太僕精靈里兀然涵此山水根胚胎元北  
幾千載一旦橫空起嶙峋朝雲出其頂暮雲出其  
眼睛天白日牙頰動何況晦暝之夜風雨晨苔髯  
莎髯變悅欵巨靈有掌不可捫得勢空庭中其舞  
何蹲蹲亂霞護無力頗欲掀乾坤或疑乖龍懶行  
雨蟄此求脫天宜綸又疑東溟鰲久壓不得伸舉  
首一擲三神碎倒卓下土猶輪囷我謂二者皆非

是乃是太僕雄覓毅魄之所存隨州殺賊巨星墜  
光芒入地立化萬古之貞珉握拳嚼齒勢鬱怒至  
今姦慝見之尙令寒心覓昔聞范氏世專美石本  
康清隱堂瑰琦壯偉竊恐非其倫太守虎矢可沒  
中故物仙人竿簞可馴蛟乎石乎幸得托忠臣千人萬人  
知所尊不獨區區端笏古狂民

黃金

黃金散盡歎途窮鬼責人非處處同錯就野狐謀  
草具漫嗟磨蝎屬身官老來甘作移山叟少賤曾  
羞積穀翁肯爲我艱輕易節脚跟牢立是英雄

雜感二首

兀坐南牕下日時校量身世悔應遲眩人最是黎  
印鬼報德曾無惡水鴟直以專愚遭衆棄誤緣輕  
信被羣欺平生斷木甘溝置一笑空勞樸斲爲  
乾笑乾啼任爾爲老夫心法儘便宜有鱗甲但莫  
相犯不見聞眞無盡期芻狗未妨從棄道木鷄何  
必定鳴埭闌干倚過道遙甚閒對清江世豈知

計秀才納姬微有肌體寄此調之

想因雨過審容儀瞥見非常與定期珠斛換來應  
未足鵲爐圍處鎮相宜匳開滿月盈盈見箔動流



雲故故遲待得阿侯生長了好憑扶曳闌春嬉

旅懷

半生踪跡水萍如寥落茲鄉不奈渠猶喜主人能  
給酒况逢海客近登魚釜烹裙帶偏知味壘嘗  
柴也村醪敢望餘屈指一年看又盡漫將身世獨歎  
歎

感賦

黍離殺人江夏守蘭閣對客冶城公只今比較知  
誰勝緩急偏思菊酒雄

題閔秀才舟里街寓館

孤思齋前集卷之五

九

莫歎詩書誤此生且攜琴劍客斯城陶胡奴米何  
須却食子公經自有名我倘頻來分夜榻君能相  
訪慰秋情因憐旅館知心少晴日南湖共濯纓

題冬瓜堰寓館

無屋陸居非水舟先生此計太悠悠鏡中朱顏已  
復改身後青史何足憂且容老子白谿谷一任傍  
人相馬牛小移樓即途窮處阮生區區哭道周

陸秀才義方年踰五十久抱喪明之痛近  
復置一偶遂得綿生郎書以志喜

玉果金錢次第頒筵前試弄破愁顏難忘舊愛來

投燕應憶前身去覓環老蟬定看生顙顙覆匳初  
喜送般般麟也從教栽得靈瓜種蔓盡東西解數間

述懷

歲晚荒城歎寂寥燈青小閣漫逍遙吟詩猶似方  
三拜學道羞隨郭四朝夢入蠶叢難化蝶身經虎  
穴異承蜩杜陵亦似疎狂者此恨由來總未消

歲暮言情述事二首

寂寂風塵暮悠悠歲月徂去鄉身轉賤結客劍遂  
孤敗竹巢衰鳳荒城走怪狐從知人事異悔不守  
孤蘆

孤思齋前集卷之五

十

埽門無俗吏作客但窮居隱几今非昔悲心塚與  
蘆雲深遠望眼雪甚斷來書料得於陵婦寒泉獨  
灌蔬

贈嚴上舍樹

避世牆東好航燕閣上宜秋風藏小市夜月入清  
帷乘興還談劍因閒更譜碁自來無俗物相與歲  
寒期

定是嚴陵種還稱老釣師一竿楓冷處孤艇雁歸  
時隱跡羊裘在浮家笠澤爲滄洲知不遠我亦願  
維絲

瓠息齋前集卷之二十

烏程 凌樹屏 保釐

廬屋集 辛未上

淮南子曰廬屋之下不可以久居余頻年失足萍著於此徽晨雨夜上漏下蒸雖患苦亦復如何幸未壓間尚頗據床觚吟誦不休蓋所謂欲泣近於婦人聊以當仰歎而已

壞屋

瓠息齋前集卷之二十

十

辛勤營馬肆傾仄不堪論下濕防癰足穿風欲射人硯牀晨拱鼠書檯夜巢鴉吾賤非君子巖墻且自親

四十生日作

仙人日長歲苦幻堂堂千年如暮旦便令活却萬千支銖積裁盈百日筭我今已過一萬四千四百日持比仙人多幾半况能無事一當兩困來眠榻飢喫飯春郊日煖頗出行冬豎風和亦游衍有時自挾一卷兩卷書低首都忘日將肝去運流如梭來光疾如箭我生良有涯此趣殊無限邇來斗被

造化欺天翻地覆徒哀歎遂使再期中晨昏爲歷亂亦不曉白鳥頭上過亦不曉黑兔眼前竄正如仙人食著棋一局未終却暗換乃知織遲義速本無定祇於人心苦樂判嗟爾得生墮地四十年昔何歡娛今何怨

自傷

飢驅何事到他鄉旅食蕭條亦自傷賤買鱸魚因作膾冷淘菰粥便爲糲闌干句就情懷惡劍鉞歌成意氣狂尙笑區區安邑令漫緣口腹爲入忙

同嚴布衣樹咏春陰

瓠息齋前集卷之二十

十

怪底遲遲日偏逢漠漠天惱人風更雨作意斷還連柳短扶鶯因花疎族蠅憐勞他棋子路一夜散苔錢

對雪和計秀才瓊韻

從看飛雪集漫惜賞心違樹作僧書瘦山如院盡肥接簷無鳥落釣浦有船歸却羨尋詩客梅花壓帽圍

范節婦王氏挽詩

比校娥輝孰與宜從頭檢盡古人辭景衣未著聞韋復宣髮全疎咏髮儀蟻術尙憐非祝似鸞牀終

恨有棲鴉遙知一派澄湖水無限清風扇晚漪

題畫蘭

薄媚清香總絕倫漫將雙管貌全神風前標格分明憶亦似幽人亦美人

當壚曲

秀州女兒好腰身攔向街頭促喚人竹釵橫斜花墜塵可憐烏帽白帽即聯臂西去何云云

楊白華

楊白華隨風去春風本分向西吹如何却落江南路廣幄重裯承不著攀盡柔條空淚落願天長作

孤忠齋前集卷之三

三

東南風還使楊華歸故叢

訪姜逸人不遇

訪子前山去白雲封幾家牆頭老梅樹橫出半枝花僻徑無僮掃知乘何處槎延緣難自己歸路日從斜

贈友

我有芙蓉鏡神光出水寒篋藏無所用日夕起波瀾感子殷勤意摩娑就月看問誰顏色好持贈不爲難

答友

知子有古意遺我綠綺琴七絃惜未著再彈不成音茫茫箏笆耳落落風篁林至聲竟誰賞且復藏之深

讀曲歌二首

高閣臨江渚月明風又多明月逐儂住乘春飄蕩奈風何

對門女聯聯非一所黃河合淮流清濁自分取

楊叛兒二首

迢迢三條街蒼馬白馬度歡定乘何馬念欲送歡去月落參向橫教歡且暫住

孤忠齋前集卷之三

四

壽陽樂二首

銀壺投玉箭不作嬌空度可憐宵雄狐穴古坵成空墓教儂那得度

捉搦歌二首

楊柳芸芸垂著地金鶯無力和風墮女子十五未逐婿已自悞人弄月記

文縠單衫雙扣緊當胸落盡橫枝杏阿母不知人意冷却教重作鴛鴦領

洋山茶

海外山簪也自佳藥欄高照亂流霞來同萬里戎

王子開比三春富貴花時帶金星還歷歷間繁珠  
露肯斜斜錦峯文解深裝汝莫更辛勤憶舊桂

洋杜鵑花

煇爛元是蜀中英飄泊何年入海庭開日可曾啼  
豹血移時還自帶龍腥浮槎遠去成塵劫化字重  
歸有典型但殿群芳猶愛惜况隨網樹闌娉婷

洋瓶

一指銀瓶亂點霞只容秘藥不容花細搜歡喜元  
宮佛達寄蒼茫海客槎玻鏡照來還易誤棘針勾  
出未應差蘭閨買得深憐惜緘取香囊更籠紗

孤息齋前集卷之十

五

洋狗

竊毳纖蹄眇小身也依闌柵作狂信樂疑可覆眞  
蠻種譯喜能通侶越馴逐客尙非秦執政守關終  
類楚廷臣漫勞熏鼻重教技都悲狸奴已共論

賦得首夏猶清和

芳郊罷遠歷高臺起層陰熏風扇晨夕冲氣凌神  
襟流輝固未歇濃綠况從秣霞疏抗峯壑蒲密緣  
池侵游空靜野馬嘯樹邊鳴禽嗟予曠多暇杖策  
聊獨尋健履忘暑暍冥懷會飛沈往節不可招來  
候尙堪任叢薄開霽色川原生遠心造水作昔彦

蔭樾欣故林耽玩有餘趣庶賞庶目今

姑蘇臺懷古

孤臺一望眈凌烟蠡口鴻城勢接連舞罷忽來君  
子甲夢回已失美人船荒荆春滿牽衣露族沼秋  
沈覆水蓮報越三年成底事墨雲愁到海東邊

西湖

國色天姿是此湖誰將脂粉與描樨樓臺翳盡烟  
波景歌舞裝成富貴圖垂釣客來迷曲岸蹋青人  
去失平蕪剩看山色還閒在不比楊僧到處鏤

孤山

孤山林處士卜宅占清幽出相因梅好常人例歲  
遊拜壇平馬糞眠石老車溝若是歸遼鶴還應畫  
爪愁

鷓鴣

鍍銀薤格辦金條誰把靈禽籠綺寮正坐能言常  
帶銚在教好羽未冲霄佳人得蕊曾親餵公子傳  
歌每自調慚愧恩深難報却隴山歸夢轉迢遙

畫眉鳥

誰畫纖濃一綫長攜持閨閣佐笙簧鬬聲每向花  
叢坐畏冷曾經柳絮藏象齒搜籠深護惜卵腴調

孤息齋前集卷之十

六

食費商量美人莫漫呼名字怕誤章臺走馬郎

爲計少府題照

不向祖山尋舊策却來老圃擷新叢知君富有餐  
英興肯學區區霸越翁

敏夫詩帙時安篋子訓柴車亦懶巾閒看菊花閒  
把酒不知秋氣已嶙峋

爲沈叟題照

鶴貌松身薜荔裳頰豪清照水雲鄉焦林讀罷渾  
無事懶向成都問郭曩

論詩示學者

孤忠齋前集卷之三

七

苦將三法步唐趨寬句還如記水孟君有通明犀  
一點更從何處得珠

比日風旱太甚

聖世無蒙僭風暘何太恒河雲吹絮似山礪塲龜  
能道士空飛劍明廷漢之明廷即唐之明府也自引繩爲霖終  
有望何日慰黎蒸

喜雨

空腹祈靈雨高穹有應時尙須畱晚稻未便裂新  
苗搏醵歌官府輸衣謝法師小民元感德更忍不  
天施

感興

特木無附枝方塘無曲漚奈何迂拙人亦隨世瓊  
嵬踴唾終無功效瞞或見罪不如且退藏修身慎  
所委

感友

明月懸高旻萬古光常聚人心波濤翻面背成新  
故昔日同門友相遭忽道路肥馬嘶風行千喚不  
一顧

送人之藤州

黃丹驛外路交父從古華夷錯犬牙路遇負本堆

孤忠齋前集卷之三

八

還鬪虎谿看挿芳漫屠蛇居民每自甘簞葉游客  
空煩咏橘花馮汝遠行弔秦觀古藤陰下好停車

送友人官黟蒼

由來萬里說滇陽辛苦夫君向黟蒼鐵樹雨昏鳴  
蛤蚧白茅瘴重落檳榔路從曉角莊邊盡山到和  
摩驛外長此去但須收盛覽碧鷄雖好莫騰章

戲題園壁

水紋細碎容魚沫花影清霏怕鳥翻勤布杲恩勤  
施食不知何怨復何恩

謁表忠觀

駟馬空傳吳越王湖山牢落舊祠堂錦衣無復甯  
營樹鐵箭如聞鎮海塘失勢遺民難保俶乘時倖  
業始誅昌微嫌皮置江東議玉筐煩煩貢僞梁

逢吳泰安夫子

一代人倫罄此時東中雲物也興悲傳衣幾個能  
謳紉請謚何人爲伏墀踴躍功名嗟晚路巍然事  
業寄豐碑臨風痛哭誠虛事山斗依歸更有誰

偶作

風簾逼蒜鎮垂垂小炷清香吸鼻時敲火偶然侵  
指甲自家疼痛自家知

蘇東齋前集卷三

九

有贈

衮衮諸公臺閣間問君何事尙青山文成隱豹終  
難用技學屠龍始得閒遇事祗應題石闕撫懷空  
復弄刀鐐酒家對哭徒爲爾且共垂綸水一灣

騎旅吟

在家易狂豪作客難庸峭食人一量米苦爲人啼  
笑春原無我輪秋池無我權閑置卑屋中僮僕或  
騰譙有時漫吟哦聞者首竊掉何有依人居而獨  
自號叫已乎歸去來西疇且荷蓀

日暮有懷

墜霞傾嶺容斜照冷松色我欲訪伊人前山路正  
黑

爲沈文學題照

翠莢朱英滿岸春子鷺貼貼浴波渾絕憐水木清  
輝處好箇山陰曇礪村

奉懷方行川夫子壽春

承負崔君太不情先生近亦屈卑城論文故有飄  
飄氣爲治曾無赫赫名政坐拙科書下考每聞舊  
俗訟遺清壽春郭外山如簇應更哦詩取遠聲

奉懷荷澤劉夫子養親

蘇東齋前集卷三

十

野曲難教入調堪鑄裁終自荷曹南曾憐判事花  
生五力向詞場沐用三樹屏已未南宮試首場文  
字越格幾駁放矣公以判

策冠曹三薦始售在溪公方勤捕鯉署屏公奏事  
特膺眷注何時更奉籃輿出好爲生

民一洗惓

孤息齋前集卷之二十一

烏程 凌樹屏 保釐

水明樓集 辛未下

四更山吐月殘夜水明樓嗟乎非久客孤負  
者其能見此景哉余寓齋適有是樓每秋點  
疎殘時憑欄徙倚便覺杜老此吟淒然動人  
也彼錦幄高張輝燈亂影有畢世不知矣  
首秋汎舟後溪

孤息齋前集卷之三

十

節物看初換乘時漾小舸溪澄浮鴨綠岫達失螺  
青落葉添愁思流槎無定形應憐飄泊者終欲謝  
鷗鵲廣韻收此字

是夜遂至震澤暑甚

偶思釣鱸去片席趁宵氛自倚烏皮榜其如豹脚  
蚊風纖難起水月晃漫流雲未便拊團扇驅招賴  
爾勤

湖村行

叢蘆蕭蕭白日昏太湖村中晝捉人觀察親臨壯  
士奮如墻進盾刀揮銀舞竿飛墻復何爲鼠輩迺

爾敢當輪道旁老父爲我說此賊窟穴三十春焚  
家劫貨直戲事妻子錦絕身鮭珍今逢官兵爲剿  
絕觀者尙恨前縱殉我聞是言方竊歎諸囚累累  
驅前屯嗟汝就死那足惜汝初亦是唐虞民

何字

同計秀才食蟹用韓孟闕雞韻

堆槃方錯陳據案如有待揀金離尖團剖璧碎斑  
彩甃覺饒腸豪那惜續篋殆流腹美無度戴甲猛  
常在巨手奮施鋸聲牙迫縱斂澁如鴛齒其快似  
駿送塏磔肉漫淋漓投骨何磊砢嚼殘爾未終擇  
肥我驟改煮湯尚波瀾墜席已霜皚前登品固佳

孤息齋前集卷之三

三

後剝理宜倍便擬拍酒糟且可佐薑鹽清咀異過  
屠至味非救餒吐下學誠紕洞中醫竟給縛致臍  
鹵申解盡備破亥合數雌黃愆并考橫行罪穴深  
潰堤堅攻斷亂河洩刳當秋成時往往徃竊陷而盈  
取但填壑餘饜始輸海厥類終無俊跡心殊未怠  
首駢豈其徒鼎烹所以乃奈何富貴家買汝費蹄  
絛罟師餌厚招殺獲同奏凱網羣酷摧蘇搜潛刺  
訪魄彼禍良自嬰此暴知誰宰作詩告世人庶或  
禁漁採

得句

頻年客秀州枯坐水邊樓得句惟聲應揮毫祇影  
酬風來雲滿塔雨過月明流賴此時陶寫何須酒  
浣愁

悲落葉

鏘鏘木葉下集我堂前堵定知去不返因風且徘徊  
徘徊到地終未已昔日繁華今逝水打牕拂戶  
時一聲羈客聞之心欲死心欲死可若何飄飄颺  
颺積漸多綠苔已無迹池塘又生波高樓有酒誰  
唱歌一樹一葉猶巨奈不分千林同摧磨秋霜暗  
凝白秋風亂蕭索隴樹無復春關山但月色悲落  
葉落葉那足悲裁見葉落處還見葉生時葉生葉  
落人爲老安得遲顏如葉好

聽鐘鳴

聽鐘鳴所聽非一聲破牕拉帷至使我心肝傾本  
自不成寐非關爾暗驚遙天沈沈亂星月候蟲入  
土寒嘶咽誰向空堂吟冷鐵一聲急一聲緩一聲  
連一聲斷既誤銅壺滴復雜誰樓點玳瑁瑤瑤百  
八聲打得人心如蓬轉眼光照壁何熹微荒鷄驚  
晨已復啼不信深閨中有婦尙登機卽今歲云暮  
當爲寄征衣終宵不作匹生憎鳴鐘催聽鐘鳴此

聲有樂還有苦樂者重霄逸韻流春風苦者蕭寺  
哀鯨泣秋雨

題水邊樓

面溪背郭地真偏剖竹栽茅就一椽合外內風塵  
可避極高明月喜能延鐘鳴窟室錫簫過鬼哭陰  
天宰樹連柱脚直臨磯上立祇應常繫賣魚船

依韻題歲寒三友爲鄭叟

蒼松得氣勢縱橫梅梢竹梢相間生幽人得此友  
不惡俗士應嫌境過清短策每衝雪獨往高頂時  
聞鶴一聲紛紛蘭棘那足數山中歲晚羞寒盟

西施

由來害霸豈蛾眉宋子樊姬自一時相國不憐同  
病客悟宮長白舞西施

嚴光

客星底事出巖阿帝腹便便奈爾何別有一人雲  
外臥自將雙足架烟蘿

鄒氏園看桂賦贈主人

枯坐無俚賴有花徒自酬暇日出門去聊用寫煩  
憂行行之北郭遂已凌滄洲野服者何叟扶杖迎  
船頭隨行二三輩亦各烟霞儔相見忘禮數真氣



疑須眸問客來何爲詎欲嘗新菊日此固其一且  
看花開不斐云正絕佳急爲導前旂始履徑頗仄  
漸卽峯亂抽虛明瞰窟室婉轉登迴樓雲磴松肅  
肅風榭篁修修爛金數本樹觸鼻香何稠吳剛爲  
我言時有吳君佑行昔種蟾宮秋玉斧偶見斫子落今誰  
收主戰失利我聞三歎息商風起颺颺高歌小山  
篇山中不可留舉手謝主人明朝相拍浮

題祖香菴桂鄒氏香火菴也

種曾和露折和雲漫說閒僧總未聞高士那妨歌  
偃蹇道人元不隱清芬栽從月地飄偏遠移傍蓮

孤齋集卷之三

五

龔護倍勤料得宵窻成陰後祇依靈帳散珠煩

夜泊長水塘

漁火明達汀林烟迷近浦客行爭期程巨奈前途  
阻時夜禁茫茫長水塘野戍何涼踞裁依數游舫  
差次成隊伍因之坐通宵景色殊堪數南斗垂我  
頭衆星亦旁午雖無明月光了了分川潄靜極欲  
無言風來如飈縷夢鳥警餘聲連翩向船舞

雨後樓望

客裏愁陰墮登樓喜破冥殘雲粘樹白小雨蘄山  
青地勢雄三塔烟波接五亭故鄉知便是終欲理

歸艖

題管嵩秀才吟卷卽次卷中韻

歸園詞客漫雕蘇盡燃吟髭到日晡比較清才誰  
對值令人却憶柳蘼蕪柳如是

送管秀才北試

北望烟雲霧色開送君遠出獻蓬萊諸公要識吳  
中秀此子眞爲天下才蘇筆歐陽曾放却蔡書王  
萊舊傳來定知小水難容汝好共鯨魚掣海回

送計瓊秀才北試

襖被蕭蕭秋氣侵屏衝不厭酒杯深句工春草輕

孤齋集卷之三

木

炊玉路入燕臺看築金德驥要須馳峻坂祥鳥終  
欲借全林公卿近日爭前士莫向宣和更擲琴

溪行卽事

浮青湛碧小溪深笠帽繩衣散步尋營食雁無分  
別相警機鷗有去來心樵風約浪成朝夕嶺樹間  
雲自古今客裏每思三徑好翫還不覺二毛侵

夜坐

小坐閒牕已二更枯茅液雪細無聲敲水淪茗出  
奇好就月安燈分外明庭樹影移誼吠豹帳梅風  
定靜游鼃箇中滋味馮誰會鼻息綿綿祇自應

有聞

荒城一犬吠衆犬忽爲羣不知有何異煩爾聲信

作客

作客到今時一年年不宜逢人三斗艾乞活五竿  
皮况復霜侵葛何堪雪赴髭故園梅好在應自發  
枝枝

過酒肆有羅列者歎之

背斫明駝掌斫熊食單開點太匆匆人生七萬二  
千飯底事全消一頓中

孤忠齋前集卷之五

七

獨漉篇

獨漉獨漉層水嵯峨助我者少將奈水何解一皎皎  
明月腹於雲間我欲捉月道遠難攀解二凡凡者麥  
蔽於中谷我無力鎌載前而却解三夜寢不寐思我  
良人亦有金石人不我信解四出門入門心往路迷  
父歿不墓欲活何爲解五南山白額孰云可搏荆溪  
潛蛟孰云可斫解六男兒意氣重在知心區區嚴仲  
尙交軼深解七

短歌行

滂滂白雲依依彼天衢我懷二人日月不居音響杳

冥欲卽無聞顧瞻庭堦履迹徒存鳴鳥在林我則  
玩之游麀在野我則見之彼皆無知有父有母有  
哺有乳爰得其所而我何爲集此茶蓼維風不寧  
維力不早列鼎薦牲不如負米虛墓焚黃不如被  
體哀哀我思我思孔艱華髮夜生莫贖黃泉莫贖  
黃泉事可奈何立身揚名我敢有他

同董鍾計嘉禾溪上晚歸

遠水浮如雲近水蹙如縠晚風與激揚此景殊可  
掬青山載日入山底蒼蒼巖露橫空起我亦何心  
獨展行曳杖且隨二三子

孤忠齋前集卷之五

八

連日爲乞文者勸不止

失身落路岐傍人爭使之任建共者客殺君馬是  
兒誤緣經識字勤豈念凋髭多少高文手何因不  
往支

詠古

阮生不得意馮高歎廣武慷慨思英雄趣歸何  
所我思楚漢間九州方鬪虎兩人能驅除頗亦非  
莽鹵如何許昌宮迢遞歌金土愁來且銜杯蒼茫  
誰可語

雪

陰飈吹不散雲開陡絕嚴寒入望來七寶月修霏  
玉屑千年龜盡落桑灰孤舟載荻看看重老屋支  
茅旋旋摧最是江頭添好景亂峯增得勢崔嵬

梅

獨立寒庭徹骨清嬌風膩雨兩無情矮檐屋外離  
奇出亂石牆邊自在橫一味淡交惟月色十分知  
已有琴聲欲將潑墨親烘取奈少溪藤恐襲卿

雪後有懷管計二生

寒照明雲疎晴昊獻峯積危樓此登臨千里如不  
隔因思遠行人馬首擁殘白

孤忠齋前集卷之三

九

蚤起有述

夜寒不得寐蚤起倚軒楹殘月已淪水積雪弄餘  
明遙遙川梁外時聞打水聲舟子汝何急應爲催  
租行我田方敗稼聽此曷勝情

夜坐

漸水流無聲寒星淡欲沒機心近已忘宴坐實超  
忽無奈荒村雁時時叫殘月

筍

多謝貓頭筍蒨從麕眼籬緒風吹暗長殘雪壓偏  
宜小徑尋來晚長鏡斷得遲比年方某茹添此覺

珍奇

嚴助墓碑前嚴將軍墓

承明厭處請開閭畢竟兜牟未建勳何事世人偏  
好武高標石闕署將軍

命僮料理煖具

布袍屨屨怯冬嚴取煖惟馮火一杓好趁晨炊煨  
榾柮休從夜燼覓句尖乍生熾要灰深護漸死煤  
須炭屢添若便寵娥輕處置都愁凍脫老吟髯

雜興二首

昔有一貧子負債走空曠忽遇具金象瑩然見沈

孤忠齋前集卷之三

十

浪解衣沒水求疲極成虛望既出水還清波光何  
混濛貪心殊未休終擬發寶藏如是三四問不悟  
在樹上哀哉此貧子畢生爲恨悵

昔有一窮人入市求所欲亭午市正繁萬衆紛轉  
輻中有千黃金璀璨實耀目其人攫之去乃不顧  
吏逐試問見人否答云子已慙我眼僅兩眸金在  
暇他曷哀哉此窮人沒利一何酷

寒夜怨

月微微星離離長河東斷天無輝君復不來當何  
時豈可更蹋嚴霜歸燈將燼夜未艾妾心飛妾身

在相思隔重雲朔風吹羅帶

梅下偶記

杏屬神仙柳屬官此花日日倚風寒幸然開向嚴  
冬候尙有人來取次看

燈下偶興

如豆燈光照壁斜敲水閒弄筆塗鴉無端漏得舩  
梭月明却南牕一半紗

雪後書所見

雲開仄日綸晴沙閒挂枯藜趁水斜殘雪大爲眠  
月褥斷冰鳥作掛星槎得暄漁艇疎疎出畏冷田

念翁集卷之三

主

家一一遙莫怪老夫貪晚興餘冬幾見好烟霞

十一月十四夜月

緒風無力雪無權淨洗浮雲只剩天澤腹已消三  
尺厚蟬胎先借十分圓一箇青玉垂垂合萬里銀  
盆處處懸自是嚴冬好風景却嫌明到客愁邊

農家

稻場初罷冬醅熟了罷官租萬事足江上雪深鎮  
掩門全家向火煨貓竹

漁家

披茅縛葦兩三屋時出江頭就江宿論斗賣魚升

買酒明日蹋波還放麗

二十三日雪

袒褐濃裘漸次侵早知門外雪深深先生瞑坐澄  
觀水稚子開牕白滿林細欲無聲輕著地飄疑有  
意亂堆岑應緣近逼坤寧節豫使瑤華舞不禁

得三首

駕空無柱立無根擔肩敲鬆出意新聽到銷聲方  
道假看他五處直疑真榔來仙杖晶爲地結就龍  
欄玉是鱗便欲鞭驅東海去却愁觀旭太無因

念翁集卷之三

主

正作連岡側作峯阿誰堆築倍玲瓏有時忽下紇  
千雀何處飛來箇爪鴻占相未須嫌肉少因依都  
被笑冰融紛紛隻履踰蔥去可有禪修到此中  
可是中嵩未授衣却來溪畔立寒暄葛三懶作遊  
仙夢膝六偏忝古佛機易化凡心難刺骨教添寒  
相莫爭肥祗愁敲盡門前月待到烏升總不歸

午夜聞鄰叟聲咳

林月清流帷燈花淡入夢時聞鶴鶴聲峭自駢隣  
送

夜起

慘慘天氣沉泯泯水聲絕獨有孤樓人移燈照積雪

送董生歸南潯

董生囊無陸賈千金裝亦不至家徒司馬四壁立  
愴然揜被辭弟舅從我秀州把古汲汲古亦何好  
我方窮餓荒江道董生此意良獨堅萬衆不挽出  
峽船愧我於生了無益紙牘相對徒逼窄又恐明  
年捉將官裏去欲倒壺蘆向誰擲丈夫有志事竟  
成積絲爲錦蓮化楹柯古小年還作劇達夫壯歲  
終成名尊聞行知古有是人生何必常相處西山  
有白雲南雪有幽渚置身於其閒足可窮豪楮感  
生殷勤爲生云雖後老生之言益可取臘月遄歸  
且闕門磨穿鐵硯硯彼何人何況生是詩翁之子尚  
書孫

蘇東坡前集卷之三

幸

瓠息齋前集卷之二十二

烏程 凌樹屏 保釐

倚蓬集 王申上

凌子自年長來無日不爲旅人頗能以槃墨  
自遣是秋將有事於

京師托命蓬脚下者殆五十餘日江濤之陡  
作檣月之淒涼蕩心怵目諸趣咸以一咏消  
之倚蓬孤嘯蓋與緯夫之邪許相唱和焉

蘇東坡前集卷之三

海鹽塘觀潮

央皆何空濶烟雲忽縱橫怪風吹海立懸蓋與波  
傾鷺羽紛紛下鷹窠遠自崢可憐達魯亦曾此怖  
虛聲

雙鳳寺

化鳳何年去禪林此地開向謂函玉匣無復布金  
臺說法僧羊啞繙經佛貝摧風幡日夕動流影自  
徘徊

舟中望玉峯

近無襟帶遠無垠陟立平田勢較尊高築松坪涵

塔寺別開樵路到城垣半椒時有巖泉立絕頂應  
聞海浪翻最是客舟輕易過誰從雲際採瑤瑤

夜登吳江長橋納涼

鐵鎖千尋遶湖風四面通不知秋月上何似水晶  
宮

殘夏猶行令初秋未執權微霜凝不下清坐石關  
邊

許關夜發

不知有底急辛苦理征榜好風復迫之薄暮孤颿  
颿殘曦遠淪波哉魂淺街嶂重關驚鴨鳴清廢柵

鄒愚齋前集卷之三

三

鷗傍一螢亂群星遙自天邊漾露華紛在衣夜氣  
實超曠况有同心人共坐船屋上都忘故鄉違臨  
流且高唱

曉行毘陵道中

夜辭闔閭城朝至蘭陵郭三江眇何許雲氣闇蕭  
索圓紅破層青蒼涼射颿脚初霜已報秋颿林染  
灼灼裏頭何婦人臨流汲綽約應爲苗久枯飯夫  
早移壑

從京口望金山

一柱壯東南遙從京口探濤聲沈佛閣日色變烟

嵐北府傳杯好中冷倚權堪如何阻尺水不早趁  
風酣

是日至瓜州

已至瓜州渡遂凌浮玉山荒江青草合勝境白雲  
還地僻城藏鬼州城外有土壩圍時清柵集鵲每  
逢波曲處定著幾魚蠻

七月三日至楊州

沈沈槐初黃點點楓漸赤落日淮南道天然好行  
色移舟月壁隨蕩槳水花擘我意方獨清鼓吹何  
太劇

鄒愚齋前集卷之三

三

同胡咸二君遊紅橋

暫解征鞍作勝遊紅橋臨眺思悠悠兩三個伴不  
爲少六七里塘殊覺幽是日遊楊柳疎邊橫古寺  
菱荷密處散漁舟酒壺閒盡無誰買玉佩從教底  
處畱

高沙道中

澄澄甕社湖蒼蒼淮海道初霜落木嚴彌望足青  
草蘇骨無風清燠擁白日呆我病安足云所憂在  
維寶

午後遇雨

豐隆曷日玻璃碎癡羊蹋空雲脆脆珠迸散不可收象罔蒼皇嗟坐廢暗門船上倚蓬看絕勝高樓捲覆鬱洒然不獨清人脾穠稔千垠增氣槩

界首阻風

百丈墮地行不前長年三老枕手眠雲氣橫空天連蜷封姨作劇何厖闔怒特抵樹根株穿河魚上岍石走鞭黃埃歷亂鳴飛鳶列子欲御愁掀翻壯哉宗慤仍遷延道傍祇神貪氣有百禱不應終打船狂飈入夜勢未峻可憐茅屋小孃方哺子土牆倒塌柱破顛

孤思齋前集卷之三

曉過寶應

一城埋水底冥度未分明堞影烟中隱湖光柳外清履霜朝井汲帶月古原耕何處驢綱發蕭蕭已

淮陰城下

滾滾長淮獨倚輪少年指點出危津亂楊衰草城灣路最稱寒流隱釣人

漂母祠有懷韓信

進一飯償千金韓侯報恩何太深漢王之恩豈止一飯乎何乃區區疑侯有反心我思漢王不殺侯

當無平城羞將兵十萬橫行胡此事那許噲等俱使侯左挾澤盜右黥徒驅之攻戰單于頸血不足膏犀渠君不見唐帝能容李衛國顏利突利之二虜老死刻作昭陵石

初食鯽魚

出水鯽魚好相教市上求擬鱗差少骨比鰕不勝鉤時命遭枯轍生涯寄濁流我來新物色風味轉清幽

晚次宿遷

濁浪纔過權便輕片帆斜趁晚風生桅燈遠出鍾

孤思齋前集卷之三

五

吾國岸草濃連下相城骨董殘炊村店飯蝦蟆亂點戍樓更何來野叟攜籃至向喚鱸魚向客迎土人意錢博魚為鱸魚

窑盆口

地異官宦驛名同鑊子城葺茅成井落聯舫當軒楹冷集知逢亥荒田孰請庚蕭蕭殘照外尚有客期程

贛榆道中卽事

小風催雨故徐徐半幅帆開自有餘一任攤錢兼格五可知揮扇也輸渠

霜樹稜稜滿岸秋短篷掠過不知留鳴鉦忽近魚  
蝦市無數罟師亂傍舟

黃茅坡外是通津白草原邊幾比鄰村婦盈盈抱  
甕出簪花斜插也撩人

高粱被畝黍連倉向有村叢擷草芽却憶江南空  
屋裏也膏翠釜煮霜花

三里夫房五里墩沿河制度劇紛繁年來清晏渾  
無事盡向荒墳打野狐

洪河水濶定何如輕易乘危截小舸却有販夫橫  
策至臨流麾渡一群猪

《鄒魯集卷之三

六

新埽裁成故故斜無邊烟水接平沙夕陽盡處帆  
隨落野店開殘夜飯花  
紛紛白露滿船頭百丈牽連尚未休枕畔忽聞鄉  
語改計程應已到鄆州

羽山

青山一別過江來此地欣逢夾岸開蘊蘊烟鬟明  
似畫却教何處問黃能

萬年閘

此聞何年築將牢勢未傾人家依水住黃小弄船  
生過客驚危浪篙師赴急鉦晚來邪許歇澄練自

空明

夜過八開

星束波成怒天昏勢更遑孤燈沈野戍斷索上危  
磯鼓急人爭奮驅輕鷁退飛曲肱船屋下我意轉  
忘機

洳河

一水分滕沛千山擁魯徐殘楊開遠色叢蓼占清  
渠臥犢秋原靜成龍故澤虛野田無限好麥龍已  
興鋤

舟至夏鎮

《鄒魯集卷之三

七

灑灑波流疾霏霏烟上徐早霞出遠岫初日開近  
墟鶯喉臨波迴茅簷阻岸紆危梁橫開口式週孤  
帆但投身入驢隊鳴鐸方紛如殷勤樹頭鳥頗勸  
提胡盧魯酒豈不佳安所求汶魚秋風淪泗水我  
懷竟誰抒

棠邑

湖陵城外水平隄無限烟波接驛西剩看圍魚兼  
箇蟹不知若個捨鯉鯢

任城太白酒樓玩月

我來登酒樓不見飲酒人樓頭一片月千古同清



輪酌酒語嫵娥念汝復無鄰往者不可作來者且  
復親危闌一以眺爽氣澹心神對飲成三友故事  
堪因陳窮途無賀監孤趣聊獨伸坐久覺夜靜燈  
火散城闌蒼蒼白露下杳杳長河泥遙天何淡施  
淨滑無纖塵流光照濟水秋風起漣淪還思古人  
飲此景或未臻

分水龍王祠

瀛海無風平不瀉瑤天日出紅雲鬆老龍醉倚珊  
瑚秋帝遣西來司漕舟手擘岱脚殘軒坵力引汶  
源劃狂流鱗長介屬紛效籌金犁齒盡無時休屑

孤恩齋前集卷之五

九

波沄沄如沸油空中叱咤鞭犀牛枝濤脈浪南北  
浮詎徒吳粟來皇州巨扁小舸相牽鉤判羊宰豕  
爲龍酬龍君安坐此水頭住龍紺殿水綃幃筆簪  
噴吶雜唱謳傾耳清聽忘百憂慎勿東思三神洲  
無塩城

沙崩岸走幾成塵灌木叢邊指點新蹊衝寒今  
日過陌頭無限宿痾人

聊城閘口

孟婆風打頭龍姑潮送尾風潮互激撞扁舟蕩未  
已况彼削成厓橫空方兀峙竹簟紛挽之退尺而

進咫尺萬衆忽驚譁一夫危墮水轉側十步中瞥逝  
知幾里羣救始出淵心悸不暇喜哀哉是途險詎  
異呂梁決我身良不貲何爲輕涉此仰愧衡門人  
晏坐玩清泚

道旁碑

寥落秋原駐客輶國焦脚下一碑停巨書深刻何  
官績剩與勑忙擁豕苓

初至臨清嘗新棗

地出清源口時當剝棗辰離離初著案纂纂舊垂  
鄰歲晚心仍赤霜深體遍皴馬通熏更好牛背載

孤恩齋前集卷之五

九

從新入海求非易連街買亦珍煮來宜社酒籠至  
藉秋筠餞蜜娟娟淨堆梓顆顆勻致希千樹富聊  
佐一餐貧細嚼鎔丹粒清咀引玉津饜餘知便足  
勸食每煩頻候栗寧同味鶯梨自別春相交兩不  
厭扁豆與俱陳

德州浮橋

地割燕齊迴橋連青冀通落槽瓜蔓水過客馬牛  
風管鑰知誰掌馳驅笑我同鳳城行便到應不歎  
途窮

中秋泊頭鎮夜泊

前年夜泛吳淞櫂秋月涵江何浩浩解衣換酒不知貧  
乘酣還倚垂虹嘯去年玩月秀州城王人雖鄙猶有情  
菱果飢舛焚煮酒藏閣戲毋無停聲今年飢驅走京洛  
扁舟獨向荒江泊可憐明月尚依人可憐風景成蕭索  
提榼入市煩柁工槽坊不見珍珠紅有客有月苦無酒  
船頭愁倒多鬢翁汗酒葱蘢北人食老我此生嗟未識  
同舟相勸勉爲歡尺恐婦娥笑僻齷交河月色方如銀  
且坐風前岸角巾遙知此夜同千里吳娃越處徒愴神

滄州城外守風

孤息齋前集卷之三

十

橫海濟州颶驚濤八月天何堪風挾水復此岸機  
船土郭無散桂柴門起暮烟憑誰沽酒去聊醉野  
花前

靜海

面水開雄縣風光壓一州茅檐時蓋瓦土俗愛居  
樓稻蟹徵年稔魚鹽坐客稠那知瀛海外有此足  
淹留

楊青驛

千林衰若此古驛號楊青應自鄒吹後春風扇未  
停

天津

到海無多地通天寶要津浮螺傳異域犯斗少凡  
民地重新分守城雄舊列屯遙遙雲裏關佳氣自  
紛綸

武清道中

正是橙黃橘綠時此間風物太離披道旁亦有撥  
人眼蕎麥花開白蒲陂

舟至張家灣因作十二韻

冷守嚴阿豈市名蕭蕭襪被且過行計期夏日兼  
秋日客路山城更水城去雪怕看紅菱老過江又

孤息齋前集卷之三

十一

見赤楓生竹西漫作悲吳賦淮右空深弔楚情祖  
楫乘流容汎汎李樓醉月故盈盈送帆喜值龍分  
浪宿水聊煩鶴報更占卦每憐州是濟望仙錯羨  
龍名瀛風塵已自甘趨走博散終須仰化成晚上  
天津還悵望遙瞻  
帝闕倍屏營叩關難免牛車稅入境慟勞驚候迎  
此去軟紅知幾輩從來漁翠少人爭無端拋却棲  
賢嶼也把鉛刀試荆楨

是日售車未定尚滯舟中

一隻琴囊半檐書鞭備邀勒亦憑渠須知足藹深

山憤未要時苗薄畚車

登岸後勞舟子

勞汝崎嶇行路難替儂擔險替儂歡可憐乞覓知多少也似忘身博一官

臥息齋前集卷之三

三

臥息齋前集卷之二十三

烏程 凌樹屏 保釐

緇衣集 壬申

不蹋軟紅上者十四年矣山肥水脆有以自樂重此遨遊何爲哉抑古人不甘槁項死牖下非無意也顧以蹇驢行于道旁青雲故人方賀將作折腰下吏亦復何堪雖頗欲執巨扇障元規塵其如敝衣已緇何

臥息齋前集卷之三

進沙窩門

沙窩門外塵蔽空沙窩門邊車鬪風蟬聯疾走何者子嗟余亦復隨其中余本吳興老釣碣重來此地誠太拙林猿著冠強追羣只恐明年腰盡折俗人頗勸出泌衡塞耳不堅仍遠行既至且欲成我過道逸何敢效韓生城門九軌勢典凡溝深牛劣知難拔手挽長轅著意推一任前途泥滑滑

初至全浙會館遇杭州同年徐丹廷 世樞  
十年不蹋長安道薄暮投門與草草滿庭車馬知是誰舊雨飄零今雪少清晨懷刺走長街潑面紅

塵何繚繞歸來獨臥方愁歎不謂故人履先倒瞥見渾疑非昔遊話情始覺殊新好莫嗟李子衫青遲應訝江生頭白早客中相對互流連硬雨打聽風破襖九天轉眼

帝絃開陰霾况復橫空掃看君去作立地仙愧我寒靴蹋水曉

送閔敦甫下第後應河南賓學使聘

塵于黃金臺驅車廣武驛名士雖途窮仍爲巨梁客霜風十月寒馬蹄踏水圻此時臨送君相顧爲腕搯明珠不見收剩與蛟龍獲洞夜試懸空定有

孤思齋集卷之三

光幾尺

送嚴進士彭年之任竹山二首

如聞麋子國伯仲武功閒地僻城名竹官清署對山印箱凝暮靄衙鼓韵秋潺同日飛鳬者無誰得許閒

此地少名宦遲<sub>去聲</sub>君方有聲貧雖供像給動要戴星行課種茨田稔頌條錫穴清到時須報最莫但計年程

雪後喜同年欽時瞻<sub>性瑞</sub>錢筠清<sub>璽</sub>夜至

朔風擲雪亂吹塵旅館蕭條客思新失喜故人衝

凍至更燒殘燭話愁頻憐予五斗腰須折怪汝千金子尙龜但使

聖朝公道在吾徒容易致孤身

贈姚明經念慈<sub>汝金</sub>

敝衣羸馬走紅埃漫把靈修托鴿媒文似香荃常薄命世無狗監孰憐才時名已入題襟集壯志還登市駿臺最是苦辛忘未得也因見獵喜心垓<sub>時</sub>見示所擬進士程文

爲章給諫悼亡妾

幽響疑聞箏餘薰憶虛室最是鐵石人易爲情蕭

孤思齋集卷之三

瑟春風扇綺林百卉競芳茁但見桃李花不見桃李實更忍粧臺傍重睹舊弄柳連理絕扶枝鴛鴦匹小匹標華難久畱此理何可詰哀哉六如亭竟少成丹術<sub>丹成逐我三山去東坡朝雲詩也</sub>

孤鵠吟爲新安吳貞女作

南山有珍樹其名曰女貞但棲孤飛鵠不住遷枝驚啄食瓊田粒制羽丹坵泐生來本廖廓塵埃何由撓終身不作偶賦命良奇清分守冰霜節甘作羈鴟鳴彼美感此鳥援琴寫其聲撫絃再三歎素志與俱明

戲贈戚二道然

有客戚道然齷齪情龐日高眠未起紅帕蓋  
膚所事無一就自謂多才請時時出巨言白丁傲  
鴻儒卿里擯不收長安來驅車朝遊碣石館暮宿  
燕臺墟高歌酒樓上相交盡狗屠而我與之友庶  
其忘時趨

鈕布衣恒乞題辭行脚小影影未成而題詩已盈幅

驅車長安城忽遇辭行脚華顛曳敝屨興致何落  
落柳示一弓書謂是題影作羣言富珠璣狀目殊

不患齋前集卷之三

四

濶畧被衲或禪逃畱樂尚俗縛首非釋身釋奇製  
堪怪愕我欲乞影觀而云徒寄託始知日出卮虛  
空勞刻鵠叶鄙趣則不然有法儘安樂流雲必歸  
山濫水定赴壑君亦方內人詎能久寥廓願繪掩  
關圖題辭重吾屬叶

雪後天街有望

萬家烟火鬱蒸雲亂雪飄來似不聞最是袁安僵  
臥處更無人掃自紛紛

謁文丞相祠

丞相祠堂蔭古松靈旗遙指海南風才如諸葛仍

爲虜天立匈奴合死忠木主漫題元太保孤魂向  
護宋灝公桂椒寂寞遺棺在刺與鄉邦後學從見  
明都御史李公邦華傳

宮牆外步月

襖被淒清睡未曾流輝照破夢瞢騰循牆漫逐簫  
聲去遙見紅樓一點燈

黃金臺懷古

燕王志復仇招士黃金臺可憐士未集騎劫已先  
來築宮師事禮已太不辨賢愚但始隗高臺懸著  
干黃金奇士慕義貪走賄駑駘雜駕上將更樂生

不患齋前集卷之三

五

不得成功名區區徒怨燕後王先王採擇毋乃輕  
始知相士貴獨識黃金中求無全得

送軒轅同年由庶常改縣出都

淡日疎烟弄曉清廣寧門外雪初晴知君不是驢  
車客又先春風出

帝城諸京官皆乘驢車出入有改縣者則衆共擲  
榆之曰渠有福相定不合在此坐驢車也

和計瓊在都聞亡妾

載馳金齒車訣別玉搔頭相期畱顏色詎謂成千  
秋離情逐日遠華艷隨波流應爲相思苦終遺獨  
客愁藥粉知誰乞花鈿若箇收木皮束素骨荆樹

寒孤坵化烟那可接旅枕或來遊微無燕趙王此  
怨難爲酬

客邸同友人讀元史

奔車輾轉走京塵窮巷泥深斷過賓奇士遠來泥  
子午遺編勘得帝庚申風清煤銍烟銷盡日煖茅  
檐烏下頰如此生涯終不惡儘他人笑是愚人

覺羅成桂雪田見訪因贈

清時龍種貴異代玉溪才酒以朋盡心因琢句  
灰憐余方臥雪屏騎獨銜埃此事誠希濶君曾有  
幾回

孤忠齋前集卷之三

木

海淀

閒來海淀駐遊韁野老相逢話特長指與

仁皇舊種樹綠陰深覆虎皮牆

慈仁寺

寥落前朝寺曾聞竭帑金雀離餘日影蛇蛻出堂  
陰白法關興廢紅塵自古今敗松三兩樹風過尙  
稍森

送閔孝廉先王罷試南歸

辛苦游燕客中途病孰憐還將吟瘦骨重著記程  
鞭凍雨江南路春風笠澤田歸時同父老好好咏

堯年

蒙章給諫延譽微作却謝

長安落葉正翻翻辛苦騎驢蹋草根每恐忘懷衝  
尹節豈宜獻技向巫門如公賞識真韓愈舉俗吟  
詩愛許渾賴是吹噓能長養不教黍谷失春溫

九弟越昂自陝扶三伯父樞歸晤余於家  
今復訪余燕臺喜極因作

燕郵秦傳各三千再見何期在一年因憶輜車臨  
奠日恰逢樽酒話離筵春山好在成防墓秋水多  
煩下潞船非汝遠來誰慰我此間塵海正茫然

孤忠齋前集卷之三

七

聽九弟談華山之勝

費盡良工繪畫才面峯背岫尙疑猜吾家少弟談  
差勝曾向昌黎哭處來

冬夜陳作梅同年招飲時已入御史臺竟  
失申賀作此愧謝

林烏啼罷夜霜嚴籠燭投門喜未緘却愧臨筵追  
肯歎都忘署紙換新銜懶床尙許黃同鼓整坐仍  
容酒潑衫不是豸冠偏念舊那教禮法一時芟

同閔四位思聯車遊廟市

旅館噓和風天街淨小霎無事此獨居好友來何

怡僕夫前致詞廟市聊堪狎因之同車游適興任  
所涉輓轡亂人聲並坐失欬洽別當一閑時有載  
互推壓攫金亦有男投果亦有妾勝母曾迴輪若  
耶或返艤我徒懷素心茲行曾未協明日飽飯餘  
西山屐可躡

初發彰義門

誰捉將來到

帝城又馳毛檄出春明馬蹄曲折隨人意山勢迴  
環阻我行栽柳敢希元亮節殺牛終愧子輿情殷  
勤爲謝江湖侶畱取絲竿待後盟

蘇東齋前集卷之三

八

過易州遙望

泰陵恭述

壓紐歸

直主庚橫啟

聖圖弛張文武道喜起禹臯謨斷物乾金利仁民  
解澤濡化漸龍朔遠先被日南俱服教還皇代瞻  
雲自帝衢蒼梧如可接佳氣正盤紆

沱河道中

十里沱河道艱難阻客程岸回成蘄屈馬德作驚  
行倦息沙堤樹饑餐土銚羹日斜猶未達容易到

秦京

行次襄國城外

波流曲折繞陂田風景江南覺死然却愧柳陰鞭  
馬過更無人繫釣魚船

過黃梁祠

一枕黃梁事繆悠俗人底事苦推求若教小說三  
千在淫祀還應遍九州

井陘懷古

井陘之水深且滌時清已無戰血流道旁古廟何  
者氏路人尙說淮陰侯憶昔淮陰方乘勢潛師直

蘇東齋前集卷之三

九

下樹漢幟四十萬兵談笑摧馘取成安如孤雛因  
人成事魯元翁推讓不敢爭王封請假填齊事應  
爾定魏平韓况例同都尉獻謀相進策淮陰心血  
凝成石單父牝雞那足言知人赤帝竟叵測抱憤  
山前土門切亂鴉叢木風蕭蕭陘中父老明侯志  
頻來戰地酌村醪

渡淦水

烟收曉氣清驅馬出磁城一水源恒太中流劃豫  
并已無鳴劍客佇慰看花情況入河陽境春來日  
日晴

過湯陰謁嵇岳二公祠

晉衰宋季兩忠臣死地生鄉各此存  
閭王尙憐衣上血英君不辨獄中冤  
家居終使短青壞國計那堪長脚論  
今日祠旁雙酌酒夕陽古木暗銷魂

次修武經漢禪陵

驅車路入卽侯國道左猶存漢帝琴  
欽少金銀無盜斫地多莽灌有狐侵  
於今過客還追悼當日羣臣孰送臨  
比較鄴陵封掃絕此碑嗟足慰人心  
初聞有知縣某立碑於陵道云疑塚孰掃天道神明

河陽

八思齋前集卷之三

十

踢破芒鞋趙際霜春風隨我到河陽  
可憐潘令栽花地一路蕭蕭盡白楊

狐息齋前集卷之二十四

烏程 凌樹屏 保釐

關中集 起癸酉迄丙子

關中古帝王都山川奧衍形勢雄勝  
凌子筮仕於此宜其激發壯心富有所作  
顧入則衝書縉筭出則馬足車塵日不暇  
給間從案牘予休鞭筆告庠一修靜業亦  
殆同於勞者之言情邪許雜唱無關風雅也

八思齋前集卷之三

十

入函谷

右帶黃河左挾山陡從險處立重關  
人行蟻穴盤旋窄馬踏龜穹上下艱  
極頂有田還斫燒到平比地尙孱顏  
由來此隘雄天下歷弔前朝總等閑

雨中望驪山

臨潼山色鬱然青嫩雨披渲倍有情  
恰似阿環新浴後料遣無力倚風輕

貴妃池

入月痕銷舊石臺殘膏猶自費人猜  
祗今無限湔裙女可要金錢竊賜來



過王猛墓

道旁古塚鬱鬱紫貫酒相澆更阿誰愛殺可兒王  
景畧漫從荒草覓殘碑

曉行華陰道上

曉氣鴻濛夜氣闌削成山色隱雲端天公似惜芙蓉面故使人從鏡裏看

霽後望嶽

日出咸林氛霧收羅紋橋上恣勾留好山於我如相識疲馬看渠也自由紺髮雲隨地湧青芙蓉  
朵倚天浮漫言羅列兒孫小除却三神恐莫儔

鄂忠肅公集卷之五

三

赴醴泉道中卽日

雨過秋原送早涼漫綠公事駐遊疆眼前好景憑誰繪  
蕎麥花開白似霜

吳江戒穀四十雙壽詩

和風扇今日休沐平陵旁瀏覽先民傳我欽孟與梁  
梁孟咸陽伯鸞旣高抗德曜殊矜莊嶰竹無異節  
梁孟咸陽伯鸞旣高抗德曜殊矜莊嶰竹無異節  
節谷蘭有同芳五噫歌未終遙集吳之鄉質廡表  
奇蹟舉案垂休光委結固難究彼傭詎尋常讀罷  
再三歎此風或未亡矧茲泰伯國遺澤正流滂作  
詩詒我友聊復代春觴

茂陵懷古

荆榛茫沕胥古闕野雕擊兔出復沒老農知是前  
王墳日夕驅牛惜不堡憶昔輪臺未悔時凌雲意  
氣何飄忽勒兵親歷龍沙庭求藥遠探蓬海窟平  
生頗笑秦皇愚到底終疑軒帝活將軍方士更迭  
侯且學長生且戰伐一朝失勢臥荒丘霍光不爲  
誅陵卒黃金餌盡不得仙秋風吹散英雄骨邇來  
已是三千年阿母蟠桃生幾枿

郊外曉行

灑塵初過曉蒼蒼隨意如原緩勒韁殘凍尙畱山

鄂忠肅公集卷之五

三

後白濃薰不斷馬前黃漫隨野叟歌耕鑿閒逐村  
姑話柘桑自是訟庭公事少任他蔽芾一行行

夏夜渭河舟中作

澄河浸碧天夏月光亦輝扁舟集勝侶清簫吹單  
衣旣銷煩暑酷兼脫塵埃機旁瞻復返矚昭曠心  
無違沉波蕩不定前山何微微斗杓壓城角孤雲  
與俱飛余懷正澹絕萍寄聊因依底處洞簫聲愴  
然感人幾

書禰衡傳後

行厨借面彼何儔帳下兒輕八及劉當亂餘生應

自厭此才盛世亦難收蠅爲帛客傳文趾蘭定鋤  
門記益州奇士兩邦皆糞土不徒許下辱岑年

涇陽楊明府寄蠟梅

羅浮夢杳未成春冒雪侵霜別吐芳小朵真如懸  
磨勢折枝亦具臥松紋也勞驛使頻煩贈知自焦  
亭取次分從此膽瓶得清供退衙粗藉浣塵氛

雨中往肥牛亭就野廟小憩卽事

知時好雨浥輕塵麥浪含風次第春慚愧出遊非  
段相喜看遺俗是周民野叢偶藉蒲爲坐田父多  
煩酒泥人最愛閒閒采下女紅搥披著往來頻

孤息齋前集卷之三

四

同友人咏老秀才和唐路德延小兒詩韻

顛毛久颯然絕意闊時鮮花樣從渠換蒲姿祇自  
憐易增愁縷縷難續息綿綿帷帳新專席宮牆舊  
及肩冷嘲羌博士嘉錫地行仙挾長寧居後嫌衰  
必讓前容顏秋後柳被服雨餘蓮督客書驢券呵  
鄰謹突烟諸生推識路同輩莫從鞭飲社欣駢會  
吟壇怕率牽繡經肱印石玩帙眼流泉苦索修髭  
鑷偏慳買字錢問年無杖賜安步謝車懸驥足雖  
慚展牛衣尙力揎看今溝斷委悔昔火明煎試冶  
金曾躍文場鐵幾穿纖夫虛佩劍嫖女強施鈿盡

孤息齋前集卷之三

五

燒三條燭仍寒一片瓊負車遭衆棄逐兔未時賢  
分任雄心折脚開笑口圓魚枯還濕沫蝸老漫生  
涎出卜非求達朝星自祝延惟期耽寂冥庶或解  
徽纏氣靜常調鶴心平却佩弦逢人譚往熟遇事  
把牢偏喜怒都教拘兒童數被鐫懶窮非馬辨間  
破啞半禪有筆宜成家無文可壓橡謀身良足足  
啟後實拳拳課子臨唐帖教孫賦漢韞冬臆嚴映  
雪春旬禁飛鳶遲暮際期在經營意氣旋趁閒修  
敗軸捉空理餘牋顧我無秋駕何人肯夏絃典型  
爲世重弓冶况家傳事業屯還吉生涯蹇復連驅  
豚頻出市放鴨亦行田耐冷當風立貪暄炙日眠  
敬斜扶老側顛倒養和邊澁足憊疲衛多言笑晚  
蟬時時懷感繫往往味由緣仄徑行來慣殘編記  
得全快心無忤物失意或呵天眯目求晶佐枯腸  
索酒填禔那殊涼水拾唾定伊川幾許撓鄉曲兼  
看闌客筵杖藜先擊肺束帶首懷磚席帽偏添縫  
襴衫不上船枉參膠序座空負鶴龜年作頌聊譏  
切無須怙老顛

橫水道中

客路小停車清風拂面徐泉聲新雨後山色曉晴

初廢縣成村堠遺民趁野虛僕夫敦夙駕前路恐填淤

三良墓

在鳳翔城外去穆公墓十許里

橐泉宮外亂荆榛飲馬池南草不春曾說三人同殉節却教兩地各埋真荒村暮雨飛搏黍故郭秋風沒臥麟無復遺民澆麥飯我來臨穴轉傷神

過乾陵有感

粉冢衣陵各可悲楊妃墓有粉德宗沈太后陵以衣墓媚娘遺穴費人思無端玉匣畱顏在更甚金輪掩跡時易少鷄皮應得道難銷鎖骨更成癡始知速朽非虛語辛

孤思齋前集卷之五

七

苦三泉下錮爲

班昭祠

班馬才高號軼倫扶風有妹繼清塵一篇銘頌誅奇士兩漢文章屬婦人誠女著書殊婉婉從兒作賦最嶙峋應教此地諸儒輩行過荒祠總駐輪

永壽縣

唐時脂粉邑明代懿親藩無復吹簫館空傳曳履門縣幽疑野墅城陋逼荒原尚有淳風在人家足黍豚

牡丹

分得餘霞到藥闌定教把燭不勝看鴛鴦機細襲蒲萄錦翠袖高擎赤玉盤多謝朝暉能助色縱遭夜雨也禁寒李成若遣曾相識應悔殘山沈筆端

縣齋讀書

松樹何蕭疎衙齋且清穆吾徒幸無事宴坐此理軸敢言今有優庶償昔不足六經紛在茲何者堪私淑計簿最牛毛所好固已獨老吏旁笑之直前送案牘渠詎知古人飾治用書麓

郊外卽事二首

豆花驕紫菜鶯黃麥浪風過勢抑揚最是岐南好

孤思齋前集卷之五

七

風景殿春不數牡丹王

高下岩岈盡麥田那容片石闕孱顏始知無限江南髮不及周原垃圾山

弔劉御史之劾墓

凶明兩寇盡秦民此地偏教產節臣口食青萍還罵賊天遺一老竟何人

從軍行二首

朝辭關山道暮宿哈密城哈密亦云遠我行無半程豈不憚久役王師固有征志士死溝壑壯夫急功名況此巨猾虜積惡貫已盈慷慨躍馬去爲君

斬鯢鯨

陟彼賀蘭山，獨望沙漠地。雲屯百萬兵，悄然從此逝。如聞將軍賢，愛士如子弟。恩深性命輕，義決犀兕厲。願祈名王頭，手持酬意氣。寄言閨中婦，勿墮登樓淚。

題張魏公傳後

身膺陝事已，誰披誤盡張王更。屬誰張王庶，皆喪不斬曲端明。國法可憐趙哲又亡師。

武功謁蘇典屬國祠像

苦遣降胡死，不能遂教殊。域服風稜繁，書終自煩。

孤忠前集卷之五

八

常惠送別何堪復，李陵歸國勳名嗟。漢落盡圖省識，想凌嶒但雷麟閣。儀型在，銷得鄉民歲祀丞。

喜聞北路行營報獲準酋

如聞直北將近已，定龍荒地博曾萌。藥園深敢跳梁，百年通寇盡一戰。

國威張却笑漢邊吏，徒擒甌脫王。

泰哀定西副將軍班公奏贊鄂公

軍威驟振不虞生，小醜偏偷上將營。詎信莽蜂能螫毒，可憐哮虎竟淪精。勇傳免胄同先軫，怒欲穿齟似杲卿。但使爲靈堪殺賊，何愁逋寇不時平。

岐西送友人從征

瀚海如聞尙箭傳，謾勞草檄赴軍前。去從鳳女臺邊路，遠到鷹婆塞外川。莫爲功名枯戰骨，好將談笑靜烽烟。却支北闕須臾事，相見還應未判年。

題抱光子撫琴樂易圖

曾廬墓六年者

鄴中習鍛人知琴，不知易彈盡太古聲。竟昧藏身策，成都賣鷄翁。知易不知琴，研盡太極理終無希。世音胸吞丹篆手，綠綺世間乃有抱光子。靜時穿綺動鳴絳，乾坤迴幹山水徙處以錦囊垂以簾肯擲宜和肯卜市敦節常占巷，逕園寫情不採搏霜。

孤忠前集卷之五

九

履幽人孝子，併一身義畫文絃。各有以憑誰作此真趣圖，置身榮華茸裏，閒庭蕭條晚色澄。裊裊爐烟自滅起，畫譜有焚香讀易易焚香彈琴圖

雨夜

雨夜一燈明，無誰會此情。祇應在堂蟀，相與感秋聲。

周公廟古楸歌

地乳之山去天百，中有卷阿最奇特。王誦公奭昔曾遊，親卜祠宮報旦力。秦灰漢燄五千年，牛鼎鷄尊求不得。惟餘靈楸四五株，日夕凌風自壁立。霜

身劣足數人圍雲頂危高幾尋尺分得蟠枝珠樹  
坵飄來沃葉扶桑國白日蕭蕭作雨聲清夏愔愔  
變秋色蟄龍蟠屈十畝餘遂溉神泉自封殖廟左  
泉托根况切朝陽岡羣條萋葉交相得因思我公  
致治時天禎地寶紛絡繹郊藪有樹皆阿巢此餘  
應拳鳳凰蹠周德既衰丹鳥飛岐南莽灌徒逼塞  
老楸倔強氣未降更挺雄姿橫地春畢原墓模嗟  
獨萎孔林廟檜喜同植神呵物護乃有斯寄語邦  
人好愛惜歲時盼嚮古樹根彷彿見公遊赤舄

鳳翔東湖東坡祠

鳳凰齋前集卷之十四

十

輔輿雄圖勝鬃翬發又新幸無憂性命差足慰風  
塵上府趨承懶東湖寄傲頻絕憐陳太守尙愛謫  
仙人

郭氏塢弔諸葛武侯

火井窺來燄若何出秦事業竟蹉跎走生尙冷遺  
民齒震死曾傳敵國歌馬已同槽難峙鼎魚終失  
水漫麾戈祗今祠廟南原上召伯甘棠或未過

開元寺寓舍作

寓跡禪房斷過賓悠然靜對劫餘塵辰瓜綿跼剛  
宜憂乙鳥將雛欲謝春訪古快畱前代碣話情喜

聚故鄉人時寓多若教一職勞承乏此日將迎恐

厭頻

夜過漣水時方逐衆迎新藩

坡樹卷重雲山光凝遠霧微聞近波聲知是漣水  
渡羸馬策不行檐夫爭前路嗟予投閒人驅驅欲  
何去

扶風道中

不作劉琨唱還游馬援祠漳川風物好令史簡編  
垂野郭斜陽晚秋原欵段遲召棠應近在零落舊  
風詩

鳳凰齋前集卷之十四

十一

秋雨二首

密密復疎疎秋空灑有餘下惟庭葉共聲與砌蛩  
俱寒峭初生袂泥深欲斷車誰憐茂陵客寂寞掩  
窮廬

多謝驅煩酷無因破寂寥槐軒沈夢蝶松徑壞書  
蕉半榻愁兼病孤燈晚復朝安能跂脚坐長此耳  
聊聊

奉懷入宿五嶽廟

男兒本磊落怪作新婦粧畦步有制度那許走蒼  
皇孤燈疑暗室半榻掩虛廊非無同心友各阻兼

葭牆清夜萬籟息鬼火何焯焯壁畫森欲動庭幡  
忽飛揚酣睡彼何人吟藝聲浪浪如言南面樂不  
悟生勞攘

省闈夜坐

瓊院沈沈夜漏移擁簾閒坐費疑思敢言象罔能  
明目錯向渾沌更著眉此日漫因皮相士當年曾  
是倒絳兒卽看無限投淵客辛苦探驪定阿誰

爲同州張少府題出塞圖

長卿弟子天南傑麾向陰山蹋殘雪碧雞金馬事  
杳冥霜鬣風蹄勢飄瞥行行劣到海西頭前身疑

孤思齋前集卷之四

三

是博望侯時平且喜無戰伐英雄空復閒弓構黃  
沙處處連朝霧白草年年橫舊路甌脫城邊月正  
斜多仁泉畔人爭渡先驅駿騎後明駝壯士齊唱  
勅勒歌髯之軼倫超羣也獨坐偏箱喚奈何焉旌  
近指降王國負羈番奴應動色公賁中朝韓趙僞  
何來此地駐熊軾瀚海日夕波濤翻浮雲遶疊扶  
桑瞰猶幸窮邊無恙以羸得單車入玉門



孤思齋前集二十四卷

浙江巡撫  
採進本

國朝凌樹屏撰樹屏字保釐烏程人乾隆己未進士

官鳳縣知縣調咸陽後改補嘉興府教授是集賦

一卷詩二十三卷分十二集大抵才情奔放之作

問義軒詩鈔二卷

〔清〕莊綸渭撰

北京圖書館分館藏清乾隆刻本

附《四庫全書總目·問義軒詩

鈔二卷賸草一卷》提要

皇清敕授文林郎例授奉直大夫  
歷任浙江武康上虞定海縣知縣  
推陞甘肅寧州知州葦塘莊先生  
行狀

吾師葦塘莊先生以終父養乞歸  
田里越八年而太翁棄養先生已  
六十矣今年初夏忽示微疾不數

行狀

日竟不起時乾隆甲午四月八日  
距太翁之歿纔二年耳嗚呼悲哉  
孤世駿既來訃且馳書具略屬同  
書為狀梗概俾傳信者有所考同  
書不敢辭謹案先生諱綸渭字對  
樵號葦塘世為毘陵望族前明弘  
治間鶴溪公釋以進士起家歷官

叅政五傳至萬歷庚戌進士太僕  
卿起元太僕生崇禎癸未進士監  
察御史恒御史生寶寶生鎬是為  
先生曾祖祖阮尊先生諱令與康  
熙丙戌進士官編脩考諱柏承康  
熙甲午舉人湖南石門令妣董宜  
人先生幼穎異為大父阮尊公鍾

行狀

二

愛公在翰林一時推為文章宗匠  
及晚年家居課孫經術淵源口誦  
指畫先生盡領其要年十七即膺  
學使首拔列博士弟子乾隆戊午  
領鄉薦壬戌成進士充咸安宮  
教習期滿授浙江武康令調繁定  
海推陞甘肅寧州知州尋以疾請

假暫歸適部議前知定海時有降  
級覈分赴部引

見奉

旨仍發浙江以知縣補用得上虞  
令復調定海未幾以石門公年近  
八旬例得終養遂告歸先生初知  
武康銳於聽斷不欲以勾攝候伺

行狀

三

擾百姓有安吉民妻為其母所閉  
置憎壻貧也將圖改適安吉民訴  
縣先生令明日昇肩輿來從我往  
吏役不能測明日徃率安吉民至  
其媼所媼驚閉戶先生笑曰昔匪  
媒不得今匪斧不克也叱役斧之  
門闢女隨媼出遂以肩輿歸壻先



生有詩紀其事其它裁制敏決多  
類此其調知定海也浙東鹽法以  
定邑孤懸海外不設場竈所隸岱  
秀二山遠處窮島無秉穗之利且  
漁汛會集棄魚需鹽於是居民以  
煎鹽為生官發帑委員收買餘鹽  
配銷漁戶附郭農民即以米易鹽

行狀

四

流轉城市無虞淡食由來已久乾  
隆二十一年有商人呈請出貲赴  
定收買臺使檄縣議辦先生力陳  
商人祇知罔利不顧滋弊島民自  
煎自食所出有限若聽商多買必  
致本地奸民及外來不逞之徒聞  
風趨利公然設廠煎燒禁之則藉

口商買任之則聚匪滋事又定邑  
各庄塗田益苦斤鹵所在築隄安  
礮禦鹹潮潄淡水以備旱潦若聽  
民廣煎必致訟隄刮土熬鹽隄身  
浮薄一遇風潮塌卸立見將不勝  
其脩築二者均為地方無窮之害  
語極剴切詳明申駁再四先生持

行狀

五

益力且躬詣大府廷爭之不少唯  
阿臺使幾不能堪事竟得寢其復  
知定海也尤加意造士增置書院  
貲產以供膏火經理有條俾可常  
守倡捐脩葺學宮重建治定堂俱  
傾囊為之不事科歛縣治西狀元  
槁將圯石如骨立中有大樹高數

丈盟根捐石圻裂日甚過者視為畏途先生曰樹橋之蠹也欲建橋必先伐樹衆謂樹歷年多有神伐之恐為祟先生曰此數世之利千萬人被之樹惡得以其私逞脫有它患休歸民咎歸令可也卒伐樹新其橋不數月告成治東馬尾橋

行狀

六

亦將圯行有墮溺者先生復捐金鳩工集村一月成行者稱便更以馬尾為勞象易字龍首二橋至今東西相望也橋下河流積淤濬之可通閩邑氣脉士民方仰望先生遂成之而先生以終養得請去矣先生為政大率以經術飾吏治所

滋多有政蹟可紀而定海感激尤深豐碑生祠頌揚尸祝先生弗能禁也自守極嚴苞苴饋遺雖小不苟初在定海時番舶往來先生綏之以恩及遷寧州瀕行紅毛番人以大珠六顆入賀先生固卻之曰勿使商夷視內地官長謂可貨取

行狀

七

也商請收買餘鹽之案亦以重賄要先生先生毅然正論終已不顧居鄉不妄交接所與游惟誠篤君子數人而義所當為凡宗祠祖墓收族贍親諸事苟可勉力必一一行之無遺憾先生固以文學世其家深患科舉文近習波靡刻葺塘

時藝數十篇力追先正矜式後來  
丁卯康午兩與浙闈分校別擇矜  
慎邀賞識者咸以為榮中歲始作  
詩所詠皆關繫治理風俗間有托  
興山水登臨憑弔意韻獨長先生  
手自澄汰前一月始定詩草二卷  
未付梓而先生弃世矣嗚呼悲哉

行狀

八

同書受知先生迄今幾三十年竊  
見先生樸誠耿介遇事有為使得  
正色立朝不媿古名臣風度而乃  
僅以循吏終也豈先生之願歟配  
宜人江陰曹氏前先生卒子世駿  
太學生女一適金三俊太學生孫  
六人向高仰高耳高本高奉高守

高孫女二謹狀

賜進士出身 日講官起居注翰  
林院侍講門下士錢唐梁同書拜  
撰

行狀

九

與對樵別逾十年矣今年春  
對樵以

擢知甘肅寧州事入

覲來都僦舍與余居相近晨夕過從  
間出一編屬余訂定古今體詩疊  
疊溢目類皆咏其所屬土俗民風

序

治行之大凡與夫派覽遺踪勝  
地之所寄託或曾括茹語或鋪揚  
百數十韻洋洋灑灑綽有餘裕對  
樵所至勤於吏事民生利害覬  
覷力爭牒訴愆愆必詳必慎於此  
鉤心鬩角與幸告專一之士授其

短長嗚呼異矣每見弭稱能吏  
者輒竊幸不遑信書期會責有  
攸司且差視而稍緩治以文章吟  
咏必大要為非惡即狂其人方自謂  
得計誰慮起屢蹟未必能如素所  
出以祝對樵之紆紱遷秩咏邪自  
適其為勢逸采以如耶惟余與  
對樵同被部試主司以西溪循吏發  
問余記憶不全而對樵采之不一不夾  
後同舉於部余入吏帳對樵出宰  
於外今忽十有七年余雖以文章  
為職而孳殖諫諍既老殊對樵

序

二

讀書送政年方到月落以佳日  
新月盡皆必有迴迹於古循良之  
吏如曩時所記憶者又不特詞章之  
解枝已也爰於對植之行驅書數  
語以贈

乾隆戊寅春三月中浣記山楊述

序

三

曾題



問義軒詩鈔目錄

上卷

紀吳興蠶事六首

東野古井

紀事四十四韻

將移定海口占紀事七首

泛海出招寶山之翁洲衛頭即事

海疆即事倣竹枝體十首

遊補陀用白香山遊悟真寺詩一百三十韻

目錄

一

題成仁祠祠後為同歸域并吊失記姓名諸人

遊四明天童寺示慈雲禪師

文峯塔成閏九日集紳士譙用少陵藍田崔

氏莊韻

贈范莪亭

過鶯脰湖

自浙之秦詠古十四首

浴溫泉

謁狄梁公祠

孔公擊蛇笏歌

寧州六君子堂李英公與狄梁公在焉擬為

梁公語責之

泥陽署中

解嘲歌

邠州夜發

灞橋柳

題華陰廟古樹

目錄

二

出潼關

已卯春歸里已卜居覓渡橋西草堂喜成二

截

辛巳春日書懷

下卷

象山即事

題始寧東山寺

裏山即事

壬午秋紀事四十韻

過王文成公故里忽憶武康有前令桂公祠

乃明相桂萼傾危公者因口占一律

自姚江赴石潭返宿小嶺

包孝婦歌

再移翁洲署中書懷

過懸海四莊各口占一截

春郊即事

憂旱

得雨

目錄

三

書感

題趙豹三先生秋圃灌蔬圖

題徐墅陳生昆仲小照

過澄江雙松寺贈巢空上人

庚辰元旦試筆

偕漂陽彭君司直遊四明山

寄定海諸君子

題海昌陳生無盡藏圖

輓徐烈婦吳氏

丙戌秋杪過雲亭贈繼祖昆仲六首

題徐太翁新菴踏雪探梅圖

以驚毛扇送黃挾庭并屬致汪讓庭二首

人樹同春軒築於庚辰垢塵日積汲水滌之

口占一截

題楊蓮塘采菊小照

壽寶戒和尚六十

虞山顧同年古湫有四圖少年蓉莊夜讀壯

歲北征瞻岱仕京師恭呈玉牒宦成匡廬

目錄

四

課讀今題於首圖

示第三孫耳高

題萬如園桃林讀易圖

題高步菴書卷菜根圖

悼亡十首

壬辰履端四日長次兩孫已就塾作詩示之

二月二十八日為予六十誕辰雨竟日作詩

自壽亦以解嘲

壽及民叔祖七十

及民叔祖索題扇面荷花率成六韻

謁分水龍王廟

贈單武城五十四韻

浴水吟

題段蓉皋修竹吾廬圖

題吳讓谿小照

目錄

五

問義軒詩鈔上卷

武進 莊綸渭 對推

紀吳興蠶事六首

臘祭牢九繭樣饒臘月十二俗名蠶生日浴蠶春種共搓粉作繭形祀蠶祈蠶

回爭剪舊桑條窻封薄薄桃花紙戶插穆穆楊柳

標清明種柳為始少婦澣衣忙欲返阿孃前席早相

邀情助蠶事呼宜蠶喜拾鞭春楮豐兆先占遇歲

朝立春日蠶室北曰宜蠶

浴種先籌暖種時蠕蠕將出故風之凡蠶種夜露為天浴又有

上卷

石及茄根灰水鹽汁和水等浴法至暖種置繭樽下蠶育以氣十日始化生蠶將出先一二日懸於風前取風以筐翻玉羽輕蒙紙葉淬銀刀細切然

帶雨摘來常怕濕長晴攤處更須滋辛勤三餉何

曾問初眠三日再眠三眠皆輕重頻權阿母知始

其種兩日起而飼之謂之餉

競食條桑頓易消晴窻潛聽雨滿滿葉當四月街

頭賣立夏後三蠶到三眠市上挑俗名出索價低

昂傳遠近關情冷暖話晨宵草山簇簇如秧插荏

箔平鋪待詰朝上山先一

沉沉簾影靜烟村家垂簾不許往來省視謂之蠶禁怒吏追呼不

到門遲速火蠶分冷熱而眠火蠶六日八日夜

而眠火蠶惟其時寒則稍加舊新筐葉替朝昏謂俗

為替眠過漸覺烏兒長名烏兒初出食旺全無白大存

食蠶初餉不過二餐夜如之繼名加數曰旺今日上山天

氣好催絲還有炭盈盆三眠起餉五日而四眠

葉凡七日而上山兩日而成

豆子青青喜斗量人多以蠶豆占蠶春醪爭祝馬頭娘眠大

必上山蠶沙淨處絲綸富蠶沙在服淨一節則桑甚

上卷

甘時吐屬香一縷橫空身往復千層團結首低昂

家家看火靈禽喚山棚下炭火不慎致火患有

火雲髻偷梳總未遑

積繭盈筐欲出娥村娃剪虎午風和車旋響軸翻

銀礫銀礫為一車手拓兜綿漾素波俗名促織聲

中催整線紅竿扯線採桑歌罷漸聞梭縣官亦

仰西陵氏輸賦由來蠶後多

東野古井

生長東陽東野村當年顯晦且休論於今姓沈人



多少貞曜先生只并存武康無孟姓者

傍井三楹寒孟祠經過瞻像每移時一瓢滌盡人間滓如讀秋懷數首詩

### 紀事四十四韻

前溪作吏久蚩蚩半熟識姓名記不真面目尚能憶一日初放衙有人向予泣咄哉彼何人自言籍安吉本是儒家子生涯寄耕殖娶婦自康山兩月佐紡績歸寧阿母留姑亡不見媳稽首啟婦翁往返空如織予迅傳里正里正詣前述遲歸非女心

### 上卷

三

有淚滴母側阿母憎婿貧匿女辭以疾何物此老嫗我聞怒於色黔婁亦窮士妻賢締膠漆異缺一農夫妻敬饁耨食樂廣契衛郎蘓家憐子立豈有向子平嫁畢仍不畢此風不亟除婁人盡無室好語安吉氓肩輿詰朝覓爾其矜俟予予言慎勿洩晨起集僮從茫不知所適趣之西北行卅里只瞬息到門聞無人聞風已潛匿來一白顛叟踟年踰八十積懣因比隣一一訴其實安吉氓髮指直欲排闥入予笑曰徐之奚為是汲汲破柱古有人矧

乃區區壁昔非媒不成今非斧不克斧伐門之櫟

門闢阿母出母出阿女隨愁顏半羞溢予曉以大義情至而理極阿母俯無辭阿女涕沾臆鬱鬱久居此苦被父母逼願從夫婿歸永永諧琴瑟阿母謂阿女畜汝乃不卒目逆就筭與觀者驟雲集頃之阿夫返予見轉驚怵問渠胡復來言謝使君德促之竭慶追罔使中途失媚依宛如初此夕是何夕女不詣公庭官不行勾攝作合惟斯須需者事之賊六載無他長遇事傾悃幅立懦兼維風此事

### 上卷

四

乃其一

### 將移定海口占紀事七首

六載前溪轉瞬如瀕行回首總堪書初臨四野蠶桑候丁卯抵任喜見千家水竹居得雨早占年大有庚子時無城好在獄常虛鎖闥競說新桃李我誦清芬愧有餘時與分校見先大父於康廬甲午與新試時所咏試院桂花正盛社鼓才喧第一春米珠入夏愴艱辛趨風卻食傷貧戶時平糶糴者甚衆今老幼男女有別不致擁擠把酒簪花獎富鄉皆價難博虎橋頭絃誦遠忠毅公書院迴龍港口

鑿疏新舟行必由此河兩岸甚窄沙土易淤于濬之周巡一葉時來往

地近桐鄉憶古人

家君作宰賦歸與到溪堂柳乍舒到署喜著

班蘭趨子舍間隨杖履訪僧廬俄驚早疫旋頒藥

更憫秋霖早濬渠被衝重建卒業一經傳未得隔

年空購滿床書得於平

小邑誰扶大雅輪賢書辛酉少傳薪徐孝廉後巽

峰氣聚鰲山秀雲岫工成雁塔新雲岫塔以整大

此日敢期靈淑驗他時應見甲科頻看花詩客

上卷

登瀛侶孟郊姚原是前溪兩界人縣治前分南北界

早輯烝徒烟雨樓江干復迂翠華遊手分錦

纜通蘭浦眼望霓旌集綵舟時林拱辰橋一帶

水緯又船隻喜接天顏真咫尺恩深羣

力盡歡謳綴荷包偶陳雲漢煩宵旰又沐

如膏慶有秋子敬奉諭旨祈雨勸田至冬補時

減糶皆辛未夏秋間事

鄉分山水俗差池西南山鄉民風朴茂寬猛常思

兩濟之窮乏薄施三月粥壬申春設二十三級選各莊紳士經理予循琛

稽耆英遙音萬年厄萬壽日傳老人飲酒觀

禁撈漂竹淫霖後勒石永禁趣築長堤未雨時縣治

西南有堤曰新塘護東南兩鄉田畝每遇雨溪

水湧高數丈藉是塘捍禦歲久漸圯亟督築堅

固是秋大而三晝夜不止漫道使君能子我民艱

猶恐未周知

試茶燒筍足徜徉心印清流在一方敢謂上官稱

渡虎邑向有虎俗名山荒任內幸無此患且希良

牧解驅羊折腰寧忝陶彭澤強項何傷董洛陽定

上卷

泛海出招寶山之翁洲衙頭即事

莊子夜半披衣忙獨立枕尾乘月光仰天一望馭

挂檣腹飽雲脚隨飛揚趺坐笑問黃頭郎黃頭郎

述明且詳背指招寶雄金湯虎蹲山大小形低昂

頭伸目睜牙爪張訇然有聲聞若狂崎嶇如門鋒

莫當銀濤雪浪千丈強云有龍窟於茲藏蛟門才

過波湯湯東南大榭名山西金塘名山金塘轉瞰山微

茫黃牛礁漫橫水洋此水如帶橫中央潮長潮落

斜湍長乍浦千里一夕航我欲東行羣倉皇南壯

二水擊兩旁長年拔柁神不慌言坎艮異理有常  
冒昧分寸恣披猖苟順其理神扶將可逾絕險如  
康莊我聞至論心徜徉仰首肅肅瞻穹蒼鯨鯢  
擲心若忘朝暾旋見升扶桑悠然已抵蓬萊鄉定邑

海疆即事做竹枝體十首

圍遶一帶盡陂塘近海田溝雨不妨待得長潮齊

下插祇憑尺咫界滄桑鹽水進開便為斥鹵滄桑所爭在此

聞說秋禾只早航邑西懸海各莊向不植晚稻千村歛穉望亭

上卷

七

亭霜寒剩有陶潛秫野老相沿號晚青

蕎麥紅莖小白花青青芋葉繞籬笆秋來番薯田

家飯也向甌窰祝滿車高地及窄處多種番薯

落杵聲中玉粒新一渠流水數家分漫言海外樵

蘓便荷笠斜穿嶺上雲

家家堆溜趁新晴灘漬海水土人取其泥作墩日暴之燥則肩水淋注溝中成鹵

堆名曰望去烟村遠近墩瀝滴煮來無淡食祇教小

鼎當牢盆嚴偷販禁大鍋煎

雨過梅黃萬里通番梢挂席大洋中昨從港口看

拋碇知藉南來舶趁風

鼉浪鯨濤豈偶然生涯還讓晉江船鯨鱗時節夏

冬鯨兩汎聞者晉江人雲集外洋冬汎風愈烈則鯨愈旺土人怯浪不敢往曾經過網

厥人喧勝市塵

洗盞船頭破寂寥海中瓜子當江瑤蛤類俗名海瓜子味甚佳

紅螺紫蛤皆清美偏有居人嗜望潮亦腥土人以

品為佳

五尺頭身少尾舟蛭蚶隨手落潮收憐他容膝惟

宜右跛躄渾如尺蠖遊右脇長跪左足匍匐舟外其舟俗名泥鰍

上卷

八

卜築新塘海岸西深塗掘土萬夫齊三株木接長

虹亘推挽如飛調溜泥接大木三株各去半面中鏤空架於塗與塘之間

東工用錐撥泥由木上塘其勢甚捷名曰溜泥

遊補陀用白香山遊悟真寺詩一百三十韻

涼飈滌滯暑月挂新秋弦竭來遊補陀舟經金盃

山山介蓮花洋洋濶波沄溪補陀若眉際帆轉紆

層灣上見白烽墩下泊青石灘即短姑灘石何縱

橫砰激彌飈喧矯首山上路屹立窮躋攀解事眾

緇流側足來巖顛相引策筇登雲菴海岸名遠前

對達摩石一拳如當關浮嵐橫淺黛窈窕梳僊髻  
古樹枝凌霄葉葉當風翻康莊石方廣肩輿過松  
軒庵扉署白華精域殊人間五步一階級經曲禪  
房寬樓窻四面開納海森林巖開戶豁平地老木  
空中堅隨峰屋高下宛轉蛟虬蟠古盆長小樹點  
綴亦慈竿聯額雜楷隸壁挂琴無絃示我古佛牙  
牙大如拳或謂丈六金身宜有此歷劫猶綿延出庵夾檜柏枝梢  
噪秋蟬經過正趣亭暫憇得少安望中燦金碧臺  
殿皆巋然疊瞻御碑文鳳翥龍交旋放生夾

上卷

九

華池淪漪弄晴川長虹亘其上修廣如平原橋東  
蓮十畝亭亭若擎拳綽約吐千枝素姿映朱欄海  
山見花發奇勝湖上觀進叅大士像髣髴臨雲端  
大哉圓通殿千僧未云繁誦經合什跪擊磬當扣  
槃迦藍與祖師殿各從旁穿藏經閣凌虛高峻莫  
比肩東西兩樓翼慶雲瑞日顏再入景命殿金容  
肅華鬢石刻更何肖毫髮工饒鏤東側乃方丈妙  
靄熏旃檀息耒獅子窟額名獅子窟三字聖祖御書香茗供清筵  
虛館饒烟霞烟霞館三字高士奇題苔蘚漬青鈿頓釋名利

念爐灰無復燃既出猶遲迴重見懸修幡僧衆寺  
逾靜風鐸聲珊珊茲寺曰普濟俗名前寺老衲容顏殷  
天風吹袈裟逸致殊黃冠元時太子塔靜鑲秋峰  
寒白石無纖塵返照飛霞丹芙蓉香襲路南指祇  
樹園天華顏其堂清幽何仙仙滇客捨銅佛佛佛  
明光圓隣有百子殿禱子都來前月上還白華名庵  
露滴花增妍興發未窮勝休澣且晏眠曉窺剪鑑  
池陳繼儒書并跋脩篁舞便娟踈鐘響未歇山鳥飛翩翩  
老僧德周謂七夕庭列瓜果蕃摘菰覓新筍香積調

上卷

十

鹹酸茗供亦心醉無煩杖頭錢飯訖緣蹊行古澗  
交蘋蘩海濱多網罟山中絕腥膻爰至法華洞摩  
挲石已刊儼若擘山腹劃開東西偏偃僕入而上  
圖繪窮絕幾千仞俯萬壑慄慄心臨淵更登一層  
樓直博扶桑看時有退院僧中贊直上輕扶搏問年  
七十九丰骨殊高騫引我徐步下倒懸石骨攢來  
逕胡不爾云非別有天四周可穿透如入鏡輪團  
復有隱秀庵望表如彈丸少選及門逕嵐氣青迷  
漫異卉得仙掌其色青潤得自閩人平池散芡盤齋厨引泉

入竹溜鳴潺潺牧居名額建西四壁圖書環聞有

能詩僧朗如詞源颯風湍焚香淨几席脩潔無蝸

涎陟磴廣數畝僧仁體述剪棘艱四時植花木無地

容啼猿隙處補亭閣清泚漾金鱣尚欲探遠勝躡

屐寧云煩高踰几寶嶺嶺石多馬肝詢何以寶名

莫探其根源旁有一沙彌笑稱韞琅玕思得卞和

生剖石呈璵璠下見千步沙沙金何棄捐潤亦數

百武駭興鯨濤連遂至潮音洞石文竹千竿嵌空

海中央登降相扶援高亭可迎旭名亭聽潮兼觀瀾

上卷

十一

雪捲萬珠跳境絕超塵寰梵音匹潮音石樓四寶

甃峭壁極霄漢分圻中空懸白衣常現身思得一

指禪恍惚若有見顯應非虛傳法雨後僧相邀厥

路亘連綿寺與普濟匹勢若升重石級累千億

四望無平田愈後乃愈高曠邈難名言丈室聞閨

僧擇法想像龐眉斑相訪不相值徘徊說偈壇殿中

瞻九龍擎攫尾蜿蜒其一蟠天際其八統雲烟水

月松風樓登躋心靜專聿有西堂僧映儀度何翩

翩飲我嶺上茶煮以巖底泉直造菩薩頂茶味真

不憊社前虔進 御釵頭揀殊難別有觀自在

珠寶盈百千昱光溢妙相跌坐黃金蓮羨哉歎觀

止檜下無譏焉出適降法雨雨中景逾鮮一庵背

孤嶂雨久地尚乾知緣綠蔭濃清興猶未殫昔有

梅子真投簪此盤桓煉丹丹井澄不受塵鞅牽為

語山中僧伊人亦宰官忽見兩巨石幻成員嶠員

疊作累卵狀志載盤陀石縫中可引線予未及試梯陟將霞餐更見

二石龜聽法若喜歡一蹲伏巖上不受霜雪殘一

蹴蹴以登苦海脫憂患各有點頭意此石洵不頑

上卷

十二

嗟我折腰吏四體愁拘攣兩日恣遨嬉潮平促我

還所見疾可追濡墨書長篇往返風送迎天亦假

之緣我懷謝康樂遊山多餘閒此遊所未遍留以

遲來年

題成仁祠祠後為同歸域并吊失記姓名諸

人

天心興替已分明海外猶餘報國情一木那能支

大厦諸公况復盡書生鯨濤欲滴厓山淚雄堞空

當即墨城六十九人心共苦我將斑管細書名志載

張肯堂與鍾繼以下共六十九人牌位  
向書諸先生三字予特表其官爵姓名

聞幽已幸日星懸國朝已編史冊姓氏淪亡益慘

然有草裏尸得死所無皮留豹惜生前志填大海  
知精衛血竭空山失杜鵑攢聚一坏魂魄在成仁  
同作大名傳

遊四明天童寺示慈雲禪師

白雲深處

聖祖御題

訪慈雲大鑒堂

明宋濂篆書

高廻

絕塵宦海外來停笠履翠屏中坐擁松筠揔天老  
幹千巖接穿石飛泉萬壑勻魚躍峰頭禽水底方

上卷

十三

塘倒影更鱗鱗

文峯塔成閏九日集紳士譙用少陵藍田崔

氏莊韻

放得襟懷似海寬重逢九日罄交歡一卮敢擬陳  
遵酒多士應彈貢禹冠蘭穗正馨如逐暖菊花雖  
瘦却勝寒齊中適有蘭菊數盆霞峯穎脫光千丈他日滄州  
另樣看

贈范莪亭

三子聲華冠四明獻之翰墨久超羣謂王禹州裁詩妙

手推嚴助一士曾示我以詩書隸名家得范雲長愛柳莊

森玉樹地名柳莊定知藜閣擅清芬桃花渡口重

經過取次停梳再訪君

草生官舍似閒居許丁卯句小築軒楹畫舸如愧我未

工三折法多君遙惠八分書一聯輝映琴樽外每

日徘徊簿領餘題箋數行酬大雅還期隼尾附雙

魚墨戲曰八分書有隼尾波最難作

過鶯脰湖

誰唱吳娘曲聲來鶯脰湖風帆千頃撓月榭一墩

上卷

古

孤網集菱花鏡鷗飛杏雨圓晚尊娛過客買得四

腮鱸

自浙之秦詠古十四首

岳鄂王墓

烏金應恨鑄奸人黃土生香忠武墳遙望向南枝  
樹樹森嚴猶似岳家軍

于忠肅公墓

岳塋才過又于塋說到金牌更慘聽喜得江山宛  
如舊絕勝南宋小朝廷

郭璞墓

一江劃斷天南北古墓爭傳郭景純今日經過私  
借問索還江管贈何人

淮陰侯釣臺

炎漢西東兩釣臺客星灘上思悠悠功成噲等羞  
為伍何不重回此地來

漂母祠

一飯王孫萬古祠王孫思報母忘施劇憐解賜千  
金日已近弓藏鳥盡時

上卷

十五

項王廟

乍識重瞳面目真額題情種亦生新  
權使唐書英雄情種四字  
鴻門不盡纏綿意斷送烏騅與美人

柳下惠墓

殘碑立處乍經過壘上於今樵採多一路惠風披  
柳下悠然想見聖之和

楊忠愍公祠

鈴山岡上勢如焚獨剖丹心報大君漢殿已無辛  
慶忌阿誰流血救朱雲

過郭林宗故里

仙李龍門早已墟塾巾人遠有誰如大槐坂上槐  
猶在碑銘漢視二字曾共當年薄笨車

寇忠愍公祠

戰罷高梁國漸孱澶淵重整宋江山呼盧見盡從  
容意人道先生孤注還

郭忠武王祠

不學功高博陸危汾陽遠識絕嫌猜紅顏未許窺  
藍面曾鑒蕭同叔子來

上卷

十六

楊伯起墓

不堪追憶王髦劍遺恨還遭滿伯寧客過關西無  
限淚沾襟先自夕陽亭

古新豐里

社徙枌榆孝治隆至今父老說新豐彭城故里歸  
何處錯信而翁即若翁

赤水

渭橋西望慘風雲渭水潺潺不忍聞一炬咸陽秦  
族亦可知屠伯首商君

浴溫泉

溫泉清見底終古氣如春地與鐘靈液天教澣客塵暖從驪岫泛香憶玉蓮親墻外疏渠遠家家濯水濱

謁狄梁公祠

寧州治西一里

致君澤民一而已宰相每從牧守起大唐國老狄梁公始亦寧州作刺史我昨捧檄來州城入祠再拜切仰止緬昔金輪擅柄時輒將帝子房州徙拜洛披圖大改元則天樓上排青紫南衙孰無左袒

上卷

十七

心公曰此不同呂雉呂雉移劉任產祿南北二軍不由已絳灌亦得分其兵決機於驟良有以豈若掀雷抉電才太阿在手方虎視諸王仗義無成功徐駱檄馳空復爾老夫耄矣何能為委蛇淫穢殺坑裏奏毀江南千百祠七廟巍然弗輕訾虞淵返日知有期五龍齊飛妙驅使咸池之光不終噎鸚鵡之翼真折矣偉哉社稷臣惟公視漢諸臣應倍徙公澤如泉四極周當其濫觴自寧始脩邊罷役撫戎夏戎夏勒碑頌樂只越府株繫人五千公為

密奏戍邊鄙道出泥陽父老迎曰狄使君免汝死

感泣碑下三日行今日瞻碑仍舊址嗟嗟公後千餘年刺史知名曾有幾公生濁世為公悲我際昌期益我恥望白雲飛心有思公或許我同然耳公今逝矣公蹟存萬古精靈長在此公其降監佑我民盈我百室寧婦子

孔公擊蛇笏歌

公諱道輔寧州推官

被酒徑大澤伐荻之新洲巨蛇數丈殪諸道素靈夜哭黃童愁吐哉奇男他日兩天子應有豪氣橫

上卷

十六

九州誰其正氣激豪氣匹夫力足追二劉宋祥符中尼父裔捧檄茲土初停驂蜿蜒妖蛇據廟觀刺史裨將皆庸流一日再往奠且拜欲上其事稱神庥近聞逃聽走相告竟視厥地如龍湫孔公曰蛇惑吾眾蛇不擊死人不休一笏直抵三尺劍快若怒隼凌清秋眾人駭汗懼為祟久乃大服無相尤古來正人多執笏臨事義憤非夙籌太尉曾中朱泚願侍郎欲碎延齡頭立朝可置玉階諫遺後還作甘棠留公乎此笏堪伯仲徂徠先生作銘非謬



州志有石介銘 嗚呼公靈常存笏在手寒光閃爍風颭

颭

寧州六君子堂李英公與狄梁公在焉擬為

梁公語責之

公乃唐家一舊臣中官冊立自應詢况經賜姓同  
仙李天子何曾問外人

家國相關豈不知祇緣公爾未忘私姪姑子母俱  
家事嗟我何人苦執持

長孫韓褚競披鱗何獨脂韋助牝晨可記剪鬚和

上卷

九

樂夜先皇眷汝最情肫

凌烟元老尚庸庸休說當年許敬宗待得而孫知  
幹蠱離離爪熟久難容

泥陽署中

敢將官舍當吾廬一抹青山數卷書開徑黃花大  
於益鄉園無此好家居

休誇鮭菜五湖濱此地黃芽勝紫萁繞屋有畦鉏

灌足一官差樂庾郎貧

署西射圃五畝半可種蔬

藤笈新携桑苧書瓦瓶汲水挂青驢居然配得釵

頭茗聞道秦西總不如西郭潤泉味甚佳

家家烟火望層巖隨意盤飧味味甜不是庖丁誇

好手和羹鮮在水晶鹽

井鹽頗可調餼

解嘲歌

澤腹堅凍冰峨峨急裝結束虺驢馱之官屈指日

幾何病魔驅我歸槃阿人生浮夢如南柯嗟我四

十非蹉跎當年擢第廁丙科虎門別舍咸安官學培菁

我防風古國資漸摩貞曜靈祠掃薜蘿餘不溪水

清逶迤採桑摘薺人如梭漁舟往往穿菱荷無何

上卷

十

鯢徙凌黿鼉江涉羅刹經曹娥水師三千排鸛鵒

孫恩在昔潛么麼公餘覓勝航補陀雲山滿眼供

婆娑諺云宦海寧差謫猶幸十載無驚波今年二

月春風和北上瑤京隨玉珂銜 命西指沿山

坡泥陽陶穴如蜂窠層巒盤曲皆嘉禾梁公遺碣

卓不磨驚馬十駕心靡他竭來暑濕纏沉疴歸船

重向西蠡河僦屋深閉儕儻螺寂寥詎免旁人呵

有客慰予取譬多不見高鳥墮網羅或主蓉城乘

青驪亦有儒生雙鬢皤年年壓線空吟哦誰揮魯

陽返日戈不如對酒酣且歌美烏萊子抱孫佗胡  
復戀戀青紫拖我聞斯言謝病魔暫把曦月閒中  
過丈夫志豈老綠蓑還思清廟簪猗那

邠州夜發

哀柝傳來乍四更僕夫喚起促行程夢回馬齧鈴  
初語夜靜風淒淒樹欲鳴野店雞聲催月落霜天雁  
影帶星橫吟鞭自笑無佳句輸與詩人劉曉行宋  
時人呼為劉曉行

灞橋柳

上卷

三

灞橋楊柳似江南今日空林送曉驂腰折乍伸眉  
未展樹猶如此我何堪

題華陰廟古樹

廟在華陰縣東  
五里即西穀廟

天地一洪鑪寒暑一大瘡迭嬗成古今何物長自  
若竭來華陰廟高曠神飛躡古樹森千株亭亭天  
半卓青牛繫有碑老子繫青牛於此赤甲挂留格唐太宗  
詩秦王

時挂甲於此亦有碑勁瘦無旁枝生氣自磅礴咄哉栢抱槐  
葉隕翠交絡復有抱椿栢春秋互欲角其他中棟  
梁密蔭成廣幕直幹影參差深根勢交錯筭逾漢

之歷榮薄秦之爵榆星夜夜映莖露朝朝著飽瞰  
扶桑華頻懷莫英落霜風不敢餐冰霰何能虐絕  
勝月中桂免受吳生斫傑閣閒徘徊駐顏企靈藥  
希夷峽猶存樹笑人非昨

出潼關

歸去三千里重過百二關巖高雄壁壘戍迴肅刀  
錄南帶黃河水西屏太華山棄繻生已遠望古一  
慙顏

已卯春歸里已卜居覓渡橋西草堂喜成二

上卷

三

截

秦關歲盡促征鑣春日歸來駐畫橈喜見結廬楊  
柳岸門前一水跨雙橋

湫隘何妨揚子居一樽濁酒半床書阿翁四十年  
前住先大父京師歸曾暫居此屋  
已亥始遷新街予方七齡孫又生孫在此  
廬昨歲居後  
連舉兩孫

辛巳春日書懷

兩載殘編濁酒間翻嫌鬢髮未全斑三刀夢好無  
端醒五柳風高得偶攀世事每於難處覓誰人肯

向死前閒春來自笑雙橋畔不是東山是北山

問義軒詩鈔上卷終

上卷

三三

問義軒詩鈔下卷

武進 莊綸渭 對樵

象山即事

時署邑篆

象浦華胥國悠然萬井稠何圖關塞吏重覓海門

秋路迴梯航間

由水而陸由陸而海再陸行十里始抵城

連昌國衛石浦所

再陸行十里始抵城

笑看紅罷亞不礙雨餘收

七夕

大作三畫夜始息

題始寧東山寺

山墅風流遠經臨憶謝安圍棋雙石冷洗屐半池

下卷

乾絲竹何銷歇芝蘭尚鬱盤

謝氏至今丁歲

勇如車騎少

才似客兒難增寺三人古烟邱萬木攢琵琶洲畔

水長繞晉衣冠

裏山即事

山與噪邑連界

山山幽眺遠村孤四面林巒展畫圖行到斷崖泉

落處一身全寄兩兜夫

流水聲中罕有人長官深入虎為隣躊躇身莫生

雙翼插蒔方殷促採薪

時海寧塘築工需款督役採運

壬午秋紀事四十韻

江海夾山縣捍塘南北邊

南為前江土塘北為後海石塘灌溉需

諸湖

夏蓋等湖一十三處

湖水縱橫穿昔人省溝洫割田與

湖連葑塞久不治貪夫漸成田湖形剩一綫田額

增萬千

奸民私墾改田一百三十一頃致失水利

旱輒苦龜拆水滂嗟

淪連去秋秋潮劇風雨晝夜綿山水建瓴下

新昌縣

之水並下上虞稍窪最受衝

震撼江塘前江水挾山水三日浸

樹顛山田馱漲沙湖田渺長川所欣海塘峻民未

魚鼈遷翳余初蒞止心惻夜不眠撫饑先審丁黠

吏或詭編輕裝鼓短懼山徑籃輿肩民困不目擊

下卷

二

空糜水衡錢今春

翠華臨與物謀安全筑筑

得衽席耕作彌爭先粳稻鑒晚收種秧多早私涉

秋促刈獲腰鏹紛陌阡七夕雨如注盲風相喧闐

沉沉三晝夜森森田浮船黃穗帶水撈亂堆茹舍

偏入釜火燥之茁芽已芊芊晚禾方吐秀淹浸紛

糾纏生意亦已盡所望惟木棉木棉潦退後幹歌

葉色雋不見黃花榮奚異白花鮮無鱣且無襦婦

子泣呼天未雨先刈者豈獨勤胝胼有力集彊以

蓋藏故晏然蚩蚩知足希聞賑還流涎里正樊易

滋余益憂懷煎一一親履畝插簦標業佃

都焉姓名已因

佃田各若干俱書發內

稻根與泥迹親臨莫遁焉灾實簦始

收入冊民稱便

不經里正手已省需索

狡蠹絕覲覲哀鴻慰

迨遭富公賑青齊盛事史冊傳詎敢希古人但願

寡尤譬陂塘籌外固

江塘歲修海塘余詳請加築而土三尺眉土廣二尺外於

舊石上加新石五層

畎澮勤內宣

勸諭殷戶量割田還湖以通水利

天心有

轉移從此占豐年

過王文成公故里忽憶武康有前令桂公祠

乃明相桂萼傾危公者因口占一律

下卷

三

憶昔西江傲北平鄱陽戰舸集如雲誰擒雪夜吳

一齊却仗書生虞允文露布疾馳成諫草講帷新

誰領儒羣嫉賢相國今知否兩廡千秋有此君

自姚江赴石潭返宿小嶺

于役姚江道山行冒曉寒筍與人局促沙徑霧迷

漫略約迴汀合墻垣借石攢有田剛半畝無竹不

千竿峯密雲生袖泉飛雪吼湍板橋添棟牖

兩旁開窓

邱塚傍林巒水碓晨烟靜溪舴晚漲寬望中衡宇

在暫借一枝安

包孝婦歌

墓在上虞城東十里地名孝崗嶺

吁嗟乎予于役過孝娥嶺喟然太息而低徊鏡鸞  
隻青春頽華黍代冰霜摧心誓井水祛纖埃姑老  
壽終姑女奚疑哉誣鴆冤獄胡為來恐傷姑心不  
忍剖甘蹈白刃沉陰霾于時上天怒不止旱成三  
年災吏再陳寃太守理罪人斯得興雲雷大雨滂  
沱潤四野孝娥心跡光昭回雖死能令衆膽落宇  
宙生氣為之開笑從夫壻遊地下人間黃鵠歌空  
哀至今嶺頭魂魄毅碧血猿鳥鳴蒿萊姓氏當與

下卷

四

憶昔西北宮孝養何能偕聞之東漢包全女全以  
孝聞萌根茲以孝繼孝孝尤摯曹娥終古相追陪  
風雷不外一誠格金滕玉井千秋垂井至今存邑人稱為包井  
為我擴其址而崇其臺故外地邑人輒轉售賣余捐俸贖還更買青  
松三萬栽俾茲孝娥之墓長崔嵬

再移翁洲署中書懷

我本一鰥生適為時網牽二十舉秀才三十廁瓊  
筵五年乃出宰十年欣西遷居官無令名去後民  
纏綿七載重至止黎首皆華顙緬昔方自慙碑碣

樹何年內尤詳阻商牧監事古人重晚節見之逾惕然清勤

吾素風敢望免厥愆

過懸海四莊各口占一截

五兩風輕抵六橫山容六幅黛痕新傍塗小艇誰  
牽挽勞爾依山結網民大船泊港另易小舟推挽登岸

昔年從未過蝦歧問到撈蝦渚更迷山外網魚還  
網蟄滿塗石子不沾泥

安期灑筆幻桃花莊因得此

此日惟餘吐蛛誇桃花吐蛛

嶺前峰秀絕白雲深處見人家

下卷

五

登渡亦名重登古渡頭水清見底綠如油迷離烟  
雨添圖畫帆到雞冠礁口收

春郊即事

良苗新植已油油載酒田間雨乍收得食兒童誇  
父老隔籬村女望西疇

黃犢泥融叱未休汗耶蒔得晚禾不縣官代爾豚  
孟祝甘雨和風直到秋

憂旱

十載捫心積疚多敢邀天宥賜滂沱只憐海外民

何罪極目如焚到黍禾

奔走山田并海塗龍宮稽首大聲呼時步禱龍王廟可能

減我三年算借得甘霖一夕無

得雨

一月何曾有此聲瓦溝如注夜深聽我心喜雨翻

憂雨颶母齊來便不寧秋颶每隨雨至恐傷田廬

晚稻由來畏石尤早禾晴陌幸先收六月杪已刈竣只須

雨向風風少不碍田家慶有秋

感

下卷

六

稀膏那得轉方輪栩栩今回夢蝶身且唱黃雞斟

白酒漫愁新進筴陳人重來海國應三黜兩荷

君恩在一春正月二十日見邸報知依部議俸止商收定鹽二月二十五日知奉

告仍令欲報涓埃殊不易敢將舞綵易拖紳

題趙豹三先生秋圃灌蔬圖

裁詩說倚樓行裝見携鶴高風逸韻情兩忘霜鱗

獨寫秋畦樂當年運甕託意微此日抱甕真忘機

悠然脫笠露頂坐斜陽之外幾點寒鴉歸披公圖

憶吾祖雙松樓畔管東園詩筒酬唱數十家丹青

照耀蒼顏古林園瀟灑今有公可知種菜皆英雄

於陵漢陰東湖不足擬紫桑青門新野將毋同世

味何如菜根永我閱十年粗領省學圃公真老圃

如不識可許樊遲請

題徐墅陳生昆仲小照

豈逐紛紛校獵場相期聯轡走長楊風流誰氏佳

公子道是元方與季方

石橋東去羃層雲欲試調弓駭雁羣我見不禁心

輸他年少兩郎君

下卷

七

過澄江雙松寺贈巢空上人

淙淙流水抱寒岑颯颯嚴風振鐸音不見遠公經

廿載又過高嶺到雙林清顏老向孤松識醉墨間

從舊辟尋世味飽嘗禪悅悟多君一片白雲心

庚辰元旦試筆

元正重聚綵衣新癸亥於今十八春二百廿齡荆

合茂家伯七十有六家叔七十有七萬三千日鶴為隣杖頭

錢剩邀茶戰屐齒泥融策柳顰歲首共懽羣從在

鄉園到底勝風塵

借漂陽彭君司直遊四明山

昨過清明未踏青朝來曳屐鑒新晴相逢舊雨添  
今雨自筴詩情勝宦情秋水篇中餘我在春山畫  
裏伴君行凭闌最好烟霞館半聽泉聲半聽鶯

寄定海諸君子

昨賦歸來綵服新經年寂歷偶尋春四明山水還  
邀我二月鶯花正可人入寺喜同方外客看棋慵  
作局中身遙知舊雨都無恙三載猶思傲吏頻

題海昌陳生無盡藏圖

下卷

八

陳無已悠然秋水心澄波凌萬頃遠樹極千  
濤禪坐雲生履忘言月滿襟濠梁吾志在同此契  
高深

輓徐烈婦吳氏

咄哉巾幗有奇傑人皆曰烈吾曰節節窮慨慷烈  
乃成夜臺泣盡嬋娟血緬昔相莊鴻案時布裘椎  
髻芙蓉姿卿卿倏報夢蘭喜相約他年蹟面詞無  
何皇矣奪郎速江水茫茫遙慟哭過水弱延喘猶  
異慰黃泉曰藐諸孤今在腹免身何日淚縱橫淚

眼塵昏心自清立孤難耳死易易女中豈獨無程

嬰天若鑒妾妾有子郎君雖死長如生妾方擬效

敬姜績妾方擬畫歐陽荻妾方擬九仲郢熊妾方

擬看毛生檄嗚呼天道終何常生女非男哭斷腸

郎君誰嗣誰與守不復留軀稱未亡自古名義炳

青史貞臣淑媛無異軌子卿功可圖麒麟齧雪咽

梅未肯死趙氏一塊血何存張陸厓山真已矣嗟

嗟之子同精熒節其心兮烈其形採風使者奏

子節烈昭昭光汗青

下卷

九

丙戌秋杪過雲亭贈繼祖昆仲

斜風細雨片帆行柳岸溪橋記昔經為語舟人休

探問半邨紅樹是雲亭

水石清幽華屋新入門不見拄筇人辛巳重赴浙猶蒙外父戲

半生知感西州路已作羊曇醉後春

廿年顧復幾曾酬追悼外母漬酒空澆土一坏不道武

康歸永訣傷心風雨夜回舟

白鬚人去駭重逢徐祖郎君益肖翁謂內兄顧我

頭顱都爾爾芝蘭培養硯田中內弟受祖課子尤勤

坐擁書城俯碧波文章曹志近如何

向見熙載將文最佳

軍罵坐曾因醉應學香山伏酒魔

年來我亦賦逍遙濠上觀魚解客嘲君輩不嫌城市俗好乘一葦到雙橋

題徐太翁新菴踏雪探梅圖

却杖人何拄杖探梅處本非梅臞仙互相我我不知雪上鬚來

索笈橋邊樹下行吟意洒如也誰歎手扣寒香童子亦忘機者

下卷

十

以鷺毛扇送黃挾庭并屬致汪讓庭

手寫黃庭惠我多空酬羽箋意如何山陰道士應相笑只送鷺毛不送鷺

書法南蘭數二庭挾庭寄語讓庭聞儂家六角明於月奪過羊欣白練裘

人樹同春軒築於庚辰垢塵日積汲水滌之

口占一截

蝸廬九載垢潛生秋水當門乍眼明燕雀不知重浣滌錯將舊宇賀新成

題楊蓮塘采菊小照

圖於小冊頁不布景手把菊一枝戴笠携杖

踏展別中堂題陶蘇具體四字

何須三徑坐籃輿并謝琴尊與道書席地幕天應只爾寒花晚節獨相於杖藜薄采心無著笠屐行吟興有餘我愛子雲真洒落此身疑到小華胥

壽寶戒和尚六十

雪鴻曾逐少年場一指禪中見佛光與月空明心映鏡如雲舒卷坐焚香墨林已慶傳衣久法炬還看引算長甲子初周人未老上方松色曉蒼蒼

下卷

十一

永寧律寺經三葉憶締交游歲月賒

先曾大父與靈躍大和尚

交予猶及隨杖屨

昨以古稀尊老宿

不羣和尚今重祝嘏昨歲七十

向毘耶韞名自不忘初祖齊物時還過外家師系本吳氏為莊我亦欲追香火社年年椿筭証南華之自出

虞山顧同年古湫有四圖少年蓉莊夜讀壯

歲北征瞻岱仕京師恭呈玉牒宦成匡廬課

讀今題於首圖

先生契濶十年矣何意叠逢圖畫裏圖畫愈後神愈真雙鑠依然為君喜一圖初訝誰少年角犀豐



盈無乃是坐擁百城手一編先生根柢全在此昨  
過匡廬歸里門題圖已遍繁桃李廬山高哉星斗  
連日照香爐烟染紫懸崖萬仞響松檜瀑布千尋  
溜清泚中有鹿洞延先生匠石三年養文梓昔時  
綵筆千氣象回首觚稜僅尺咫僊源積慶譜乍成  
金門騎馬陟瑤祀春卿稽古誠榮哉猶憶瓊車上  
帝里打頭落葉瀉酒甌刮面淒風却帷被丈夫氣  
宇自不凡眼看泰岱心仰止曼倩果用牘三千文  
史三冬朔自始烏目山下芙蓉莊匡廬風景依稀

下卷

十三

似燈檠炯炯沸茶鎔雪霰蕭蕭聒窻紙幽人禪坐  
徹五更羽儀朝廷信有以一圖托始三圖開華  
國作人雙擅美我題終軍英妙時緣愛香山老居  
士居士歸擬著英圖吾謂四圖猶未已

示第三孫耳高

敢望孫枝箇箇同東風作意長春叢恰如布指天  
然五絜短論長讓一中時第六孫  
尚未生

題萬如園桃林讀易圖

憶昔與君同座主對床夜聽長安雨西冷握手今

十年別後萍踪不復聚不復聚兮長嗟咨何意披  
圖忽見之圖中猶似春潑面我鬚半白君全緇君  
才富有誇穎異石上松間浩胸次澗沱流虛牝助琴  
音桃剪紅綃添畫意先生善  
琴工畫一編兀兀君胡為探  
易先天天不違前身疑是王叔重床頭剖析知幽  
微文孫携圖索我筆我謂先生箕尾客臣叔不癡  
君更高同樂研朱點周易

題高步菴書卷菜根圖

有子莫問賢與愚等身須讀前人書更令齷得菜

下卷

十三

根足百事可做力有餘披圖省識高子意羽儀王  
國梧桐居翩翩雙雛翺初長心游萬仞隨所如詩  
書萬卷引初入不教腹笥嘲空虛科頭披襟坐吸  
茗時有好風與之俱一雛喃喃問奇字一雛脉脉  
漂新蔬書味蔬味互咀嚼相視竊笑常軒渠君不  
見昌黎勗子作公相惟以經訓為苗裔又不見武  
侯訓子首澹泊明志致遠由茅廬大抵膏腴得乃  
父琢成太璞皆璫璣文章鉅手葵藿心君之二子  
其勉諸

予性同摩詰年過安仁方覩色相之空豈著  
悼亡之什然思以爾禦窮艱辛不少曰予有  
室襄助為多情之所之筆不能已聊當平生  
行實并於畫像流傳俾世世子孫女孫心儀

身則云爾

九原真可對姑嫜一種勞薪影自傷吾母辭世年四十有八君

又多十自嫁黔婁十四載阿夫并未有糟糠辛亥秋入

贊後仍在澄江依倚父母筆兒亦生長外家直至乙丑春入都

每歸寒舍鬻花鈿大父嗟咨謂汝賢我失北堂君

下卷

十

具慶未嘗見齒恰三年甲寅八月子丁母歿乙卯丙辰未與御試猶時恩藉

將雛猶記繞腰啼雲障青眸咫尺迷丹藥五年憑

紡織不因刮目有金鑰孽兒方七齡眼生翳至十一歲方全愈

小姑嫁日嫂知憐直到生甥禮未愆負日昨日俱製帽衫將吾

母付孫之物總帳宛承提命切壘遷無日淚潸然

官舍年年夜半眠分憂任怨一身兼交代體數核駁平糶偽印

察查驛站重冒加截票內每補錢穀友所不逮番珠六顆教子却

判國番船泊定海港知汝雖貧不厭廉

無端身陟萬重山戊寅予在甘肅寧州牧任倦鳥先時已擬還

遙望白雲差慰處君探長物霽衰顏云起程前已將餘貲呈送

浙水重遊計已非辛巳春因公引見仍浙滄洲心

事更全違癸未冬復自上海調定海眼看宦海常眉語望我無

榮無辱歸

歸課桐孫與稻孫蛾慵時術每生瞋傳經要有含

飴意一緬箴言一愴神

病餘凭几得真如已丑冬忽類中風惟左史事閒

論復起予弱女遠行翻為喜今春令其北也因曾

一卷

五

讀大家書

惜儂升降仍為宰回首驚封轉自悲未慰一生

辛苦志空吟十首輓歌詞

壬辰履端四日長次兩孫已就塾作詩示之

兩載師何益還應乃祖勞振興新事業收拾舊兒

曹去歲師在竟致祖不得而孫故云字向同中辨文從淺處挑不

辭唇吻燥以博羽毛高未讀疑先問重宣記欲牢

味回長疊疊思發漸滔滔諄誨非予拙願長為汝

惓惓陰今日始差慰撫春醪

二月二十八日為予六十誕辰雨竟日作詩

自壽亦以解嘲

生於癸巳到庚寅百歲還應有四旬摩詰乍悲經  
案冷老萊長韋綠衣新疎松落落邀誰偶立竹森  
森共我春川湧詞源闢雨集門前漲淥已鱗鱗

壽及民叔祖七十

藹藹詩文似嶺雲當年偶借粵中芹生時重慶期

願合大父母各五十歲老去盤根蘭桂分已見沙哥頻秉

鉞潘敏惠公定知無忌亦能軍稱觴恰好迎長至

下卷

十六

朔日生日 喟佛何妨不如輩

及民叔祖索題扇面荷花率成六韻

便面何爭看芙蓉勝野塘手搥枝欲動踰摺氣含

芳時未臨三伏花先策六郎須知君子格肯遂越

娥妝有露渾難滴無風信可揚元規塵不染老叟

足清狂

謁分水龍王廟

大阜龍宮在奇蹤萬古延舟因河勢穩上水負緯稍退下水

甚捷心達瓣香處一水分齊魯雙流見海天神犀

誰手握禹績賴俱傳

贈單武城五十四韻

憶自庚午秋文章識君始握手在虎林再晤于燕  
邸燕邸十三春清才絕塵滓 聖主搜奇英一

朝拾青紫我昔隴西歸曾過弦歌里碣鏤孔子聞

深信武城是無何復出山仍邇君桑梓六載賦歸

與舞綵殊自喜白日掩荆扉於今八年矣聞君令

武城欲繼言子軌北客每返櫂聲傳動吾耳渴欲

觀君政盈盈一水駛豈意非魯邑乃在齊西鄙愈

下卷

十七

行程愈遙懊恨還愧恥泊舟眺原野秬秠雜糜芑

十雨而五風萬億更及秭詢彼荷鋤人道是君疆

里疆里濱漕河河水長瀾瀾過河乍投刺君聞輒

倒展高軒亦過河一見啟筵齒揖予偕入城城喧

日中市言登學道堂名政聞具四美揮塵叙情悰

盤饌羅甘旨酒飲步兵厨紹酒三百滑辣尤清沁

既飽遂思浴諺語良有以洗浴豈曰濯塵纓滌

吾垢而已佳樹盆數百云因 翠華止採搆自

江南以媚子 天子是歲在庚寅大營先築址

百務雲烟集萬夫臂指使事如蚊負山才若鷺棲  
枳聽訟明且慎鉤距直見底馭吏何精嚴見韓一  
甚詰問俾民頌樂只郇厨飫三日歸心疾於矢猶  
作平原留予不敢諾唯校士示同門卷中文俱佳  
額手新桃李分我以清俸錫我以嘉醴需物維其  
時食物供刀七船官送遠程直抵濟之涘至濟寧州止  
善事上官者或不克至此嗟我何人斯視之乃倍  
展緬昔閔仲叔顏汗浹難弭舟行賦長篇書苦無  
尺紙聊以據謝悃博君一莞爾

下卷

六

浴水吟

日光紅沒光赤上下火輪同一色黃河之水天上  
來至此涓流漸清碧舟中陡聞搏躍聲恍若垠崖  
劃崩裂起看三五少年浴壯者逐隊亦噴沫幾多  
衣袴堆岸頭裸體及腰分白黑始猶舉頸效鴨浮  
旋見如鷗出復沒少年意氣尤矜奇兩脚能於兩  
肩立又有兩人立並肩一人跨脚逾穩貼四肩齊  
水四脚行下下高高迭更易過客咄咄稱絕奇中  
有一叟對予說舊聞達官高念東顏禍襟期魯連

格歸來莫識宰官身見浴心喜如見獵浴者背垢  
互相擦先生從俗了無別 天子下詔召先生  
郡邑遣吏尋踪跡吏苦溽暑入水浴向衆偶問先  
生宅或指擦背即其人官爵里居道一一吏驚俯  
頭下水跽先生拱手水上水揖博得浴者皆軒渠軼  
事至今人嘖嘖予謂此猶沂水風水嬉千載思曾  
哲

題段蓉華修竹吾廬圖

憶昔戊午秋南園捷六人段子年最少

蓉華尊人  
諱汝舟

下卷

七

英思春泉新登第列粉署中外星軺頻欣欣方向  
榮溘然為愴卒所喜佳公子妙齡荷析薪膏腴得  
乃父下筆如有神頃示修竹圖結廬絕纖塵君與  
此君對心虛互相親當時脫錦裯想與解簪均此  
日能文章尤如箭有筠食實飲滴露鵲雛結為隣  
與籟賡復唱清詩引逾伸寒梢萬尺長恰配青雲  
身我忝共蘭譜今踰三十春玉樹臨風前旋為廊  
廟珍羨君還致勗統以顯此真

題吳讓谿小照

噫嘻誰歟一釋一儒云玉局翁胡不髯鬚云參寥  
師胡耄而臞倚竹坐石撫松據梧童子茗供心與  
天徒談空說有寂理同尋或曰之子非倦塵途志  
在千里豈嗜苾芻不知二氏吾道本符在昔昌黎  
嘗闢浮屠與大顛友有以也夫嗟我年來亦改故  
吾法喜為妻聊可與娛目瞪心契爰題是圖

下卷

二十

問義軒詩鈔下卷終

余三十載無寧居家人頻徙甲午浙東歸僑寄一  
椽與葦塘先生居相望三月訪花問義軒聞人不  
拒既出先生聞急追呼杯飲談敘翼日偕景安秦  
兄來訂脫粟約仍日相顧一夕手詩艸索評論余  
被酒哦漢殿已無辛慶忌阿誰流血救朱雲句涕  
橫下及一路惠風披柳下悠然想見聖之和則怡  
然悅先生亦偕余悲悅噫詩何容淺言非出入唐  
人三昧未易臻此此可為知者道未一月先生逝  
景安有山右陝西之行而余亦何復從追隨濠梁

跋

耶先生自訂艸祇二卷今付梓嗣君接三徵余言  
余安能無言同學世侍教生唐為坤頓首跋



癸巳夏日題葦塘詩卷後

阮尊先生古遺直劇飲高歌老無匹拂衣歸里廿  
三年課孫日咏雙松側兩孫才調皆不羈蓬萊瓊  
枝後先得宣城太守曰念農似騁驎中道息葦  
塘歷仕越與秦父老謳吟異地一今春示我紀遊  
詩美哉仍見雙松則阮尊先生有雙松晚翠樓詩集奇氣橫空太  
華低清思勃發春潮溢萬里山川萬戶情吟成都  
染烟雲色政事文章兩出羣江花豈獨書生筆鳴  
騶方駕正未央詩思湧泉隨地出油油晚翠翠更

贈言

華哉我雙松勁而貞

復齋勇成

曾大父解組二十餘年課塾稍閒事吟咏吾

父偕念農伯父潛心經藝一遵祖訓耳濡目染

旁及韻語於古作家門徑實已遍觀而盡識之碩

獨無詩名蓋未嘗輕示少作博世譽也曾大父

文稿手自訂定古今體詩甚富然散軼親朋門弟

子手者居多吾父自定海給假歸日勤鈔輯梓

行雙松晚翠樓詩稿後乃自擇舊作滙為一編顧

不肖輩喟然曰吾祖詩文名海內而負愧嗣音

我子若孫恐益嗟遺澤之湮也紹述風雅抒寫性

跋

靈莫善乎詩兒輩無忘我祖之訓予詩雖不工

譬之燕石自寶蓋極不忘韶齡親承提命時耳嗟

乎手澤如新音容莫接鈔撮平生所著共得詩二

卷急先付梓閱者倘以為雙松遺韻其在斯乎吾

父家居商推詩文惟曾叔祖復齋先生過從殆

無虛日展讀贈作彌切泫然因附書所見於後

孝男世駿泣識

問義軒詩鈔二卷贍草一卷

國子監助教張  
戴年家藏本

國朝莊綸渭撰綸渭字對樵號葦塘武進人乾隆壬

戌進士官定海縣知縣是集爲綸渭所手定其子

世駿校刊贍草乃其在定海時所著雜文及案牘

已載入定海續志又別錄成帙附於詩集之後焉

玉芝堂文集六卷詩集三卷

〔清〕邵齊燾撰

湖北省圖書館藏清乾隆刻本

附《四庫全書總目·玉芝堂集

九卷》提要

敕授儒林郎翰林院編修加一級邵公墓誌銘

今海內人士所推能爲東京六朝初唐之文者無論識與不識必首吾友叔山叔山與同歲舉進士名能爲史漢若昌黎河東文者則有定興王君芥子芥子初亦好爲文如叔山及見叔山文嘆爲天授遂輟不復作二君同年齒同官翰林同以文學相引重而又同以原官放歸川未幾芥子復起累遷至湖南觀察行大用而叔山則竟死矣觀察嘗遺書索刻其文將序以觀示後學叔山未及應卒明年其孤培慙走使乞觀察銘其藏觀察曰序吾已生許之矣銘請他屬

玉芝堂文集 墓誌銘

一

培慙則又泣而請於文文與叔山交不後觀察乃序而銘之君姓邵氏名齊燾字衍慈叔山其號也先世在唐貞元間居杭之北市曰道宗無子以弟吏部侍郎說子好禮爲後凡十有三傳山杭而睦而欽至饒州都帥顏子萬成乃卜居休寧之黎陽又二十傳至鄉飲賓嘉祚始遷常熟後分縣爲昭文遂著籍爲昭文人嘉祚生君會祖歲貢生可佳贈儒林郎可佳生君祖附貢生甲臨甲臨生君考候補主事鵬竝贈奉政大夫兵部武選司員外郎君考少孤能強毅自立遊義門何學士門受其學尤善書得二王法生



五子君其第二子也生之夕君夢明祭酒馮公夢  
頑以名刺來謁聞若願借居三十六年云廬而君生  
因名君小名曰開生三歲生母周安人卒嫡母程太  
宜人撫之愛如出腹子甫受書輒了大義塾師驚辭  
不能師長而愈篤有聞於時其學於古也涵而採之  
去故遺跡咀含浸淫滲漉衍溢乃大昌於辭而惟自  
其已出今古駢散殊體詭製道通爲一涉筆矢音金  
玉咳唾造次以之允蹈維則班范潘陸斯文未墜君

於

本朝一人而已乾隆壬戌第進士其闡中文騰聲下

玉芝堂文集 墓誌銘

二

人皆口傳以熟後有效者輒得弋獲雖形貌乖舛羣  
相指爲邵體君聞之不以爲忤也君既入詞館明年  
駕幸翰林院錫宴彷彿梁聯句與焉尋獻

東巡頌原道敷章研神播采揚班之亞也羣公器之  
爭欲致君門下顧君冲澹不省揣合相滄滄爲暇又  
習與一二靜者遊益就閒喜自弛置時多少年暴起  
意氣盛各以才力相鬪煽興馬服御燕款和矜高雖  
謹厚貧者咸務此不若不得比人數而君族又有以  
貴雄者世故誤指君爲富人顧獨乘羸車攝敝衣冠  
傲然出衆中則大駭久之益落落無以自見乃自顏

其齋曰道山祿隱在翰林十年充書局纂修者再充  
京兆分校者再兩遇

廷試亦再屆遂罷歸時年三十六說者謂符昔夢云  
君通籍初遭母兄喪旋喪偶思親歸日夜以冀既  
得歸侍融融怡怡如其見時退事著述益肆以醇間  
遇

國家慶典早展禹謨餘洋

廟堂假羽飾隊頡頏鸞鳳那書屬草者使填于門負  
螭蟠螭銘宮揭阡人交走幣恐後咸須君文以休萬  
祀身晦名顯日逾以崇之西

玉芝堂文集 墓誌銘

三

清蹕南巡有詔徵在籍詞臣集試

闕下時文官京師或謂曰此舉意在邵某也若與邵  
厚曷促之來文曰邵某病且母老恐不果來已而竟  
以疾辭不赴越四年卒春秋五十有二君貌清古豐  
下銳上首微窪如仰釜眉目疎秀短視精草章入晉  
人室每據案書望之若隱几臥者嚴冬喜脫履擁爐  
坐客至倉卒覓履不得隨取躡之履異旁觀竊視匿  
笑君覺之亦自笑已且復然終不以措意當金川之  
平也相國忠勇傅公旋師禮成坐朝房百官咸會君  
立門外面之取鏡諦視公呼入問曰若何視君微晒

不答徑趨出其意度夷曠類如此與之遊者未嘗見  
 愠色卽愠未嘗出聲氣性愛才喜獎借後學嘗主毘  
 陵龍城書院君歿士有喪之若父母者君一兄三弟  
 齊烈乙丑進士選爲庶常卒於官齊熊舉人內閣中  
 書舍人齊然齊烈同榜進士戊辰庶常今官戶部山  
 西司郎中齊簫附貢生皆賢而有文者配席安人太  
 學生贈文林郎永惻孫附貢生錡女有高行先卒君  
 已葬而銘之繼配王安人資政大夫戶部侍郎原祁  
 孫通奉大夫巡撫廣東兵部侍郎穆女子三男二人  
 培惠昭文縣學附生聖籍蘇州府學增生聖籍少負  
 玉芝堂文集 墓誌銘 四

志節務矯厲不同俗以自標置先君一年卒女一人  
 適太學生趙貴鯤孫男廣鑑廣衡孫女二乾隆己丑  
 十二月十二日辰時將葬君於席安人之封培惠余  
 壻也使來速銘銘曰

班班之獸弗擾于囂囂其音於桑之林於戲叔  
 古誰不然而克以有于萬年維生不羸維後之成以  
 鴻厥聲

賜進士出身

諸授奉直大夫左春坊左贊善加一級翰林院編修  
 秀水鄭虎文撰

玉芝堂文集目錄		卷一
鳳城秋曉賦	以西山朝來殊有爽致爲韻	答
周芝山同年書		
聖駕東巡恭謁		
祖陵詩	謹序	
聖駕東巡恭謁		
祖陵頌序	代少司馬汪公作	送顧古湫同年之荆
南序	席獻之小照詩序	強園單問 江萬川
先生乘餘集序	江揆庭詩序	蘭陔奉母圖
玉芝堂文集	目錄	一
序	翰林院恭擬	
大行皇后梓宮奉移觀德殿祭文	著雍執徐	翰林
院恭擬		
孝賢皇后週年祭文	竹泉春雨賦	以有斐君子終
不可諱兮爲韻	安定新城記	代沈少宗伯作
卷二		
平金川雅	謹序 代少宗伯秦公作	爲馬少
京兆觀風教	爲少宰歸公自陳表	讀書吾
廬園詩序	蓉桂圖跋	秋暮宴遊詩序
林恭擬		翰

聖駕巡幸河南祭文三首祭御廟 祭朱子祠

祭許衡墓 翰林院撰擬

諭祭奉恩輔國公懋爾臣文二首初上墳祭文

上墳祭文

祭鄧縣袁滄崖年伯文 翰林院

恭擬

聖駕巡幸江浙祭文三首祭九聖廟 祭關聖廟 祭關聖廟

廟 望祭岳宗

伯兄詩文序畧 恭祝

皇太后六十萬壽頌謹序 恭祝

皇太后六十萬壽詩謹序 代原任順天府尹顧汝

修作

爲沈少宗伯謝御賜詩集序表

玉芝堂文集 目錄

二

卷三

納涼賦以漢風自南來爲韻 誥贈朝議大夫

滄崖袁公墓誌銘 顧密齋繡真集序昭陽作

味香居詩集序 跋方氏潛山拜墓記後

公祭陳司業文

聖駕再巡

盛京頌謹序 代大司寇秦公作 故沂州守甬麓

翁公墓塋銘 井田研銘 敕封承德郎右春

坊右贊善加一級原任長洲縣知縣吉安羅公

墓碑旌崇大淵猷 爲按察許公題詩茶後

常熟海防廳署記柔兆困敦 祭莊年伯母吳

太夫人文 鄉先生錢氏四代像贊

卷四

聖駕南巡頌謹序 代宗人上事孫夢達作 張習

聖駕南巡頌謹序 代宗人上事孫夢達作 張習

誠合志堂詩序 聖夢錄序著弗編提格 佩

蘭詩草序 謝母姚孺人墓誌銘 題許鎔亭

新安江中唱和詩卷後居維甲閣 陝西糧道

席公元配李恭人墓誌銘 爲鄭贊善作肇慶

府志序上章執徐 爲蘇州府官屬祭大學士

玉芝堂文集 目錄

三

蔣文恪公文重光大荒落 方母毛太宜人墓

誌銘元默敦牂 鏡通禪師像贊昭陽協洽

李長蘅先生山水跋 孫嘉復像贊 柳南續

筆序 宗人府主事孫君墓誌銘 沈生妻袁

氏哀詞闕逢涪灘 歙石研銘 掌錄序

卷五

勅封文林郎浙江雲和縣知縣加一級原任徐

州府碭山縣教諭廬謝先生行狀旌崇作

許在璞茹茶百詠題詞 單孔昭詩序 毛

寶之維揚詩草跋 剖瓜研銘 祭曾曾宗文

翰林院編修栢東星先生行狀 章烈婦墓

碣 采兆間茂 蘇苞九先生像贊 七姪婦方

氏哀詞 答王芥子同年書 祭席仲權文

蔣秋涇先生誄 嵩縣志序

卷六

湖南按察使嚴公墓誌銘 湖南大淵縣 景州

知州府君墓誌銘

南巡盛典後序 伯兄墓誌銘 先室席安人墓誌

銘 自題墓碑 康母王太宜人墓誌銘 著雍

因敦 跋所和黃生漢鏞對鏡行後 送黃生

玉芝堂文集 目錄 四

漢鏞在徽州詩序 跋袁隨園前輩送韓宗海

序冊後 雕蟲觀畧跋 書院生徒送太守潘

公之官浙東詩序 書院諸生送潘公之官浙

東詩後跋

玉芝堂文集目錄終

玉芝堂文集卷一

鳳城秋曉賦 以西山朝來殊有爽致爲韵

白招布肅素節迎悽光道違北帝車指西鶴露宵凝

九臯之音乍繁雁風朝急七澤之翼方齊月如珪以

皎皎雲似羅而淒淒高樹叢枝歛寒蟬之翅長衢

廣陌頻聞代馬之嘶覽華京之氣象察靈造之端倪

試邀神于旭景乍流睇于朝暉信足以廓慮澄懷步

三條而縱賞瑩神澈眺極千里而不迷爾其通門旦

靜廣路晨開落星芒欲殘霄漢英英雲液猶潤茅

菅穆朝暉于郊郭勁涼颺于帝宸瞻召堯之雙闕對

玉芝堂文集 卷一

聳擁之羣山遠岫一色疎林四環天晶明而殊狀物

澄鮮而異顏輦道塵清聽鳴珂之噦噦御溝水急觀

清溜之潺潺其氣蕭森覺羣形之頓肅其容皎潔豈

常候之能班至如平原周望草色霜銷深林極目樹

影風搖墜簷梧之一葉衰陌柳之千條收帙台于孟

夏變懷懷于崇朝金門擗管之客雲閣影纓之僚莫

不驚茲蕭瑟嘆此泐寥發秋懷于翰藻動秋興于吟

謠別有羈孤躑躅遊子徘徊故鄉兮不見王孫兮未

來吟砌兮夕蟬燕階兮碧苔惕晨雞兮霜旦望賓鴻

兮高臺原野蕭蕭乍遊目而延佇蒹葭采采詎忘情

千溯洄伊金商之一候紛感悅之萬途惟人心之自  
召豈物理之能殊故感彫悴則憂以類至欣廓朗則  
興與時俱若遇安仁定歡泉菊倘逢張翰還憶尊鱸  
若夫膏麻登穀考月令之攸陳餉棗烹葵驗幽風之  
所有湘江寒秀縞旌性之阜蘭太華求珍薦蠲痺之  
霜藕想幽人之獨賞八桂叢山逢田父之相歡雙岐  
竟畝斯時也步西堂啓南牖嘯東阜城北阜林泉在  
前琴酒在後揆物候之盛衰究羣化之所紐望隰隰  
之高翔覽遊氛而矯首超迢迢兮焉如負獨立兮無  
偶夫其寥廓也釋朱夏之餘蒸其瑩潔也送高天之

玉芝堂文集

卷一

二

新爽故以日增清光天餘晃朗室加冲虛亭溢閒敞  
雜露渚之清吟亂風園之疎響使人祛祲乎塵垢之  
襟滌盪乎瑕滓之想矧乃東瞰欲升萬象無秘曉霧  
初開浮雲色異扶沼暖光義輪聳轡麗金爵之觚稜  
照千門之幽邃炎威既靜喜輕簾之纔揭霖潦新澄  
愛陽鳥之忽被相與登秋閣而高視馳秋原而遐矚  
則雖有惠連之筆詎足寫其情宋玉之詞孰能窮其  
致者哉

答周芝山同年書

齊燾頓首芝山九弟足下得六月四日告慨然增遠

別之恨頃以芳春歲中歡讌傾蓋投分忘形定交疎  
狂年少之時慷慨立身之始相與低昂今古嘔慕賢  
思品藻淵流銓衡雅俗屢承直諒之益不棄芻蕘之  
詞或命駕不逢則廻車塵樂經旬暫阻則採芣憂吟  
於斯時也松有悅柏之心帶有忘腰之適矣奉教日  
淺歡娛未足每值吾弟榮煢在疚瑩瑩陟陟行迫見  
星嗟夫嗟夫此之別也豈直絲路恒悲關岳往恨云  
爾哉噉泣城闌含辭哽咽停驂郭門贈言悵側山川  
重阻薊北極于周南義望推移出冰距乎流火傷獨  
行之踽踽望遠道之綿綿追維曩遊百憂集矣夏暑

玉芝堂文集

卷一

三

秋涼攝衛何似努力珍護勉旃自愛望未期風雲  
增愴所冀思夢潛符慈恩之遊有驗春風捲地中州  
之飛忽逢略布所懷詞不宜備

聖駕東巡恭謁

祖陵詩

臣伏見

皇上自宅位已來福祿九圍光格四表系累洽之茂  
緒闡

列祖之典訓兢兢業業具明不寐仔肩大統光紹顯  
懿一張一弛之權可大可久之法官人立政之紀基

命執中之原嚴配宗郊之文惇睦辨章之序莫不  
諸誠敬仁孝之意以篤祐承慶執先王至德要道以  
順天下內恪問膳問寢之節以承

皇太后外典辟雍庠序之化重農桑之務以厚元元  
美風俗親定禮樂正雅頌以究

祖宗之功德達天地之和序昭清之休悃悌之澤逢  
沛九垓師洽八紘卓哉煌煌

天子之大孝備矣雖姬周敬承姬周肆靖曾何足以  
云惟八年秋七月有

詔時巡

玉芝堂文集 卷一

四

盛京展敬

三陵中外齊絜小心翼翼既諏既戒乃祇奉

皇太后紆玉輦揚鳳蓋經山川之崇勝歷原隰之沃  
衍漆沮之從其祁孔有乃

命有司具獮田之禮請武以數軍實獲禽以供乾豆  
蒙古諸部朝鮮外藩懷柔德仁震疊威武會同有釋

享王惟恪祭之日禮備樂舉幽明氣通百靈來朝萬  
福降臨祀事既成大澤及下

舊宮置酒高年

賜帛辟公多士咸預宴饗大矣孝熙億兆同慶臣遭

遇徽禮不勝說憲誠欲推陳

國家神基遠祥巍巍之峻昭紀

皇上大德達孝穆穆之盛令可藻被金石諷動聽眎

而其職業又在以文章潤色

休烈宜有歌頌以鋪德流耀樹聲長世昔建武僅僅

作洛元和區區武功美不盈皆事非理本而班固張

衡韓愈柳宗元之徒猶相與覃精潤思作為風賦雅

頌以馳騫往牒誇耀祿祀矧

皇上孝治天下德莫與二馮馮翼翼垂慶無極者哉

臣誠不自揆輒竭志意宣昭

玉芝堂文集 卷一

五

德音識蔽坐眚響細鳴砌懼不足以發天光奮地豫

區區之愚冀有述于萬一謹依舊體爲四言詩一章

以獻其辭曰

皇家開統光配彼天受命不顯有開必先凝華聖籙

甄祝靈篇生商惟娥育周則姬

至人首物出震乘乾雲雷草昧櫛沐艱難繼

聖七葉奄有八埏握符光宅作都於燕受

國之舊陪京建焉璿基斗紫寶業崑安我

皇繼序受福孔延重熙運洽下武功宣敷繹緯化紹

聞迪前邈邈弓劍愉愉

寢園愴動秋露慕深豐粉乃練良日

帝於東巡長白之麓遼海之涘松深翠隴兆鬱蒼雲  
鳥芸瞻禹龍迎望軒薦其時食玉豆嘉遊備物盡志  
愛慈著存昔在

聖祖三恪祠官孝思維則以裕後昆我

皇繩武舊章是循休徵駢羅福應續紛三靈合慶九  
有臚歡赫矣沛祐於萬斯年

聖駕東巡恭謁

祖陵頌序代少司馬汪公作

臣聞名尊域大必隆自出之祀德統乾元必詳本祖

玉芝堂文集 卷一

六

之典是以景員松栢藻歌商楹高山漆沮騰軌姬簠  
闐祚由其卜昌釐風以之歸厚於皇時清克綽永福  
重代列聖連光緝熙綿綿寶帑積石未測其源業業  
璿基極天罕階其峻若水頽祥之地繞樞電而湛星  
虹橋山降魄之墟擁熊羆而蔭雲物魏巍

三陵長發其祥在瀋之陽實曰盛京三垣考耀應箕  
尾而疏基九野分疆跨幽營而表域削成長白抗終  
南太華之峯浩浩渾江洩瀝洛潑河之兆瑤臺偃塞  
外大國之幅隕皇淵滌洞篤公劉之締構珍符欲集  
宇山灑其氤氲運會將開山川鬱其精氣紛綸六籍

載休祐而猶疎茫昧九邱紀現英而未徧赫矣壯乎  
泰紫之殊庭坤靈之寶域者也粵若履武康禋倪天  
錫羨雲雷寫慶瓜瓞迎釐神武濟世舊邦新命造家  
拓迹式廓用增人告其心天與之宅見龍有象文明  
開九二之交鳴鳥來儀至德定三分之業及黃鉞載  
麾白魚斯躍戶牖六合文軌八荒既度燕薊建我京  
邑肇基之地是爲留都若其重軒雙闕之麗參塗九  
市之殷千廬八屯之周百廛萬雉之密聚乎隱隱與  
京師同制信足以奉

陵邑而固

玉芝堂文集 卷一

七

皇根隆上都而觀萬國者乎我

皇上下武受圖累仁嗣構握鏡陳樞寢繩抱表勝殘  
去殺之化成憲章稽古之烈盛協氣之所翔遊淳化  
之所甄治威明之所震耀聲教之所布濩淪深格高  
縣宙浹宇百年膺慶鍾明備之期九世恢基考祖宗  
之德固已道謫配京勲昭紹庭矣猶以象耕靈隧展  
軫之路方遙龍鼎幽宮升香之禮尙缺蒼蒼畢隴鬱  
鬱春郊永懷弓劍彌愴霜露昔在

皇祖三恪祀事上以崇本報功答

列聖在天陟降左右之眷下以巡方省化知民風土



俗王業艱難之自斯乃國家舊章神聖遠圖不可闕也爰

命有司備法駕除道東巡內外齊肅粵以歲在昭陽月旅夷則登谷告期誠嘗詩典

皇上乃奉

皇太后發輶紫宮清埃遶左駕離光之六鳳御文命之雙龍山靈護野方神啓路黃麾紫蓋出若甸而馭風雷赤節金貂扈烟途而序鸞鷟靜帷宮于綠野仍循問膳之儀肅帳殿于黃街尙展含飴之樂桑麻郁郁夾輦路而鋪葵黍稷與與委珍阡而縛錦若夫取

玉芝堂文集

卷一

八

材講事順農隙而耀威靈舉柴收禽實君庖而登俎豆諒軌物之所經豈遊娛之爲壯是用三驅豐鼓焚萊遵秋獮之期六駿駢衡升阜贊梁騶之典周畋協吉商網均仁武士行庖警黃跪足風馳霧集長驅虎視之庭岳運川回直指龍飛之宅桑梓依然粉榆在望問裝衣而追舊巡兆域而永慕辟容有穆孝享用蠲于是諏吉練辰質明行事祝奏嘉至工飾采薺洞屬幽喻優肅顯詔官職有序駿奔秉德黃彝玉豆告嘉栗於靈阿翠葆金支接神旂於詠蕩山嶽嶺象懸二曜而應東西大瑟中琴列重檐而考虞夏反本脩

古十倫三詔之禮全肅倡和聲九磬八闕之樂備河龍供鯉豐融享右之符玉柱生芝碑隱淵祥之氣五

精會而虬麟訛百靈朝而魚馬躍於斯時也穆穆焉皇皇焉濟濟焉洋洋焉愛慈咸致樂哀乃半騰漢典于視奩跨唐規于獻服者矣既而高年採遺俗省欽清猷周睇城邑御總章之行殿布如綸之渙號中陽白水仍邀置酒之歡烈文辟公其錫無疆之祉文德既昭武節是厲則有星墟列將能行鸞鶴之軍天策神兵本號熊羆之士犀衣烟聚貝冑星敷申秋令而習威儀肅軍容而明坐作七騶屬飾載旌旒而張

玉芝堂文集

卷一

九

舒三表鳴鐃按屯營而簡練因斯以轉泰武於退外懽威稜於鎮蕃震疊之義斯存懷柔之化彌遠豈直西園大閱戈矛若林洛水作師秣駘有爽云爾哉然後振旅神都移麾靈囀翔雲駟而轉蹕遵皇衢而復路邦基有萬年之固鼎業有如山之重懿鑠之蹟猗歟偉歟且夫報本追養配天綏饗鴻慶也時邁車攻觀風會同茂典也大禮大樂神人允若治本也乃文乃武威福率土化權也用能經綸萬樞雍動八表道凝克紹垂衣馳金冊之功義極如存指掌謚黃圖之運窺刊纂懿湯孫無並轂之因炤史瞻風如啓入扶



輪之列考巡遊于往事則汾射第嘉頌于從臣  
則卷阿避德臣沐浴元化遭逢休典慶過從郊歡溢  
陪禪竊以潤色鴻業掄揚上德臣子舊職朝廷通議  
遠希猗那濬哲思文清廟之作創維輪于前近慕相  
如子雲孟堅太冲之徒馳金羈於後輒用課曠告之  
末音靡日月之廣照識方庸瑣謬續康衢之吟思塗  
狼局有媿清風之藻

送顧古湫同年之荆南序

別方不定萬族共其銷魂秋士多悲四感紛其在抱  
品物恒性皆懷求友之歡含生大情咸有慕徒之戀

玉芝堂文集

卷一

十

至如及關聞嘆登岳流誦郊路班荆河梁攜手羈旅  
離別之際古人亦皆有不能已者乎古湫四兄曰下  
無雙江東獨步同年之友一時之傑齊瑟自奏見奪  
盈庭之竽隨照相投或按中宵之劍京塵淹久亟共  
暄寒岐路無端乍乖雲雨粵以建亥之年仲秋之月  
將從蓮府遠適荆南月明千里蟲吟四壁風簫淒而  
軒序涼烟嵐清而林野肅寒蟬抱樹驚征客之秋心  
候雁銜蘆極愁人之遠望指塗衡霍擊汰沅湘杜汀  
蘭畹正則之所行吟陶牧昭邱仲宣之所遊目涉彼  
迥路謝此倫好離筵召悲別景加促執手一去填膺

百憂於時如蘭舊侶傾蓋新知並爲歌詩以慰行役  
昌黎之留東野有願爲雲休文之別安成還期識路  
故人遠去蒼黃贈處之言密友將離慷慨攀援之意  
輒用序而錄之凡若干首其詞云爾

席獻之小照詩序

強固單園

席二獻之余婦之從兄也學殖瑰富文采葩耀握靈  
蛇懷抵鵠者有年矣老稱知希鄒嘆暗投驥驟未驟  
鵬雲猶戢坐臥烟霞夷然傲俗迺命畫工白圖其像  
風神簡曠傳于毫頰英姿姿岸遠驗于下筆對清池坐  
涼樹披遠風聽鳴泉樂亦在其中矣若夫蓮色霏紅

玉芝堂文集

卷一

十

桂影垂綠平波如鏡物色互映荇藻交橫喻其才思  
魚龍深藏寄其胸臆脩植被澳芳樹綠岸則有碧梧  
扶疎以翳日蘋藻櫛蠹而防露其櫛櫛孤聳之概亦  
所以自况也於是金蘭之友青雲之交握玩斯圖贈  
言滿軸爭傾陸海添曲沼之波瀾共灑潞江助澄潭  
之浩渺余以無文忝爲序引冠諸衆作糠粃在前云  
爾

江萬川先生棄餘集序

國朝初吾邑之以詩文名家者圓沙先生爲之魁其  
後玉友先生亦善詩嘗論定唐詩名曰審體學者翕

然宗之故吾邑能詩家稱二錢焉當二錢之以詩教人也出之於其口筆之於其書操觚之家知與不知靡然從風何其盛也迄于今未閱百年世事改換已之言詩者人馳聰明各是所見其間卽有通人碩學歸然負時望者不能必後學之士之信從之如當日也又况二錢先生者其流風餘韵與時衰歇尙有能宗而道之者歟蓋耳口不相接則質問無所憑老成典型不復再覩于今久矣而吾師萬川江先生及見圃沙親承其言論風旨而與玉友周旋最久故其爲詩具有宗法齊齋年十一卽與伯兄同受業于先生

玉芝堂文集

卷一

主

學爲制舉之文未嘗教以詩也然時時竊窺先生案間書見先生博覽羣籍老而不倦而於楚詞杜詩昌黎集及玉友所選唐音諸體皆丹黃複密手不停披蓋尤所三復也先生常常自言幼時慕圃沙名徑往自通坐定請受教圃沙云時文不足觀也亦讀古文爲古人耳時圃沙方治莊子退取讀之真古今奇文也稍長學爲詩從圃沙受詩法焉此皆先生所自道時伯兄年稍長因受莊騷卒業焉先生教之讀其徐疾輕重頓挫節奏欲使古人之聲音笑貌躍躍出唇齒間距今將二十年猶約略可記憶如昨日也蓋先

生之詩胚胎莊騷章韓杜然要能自具面目不徒乞靈古人已也嘗作放言長句一篇其自述頗詳具先生之上世居徽州之婺源縣先生中歲間返舊鄉溯錢塘江經子陵釣臺遂登黃山徧覽其峯巖溪洞雲壑烟巒之勝故其詩境淒清淡遠得江山之助焉顧先生雅自韜晦孰何有於君之讓未嘗以詩見于世每有所作旋即毀棄不復存錄而郎君文翁香叔皆能以詩文業其家惟先生之詩遂散佚不傳則後世將無述焉因拾先生之所棄者得若干首綴輯成卷先生見之色喜名其集曰棄餘蓋惜其棄而幸其

玉芝堂文集

卷一

主

餘於其失而復得情不能以已也乃錄而藏之而以後此之所作附焉歲丙寅齊齋以伯兄之喪歸自京師拜先生于庭先生以是集授之命爲序夫文章之事或此好而彼惡或已譽而人毀或見稱一時而不能久或當時莫知而顯于後先生之詩先生棄之吾不知人之觀先生之詩也其亦將棄之也耶抑當寶而惜之以傳于無窮耶將亦有知其必傳而不能免于目前之棄者耶然而和氏之璧豐城之劍其始見棄于人世者不知幾何時及其一旦增連城之價發衝星之氣卒爲世寶物固有埋沒抑遏之而其光怪

之質愈不可掩者吾見先生之詩之不終棄也且以二錢先生之爲詩也盛名播于當時流風息于身後而先生猶能傳其緒論而遵守其法則是二錢至今存也今先生之詩及先生之身而已有作而棄棄之久而復存如此者况于後之人其珍重愛惜而傳之無窮者又可知矣若齊詩者疎蕪劣門墻之棄材也雖先生磨礪而前祇之使無自棄然于先生之底蘊固未能窺見萬一其何以序先生之詩願自以從先生遊時幼稚無識曾不能稍竊先生之所棄者以自潤及與伯兄同入承明方以頌詠功德掄揚潤色

玉芝堂文集

卷一

西

爲職每當珥筆綴辭未嘗不追憶少時所聞見于函丈間者以互相證發猶以未能窮先生之蘊爲憾而伯兄中道天歿今而後遂無復與討論發揮以光大先生之教者讀先生詩既自愧悔又不能不重有所悲也因承先生命而序之若此第先生生平所爲詩不止于是吾又惜其所棄者多而所餘者少也則世卽有能讀是集者其猶不足以盡知先生也歟

江揆庭詩序

余年十三四受業萬川江先生先生之從子揆庭時時來省先生聞其有能詩名顧余尙小不知揆庭詩

何等也後十餘年余官京師習聞揆庭詩益工名藉藉而未見其所爲詩又六年余以伯兄之喪乞疾歸揆庭出其詩一編示余且謂之曰吾自少來所爲詩吾旣擇而錄之若此矣然吾猶病其多也子盍爲我刪之余讀其詩已復于揆庭曰余非知詩者何能刪子之詩且子之詩又何待于刪也世之論者皆曰古人之所作不多而其人傳後之人所作倍蓰于古人而或不盡傳以後人之所作與古人之所作較其多寡則古人之傳者常少而後人之傳者常多矣以後人之所傳與古人之所傳較其高下則古人之少遠

玉芝堂文集

卷一

五

過于後人之多其所以傳者不同也居今而觀唐宋元明之間人各有集大抵世愈近者其卷帙益煩及進而溯之魏晉以迄周隋其間作者鱗次然卷帙抑差少矣又進而溯之兩漢則多不過人數篇少者僅一兩篇然其人其文之在千古其光氣照耀不可磨滅爲何如也卽以詩論唐人詩集之最著者莫如李杜元白然視子瞻放翁石湖誠齋其卷帙之繁不及也若曹劉陶謝鮑庾諸家其存者抑又少焉至于蘇李贈答以及枚乘傅毅無名氏之詩世所稱古辭者皆上繼三百篇之遺音下開列代之體製然其存者

若斯而已而世之人卒未有能謂蘇陸之詩可掩李杜曹劉之作可駕蘇李者也然則詩之傳固在於多乎哉子之欲刪其詩也或者意在此乎顧余獨以古今人文之不相及者氣運之相乘才分之相懸使然而不在所傳多寡之間其所以有多寡者世遠則篇籍就湮時近則流詠未替而不必據此以定古今之判也使唐宋之人生于漢魏其傳者未必不少使漢魏之人生于元明其傳者未必不多然使古人之詩文連篇積軸纍纍成集如後世人之多其所以勝于後人者自在也未嘗以多而賤也又試取近世人之

玉芝堂文集

卷一

夫

集芟夷翦截僅存一二使如古人之少其所以不如古人者自在也未嘗以少而貴也夫詩之傳又豈徒在於少乎哉子今者將毋徒以少爲貴耶抑將漸至于古人以自爲其可傳則子之詩方將躡元明之軌轍映唐宋之藩籬排江左之門戶挾漢魏之堂奧日增月益必有更多于此者而又奚以刪爲且子不聞之乎隨侯混于魚目和氏雜于碨砢則必將去其似者以明其真者矣若夫懸圃積玉無非夜光合浦孕珠皆成明月彼觀者方且顧盼睥睨之不暇又奚能有所去留取

舍于其間哉故曰子之詩不必刪也既以言于揆庭遂書之以爲序

蘭陵奉母圖序

蓋聞劬躬盡後者賢母之行也竭力事親者孝子之分也觀夫市肉封鮮照耀于朱管遺羹供鱸彪炳于青冊以至子政之所輯元凱之所編淵明之所贊梁元之所序貞規素範騰茂蜚華隔代相望非專一緒然則褒聖善以貽則摘專洞以垂勸一操可稱揚匹婦之風烈百行有本闢先王之要道豈必皆有奇節竦世殊槩激俗民之質矣日用以此爲德天之經也

玉芝堂文集

卷一

七

人倫以此爲教考其軌躅抑亦君子之所樂道乎毛太夫人者吾邑方君之母也若夫信陵博徒之友平原按劍之賓常山太守分十翼之枝派河間博士傳四始之淵源張奉聞名賢者之行不測陶公對客年少之言可用前徽曩緒具彰史牒太夫人生自華宗日嬪高族飛凰之占未久寡鵠之歌忽賦挺松柯于歲寒聳喬葉于清漢持家峻于禮則教子備于慈嚴鄉黨嗟稱郡邑上奏朝章有耀用闡幽芳方君子是具甘脆以奉晨昏佩紛騰而問寒燠時其嗜好或致寒瓜祝其壽康卽醺春酒何止仲由啜菽之歡無復

伯堅汝墳之慨顧以揚顯之道必寄名言形容盛美  
咸資篇軸爰乃傳神繪事窮西蜀之丹青取義笙詩  
尤南陔之馨潔假彼縞素寫茲愉悅名曰蘭陔奉母  
圖焉其爲圖也崎嶇邱壑杳蒨幽林幽草叢叢長松  
千尺平橋跨澗似躍江泉之鱗修竹依依巖還拙冬月  
之筍亭館參差廊宇重複高垂經幔依然宋母之庭  
別築養堂卽是虞潭之宅黃髮含飴斑衣洗腆以慈  
以孝樂在其中昔者日碑拜甘泉之像非謂生前安  
仁扶洛涘之輿未傳工畫以今視之實兼其美觀于  
此者可以興乎於時士林好德月旦通人傳茲美談

玉芝堂文集

卷一

太

篇詠斯廣君息鱗伯簾金紹業庭玉延芳與余兩弟  
風期欸密嘗因暇日出示斯圖不鄙庸虛屬題其首  
循環省覽載深嘉嘆欣庭闈之樂事玩羣賢之雅製  
述其孝養詞繼廣微之作第其篇什文慚卜氏之序

翰林院恭擬

大行皇后梓宮奉移觀德殿祭文

著雍執徐

椒塗寂寞永懷良佐於中宮蘋藻馨香月爰靈儀於  
別殿龍輻初動悲懿範之長違鳳翼俄遷悼徽音之  
卽遠肇移嘉奠載展哀悰惟

皇后倪天稟粹應地含章玉壺凝芳用柔嘉而正位

彤編照彩體仁孝以宜規儀型久被于六宮善慶宜  
膺于百福方冀二南流化永襄宵旰之憂勤豈期六  
氣違和竟致膏肓之痼病屬回鑾于東岱奄歎虧輪  
當轉棹于中途俄悲逝水旣旋輶于舊寢仍改厝於  
新宮玉戶金鋪儼靈旂之來駐松楸柏桷奠神寢之  
孔安嗚呼帷幕新移緬珩璜而杳矣几筵空設陳鞠  
翟以潸然追念遺徽川深悽感庶憑芳薦式冀來歆

翰林院恭擬

孝賢皇后週月祭文

雲幄收華悼蘭儀之卽遠星軒掩彩悲玉度之長違

玉芝堂文集

卷一

尤

月黯椒塗溯音徽而在念春銷蕙路瞻物序以驚心  
永懷良佐于中宮更薦芳筵于別殿情隨候積饋以  
時陳惟

皇后應地含章倪天稟粹彤編表懿體仁孝以宜規  
玉闥流徽用柔嘉而正位茂珩璜之令範穆昭沚之  
芳猷坤儀實冠于古今靈政有光于圖史方冀二南  
流化永襄宵旰之憂勤豈期六氣違和竟致薨蘭之  
萎絕屬回鑾于東岱奄歎虧輪當轉棹于中途俄悲  
逝水旣旋輶于舊寢仍改厝于新宮砥室珉房儼靈  
旂之來駐松楸柏桷庶神寢之孔安慨日月之行徂

悵音容之益渺冀英開落濟周晦朔之期箭漏盈虛  
已屆清和之序對出遊之檜楫黯爾悲來聆集灌之  
芳禽潸然淚續紅幃空設容翟猶陳紫掖遺芳與春  
風而永歇形園積感隨夏日以方長嗚呼瑤萼頻彫  
已增哀于少游翠輪永訣長抱痛于河洲薦此馨香  
尙其昭格

竹泉春雨賦

以有斐君子終不可訕兮爲韵

倚彼脩篁植茲翠阜承春雨之霏霏陰春泉之瀏瀏  
清芬乍洗香分杏苑之花新碧初流色奪上林之柳  
照檀欒于水底掩映琅玕綴點滴于枝間瓊瓏珮玖

玉芝堂文集

卷十

辛

榮滋禁籞輕東箭之爲珍潤製襟裾訝淇園之未有  
原夫貞同松栢增美則稱其有筠望協圭璋瞻澳則  
歌其有斐祥鸞曉集覽德等于岡梧甘醴宵凝團膏  
並于行葦秉堅剛而爲性自植芳林挺孤潔以爲姿  
詎儕凡卉乃有溪浮落蕊澗長新芹導涓涓之細溜  
興漠漠之輕紋遶迴翠篠之旁漾清波而渙渙曲拂  
叢篁之下疏碧鏡以云云旣而山巖蘊霧川澤蒸雲  
露霖流膏似散絲之密下霏微灑潤乍輕響之徐聞  
紺影烟濃俟賞心于王子綠筠濕重疑染淚于湘君  
且夫三春布和萬族色喜雲郁郁于黃街日遲遲于

玉芝堂文集

卷一

辛

青軌新鶯試嘯則韻入笙簧雜樹爭花則光霏霞綺  
凡景物之芳妍獨於斯而見美猶未若翠幹亭亭清  
流瀾瀾密雨初來緘埃不起湛濛水而山澗底之魚  
兒的歷林間見筍根之稚子潤碧陰于溪岸驟洗塵  
容雜疎響于湍鳴還清俗耳伊物理之可玩良至道  
之不窮竹無心而孤疎泉有本而流冲或表孝慈之  
號或徵廉讓之風其爲潔也澹萬物之滓穢其爲堅  
也貫四時之始終任覽觀于庶彙皆有鑒于當躬况  
乃地以不測生材天以無私澤物目之順也旣所以  
發其和雨以潤焉亦所以宣其鬱偉斯竹之叢生沐  
春霖而芻蔚比清標于高士固衆屈而獨伸度勁節  
于貞臣將人可而我否爾其清苑栽根禁池生筍干  
青霄而櫛瀟異羣植之凡瑣別有峻嶺岑寂幽崖坎  
圻凌絕磻之高寒對澄波之渾沱亦莫不粉籜輕含  
霜苞細裹待雨澤而向榮同青葱而婀娜抱出塵之  
秀質夫何適而不可爾乃柔莢烟暖叢蕙風翻暫怡  
神于珍館聊縱目於芳園觀蘋筠之靜影抱靈沼之  
清源澗戶飛泉迴添寒碧雨窓滴翠坐滌羣煩惟此  
景之爲樂恒在念而勿諼于是圖諸繪事永以篇題  
狀森聳于春岫寫琤琮于碧溪展卷而雨聲淅淅揮



毫而雲氣淒淒用長承于磨質曾莫得而尙兮

安定新城記

代沈少宗伯作

華昌之屬曰安定於春秋羗戎之所薦居宋曰定西  
州元易今名明廢州立縣其地固繚環複河澗潞帶  
左界關輔右隣甘涼當明之時實惟邊衝保障是資  
鑿深築堅國家承平戎車不興於茲百年墉堞就頽  
蘇州陳君來尹是邑值仍歲繭隆禾稼不登民失其  
天陳君怒焉謀所以安集而生全之者迺請于上官  
增脩是城鳩民之貧無食者俾執公功而酬其庸以  
乾隆十有三年夏四月經始板築民樂趨事舂鍤競

玉芝堂文集

卷一

三

典既度既揀或甃或塗堅完有加用新厥觀惟秋八  
月工告訖功城之南門仍其名曰昭文而名其北曰  
雲祥其外城三門名其南曰薰和東曰日賓西曰寶  
成北門故無樓其四隅八樓及東西之鐘鼓樓基址  
僅存是創是脩品式周詳考月令孟秋命百官坏垣  
墻補城郭而於仲秋則又曰可以築城郭建都邑孟  
冬則又命有司坏城郭固封疆蓋城者所以禦暴保  
民故王政重焉今陳君之新是城也不暮鼓而勤不  
執扑而勤五月之間廢墜以舉而飢者得食詩云鴻  
雁于飛集于中澤之子于垣百堵皆作斯之謂乎此

役也可謂惠而不費勞而不怨一舉而二美兼焉是  
可尙已陳君名種字元益賢而能文有惠政于民以  
新是城故請余爲文以誌之川次其始末俾書諸石

玉芝堂文集

卷一

七

玉芝堂文集卷一終

吳門穆大展局刻字

玉芝堂文集卷二

平金川雅  
謹序 代少宗伯秦公作  
屠維大荒落

惟

皇帝撫萬方罔內外罔不率俾乃金川不恭敢怙險以狂戎臣失律月深歲延未印厥辜

帝乃震怒有相曰恒請備戎乘往殲厥孽乃推轂授鉞濟師以行如霆如雷同惡即誅賊褫氣攝魄旬可厥生相請遂訖厥功

帝曰吁勿盡劉其與惟新以懷以柔賊革厥心川奔走懾附稽顙獻琛於相恒恒以

玉芝堂文集 卷二

一

天子威德卽撫諭之振旅而歸蓋出師五旬而金川以平臣聞之王者之迹莫備于詩蓋所以歌功德被管弦述風化序正變也今

聖主奮威寧邊誠非小功小美宜有風賦雅頌以昭紀聲績潤響鋪石臣誠不文上慚史牘吉甫撰宣王之風中避班堅張平藻建武之業近謝韓愈柳宗元鋪元和之伐區區之愚猶冀有所發明謹述平金川雅十二章章八句敢再拜稽首以獻其辭曰

皇怙萬方內豫外謐西南之荒有狡不率戎臣乖計是玩是軼是震是怒奮我皇鉞右第一章

侯誰一德克忠厥圖乃咨相臣汝子徃誅既類既禡既餞于衢厥徒五千匪安匪舒右第二章

惟此相臣克勤以忠底天之罰匪圖厥躬金川之阻其山萬重匪載匪乘徒行以通右第三章

金川不誅匪鑿匪茹襟其川谿謂險可據相臣至止聲罪以數執訊匪徐賊川狼顧右第四章

怒麇抗獄云胡不亡其巢孔完我摧孰當厥角稽首籲生以降士怒未沫鋹我斧斯右第五章

天子曰咨孰匪赤子彼歸而誅胡寧忍此其汝子撫勿踣勿畸我疆則救我戎則弭右第六章

玉芝堂文集 卷二

二

天子曰咨民亦勞止載棄汝弓惠我耕市匪缺我折匪折我矢告于

慈寧載色載喜右第七章

小人革面爰來爰安率彼羣醜跼于軍懷相以

帝言滌爾疇愆載懌載欣歸琛有虔右第八章

帝謂相臣歸弼朕躬予嘉汝績建汝上公錫汝豹尾龍衮以庸暨汝將士第功以從右第九章

相臣振旅言歸于京再拜稽首告功之成

皇燕于庭王侯公卿鼓瑟吹笙孔燕孔寧右第十章  
告此武功于



郊于

宗思樂

聖母徽冊是崇民既安侯農侯工金川率從

天子之庸右第十一章

於赫

皇武乃武乃文刻銘于碑以播厥勳龜趺龍額于黃  
之門若日月光式是後昆右第十二章

爲馬少京兆觀風教

訪俗釐風收民之恒典興文造士設教之良規自昔  
剖竹塞帷乘驄驅傳未有不採歌謠于里巷考道德

玉芝堂文集

卷二

三

于膠庠而能廣洽風聲助流政化者也是以吳公治  
郡能識賈生王褒典州亦甄何武文舉下車顯康成  
之德丁限作牧表樹覆之行緬仰前修式光史牒是  
則五方質俗風雨之氣雖殊十步求芳採擷之途無  
遠尤夫珍符天府華實上腴作四方之紀綱爲九服  
之冠冕文軌由其會同簪帶之所幅輳隆上都而觀  
萬國漸摩得聲教之先居北辰而拱衆星就望極文  
明之象國家德誠八埏道光九野四術造士當文物  
大備之餘百年樹人際禮樂既興之會今  
皇上經緯成德文思垂風御六氣而平泰階乘八風

而制羣動詩書道德之化累洽而重熙東西南北之

人心悅而誠服固已戴日戴斗咸歸陶鑄之中太平

太蒙並入聲名之域若夫邦畿翼翼建首善而稱與

區髦士戢戢際休明而生王國莫非有德有造爲龍

爲光學重靈蛇文傳夢鳥酌六經之庖餽餐百家之

異饌琢三墳之瑚璉吹五典之笙簧近天子之光紫

萬民之望東膠西序挾冊之侶如雲春藻秋槐駭歌

之聲不輟濟濟焉洋洋焉求榘鄧杞皆成上棟之材

問寶荆藍咸著白虹之氣者也府丞恭膺簡命來佐

旬宣爰自中臺貳茲京尹才疎展驥對華旗而自慚

玉芝堂文集

卷二

四

德謝題車擁熊軾而增愧所恐五袴無諠雙岐輟詠  
將欲詢求政要諮訪良規思宏于旌之風尙想楨幹  
之彥此地醫閭表鎮涑易疏源嫺典封山建幽州之  
輿壤姬岡賜履樹燕國之雄都其川岫英靈光華代  
出衣簪文獻磊落相望懷文抱質無絕于曩篇贈學  
淵聞繼蹤于前史日如莊周史隱鄉號漆園荀况儒  
宗人尊祭酒毛公韓傳分鑣四始之域前趙後王繼  
美三輔之諸崔駟則傳教齊名盧植則鄭元同學復  
有斗墟浮履遺識于將蒿麓殘文懸知顯節或千年  
辨歷親明東井之星或七歲知名卽對瑯琊之稻盧

照隣之才傑子安恥其在前劉去華之直言李邵嘉其獨進蕭邱望族有五寶之駢衡靈壽華宗有四韓之疊軌瞻言曩烈並纂清芬矧我思皇久漸淳化標薪之基以泰芹藻之澤方長峽號彈琴應宮商于文律田名種玉待彫琢于良工又如鐵嶺從龍渾江附鳳家銘鐘鼎族哲山河俊又星羅衣冠鼎盛亦猶中陽升錄徐沛之英賢景從白水膺符荆宛之茂異雲集昔時躡運俱憑汗馬之勲此日同文更習雕蟲之伎莫不負風鵬之逸翮蔚霧豹之雄姿漸陸有光奉璋無忝者矣夫士者民之秀故學校爲風俗之源言

玉芝堂文集

卷二

五

者身之文故詞章亦德行之表握珍席上寧無待聘之心辨樂懸中厥有編觀之請是用分題授藝授簡程材或有具美衆長或能專精一得奇正之變象兵家之不窮文質之宜臂繪事之互設各罄澄心勿事勦說庶足以覘風會之攸殊驗習俗之所尚覽人材之上下究學術之精微將欲商推淵流較量名實敢同過冀不貽妄嘆之譏倘比求珠或有無心之得云爾

爲少宰歸公白陳表

伏念臣蓬衡葭品樛散陋姿竭駑鈍之微勞荷頻蕃

之厚渥超陪左棘游掌東銓九品官人愧乏甄明之譽七年佐職坐深泰竊之憂既過謬之相仍致瑕疵之難追尋值鴻恩普物曲荷矜全渙號流仁並蒙前祓雖陽春布澤既往之咎不追而清夜問心胡顏之譏是凜况以天官要職小宰崇班摯庶品之綱維總九流之銓序豈伊庸瑣所可久叨茲當考績之期益抱妨賢之疚巡涯震悚陳力兢慚伏冀聖明卽加澄簡

讀書吾廬圖詩序

夫前言往行多識之用無方誦詩讀書尙論之途不

玉芝堂文集

卷二

六

一而勞生役役研精葢寡塵懷擾擾恒多乘日不其惜與至若收狝于澤卽用編蒲護雞于庭不知漂麥康成覽萬卷而不足曼倩用三冬而有餘邢子才一經于目不復重披陶泉明自讀吾書不求甚解雖領會各途而耽嗜一揆豈不以君子畜德必該潤于古先通人寄情亦跌宕于風雅者也吾友陳七雪園聲華動俗符彩射人大梁寸珠寫曜十乘之外豐城雙鉞栖馘九野之上對策登于甲科影纓入于郎署都官清秩悉五聽之聰明司憲仙曹愼一成之輕重勅法雷電肺石不冤折衷臯蘇懸河無滯同官囑曰才

望翁然至于縹緲闕文事深風契青箱往記造次以之六經庖厨寧辭供七百家異饌徒染指顧以鍾領仍杳慮妨咀道之襟軒蓋逢迎無語麗古之業思欲掃徑蓬蒿之下結廬松鶴之間追湖車馬之喧高尊墳籍之友爰乃托諸圖書以寄深懷東山前輩聖妙一時點染林壑蔚成勝境爾其青蘿漠漠白石磷磷鳴湍激響午應淵淵之詠芳條總翠似下董生之帷玉軸縱橫牙籤左右任心以觀涉口有獲因以形神無累心迹俱遠豈與夫抵掌不逢歸而發篋折戟見諸憤而穿梳同年語哉於時游內名流京師好事

玉芝堂文集

卷二

七

競播詠歌實繁卷軸齊巖文非適時學不師訓十年佔畢纔辨離經之志七載承明方貽篋篋之愧若使得假息茂樹之蔭濯足清冷之源塵纓一挂便散髮于書林俗駕長停易還懷于學市靈殘竹于名山餐鴻經丁寶笥上可以遺棄名利養性窮神次亦足論次古今增間瞻見實紛吾之木懷義未逮而有志者也是以循環茲卷愧羨彌襟玩羣公之麗製嘉吾友之雅尚不揆短筆奮爲斯序云爾

蓉桂圖跋

書體肇興爰標假借之目文事末流亦存諧謔之義

或有同文而異其物或以殊事而混其稱蓋上世隄于點畫乃有通用之文後人喜于附會更爲謎語之漸矣今試畧言數端且如稱鑑知還語澤曉程開相辨迫言桃悟逃托逆明憐假將喻將並是曲借同音巧藏別義施諸文用自昔而然同年莊四任可以已仲秋爲年伯母林太夫人舉五十之觴前輩大廷尉鄒公作蓉桂圖以爲壽蓋蓉榮也桂貴也亦避辭以喻意隱語以指事者也此語代俗相沿莫詳所自然古人既以如彼今人何獨不然况小山先生繪事稱神當世所寶安知貽厥來茲不乃更爲故實乎論

玉芝堂文集

卷二

八

者或云桂之爲貴請如前論至若榮之與蓉本非同部此乃流俗恒談多失永兵之音誤從餘封之讀耳以斯連類蒙有猜焉予又以爲不然夫古今異言遷貿非一方俗殊舌轉致訛必若所云則是得無登聲都豈豬訓塋非可以代坎引何爲而轉贈太行不得稱太形灝瀟不當書滯預而古人稱謂曾不爲怪又如觀取號之譌而知旂有片音驗賣併之忌而知蒸以中諱岡士則高歌一韻楚人則南難共聲洛下旣遣大無分秦中亦青萋不別如此者多難可更僕蓋音之有轉其來尙矣蓉之爲榮又何惑焉任可贈

光祿之子少司馬之弟射策中于甲科素身登于秘閣例當邀封錫類尊顯所生春秋之義以子貴太夫人有焉茲者當仲秋之令節值設悅之良辰公卿大夫鵬紳先生之徒屬與任可遊者莫不捧觴爲歡登堂而拜歌魯侯之燕喜追奚斯之頌聲可不謂榮乎因斯以觀鄒公之作是圖其取義命名蓋不苟矣

秋暮宴遊詩序

歲在己巳月惟季秋大高氣澄風物凄清檐梧下葉發秋士之深悲離菊晚芳動幽人之逸興城南有陶然亭名實舊矣京師縉紳之流自公休暇之隙假日

玉芝堂文集

卷二

九

銷憂此焉登陟汪探花者僕友王兵曹之玉潤也文采媚于朝榮襟懷映于秋沼對風光之閒美屬職務之餘暇招王君之同牒冠者六人近重陽之令辰先庚三日相與促席行杯劇談縱懷既而巾車南郭升茲古樹俯瞰原隰極眺林野白露下而蒹葭蒼寒烟交而城闕迥登高作賦諸君陳力於大夫對酒當歌下走無階于末座日夕言旋餘興猶盤重爲後期來命同遊粵以九日會于王君琉璃街之私第座上已滿非無不速之賓俗外相期盡是忘形之侶抵掌抗袖淹留永日暮色四壁寒花一庭于是乎列芳饌而

命雕觴延清風而揖明月頽然而醉謗然而歌取極一時之歡焉知身外之事非夫得意于閒靜妙達觀于自然詎足與契此幽襟陶茲素景者也且夫嚶其鳴矣詩人摘伐木之譌其臭如蘭君子玩斷金之契方以類聚物以羣分抑可知矣假使素心莫在獨對芳辰俗輩相呼其銜杯酒寧不令烟霞閑淡琴尊索莫今諸君得其朋矣同其賞矣可以樂矣繼之以悲何者今人詎能喻古人之歡明日非復存今日之賞故曰彼一時也此一時也不其然乎夫歌詠者人之性情筆墨者人之面目古人有軒軒軒轅而風流

玉芝堂文集

卷二

十

以遠烟景乍寄而緜代如昨亦賴之于篇翰也王君雅篤素交深惟古處以爲吾儕之相知也既嘗朝遊夕處冠蓋逢迎豈無萍浮梗泛雲波阻絕俯仰陳迹達人所以興懷同堂異鄉浮生故其可慨思所以留勝賞于異日永情懷于不忘爰乃彙彼瑋璋聯諸藤梗各具手書次第編錄不復計章句之工拙點畫之妍陋第欲使星移火變山高水遠循環篇帙猶見交情如斯而已昔者王右軍之雅調纔舊蘭亭之筆楊盈川之傑思始裁藥園之序僕竊不遜謬希前軌輒述王君之意爰題衆作之首前後會者九人詩三十

一首詞一闕列之于後

翰林院恭擬

聖駕巡幸河南祭文三首 上章敦鼎

祭邵雍祠

邵雍質稟高明學窮蹟隱陰陽動靜玩變化于一心  
生長收藏識經綸於四府堂文指節能占法象之奇  
月到風來自得性靈之樂湛虛明于心體世服前知  
化品厚于鄉閭上稱純德餘風未沫美報斯隆朕時  
適嵩高觀風伊洛里居不遠猶傳安樂之名祠宇如  
新尙想漁樵之唱載深嘉尙川展精誠特命有司恪

王芝堂文集 卷二

十一

脩祀事庶其冥漠妥我明馨

祭朱子祠

朱子間氣鍾英純儒體道稚齒戲於沙上卽圖八卦  
之文遺書立于學宮重訂六經之傳官榮屢讓薄俗  
知易退之風政事可觀巨屏有得賢之慶設科而明  
師道講學以主敬爲宗拜手而進昌言致主以正心  
爲本質儀型于百世宜俎豆于千秋朕稽古省方言  
巡中嶽訪遺塵于祠宇恍接清徽溯道統之淵源彌  
嘉令範式脩秩祀祇薦明馨惟冀神靈尙其歆格

祭許衡墓

許衡性資穎異學術真醇識不同于時師早負過人  
之目功必要於實踐蔚爲名世之材貞紉中書君相  
傾心于王政橫經國子生徒引領于儒宗考天象以  
授人時正積年之差祇定朝儀而立官制開一代之  
規模遺烈未湮追崇宜厚朕升中嶽嶽考道榮河經  
梓里而念前徽徘徊古蹟望堂封而懷令範寤想餘  
風爰命有司恪脩祀事神其不遠尙或來歆

翰林院撰擬

諭祭奉恩輔國公瑟爾臣文二首

初上墳祭文

王芝堂文集 卷二

三

皇帝諭祭奉恩輔國公瑟爾臣之靈曰朕惟懿親列  
爵錫袞繡而分榮同姓推仁勸圭卣而長世敦宗睦  
族龍光已被于彝章隱卒崇終篤念更優其恩禮爾  
奉恩輔國公瑟爾臣銀潢疏派玉葉垂芬視五嶽以  
膺封位三槐而詔序靖共居職致身宜夙夜之勤祇  
慎承恩匪懈竭股肱之力方冀永宜景福凝湛露于  
桐椅豈期忽抱沉疴戢歸陰于濛汜特頒芳奠川展  
哀衷於戲恩篤本支式廣展親之義寵加泉壤彌深  
悼往之懷靈而有知尙其來享

大上墳祭文

皇帝諭祭奉恩輔國公瑟爾臣之靈曰惟爾分鼎棠  
葉襲慶槐階清慎流聲奉桓圭而繼序恪勤著譽錫  
袞服以揚休追軫舊勞重昭芳薦茲芬清醑望馬羣  
而頻傾寂寞黃泉荷龍光而無已於戲情存念往恩  
榮猶被于九原義極崇終禮數特降于一本靈其不  
遠尚克來飲

祭鄧縣袁滄崖年伯文

嗚呼世道云平淳風日銷衆竅俱鑿大朴以彫俗既  
訛薄學亦混淆誰能古處實賴賢豪嗟惟公介然  
特立克全其天靡阿于習行必有恒言必可法詩書

玉芝堂文集

卷二

三

忠孝承芳奕葉人之服古贈于詞章決科射策以邀  
銀黃公務考實返躬不遑昔人之言示我周行人之  
取友或以意氣或以文章或以名利公嚴擇交切磋  
義畏友是崇而斥非類人教其子冀其成名朱丹  
其轂爲公爲卿公之義方曰敬曰誠脩其天爵孰並  
其榮惟公長子實我執友交以澹成情因敬久勉我  
不能期我不朽松茂栢歡膠膠堅漆厚疇昔之辰春日  
載陽公年八十爲公舉觴祝公眉壽德音不忘迄茲  
三載驚聞壞梁嗟嗟惟公克彌爾性年踰大耋善徵  
餘慶聞之五福曰考終命存榮沒哀爰得其正哀我

良友熒熒棘人喟喟踟躕見星而奔結綬九載分襟  
此晨木落冰堅雪泣開津四明峩峩鄧江瀾瀾山高  
水長令名不已我酒既清我猷既旨布奠傾觴敬讚  
德美

翰林院恭擬

聖駕巡幸江浙祭文三首 重光協洽

祭元聖周公

惟公道隆繼述業贊文明損益夏殷成德賴勤勞之  
績觀揚文武迎光歸才藝之姿書述三宗識民依于  
稼穡詩歌七月陳王業于農桑開一代之太平享千

玉芝堂文集

卷二

四

秋之美報茲朕稽古南巡道經東魯緬懷赤舄咏狼  
跋于前微尙想袞衣慕鴻飛于曩烈訪遺墟而不遠  
瞻廟貌以非遙特敕有司恪脩祀事庶其靈鑒妥此  
明禋

祭闕里文廟

仰維先師水精運世木鐸匡時集羣聖之大成爲生  
民所未有朕欽崇至道仰止遺風希聖之情每勞寤  
寐前歲觀風俗趾親式鄆鄉數仞宮牆得瞻宗廟之  
美兩楹俎豆躬薦蘋蘩之誠茲以時邁江南道經汶  
右杏壇在望闕里非遙復遣具官虔脩祀事庶幾靈

器尙克來歎

望祭岱宗

惟神作鎮東方肇生庶類視三公而北秩長萃岳以稱宗日觀天門是惟神府金牀玉几寶日仙閣朕以前歲東巡處脩秩祀茲者省方吳會道出青齊巖畔奉松瞻貞枝而在日祠前漢柏想翠葢之依然敬遣其官更申望祭極齋明于如在潔遯夏子司存惟冀神明尙其昭格

伯兄詩文序畧

君諱齊烈字昌承姓邵氏先世在唐貞元中居杭州

玉芝堂文集

卷二

五

之北市者曰喜無子弟吏部侍郎說有子二長好義官博士子孫居共城河南邵氏其後也次好禮爲喜後好禮生祿祿生德元咸通中遷于睦州德元生康康生靖靖生清清生顯顯遷于歙居貴溪顯生約約生世世生顏顏生清溪公萬成萬成字子實始遷于休寧所居有水曰黎川其村曰黎陽卽萬成生瑞真瑞真生邦正邦正生太明太明生興仁興仁生文貴文貴生涇涇生勛勛生俊俊生亭亭生淳淳生社付社付生得名得名生鉞開鉞開生景富景富生玘玘生椿椿生萬鑑萬鑑生存養公諱繼善自存養公以

上皆居黎陽存養公生若水公諱嘉祚始遷于常熟

自喜至德元凡四世而遷于睦白德元至顯凡五世

而遷于歙自顯至清溪公凡五世而遷于休寧自清

溪公至若水公凡二十世而遷于常熟雍正中析常

熟爲昭文今爲昭文縣人也君之高祖卽若水公會

祖庸齋公諱可佳祖莊庵府君諱甲臨君性寧靜略

于世事與物落落不妄交納亦不爲崖異絕俗能飲

酒以酒自適常獨飲號誨交爭非所樂也與人飲未

嘗醉失容或時羣居衆皆放浪喧笑狎侮爭詢喜怒

百出獨君默然無所酬接初識君者皆以爲城府深

玉芝堂文集

卷二

六

阻不可測及與久處始知其渾厚坦易不以形迹爲親疎也幼嗜墳籍博覽好奇摺撫殘逸惟恐不及爲詩文從容和平溫潤深厚如其人在翰林時所作詩賦清新雅麗必澤于古非苟且率率以娛一時耳目者特其平生謙退自視常若不能其視人雖才出已下者亦自以弗如故每有所作非雅所心折忘形骸者率恐爲其所笑未嘗一出示之人亦遂無知者始君十五六時工制舉業試州郡數失利年二十二爲博士弟子明年丙辰今天子卽位改元時開恩科君舉于鄉又十年乙丑



成進士授翰林院庶吉士踰年卒于京師嗚呼邵氏自唐吏部侍郎以來千餘年間子姓繁衍在河南者有大儒曰康節先生顯于宋而黎陽之邵世以醇德相承禮教信義被于鄉閭潛而弗耀未嘗顯聞當世自我莊庵府君少爲邑諸生始欲以文學鳴及後從祖南陽令大椿成雍正癸卯進士自此以來往往有仕進者矣蓋文章之業自莊庵府君始府君既無祿早世大人自以幼孤露終鮮兄弟日夜自痛思竟先志願久躋場屋及君既就舉遂絕意進取屬望來者而君爲長子所以訓誨期勉之尤至君亦深自刻苦

玉芝堂文集

卷二

七

肆力文字冀光夫世緒爲高堂歡數試不遇每見儕輩中失意者多仇怒當事側目勝已必恣詆訐以快其意君不稍附和內獨憤鬱自以所業未至益自磨礪嗚呼此豈汲汲然欲苟取富貴以榮其身而已哉屢黜益奮卒成其名可謂艱矣稟命不融中道夭歿嗚呼豈不痛哉豈不惜哉君生于康熙五十三年甲午十一月九日卒于乾隆十一年丙寅六月三日春秋三十有三遺文散佚十不存一今所撰者詩若干首賦三首雜文九首多在翰林時作都爲一卷乾隆十六年辛未五月望日弟齊巖述

恭祝

皇太后六十萬壽頌

臣聞龍顏載誕壽邱顏樞電之精烏紀將開華渚湛星虹之氣觀河發慶兆履翼于丹陵貫昇疏祥孕戴鈎于石紐雖氛氤縈素神聖之迹猶傳而綿邈風埃尊親之文罕紀泊乎華任徽嫺騰耀周篇明德和藹馳勲漢册自此以還代崇彝典考官儀于元始曾更少府之名訪車制于乾興別創大安之式三元獻壽袞衣和椒栢之觴五福凝尊前殿發瑤瓊之册官移興慶肅環珮之班行節號長寧香岡陵之頌祉莫不

玉芝堂文集 卷二 六

養隆天下禮蔚寰中摛訓翔芬保和延慶者也欽惟皇太后陛下應地安貞助天長養承輪薦祉克昌有道之基餐慈凝禎光啓無疆之祚垂型玉闕上元膺母物之尊叶契雲房太極構先天之運踐顯親之寶位正崇憲之隆名匡讜經綸裁成政道弛張調化則澤浸萌生賜雨憂時則軫深民瘼遠籌獨微恢天網于蠻貊助禱桑林邦雲輯于椒掖九圍瞻于仁範八遠照于徽儀我

皇上夙開天經躬明子鵠敞明堂而興教化履至德于晨昏負丹扆而敘彝倫播鴻猷于尊養盡歡闔禁



式訓家邦慕以終身光于四海若夫兢兢業業一日  
無曠于萬幾蕩蕩平百姓不知其日月雨露風霆  
之教上下同流高明博厚之規洪纖有度莫非諮稟  
淵謀剛揚懿訓川能使三朝色笑提祭無間六氣調  
和含飴多豫入遊化國謂義曜之增長天錫祥徵見  
景雲之屢出懷情坎坎叶夢于華胥含識熙熙遂生  
于仁壽粵以歲在重光年名協洽屬

璇宮之有慶介眉壽之無期爰祝萬春初登六十  
聖母以康強受福錫美而延洪

至尊以遊豫承歡觀民而展義庸以誦服吉日祈穀

王芝堂文集

卷二

九

元辰親侍

金根言巡江左齊梁舊俗皆知大練之型牛斗精靈  
來獻南山之酒慶同春永榮遍天裔福似川增潤流  
淮游於時安念之祐摘于賦歌思齊之風緝于聲詠  
矣茲者黃鐘候律東璧司昏爲斗維誕懿之辰是謂  
涖降祥之月兩儀交慶萬萬福歡內則槐庭棘序珥  
彤執簡之羣僚外則裂陝坐榮墨綬朱戟之百職遠  
則歸川理釣率土王臣近則就日瞻雲都人士女莫  
不翹心問閭幅膜郊鄴委貢移琛填城溢郭爾乃三  
條廣路並構珍臺九達皇衢爭扶雲棟垣墉對立乍

創蓬門綺綺兼施俄成繡栢夾黃街而置樂跨綠野  
而浮甍山右掖之通門接西郊之別苑長廊廣廡虛  
觀飛檐夕梵晨鐘吳歎楚舞香花寶樹提善慶于金  
輪虎瑟龍箎總仙倡于綺閣九衢四照寶瑞咸臻五  
嶽三山神模問出佇

慈輿之流囑候

清蹕之經行王會有光

天情載悅于是欽崇徽號增紀鴻名寶牒鋪華掛壽  
慈之譽金函麗彩揚懿聖之儀遂以誕辰恭行慶典  
是日也宇山融融朝延穆穆時容愉婉慈福滂洋盈

王芝堂文集

卷二

十

耳金匏充庭玉帛九變宮商之奏廣大而清明百僚  
登降之儀房皇而周浹既而翠傘頒恩彤墀錫宴肴  
分馮膳酒泛堯樽聽和樂于笙簧萃萬壽自得奉龍光  
于笑語杞棘均榮然後發德音頒鴻號推恩行慶一  
人宜不置之風蹈德泳仁九域上無疆之壽至矣夫  
貞元緝化御六辯之淳和禮樂調邦鼎三靈之榮脫  
九天溼澤均亭毒于陰陽億載鴻祺叶升恒于義望  
巍巍乎卑卑乎可謂景福之歡欣昇平之繁祉者也  
臣欣際昌期預陪休禮非才居位空慚卷耳之仁壽  
毋作歌竊附奚斯之義敢敷庸理無當于掄揚願祝

遐福詎申子舞詠拜手稽首獻頌十章辭曰

京室基化姬風載雍長樂頤壽漢典斯崇於維

仁哲克誕

睿躬祥彰雲戶禮極璇宮右第一章

母萌摘慶帝養垂型光格上下孝通神明鸞門溫清

龍臆承迎尊親民極愛敬天情右第二章

蘭殿春長瑤臺化闢服游觀蠶祈霖却替愛物銷戎

仁民疇遠躬迪康寧音流聖善右第三章

歲紀重光年周甲子雅祝南山頌徵兒齒紛醵壽祉

縣長福履萬國銜歡百靈禔祉右第四章

玉芝堂文集 卷二

三

日在西陸

帝于東巡親扶紫闥肅導金根枝吟越鳥臺簇吳雲

承歡祝嘏錫福宜民右第五章

迎長吉序萬春誕節穆穆天容踟躕羣列庭實旅陳

宮懸肆設禮樂昭宣乾坤慶悅右第六章

璚璫仙構藻績皇都排甍郊野接棟街衢法筵鐘鼓

舞榭笙竽迎繇華祝夾輦嵩呼右第七章

爰崇徽典載揚孝理玉策霞光金函雲起鴻祐無疆

令名不已榮鏡中區慶超編史右第八章

恩霑

慈極宴洽丹墀呦呦鳴鹿汕汕嘉魚鵠行磬折鸞序

雲趨龍光壽豈引賀歡娛右第九章

頻蕃錫慶汪濊施仁道彰不既化被無垠無雷浴日

測海占雲同祈

聖壽長詠

皇春右第十章

恭祝

皇太后六十萬壽詩講序 代原任順天府尹顧汝修作

臣聞猗蘭啓瑞事美西京典慶居尊義光唐室元正

上壽詳天聖之新儀誕節稱觴紀長寧之故事故知

玉芝堂文集 卷二

三

帝王之孝莫大于尊親福祿之全必要于得壽欽惟

皇太后慈覆九圍福臻四極徽儀冠于今古壽祉並

于升恒惟重光協洽之仲冬爲六十年之誕節三

辰合慶萬國來同我

皇上孝隆溫清愛極婉愉因率土之歡心祝後天之

遐算濯龍門上載揚東漢之風長樂宮中永獻南山

之酒有秩斯祐無疆惟休微臣夙被鴻私菲質謬登

于霄漢今雖廢棄葵心長戀于春暉一物荷皇天之

慈萬年祝聖人之壽聊同擊壤庶比呼嵩敢獻詩曰

維十六年歲重光乾坤氤氲淳化昌皇運累洽凝百

祥三靈交歡福穰穰

慈寧六十壽日康維時孟陬日吉良我

皇南巡淮海邦湖山清淑草木芳親扶

大安省耕桑遂沿長河視宣防權謳歌相迎將

詔設甲科開虎閭杏花桂影交天香翠尾推本京室

姜騰躍騏驎招鸞皇仲冬天地回初陽宮中頻添線

影長萬春誕節舉壽觴庭實旅百充明堂

至尊愉愉婉以莊鵷鴻容與排班行肆筵階墀廣宴

張九韶承雲迭宮商歌鐘萬舞紛洋洋慶賜渥洽通

八荒兆民歡呼衢路旁盡道生世如虞唐是時玉帛

玉芝堂文集

卷二

畫

羅萬方外有岳牧內侯王懷歌蘊繡來躡躡通衢龍

鱗設瑤房彌漫郊屬巨虹梁交絡藻繡爛成章重臺

複陸翔仙倡珊瑚碧樹周長廊此都千年居帝王華

采耀艷昔未嘗觀者跋還如堵牆齊願

皇家慶無疆天長地久元化翔千秋萬歲樂未央

爲沈少宗伯謝御賜詩集序表

原任禮部侍郎臣沈德潛謹奏爲恭謝天恩事本月

某日

皇上召見臣于乾清宮蒙恩垂問臣所刻詩集並許

賜以序文某日兵部侍郎臣裴日脩奉宣

聖旨令臣於南書房恭讀御製臣詩集序文跪開王

札降雨露于三霄肅仰絲言照星河于八表捧持榮

忭展讀兢惶伏念臣章句小才蓬衡陋質因緣渥澤

黜汚朝班已當七十之年忽值九遷之會復蒙

皇上念其衰朽許以歸閒今春

聖駕南巡優賜在家食祿又復曲垂天眷寵錫宸章

恩旨綢繆輝華照耀仰惟高厚久濫情涯臣所刻歸

愚詩集響微擊缶技瑣雕蟲雖平生之心力所殫於

聖世之休明何補豈意更承天語猥降褒稱伏讀

御製序文詞貫典謨義超爰繫矜臣以晚達許臣以

玉芝堂文集

卷二

書

古人更因歸愚合集之名廣宣守約持躬之訓何止

發揮于風雅固已垂範于身心萬世當奉以爲經微

臣乃獨徼其倖聖慈所被散木珍于瑶林天藻旣宣

枯荄潤于春樹榮深題杜寵極凌雲所有微臣感激

下情理合繕摺恭謝謹奏

玉芝堂文集卷二終

吳門穆大展局刻字

玉芝堂文集卷三

納涼賦以薰風自南來爲韻

惟夏日之可畏快追涼于夕曛揮似月之明扇聽如雷之聚蚊御纖絳之輕稱蔭高樹之清芬散盈樓之暑氣驅塞戶之炎氛乍煩襟之一滌信涉目而多欣原夫日移西陸風轉南薰始清和之可悅漸酷烈之如焚爾詩紀食薏之候月令垂處榭之文旣流金而焦土亦鬱霧而歛雲烈庭陰而忘暑恍遺塵而絕羣若夫一庭藻影十里荷風月明人靜香動波融情煩紆其頓釋氣鬱滯之忽通又如重雲黯黯密雨溟濛

玉芝堂文集卷三

一

淨輕塵于綺陌滴清響于疎桐失火輪于當午增淒勁于寒空至于冰牀凜冽竹簟玲瓏缸沉翠李盤翦新菰濯清泉之汨滴坐茂樹之蓀龍洵足以却炎蒸于永晝疏煩想于胸中別有案牘勞人簿書作吏束帶趨塵危冠泣事冀憇憇之少休挹晚風之暫至又或棧石星程結荷水次望前路之方遙問征夫之奚自徒僕僕于輪蹄曾炎威之不避罔莫不過列井而抽觴就濃陰而解纜乃有滴汗鋤禾腰鎌刈穗利燒雍于熱湯極霜塗之况瘁恒日入而言歸息終朝之微勸逢主伯于臯原話桑麻于阡術交平疇之遠風

亦快然而得意伊微涼之可愛洵當暑而彌食猶方勞而得逸譬習苦而遇甘蓋陰陽之相濟實造化之所含苟一途之偏勝豈萬物之能堪調寒燠于冬夏通嚴溫于北南賴王政之有節播仁風而遠覃猗我皇之垂拱翔協氣于九垓順兩儀之闔闢平四序之往來值長羸之盛節閒靜穆之珍臺納清涼于殿陛恤勤瘁于塵埃散歆蒸于凍雨抒否滯于蒼雷庶羣芳之同悅長頌德于康哉

誥贈朝議大夫滄崖袁公墓誌銘

公諱鰲字滄崖姓袁氏寧波鄞縣人也其先世居豐

玉芝堂文集卷三

二

城宋刑部尚書天祐從高宗南渡遂家于鄞五世而至進士鏞死德祐丙子之難舉家從義十有七人又四世而爲明太常寺少卿瑛生尙寶司少卿忠徹卽公之九世祖也伯輿之仕周室七姓從王卞壺之衛乘輿一門受命奉常贊事秦時典禮之官佩璽從行漢世侍中之職門閤載崇羽儀有耀忠規智節史牒詳焉高祖承津曾祖瑤鄞縣學生祖慶運父茂啟贈朝議大夫並德崇天爵道被人倫模楷重于一時忠信聞于十室公家承清白氣稟淳和體上德之冲粹殫下學之沉研旣昂朝聞彌勤暮習每至明星在東

曉漏已盡正襟危坐諷詠無輟朝趨市者往往望其  
燈光就而請火咸共嘆其篤志燎麻未息便知劉峻  
之居松節猶燃遙辨顧歡之室豈止握卷屋上隨月  
而升讀書宵中鳴鐘爲限而已居家必恭言動無苟  
嘗飲于人頗極歡洽三爵以後山醉之言醒而自責  
遂斷格杓衛武矧筵之悔早在立年顏氏心齋之誠  
豈徒數月章同草屨見寬孫皓之進長似公榮坐絕  
濟沖之粉不試其過斯之謂乎公以積學高行有聲  
譽序而謙尙希靜情懷澹泊學非干祿言不爲華未  
嘗揣摩世好以求榮進飯蔬飲水味道耐德居貧樂

玉芝堂文集

卷三

三

志名利不入其懷處約安仁塵雜罕經其慮嘗遊江  
淮及過燕薊執經之士雲集其門眷戀庭闈言歸邦  
族孝乎惟孝友于兄弟溫席扇枕明竭力之義填唱  
箴和篤同氣之愛人倫之美宗黨稱焉至于風裁清  
高門庭峻潔交必束修之儒談必彝教之旨後進憚  
其嚴重鄉閭歸其老成足使盜牛之子自恥聞名食  
鴈之賓無因抗禮公雖身名未達終老諸生惟德與  
齒達尊有二令聞不已聞然日章嗟乎吮嚙之景易  
收少微之光俄掩適來適去老氏云徂啟手啟足曾  
輿長往嗚呼哀哉公生于康熙某年月日卒于乾隆

某年月日春秋八十有一夫人陳氏繼夫人曹氏黃  
氏程氏並風高彤管操美蒿簪協南潤之芳猷闔中  
閨之淑問長子德達乾隆壬戌進士刑部陝西司郎  
中加一級木訥近仁質直好義季路有折獄之才于  
公有高門之慶次子德進詩書之澤不墜于爲箕謹  
飭之風無慚于刻鵠咸以心絕志悲痛深罔極親營  
高敞經年得焉乾隆十六年十一月恭遇  
皇太后六十萬壽覃恩中外贈公朝議大夫刑部陝  
西司郎中加一級十七年月日葬于某所以三夫人  
附卜其宅兆孝子事親之終葬以大夫王者推恩之

玉芝堂文集

卷三

四

禮公年踰耆耄行成坊表和不流直而不絞質而  
不野矜而不爭取友以寡過相期講學以躬行爲急  
可謂天之君子今之古人生也有涯百年俄頃嗚呼  
哀哉齊靈仰止下風分深恒契公之長子實我素交  
見托斯文敢辭荒落謹揚潛德用誌幽宮銘曰  
媽墟誕慶袁鄉別族西漢儒宗東京世祿榮忠於宋  
滋相於唐支分葉散源遠流長趙氏中葉凌江創址  
靖康鹿走建炎龍起尙書衛難從駕南征卜宅鄞江  
來白豐城門承忠孝代傳軒冕七百餘年弓箕載衍  
誕惟令德抱璞含真一鄉善士百里賢人學不干時

行無慚影華非繡聲汲有修綆遊心於淡味道之腴  
不求聞達奚損窮居露易晞隙駒難繫俄壽山壽  
長悲川逝生也無位歿而贈官榮富三錫寵溢重泉  
孝子蒸蒸送終禮洽親下牛眠載營馬鬣安其體魄  
貽以令名歿而不朽敬述斯銘

顧密齋蘊真集敘

昭陽作

成都顧二密齋余之同年友也天資亮拔器業開遠  
珥彤抒淵雲之藻尹京流趙張之譽承恩濯纓風颺  
將遠坐法失官長衢未聘今春三月自京歸蜀道經  
吳門枉帆見訪因得觀其途中所爲詩數十首其間

玉芝堂文集

卷三

五

風流俊發襟韻蕭疎不以榮枯累心不以進退爲念  
至乃訪路叟之疾苦憫中澤之飢勞憂蝗旱之爲癘  
嗟河伯之不仁觸目興感未嘗不三致意焉此足以  
觀密齋之所存矣余從去秋與密齋別于都門惄如  
之懷於茲一載今得重持樽酒敷衽論臆既見君子  
解雞鳴之憂聞人足音來空谷之喜握玩斯卷移晷  
忘倦契濶言敘永晝忘暝而長帆遽解驪駒已歌古  
人云黯然銷魂唯別而已况復吳雲蜀樹流水征蓬  
悲阮籍之窮途泣楊朱之岐路語昔數舊惟與寥落  
之懷執手憑樽重增送歸之戀遂忘固陋謹述新詩

聊附贈言之義輒題卷軸之右云爾

味香居詩集序

夫立德立功賢知之所期令聞令望君子之所尚養  
生盡年達士之所務後生可畏聖人之所美至如顏  
冉挺德于闕里終賈揚韙于漢廷彼皆望實美于當  
時餘芬被于來籍猶以叢蘭早收槿蓂先凋後之論  
者以爲嗟嘆况乎玉簪韞石珠尚藏淵豫章不待乎  
七年渥注未試于千里而濛汜之景忽收朝菌之期  
已迫不其惜乎爰有泥野芳支吳興貴冑家承綬冕  
之基代衍詩書之澤飛俊舉于髫年耀華名于綺歲

玉芝堂文集

卷三

六

雖風颺未接而頭角已殊黃鵠志于四海豈燕雀之  
能知蒼鵬期於九天非蜩鳩之所測方自以爲當超  
崑閬而孤鶩凌玉清而高視以茲銳心資彼廣譽豈  
肯使于定國之門外馴馬寥寥王元長之車前八騶  
寂寂俄而玉樓急召諸里相催濫觴之始遽竭長流  
覆簣之初已成窳損頓修塗于天齡折雄志于脆漏  
嗚呼命矣謂之何哉舞勺以來早事吟咏日月旣積  
篇帙斯繁甫當陸機文賦之年遂同揚雄少作之悔  
手定詩卷十存二三今錄而刻之凡若干首雖拾芥  
之業已乖于當年而嘔心之勤盡述于身後



跋方氏潛山錄墓記後 開達開茂

昔者太公五世歸葬于周原夫子少孤問墓于聊母  
豈不以反本之義仁人所先事親之終孝子攸慎者  
乎至若世路干戈人士波迸古墟曩隄時致埋灰植  
柏栽松多慮荒棄况乎藁葬不歸旅殯無託久客思  
鄉之骨天陰野哭之魂又曷可勝道者哉方君義深  
迫遠迎櫬荒谷茫昧四紀之前崎嶇千里之外卒成  
厥志亦已勤矣若其偏廢等子陳湯潰矣同于趙壹  
良謂燥濕所侵歲月滋劇爰茲啟殯乃微滴溜既安  
宿窆驟瀾宿病奚止蟻聚于腋事驗輪廻繩鋸其髮

玉芝堂文集 卷三 七

夢徵厥子而已故知靈感宜符義歸本祖亦猶源之  
壅者流必竭根之安者末必榮斯豈事或適然蓋一  
氣所通益足以彰其誠孝乎

公祭陳司業文

嗚呼惟有媽之洪胃炳山川之淑靈依孰哉之巖岫  
承叔氏之文明體恬虛之靜德軼氛潤而高征謝紛  
華于人世究精隨于羣經綜毛韓之殊趣玩京翼之  
奇情搜熊皇之逸禮衷馬鄭之前評撫羣儒之同異  
舉百氏之菁英闡微言于濂洛宣奧旨于孔庭啟津  
梁于來學廣教育之裁成慨凌夷于末俗苟背實而

向聲競華言于輦輦繁里聽之竿筆追元音于正始  
獨先民之是程樹訓詞之典則標風雅之準繩譬觀  
淵于江漢失流潦之縱橫若扶光之東出奪纖耀于  
飛螢彼開風而負笈輕千里而贏滕受河汾之提命  
承絳帳之丁寧得片言而高視假一氣以奮騰運如  
風之郢斲成濟濟之周楨抗人倫之師表作多士之  
儀型豈區區于誦說良有得于躬行匪規矩其勿蹈  
匪仁義其勿稱在視聽而必謹嚴非禮之兢兢兼通  
介以爲性齊寵辱而不驚流臺尚之迥韻抱逢薛之  
孤清昔南宮之始捷佇美譽乎登瀛忽矯翮以遐舉

玉芝堂文集 卷三 八

辭射策于

明廷棄浮雲之簪組結空山之杜蘅閱人間之龍螭  
紛草木之凋榮長蓬蒿于門徑絕軒蓋之逢迎異酸  
鹹于俗嗜期畢志于躬耕鐘懸宮而響播玉在櫝而  
光升闕幽芳于廿載發潛耀于頽齡值崇儒之  
聖主敞渠閣而垂精求通經之碩彥詔博舉于公卿  
咨羣議之僉允偉四子之並徵索名山之舊業留採  
擇于皇局錫詞臣之清秩磨好爵于膠鬲旣川壯而  
優老任出處之異朋羨高踪之獨遠竟衰足于帝京  
翔太虛之逸翰非可狎于軒楹貫一節于終始庶素

守之常員崇壽齡之茂德保天性之和平則優游于述作將比壽于商彭曾歲月之云幾奄致痛于洞客古龍蛇之噩夢困二豎之憑陵問天道之與善何此理之冥冥嘆吾儕之託契以道義而服膺亟良辰之酬酢其文字之評衡憶去歲之云暮於雅詠之洽洽傷南箕之載翁紆中澤之哀鳴比秦吟于白傅同石壕于杜陵嘆仁言之利溥信聞者之足懲追徽音其如昨懷陳迹以恒營年既耄而猶學推此事之難能當彌留于枕席仍披覽之未停失士林之模楷留不朽之令名雖適來而適去悲永隔于平生薦潢汗之

玉芝堂詩集

卷三

九

聖駕再巡

盛京頌

謹序

代大司寇秦公作

臣聞配天肇祀示生民之有初率土來賓明王者之無外是以明發聿追之后不忘乎故鄉時乘首出之君不棄乎殊俗于是乎有觀風會同之事循牧補助之恩蒸禋追報之文式燕親侯之典粵若登湘會金世號垂衣升首遊陶民知就日瑤臺大穆開夏后之鳴韶江歷神龜定商家之獻令啟爻罔而萊幣照耀陰臯符市草而行無紛綸芻蕘斯則靈疊之義並著

于良時而享獻之規未詳于陵邑泊夫中陽升靈荆巫領豐墓之祠建武鵬圖南頓立春陵之寢亦有枝流珍露濯濯如珠樹集卿雲亭亭似蓋堦前茂草沾涕芸黃隧側枯泉浮波激灑至千元氏始生之舍親奉塋鑑并州起義之堂再紆玉帛並以瞻懷桑梓推本祥基斯又篤親之勤垂綸于綿史追遠之孝騰光于製篇者矣我

國家拓迹渾江肇基遼左表鑿閭而鎮野俯跨幽營聳長白以捫霄上當箕尾

真人躡運千年啟

玉芝堂文集

卷三

十

聖之符世德成乎百里興王之地遂能納六連于戶牖列八遠于階除例有祇之靈圖闢無疆之寶祚譬漆沮于周日初生延瓜瓞之祥比豐沛于漢年舊祉紀粉榆之號蘭陵項項永蓋無階烏洛區區捧觴何

皇上運膺下武敷照重熙承駿發之遠祥固定爾之洪業兢兢業業御六辯而調元蕩蕩巍巍掩百王而配極

璇宮視瞻天明地察之經玉壘鳴鉦陰慘陽舒之化三千備禮括損益于商周十二祥噫協鑠鏘于韶夏



輕刑緩賦道洽于勝殘勸學巡耕義深于降德懷生  
俾卑追卷領而齊風含識熙熙夢華胥而同俗戴日  
戴斗太平太蒙漸洪化而來臣仰風聲而思服棧山  
納貢迥梯懸度之窄梯海輪珍深跨浮毛之浪若乃  
協時同律採虞典之遺文納賈陳詩考周官之故事  
升中岱頂則雲氣成宮登禮高則禎聲動谷大越  
羣耕之鳥望華蓋而和鳴廣陵合戰之濤候珠旗而  
謐浪固已百神受職四隩承流澤浸萌生威申絕塞  
風揚晷治玉燭調于四時海靜山明金甌固于萬里  
者矣猶復宵衣惕若溯王業之艱難晨食芒然念本

玉芝堂文集

卷三

七

邦之基構流連

劍寫邈矣昆臺想像虹星邈然若水睇山川而宛在  
瞻風物以興懷言自八年展

皇儀于執豆迄今一紀感天運之周星於是諏吉練  
辰再舉徂東之禮展輪效駕重修觀岳之儀維十有  
九年龍集甲戌

皇上將奉

皇太后親詣

盛京恭謁

祖陵馴蒼螭而六素虬方千乘而駢萬騎爰以仲夏

發輟皇衢先于熱河留

蹕清暑追涼景福全忘伊鬱之煩校獵長楊兼有三  
侯之獲維

皇風之及遠有異黨之歸心懼彼華夷實惟絕域處  
要服之外其來荒忽而無常在覆轡之中其義羈縻  
而勿絕屬寇攘之內作致種落之攜離乃有車駟烏  
藉之倫呼揭居者之屬歎開恩附盡落求降

皇家道契無私仁深並育以爲漢迎日逐偉安遠之  
成功唐棄維州恨奇章之失策因而許其內屬並聽  
來朝卽于

玉芝堂文集

卷三

七

行宮更張廣晏徙居美稷矜醞落之窮置酒建章議  
呼韓之位

乖樽賜瀝恩重依天

禹膳分珍榮踰委體那居樂豈威懷備而王道平舉  
處龍光慶賜行而遠人悅旣而金商戒律玉露迎秋  
流火陳幽正七月初涼之候大風歌沛當四方畏服  
之餘爰乃風舉雲搖星行雷動掖

大安之輦螭畧而長驅望

佳氣之城紆餘而曲赴九旂齊軌八駿揚衡七斗垂  
輝百靈聳衛至于拉林外境蒙古諸藩列帳連雲屯

營直漠莫不耘除犛路俟

清蹕之經行灑掃穹廡佇

屬車之恩幸遂移麾于舊上俄弭節于

神鄉雖犬依然桑麻如舊風淳俗朴土厚泉甘翼翼

織驪儼識曾來之路九九松栢仍封新長之條

天子乃慨然改容皇然增慕風雲鬱起紛優愜于

靈阿鐘石鏗鳴告齊明于

闕寢蘭浮嚶合盼猊而降蕃騰龍感麟訛豐融而集

鴻祐然後

湛恩汜灑

王芝堂文集

卷三

三

大澤旁流習習薰風翊旌旄而共轉瀼瀼宵露隨轍

跡以均霑老稚歡呼而請留閭閻填咽而相慶夫以

招攜附遠兼容并包之畧其廣大也若彼報本返始

省方觀民之教其篤厚也如此方便本成連理永表

三馬平露再垂黑丹自山信可以擁神休而尊明號

酌允鑠而看樂符者乎職陪鳩扈文溺雕蟲慚虞

廷作士之展歌慕漢世公卿之間作掄揚盛美雖有

愧于清風昭紀聲英庶無違于舊式拜手稽首敢獻

頌曰

帝德廣運

皇圖會日膺符累洽繼

聖重光波恬鯁整柝靜龍鄉神基嶽固

國步天長右第一章

於樂

興京王業攸始岐實開遷豐山梁徙奄有渾江遂荒

濬溪鳳翥龍蟠雲蒼氣紫右第二章

皇襟載慕

天蹕言巡客成奏日風伯清塵恭扶

紫扇肅展

金根九旂電竦七萃雲屯右第三章

王芝堂文集

卷三

南

爰次熱河載停

雲罕清暑珍房追涼邃館借簪簪邊舞千格遠西陲

外臣傾巢奉款右第四章

溫馬詣

闕呼韓入朝旃帷

命晏靄帳班醪階韃葆俯席奮金匏蹋歌沸野膜拜

彌郊右第五章

肅肅金鷄罪罪玉露六鳳遵途八龍齊鶩磧漠紆

鸞王侯清路望郭瞻雲循

羽數樹右第六章

爰惟八載肆祀

三陵歲陽載紀嘉薦重蒸

靈府若引風馬疑騰威儀秩秩沛祐繩繩

右第七章

觀牧

恩周罔年禮洽習吹盈衢張飲空邑恭

祖道光觀民本立於萬斯年永康鼎業

右第八章

故沂州守雨麓翁公墓塋銘

翁之宅處爰自闢徙趙趙太常克峻厥址尚書紹焉  
其光有斐斯文之宗式此多士惟公率德匪懈其履  
爲良有司維國之紀維濮維沂秩秩其理饒儼之粟

玉芝堂文集

卷三

五

渠渠其水簡其餽科勿擾耘野熙熙其氓橋潤瘠起  
乃減羨征矢大吏指成事不說其義則趨乃按大猷  
揀我民疇羣豪開風屏跡城市乃守東昌八月旋軌  
民奔乞留謂我何恃維曹之士其接以禮簞簞穰穰  
公屏不視十年于東其化既美宜川之朝孰謂其止  
爲人受瘞竟廢不以民歌遺愛去思未已公歸益貧  
囊橐如洗觀物郊園嗒然隱几激流植援以畢餘齒  
葬公九澗維邑北鄙峩峩崇岡鬱鬱楸梓淑麗同穴  
永安厥體體既安矣永利厥嗣

井田研銘

誰謂石田其古有年去亂苗之秀屏害稼之蠹耕之  
以中山千菟之顓漑之以汾地萬斛之泉

勅封承德郎右春坊右贊善加一級原任長洲

縣知縣吉安羅公墓碑

廟蒙大淵賦

國家衆建牧長以又蒸庶豈直以簿書能饒饒責  
效而已亦欲使甘雨膏于黍苗仁風被于假草而或  
意專祿利竭其脂膏志存威斷行其慘酷苟自便其  
身圖諒無聞于民譽亦有視民如子與物爲春聽鴻  
鴈而憫劬勞受牛羊而問芻牧民之攸暨將在此人  
而任之或不盡其才施之或不究其用嗟乎通塞時

玉芝堂文集

卷三

六

也進退命也行柳下之直道豈戀一官恥彭澤之折  
腰終辭五斗然後散髮林野垂綸江湖信義之風稱  
善于鄉里詩書之澤式穀于子孫所謂康強其身保  
艾爾後見之于吉水羅公矣公諱繼洪字範園江西  
吉水縣水南人也曾祖懋宗祖應奎父啟麟贈承德  
郎右春坊右贊善加一級並以謹厚承家清白垂訓  
公稟特達之命委負蓋世之豪氣少時家貧志學彌  
篤雖編蒲習書滅火夜誦無以過也年踰四十始登  
鄉舉鹿鳴三賦桂樹一枝論秀有光寶王伊始旣而  
七試南宮未燒龍尾一就東銓遂飛鳬解褐爲蘇

州吳縣知縣兼署長洲縣行蘇州府通判遷長洲縣知縣園間敗霸之地伯鸞流寓之所都會殷繁舟車輻輳適叢臺之炫服過臨淄之揮汗公撫之以寬簡字之以平惠去泰去甚民俗安之則妙觀者羽流所萃嘗有傭人歸省其父以事見撻入觀白劉群疑洵洵歸獄道士公慎測其情徐得踪跡疑獄既決無辜以安道流感恩爲位祀公觀內桐鄉有朱邑之祠南陽有召父之廟彼皆在于身後公乃得之生前又有士人貧不能娶婦家見絕因而速訟公乃陰勸隸人預戒婚禮驪駒宵秣簫鼓晨移及至受辭兩造俱在

玉芝堂文集

卷三

七

公察彼徐吾義歸遊楚懸知德耀願奉梁鴻卽于公堂爲之作合甘棠乍憩雀角之雙潛消苦葉猶歌雉鳴之求忽遂士無恐于先我女不嗟于迄今宜其室家公之力也先是長之羣隸於縣門之旁私立土牢恣爲威虐帶同畫地剛甚剛牆公未及下車望見其處卽命毀垣以益民宅盡縛羣隸詰其奸狀莫不相顧股慄叩頭求哀迄公之去莫敢侮法公聽斷明清鈞問詳審載藁之給不行搜肉之情先得桀吏懼其威嚴良民樂其和易坐法免官行路嗟惜會雍正中朝廷以江南財賦累歲通懸特遣大臣往釐積弊邑

設三令以司鈎校上官知公之才檄公視事于松江華亭縣公不爲煩苛而蠲弊無匿其所鉤擊而豪右胥伏科條簡易吏民悅服愚者將之遂損不用朱雲竟止于槐里張署終廢于河南于是脫屣銅符言尋芟製放曠煙霞之外優游琴酒之間時有宗人來爲邑令效李悝盡地力之智慕趙過能代田之名強以硃硃使民占墾勢三農于瘠土求億庾于石田公于讀法之餘深陳疾苦之狀辨論往復終不見從因怒罵絕之拂衣而出數商輒者趙良責張湯者汲黯方其仇直羞無愧焉所謂非公正不發憤者乎公立身

玉芝堂文集

卷三

大

坦蕩遇事慷慨議論曉暢神情高邁嗜酒好客有陳孟公之風排難解紛慕魯仲連之義家居二紀眉壽無害乾隆十有六年恭遇  
皇太后六十萬壽覃恩中外時公季子任職春坊勅封公承德郎右春坊右贊善兼翰林院檢討加一級受  
瑤齋之介福道重于推恩列蓬島之清班榮深于錫類易稱必有餘慶詩言俾爾壽域公之謂乎公以康熙十年辛亥六月二十八日生以乾隆十七年癸酉二月二十二日卒春秋八十有三夫人李氏後夫人

曾氏皆贈太安人今夫人劉氏封太安人並聲高蘋藻禮洽珩璫子達春乾隆十年舉人浙江青田縣知縣

敕授文林郎高柴入仕先開蠶績之歌言假鳴絃小試牛刀之政次子退春乾隆七年進士翰林院庶吉士授編修歷右春坊右贊善翰林院侍讀左遷編修尋充日講起居注官嚴徐龍遇邢魏才華司典冊于西岷序圖書于東壁孫天衡天璋天球天琪曾孫鑑鈇庭階之秀是曰芝蘭梁棟之材皆成鄧杞達春等以公歿之明年歲在甲戌十一月九日葬公于

玉芝堂文集

卷三

七

弓形先塋之次日月易徂墓草將宿懼湮遺美謀樹貞珉余與暹春同年密契斯文見託敢闕其詞郭有道之碑文慚非伯喈之筆李百泉之墓道愧乏盈川之才銘曰

水南仁里生此耆英姑蘇與壤流其政聲騏驎一蹶江南獨清祥鍾玉樹業紹金籬乘輜適越載筆登瀛雖不吾以其生也榮爰刊珉石載紀平生百年世祿千秋令名

為按察許公題畫後

昔黃文節題畫云不可使士大夫不知此味不可

使天下之民有此色余嘗三復斯言嘆其深至夫古之為民者三年耕有一年食九年耕有三年食故蓄積是特而水旱無患後世民不能有蓋藏一遇飢饉則仰食于上士大夫從田間來為民司牧苟徒以鼎烹肉食為榮而不能周知閭閻之疾苦則雖發倉賑貸奉行文書安望其勞來安集使無一人不被堯舜之澤乎然則所貴乎知此味者固非徒欲具崇公孫布被之風習樊遲稼圃之事而勒郵民隱宣布上德以拯百姓于饑飮捐瘠之中者實今日士大夫職也觀山谷此言為之悚然凡有斯民之責者宜其勉之

玉芝堂文集

卷三

七

常熟海防廳署記

朱兆周敬

常熟于蘇之屬邑中獨濱于海其水利開塞之宜市舶出入之禁為郡利病所繫而郡守不能親治其事乃設海防船政廳以董之廳署舊在縣城之東偏建自康熙四年至雍正二年官省八年值今相國海昌陳公方以東撫督江南水利事邑中通海之道福山白泖徐六涇諸口皆以次潞淪乃討曩時官制謂海防同知專以飭船政稽海口為職是宜不可廢請于朝得復置太倉故郡屬時太倉已改直隸州而太屬

船政仍隸于廳從其舊也初官之既廢也會

廷議析常熟為昭文遂以舊署為昭文縣治至是復

置別于昭文之福山城立署焉常昭舊有潮患而福

山去海尤近乾隆十二年秋署為風潮所圯前司馬

饒城北景氏之別業以居既湫隘不足以展事且念

非經久計十七年乃請于大吏重構解宇于城內如

舊制事聞下部議得如所請惟其費給帑千五百餘

金未及行而陳君擢員外郎去二十年三月今司馬

李君始蒞官則求開敞之地可以為治事之所者經

歲得陸氏之居于常熟西子游里乃度材鳩工揆日

玉芝堂文集 卷三

作堵凡楹桷之腐折者易之墉壁之欹頽者築之丹

堊之剝缺者飾之其公費有不給復輟俸以助之以

今年六月始落成而居焉有堂有除有寢有庭匪侈

匪陋制度具備可謂高明之居君子攸芋者矣工役

既竣李君使使告余為文以記之余屏與君之子庶

常有門館之雅又竊喜斯役之不日成也其敢以不

文辭因考茲署之沿革廢置而述其大畧如此若夫

李君之公明慎勤以惠于民而能其官者有兩邑之

輿誦在余不具論陳君名某字某直隸天津人李君

名某字某山東壽光人後之君子蒞是官而得其居

以治乃事者其無忘厥初是役也相陰陽諏吉其則

邑人某計工值督舂鍤奔走執事者則廳吏某常熟

工房吏某廳役某其例得牽連附書

祭莊年伯母吳太夫人文

嗚呼自有詩史以來咸表閭閻之美或鹿車共挽或

熊膽親丸或調藥膳以撫前孤或束禮義而成令器

並分途以見異荷一善其必傳兼此數端以求盡則

在于近代豈易其人惟我莊年伯母吳太夫人南紀

搗祥珠江韞淑長沙播其洪甘廣平導其遙源本詩

書禮法之家有德音容工之訓配漆園之傲吏成萊

玉芝堂文集 卷三

氏之逸妻溫惠從心謙和成性初安佐簪下叔隗者

趙姬卒正中間繼元妃者聲子有無也勉操作辛勤

南陔佐居子之柔中饋叶家人之吉遂能使三牲孝

養膳修無缺于庭闈四壁窮居裘馬常施于朋友若

夫江沱無嘆雞鳴分井臼之勞婦袂維良燕羽有頤

顏之樂充罔誕慶擢珠樹之三枝均養流恩育鵬鳩

之七子備劬勞于少長殫顧復于飢寒濟嚴父之義

方輔明師之授業篝燈夜讀常依絡緯之聲漸米晨

炊詎假銅盤之饌座有能文之客不惜傾筐門多長

者之車無辭劉薦仰芝蘭之馥郁成頭角之崢嶸

璋膺特達之榮楨幹鬱思皇之望附金泥于家信雲梯領袖于神仙羅桃李于春官花萼聯翩于科第簪纓迭起方同駟馬之于羔鴈相輝不數夾河之杜鸞迴

紫誥尊榮已邁于等倫鶴髮蒼顏神明不衰于視聽屬者少司農建節于鄧州太夫人就養于官舍敬羨猶績三吳瞻勤儉之風傳母加餐八郡托寬明之庇而大年將登于七十危疾瘳于疇昔恨遐邇之無徵驚濛濛之易盡嗚呼哀哉齊議等戴笠舊盟登堂未契侍郎歌鹿鳴之始搏扶謬接于餘風而使題鴈

玉芝堂文集 卷三

三

塔之時燒尾仍同于曲宴方謂牙門啟戟瞻經幔而非遙兼聞驥子龍孫擢賢書而相繼每以經過之便見侍奉之多歡屢從參訊之餘識起居之尚健頃元英之孟月屬設悅之良辰欣隨珠腹之寶言進兕觥之酒孰料岡陵甫祝雍露旋歌嗟乎昔在京華曾喧見星之客今歸故里又逢執紼之期一紀流光頻見棘人之素鞵千人會葬敢陳空谷之生芻爰達微誠式昭嘉薦

鄉先生錢氏四代像贊

西商槁項啟期帶索復有錢公亦甘淡泊飄寓澄江

好學而貧爲善之報在其子孫 衡門先生

倚嗟南園本孝爲仁服賈率車洗腆承親伏棺障火匪恤其躬精誠感應天反其風荆襄散米南陽掩骼輕財好施枯朽蒙澤悠悠長淮歸亡友樞千金之裝封識如舊六行克修式是後昆篤生大理以大其門南園先生

英哉廷尉克懋其庸奮跡甲科以興厥宗迴翔郎署秋官之屬視學嶺南風教惟穆陟長浙臺慎獄敬民省釋寬滯摘姦如神入爲中丞寄隆眷渥絳綬赤棒臺綱以肅居高易危或忌其能簿書不報文吏是繩

玉芝堂文集 卷三

甫

旣左鴻臚仍進大理陳議侃侃執國之紀翩然解組優游園林壽考令終清芬至今 帝巷先生  
雍雍民部展也良吏初宰館陶其政克惠罷彼黷祀以節民財傾廩易蝗歲免於災誠民之勤夫寧有暴凡百君子胡弗是效 崑華先生

玉芝堂文集卷三終

吳門穆大展局刻字



玉芝堂文集卷四

聖駕南巡頌謹序 赤齋若

臣聞懷柔式序周家崇時邁之勳遊豫親侯夏諺製  
吾休之頌莫不以考同遐邇輯玉帛而大皇靈窮覽  
有無降和鸞而求民瘼斯同王政之大經盛世之恒  
軌也

國家道光域大德配乾元奔走八荒率海外而有截  
甄陶六幕勞天下以無私

皇上石門流仁重熙繼照納黃圖於寒晏濟赤子於  
恬愉上咸五而下登三澤南洽而威北暢川珍嶽貢

玉芝堂文集 卷四

慶叶昌辰暑洽風揚俗臻化國惟東南之都會有吳  
越之故封控淮海以分疆陰斗牛而畫野舟車輻輳  
爲財賦之所生巖壑星羅亦名勝之所聚蘇山京口  
宋帝之所嘗遊柳色濤聲唐臣之所曾詠崇基峻址  
銅溝玉檻之遺曲水流觴修竹清瀾之舊處以百年  
教澤沐浴而涵濡

列聖恩膏沉潛而匝洽人文山其蔚起生齒於是殷  
繁故以圖政任人倍勞

睿慮披圖辨物尤繫

天情憶當辛未之仲春曾親巡遊之盛典至今溪魚

谷鳥思鈞廣之重開岸草巖花想旌旗之再拂望幸  
之情爲日久矣乃者旃蒙紀歲淵獻名年屬準夷有  
歎關之臣王師成掃穴之舉百年梗化之俗納版籍  
於司民累代逋誅之因廢長纓於北闕命偏師而擒  
頡利未比其神用賊將以取淮西詎方其速既已受  
俘

宗廟勒石環林有

詔來春告功闕里於是江淮父老吳會衣纓莫不跂  
踵瞻雲翹心就日僉以泗沂東會波接陽侯蒙嶧南  
闕雲連芒碭望珠旗而在目道里非遙引桂楫以遵

玉芝堂文集 卷四

塗津梁不隔請因幸輶遂事觀河大吏以聞

詔書報可旋值商羊告異江東則淫潦三時河伯不  
仁淮北則洪濤千頃

皇上厪念推溝憫懷懸罄蠲補助德意頻藉賑恤  
扶持恩波稠疊流冗得所不藉監門之繪圖倉廩時  
開非關汲黯之持節斗升釜庾計口無遺巴蜀荆襄  
汎舟相繼遂使群羊息咏鴻雁忘劬起之捐瘠之中  
登之衽席之上是則舉天下被澤之厚無若東南之  
一隅極蒼生愛戴之情難酬天地之再造惟願擁龍  
輶於道左其效嵩呼迎鳳蓋於亭阜羣賦華祝然而



皇上方穆然深思皇然遠慮以爲黎民當阻飢之後  
未忍勞以耘除官吏有期會之煩或恐妨於賑給爰  
宣渙汗暫輟觀風旣而賜雨順時年成玉燭麥禾登  
隴稼似黃雲功敘可歌民天有賴然後順輿情而  
制罪誡吉日以浮鑾猶恐池臺宮館或以珍麗而啟  
侈心糗精芻糧或以儲峙而煩民力黜浮去華之訓  
諄復於

聖書省事約費之懷丁寧於

詔旨至矣夫可謂比於先王觀動爲天下法者乎粵  
以二十二年太歲在於丁丑太簇中於孟春

王芝堂文集 卷四

三

皇上乃奉

皇太后紆玉輅動金根火正清氛雨師灑道川回嶽  
連驤八驥於皇衢風舉雲搖稅六虬於江左藻舟初  
御周覽河隄雲罕徐經遍觀桑稼璧湖開棹渡揚子  
而逕胥臺登澤移舟下錢塘而登禹穴火耕水耨土  
俗依然柳葉梅花風光不改攬湖山之勝樂玩溪壑  
之春姿涉目流連皆成舊識隨時吟賞別啟新篇乃  
有鳩杖扶輪銅車繞陌緡川藻野士女歡娛而近光  
溢郭填城黔黎踴躍而覩  
聖暢

慈輿之囑覽道極於承歡採下里之風謠事光於展  
義洋洋乎俾倬乎信可以邁甫草於周年風樅陽於  
漢日者也微臣海國凡鱗雲衢退翼十年載筆舊立  
螭頭雙關鳴珂每瞻雉尾家承雨露弟兄並系於科  
名身在江湖姓氏猶蒙於

記憶蓋銘鈞曲成之理在川舍而皆恩况葵藿傾向  
之誠豈進退而有間常念一違省闈五閱冬春蓬萊  
長阻於風颺星漢遂窮於舟楫不謂屏居賦畝忽覩  
龍顏伏處衡茅還承

清蹕遇風縱壑莫喻見藻之情騰實悲聲未忘蟲篆

王芝堂文集 卷四

四

之習庶幾逐漁樵之侶共咏

皇風隨耕鑿之儔同稱帝力比史公之留滯遭逢竊

幸於周南歌

天子之南巡辭翰遠慚於平子拜手稽首敢獻頌曰  
維昔帝鴻登九陟熊亦越伊耆遊陶作宮夏后休助  
周王會同義隆衰對典重觀風右第一章我

皇剛繹政惟稽古稽古巡方紹

聖祖緒東遵濬汭北踐井土維倚維崧旣秩旣旅右第二章

會稽具區其州曰揚東南與壤財賦之疆  
皇之始巡歲在重光

皇興既旋民懷勿忘右第三章 茲彼淮夷久患於邊

有撫而歸惟十九年冬納其降春修我鉦攻昧侮亡

廟略遐宣右第四章 我師既獲既獻其俘

詔祀孔林以彰

聖謨卜明之春以動

皇興吳民間之引領以須右第五章 惟此吳民謂

帝其邇濟淮通波宛徐接軌六龍其來除道以俟

帝曰俞哉民悅以喜右第六章 歲則不登吳越並饑

既賑既蠲補助以時萬億其費以活窮黎軫其饑飢

詔緩巡期右第七章 惟明年秋禾稼既實岳牧後

玉芝堂文集

卷四

五

駕閭闔候

蹕風雨清塗義和筮日正月癸卯允習其吉右第八章

章強圉之陬

巡駕載興肅奉

慈寧安車以行容裔辰旒旒綏翠旌升陞觀河祈福

於垠右第九章 問老覲侯德禮孔殷山川光華草木

交欣載吟載獻祝

皇萬春以歲以年長奉

皇巡右第十章

聖駕南巡頌謹序 代宗人主事孫夢遠作

臣聞書紀巡嶽觀后易稱省方設教淵哉穆乎厥典

尙矣我

皇上四海爲家八荒在闔法廣帝之四巡同夏王之

豫維茲淮徐古州吳越舊壤山川清淑人物殷繁

爲

天心仁愛之所獨鍾

聖政栽培之所獨厚往者辛未之歲初舉南巡之儀

家賜戶復塗吟野怵自是以來戴襪垂纓之士耕巖

釣溪之夫銅車竹馬之童齒危髮秀之老咸引領企

踵以望

玉芝堂文集

卷四

六

屬車之再來矣於後五年

天子既平伊犁將有事於闕里民以爲請

天子俞焉是歲也江淮大飢沿及杭越

天子憫黎元之失業憂哀鴻之集澤遽止明年之巡

而

詔有司虛倉廩行糜粥平穀價廣市糴務使流冗得

業貧弱有利又

詔留漕引之粟紓賑給之期緩今年之徵除重災之

賦所以勞來撫卹之甚厚其明年風雨以時禾稼既

登於是百姓既受

上天豐年之賜又感

皇家再造之德謳歌企懷望幸滋切牧岳三事既請於朝乃

詔有司諏日具儀越明年歲在強國年日亦奮若孟春之月吉日惟癸

皇上乃奉

皇太后建太常之祔祔鳴和鸞之缺缺發輒於皇衢稅轡於江南於是升隄防觀河淮渡長江覽胥臺蹕西湖望會稽歷金陵復

神京所過之處

玉芝堂文集 卷四

七

恩澤浹洽和氣充溢老幼士女奔走而觀聽者蓋不知手之舞之足之蹈之也微臣不敏常慕古者雅有

車攻卷阿頌有時適及般咸以被金石流管絃矧臣前以詞賦薄技過蒙

恩知濯纓鳳池齒跡班行今其如何而缺斯文輒不自量亦欲竭雕蟲之微思飾擊壤之末響庶使

盛德無斁於形容陳詩可觀乎風俗其辭曰

帝如天育萬方舉時巡法虞唐江之南古吳越今日年盛文物山會稽澤具區俗繁華地膏腴

帝初巡歲辛未今七年重展義奉

太岁建辰旒騰蒼螭驤玉虬宣

孝治示民極覽山川察阡陌頃水潦及好畋禾不實勞我

皇蠲百萬起溝瘠匪我

皇民何食望

皇來民斷肩歡若雷拜

龍顏拜

龍顏伏恭側

皇寒旒歡舊識

皇曰咨爾勿康戒奢汰務蓋藏濱河民憂霽濕

玉芝堂文集 卷四

八

皇之來厚賑給民稽首受

天賜萬室愉四民遂惟東南荷仁愛

屬車來澤春謁祝

皇壽如岡陵於萬年惠我氓

張習誠合志堂詩序

余以己未計偕遇張君於淮浦觀其議論風發詞氣縱橫逆旅周旋以忘岑寂後與君遊益久見君於天下之事精粗巨細無不該悉源流洞明本末正襟而坐抵掌而談娓娓動人洋洋盈耳所以公卿重其多聞士友推其好事萬事不理問伯始而可知一坐盡

驚交孟公而恐後余以爲斯亦當代磊落奇士也而未始知其能詩及壬申之秋君試禮部不第鄉之鉅公有欲薦君爲國子博士者君方送友人之喪以歸辭而不就屬余亦罷歸田里同出國門於時清潞連橋長淮接舳舻維舟於月岸或同步於霜原搖落悲秋動歸人之吟興酒酣拔劍聆青服之高歌旣而風帆遲疾波路參差一吟一咏未究其趣白爾已來又五六年余方寂寞人外偶影烟霞君則摩厲須臾猶思千里雖志業乃異而鬚髮俱蒼時不可淹相顧慨息君乃語余史公嘗恨文采不表於後丁氏亦謂美

玉芝堂文集

卷四

九

惡我自得之吾雖無能感均自昔今年春遂出其合志堂詩一卷屬余點定余始得盡讀君前後所爲古歌律絕五言七言諸作夫在心爲志發言爲詩詳夫詩之爲用蓋所以敘哀樂暢懷抱旣感物而動亦因情以生者也君少遭家難備嘗險阻萬里辛勤晨昏於羈旅三州離別感榮悴於家門詩多危苦之詞淒戾之響此則所謂聖賢發憤所作凡物不平則鳴不其然乎不其然乎至若經涉川原徘徊擷蹟或揮綆淚泣忠義之孤魂每酌蘭卮酌英傑之毅魄未嘗不踟躕沉吟豪邁激發蓋素所蓄積然矣詩不滿百

首而平生蹤跡略具其中孟子言頌其詩不可不知其人今讀君詩者雖不必識君而於君之爲人皆可得其梗概想其彷彿則人又藉詩見也方今

聖朝側席英彥甄明風雅新更科場之法兼用唐律試士君老於格律會顯專場方當階尺木梯青雲備周家之楨給漢庭之札則君他日得志其所爲詩又必有隨境而變者余拭目俟之耳

驅夢錄序 著錄提格

君姓孫氏諱震字天威昭文人世居大河幼孤事母有孝行既壯家事大小必請母而後行博覽傳記厭

玉芝堂文集

卷四

十

薄科舉之文雍正五年學使者試諸生君第一乾隆元年丙辰中江南鄉試舉人六年正月卒年若干平生淡泊寡欲而作詩好爲艷詞綺語性喜飲酒能盡一石杯杓不離手閉戶讀書終歲不入城市再試禮部未嘗一刺及貴人門與人交逡巡退讓似不能言未嘗以學問標榜於時人莫窺其所蘊君歿數年君婿江文虎檢君遺文得驅夢錄兩卷君手書也讀之大驚乃與君從弟夢遠中伯錄而存之初君幼子崇基善讀書甚愛之丁巳君下第歸崇基卒已十有日矣君悲鬱無聊因益縱意填籍用以自廣行坐披讀隨

遲糾駁筆之於書久之卷帙遂積推其所山名曰睡  
夢焉其所駁正史事牴牾援証今古義據精當非苟  
穿鑿求立異者昔余先兄庶常與君同年甚見欵洽  
常曰君長者及謂善飲不亂徒以此相推而已中伯  
於君從允善君君之歿也實經紀其喪而撫其遺孤  
亦未知君著此書也蓋君之深藏若虛如此詩八十  
四首詞七首並得之君婿江君

佩蘭詩草序

吾邑川原清淑地氣疏明人分海巫之秀家飲尚湖  
之淥非惟鱗集乎文人蓋亦間生乎女士矣朱氏素

玉芝堂文集

卷四

上

芳字若霞邑西偏唐野人也纂徽國之遙源歸平陽  
之華胄秣駒興咏克秀翹楚之姿采澗流芬有裕湘  
蘋之職性嗜墳籍妙解文章牙籤縹帙造次隨身雕  
簪花牋晨昏在手每花新葉早風清月白未嘗不假  
柔翰以散懷屬新詞以增興溫惠爲心孝謹成性常  
念慈姑早隕不逮奉養每遇蒸嘗倍深摧感終鮮兄  
弟恨均揚水行遠父母思甚泉源既而風木銜哀蓼  
莪永痛毀將滅性邪遂攻中嗟乎屋漏屏風一潰靈  
牀之涕夕陽花影遶飄倩女之魂蕙質易銷舜顏難  
駐其惟姻族咸共嗟傷所作皆近體詩四十八首自

題爲佩蘭詩草婉約而有新意流利而無鄙詞得之  
閨門亦云難矣然每深自韜匿未嘗出以示人中外  
親疎罕窺崖略意者將以披覽非巾幗所向研精非  
中饋所急者乎是殆不然緣夫四始攸列半出善懷  
之詞五言肇興卽流紈扇之什然則議酒食持門戶  
其於一吟一咏正復何嫌何疑良由文以其賞爲欣  
歌以繼聲爲善故成風之斤後鄧鼻而方運流水之  
琴疎鍾期而後鼓荀非同調未易深言自古文人皆  
同此意矧乃命儔止於井臼之間足跡限于門樞之  
內其或擅丹青之巧求者填門工刺繡之文市者增

玉芝堂文集

卷四

上

價蓋有之矣至於風雅之旨固庸聽之所疑文史之  
娛非恒俗之所喻安所與敷衽而論王拙散帙而研  
得失者乎想其擗管含毫孤吟獨賞亦猶居章甫於  
文身之國樹幽蘭於服艾之鄉觀其遺篇可爲三嘆  
况復生均脆草命促朝露落穠華於盛年委芳心於  
長夜重足悲已卽今階前碧草依舊成茵牕外春禽  
猶聞報曙而鏡臺倏掩硯匣俄塵空使蒼苔滋蔓長  
依望海之墳悵悵風辭遠繼斷腸之作國子生曹君  
續坤傷同奉倩恨比文通無慰意於帷屏冀流傳於  
翰墨庶幾鄉閭好事共惜其英芬當代詩家或甄其

姓氏焉

謝母姚孺人墓誌銘

孺人姓姚氏常熟人候選州司馬維商公之女雍正丙午科舉人陽山縣教諭封文林郎勉廬謝先生之配幼而婉順父母以豫其佐先生克孝克莊家室用宜撫先生伯兄之女爲已女先生有從姪景運少孤翼而長之如所生先生客京師孺人篤其子弟罔敢懈其業以克有成雍正十一年歲在癸丑三月十一日以疾卒年五十八子曰祖庚側室陳氏山乾隆戊午科舉人浙江奉化縣令授文林郎孫二人曾孫三

玉芝堂文集

卷四

墓

人乾隆十六年歲在辛未

國有慶典推

恩百僚孺人以祖庚官贈孺人二十三年歲在戊寅十一月甲申朔十九日壬寅葬於常熟四十五里河泊市之東原將葬祖庚以先生命命齊燕爲銘於幽宮之石辭曰

海虞之姚自徽徙素業相承望州里孺人淑哲光圖史作嬪於謝垂芳軌樛木春榮葛荒藟齋明祓祈憂繼似夢蘭有徵良袂喜初育孔艱卒膺祉遺疾三年嗟不起身後榮恩

詰泥紫尚湖之西列楸梓自殞迄藏逾二紀歲在攝提月建子卜辰允臧安厥體鑽石闕詞無敢侈千秋

墓誌視諸此

題許銘亭新安江中唱和詩卷後

屠維單陽

余生長虞山家世黔歙休寧縣有黎陽村實惟重世晏安之舊將由虞山而往則必越錢塘徑巖瀨其間洲渚連綿巖巒環壘千尋之樹乍寫江中殊狀之峰或標虹外余流覽圖記慕其山水雖馳心有年而遊諾未果今湖南方伯高陽公辱與鄒宗有秦晉之好歲戊寅秋七月公將遣其次孫祥坦就婚黎陽以余

玉芝堂文集

卷四

詩

嘗平章此姻摺期來諭促裝同往夙懷良遊豈憚行役庶將一溯驚急之湍覽窺詭怪之石顧牽塵事仍阻幽尋目送征帆悵然獨返時同舟而往者沈君文樓深陽之詞伯黃君信生吾邑之俊彥公子銘亭妙年歷落才藻繽紛實既能文主又多藝事訖同棹興動深秋收烟月於囊中納江山於筆底丹楓兩岸最觸羈愁黃菊一樽坐催新句於是分箋雲起援翰泉流競建鼓旗交嚴鞞勒奇山晚見蹕高唱於休文沓嶂鳴榔接餘波於希範同舟盡各人賦四章好事爭傳屬和彌廣余遙愛靈區終違勝賞近披衆製聊當

登攀輒敘所山題之卷末始寧許字未迫康樂之遊  
際閱載名竊比昌黎之幸云爾

陝西糧儲道席公元配李恭人墓誌銘

乾隆戊寅秋陝西按察副使刑部郎中席公元配李  
恭人卒越明年冬副使將葬恭人於新原使其子聞  
喜令紹凱等次恭人平生行事請銘其墓石於余余  
於公家有潘楊之戚以平昔之所聞見而知之者合  
於三子者之所述無異詞是宜可以鑽石紀美垂示  
厥後余非其人也然知恭人之詳者莫如余又重以  
公命其何敢辭按恭人之世由大同遷江都曾祖某

玉芝堂文集

卷四

五

祖某同時官給事中父某康熙庚辰進士改庶吉士  
終貴州鎮遠府知府恭人年十六歸副使柔和祇肅  
動有矩度副使母徐太恭人善養其姑恭人實左右  
之重親致歡克和厥家副使既仕出入中外恭人未  
嘗不從夙興晏罷能敬戒不怠每食必手自治具割烹  
煎和既調既潔俟副使加餐然後嘗食終身以此爲  
常副使嘗病衣不綴帶者累月副使或將朝若祭先  
一夕恭人則坐以待旦整冠服具飲食以俟惟謹已  
事乃寢性勤於操作一絲一粟皆綜理使得其用無  
棄材暇則率諸婢紡績一燈熒熒夜分不輟至老不

改其初視庶出子如已子副使從郎陽守歸子女  
者三恭人哭其庶者而慟曰我子尚多爾母奈何副  
使有妹夫家貧恭人數周之於諸李未嘗私以財恭  
人以康熙某年月日生乾隆某年月日卒年六十五  
詔封宜人例晉恭人子四人長紹元四川大寧場鹽  
大使出繼副使兄某後次紹凱乾隆壬申舉人山西  
聞喜縣令次紹祖紹俊皆上舍生女五人孫男六孫  
女八以乾隆二十四年十月某日葬某鄉某阡銘曰  
恭人之先遯晉居揚乃祖乃曾並掌封章父子同朝  
鮑驄有光厥考典郡惠綏炎荒作嬪於席盡則孔彰

玉芝堂文集

卷四

六

孝事重親譽洽閭閻房載馳驅從宦四方歷楚經秦  
跋涉風霜五十餘年中饋是襄谷風之和習習其祥  
宜爾子孫芝蘭芳鬱鬱松楸樹茲崇岡體魄則安  
後嗣則昌刻銘山阿徽音不忘

爲鄭贊善作肇慶府志序

上章執徐

郡邑之有志所以審疆域察境俗鏡今古別善惡所  
謂居然而辨八方抑亦爲政之一助也而今之有司  
往往忽焉不講蓋以簿書期會禁令徵發日汲汲焉  
而未暇及此又以爲此特文人學士用以誇聞見資  
博洽而已非當務之急者故邑之舊有志者猶且聽



其編殘簡斷漫漶而不可考况望其能釐正刪潤增續其所未備以垂信於後耶雖然欲爲一書而不博之於古參之於今廣羅異聞周詢遐僻使夫博達有識之士操斤定墨磨以歲月未見其能成文也故作志之難古之良史猶或闕而未逮豈易言哉豈易言哉歲庚辰余奉

命視學粵東首試肇慶府錢塘吳君作守是邦於茲七年吏安其職民服其教余素聞吳之士風輕於犯法百弊叢集思所以懲艾之而以肇爲先聲故於條教號令多所更易試之日吳君訓勵指示諸生奉法

玉芝堂文集

卷四

七

循令帖然無敢干禁者余以是心服吳君之能及既歲事吳君出其所輯新志問序於余余惟肇之爲郡壤接粵右濱於漲海地多岡陵民俗武悍實維劇郡舊志毀於兵燹康熙初太守史君重加修輯綱目粗舉迄今八十餘年

國家涵濡漸被之澤日新月盛視昔有加焉吳君既能宣奉

德意使遐陬之民克樂其業而又以其間蒐輯舊聞補輟闕略使是邦之山川疆理戶口貢賦人物風土開卷如指諸掌蓋不獨考古之士入境問俗得以廣

其見聞而亦足以徵其爲政之多暇也因不辭而爲之序

爲蘇州府官屬祭大學士蔣文恪公文

重光大荒落

嗚呼申伯篤生載誕嵩高之秀傳說既歿上爲箕尾之星從來國家柱石之臣咸鍾光岳精靈之氣川能經天緯地勛猷銘謚於旂常存榮歿哀禮數光華於朝野恭惟虞山相公望重衡梁功宣霖雨承家鼎族聯五葉之聲華接武沙堤極

兩朝之榮遇爰標奇於綺歲早擅美於籛金應奉則兼下五行伯始則能知萬事旣而知由特達名甄甲

玉芝堂文集

卷四

六

乙之科恩自

天來寵冠公卿之子自升華於

禁近仍矯迹於宮僚司東壁之圖書官稱冰玉掌西

崑之典冊秩號神仙屬

今皇御極之初協

聖主得賢之慶爰自清華之職浮膺喉舌之司踐臺閣之崇班佐銓衡之右地翼若順風之羽益矢恪勤沛如縱壑之鱗彌懷兢慎山持旌節協惠氣於汀蘭入贊樞機絕私言於溫樹故以丹青元化翻鵬馱殫精白於臣心荷頻蕃於



主渥位望克隆乎堂構功名無墜乎箕裘世爲司徒則鄭桓鄭武之勤勞王室代居政地則伊尹伊陟之保又商家極鼎足以高升人美黑頭之貴秉鈞衡而濟美家傳黃閣之榮兼以玉尺頻懸桃李重行於門外冰壺屢照麒麟疊迹於康衢領蓬島之清班文章爾雅裏經筵之盛典敷奏雍容稟四知以仰答

聖明秉一德以交乎泰運至於階前玉樹膝下瑶林羔雁成羣簪纓迭起芸香桂樹雨露恩濃五馬三刀人民寄重一門寵渥何止王氏之乘輪九族恩光差比范宣之世祿方謂百僚師表永佐鈞陶豈期二豎

玉芝堂文集

卷四

九

擬災遽還舟壑

九重輓奠空聞辰日之哀四海具瞻其惜中台之坼嗚呼哀哉某等析圭仁里剖竹賢鄉虞仲遺墟識名臣之甲第巫咸舊里瞻丞相之祠堂茲值丹旄來歸遠期已卜素車會葬宸御同哀緬仰風猷豈復再窺於東閣徘徊桑梓能忘一慟於西州執紼送行薦殯將敬靈其不遠庶或來歆

方母毛太宜人墓誌銘

元凱 敬撰

太宜人姓毛氏贈奉直大夫方君炳先之室待次州佐恒益之母吏部郎春熙之祖母也父吉甫母曹氏

世爲常熟人生而父母相繼歿年十五歸方氏姑李氏夫後母也太宜人事之甚得其歡心年二十九夫歿子生始一歲截髮自誓示無他志嘗上夫塚見墓有積水解所戴麻幘盛土填之姑哭子喪明以舌舐日數月一日復明家貧身惡衣糲食未舅姑嘗日煖無敢缺舅疾革謂曰吾以姑累汝矣舅歿與姑同寢處未嘗離左右教其子嚴言動必以規矩訓夫弟某曰勿以孤故假借之若愛之以姑息是害之也於後子果成立以端慤爲士林推重勤勞撙節以起其家家以漸饒所以奉養太宜人甚備雍正元年郡邑

玉芝堂文集

卷四

十

上太宜人節孝狀建坊阜城門外初太宜人以哀毀得疾比老數發動然竟獲上壽及見其孫之貴朝廷有慶典賚高年粟帛太宜人三與焉乾隆二十六年太歲辛巳十月十九日卒春秋九十有七其年十一月遇

覃恩贈宜人子一人恒益候選州同知贈奉直大夫先一年卒女三人適某某孫男三人春熙乾隆丁丑進士吏部文選司主事加一級振輟縣諸生春榮太學生以乾隆二十七年某月某日葬於某原春熙以余有一日之長乞銘其壙石辭曰

毛實姬胄世德紛郁載誕女宗克光令族既嬪於方

順於舅姑生子而寡艱難撫孤既孝既貞  
明詔所美綽楔峨峨以表厥里子克承訓厥家以興  
天錫母壽算垂百齡奕奕厥孫天官之屬襲崇命號  
戩爾遐福擇此吉壤體魄是寧刻石闕辭以永令名

鏡通禪師像贊

照陽協洽

邑東門有處士曰魚君元傳明開封賢守侃裔多識  
舊事於前輩名蹟拈撫湮逸如不及一日行次見市  
擔收紙一卷取視乃鏡通禪師像絹素尙完惜其埋  
沒塵土購而裝之將歸諸三峯禪室俾其嗣法子孫

王芝堂文集

卷四

三

敬奉焉屬余爲之贊余惟禪師薙度德慶傳鉢天童  
前後在太倉主慧壽在杭主靜慈安隱在蘇主北禪  
在無錫主龍山錦樹在嘉興主真如在吳江主聖壽  
終老鄧尉聖恩寺遂塔焉而三峰實爲創基之地以  
破屋數間蔚爲雄刹筵路藍縷之功於是乎在寺固  
非師不興師之鐘鼓亦由此而盛所以槌拂之踪相  
望吳越而於茲寺尤不能一日忘也師名法藏字於  
密號漢月無錫蘇氏子明萬歷元年癸酉受生崇祖  
八年乙亥示寂後我

聖祖皇帝以康熙四十四年南巡幸聖恩寺賜諡鏡

通像爲太倉顧見龍畫見龍字雲臣康熙時待詔畫  
院嘉真爲時所稱魚君施像之年太歲在癸未實乾  
隆二十八年四月時住持三峰者化章字進溪贊曰  
巍巍三峯大啟琳宮厥初荒蕪興山鏡通折竹發悟  
墮梅證空三十餘年高視江東奕奕茲圖幾厚塵市  
誰其購之東門處士誰其作之金門畫史施鎮山門  
與寺終始

李長蘅先生山水跋

長蘅先生所作山水蕭疎閒遠展視之際如有秋風  
颯然而來其人之高可知此軸爲吾邑魚君虞巖所

王芝堂文集

卷四

三

藏魚愛重前輩名迹尺緘寸楨視若球璧此畫尤所  
心賞嘗示亡友王君八千幾爲所奪卒以他畫易歸  
則魚之高又可知矣先師司業陳公柳南王丈及八  
千各有題字於傍余數年前見之八千齋壁時二老  
並無恙今魚仲余續貂復親手迹壞梁宿草重增感  
唏

孫嘉復像贊

君諱景元字嘉復姓孫氏世爲常熟右姓高祖父朝  
讓與兄朝肅前明進士先後皆仕至布政君東修  
自好不墜門德三試京兆逸足未聘歲在丙子今少

蔡蔣君賜聚以公卿子出守楚雄邀君入滇甚見信  
重時蒙自令鄭州張君準傾蓋投契遂隆婚姻之好  
屈佐其幕動息諮訪若左右手未幾張擢判麗江以  
例觀

闕君亦久客土思遂還故居明年壬午復應順天鄉  
試入都疾作扶舁而歸至家二十餘日竟卒年四十  
有二與兄夢逢同居式好遺命營建塋域必兄弟相  
依夢逢每對人語及君涕泗交頤悲不自勝嗚呼孔  
懷之風吾見罕矣君居虞山之麓宅有一亭北牕倚  
山竹木環匝君率子弟讀書其中及自滇歸稍出囊  
玉芝堂文集 卷四

中餘金增易桷杗芟擢荒蕪余頃屬多暇過君幽棲  
雜花粧春嘉卉羅秋良朋萃止談笑淹晷歲月詎幾  
重壤幽隔樂往悲來曾是不意夢逢痛君不已廼命  
丹青圖君遺像不鄙無文俾題其贊余既同士衡閱  
水之嘆兼感子猷人琴之悲展圖愴懷聊綴荒翰詞  
曰  
蒼蒼虞山幽幽草亭昔我叩門問君書聲虞山蒼蒼  
草亭幽幽花竹依然逝者難留有慟哲昆斯圖是作  
巾服瀟灑神儀磊落軒軒高鴻皎皎野鶴音塵常新  
慰爾冥漠

### 柳南續筆序

王君東序者吾邑之老學也多識舊聞旁搜軼事比  
孝先之便腹同匡鼎之解頤余之婦翁乃君其研之  
舊君之女夫又余同袍之友焉神交于君爰自疇昔  
矣年輩既懸出處復左空蘊仰止之誠莫展如舊之  
契後余歸山迨君暮齒始獲周旋杖屨預承緒言篇  
章往復投桃報李方幸敘忘年之歡獲論文之益何  
意佚老有期龍蛇夢兆嗟乎黃髮淪謝來學安仰君  
雅好著述嘗雜記言事名曰柳南隨筆身自較刻翰  
墨餘暇復成績筆四卷卷中所載略同前編或語傳

### 玉芝堂文集

#### 卷四

書

諺俗不道於摺紳或論涉詩文有資於風雅自君之  
歿今又數年後生末學日就荒陋觀省此書亦足少  
助開識余門生吏部郎方春熙受經於君夙窺堂奧  
邑人毛琛君嘗激賞其詩亟為延譽觀茲遺編咸深  
追感思人愛樹矧伊手澤因其校讐將廣流布以余  
曾接末座請為之序余亦感慨陳迹之存低徊晤言  
之曰雖才謝元晏而情同右軍撫卷悽愴明其槩焉

### 宗人府主事孫君墓誌銘

君諱夢達字中伯姓孫氏江蘇昭文人世居邑東偏  
鹿阿鎮遂為著姓祖麗公四川什邡縣知縣父爵昌

太學生並贈奉直大夫君性尚疎簡氣度明豁吃於  
言辭偉於形貌不矯飾以取名不苟同以狗物剛毅  
木訥體近仁之姿直諒多聞標益友之目年始舞勺  
能爲文詞遂絕意嬉遊究心篇翰有核羣籍軌涂先  
正十九歲補縣學生三十歲遊京師中雍正十三年  
順天副榜

今上乾隆元年補宗學右翼教習太常卿同邑陶公  
正靖經術史才儀型後進君升堂承訓辨析源流器  
識日充文體上於時四方英俊以鴻詞被徵及異  
等充貢者雲集輦下咸聞聲景附氣類相求君遊道

玉芝堂文集

卷四

墓

曰廣華譽翁習矜標格以相許恥干謁以自媒故以  
名傾青槐之市迹絕霜戟之門三年中順天鄉舉七  
年成進士不樂簿書遂棄銅墨改秩教授待次家居  
廼更謝遣聲華屏絕人事研精爰繫別事筌蹄以爲  
易蘊至深然理藉詞顯而諸家穿鑿或離析任意或  
附會承訛縱有新意殊非本指於是脫棄九師精求  
十翼務使考辭必順繹理皆從撰讀翼揆方凡十卷  
十六年

翠華南幸吳越今江蘇巡撫太子少保番禺莊公有  
恭昔與君共事宗學有尹班之契時以戶部侍郎督

學三吳薦君詞賦蒙

恩召試行在即授中書舍人十八年在軍機處行走  
喉舌要津鈞衡重地幹略之士是所爭趨君處之以  
樸誠將之以悃愾允洽物情莫能疑忌

駕幸熱河木蘭

東陵南苑累扈

清蹕勤慎著稱尋除宗人府主事以祖母喪去官服  
滿赴京師屬

王師新平準夷有

詔撰集方略大學士諸城劉公統勲以軍機處舊人

玉芝堂文集

卷四

美

屬以編纂君恪慎載筆斯夕不怠自非職事未嘗私  
謁二十七年復補原官遇

單恩誥授奉直大夫宗人府主事加一級君素懷磊

落落拙於治生宦遊減產有北門終窶之嘆座常生饑

口不名錢竟以憂傷損和成疾以二十八年三月五

日卒官春秋五十有八嗚呼哀哉君本以母老將辭

歸養征期已戒大命俄迫遺令二子秘已喪問勿使

太夫人知之嗚呼悲矣時湖南按察使同邑嚴公有

禧在京實經紀君喪醫藥殮殮泊乎反葬多出其力

君凡再娶元配錢氏佐君食貧辛勤黽勉娶三歲而

卒贈宜人繼配嚴氏卽按察公之姑太僕少卿嚴公  
虞惇季女封宜人生三子二女長子資祖次子復祖  
太學生幼子培祖生十年隨喪南還將至道天卽以  
其年十二月十二日其孤以君之喪與錢宜人合祔  
宅東先塋之次乞余誌其幽宮嗟夫余與君交歲踰  
二紀選舉比牒之舊泰晉牽連之戚性情疎放之同  
文章旨趣之合風期篤密有踰等倫出處後先互成  
睽阻豈料奄值殲良長乖執手秣陵之書無因遠答  
山陽之夢空期動輪潛然攬筆敢辭蕪淺乃爲銘曰  
鹿阿濱海孫宗居再世蘊文君擴諸名甄甲科踐天

玉芝堂文集

卷四

三

君儒

乘輿南巡蒐瑾瑜鳳池鸞閣彫華裾近將養母還故  
廬沉痾忽侵悲隙駒平生口喫勇有餘行不詭隨言  
不諛根本肫固節目疎交賢友直滿八區要津高門  
絕趨赴任實去浮君子徒我誌其誕涕漣如嗟哉斯  
人今則無刻詞紀實闕泉塗茫茫千年名不渝

沈生妻袁氏哀詞

關逢浩灘

上舍沈生蕙田之室明經袁君桂芳女也天桃及期  
琴瑟靜好頗涉詞翰尤好丹青禽鳴枝秋花綴籬

隨事點染具有生態事夫重親皆得其歡子在髫髻  
督促就學未嘗姑息乾隆甲申春夫祖母病歿扶持  
抑搔經歷半年旣積勞瘁重以悲傷遂嬰寒疾月餘  
而卒春秋二十有七上舍追念無已其友茂才周生  
汝誠乞僕爲文以慰其哀僕於明經泰研席之舊不  
辭鄙拙爲哀詞曰

系陳郡之遺胃分獲美對于海昏稟詩書之明訓兮  
勉四德於閨門奉重親以執勞兮鞠稚子之恩勤諧  
瑟琴於盛年分期偕老於終身何生命之不淑兮奄  
凋落於芳春隣里嗟咨其交情兮戚懿淒以悲辛矧

玉芝堂文集

卷四

三

良人之獨旦兮綢姿形以傷神瞻王母之几筵兮念  
侍疾之積晨顧榮榮之弱息兮憶勸學之諄諄惕入  
室而無見兮餘柔翰之遺芬悲十年之一瞥兮懷恩  
愛之莫伸昔馮劉之怨耦兮資狠戾而長存憫潘孫  
之淑儷兮徒增重於情文司命自古其夢夢兮謬殃  
福之糾紛孰能如莊子之鼓盆兮不復知壽夭與悲  
欣

歛石研銘

世人尙同歛賤端貴人棄我收畀爾文事墨波雲屯  
作草從意當其書成孰辨所自端之良者今不易致

物理循環爾貴可矣

掌錄序

掌錄者國子司業陳公之所撰也公多識畜德強學待問兼綜流略尤長於經自少至老未嘗一日廢書不觀偶讀一書偶聞一事單詞有微片語微會隨川寫記時備觀省左思之墻潤著筆李賀之奚囊貯詩語其專勤未或過也歲月既多筐篋斯滿少所盡力老不忍棄兼欲垂示子孫少資覩記故於暮年手自裒輯分爲上下兩卷名曰掌錄亦猶進笏書思便於省覽循珠記事得免遺忘者矣其中語雜雅俗義兼

玉芝堂文集

卷四

五

小大總其大要說經爲多隨時採掇故不繫於事類事資溫故非務矜於奧僻若夫辨是非考同異核名實證今故則公之好學深思可概見焉哲人云葵遺書未布公之長子明經道光載誦清芬永言手澤重加校勘刻於集後其間脫訛顧主事鎮湯進士愈並嘗是正以今歲次甲申月建癸酉剞劂告竣實公歿後之十年也齊燾夙忝問奇深慚墻面幸因備字少窺涯略前疑舊滯事等發矇超識篤論義深實獲裒病日積雕朽何施纂酌廷撞敢裁茲序亦願後之學者觀公積累之精純纂集之勤耄耋爲山之不辭覆

實知成裘之必因集腋勉求多聞各愛日力其則不遠可忽乎哉

玉芝堂文集

卷四

三

玉芝堂文集卷四終



玉芝堂文集卷五

敕封文林郎浙江雲和縣知縣加一級原任陽

山縣教諭勉廬謝先生行狀

海蒙作

先生姓謝氏諱晉字曰三蘇州常熟人祖爾綱父錫  
蕃贈文林郎康熙十九年大水歲饑先生祖爲粥食  
餓者時先生年五歲進曰糜薄恐不飽又不得懷去  
不若易以餅祖大奇之卽從其言全活甚衆年十七  
補博士弟子試輒高等及入成均展冠其曹年四十  
九中雍正甲辰科順天副榜又三年中丙午科順天  
第五名舉人會試取明通榜歸教授於家先生爲人

玉芝堂文集 卷五

一

和平樂易篤于倫理居家常以孝弟敦厚爲教侍母  
病衣不解帶者經歷年載兄毅字心遠邑庠生弟發  
字叔起丙辰舉人推肥處瘠發於中誠友于式好至  
老無間從弟子景運幼孤露育於先生提攜成立視  
均已子少受業同邑陳沛及陳歿爲造塋冢與同學  
五十餘人執紼送葬其篤於誼如此在場屋三十年  
經史古文手自抄撰研精探索寒暑不輟爲文章清  
詣充實理法純密既魁京兆所試墨義遠近傳誦及  
歸從學者日進先生指示程準剖析奧窔誘掖不倦  
多所成就乙卯丙辰之間舉場文體一變其舊末學

膺受不循其本競構詭異冀以逢世鄙忽先進目爲

常譚先生教人常隨時適變而不失其正執經之士  
前後百數十餘年登科第者相望門牆之盛同時  
罕及乾隆五年年六十五山丁已明通選授徐州陽  
山縣教諭陽之諸生積爲隸役之所魚肉先生至所  
以扶樹之甚力時患蝗縣令教諸生各出掩捕一生  
病不出隸輒迫辱之先生謁令令方憂蝗甚先生曰  
隸之害民酷于蝗蝗易除未足憂也令爲稍戢其隸  
又于生者納租已畢隸猶索錢不已大見詬辱反誣  
生以罪令怒將笞生先生曰徐之且勿盛怒令患曰

玉芝堂文集 卷五

二

師何意罪我以怒先生曰喜怒哀樂情也人所常有  
苟發而中節則怒亦和耳令意解乃釋于生方是時  
隸役橫甚士之富厚者必以計擱其資貧者或恥爲  
之下卽立其罪名恣意凌折之薄物細故皆成瘡痍  
指飾疑似詞牒旁午先生深不平之後大司成崔公  
紀來督學司成素方嚴先生因上謁極論其害乃令  
諸生嘗見枉陷者悉以狀自列學政下其事教  
諭先生一直之以上司成大怒飭郡守按驗諸姦  
猾悉伏其罪士氣爲之一振於是諸生恃先生若慈  
父母矣先生在陽山八年訓課不倦貧者恒賑給之

有汪鳳翥者幼孤黃圃文者本農家子此兩人尤貧困以童子來請益先生招致官廨衣食而教誨之三年皆補弟子員先生嘗受郡記與令分道捕蝗當至南鄉禱於猛將廟而往於時羣飛蔽空聲如殷雷乃命名徒衆掘溝壑設網具竿使須臾黎明會及旦視之蝗盡墮地死數十里無一飛者士人陳鳳卜家有狐祟巫祝禱祀莫能祛祓先生至井而祭之命虛一室處焉自爾寂然家以獲寧乾隆十二年先生以老乞歸贖展上郡守定公長以先生尙強堪任職疑有所齟齬遣教授從容問所以欲去官意先生慨然

玉芝堂文集

卷五

三

曰吾年踰七十幸筋力尙健顧我兄弟三人弟以計偕得數過此兄耄矣獨不能來念相見無時何能貪顧微祿使白首抱完山分飛之恨乎郡守爲感動乃許焉先生既得請以是年六月束裝諸生更留行復居月餘比發生徒傾邑送於河干服青衿而列拜者三十里不絕初先生出行城南遭子母相毆者停肩輿問之其子傲然曰素非相屬能難我耶先生怒執而撻之命縛送縣令治其罪其人始懼而求免先生爲開示大義反覆訓諭而去縣令聞之晨遣先生自以化導無素引咎愧謝後其人感悟更爲善良娶妻

成家供養有加聞先生歸母子追送出郊鄭重拜謝縣令者三韓鄔君名承顯嚴猛有吏幹先生與爭諸生曲直數相抗不快然察先生所言公後更見敬信命其子受業於先生之子祖庚遂相與結交先生家故貧居頃之祖庚以舉人選授處州雲和令雲和富人坐法當抵罪走常熟行錢先生正色拒之凡再至卒不納數救祖庚宜務廉慎勿執法亦終不言富人事乾隆十六年恭遇

皇太后萬壽推恩中外先生以祖庚官封文林郎祖庚在雲和五年以勞次調寧波奉化令未數月有獄

玉芝堂文集

卷五

四

因病死其家請而殮之坐不檢驗奪職先生聞未嘗戚戚乾隆二十二年

翠華幸吳越先生年八十餘父子迎道側進所著

聖諭十六條衍義

詔賜先生緞一端復祖庚官初先生年十五六多疾患母黃夫人誠曰汝血氣方浸長而羸瘠若此一不慎恐旦夕不自保先生受誡加意攝護弱冠以後體更充實竟獲遐壽既耄飲噉日進齒牙未嘗動搖後進以文字請業者手披口講無厭怠如壯盛時庚午壬申祖庚連充浙江同考官迎先生至錢塘旣撤闈



祖庚率其門生謁見先生捧觴上壽侍遊六橋先生  
鬚眉皓然策杖登陟彌日欣暢曾無倦色自先生去  
碭山歸優游家園垂二十年安分忘貧以文自娛壽  
考康強儀型縉紳四方士友相見必問勉廬無恙爭  
欲知其起居服食其相傳說以爲稀有勉廬者先生  
所讀書室也乾隆三十年閏二月初九日無疾卒年  
九十先生娶姚氏先先生卒贈孺人側室陳氏以子  
貴封孺人子一卽祖庚乾隆戊午舉人浙江奉化縣  
知縣孫二曾孫四先生以醇德宿齒爲鄉黨之所尊  
事文章行誼皆可表見於後宜請當代哲匠刻畫碑

玉芝堂文集

卷五

五

誌垂耀泉壤及載郡邑志乘使來者有所考信觀法  
齊肅幼以愚謤忝侍函丈敢就聞見所逮參以先生  
所著年譜撰次梗槩冀備採擇謹狀

許在璞茹茶百咏題詞

百端感憤激揚悽戾之音一緒繁紆隱括平生之事  
蓋艱於遇者觸塗而成憾深於怨者言哀而已嘆以  
其幽憂發爲歌詠信女子之善懷類風人之傷已昔  
人有云窮者欲達其言不其然乎彼夫翡翠盛璫琉  
璃藉研歌桃紅之韻而吟柳絮之因風雖藻績乎景  
物匪鬱陶乎情性語夫天籟未宜同日

單孔昭詩序

單生者名德榮字孔昭常熟人康熙己卯舉人雲瑞  
從孫也家世儒學資器英異貧約嗜書狂簡傲俗年  
十三四曾一應縣試見儕輩雜處堂下縣吏抱牘呼  
名序進便却走疾山自此割棄舉業不復問津至如  
經傳子史之文鐘律星朔之旨不出師授咸能強記  
環堵凝塵吟諷自得映發暑月同此艱勤抱犬寒宵  
均其飢困昔宋祖平孟昶詞臣獻夷蜀頌其文不傳  
生擬而補之凡三千餘言其友錢塘謝晉超持示太  
倉毛御史時毛爲虞山書院堂長一見其文深垂獎

玉芝堂文集

卷五

六

借諷以習經義應科舉將羅之門墻假以毛羽生聞  
之听然笑曰吾東髮至今耽玩縹素蓋欲因遺文以  
見道庶先哲之立言豈與曲學之士峻利鈍於毫末  
競長短於一日哉乃與謝晉超書明其趣焉具縛藻  
於毫端澹紛華於塵外壯夫自許非蟲篆之足矜載  
道爲期豈輪轅之徒飾與夫炫鬻片長假托聲譽干  
時冒進希榮苟合者詎可同日語矣嘗期所親飲酒  
會其人將之池州贈禮肉佛預自蔬菲以書謝焉生  
答書深辨其惑鑒幻說之誑利訥瞽俗之貪庇斥苦  
空之乖典證詔祭之無祐范鎮著神滅之論傳奕集

高識之傳千載同契精理懸符嗟乎迥寒時也修短  
命也乾隆二十一年八月疾卒春秋三十有四所著  
有春秋辨旨天文占驗律呂探微易圖說符子評及  
論頌書序等數十篇詩千餘首零落散亡什存一二  
沒後十年其父哀其遺詩百餘首爲兩卷刻之余夙  
非聞聲何能妄談余友姚受東生從舅也請余爲序  
粗道其槩又見亡友孫中伯先所作序其所推獎益  
足參驗不謬夫其身迫飢寒而不廢弦誦幼無師承  
而廣闊羣籍俗學喧聽而抗期不朽文藻溢目而裏  
足名路求之今人可以爲難矣駒陰不留秋草同脆

玉芝堂文集

卷五

七

交遊寂寥名字湮滅不其惜乎輒承姚君之請標其  
英秀庸使後之觀者知所以自振焉

毛寶之維揚詩草跋

維揚名勝平山堂爲最余戊辰春告滿赴官薄暮渡  
江遂得一登堂下梅花數百株盛開燦若瑤瑤其埔  
壁雖頗閑淡而樓置迥秀殊有幽興洎壬申罷官歸  
復經其處寒疾不得登岸後五年

翠華南巡聞其規模有逾舊觀亭臺樹石事事崇麗  
余送

駕小五臺遂舍舟步行經十五六里池榭綿延霞綺

相接然意在平山不暇留目既至登觀音巖遊者蟻  
聚頗妨眺覽而平山堂扁鐫甚固沙門司管鑰者往  
淮安送

踴不得其門而入同遊者咸悵然若有所失又二年  
余患風痺不復能跋涉江路所謂平山堂者不可得  
而重至矣今年春吾鄉將少司馬扈從南來蒙

恩許其畫錦累葉相門行馬周設而毛君寶之以能  
詩見異特蒙虛左同至邗溝盤桓累日凡諸名勝處  
處留詠余因念人生遊歷類有定數昔王右軍欲登  
汶嶺峨嵋累見書問中後竟不果韓文公聞滕王閣

玉芝堂文集

卷五

八

之美欲往一觀無因而至自平山改觀以來余每不  
忘重遊之想既親至其地不得入其後再遇  
巡典中間嘗被

詔赴闕皆若可以至其地者而竟爲痼疾所阻今毛  
君於無意中乃得暢遊邗上恣意吟覽亦有幸有不  
幸耶觀所刻維揚詩草爲之三嘆

剖瓜研銘

剪枝蔓養根實嚙清甘析煩熱世載鴻文衍瓜瓞  
祭曾會宗文

維乾隆三十年九月日翰林院編修邵齊燾謹以清

酌庶羞之奠祭於亡友會宗六兄之靈曰嗚呼我與兄交三十一年昔我弱冠研席周旋今我白髮兄隕黃泉舊侶日稀能不泫然疇昔之晨我視兄疾心知不諱冀忍旬月近出未還遽聞永別雖曰隨化一何飄忽嗟嗟生人患有此身千條萬端勞形苦神今兄大覺廓然返真親故追懷乃獨悲辛兄之自守兢兢信義行擇而蹈言度而山兄爲人謀忠而無悔慎始慮終過彼白爲族世墳墓代遠易荒兄獨屹然身爲巨防一樹一石力爭失亡不恤勞費艱難備嘗我以無能久在田里壬午迄今比彼徵起親知厚期促戒

玉芝堂文集

卷五

九

行至止足之規獨兄而已兄所瞻瞻尤在後昆女始許嫁男幼家貧既憂其學復慮其婚易質之言是用諄諄年番七十亦不爲少思慮煎迫精神枯槁詩人有言惟憂用老生非金石誰克常保命也如何奄隔平生昔時壺觴今誰與傾凡事有疑誰與權衡薦黍虛幃惻愴傷情嗚呼哀哉尚饗

翰林院編修栢東臯先生行狀

先生姓栢氏諱謙字蘊高先世居金陵杜栢村後遷句容高祖應科由句容遷崇明曾祖文宗任俠好義祖繼元早卒贈文林郎祖母沈氏贈孺人父萃邑庠

生封文林郎贈儒林郎嘗夜行見一女爲賊所掠奮挺追逐奪還其家雍正十年秋海水漂溢綽筏以救溺者全活甚衆母吳氏封孺人晉封安人先生幼穎異五歲時邑有盜警居人爭山避先生奮曰是間有三丈夫何畏父問三丈夫爲誰對曰父伯父兒是也父大奇之比長師事同邑孝廉李杜詩能傳其業經術通明傳記該洽年十九補博士弟子員雍正九年癸卯先生年二十七時督學使者閩中鄭公任鑰甄顯才俊雅負藻鑑先生食餼膠庠知名郡邑遂以選拔充貢成均明年甲辰中順天舉人八年庚戌成進

玉芝堂文集

卷五

十

士改翰林院庶吉士時先生祖母年九十矣調告數月錦衣稱觴鄉人榮之十年父得劇疾醫莫能愈先生請急歸省晨夕祈禱願以身代果獲瘳快十一年散館授翰林院編修十三年乙卯爲順天同考官乾隆元年丙辰爲福建正考官三年戊午又爲福建副考官是年迎養父母於京師明年丁父憂九年年起就職是冬

聖駕幸翰林院先生預陪盛典

恩賜筵宴及書幣若某十一年五月以母逾七十陳情歸養崇明濱江海多水患明年避灾至常熟縣因

定居焉十六年恭遇

覃恩勅授儒林郎翰林院編修加二級十七年丁母  
艱服終會足疾遂不起職先生爲人訥于言辭敏于  
文翰內行敦厚飭躬戒愼雍容儒緩氣度冲雅曾祖  
母沙太夫人好食炒豆年八十無齒常嚼而飼之父  
嗜鳧雁一日從遠道獲鳧手自烹治疾行三十里攜  
歸進之父大喜噉之至盡弟恒八歲殤常涕泣悲思  
旣而懼傷母意乃止潛詣其家哭之姑適沈氏家困  
乏數賙之及爲收卹子孫營度婚葬具有恩紀幼受  
句讀於盧翁翁貧老飢寒廩給終身盧翁之師王君  
玉芝堂文集 卷五 士

趨豐博海內宗尙翕然同風先生上追隆萬別啟清  
新篇約而味長辭輕而趣逸同時殆無其匹善楷書  
有唐人風矩莊舒取之伯施剛勁參之信本融此二  
妙方幅擅長回翔館閣以文雅著稱座主常熟蔣文  
肅公合河孫文端公休寧汪文端公咸深加獎鑒目  
爲醇儒前後充奉宸院供奉一統志館  
武英殿經史館明史綱目館纂修官先生所修綱目  
前當筆者數更久不具槩而程限迫促先生晨夜排  
纂如期訖事須髮爲之盡曰性恬靜不事干謁及聲  
氣結納自乞養歸里家居垂二十年奕棋賦詩種果  
玉芝堂文集 卷五 士

無後骸極暴露復爲葬之有故人以子不肖欲致之  
死先生曰是尙可教因舍之家誨論百端數月後其  
子悔悟卒成善士盛生者嘗與先生訟田後觸令怒  
懼罪他適令捕之急妻子惶怖求援先生先生擁祐  
甚力伺令怒解爲請得釋崇明沙田增損無常板籍  
易淆舊有一圈一則之法而豪強利於并兼漸紊其  
制乾隆四年先生倡紳士力言縣令復其舊又其俗  
田主徵租於農往往於常數外廣立名目多所斂索  
獨先生田盡除之人誦其德丁卯秋仇民四出抄掠  
經先生永豐沙相戒無敢犯者雍正中舉場文體曰

栽花文人勝流談讌彌日或時與田父野老共語稼  
穡脩然自得無復榮進之意志樂山水常熟跨山爲  
城巖壑幽勝春秋令序烟景清淑探選泉石登賞靡  
倦嘗歲除獨遊虞山迨暮從容步歸默於途中製經  
義一篇其襟度閒適如此所居之室常畜文魚玩其  
游泳從容謂有天機流行之趣或時無魚卽置清水  
一器座側曰對之令人心神澄明不爾便自鬱鬱晚  
年主虞山書院講席孜孜誘導示以雅正因材上下  
啟發無方進退精審羣士悅服其所獎借並有器業  
登科目者前後不絕乾隆二十七年崇明舉鄉飲酒

禮時論以先生者德雅望推爲大賓縣令趙君方列狀三院馳書敦請時先生風眩積年竟辭不就先生雖家居仍正至

聖節必具朝服瞻

闕致敬肅若咫尺及後被病人有候之者猶衣冠山見自力迎送平生著述甚勤老而不倦有經義稿若干篇詩文集若干卷乾隆三十年八月初六日終於家春秋六十有九配黃氏封安人子四廉茂並早卒潤濟並國學生女二孫二孫女四齊肅舊泰後應預陪研削近接廬間函親風旨謹案先生平生文行皆

玉芝堂文集

卷五

志

可垂則後進爲時典刑宜有碑誌諒傳以信於後敢竭蕪淺載揚清芬粗記一二庶備採擇謹狀

章烈婦墓碣

弟兆聞茂

孺人姓章氏諱孔榮陝西秦安人年十五嫁張廷桂爲後妻廷桂者字相如江南常熟人父瀾陝西蒲城縣知縣康熙四十五年卒官初蒲城君與同邑魏士升友善嘗爲廷桂聘其女蒲城君卒數年而士升知秦安縣廷桂往依焉踰年所聘士升女天又五年士升行取改京秩從至京師士升殁遂歸娶同邑錢漢昭女爲妻生一女而妻卒雍正中廷桂避事復之

秦安因爲章氏贅居八年與孺人情好甚篤頃之孺人父母相繼卒廷桂事緣解乃與孺人歸常熟廷桂貧既歸無居舍孺人盡鬻粧具得百餘金僦屋三間居之恨不逮奉養享祀必潔及嫁前妻所生女備有恩紀夫或遠出自以盛年卑露常懸劍帳側以擬倉卒生二子俱殤最後生一女名催鳳會廷桂故人今安西道錢愨知撫寧縣請廷桂管記乾隆九年十二月廷桂病歿撫寧明年二月計至孺人哀慟殯絕柩歸與錢氏合葬縣西門外烏口墩既窆孺人欲投穴中家人共持止之孺人既無子獨與幼女單居家

玉芝堂文集

卷五

志

益困夫從弟廷極許俟有子後兄孺人乃歸其居得錢買田十餘畝自給而依廷極居焉閉戶織作所處雖淺隘隣婦罕見其面夫先入貲戶部牒授主簿夫歿或購其牒覬以冒銓孺人曰吾以貧故暫牒欺罔國家罪也況夫名可使有二耶立焚其牒十二年五月服除奠畢闔戶自縊家人覺解之防守甚次日既夕守者稍倦潛至水側抱夫壽像置岸上自沉死比曉家人始知之見屍而夫壽像端坐不動時按察副使孝感程公光鉅聞之立往率屬設祭親拜其屍上其狀請旌於

朝報可初孺人嫁時不知書廷桂時教之久遂通  
解略涉傳記將歿作絕命詩辭數章詞旨哀惻其末  
一篇云憶往事分雙淚霑山想當年分妾病沉悵感  
君愛分信誓殷勤云妾歿兮君必亡身嗟今日分命  
不由人君先亡兮妾豈偷存痛萬里分生會無因輕  
一命分地下從君求神明分引我孤魂見天涯分不  
惜艱辛得伴君分死亦歡欣十七年分夫婦深恩食  
精糧分敢怨君貧中路訣分命蹇時也喪葬畢分不  
死何云傷幼女分失母誰親死爲君分此外何論又  
留書與夫諸從弟曰初聞訃即欲死念夫無後無人

玉芝堂文集

卷五

五

喪葬今日服除一死更無別事前議俟叔生子爲夫  
立後勿誑我無後孤魂但家事空空無可如何止有  
田十四畝可將十畝與所嗣子四畝與鳳女我死棺  
木不可多費我心不安有許氏屋價十金乞將我埋  
先夫塋次恩嫂章孔榮手留孺人卒時年三十四催  
鳳始七歲明年亦夭夫諸從弟曰益貧所遺田盡廢  
竟以子姓凋少未立後廷桂有老僕數嘗營葬孺人  
不果乾隆三十一年三月二十八日邑諸生栢渭吳  
慶長等始葬孺人廷桂墓中因共立碣表墓來請余  
文余與廷桂交舊又多諸君之義曾泰舊史敢闕其

辭乃爲銘曰

有婉淑姿生彼陝鄂萬里還鄉自秦來吳日窮食貧  
殉夫沉軀薦服薦鬻烏頭表間歷載二十葬從其夫  
再風列女刻銘山隅山壤有朽芳名不渝

蘇苞九先生像贊

先生之學君書卓犖先生之文奇情鬱雲先生之遇  
坎坷遲暮先生之名洪颺震霆先生之氣象蓋一世  
先生之容淵乎內充先生之後代有英秀先生之真  
傳示雲孫

七姪婦方氏哀詞

玉芝堂文集

卷五

六

七姪聖珪婦方氏吏部郎麟伯女也十歲喪母鞠於  
父年二十一而嫁比產兩女二十三歲疾卒乾隆丙  
戌三月二十三日也結褵非久榮華方茂遽茲天促  
同所嗟惜兼麟伯於余舊有文字之契見其撫殯悲  
慟不能爲懷用申其意爲哀詞曰

嗟衆萬之殊質諒無私於化工疇耄及而益壽疇盛  
長而遽窮何予奪之難裁而修短之莫衷伊選部之  
愛女降嘉姻於陋宗媿阿咸之見賞泰玉潤於童蒙  
結二姓之永好托百年之始終御靜好之鳴瑟協燕  
婉於言容式禮度於夙夜懼愆戾之易獲屬陰陽之



偏沴遽邪氣之攻中等浮漚之易散類晨露之溼空  
驚薜榮之夕萎悲曾敷之從風嗟生命之不偶勿失  
母之獎獎祇父訓於髫髻幸禮教之克從逮既長而  
相攸期恩好之日隆恙善病以損和日羸悴以喪躬  
仰長夜之冥冥去白日之融融遺襁褓之二女割情  
念之所鍾余從子之惘然紛哀悼之填胸想音形於  
昨日愴遺挂於房櫳憶前歲之孟春車問關以徂東  
乘冰泮於旭旦聽鳴雁之離離曾二歲之未久忽一  
逝而絕蹤浮雲屯於上弦失纖月之如弓嚴霜零於  
淺春折青條之薨龍觀居世之若此嗟不異於飛蓬

玉芝堂文集

卷五

七

苟非莊子之齊物夫誰能無憾於鈞銘

答王芥子同年書

邵齊壽頓首芥子泰政二兄同年閣下前者遠賜手  
書兼辱狐白之貺炳也從都門寄來悉已拜領成裘  
輕暖良朋與共之風加飯殷勤遠道相思之字珍荷  
珍荷歲月如馳寒燠亟更起居何如伏計萬福齊壽  
去秋再奉

恩命中朝知已數書勸駕自念學業行能本無足取  
早蒙

雨露濫廁蓬瀛至今扇影爐烟渺然霄漢書雲辨蠹

豈忘夢想燕上不事殊非素懷而身嬰痼疾歷七  
載胸氣不差脚風頻動加以偏親衰白次子廢疾事  
與意阻竟成留滯且道山州府雖號優閒載筆展歌  
事資華國非可但廢祿賜苟爲榮顯而已若齊壽者  
學本不豐文思蹇澀比久荒梗彌成頽惰縱加齒錄  
以何報稱加目眊腕戰作字疎放珥彤之職非復所  
勝以此更思周任陳力之訓深惟柱下止足之義每  
念身雖退閒猶托舊恩別異凡庶姓名瑣末蒙  
至尊之記憶

時巡頒賚預彤庭之分帛其爲恩幸撫已踰分何意

玉芝堂文集

卷五

六

更希榮進乎若謂盤桓不進以爲名高於其乃心翻  
其翻矣辱閣下知愛貴相知心耳昔在京師與諸君  
遊處皆文人勝流詩酒流連亦可謂極一時之歡也  
年在壯盛未計其後春花秋月忽爲尋常脂車履履  
視爲易得猶或經旬曠而踰朔方敘使知年事一往  
良辰難再雖夜夜秉燭豈所惜乎三復來書重增感  
唏情多地遐所思處處不獨於閣下然也往時於諸  
同年中商榷文事掎摭今古與以銅炳也芝山元調  
議論相發尤多助益然自度學淺才薄終無所成家  
居以來每欲放意篇籍離事遠俗以保幽素而終不

免爲塵務所擾又家事不可屏除凌雜旁午恒自鹿  
鹿近又被病心神懈散不復更能措意文字矣閣下  
索其前後所作欲相流布方復許之以遠到古人期  
之以典型後學談獎過實將所謂愛而不知其惡者  
乎平生於古人文體嘗竊慕晉宋以來詞章之美每  
觀往製沈覽前規皆於絳藻豐縟之中能存簡質清  
剛之制此其所以爲貴耳發篋檢素頗會此旨擗管  
含毫遂無一驗根柢疏薄智力凡弱詞不副意意不  
逮見少時不學今復何及性既益懶草蕪多未存錄  
重違來旨謹繕癸酉以來雜文十餘篇奉塵清覽少

玉芝堂文集

卷五

九

塞厚望聊存別後相思之資庶當寡過未能之驗昔  
陳思定敬禮之文昌黎改玉川之句通人擊彈古今  
所貴脫垂糾正啟其蒙滯於萬里之外獲一隅之益  
亦索居之一快也今春辱同年潘常州聘承乏龍城  
書院本無意遠出蘇常接境歸省不越信宿此可欣  
耳先世本有遺產足以自給近既分析頓減重以積  
年委托非人耗失大半素不工治生方當隨事盡樽  
節之理耳間炳也歸計已決當以夏秋促裝家既益  
貧懷抱復多憤激閒居殆非所堪當復不免奔走於  
外耳星岡頃奉使至揚州未及一相見甚悵恨閣下

乘時有爲方大展所驅勉矣自愛儼遂得移旌吳會  
實所引領書不盡意惟增悵悵

祭席仲權文

嗚呼昔庚午之朱夏初識子於京師子挾冊於槐市  
余載筆於金閨每退食之多暇欣來往之無期子受  
經於司業有淵源於文辭余舊忝於門下迹前後而  
參差契論文於一遇信聞名之不欺余薄祐之伉儷  
托茂族之繁支子雁行於余舅齒讓余而肩隨略舊  
姻之末分敘縞紵之新知憶勝友之如雲同過從乎  
城西堆盤冰以沉瓜坐簷月而行杯嗟會淺而別速

玉芝堂文集

卷五

十

恨分襟於路岐余悼亡而臥病子珥璫而東歸旣不  
獲於出送空懷情而贈詩歲陰紀於橫艾余歸釣於  
江湄接故園之觴詠各風光之一時歲倏忽其幾何  
又辭余而北馳抱和氏而不遇懷隨侯而見遺爰求  
試於外職隨班牒以授資佩州印以南適歷黔陽之  
山溪屢遷換於劇任以才名而見推擢戡守於黎平  
拜

新命於彤墀紆五馬於里門覲二老於庭幃時甲申  
之凜秋愛重九之清暉日置酒而高會紛滿座其侯  
誰數京師之舊遊猶歷歷其在斯閱星霜之十五喜



一樽之重持嘆人風之未改感物序之易移余髮之半白子筋力之未衰逝馳驅以展效將抗手而言辭子中觴而喟然發遊子之恒悲戀三徑之松菊賦五丈之旄旂留耨耕之後約期三載而歸來迫簡書而遵路望白雲之依依嗟生世之幻妄紛修短之不齊倖造物之變化孰預測其端倪當斯筵之一別但銜恨於生離愴雲波之杳絕渺延望於天涯度才猷之方進懼前言之易違枉萬里之芳訊申歸隱之素懷胡寒暑之才賢遽良朋之永乖子栖情於翰墨抱文雅之清才曩筮仕於州縣余妄意其非宜勸觀政

王芝堂文集

卷五

羊

於郎署稱自公之委蛇慨斯言之不從遽操刀而割雞犯蠻鄉之瘴毒積霧露之侵肌仕將通而生促非命也而誰爲旅孤魂於異鄉經半歲而歸骸涉洞庭之駭波下鄂渚之危磯指綿綿之修路望悠悠之素旗悼平生之幽隔泣親懿之漣而陳俎豆於虛座豈式食之庶幾寄微誠於絮酒冀魂識之依稀

蔣秋涇先生誄

維乾隆三十有一年歲在丙戌六月十九日浙江乙卯科舉人蔣先生卒於虞山書院嗚呼哀哉先生諱德字敬持嘉興秀水人也父鳳起虞貢生經義力追

正嘉嘗省試主司得其文以爲舉首已而更之同考爭曰若不得首舉寧失解由是終身不遇以卒卒之前及見先生之舉於鄉也是時先生年二十三歲經傳子史備先之書詳說深思具有條貫下筆成文章舉不羈泊遊京師禮部郎大興徐公安民雅好士常資給之時先生所與遊皆一時英流能文章善談論而徐公之子浩飛山及同邑鄭虎文炳也相知尤深炳也官翰林以風裁自高罕所降色獨先生至改容接之語必窮日夜先生性伉爽能面責人短是非可否未嘗俯仰人意賓主間覺禮敬微失卽謝去不顧

王芝堂文集

卷五

圭

故舊已貴顯者雖相念不肯先以書疏及之聞其風者咸謂崖岸峭絕不敢輕識其面及習與遊處始知其簡易徑直勸善規過洞然率胸臆無所不盡久而益思之然非夫曠心遠志高視塵表者固未易與之酬接矣平生不好榮進舉止脫易對人常行坐自適不奈東帶危坐舉人積三科例就吏部揀選先生年力當就縣令自請改注教諭曰祿雖貧足以養且不失我故業安能褻章服伺候上官終日治簿書與皂隸相對乎初先生父先娶於沈生長子敦繼娶於張生先生又兩娶於羅又娶於陳生少子寅先生內行

修謹門庭肅邑昆弟別居而陳夫人常依先生以居  
家貧竭力致養以授經爲業數應四方聘請前後所  
與周旋多達官名人莫不降禮虛襟一見推服教弟  
子必以敦倫理礪名檢爲先曰謬於行而工於文非  
吾所謂文也其論文奇正長短不設定見期持論有  
本宣暢經旨而深嫉近日文士准量行墨剽賊字句  
相煽爲場屋體裁者中戒切至每爲太息及門之士  
官內外擢科第者數人編修大興朱筠竹君及弟福  
建按察使珪石君最知名歲壬申余始因炳也識先  
生京師先生連會試不第時朝士預衡鑒者年輩多

玉芝堂文集

卷五

誄

在先生後先生素負氣恥更北面門下自此遂不復  
試而余適罷官乃與同歸至揚州而別先生於古今  
文體靡不精究而尤專於詩先是遊士以能詩寓揚  
者十餘輩而錢塘鳳鸞太鴻及陳章授衣以宿學者  
舊爲之領袖先生摘撫衆作無所遜避獨推讓此兩  
人銳意磨鍊規與角立遂得略血病然詩體益臻清  
深亦得兩人之助先生既與余別揚州明年來館余  
家吾邑西北虞山多秀石幽磻竹木之勝先生樂之  
坐石蔭松便脩然作區外想曰此境人生未易多得  
頃之復遊揚州先生前在揚州主休寧易諧夔勲後

主陝西張四科哲士二君工詩好賓客而皆有鹽業  
於揚然先生以授經主此兩家言不及利自庚午後  
往來其間逾十年自非文流罕所酬對無處之愧悉  
拒不納歲卒已復來館余家會飛山知山西平陽府  
走書幣請主平陽書院講席先生與家人期三年必  
歸山西撫軍和公其衷素敬先生將以晉陽書院易  
之晉陽之進倍於平陽先生曰本爲太守來何緣中  
道從撫軍乎固謝不往既而先生念定省久曠有歸  
志和公亦深勸之意遂決處平陽二年而歸屬常熟  
虞山書院曠年無師今蘇松糧儲道楊公某聞先生

玉芝堂文集

卷五

誄

名聘焉先生至多所裁抑歎曰文體曰下山不力其  
本而欲速成也乃言於楊公購書貯院中自經史及  
唐宋以來詩文略備方與羣士撫華尋根草易舊風  
稟命不融奄捐館舍春秋五十有四先旬日與楊公  
避暑湖上從舟中望劍門諸勝眺賞極樂翌日寢疾  
以爲小患侵尋失療竟以不起嗚呼哀哉余識先生  
才十五年少壯踪跡十得一二至於討論古今昆輔  
志氣義兼師友分系金蘭別遠會稀悠悠我心欣茲  
來遊實慰風雨倏忽啟手惻愴何言此鄉人士永乖  
矜式奔走告哀來會祭奠粢以七月六日其孤士棟

士葵奉喪歸於故鄉海內清交聞之阻涕懼涇遺  
敢誅素旗筆墨荒榛有乖舊制粗紀梗概以存交情  
其詞曰

嗚呼先生清迥無羣峻嶽拔地喬松入雲揮斥軒冕  
脫落風塵放曠山水耽悅典墳文章之難自古爲最  
編殘冊澗孰會厥意源流萬端孰析同異高山寡和  
孰知其味朱紫回次孰究真偽孰程先民而奮清製  
孰排譬說以救訛替游辭近情到處而是卓哉先生  
振策高逝負氣傲俗剛腸促中朋友責善微過勿容  
潤略瑣節直披心胸瀟灑蕩佚野性疎風人畏其介

玉芝堂文集

卷五

三

我愛其通名重身塞才高數窮後進小生濟濟鵠鴻  
既惜暗投復恥卑躬歷十四春屏跡南宮師資道重  
來學宗敬海內欽風交馳禮聘英才稟則鑽文礪行  
方任史才內外交映故人作郡講授平陽跋涉關河  
道里悠長主賓歡洽文教孔彰生徒那那列侍如牆  
洪鐘待叩歸愚敢荒剔彼榛梗示之周行既留二年  
肅駕倣裝眷念晨昏來歸故鄉菽水是謀出遊有方  
海虞阿邑復開講堂時惟楊公敬以幣將仲春之吉  
爰來爰康春泉流階山館花香時倚石屏或陰叢篁  
廣求細帙增貯緹囊方矯曲木將改弦張孰云但暑

遭茲腐殃一侵燥濕奄夢膏肓嗟若人曾不中壽  
萬里過歸曾不邱首嗚呼哀哉往在維揚雄視詩壇  
十年歡襟榮木軒名抱山堂名聽雨對花月柳風軒  
刻燭飛藻滿座傳觀名流却步詞宗降顏清風雅裁  
賈矣誰攀上規風騷下獵宋元引繩定墨沿波討源  
精識眇慮鏤心鉢肝精氣預竭遷化無端遺篇零落  
發篋沈瀾嗚呼哀哉我之始交歲紀壬申分投傾蓋  
趣協論文廓我疑滯輔我蒙昏何理不咨何意不申  
今其已矣撫事酸辛嗚呼哀哉疇昔之晨我來視疾  
先生告我此疾非吉我謂戲言未省長別傷哉斯言  
玉芝堂文集 卷五 美

果驗明日命也奈何亦太倉卒青山依然絳帳空設  
筵辰敢殯言歸於越邦伯酸奠生徒執紼二三執友  
延望悲咽言笑長乖儀型永失詩文有靈榮芬無絕  
嗚呼哀哉

玉芝堂文集卷五終

吳門穆大展局刻

王芝堂文集卷六

湖南按察使嚴公墓誌銘 張開大淵獻

公姓嚴氏諱有禧字厚載常熟人明大學士文靖公  
七世孫也曾祖熊縣學生祖虞惇一甲二名進士授  
編修終太僕寺少卿父鑒增貢生宗學教習公初名  
繩德年十六補縣學生太僕公時爲大理寺副手書  
勉曰易曰厚德載物今字汝厚載入則孝出則弟言  
忠信行篤敬所以厚其德也康熙五十九年二十  
七以今名中順天鄉舉雍正元年會試被放  
特恩賜進士六年選河南涉縣知縣河東總督田公

王芝堂文集 卷六

十

文鏡爲政嚴明屬吏望風懾懼公強直敢任事議論  
明決數見褒異自以不習吏事請改教諭田公曰汝  
豈久爲令者顧涉小未展職足勉之勿萌他意八年  
調署洛陽值西邊用兵羽檄旁午隨方應接事無廢  
滯田公益親任之逾格舉薦明年遷山東直隸濱州  
知州是時田公與山東巡撫岳公濟不相能欲求其  
不職狀故奏公爲濱州使察動靜公至見岳公長者  
久之竟無所自白曰吾豈能譖人以求進乎於是田公  
以公負已大怒謂讓相繼將劾公會病卒乃免濱州  
仍歲大水公到官三日單騎循歷所屬按視災口開

倉賑給撫恤勤備十一年遷萊州府知府聽斷明審  
辨析疑似誣枉獲伸廢阻蔽欺咸見糾摘政號清嚴  
法制有不便於民者具以因革所宜列上兩院究徹  
利病言多見從

今上乾隆三年擢公登萊青道前時胥役奉命察訪  
外事因廣興讓搆迫陽州縣盜取賕賂公至禁絕其  
事有誣故私出者聽州縣捕治循行界內簡省徵發  
所至晏然五年調糧儲道母憂去官其冬復遭父喪  
八年服滿補湖南岳常澧道民堤湖旁澗陂爲田水  
勢屈過往往決溢而民利舉闕請者相繼兩院下公

王芝堂文集 卷六

二

勘狀公言此皆遊食好事之徒歆誘愚魯恣爲科歛  
與胥役表裏分畝分金及至衝決告災求賑復爲奸  
利因條上其弊聞湖之議遂格澧民蕭六表素克邪  
告所怨劉太玉譚如山有逆謀諸生車馬殿等名在  
告中湖南提督聞知遂捕繫生等會將肄兵於澧民  
訛言兵至相率驚竄公察所告非實並爲伸雪縱遣  
而馳書帥府止其肄兵澧民乃安十一年調驛鹽道  
十三年擢河南按察使十五年冬調貴州禁制兵役  
不得侵凌苗民刑具違制被刑者多斃督令重造如  
制十七年以疾解職二十二年疾平復爲河南按察

使明年調湖南公素持風裁容止威重及居憲司綱紀肅然與兩院平議庶政進退屬更正色諍辨無所回撓而讞鞫之際更務矜恕常以愚癡之徒置對鹵莽輕入重辟多爲開示律文引就生地或施嚴刑而色更和霽虛心測論常恐枉縱人皆憚其剛而服其平二十七年坐前在河南失察屬吏賊降二級用至京師待銓明年春以疾還鄉里公少貧困及仕居處廉約歷官三十餘年家無贏貲平生不妄取與時人目爲纖苛然敦重氣類僚屬咸敬死喪孤貧多所賑贍家居矜厲風槩州里敬事三十一年四月五日卒

王芝堂文集 卷六 三

年七十有三娶許氏封淑人子二人榕照福建鹽課大使竣鎮國子監生孫二人明年二月十九日葬苑山新塋銘曰

苑山之麓釣洛之濱蔚乎松楸嚴公之墳嗚呼嚴公邦之憲臣文靖七葉太僕之孫世澤孔延大闢高門禮官升名

天子所甄存歷宰守剛明恪勤累總外臺濟威以仁直道當官恭職庇民既耄歸來規矩人倫在歎凋落懷風靡因耿耿遺言托我斯文拂管濤翰山涕霑巾嗚呼邈矣公其古人

景州知州屈府君墓誌銘

府君姓屈氏諱成霖字起商常熟人其先自明初以來皆名在庠序以文學師授里中十餘世相承不衰成化時乙酉科舉人輟仕至瑞州府推官祖欽縣學生父永清原貢生府君年二十四補縣諸生雍正四年年四十四中順天舉人乾隆元年成進士故事進士爲縣令者吏部以次銓授是歲

上始親簡數人以知縣卽用而府君爲之首初任盧龍縣總督李敏達公見其書生救知府教以吏事及莅政剖決皆適事理知府驚服五年以總督孫文定

王芝堂文集 卷六 四

公河道總督劉文恪公交薦遷景州知州濬惠民渠築運河月隄決堙增庠民無水患募卒夜偵津路盜賊逆逸商旅獲寧有大姓宗族好相訐告府君廉知構訟主名出教誠勵訟以衰損八年天津河間旱飢有

詔發賑異時一戶率賑二口府君計口施賑無漏澤者民先流亡聞賑還者續上其籍並蒙廩給又於南門北門設棲流所以業四方流移隣邑聞者恨不爲府君民是時府君才望寔顯大吏方議薦拔而府君深懼盈滿因求解職十一年遂謝病歸初府君少有

羸疾數咯血且咽且讀書因習導養術竟獲其效比  
老用其術益精遂更強健家居二十年屏他書不觀  
惟以老莊二書自隨嘗與客談老義歎曰內丹秘蘊  
盡於此矣注家莫喻微旨空復紛紜得不使柱下長  
蹇頽乎性善治生能節齋致饒益中年產益殖府君  
曰財不可積也凡遺子孫度令衣食不缺足矣餘宜  
以漸散之顧不當妄用耳乃置義田贍宗親歲製絮  
袍給道路寒者具席帳巾襪等以施固固年飢則貴  
糴而賤出之前後凡六千餘斛橋道毀斷多所修建  
息曾發造安濟堂收養男女貧癯無依者歲可百人

玉芝堂文集

卷六

五

府君割千畝充其費縣東北瀕海二十年官築海城  
捍潮延袤百二十里多值古墟廢塋府君募僧俗各  
十人曰擔櫬收遺骸凡五百七十四櫬悉埋丁家港  
義塚其隨事施惠多此類亦由精力強敏綜貫纖密  
故任得其人靈弊屏絕又能練悉時務通知物情邑  
有大疑多見諮訪府君陳說利病犁然曉析公私皆  
信聽焉廣仁局歲施棺藥有公錢取息既而川度日  
訓眾議非府君莫能主持府君以家錢盡償其本屬  
息曾發經理歲月滋息七年之中倍其舊貲二十八  
年鄉人合貲繕修學舍鉅細之務推府君父子規度

玉芝堂文集

卷六

六

料量程制周肅工勑士悅又虞山致道館乾元宮維  
摩寺皆荒頽府君發願修復布金捨田幾以萬計凡  
所營造靡不完固府君春秋既高悉以家政委息曾  
發曉發雜事不復關意優游晏安奉養怡適然有節  
制不事奢縱嘗言人當歡娛時不可無戒慎恐懼之  
意一不慎則喪其身而害於事矣欲復樂得乎與人  
交際貴簡易質直悉除去時俗文飾著習是編二卷  
明居家蒞官之法末年又集古今善惡報應爲一書  
號經史叅同三十一年八月二十九日卒年八十四  
先娶宜人曾氏康熙某年月日卒後娶宜人席氏乾  
隆某年月日卒子四人曾發乾隆戊午舉人曉發太  
學生煥發府諸生長發女四人孫八人孫女七曾孫  
三府君前以乾隆二十二年十二月葬兩宜人大河  
先塋之左因遂自定穴次及卒之明年二月初九日  
曾發等奉府君葬墓之中穴銘曰  
屈之受姓維楚之裔胄宅虞山於宋之季有明迄茲  
青衿十世詩書綿綿氣澤淹漬至於府君遂以昌大  
甲科發迹銀黃作吏寬樂令終八十有四始病羸瘠  
而獲久視仕宦寢通而果於退豐財厚生而散厥利  
娛樂無妨而克戒畏身從化遷而有子繼福祥濔濔



亦孔之備大河之塋松檜手藝丁亥春仲良辰協筮藏魄吉兆昌厥來嗣

南巡盛典後序

臣竊惟古之帝王其心無日不以天下爲心其事無日不以治天下爲事是以端拱巖廊之上而四海八荒若在階闥猶恐政教未盡達聰明未盡周風俗未盡同幽遠未盡照於是乎設爲巡狩之典孟子所云巡所守易象傳所云省方觀民設教其義大矣依古以來可徵而信者莫如唐虞其時四巡之制五載之期柴望肆覲之儀協時同律之政載在虞典炳然爲

玉芝堂文集

卷六

七

百代帝王之法夏后因之則塗山會稽之盛彰於冊書遊豫休助之風騰於謠諺於殷則覲諸侯問百年命太史命市命典禮者各以其職而又有削紉流討以爲罰加地進律以爲賞載記王制所載鄭康成以爲殷禮此其是也有周之制十二年一巡其事散見於土訓誦訓職方土方之職時邁及殷之詩由是觀之虞夏殷周制度有損益傳聞有詳略要所以昭紀聲訓垂憲來葉者亦賴之於紀述也降及後世罕遵斯義漢之永平唐之開元禮樂克修雍容可觀自餘寂寥靡足稱舉

國家海宇清晏百年久安

列聖涵濡超邁三五

皇上兢業萬幾勤恤民隱薄海內外罔不照燭維茲江浙二省爲東南輿壤人文盛於域中財賦半於天下江河湖海交會其境利病所繫尤厪

宵旰而其士民沐浴

德化沈潛膏澤頌白童叟歌思

聖恩自見

皇上展敬

三陵親巡

玉芝堂文集

卷六

八

盛京登禮岱宗告虔

孔林

和鑾數勤盛美光顯於是三吳之民延頸企踵望

屬車之清塵矣督臣撫臣據以上

聞於是

皇上仰稽

皇祖聖祖仁皇帝成法蓋嘗六舉南巡之典歌頌至

今不衰俯

鑒二省士民順順望

幸之誠值時和歲豐之辰際

國家慶社之會是時恭遇

聖母皇太后六十萬壽念此二邦人物殷阜山川清

淑可以暢

慈顏娛矚覽特允羣臣所請以乾隆十六年歲在辛

未諏吉孟春肅奉

安輿

制蹕吳會

鑾輿既屆休澤四洽父老子弟奔走相屬夾道歡迎

雲合雷動於是咨民煥察吏治觀河渠救戎其廣錫

予修秩祀登俊秀甄廢滯寬和賦減罪繫博恩廣施

王芝堂文集

卷六

九

靡不沾被煌煌乎可謂太平之盛事民氣之和樂者

也白時厥後民望滋切群臣屢以上請若二十二年

若二十七年若三十年疊蒙

皇慈俯降

鑾蹕湛恩寵鴻有加無已

皇上猶深念閭閻物力維艱恐以供頓雲陰重滋勞

費每先期降

旨警戒百司不得絲髮擾民又念江南風俗素習浮

華

訓勵出民務耕樵機前投什成川三時復軍若

天情悅豫宸藻綯發山川改觀草木增榮此又足以

垂則藝林跨歷前古者也

微臣備官江南多歷年所

三十年恭迎

聖駕復蒙

天恩畀以封疆重任親見

聖主加惠之厚士民愛戴之誠竊以爲此誠邦家之

鴻休百代之經法宜編紀典冊昭垂無窮是川冒昧

干請蒙

恩聽許謹與原任監察御史臣蔣和寧原任江安糧

儲道臣姚成烈等將四次南巡事蹟分門排纂次第

王芝堂文集

卷六

十

詳校勒成一編名曰南巡盛典庶幾

皇上法

祖勤政之模承

歡祝釐之義懷柔震疊之方設教觀風之典粲然備

具使中外得以共觀後世得以觀法以三十二年三

月始事九月書成茲繕藥本恭呈

睿鑒臣謹綴詞簡末敢附臆言之義臣謹序

丁亥二月昆陵相公屬代兩江總督高公作序雖

一時輕諾而文思拙遲久未具草後樂安侍御自

金陵書來期中秋以前必得既以次子之變仍復



愆期九月廿七日龍城書院校閱之暇草草成此  
以踐前諾後知侍御別有所擬遂得藏拙大幸人  
幸十月廿二日叔公跋

伯兄墓誌銘

君諱齊烈字直承姓邵氏宋元以來族居徽州縣曰  
休寧村曰黎陽至高祖諱嘉祥自徽適蘇卜居常熟  
縣東門雍正二年析常熟為昭文今為昭文人也曾  
祖諱可佳歲貢生考授州同知祖諱甲臨附貢生累  
贈奉政大夫考諱懋待次主事

諱封奉直大夫晉贈奉政大夫君溫恭靜默貞懋淳

玉芝堂文集

卷六

七

和淡於紛華訥於辨論氣類之際無所親疎里巷之  
間不事徵逐驟接疑其阻深久處樂其易直先府君  
殫精文史屢與逢年屬望在君訓勵勤至君力學好  
古該綜藝文至如三閭澤畔之製開府江南之篇玉  
川月蝕之詞紹述絳池之記恒所愛翫間誦不遺管  
葛韓歐軼排釋老賦歌論難實繁簡帙志祗敝俗不  
徇和波少好吟詠匪山師授資元白之風情法溫李  
之綺密凡厥著謨風清體肅科舉之文尤所研精氣  
質從容思理沉鬱年十三四父友贊善汪公應銓見  
其文深器之大署紙尾曰進士雍正十三年年二十

二補縣諸生乾隆元年中丙辰恩科江南鄉舉十年  
成乙丑進士

保和殿試第一改翰林院庶吉士登瀛之選翰墨為  
職雍容詞賦都雅見推雨露始霑芝蘭遽隕明年六  
月三日以疾卒官春秋三十有三嗚呼哀哉君初娶  
蘇氏康熙癸巳舉人福建興化府知府蘇公本潔之  
女乾隆四年十一月二十一日卒春秋二十有四後  
娶王氏太學生王君旋吉之女子二人長聖藝縣諸  
生次聖增俱副室許氏出孫三人廣鈴廣鑑廣述俱  
幼粵以乾隆三十二年歲在丁亥十一月二日酉時

玉芝堂文集

卷六

七

二子奉君及蘇孺人之柩合葬常熟北門外虞山西  
麓頂山新塋齊燾才謝管辰名慙陳紀追言親愛爰  
自兒童推讓梨棗之間師友文章之內事親交友形  
影必偕憂患歡愉甘辛亟共何嘗造次暫離經時獨  
處泊乎成名先後稍致差池每荷  
渥恩聯步詞館蓮燭夜歸依然共被木天晨入仍得  
同車豈悟崇朝頓成幽隔悵同山樹痛甚王琴歲月  
如馳奄將二紀營魂清夢宛如疇昔勒石幽宮隕涕  
操管事歸紀實義等當仁銘曰  
我宗盤根紮水之陽高曾動生蓮其故鄉爰來虞山

創此維桑五世及君厥文以昌志業孔修內行潔芳  
詞釋尊儒憫俗愚狂藝術洽通彬彬有章齒既踰壯  
令聞始揚矯翼蓬瀛丹地回翔降年不永奄值殲良  
同氣四人傾篋追傷有子既長親營斧堂頂山之麓  
卜云其藏歲紀丁亥日至履長雙棺既窆列樹成行  
室固體安永流厥慶

先室席安人墓誌銘

安人姓席氏諱禔世爲吳縣洞庭東山著姓曾祖工  
部主事啟寓字文夏始遷常熟祖太學生贈文林郎  
永恂字漢翼師事大儒平湖陸清獻公龍其能表章

王芝堂文集 卷六

三

其遺書父附貢生鎬字潤南有文學行義初娶清獻  
公女孫早卒再娶長洲陳氏生長女適趙氏妾張氏  
生安人及子紹淳張氏佐中饋甚勤得重親之歡年  
三十四卒安人生十三年矣嫡母陳氏治家嚴重有  
法度安人幼警敏未嘗失其意年二十嫁余余嘗希  
慕古人頗欲自適流俗安人素不讀書然所見亦與  
俗異余少時於財用出入未嘗關意安人能節量盈  
縮佐其不足余不喜時世粧飾靡麗以爲重費無益  
安人深然之服川儉素終其生未嘗治一簪易一衣  
凡余家所以爲聘或舅姑所賜悉藏弄無所失而父

母家所以贈嫁者則盡罄之儲其貲以擬贍乏始安  
人在家獨爲父所愛憐性剛果遇事直前不可屈折  
及爲婦深自矯革務爲卑弱忿懣亢急多所遺抑常  
自力於孝敬莊慎不欲競小利懷小嫌以廢大體平  
居坐立或出余右必更其位汲汲自愛惟恐身後無  
令名見他家行狀必歎曰人生何修得歿後可狀不  
至秋草同腐耶余所交多四方通人安人從容問曰  
吾得與某某抗行否余折之曰此皆一時英流其間  
無位置卿處安人大恚曰乃不以吾爲人其自矜重  
如此乾隆十五年十二月十四日疾卒年三十有四

王芝堂文集 卷六

四

明年遇

覃恩

敕贈安人又明年母弟紹淳亦天初安人至京師數  
病鬱鬱思鄉土因勸余歸曰君以諸生爲侍從近十  
年足矣故鄉亦不惡美官可遍歷耶余心是其言會  
罷歸而安人卒已二年矣嗚呼哀哉乾隆三十二年  
十二月十日庚午葬於北門外虞山南麓破山寺之  
東子二培惠昭文縣學附生聖籍蘇州府學增生今  
年九月三日卒女一嫁太學生趙貴鯤卽安人姊子  
孫二廣鐵廣衡孫女一俱幼嗚呼安人之所以佐余

者其心常無已也使其至今存則余之賴其助者豈有盡耶然安人不能自保其身又安能恤余之家若使死而有知則安人之恨亦無已也且安人嫁五年而余官京師後五年余奉兄喪以歸居一年復出後二年始迎安人至京師半歲而卒自安人之嫁十五年其間相依以處者纔六七年耳又皆在憂勞疾病冗迫無暇之中不得極當年之歡則雖其生之年而已抱無窮之恨矣嗟乎嗟乎修短有數與哀山人謂之何哉謂之何哉去年始得葬地力未能葬二子謀葬甚急既卜吉於今冬聖籍竟不及見重可悲夫銘

王芝堂文集

卷六

五

嗚呼安人載誕儒門父祖耆德漸訓稟賦質弱形羸清姿不羣寒菊同秀崇蘭比芬既嬪於邵有瘁其神矯剛爲柔班誠是循克孝克敬克明克勤去飾去華機組弗陳平生所傷身歿名湮勉勉兢兢以飭厥身偕隱之言勸我諄諄如何不待零落芳春歿十八年葬於茲墳慨想音儀我哀猶新

自題墓碑

黎陽邵氏建塋於此規模苟完觀者所鄙孰營度之天開舊史去秦去奢以示孫子

康母王太宜人墓誌銘

著雍田敦

太宜人姓王氏興縣人性孝謹幼侍母疾親爲嘗惡年十七歸邑諸生贈文林郎康君贈公名惇字子厚英偉淵達不治產業嘗爲人償負家日落太宜人黽勉佐助能安其貧善事舅姑二十餘年無間言爲人仁厚愛人恭儉好禮終身不與人校是非戒子弟不得妄言人短人或發人陰事卽絕不與語夫兄子基遠基隆少失母及夫弟子基彬早孤撫遇甚有恩紀贈公好學不倦數困場屋乾隆四年年五十二而卒太宜人三年不出中庭晨夜作苦以育諸孤教之讀

王芝堂文集

卷六

六

書訓督勤至後十餘年而少子基淵與兄基川先後成進士太宜人謂曰汝父孝於親友於兄弟敦信義重然諾而終身不遇衡志莫遂知其後之克昌也吾豈苟慕榮貴願汝等能勉終父志卽汝父爲不死矣二十三年基田補江蘇新陽令明年調昭文太宜人常隨之官昭文故劇邑子入必問所治何事問其有善政則喜或有未當輒不食時時以清慎爲誡自奉廉約無統絳之服遇物必問所從來子嘗進新衣太宜人曰人生服用宜留餘欲汝爲廉吏安得餘貲營此衣耶固却之基川在官以廉明著聞太宜人

之教也二十九年基淵遷河南嵩縣迎太宜人至嵩  
比入境嵩民鼓吹出迎百里不絕嵩政簡而俗淳太  
宜人樂其土風嘗以春秋出行田間田家婦聞知爭  
出迎拜太宜人與其老者言慈少者言孝時賜果餌  
歡如家人基淵爲太宜人築百合園夏則避暑其中  
四郊婦女咸來起居或有勃谿時亦往訴太宜人誨  
諭平處多見感悟道路寒凍者歲蒙賜衣下逮因繫  
咸頡恤資遇旱禱雨必蔬食減飯曰民困亟矣吾能  
晏然乎三十一年基田奉部檄遷廣東潮州府通判  
而江蘇大吏亦薦爲同知既引

玉芝堂文集

卷六

七

見有

旨回任候陞以三十二年正月過嵩觀省是時太宜  
人三子一女俱會於嵩而諸孫之在南者亦至太宜  
人頤之色喜後數日有微疾因嘆曰吾老矣汝等馳  
驅簡書南北分飛思合堂同席何可易得今適會於  
此親愛俱在目前亦人生至樂也夫悲樂常相因吾  
疾其不瘳乎已而疾果劇卽以三月初七日戌時卒  
於嵩縣官舍年七十有七先以覃恩

敕封太孺人例得誥贈宜人子三人基命太學生基  
田丁丑進士潮州府通判候補同知基淵壬申進士

嵩縣知縣女一人孫九人孫女二曾孫三曾孫女一  
太宜人有遺愛於嵩其卒也嵩人巷哭失聲慕思不  
諱乃卽常所避暑百合園營建祠堂歲時祭祀焉嗚  
呼賢矣三子旣昇喪還卜以乾隆三十四年二月二  
日合葬贈公大塚園之塋潮州君走三千里以狀來  
乞銘於余余衰病荒落無能讚揚遺芬辭不獲命乃  
爲銘曰

康有賢母厥氏王堅苦作室中年孀教訓三子迪義  
方勸學授經十五霜杏園春風雙鳳翔鳴琴製錦荆  
枝芳就養虞山及嵩陽平反加餐場官常板輿周行

玉芝堂文集

卷六

八

觀麥桑次君承

恩佩銀黃五馬還觀稱壽觴薤露忽歌情慘傷嵩人  
懷恩永不忘卽園建祠奉蒸嘗丹旌飄飄還故鄉百  
年同穴葬大塚已丑仲春日吉良保艾爾後福未央  
跋所和黃生漢鏞對鏡行後

去年冬觀漢鏞所作對鏡行愛其光怪有古意又傷  
其貧病伶仃詞旨悽怨因和其詩曉之以富貴功名  
之不足重而終以勸學蓋以漢鏞之材之美而充之  
以學其所造豈可量哉然以其體弱多病又不欲其  
汲汲發憤以罷敝其精神而第勸以博觀泛覽優游

而自得焉則於進學養身均有助矣今年二月來見陵漢鋪益病出前後所爲詩讀之則其詞益工是漢鋪方將鏤心錄肝以求異於衆亦增病之一端也殊與僕私指謬矣夫人百憂感其精萬事勞其形故其神明易衰疾疹得而乘之而文人爲尤甚今日所望於漢鋪者方欲其閉戶假息屏棄萬事以無爲爲宗雖閉筆束書以誦讀吟咏爲深戒可也漢鋪當解此意

送黃生漢鋪往徽州詩序

黃生漢鋪故以童子受知武進賢令新城王公王今

玉芝堂文集

卷六

七

擢徽州府同知兼攝郡符將往從焉路指歙溪棹開吳市烟波渺渺嶂嶺盤盤事迫飢驅義兼負米情篤知惠性愛巖壑粲以首夏忽乎將行余講文此邦纔踰二載空空自笑愧韓愈之抗顏濟濟相趨得孔融之小友方欣起予遽慨離羣目極長衢心馳遐路垂楊濯濯落絮繁愁芳草芊芊成茵藉恨谷禽睨睨求友相鳴津樹扶疎落帆何處西陵浙水知有迴風之詩漁浦桐廬曾無維舟之待新知生別悲樂萃於一時病骨空囊勞懷極於千里不能餽贐壯行酌樽敘別裁詩四首聊代疏麻漢鋪既得余詩卽夕盡次其

韻清源自潛逸藻不停感藉詞傾情緣墨露嘗覽陳書見孝穆與總持唱和乃言吾詩寄弟集中今老夫此詩亦欲寄漢鋪集也

跋袁隨園前輩送韓宗海序冊後

韓君宗海黔人也余先世居休寧與韓蓋同郡余今爲蘇州昭文人而韓氏僑居常州相去數百里踪跡無由接焉余少以文字章句之業謬有聞於時而韓君自十五六時卽喜治醫此其所托異也余之文無益於古今其言又不足取信於人而韓君之於醫久而愈精試之於人無不驗者此其工拙又異也余既

玉芝堂文集

卷六

七

拙於文近又精力益衰不能徇人之求有以文請者搖手蹙額謝而去之乃已韓君則孜孜然以濟物爲念踵其門者日以百數親察其候而施以方劑未嘗有倦色余以是重有愧於韓君也然余訓學醫之與學文其道未嘗異夫學文者必原本六經考核子史網羅古今典型先正而後自以識見議論御之乃可成焉非可憊貌近製勦襲陳言而以爲能也余嘗以此告今之學者皆近其言莫之能用醫之爲道猶文也自黃帝岐伯桐君扁鵲之書及漢晉唐宋以來經脈方藥之說汗牛充棟皆當探幽索微反覆融會以

合於所治之病故其說不眩而方不失焉嗟夫此乃韓君之所以異於俗者也又能待人以誠視賁賤貧富若一傾家貲以求善藥遇貧者施焉而不取其直山是遠近翕然歸之丙戌春余同年今寧紹大憲潘公守常州囑余主龍城書院余戚席君升朝爲余道韓君之賢詢之潘公潘公言嘗思癰醫者數十莫能愈或薦韓君使視之韓具道所以治者潘公意難之姑令一試卽時脫然去其體其言與所聞合余大驚異之遂與相識亦時時資其藥去年冬韓君以治疾至江寧前輩隨園先生一見如舊於其歸爲文送之

玉芝堂文集

卷六

主

且曰子歸必以吾文示邵叔山隨園博識洽聞文辭風發泉湧俯壓一世余見之却步不敢步趨其塵顧獨好聞其論文以爲先得吾心也韓君持隨園文來因乞余以數語繼其後余本不能文辭加酷懶此事且余之所信於韓君而稱之者又何以加於隨園哉序隨園不見鄙棄千里相契而韓請甚勤今歲初夏隨園過余書院清談移晷韓亦繼至隨園復助之請因不敢固辭聊以校閱之暇敘其蹤跡略記時日以塞其意隨園序終言君之歸將有所求於君今已半歲想經營已成必能懷隨園之所欲而惜乎余之往

來蘇常方役役於行路而不得一寓目也

雕蟲觀略跋

摹印小技也然其中有古今雅俗亦不可以不辨非博考篆籀深究筆法熟觀秦漢銅印而得其體勢之變不能工也每見士大夫多聞識者爲此其氣味乃與專門名家者不同而明賢所作尤勝今代以此知天下無一事而不可不法古書稱學古有獲信然

書院生徒送太守潘公之官浙東詩序

常州太守桐城潘公爲政於常者五年吏民畏信遠近懷服利病所繫輿華以時懲勸有方威仁並伸才

玉芝堂文集

卷六

主

望蔚然爲江南列郡冠而其爲政尤以造就人才興起文教爲先務此地有龍城書院前太守孝感宋公所創常選八邑士讀書其中公旣至旣別擇其能否而進退之嚴其出入往來以重其業豐其廩給增其員數準

廷試格式教諸生曰習楷法而給以紙筆之費常試之外更令搜抉經疑益植根柢條教科指煥然一變其舊所以加意於多士者甚厚余忝與公同舉進士閒居衰病久不復屬意文字又其持論常好稱舉往哲與時俗習科舉工揣摩者往往牴牾不合益閉戶



不與世接公不以其無能走書幣屬以講席竊獨自  
計海內故人昔年比牒併名之舊星離而散合併匪  
易曷公分務鄙郡余無事不至郡無因數百今誠玷  
賓位旬月得其遊處因出其少之所聞而知者助公  
扶厲人上匡正文體大善遂不復辭故余之此來爲  
公來也此邦之士不迂其言而慕嚮之天煩而清易  
浮以直支體日新亦由公所見信重使然也先是  
乘輿累巡吳越人吏委公幹理  
行在事宜勒效顯著

天子知公名久今年五月浙江寧紹台道闕員

王芝堂文集 卷六

三

特詔公往踐其土部符既下越吏來迎七月之初公  
乃戒行公輅三郡而駐旌於鄞郡之去此千有餘里  
余方樂共公周旋未謂其別之速而相去如此遠也  
而書院諸生久沐公提攜曲成之恩咸悵悵如有所  
失不樂公去雖然人之聚散離合豈可預期者乎夫  
加秩錫命旌賢顯能

朝廷用人之方也別遠會稀千里相思故舊翼潤之  
懷也懷仁感知攀援流連多上慕戴之情也情同勢  
違事與願乖此言之所以不能已也於是諸生競爲  
歌詩送公凡若干人詩若干首余之於公既不能無

久聚忽別之感又嘉公之政能汲汲以進士爲務而  
多諸生之不忘公也故序之以申其意以贈公之行  
焉

書院諸生送潘公之官浙東詩後跋

余竊見爲政者執掌期會紛紜匡篋而儒生守章句  
習訓詁其於政事疑非切務然古昔循吏莫不敦重  
氣類崇起教化以爲汲汲蓋今之諸生學徒卽將來  
公卿收守學校盛人才多則六經之旨明聖人之道  
彰而

國家他日收得人之效事似不急實不可忽也我溪

王芝堂文集 卷六

語

二兄垂意書院勸課摩厲有加前規非徒循行故事  
以爲美談而其精神所注惓惓不忘於此可謂識所  
向者也規制始其遽遷擢以去諸生慕切緇衣頌均  
泮水作爲歌詩斐然可觀雖工拙不齊至於懷德慕  
遠其義一也篇帙既繁分爲二冊觀多士傾戴之意  
若此其平日政治修舉惠愛洽著槩可推矣余前既  
爲之序今日詳覽衆篇重增別懷因跋其後復繫二  
律雖異肆好之風聊同一枝之贈云爾

王芝堂文集卷六終

吳門程大展

玉芝堂詩集目錄

卷上

聖駕東巡盛京恭謁

三陵大禮慶成恭紀七律六首

癸亥

甲子秋闈余

以庶常獲預同考次聚奎堂壁間舊韻題義

寧縣令贈中憲大夫倪公國珍傳後

乙丑

扶

伯兄靈樞南歸

丙寅

寄孟四仲舉

丁卯

赴

都示方虎閣谷兩舍弟

戊辰

金山寺

衡園

平山堂

嶧山縣

入都

二鼠歌

寄黃

信生 寄孫中伯同年

寄寧武令周芝山同

玉芝堂詩集

目錄

一

年用魚虞歌麻蕭肴豪尤八韻

己巳正月十

七日王輯青袁信吾鄭炳也金古矜陳雪園諸

同年集陳敦來同年寓余以少宗伯沈公在座

不與聞諸君即席分韻因和六首

十八日集

古矜宅即次前韻

金川奏凱恭紀五言律詩

八首

四月二日遊南西門外王氏園

贈拈

花寺二慈上人

送安溪李按侯同年

庚午

出守嘉

興 哭都水金古矜同年

庚午

送桐城姚以

銅同年罷官歸

十月七日陪少宗伯秦公陶

然亭讌集

悼席安人作

爲席安人寫真

十友歌簡鄭炳也陳雪園

辛未

田中木呈王

芥子 蹇驢行戲呈羅旭莊

送表弟張秀峯

歸 送趙再白之天津

聖駕南巡恭紀五言律詩六首

將移虎坊橋寓厝

席安人柩於麻線衚衕尼寺

虎坊橋新寓感

懷席安人

聚奎堂分校次壁間舊韻

壬申

送黃信生歸覲

罷官南歸發席安人觀

九

月十九日出都別友

潞河阻風

與蔣秋涇

同舟余新因鄭炳也識蔣因話舊遊

舟中懷

炳也 贈江行九茂才

玉芝堂詩集

目錄

二

長同年問之士人知戈所住避兒塢曉行已過

不獲一展悵然有懷 發景州大風泊桑園半

日 蒲萄根杖歌爲江行九作

新月

初雪

晴

消寒六首

舟過濟寧順流揚帆有頃

刻百里之勢喜而有作

放闌一首 偶步野

寺

宿遷道中望黃河用少陵漢陂行韻

舟 過維揚簡陳竹町諸詩人

贈樓于湘易夔勳

贈秋涇別

池中冰魚

歲暮寄秋涇

壬

卷中



玉芝堂詩集

目錄

三

癸酉歲朝 遊石梅山池 歸愚先生過訪  
喜蔣秋涇至 同秋涇遊興福寺 次汪宮贊  
杜林先生題興福寺舊韻 支硎山徑 翁誦  
清妹丈招讌東園 雨中分菊 得舍弟閻谷  
書言王芥子同年復召院長大司寇劉公寄語  
云王陽在位貢禹彈冠聊述此示閻谷因簡芥  
子 奉寄鄭炳也編修因懷周芝山明府並簡  
孫中伯舍人袁信吾郎中陳雪園侍御八首  
歲暮送秋涇歸禾中 黃信生購得其大父龍  
隱先生小畫大幅裝池成冊囑題卷後 鶯鶴  
篇 送席仲權赴選 甲戌 懷蔣秋涇 德清  
談孝廉妻劉臂作羹以愈姑病或白其鄉來述  
於余乞詩紀之 題海山觀日圖 贈仇塽霞  
村 題楊忠烈公貽常熟故人二書後 乙亥  
遊清涼寺北尋墜石還憩破山寺泛月歸 晚  
步吾谷遂登絕頂 買菊期王八千同賞 十  
月十三日夜宿木瀨乘月登靈巖 觀許裕峯  
所藏蟠木神芝 題虞巖圖 丙子 同舍弟閻  
谷於桃源淵疊石激流作 王八千見示其從  
兄次峯烟灘風谷圖乞題 送舍弟閻谷入都

玉芝堂詩集

目錄

四

於無錫黃埠墩月下別 維揚喜遇姚以銅同  
年 丁丑 雨中別以銅 登焦山 哭王柳南  
先生 懷周芝山同年 戊寅 題江行途浪圖  
送沃顯東茂才歸蕭山 哭芝山 題少司  
馬彭公戴笠圖 己卯 得舍弟方虎所寄病中  
新詩 九月十九日將赴湖南夜發 夜泊蕲  
門訪陳和叔 烟雨樓 贈浙江學使寶元調  
同年 元調招飲湖上適少司空錢稼軒同年  
江西典試還元調迎送久不見出獨遊小有天  
園 元調午後出湖上步登  
行宮晚飲內湖秉燭至花神廟 留餘山居 龍井  
寺 時新事穿築土木未竟 金沙港 贈浙江  
鹽庫大使席硯農內兄 將發晨上吳山 別  
寶元調 七里瀨 次蘭溪城外聞侍御胡星  
岡同年從閩中典試還昨夜過此悵然有作  
三衢道中答黃信生 瑞洪晚步登古塚放歌  
滕王閣 至南昌聞湖南學使鄭炳也同年  
調任廣東途中先寄此詩 將軍船 晨雞  
至醴陵聞炳也已赴廣州作此示信生 至陸  
口問知炳也定發途中寄此 夜過湘潭將至

長沙先寄方伯許公觀察嚴公 至長沙宿觀  
察嚴公臺署敬獻長句兼呈方伯許公 賈太  
傅宅 登衡嶽宿祝融峯上封寺用昌黎宿嶽  
寺題門樓韻 祝融峯上封寺晨起觀日出再  
用前韻 立春日舍館廣東學使公廨作與炳  
也 庚辰新正廣東方伯宋公同觀察來公轉  
運范公叅政金公招讌賦謝 題廣東方伯署  
中連理木呈宋公 題九曜亭 在廣東學使署  
中

卷下

玉芝堂詩集

目錄

五

去秋被

召入都身病親養不能應

詔紀

恩述懷兼簡京師友人四首

癸未

蘇純之入關奉

寄叅政王芥子同年

過孫氏茅亭追感嘉復

作此竝簡嘉蔭

黃信生新葺小齋

送蔣秋

涇往山西主平陽講席兼寄太守徐飛山同年

二首 姚功安池上集

栽菊

讀吳江徐靈

胎吳山畫眉泉記及道德經陰符經注傷寒類

方醫學源流諸書

贈太倉金佑良員外三首

崇明趙令作海隄護田兩月訖功 大司寇

嘉興錢公爲燾書朱子小學題詞跋語兼蒙內  
行醇謹之褒感愧交集輒竭庸淺奉獻長句二

首 贈東塔寺雪林上人

甲申

德慶堂讌集

作 從歸氏借得王履吉大字墨刻 贈吳興

閔文山孝廉

九月十六日會飲姚功安池上

去年九月十五日飲酒於此所題詩猶在屏風

解郡丞從秘府法帖募得其先學士草書揭

以見惠賦此謝之 再奉

恩命許赴京師以疾不行紀恩二首

乙酉

栢塢倦

玉芝堂詩集

目錄

六

前輩輓歌辭

食藤花

丙戌

送秦生紫峯歸

無錫

題趙豹三歷代錢圖

趙名彪詔恭毅公

子

咏枯槐作芝贈王雲上茂才 冬夜同蔣

偶漁侍御在劉相齋中夜話

始衰

題嵇留

山先生抱犢圖

爲常州太守潘我溪同年題

望雲圖

四月十一日奉送協辦大學士戶部

尙書毘陵劉公新拜吏部起復還朝同楊蓮塘

韻五首

丁亥

王茂才輓歌辭 勸學一首贈

黃生漢鏞

漢鏞以長句述余衡山舊遊賦示

和漢鏞對鏡行

寄王芥子同年

戊子

袁

隨園前輩過訪 送黃生漢鏞往徽州 四月  
初十日夢聖籍 題陳氏亦園 送常州太守  
潘公新除浙江寧台道

玉芝堂詩集目錄終  
玉芝堂詩集 目錄

七

吳門穆大展局刻字

玉芝堂詩集卷上

聖駕東巡盛京恭謁

三陵大禮慶成恭記七律六首 癸亥

皇朝孝治冠虞唐

原寢巡行舉舊章八馬追風來薊北六龍練日稅遼

陽天開景毫基洪業地擬岐豐毓遠祥

弓劍千年餘緬慕紹庭精意寄烝嘗

慈寧兩籓山皇衢帳殿三朝色婉愉星駟調閑承

玉輦珠旌容與翔椒塗姬嬴祀推長發任似徽音

紹遠圖遥望蒼雲感霜露肅離交致薦嘉符

玉芝堂詩集 卷上

一

丹陵若水舊基圖美氣氤氳集上都南頓原田饒黍

稌新豐宅里識桑榆九丸松柏瞻

神隧郁郁星雲蔭陝區欣遇

孝孫將祀事配京鴻業頌成孚

奕假淵恭告肅牲玉房容裔降

神旌陰陽已達圭璋氣廣狹還調笙磬聲複雷重檐

通僊愜朱干翠瓊薦和平十倫惠術承

靈億大澤滂洋次第行

七萃雲屯翊

乘輿順時宜節返星旂徂東徒御歌惟戍侍獵詞臣

賦子虛但使六師瞻轍豈煩五柞擁儲胥迴麾嶠  
路開湯網按節龍媒盡跪餘

鉅典雍容照古今

孝思淪浹格高深球圖世作

皇家寶璽惜年輪海外琛業過粉榆基永永慶流瓜  
騰麗情情誦歌萬國沾休澤敷經羣知

繼述心

甲子秋闈余以庶常獲預同考次聚奎堂壁間

舊韵

聚奎承乏

玉芝堂詩集 卷上

主恩深越次追隨愧不任多士他年皆鄧杞此身前

度尚雲林須扶大雅還先正敢導狂瀾使陸沉代斷  
無才真奈竊未忘直道是初心

題義寧縣令贈中憲大夫倪公國珍傳後 乙丑

循良委棄困蜂屯扶藹銜鬚勁氣存舍命不渝成毅

魄折衝有策付空言軍功不使歸周處朝議終開雪

馬敦猶有居民念遺愛靈祠蕭鼓動江鄉

扶伯兄靈柩南歸 丙寅

平生形影共周旋議喪推黎口小年師友不離天屬

丙

恩光同侍

日華遶龍蛇厄運占妖夢枕被餘懽付逝川千里素  
旌還故國萬行血淚灑窮泉

寄孟四仲舉 丁卯

城西分宅舊情親月幌風襟過從頻奉母殺雞親具

黍呼童掃葉旋添薪一銜別酒還經歲兩度江梅獨

見春捺檄哦松知在印重來何處覓芳鄰

赴都示方虎閻谷兩舍弟 戊辰

春風彩鷁動江津重向螭頭作侍臣回首鵲原不勝

恨鴈行相對各霑巾

玉芝堂詩集

卷上

三

金山寺

春暖江晴開翠嶼待潮京口得樊籬四圍樓觀凌波

出千里烟嵐拍岸低目斷鷗羣隨雪浪身從龍窟蹠

雲梯白懶未作歸山計炬火還應照我迷

衛園

帆開京口向揚州郊外園亭得勝遊池上修廊循野

岸花間曲磴接飛樓平隄似帶隨疎柳落日銜山繫

客舟回首鄉園不知處海天無際暮雲愁

平山堂

六一遺踪舊有名築堂高與遠山平暫停征棹遠

去獨趁殘陽遠寺行萬樹翠烟侵暮暗一林香雪照  
人清匆匆涉獵真如夢過眼風光賦不成

嶧山縣

廟堂切已飢銅墨謀民疾我經嶧山縣嘆彼懸磬室  
三歲無一登獲發何從出欲言非其官慚愧螭坳筆

入都

花柳欣逢

帝里春羸驂重此踏紅塵要知不是爭名者欲向蓬

山作隱淪

二鼠歌

王芝堂詩集

卷上

四

頃寓憫忠寺寺有道人年六十餘筋力強健  
負薪爲業古淡朴野余頗敬其老嘗留余夜  
坐歌一曲爲二鼠問答之詞其言多足傲余  
者靜夜追憶述爲此詩

家鼠踰垣行且伏伺影防聲矜捷速厨有脯修廩有  
粟穴僅穿牆果其腹野鼠飢來嚼草木蘿徑飛行露  
田宿忽逢家鼠相欺曲問君胡爲久空谷歲暮風霜  
生計盛不如華堂來聚族野鼠答言我計熟覓食依  
人多反覆汝處華堂豈汝屋負薪老人彌明倚夜深  
留我發此謳二鼠安危君自籌

寄黃信生

故人家傍北山岑一別悠悠歲月深二十年來同研  
友三千里外望鄉心長箋懶作匆匆字暮雪愁添處  
處陰欲識花磚消息否閉門清畫似山林

寄孫中伯同年

遠憶孫中伯柴門倚水洲酸鹹達俗性損益玩交詞  
散木材難用游魚樂口知投竿滄海近簪紱久如遺  
自笑承明仕還同薜荔身人嫌冰太冷我畏玉終磷  
性僻耽文固才疎遠要津輪君最高處多此滿衣塵  
寄寧武令周芝山同年

川魚腹吸麻蕭看藥尤

王芝堂詩集

卷上

五

夙意慎許與出門擇交遊獨學既孤陋甘壤亦所羞  
謬忝蓬瀛職預識英俊儔草木有臭味性尚各分流  
感子青雲期一見心以投鹿鳴得野苓慕類聲呦呦  
子言我能聽吾唱子必酬清襟照冰雪逸藻窮墳邱  
義既師友兼恩亦骨肉俾願言奉光塵畢世相綢繆  
世事有反覆行止豈自由啾啾林間羽飛飛隔中州  
湯湯池中水決決東西流會復合鳥飛會復俱  
今子去安適鄉門路悠悠戚戚戒行李肅肅命僕夫  
官守有程限安能久踟躕送子北郭外山宿于清河  
清河亦不遠聊復須臾留須臾不成歡含意多鬱紆

別愁悲亦頻無以甚今朝山川一以隔動息不相謀  
昨夜風凜冽朝來雪瀟瀟邊寒長苦寒念子心忉忉  
合而誠已難夢想還相求騁我千里駿衣我千金裘  
解裘被子體繫馬廊下休握手同行役揚子以遠猷  
窮民望德音疾苦勤諮詠弦歌本儒術唐劉遺誦  
所恐事勢局競以倖緩優小大力有及職思其所憂  
勞苦未及畢羣雞鳴樹頭一覺忽相失淚下不可收  
已巳正月十七日王輯青哀信吾鄭炳也金古

王芝堂詩集

卷上

六

休沐無多日韶光不待人若無軒蓋集真負歲華新  
皎皎牆陰雪醺醺蠶底春滿堂豪翰客斟酌莫辭頻  
御人字

燈市將闌夜相呼試舊醅香出建禮視草下蓬萊  
遙羨羣賢集能忘一醉迴過逢有長者歡譔闕追陪  
得榮字

爲問陳遵座何人興最濃盤行銀鯽餚饌出紫駝峯  
辨縱莊生馬談驚鄒與龍遙知賓有禮既醉亦雍容  
得榮字

酒罷開文陣分旗未肯降春風飄雪醉墨灑滄江

書凡藥三尺臺郎管豈雙驚人乎覓句流月土東隱  
得應字

獻歲今年暇年年定不如連鑣元會後對雪放燈初  
逸藻平春麗清樽幾夜虛傳來新句好知是醉中書  
得應字

微逐雖隨俗諸君意自殊文章論鮑廣風義薄蕭朱  
交分期能久年華惜易徂明朝重有約取次掣驪珠  
得榮字

十八日集古於宅即次前韵

清歡違昨日此夕共春醅車轍移門巷星文動斗魁

王芝堂詩集

卷上

七

酒兵重築壘辨圍更焚檠領取東風意厭厭未放杯  
未滿句休眼邀歡肯索居嚶聲谷鳥樂意想濠魚  
風雪裁清句龍蛇落草書不愁銀燭燼寒月滿前除  
開道松關外官軍已受降是日座上得金川捷音連年嘶鐵馬  
從此靜村廬

帝德開湯網蠻氛洗蜀江天邊春律煖消息到寒廳  
清宵同話舊天末有歸人渭北開雲暖漢陽芳樹春  
謂蘇州惠州風光幾處好離緒一番新何日還雙  
漢陽李然山

關帝文與可論

雨雪飛狐北悠然憶彼姝謂芝亭亭松在澗皎皎玉

爲靈阿閣難歸鳳元正不下泉中筵獨惆悵岐路泣

楊朱

夢容金公子春將酒共濃暖絲吹似馬晚雷散成峯  
節候川歸海襟懷柏悅松還須自公暇頻此語從容

金川奏凱恭紀五言律詩八首

千羽敷丹陛鳴音草泮林怡終天討及服叛

容謀深輕典恢三綱遊視畏七擒西南荒服外反側  
盡歸心

戰鼓經年動元戎受鉞新王師風雨至氏類虎狼馴  
願假須臾命長爲版籍臣忽傳寬大詔無外見

玉芝堂詩集

卷上

八

堯仁

善任歸

宸斷登壇將似飛懸繩踰鳥道揮羽定蠻畿地險無  
常勝天兵不戰威消堅易湯雪巧速暢戎機

將略窺龍豹戎行策虎貔濯征揚

聖武先計決兵期報國宣忠勇忘軀冒險戰伐謀有

全算安用久勞師

專聞恩架入橐弓稟

廟謨好生帡異黨若過活麻俘徼外風烟暖兵前草  
木蘇恩威動番落投甲盡歡呼

年而遵朝約轅門厥角降春光融雪嶺兵氣洗餘江  
玉帳臨琛寶壺漿迓節幢長卿如下筆未許龍從虎  
上議從軍樂

大褒定遠功衣冠朝北極圖書人南宮讓善尊

文母酬庸建上公狼歌薦

宗廟有慶萬方同

刻石銘洪伐銷鋒告太平

廟堂揮玉管制作動金聲殷武三年克周宣六月征

勅崇垂太學百代共華名

四月二日遊南西門外王氏園

玉芝堂詩集

卷上

九

王家園圃城南最水木清華劇堪愛驅車纔出郭門  
行芳草萋萋已相待塵沙無復逐輪蹄沮澤時能寫  
渠滄清和首夏善遊遨單衣輕箠披襟快同行况盡  
素心人舉止蕭疎脫埃壘閑中夏木長千章入門翠  
色生矜帶叢叢欄藥作霞紅激激鳴湍和林籟列樹  
參差隔水問平田決泝環隄外幽尋自昔愛郊遊清  
景今朝屬吾輩奇秀雖微巖嶺姿已使胸中無滯礙  
久居城市乍林泉似微腥羶進仙瀝風光却憶六年  
前初逐鷗行結鳴佩紛紛祖帳送將歸載酒邀賓此  
高會徵令飛簪似綢氎分曹決勝敵旂旂意緒年來

牢落多爾日粗豪那能再重來非復昔時人清池茂  
樹依然在請君聚散似浮雲使我情懷更頽廢自視  
疎狂與俗乖林草還應未相怪不如且盡今日歡萬  
事悠悠任回蓋

贈拈花寺慈上人

適興偶然至忘形覺爾賢襟懷俱澹蕩景物况澄鮮  
瓜苦家園味葡萄異域傳晚來聽驟雨塵意頓能捐  
野性吾儕近秋光此地宜淵明新入社文暢舊能詩  
踏蘚澆荒圃栽花護短籬涼風北窗下閒意幾人知  
送安溪李授侯同年田守嘉興

王芝堂詩集

卷上

十

去年十月十九日芝山辭我代北行霜嚴月苦夜出  
送執手野立涕泗橫平生同心忽雲散離索豈復尋  
常情眼中猶喜數子在頗慰寂寞嚶其鳴論文近更  
得李白相賞物外同志形放衙每就短檠坐滿室疑  
有長風生春花秋月入筆底筆陣往往連酒兵爭鳴  
未肯快介距譏彈誰敢欺繩衡腐儒本乏濟時術弱  
翰豈望不朽名素心藉此求晨夕放意可以輕公卿  
誰知泱歲未爲久悲樂過眼如風燈東明飛鳥雙鳬  
杳桐鄉歸帆一鷗輕人事好乖古所嘆何況仕宦如  
浮萍嗚呼李侯國之栢承家台門富經簾鶴清出羣

知文明磬鏗立辨笙和不承明之庭司著作玉璫載  
筆心如冰

皇家憲章在方策欲配官禮垂一經討論修飾字不  
苟點竄塗改草屢更館中能事推柱下展入西出塵  
滿綬忽腰銀章典名郡封真筆研辭蓬瀛嘉興吳越  
之交會人物英俊山川清昨者登高子長嘆南望不  
見閭山青悠悠白雲遊子夢今喜官舍近可迎綵衣  
新年壽觴舉梅花萬株開郡庭郡人相慶得賢守悃  
悃先已流仁聲近者天災徧吳越十室九病民無寧  
春行秋令則大疫自古以此觀政刑願聞和氣隨輶

王芝堂詩集

卷上

十

輶物不疵癘安蠶耕

哭都水金古矜同年 庚午

頻哀凋謝隙駒馳水部風流最可思畫靜管城披苑  
葉月明簾影度花枝題餽角勝詩成夜踏雪遲來客  
散時莫對總帷溫舊事年年憶賞總堪悲

送桐城姚以銅同年罷官歸

今夕共此杯明日天一涯托根吳山岑夙心何由諧  
平生斯文交沉博推俊才羣言擯芳英六籍窮根莖  
散帙共討論所滯每見開抱學不用世職足避齟齬  
敬通既田里孝標亦巖隈古賢多此事未足累曠懷



惟念昔歡絕路岐重徘徊偷好日以孤雲山邈焉乖  
獨吟風雨夕茲恨誰能裁

十月七日陪少宗伯秦公陶然亭講集

風寒木落秋冬交清晨叩門公見招城南古亭勢最  
高驅車野行離市遠蘆花迎車雪蕭蕭亭中開筵會  
英髦碧窗紅日樹影搖擁鱗促觴思脫袍戶外不知  
風似刀晚來移樽出前寮中觴憑欄瞰四郊原勝交  
橫紛占坡紅霞一抹天外清衆賓頽然公益豪坐待  
月山空林梢千頃一白連瓊瑤馬蹄何惜歸路遙世  
人解賞春光韶紅稠綠暗爭招邀誰能同來觀冬宵

王芝堂詩集 卷上

主

公心如冰如月霄繁華萬境輕一毛木葉脫盡行霜  
皁樊從曾詠逮吾曹願托歲寒同後凋

悼席安人作

爲婦十五載離別經十年我宦久不歸子病日纏綿  
今春迎子來子來暑已闌誰言歲未改舊病竟無痊  
傷哉中道天銜恨千萬端念子幼無依慈父見驕憐  
入門恭婦道婉婉矯剛偏處羣易小忿隱忍多所全  
雖未觀詩書大義固無愆秉性誠亢急柔克詎非難  
黽勉戶牖謀每念物力艱玉體辭華緝雪髮贖珠鉤  
仰事兼俯畜賓敬無違顏茲事遂永乖思之五情煎

誠知生有命天壽同自然結髮共苦甘難忘偕老言  
盛年既草草不盡觸類歡方謂從今來出入無棄捐  
薄命遽如此沉痛何能宣

爲席安人寫真

愁多神思傷病多華色枯愁病日交迫盛年無豐腴  
抱茲冰玉骨迥秀彌有餘皎皎霜菊清亭亭曉梅臞  
如何一朝訣仿像日以疎芳質委塙埃儀影淪空虛  
徇俗圖遺像什一失其粗求肖亦何爲所見毋乃愚  
已絕言笑綠豈似平生居幽靚聊此寓存想空踟躕

十友歌簡鄭炳也陳雪園

王芝堂詩集 卷上

主

十友者桐城姚以釗安溪李授僕海寧鍾樞  
村錢塘孫芥舟桐鄉朱浚谷鄞縣袁信吾秀  
水鄭炳也歙縣金古矜嘉善陳雪園祥符周  
芝山余戊辰還都同年中往來尤數所至輒  
俱者此數君焉雖性尚各殊並以忘形俗外  
三年以來忽遂乖散古矜况爲異物獨陳鄭  
猶共晨夕感念曠昔灑然作歌辛未四月廿  
一日述

戊辰之春吾入都始識鄭子清而臘是時芝山亦隣  
居負氣各與流俗疎羣才駿駿躍皇塗要津何曾足

越趙晨夕獨有數子俱風清月白時相呼雨雪不辭  
泥沒車盤中隨意羅嘉蔬燈花落盡傾春壺高談雄  
辨陳詩書長風蕭蕭來坐隅迴寒燧煖隨响喘快意  
那復知其餘軟娛未足風景殊三年聚散直須臾周  
鍾最早飛仙兒又見孫李麾軍旋就中情金頑夫  
寶劍何處投黃墟素冠先後悲袁朱以銅飄然滄江  
漁萍浮梗泛無根株山川茫茫不可踰春風微寒夜  
窗虛細雨濕瓦燈模糊獨與陳鄭銜一觚搔首話舊  
增感吁君不見浮雲蔽日龍蛇驅雷雨一夕春膏敷  
山苗離離節甲舒翠葉光寵枝相扶眼前萬族各有  
王芝堂詩集 卷上 古

田中木呈王芥子

三春和同田事興草木甲坼皆青龍鱗千畝具覃  
耕落香飛花官勸耕雷師風伯驅雲雨百穀攢芒齊  
欲吐天公只道春膏溥下界誰知劇辛苦老農知稼  
趨時急不惜揮鋤汗霑土倚農空自望簪車黃稗終  
然雜禾黍苦遭童稚學耕耘救麥依稀尚未分厭苗  
苦被長鏡斷榮翻蒙一溉恩惡木當春長枝葉身

橫數畝繁陰合十日甘霖闕不流耕夫輟鋤袖手立  
良苗待澤正殷勤奈爾方矜得氣新獨不見山頭樛  
樹經樵斧一旦徹牛無處所

塞驢行戲呈羅旭莊

去年買驢肥且強驅出九陌神揚揚驢汗血不可  
致得此且勝牛服箱鮒魚轍中春踏雪在羅門前夜  
立霜官貧未免惜棧豆漸使毛色闇不光

乘輿南幸將旋蹕公卿郊迎昨夜出絡繹郊關近王  
珂浮游近縣聯朱紫贊善新承講帳恩侵晨借騎出  
城關古來朋友共車馬所愧塞乘非蘭筋知君鞍勒  
王芝堂詩集 卷上 古

生光彩駉駉區區竟何在嗚呼駉駉孰爲憑圖龍畫  
虎風雲生

送表弟張秀峯歸

京江舊門閥家聲盛當年元老佐休運密勿參化權  
文章被來學政業措治安一門盡才俊華纓照高軒  
風流百年遠清德奕世傳吾宗忝舊姻自出得此賢  
植幹著梁棟懷珍媚山川從我來京師三見寒暑遷  
嗟我道不充無以待攻堅今予逝將歸丁寧贈之言  
人生貴自立文行固其端束躬於詩書材質化所偏  
六籍既根柢百家廼波瀾根堅實自肥瀾瀾藻亦鮮

及此少壯時日力足沉研容髮一蹉跎適景肯復還  
近聞狂馳子嗜好恣所便離鞍快馳驟時服矜新妍  
博奕好飲酒顛廢餐與眠豈不極娛樂憫彼志業愆  
此俗不長厚子行慎周旋邑中多老成問學在子先  
三人有我師一簣資崇山苟宏謙受理取益良不慳  
慎莫辭勤苦世澤期子延慎莫羨速飛富貴非可干  
車前列八騶篋中無尺編揖讓誠意得經綸或茫然  
自古嘆折足非今獨厚顏俗儒榮苟進志士病脅肩  
腐草自彫茂壯懷安足牽羽毛一以豐自能排風烟  
君看榆枋上豈佇垂天翰

玉芝堂詩集

卷上

七

送趙再白之天津

趙君才名二十年匣中飛龍光燭天胸吞雲夢累八  
九筆下萬里奔河源霜蹄局束不得試後來驚足皆  
騰軒我昔鶴原抱深痛君亦炙雞來一慟一別經今  
又六年桐花何處留飢鳳楚江湛湛多寒楓越上城  
頭榕葉濃醉邀開府樓中月閒賦將軍櫓上驄燕塵  
滿目重相見奔走空傷歲將晏前殿無人肯薦雄賦  
罷長楊自焚硯有弟飄零向八閩獨攜書劍向津門  
雲鴻萬里無消息喉長風憾失羣落花片片點人  
裾寂寞春杯別路隅不怨窮途遭白眼悔將身計托

詩書君不見家置瓶簪適施川彝鼎斑斕徒典重  
聖駕南巡恭紀五言律詩六首

河嶽思

王度東南佇

聖恩春和回玉瑄祥習展

金根馬會歌謠樂虞巡典禮尊遙知

天蹕下霄雨徧村

三朝光孝治多祐奉

璇宮嘉會千年慶歡心萬國同南山當幄殿春仗拂  
條風瑞靄浮江表仙雲五色融

玉芝堂詩集

卷上

七

斗瀝通

御氣華祝入吳歛草木三春澤江山六代都太平占  
海潤上瑞出河圖風俗繁華舊還淳仰

聖謨

春滿東西浙湖山奉

渥歡潮聲思勁弩筆勢想清湍禹廟芳蘋潔蘇隄碧

柳攢珠旗空翠裏真作畫圖看

累仁懷

祖武吳越紀

恩偏臺殿山川迥遊歌父老傳

兩宮今

制雖萬井再瞻

天傍輦歡聲合升恒祝萬年

清問淵襟豫

絲言紫泥稠承

歡隆色養錫慶大懷柔樂意鸞花識

恩波江海流塗歌兼已前歲歲望

軒遊

將移虎坊橋寓居席安人極於麻線衡尼寺

恨長哀尙新哀新序已移春風改冰霞馴見吳景馳

王芝堂詩集

卷上

六

草木耀榮英朱明盛光輝寂寞罪同賞良日更成悲

素帷對孩幼虛位絕音詞饋奠窮朝夕彷彿存令姿

已知幽明睽倘得魂魄依人事固難常徙宅言有期

卜日當遷厝與子正東西空寺委孤魂欲發內含悽

家人攀棺泣不忍重此離一逝固日遠惟當長相思

吾無壯生達滯情空爾爲已矣復何言送子涕霑扉

虎坊橋新寓感懷席安人

始欲移此居屬子抱沉疾倉卒遭凶哀舉動未能驟

俯仰冬復夏茲計甫云就堂室新掃除事事皆踰舊

門間粗可觀鼎基亦崇厚取壯軒層宇向離敞明牖

初謂可子意豈料事緣謬獨來無與歡寂處增煩

百物具遷致了了在左右之子獨何爲沈想絕邂逅

除月自流素籬并空舍秀階庭無錦基虛座有觴豆

傷意非一端莊告誰能扣

聚奎堂分枝次壁間舊韵

鎖閣莫道負春深夕秀朝華取次鮮自顧樛材慚玉

尺每緘珉石倚瑤林秋雲昔引天香出

漲海今看鐵網沉舊事十年渾似夢依然川拙是蓬

心

送黃信生歸觀

王芝堂詩集

卷上

七

赤燦布令行火雲炎風吹人熱如焚故人觸暑欲歸

去長日話別愁斜照暫喜天涯迴膠漆何事驪駒又

催別鄉人昨日附書來堂上高年倚閭切兩度明珠

情開投三年鄉月照羈愁冉冉京塵墮壯志汕咳

草念晨羞雲帆烟棹江南路惜君無計留君住我亦

懷歸感北山尊酒論文期歲暮

罷官南歸發席安人觀

早念歸子骸逡巡歲再更青紫久非望豈爲戀微榮

嘉會逢

朝慶私役米克營昨需錫類恩既得顯所生子亦從

休冊命號光素旌今春屬顧俊承乏佐持衡他俛卑  
茲役荏苒逮長羸思子平昔言止足勸歸耕仕路多  
得失器滿果易傾澄簡忽見及蒙

恩解朝纓本乏用世才兼迫懷歸情弋釣甘吾分一  
黜固所輕秋風理輕絳幼返柴荆孤魂得相依永  
路庶無驚念乖僭願緬途涕縱橫

九月十九日出都別友

鷓鴣愁鐘鼓塵塵思長林奈何抱拙訥久此玷華簪  
罷秩歸溫精曲成恩已深征槎候秋濛楓岸日蕭森  
十年舊倫好樽酒敘離襟驂驂儼就路觴至不暇斟

王芝堂詩集

卷上

年

投分知有別不謂已在今登車一灑涕所感非升沉  
假足歡遺草分山槍完禽久敦四海敬能無岐路心  
向者並遊樂於茲渺難尋寡過諒所期山阿佇嘉音

潞河阻風

發棹期昨宵違風復今日前舟去未遙信宿恐相失  
平生甘疎遲行止本無必涉險况宜慎淹留豈復恤  
空結懷歸情奈乏反風術幸有勝友偕清吟破蕭瑟  
然鬚獨後成倚玉慚蕪筆

與蔣秋涇同舟余新因鄭炳也識蔣因話舊遊  
昔因芝山交炳也今別炳也逢秋涇論文邂逅各適

願投分先後俱忘形逍遙許我能無用蟬蛻羨  
獨醒同舟閒話十年舊回首烟嵐幾處青

舟中懷炳也

借隱君留約先歸我失羣濛濛秋岸雨漠漠  
帝城雲桂樹清霜老暮燈獨夜勤定知行有日敢擬  
北山文

贈江行九茂才

千里江南迴倦翮相逢同是悲秋客君家佳練溪  
邊郭握卅年空抱壁偶然餘事愛丹青近日專家子  
無敵胸中邱壑鬱不平眼底江山寫更清船窗無事

王芝堂詩集

卷上

年

恣揮灑歷落紙上烟雲生長安貴遊多畫手能事相  
推不容口樓護門前已列騶武安座中嘗使酒忽然  
揮手謝公卿不肯風塵更淹久嘉禾蔣君文章伯避  
近同用意相得倩君掃筆作歸帆一幅秋光淨如拭  
避喧我亦愛霄岑此境儘徒畫裡尋相將共入桃花  
峽春水雲林深復深

舟次景州將訪戈東長同年問之土人知戈所

住進兒塢曉行已過不獲一展恨然有懷

去歲逢子別惻惻縈離思今年我亦去寒風拂征衣  
仕宦無根帶行止豈自知蒼茫涉迥路歸棹指江圻

昨宵廣川泊烟火傍村籬  
言伊人廬乃在秋水湄  
謂當敘平生輕帆曉已移  
咫尺竟相失顧望慙然悲  
平生止足分心迹諒不疑  
局促數刻間相見亦何爲  
但念天一方參辰方自茲  
演魚息北流越禽戀南枝  
烟波日以遠遠念無時共  
敦歲寒節黃髮以爲期

發景州大風泊桑園半日

孟冬十月天作寒木葉亂  
百草殘我辭

帝畿還江濱千里百折路  
紆盤前自廣川道桑園風  
顛激岸迴驚濤舟行逆浪  
聲喧喧停棹息榜不得前  
嗚呼行路良獨難山中桂  
枝無人攀蘋草蘼靡芳未

玉芝堂詩集 卷上

三

聞我欲歸去無羽翰願爲  
黃鵠乘風翻萬里一舉還  
故山藝枌植竹十畝間潮  
足滄浪永無患胡爲風波  
守河干嗚呼行路良獨難

蒲荷根杖歌爲江行九作

蒲荷昔從漢使傳流沙萬  
里奔烽烟深根入地經千  
年百尺偃臥蛟螭蟠哉之  
爲杖亦奇絕衰老造次扶  
危顛江君攜來自京國開  
囊光澤浮船舷質輕體滑  
更修直不受刻斷其天全  
昨從鄰舟食其實仙露瀟  
瀟日流清鮮我欲攜歸備  
甘旨晨羞聊佐南陵盤甘  
鮮不耐數日貯無山一博  
庭園欬法如此杖樸且堅  
利

用出入人所便致之南方  
見者少足使父老爭傳觀  
何須赤藤詫珍怪吳綠玉  
誇神仙況君落拓江湖  
邊十年彈鋏囊無錢還家  
何用娛衰顏持此拜獻高  
堂前祝翁春秋踰八千挂  
之捷步如飛燕芒鞋踏遍  
江南山

新月

遠岸蒼然暮常空新月生  
微微帆影動漠漠渚烟橫  
列宿能爭大纖雲易失明  
何當三五夜見爾滿輪清

初雪

旅泊驚寒早朝來雪已飄  
有聲兼雨下無迹逐泥消

玉芝堂詩集 卷上

三

帶曉孤舟發環隄萬木凋  
重雲連薄暮客意共蕭條  
晴

雨氣朝來散船窗曙色通  
一帆迎曉口萬里見長空  
沙岸蕭蕭白霜林簌簌紅  
剝愁歸路迥天末是江東

消寒六首

衰楊含悲風疎影垂寒渡  
豈不懷當年先寒困霜露  
日落送行人長隄獨歸去  
寒柳

離樹皆已凋青莎亦安在  
偃蹇芳桂枝凌寒色不改  
王孫歲暮歸非汝誰相待  
寒桂

秋菊秀可餐衆芳此爲殿  
貞姿秉金精幽榮發霜口

夢絕亦何傷未肯從風散寒菊

楓江上楓紅葉落如雨湛湛江水深落葉滿江清

騷人去不還獨立誰與語寒楓

修竹殘霜翠冉冉烟靜曉鐘傷茂林勁節爾獨乘

影落寒湘中清光逼肌冷寒竹

占松雪中老詎知春秋異山深萬象空洪濤入雲際

時有孤鶴來瘦骨踏寒翠寒松

舟過濟寧順流揚帆有頃刻百里之勢喜而有作

南津計日是江東鷁首乘流逐迅鴻一片寒楓千里

玉芝堂詩集 卷上 詩

浪五更殘月半帆風終朝濟水隨船尾盡日淮山在

眼中遙指鄉關如畫裡村村黃葉夕陽紅

放閣一首

杪秋發清路迤邐將歸舊吳經涉路始半奄交仲冬初

以不急懷歸道路一何紆昨朝阻閣口有吏司其樞

片石立中流寸地不得踰舟楫木利涉失勢多窮途

既有滿陵尉况無函谷繻螻蟻制橫江狐狸跳路隅

此輩自古然貴之亦已愚坐對日西落忽聞吏夜呼

傳有大官至高帆連舳舳借問是何人云是鹽車徒

致身列槐棘承恩返林間數里望行旆津吏前走趨

中流十二板一一引曉轆盡日此為梗去之不須與

百艘連橋進行旅任所如乃知居高位及物勢有餘

津塗偶相遭造次獲所須何况廟堂上安坐行遠圖

偶步野寺

南來冬未寒頗愛風日好繫纜眺霜原野曠居人少

古寺無丹青塘壁就欹倒孤僧自編籬客至不灑掃

畦蔬猶青青檜柏亦未老紅葩霜中開芳意悅枯槁

娟娟為誰容時有寒蜂遶淹留玩孤英氣味如春早

出門步長隄始覺多衰草洪河日夜流隔斷江南道

渺渺江邊雲點點青山小日落天際紅孤鴻沒縹緲

玉芝堂詩集 卷上 詩

宿遷道中望黃河用少陵漢陂行韵

我聞黃河之水天下奇浩蕩勢欲無湖陂渾流九曲

走沙礫急浪千疊翻琉璃下流歸海自淮人過此茫

茫鄉思集高樓粉堞是淮城一葦杭之歧可及昔經

鍾吾帆不開窈窕畫聯飛黃埃登隄一鏡沸鼎勢轉

眼七載今重來重上高隄境難測眼亂晴光更頻拭

但覺長流波浪平那知昨日風雲黑隔河斜照江上

山翠影下墮淪連問安得清風送我到山下亂蹋黃

葉行鄉關世人役役盤中珠孟門嶄絕方爭趨乘風

破浪豈不壯背家離鄉得已無吾身飄飄隨所至出



嘲閒雲本無意及今不還當謂何人生行路風波多  
舟過維揚簡陳竹町諸詩人

遙羨風流似竹林閒辰觴咏互招尋卅年秀句傳人耳  
昨日清顏照客襟已分江湖長偶影漫緣文字托知音相逢莫恨匆匆別添得新詩別後吟

贈樓于湘易襲敷

秋涇近日推詩老十年出入邦江道俗人如海不掛眼  
苦說樓君易君好我來邂逅信所聞青眼一放開重雲樓君病瘦餘鶴骨易君幽居勝巖穴卷中文字性所耽眼前功名意不屑九友圖成手自題詩句雲

玉芝堂詩集

卷上

美

山兩清絕方今承明搜俊才樓頭沈朱眉相排詩如  
二子身未肯造物稱量毋乃乖一笑新詩還自讀無川之用知足足江上清風霜葉紅山阿薜荔春烟綠乃知文章信有神得之懷抱更不俗君不見牆陰飲啄雞鷄馴野雉文明見人伏

贈秋涇別

歸帆一月路逶迤東渡長江未有期行到江頭忽傷別  
更嫌帆疾不嫌遲文章如面最難論此事同心定幾人恨見君遲君又去名山誰爲指迷津

不道將歸又失羣相看踪跡似閒雲梅花雪夜能辨  
我柏葉春樽擬待君

池中冰魚

寸鱗托盆池樂意固已淺况逢池冰堅雖生詎云善  
層層玻璃中一一鱗鬚顯豈無遊濠心尾直不得轉躍淵非其時處陸竟何辨

歲暮寄秋涇

蕭蕭江雨晨臥聽孤舟渡近鄉馳歸情失友瞻岐路  
憶君同舟來吟唱愜心素昨宵招我飲抱病闕良晤心懷清樹歡棹逐寒流驚峩峩廣陵城回首隔朝霧

玉芝堂詩集

卷上

老

漸覺鄰叅生誰同觴詠趣雲散豈一山鳥還同各樹  
知君劇懷歸無因問去住愁雲慘末冬積雪耀庭戶茫茫五湖烟高人渺何處

壬申除夜

滄江一臥濯塵纓栖穩南枝謝弋矰玉珩印看催暖  
律青瑣依舊守寒燈書帷難留殘雪釣清游鱗欲負冰十載歸來猶故我祇應懶拙逐年增

玉芝堂詩集卷上終

吳門穆大展局刻字



王芝堂詩集卷中

癸酉歲朝

年年此日賀

丹宸旭景初升護彩雲元會衣冠春照耀

御爐烟靄曉氣氤氳身忽作湖山主盛典長逢鸞鶴

羣日喜朝來正高臥門前無客雪紛紛

遊石梅山池

新春日日凍雲凝昨日春湖始泮冰晴色乍添烟樹

暖清襟好對石泉激欣於故國看山水却向京華憶

友朋爲問年年車馬客幾人今夜共吟燈

王芝堂詩集

卷中

久憫人事謝紛紜爲歎歲華不憚勸路滑未消新歲

雪情親惟有故山雲林巒霽色宜春望水竹清暉許

我分童冠更能添逸興詠歸還共惜斜曛

歸愚先生過訪

杖履經年隔扁舟忽見尋索居欣把袖偕隱媿同吟

竟日留疏食光風洽素襟却愁歸棹速春水暮烟深

喜將秋涇至

草草江干別還雲各一岑欲招攀桂隱頻寄折梅吟

雪棹昨乘興春山明共尋試看今夜月爲爾捲重陰

同秋涇遊興福寺

久客歸故山獨往興未已良朋况遠來探勝協幽旨

初晴破旬陰風日正妍美春烟始生林曲磻鳴寒水

古寺尋竹泉芳翠照清泚林壑來隱淪名利狗朝市

靜躁各一途殊嗜同其理自非烟霞人誰能共此

次汪宮贊杜林先生題興福寺舊韻

斜陽滿寺上叢筠雙借禪床息此身鐘磬響中多靜

意松蘿影裏幾閒人林歸幽鳥生暝色澗長新泉報

早春不用山僧苦留客白雲來去任天真

支硎山徑

潺潺春泉細行行磻路深從來逢石坐幽處少人尋

王芝堂詩集

卷中

衆草競寒綠長林生晝陰翛然塵不到物外懷遐心

翁誦清妹丈招譙東園

郭外園亭傍水隈曲欄芳徑共徘徊最貪野望蒼茫

遠况值林花爛漫開川洗碧山當戶出溪分春漲隔

牆來眼前景物留人住醉倚東風肯放杯

雨中分菊

暮春猶薄寒連旬作風雨時菊分稚苗離離立荒圃

土潤資發生輕陰護亭午羣英正繁華顧此葉纔吐

荷懷貞芳委安能免離離有花遲霜開碩贈渺無侶

得舍弟閻谷書言王芥子同年復召院長大司

寇劉公寄語云王陽在位貢禹彈冠聊述此示  
閻谷因簡芥子

夢斷仙階別曉風蓬萊回首月濛濛已成小隱禁叢  
桂錯荷知音憶製桐天近好霜新雨露雲飛還望舊  
鵲鴻自惟樛散終無用未敢彈冠效貢公

奉寄鄭炳也編修因懷周芝山明府並簡孫中  
伯舍人冀信吾郎中陳雪園侍御八首

不復嘆榮落能無傷別離寡諧俱物外易退忽天涯  
半榻亂書映一溪垂釣絲須知懶更甚莫訝報章遲  
芳訊傳頻經還心賦白駒金門猶著作松徑久荒蕪

王芝堂詩集

卷中

三

渤澥見寧少蓬壺鶴易孤期君拾瑤草此計未全迂  
五載連門巷羣賢聚斗魁雨留深夜聽詩被落花催  
白眼從人忌清襟共爾開如今一分手陳迹付寒灰  
同它陳侯佳多情近日無論人如燭照適俗有廉隅  
幽抱頻年接清言二妙俱比間移爽堪誰與慰羈孤  
最憶陽高亭蕭然絕俗姿伊人含我此別至今悲  
淚遞郊亭月幾分驛路詩苦吟同所托絃望竟何時  
頃歲孫中伯蓬蒿共卜居暫爲雙鳥會願慰十年疎  
懶性眞存浩淳風太古初情知能憶我不悲一行書  
昨日袁夫子輕帆枉傲處蕭蕭逢暮山草草醉村陌

驪足將千里漁竿自五湖更添新別恨那復舊歡娛  
一逐九秋鴈又聞五月蠅獨鱗思漫渴病胡憶雲行  
舉世疵文雅何鄉免寂寞遙天知已在引領獨長謫

歲暮送秋澤歸禾中

樽酒一爲別斯文誰共論寒烟橫野渡明月送詩人  
雲出元無定鴈飛未易馴經過猶有使車探逸園春

黃信生購得其大父麓隱先生小畫六幅裝池  
成冊囑題卷後

先生非畫師遊藝精詩理興來時點染觸手雲烟起  
當時不自珍狼籍滿繡紙一朝成空廚萬事隨流水

王芝堂詩集

卷中

四

翳此六幅遺紙墨半殘毀妙跡無人知流落辱凡鄙  
吾友先生孫斗粟易之市拂拭還舊觀神明煥騰几  
輕蹄策霜坂游鱗漾烟波斷裂寸幅間瀟灑見風軌  
埋沒四紀餘珍襲自茲始以徒青璫舊仍異平泉後  
圖書稱清貧永以貽孫子

鴛鴦篇

鴛鴦池之東有鴛在其西飲啄雖同性清澗故殊姿  
畜久兩意狎飲啄助相隨池中失魚多主人忽見疑  
開籠同放去各任東西之鴛歸空山中養翎高松枝  
歲暮風雪多誰知汝東飢豈不懷舊恩引頸長鳴悲

引翼一來歸下視舊巢非盤回不肯下差從池上栖  
驚去不得食未久來窺伺始見集簷瓦漸來傍階墀  
婆娑弄羽毛見人故依依豈戀主人惠未忘主人池  
上人乃謂鴛鴦汝能見思二禽何親疎巧拙頗若斯  
人皆不足鶴鴛鴦計獨得施

送席仲權赴選

片山有逸羽志欲凌天間忽擇根棘栖好乃乖所望  
念子晚風雅立身在文章霜蹄困展蹶不得展所長  
國家儲英才登進豈一方從牒拜州職出身佩銀黃  
簿書信勞人馳驅及方剛橫覽中澤鴻念各謀稻粱

玉芝堂詩集

卷中

五

今之從政者意不存胥臣疲精事干謁畢智充囊囊  
苟以利厥身豈爲民紀綱廉靜子所優庶以惠化彰  
獨念拙手歡復積岐路傷傾蓋自京國及茲俱故鄉  
俯仰五載中何歲無離觴今子遠行邁益恐成參商  
白雲滿故山誰與餐風香

懷將秋溼

瑟瑟秋風作薄寒故人杯酒隔江干月明一院梧桐  
影憶爾論文到夜闌  
秋雨沉沉似去年桂花飄落滿階前今年不共詩人  
賞獨對殘花倍惻然

中秋最與月明宜何事妖墓橫此時料得抱山堂上  
客綠章爭上玉川詞

世事悲歡轉眼間遙聞鰲味記追攀繁霜昨夜夢非  
歇池柳重經爲慘顏逸園爲翁補清妹文所居今年  
六月十四日五妹卒  
燃鬚夜半未成眠寢寢殘釭照一編怪道詩腸似枯  
木與君少別已經年

隱湖一曲水云深萬里鵬飛恨失羣何日仙舟重繫  
纜秋山同去踏寒雲

德清談孝廉妻劉氏作妾以愈姑病或自其鄉  
來述於余乞詩紀之

玉芝堂詩集

卷中

六

白髮慈姑病逾月紅閨幼婦愁如結三醫遍謁更沉  
綿夜不解衣晨廢櫛朝來厨下作羹湯江魚肥鮮冬  
筍香芍藥自憑纖手和酸醃不倩小姑嘗一杯入口  
似沉澁二醫轉服祛膏膏沉痾從此更強健勿藥之  
喜非所望誰知婦心良獨苦深坐重幃懶無語嬌兒  
呱呱來就乳左肱似折身難俯旁人怪問引臂觀但  
見重巾裹綰紵守宮狼籍點凝脂翠袖模糊纖紅縷  
自言姑病正危時曾慕前修剔肝股不辭酷腕試霜  
鉤一寸紅肌落殘釜當時忍痛作歡顏微器牀前故  
延佇丁寧莫遺外人傳說罷旁觀淚傾雨

國家旌典垂經常刻肌傷生所未許吾聞事親猶事  
君竭力致身隨所處全軀肉食彼何人祿隱紛紛誰  
比數抉眼中吾用足孳生氣要能照千古忠孝何論  
正與奇貴有真情出肝腑高踪何意見閭閻獨爲其  
難更無俗形管誰書女史箴莫遺蘭芳隨草腐請將  
姓氏告輶軒談家新婦顧家女

題海山觀日圖

瀛波朝湧萍實紅吞吐雲浪驚臥龍蓬萊仙闕金銀  
宮光氣照耀相瞻瞻壯君此遊誰得同飄然來自塵  
土中萬里極目扶桑東足下似欲生清風人間相尋

王芝堂詩集

卷中

七

那得逢獨立飄渺之高峯

贈仇與霞村

仇生體雋才嗜好與衆別家世承儒宗科第今未絕  
飄然謝功名篆刻獨所悅斯簡窮根源六書恣穿穴  
摹印提錫錙鐫勒腕有鐵能事以金玉珉石非所屑  
今年客吳門聲名動時哲

聖朝竝二篆奇文縱搜抉瑯琊山內府未許凡手襲  
縱橫並元鏡高價傾朝列儼君與遊遊工力固相契  
胡爲尚飄蓬歲暮來子子陋鄉寡知音况我更謫劣  
俗書媿蛇蚓敢問誦與頤顧惟舊所聞此理頗能說

漢官有遺章古意迴嚙噪疎密任自然規矩會周折  
鋒稜藏淵樸委秀帶剝缺時俗競工巧雅製浸微滅  
君欲究其微莫厭古人拙

題楊忠烈公貽常熟故人二書後乙亥

明運值元二旒展堅綱紀權圖刈朝俊嚴揚似糠粒  
義義楊應山言言戒禍始義烈照九垓遺風激頑鄙  
海虞信陋邦多幸接清軌發跡剖銅符會此君百里  
鼠牙感稅棠鸞謝憶桐棋歸朝十年餘猶存此邦土  
良訊敘近懷繼繼溢雙紙從容論身事所貴非潔已  
國柄移中人懼貽聖明恥大臣憂朝廷造天見深旨

王芝堂詩集

卷中

八

忤時甘一往許國乃再起被蒼厭明德斯人不終以  
血肉膏狂固披猖快姦究衆正隨芟夷國步從蹙圯  
嗚呼公存亡天地關泰否遺墨留此邦泰山一塵耳  
潮人思退之譬彼地中水持此驗蒸養知公實未死

遊清涼寺北尋墜石還憩破山寺泛月歸

秋山招余遊披雲懷幽對經歲曠一登挾辰乃數四  
良辰惜易過遇賞窮孤契行行不覺遠遠至清涼寺  
夾徑羅茂松紺宇藏林際竹栢相照映殊質共深翠  
崇岡俯滄流壯莽開遠眺循坡屐下上凌淵搜險異  
斷石冠峭崖橫臥狀欲墜荒蹊卓奇姿絕壑助驚勢

攀翫殊未舍落日速奔驥旋足道破山曉雨復留憩  
貴疲情如同景遠跡成滯乘月泛歸槎夕波滄秋澹  
密叢交岸陰緩棹領清意所遇多是欣適已欲忘世  
超興固不期此歡儻可繼

晚步吾谷遂登絕頂

秋陰盡日濕風煙杖策還乘薄暝天那得經句學靈  
運未妨將夕似斜川高尋一線通人徑下見雙湖出  
樹顛暮雨催歸餘悵惘擬來百遍畢殘年

買菊期王八千同賞

今年菊花晚急買慰飢渴新栽困束縛生意且未達

王芝堂詩集

卷中

九

呼燈照清影已使眼暫豁長短既各類精粗亦殊質  
俱蓄凌寒姿要與羣卉別徧灑勤整餅清液滋秀骨  
初榮雖滿林餘秋無十日能來銜一鴈幽興遲君發

十月十三日夜宿木瀆乘月登巖巖

尋山近亦屢卜夜獨未曾茲宵泊靈巖清興聊可乘  
晚霽卷纖翳悠然月東升繫纜山木下沿溪步寒厓  
村犬吠寂巷野航耀孤燈初謂眺莽蒼未期踞峻嶒  
行行及山椒不覺身已登林影靜空鏡山光瑩輕冰  
四望無人蹤蒼烟澹然凝廿年舊遊地賞以今夕增  
境至詎自造迹往難爲憑問興在適會非可塗輟繩

古人思秉燭此意今方微

觀許裕峰所藏蟠木神芝

空山古木蒼虬幹一夕風雷臥巖畔根蟠石底石同  
堅蟻蝨蟲穿山崩片高陽才子欣得之手剔苔痕頻  
濯盥色如蒸栗澤如絲開匣浮光自凌亂昨朝同醉  
菊花前持來一座爭傳看共嘆至寶豈日前朝市知  
經幾回換靈根一自斷泉源荷葉無因拂霄漢殘株  
偏得匠者材古色常留世人玩座中王郎好事者醉  
賦長篇詞爛漫藤杖何煩退之筆木山亦染東坡翰  
從來微物藉人傳顧我何能一辭贊我聞蟠木得先

王芝堂詩集

卷中

十

容絕勝投珠劍空按根根恒充萬乘求深巖搜探知  
何算未堪大厦作棟梁已刻明堂匹圭瓚此物何爲  
獨未逢猶伴青瑣雜塵案芝居小閣徒自奇桐遇知  
音才免費人間貴賤何者眞摩挲爲爾興長歎

題唐巖岡 丙子

身在眞蒙空翠中疑君兩腋有清風何須着意分樵  
隱解愛雲山使不同

同舍弟園谷於桃源淵壘石激流作

君從紅塵來久閉故山屐茲晨及清和共此玩雲石  
林木挺茂陰烟蘿被屋宇古淵春山餘奔泉鳴澗澗

煙石當其衝千珠競噴射涼微涼濕潤足聊取適  
卽境興自新眞寶豈在跡逍遙斜陽徙倚憑短策  
破浪知何期擅察誰云窄

王八千見示其從兄次峰烟灘風谷圖乞題

去年多暇多山遊一重一掩窮清秋喜君邱壑有同  
嗜一出郭門忘白髮楓林巾幘倚策藤蘿月下幾  
迴舟此歡一過無山續良日蹉跎苦局束攻愁吾已  
顧壁城衡氣君方同稿木只今風物已重陽雙屐未  
曾知聲磬君家難兄能畫早近寫溪山通窈窕洞庭  
木落水微波巫峽雲深山欲曉遠道新歸附此圖令

王芝堂詩集

卷中

七

君一見傾幽抱愛山不得作山行尺幅偏浮數點青  
從君借掛茅簷壁秋水秋山空復情

送舍弟周谷入都於無錫黃埠敦月下別

月滿離筵酒罷斟津亭挹袂一霜襟十年不盡分飛  
恨千里難爲其破心石屋春泉添遼澗水簾雲骨臥  
危岑家山處處堪遊目無限風光悵獨尋

維揚喜遇姚以銅同年

丁丑

自送君行後三年我亦歸江湖俱滬迹雲樹隔清徽  
白日催霜鬢青山想芰衣班荆欣一遇旅泊慰調飢  
各遂烟霞性相逢風雨晨雲龍虛鳳願花鳥對殘春

別夢七年舊清詩一卷新明朝又岐路離恨滿江湄

山中別以銅

何難恨別遽日雨一相送既乏杯酒敘仍阻遊履從  
空對雜花飄時聞一禽啼欲辭復少留道孤覺交重  
濯纓已類李彈冠長異貢守拙易索居耽靜俱違衆  
愁心共雲遠還舫隨波動羣山江上青何處牽離夢

登焦山

晨奔東涉江金焦儼在目兩山出中流相對屹雙角  
平生愛奇心選勝避習熟未暇汲中泠渴來問修竹  
昔賢於此栖爲遠軒車屨登巖拜遺祠高風滿崖谷

王芝堂詩集

卷中

三

大江抱山流連天入遐矚山花潤新雨江風鳴古木  
卜策吾未能遊目意亦足廻帆向金山飛檐接雲屋  
樓觀何耽耽儼非山所欲還脫焦洞烟一竿波上綠

哭王柳南先生

少別俄成萬古悲悲君兼恨識君遲青箱手澤知誰  
託黃髮天人不慙遺半世陽襟老巖壑一鄉後進失  
師查小園昨日論詩地重過門前涕滿頤

懷周芝山同年

戊寅

羊腸畦步有傾軋消息傳來萬里愁書札只催旬月  
報夢魂難向網羅求幾間乘駟全羊舌漫冀更冬繁

夏侯身事一朝成瓦裂十年追恨出瀛洲

題江行逆浪圖

既不能爲虛舟不繫隨風濤縱棹洪流輕一毛又不  
能學蘆人漁子牽小舸中瀨橫旋手自操載重行遲  
風更惡船頭自浪如山高一舟牽挽百夫力進寸退  
尺何勞勞多謝勞人非得已忍待徐行亦千里人生  
快意那足恃君不見來舟一瞥帆如羽風利却愁無  
泊處

送沃顯東茂才歸蕭山

邂逅得奇士南從禹穴來論詩窮五際學易綜三才

玉芝堂詩集

卷中

三

遊展吳山近歸橈歲暮催還期春草綠蓬徑爲君開

哭芝山

弱冠升朝列冊府掌羣玉清標潔冰雪勝抱陶卷軸  
一朝墮塵埃阻親案牘側身俗吏中卑栖乖素蓄  
漸萌競進圖隨衆更陸陸豈忘足分所覲脫銜束  
中道逢賞音拂拭能羽翼意氣徒傾人目進詎爲福  
君房自罹憲安仁竟遭戮殉惠迷所守希榮乃招辱  
乘田與士師賢聖有遺躅如何忽斯義援上務欲速  
哀哉金玉躬一誤不可贖

茫茫十年別相思各天涯祇謂川路遙詎期死生乖

存不遊一塗沒不撫爾骸修短誠有期難爲故人懷

況子抱不測憔悴委窮埃嚴霜一以零微軀無全骸  
孤魂飄異鄉零落重我哀念昔少年日結契在金階  
達識祇所滯清言意多諧昔同影與形投分異其儕  
歡娛幾何時逝景不我迴痛哉山陽笛已矣令心摧  
題少司馬彭公戴笠圖已卯

垂組昔所誇豈繡俗相耀誰其棄如屣賢達同難料  
惟公霖梅姿翔步在廊廟珥貂任既崇補衰績方劭

恩賦循陔林察遂高蹈暫辭九棘位且縱五湖棹超

玉芝堂詩集

卷中

古

然塵外襟烟雨坐吟嘯臥起但書琴踪跡蘊畔釣豈  
伊懸車年聊復從所好淵襟誰能窺書手解其妙圖  
此戴笠容易彼影纓貌神鼎疑列仙服古知有道山  
中逢故人應無下車語

得舍弟方虎所寄病中新詩

首夏清和記別時郵筒新句得來遲疎蕪自愧非三  
筆適塵還欣有六詩兩地秋風俱病榻一燈夜雨各  
天涯無因同侍西清直獨立空山詠桂枝

九月十九日將赴湖南夜發

爲有南征約殘秋別故山籬花猶燦燦霜葉漸斑斑



明月隨帆去，長空送雁還。三湘渺何許，萬里碧雲閒。

夜泊葑門訪陳和叔

各抱幽憂阻宿言，經過有便訪南園。棋籬術術無人到，落葉蕭蕭夜叩門。

烟雨樓

耳熟茲樓勝，欣當山後時。波光涵一鏡，雲色釀重陰。城郭餘清意，林亭助遠心。晚來斜照裏，孤艇入烟深。

贈浙江學使寶元訓同年

左坊頻約赴湘溇，獨坐先欣過武林。玉尺各爲當代準，青雲俱托百年心。浮生偶得同堂坐，高論焉知白

玉芝堂詩集

卷中

五

日沈料得天公未，相怪慙容三日聒。雙禽

元調招飲湖上，適少司空錢稼軒同年江西典試還，元調迎送久不見，出獨遊小有天園。

六橋晨赴故人筵，一棹先尋小有天。到處湖光生眼底，有時山勢壓亭前。皇華何事留驄馬，清晝虛勞繫畫船。不見印須誰共賞，自邀雲石與流連。

元調午後出湖上步登

行宮晚飲內湖，秉燭至花神廟。

未就隄邊酌，先瞻湖上宮。深亭圍竹靜，高閣負山雄。已恨三年湖還欣，一飯同夜闌。幽興極秉燭，問花叢。

留餘山居

無多結構自嶙峋，拔地奇峰出有神。未到聽泉飛雨處，入門笑兀便驚人。

龍井寺

晴新事穿築土木未竟

龍井禪堂倚碧岑，勝開靈越自方今。盡疏積土呈山骨，別引芳池入竹陰。異境漸看添曲折，漫遊先已愛

玉輦經行後，撥乳新茶花下斟。

金沙港

半日山遊興未闌，又來湖寺倚危欄。暝陰只欲催人去，殘照還能借客歡。綺閣參差紅樹晚，曲池迴復碧

玉芝堂詩集

卷中

六

波寬淹留若許過，旬日更擬湖光月下看。

贈浙江鹽庫大使席硯農內兄

萍踪不覺十年懸，午款官齋繫客船。解榻便教安枕席，移樽更爲選林泉。書觀文董神明煥，書賞仇唐體勢妍。到此如歸欲忘發，蒲帆日待江邊。

廿年陳迹莫重提，東武塋前恨滿溪。纔素能忘太冲妹，蓬頭真是伯鸞妻。紛紛驟雪三冬絮，爛爛明星五

夜雞萬事追思渾似夢，百壺判取醉如泥。殷勤就別重相攀，汲汲邀歡信宿間。我訪湖山殊未



足君勞簿領幾多閒不辭紅燭消長夜況有黃花破  
客顏誰道一樽容易共片帆明日碧溪綠

將發晨上吳山

城內青山臥榻旁懷愁不到豈相忘高桅未放開寒  
渡捷步先來踏曉霜半嶺宿雲迷艸穴隔林初旭送  
江光此行一仕成三日不爲看山有底忙

別寶元調

三日停梳宿翠巖幾回杯酒得同銜頗緣蠟屐妨揮  
塵又爲乘風促掛帆城上烏栖辭絳帳江頭日落照  
征衫離愁欲似汀洲草一路茸茸不可芟

玉芝堂詩集

卷中

七

七里瀨

富春江似春苔綠山轉江回曲復曲菱空瞰遠雙石  
臺光武故人來濯足雙臺飛落碧江灣隔江雲木擁  
重巒清幽未許纖塵到復與疑從畫裏看我來緣道  
收奇秀溪碧風清滿襟袖永嘉心醉情不經蘭亭對  
面恨難就卽今所見已不同一帆盡日千山中山橫  
水底灘聲急鳴榔欲進還停棹水石喧喧七里間高  
桅候渡如牆立莫苦前途灘更多塵埃伺候又如何  
我亦江潭一漁者一生懷抱付烟波

次蘭溪城外閑侍御胡星岡同年從閩中典試

還昨夜過此悵然有作

昔歲京華送君別雪涕秋風恨倉卒囊空道遠素冠  
歸書來細把重悵咽赴闕君還改牙冠收鋒我已迷  
鷗羣何因惜樂追晴昔只有相思勞夢魂長安遊舊  
多非故歌哭茫茫向誰訴喜君回嶠賦皇華玉尺光  
芒射銀兔我今却指洞庭行君還應自苕溪渡維桑  
各自闕逢迎班荆儻得中途遇誠知邂逅亦須臾猶  
勝平生在岐路迤邐錢唐更富春遲君消息朝還暮  
夜深枕鼓激中流臥聽然疑訝其遽果然然今日向蘭  
溪問道輟軒昨宵去分襟已是十年期把袂應驚兩

玉芝堂詩集

卷中

六

鬢絲參差一宿又相失何處重逢話別離

三衢道中答黃信生

吟遍青崖與碧溪恰如襲美遇天隨爲文幸有江山  
助作客何嫌歲月遲中歲交遊稀舊雨經年愁病斷  
新詩非君廿載忘形者誰爲胸中一吐奇

瑞洪晚步登古塚放歌

郡陽避風停瑞洪無事起走墟里中道惡苦無措足  
處右顧平野趨長松行經沮洳汚吾足拭履賴有荒  
茅叢松身鱗甲成老龍下有荒塚尺土封殘碑斷石  
搜不得路過孰辨誰幽宮時無杯酒醉漠漠但見飛

簾旌營蓬漆園曾誇南而樂生有萬累此不逢栗里  
爲歡感栢下有酒汲汲防尊空一賢所見似相左  
爲三復觀其通平生此處意頗同但恨擾擾知難從  
卽今一舟繫荒岸身雖容與心憧憧行欲速至至欲  
返歲暮萬慮來交攻人生憂多歡樂少兩論須以此  
意衷遠天日落暗林影滿仙獵獵招湖風寒衣淅淅  
歸徑捷千橋尙帶殘霞紅賁糜炊餅一時熟飢卽飽  
噉餘何庸明朝放舟彭蠡去高浪萬頃澆塵胸

滕王閣

滕王高閣章江邊子安一序萬口傳荒基斷址今豈

玉芝堂詩集

卷中

元

是聊以美名存昔賢吾愛其名思一履風橋果向臆  
前倚或云寂寞無足觀初意未然今信矣栖置崇高  
誠莫比洲重渚複羅睺底西山橫拖淡烟裏其餘無  
譏此可喜恨無林壑助幽秀更少亭臺窮壯綺當時  
帝子此讌遊閒房遂館知何似鳴鸞佩玉久灰塵今  
作津亭遊行李喧闐冠蓋開雲愁亂拂帆橋潭影鄰  
始知傳聞多過實世上虛名寧獨此雖然地以人傳  
耳幾多舊蹟荒難理此閣歸然君莫誤

至南昌開湖南學使鄧炳也同年調任廣東途

中先寄此詩

湘江潭潭嶽嶽雄芷若滿洲衡作葉左坊王尺懸璫  
璫欲往就之遠莫從向長婚嫁未許懶跋涉踐期水  
陸重八年離居恨飄蓬欣此一去慰燈螢理棹及秋  
冬遽中千里落盡江南楓飢渴但思旦暮逢百川涓  
涓涸以冬我路九折何山通又聞

新恩移粵東珠江候吏來顧順便慮翩反如驛弓作  
書寄與衡陽鴻語君莫行第從容波溯章江渺難窮  
前路況愁冰雪封夜中輓轡轉我胸縱君能留亦匆  
匆能得幾晨燕笑同江神不助船尾風恨無大翼凌  
遙空

玉芝堂詩集

卷中

三

將軍船

將軍船來炮如雷我夜泊舟猶未來黎明渡口衆擾  
擾紅燈綵幔先安排大官率屬候津館亭午旌旆來  
逶迤須臾前呵入城去騎從絡繹生光輝我亦有興  
造行臺歸途於途出相隨黃昏同向岸頭宿滕王閣  
下連高桅寒江欲枕未成寐夜半忽聞金鼓催帆燈  
殘月輝潭影傍師騶卒相喧壓夜長此曉可百里十  
夫長綽行如飛隣舟續續五更發臥聽水而聲啞伊  
一櫓如山獨不移坐待海日昇東維官尊役衆豈所  
望早行寒士應能爲舟人莫肯雞鳴起空怨風波愁

落單

晨雞

晨雞亂鳴急催曙舟人曉眠意容與達底落雷波面  
霧靜待火輪紅照路船外家家觸聲度去聲帆帆推  
勝近來聲汨汨隨波注驚回鄉夢起相呼船夫船來  
不知數舟子裏如都不顧客今不爲利與名作計何  
須太匆遽官場結習豈未忘日進徒知向前驚莫被  
熈微殘月誤須臾日上村邊樹徐起船頭收臥具日  
高炊飯待飽餐一篙不動還如故前舟已行廿里去  
至醴陵問炳也已赴廣州作此示信生

王芝堂詩集

卷中

三

漫喜浮湘一帆輕故人不爲駐雙旌與君合有溪山  
分又得三句嶺外行

至陸口問知炳也定發途中寄此

問君定先邁我征乃再詣行承歡息肩望非轉愁思  
君胡不我候周爰迎王事我來自故鄉里已三千計  
今欲往就君厥途又將倍人事好乖謬故作此追遞  
容容石廩雲渺渺江濤君旌望已遙我舫尋常繼  
地暖多冬花時淹迨新歲溪山洵可娛徒能亂人意  
夜過湘潭將至長沙先寄方伯許公觀察嚴公  
萍鄉西來二百里陸口長波接湘水可南可北是此

津舟人問我舟何指南去兼旬是桂林灘水端江一  
帆駛故人使節赴番禺昨夜舳艫傳過此我戒舟人  
且莫南却向長沙郡城艤逢萊絳節雖已移臺省遙  
瞻有知已已勞書札幾回待暇涉五旬今當過兩公  
契淵重三年千里馳風向遙歧維藩舊愛滿三吳吾  
泰州民懷轡梯大夫又是丈人自風裁清高罕倫比  
會須冬日就子餘更望龍門謁元禮他年有面安可  
知經過不訪將何俟遠巡憚此信宿程毋乃自貽鄉  
原瓊振枕乘流更北行喜無擊石下灘聲一舟似葉  
湘波瀾兩岸如霜楚月明不作楊朱徒下泣過經岐

王芝堂詩集

卷中

三

路爲交情

至長沙宿留觀察嚴公臺署敬獻長句兼呈方  
伯許公

丈人天下爲規矩出濟時須作仰雨家聲七葉接沙  
堤朝命三州建烏府于張平恕獄無冤陳郭仁矜世  
延祐平生謬誤悅哀駘折輩忘年傾肺腑頃來鄉國  
數周旋百事嫌疑有宗主白公之出吾道孤寂逢  
蒿掩閉戶今年忽作聚糧計言就婚姻南適楚正逢  
旌節蒞此邦書札幾回招杜甫春來胸膈病日增欲  
諾此遊幾不能殘秋強起涉迢迢路到此歲晚冰嶸嶸

又聞吾友使嶺外徑欲追路從之行欲行且住心語  
口龍門咫尺那不登况公念我久行役入境早有與  
條迎來迎往送和恩禮光寵交遊意無已華館先懸  
儒子床清樽更設元王體自惟拙官賸蓬瀛又乏虛  
聲盜鄉里匠石門前笑淚備春申座上慚珠履舊植  
供膳豐常情馬骨酬金真下土坐遣風波失路人改  
觀疑是當途子風波漂泊展淹旬且喜南來得主人  
平章又是舊州伯博愛於我情尤親竹馬吳兒頻猷  
望雪鴻楚路忽趨塵甘棠別作他鄉樹愛日仍同滿  
座春我爲二公留五日浣濯征衣解經帙反玷交游

王芝堂詩集

卷中

三

兩君會飄蓬競慰三年凋吳飲荆艷暖征魂豪竹哀  
絲破蕭瑟明朝日落恨分襟滿目溪山放棹尋碑搜  
衡頂書畫難竹認湘濱淚染林欲知佩德依仁意衡  
嶽湘潭重復深

賈太傅宅

寒洲一碧空千里魚腹孤忠冤不沈洛陽年少左官  
來敬弔先生亦傷已足時漢道方隆平豈比亡荆際  
傾香痛哭千言辨治安客啖九列皆符史記旒旌動色  
佇嘉謨此哭方嬰隆谷倚惜哉絳灌木名臣顧與椒  
蘭分詭恥雖然此事豈其尤止或尼之聊借爾君不

見平津曲學老建侯奉常俗儒尊議禮政言杜谷附  
權門說經匡張阿上指又不見汲居遠郡緣懸直董  
輔驕王見排試考功未試喪君明沙麓將興擯中壘  
有賢不用用不賢古往今來同一軌信知蟬翼重千  
鈞莫嘆鹽車垂兩耳但聞禍福總懸天司命豈當乖  
注擬生才又仙用才時屈厄多方是何理得毋薄視  
繼周者當輔未須知治體移風習道亦何爲刀筆簿  
書斯足矣紆青拖紫日紛紛身後幾曾徒繫爾誰知  
擯落江潭者却使遺榮照千祀城西陳宇新掃除集  
鵬傳開留故址像設戡戡竝左徒正若益蓋護衣履

王芝堂詩集

卷中

詩

竟令卑濕作名都商頰流芳緣兩美吁嗟乎當時志  
願在匡君詎計他年榮井里楚國荒荒失富強漢家  
制作終弁鄴千秋俎豆徒爾爲遺恨茫茫滿江水

登衡嶽宿祝融峯上封寺用昌黎宿嶽寺題門

樓韻

維衡鎮荆秋視公磅礴鬱起蒸湘中連延千里包絡  
遠踰歷百嶺形勢雄我來展眺苦日短斗柄指丑冬  
將窮焚香山足拜靈廟監與直上凌驚風勝業名上  
人導先路山梁茅徑紆迴通凌兢安敢睨旁側掉慄  
但似行虛空忽然日落歸不得瞻依星光趨祝融著

脚不辨路高下何處絕頂瞻神宮上封寺主遠出遊  
十里喜見燈影紅竟能到此因一快事有適然非始  
衷連晨陰霏霧山靈境疑非塵凡躬實升有進更  
無退一決頗與背水同午逢晴暖路不凍緩未愁  
白日終到來回念轉心忤微幸吾欲貪天功休徒安  
寢夜無夢但有殘月相瞻瞻明朝聽鐘須早起欲看  
日出扶桑東

祝融峯上封寺晨起觀日出再用前韻

夜投獄寺逢已公留我臥起重雲中曉乘殘月峯頂  
望拔地萬仞誰爭雄下方一氣白如水決滂接天輪

王芝堂詩集 卷中

不窮登臺望日未出星收月淡天無風扶桑茫茫  
何處是脚底雲氣氤氳通東方忽見赤霞上彩暈幾  
重浮半空近山烟霧亦漸散峯壑隱見晨光融須臾  
火輪熠燿破空起浪波震蕩翻龍宮金光纔現一髮  
細頃刻射眼全輪紅清神正與旭光靜塵雜不得干  
其裏前瞻石室歷級上肅拜神寢趨鞠躬旋與白晝  
下山去暇豫不與來時同重經湖谷驗夷險極勝峯  
嶺迷始終平生登覽此最壯兩日僕僕非無功歸途  
羣山盡歷塊回首峻岳烟朦朧不行松徑不知曉夕  
陽遠送還城東

立春日舍館廣東學使公解作與炳也

背秋理征幘稅茲春已獻姻故就爾居適館授之繁  
自從語默乖踪跡分長遠方耿金門淵詎期珠游而  
君來才淡旬未久離楚旬我亦道長沙追路敢告倦  
俱易未江舫共閱柳山變瀧頭同涉險峽寺各飛翰  
參差十日期庚申遂三換我既久索居君方感孤官  
殊方遇同心把袂愕還忭鬢鬢訝各若筋力問誰健  
僮僕無故識篇翰多未見方悟別時積語皆盈懷歎  
少壯不再來別舊日別散詩人勸樂酒雨雪感集寂  
及爾如兄弟念之意紛亂幸得同堂處復此新歲宴

王芝堂詩集 卷中

三

及展共爲歡視陰復數箭

庚辰新正廣東方伯宋公同觀察來公轉運范

公叅政金公招譙賦謝

廣平方伯蓬瀛仙巨筆欲奪相如椽逢時作舟功濟  
川明都偏荒倚瀛壖蠻蠻外與林扶連藩維寄隆疇  
克肩公膺茲榮益虔虔桐鄉金公舊掌銓出持旌麾  
佐旬宣和氣煦物如春然仰膏山雨流桑田我昔蠲  
行接班聯兩公矯翼相後先萍踪一別殊風烟遠十  
五載近八年自收朝簪謝花磚問見久隔當途緣竭  
來番禺路七千握手話舊情纏綿宛如春明奉周旋

羈心頓破愁城堅况逢新知多俊賢大夫來公馬服  
鮮心事落落無拘牽法平律允多矜全降德妙協皇  
蘇權范公奕葉忠孝傳重金積組朱輪駢鹽鐵贍民  
平買選清節可飲吳隱泉四賢同寅布圖甄羅浮珠  
海仁風扇維時新春風景妍炎州早暖陽和偏旬休  
清暇開芳筵謂我遠來競招延退思堂中羅豆邊金  
匏合奏聲駢闐舞袂按節歌應聲陽阿激楚紛便娟  
庖羞珍錯行荷盞醴醖傾水飛觥船蘭荷華燈光照  
天疑是白日迴庚淵衆賓雍容盡貂蟬福星文曜明  
台躔玳簪珠履何翩翩獨我狐落憐蛇虺野性但知  
玉芝堂詩集 卷中

豐草便謬裏章服學臨公緩肉飭筋不可輟懸問客  
後成尤憊得不取笑樽俎前幸蒙主人潤拘攣解衣  
顏巾苛縛縲但教杯行似流川白露未晞歸莫過桃  
投李報聞詩篇何以永好相銘鐫作歌紀之致卷卷  
題廣東方伯署中連理木呈宋公  
高蔭雙籠政事堂終軍奇木漫相當盤根並作蛟龍  
轡施葉俱成孔翠翔一幹中橫圓理合自固岐擢鮮  
皮香自經芟憩流歌詠便是東園蔽芾棠  
題九曜亭 在廣東學使署中  
參差水石映丹樓勝蹟猶傳古藥洲歲歲高榕換新

綠滿池黃葉舞存流

玉芝堂詩集卷中終

玉芝堂詩集 卷中

美

吳門穆大展局刻字

王芝堂詩集卷下

去秋被

召入都身病親莫不能應

詔紀

恩述懷兼簡京師友人四首

一臥滄江動十春寬恬長荷

聖朝仁忽承鶴板新

恩詔過召螭坳舊侍臣受寵乍驚非素望負病終冀

乞閒身寄聲同日彈冠者莫向津頭待故人

夢逐鷓鴣班亦幾回四年沈痼意全灰盡拋書卷親鍼

王芝堂詩集 卷下

石一任門庭長草萊縱使重來操翰墨可能一得效

涓埃料蒙

聖主矜多病不是明時棄不才

故舊殷勤問索居數行頻勸拂簪裾未知隱几如南

郭只道聯鑣賦子虛別後筋骸增驚緩病來筆研總

生疎十年契闊愁魂夢惻惻空裁叔夜書

伏枕長違日月旁慈親况已鬢如霜弟兄接翼遵雲

路臺省含香綴末行壯盛總堪輸旅力疎遲應許侍

高堂一從雨露霜枯槁戲綵鳴珂盡

寵光

蘇純之入關奉寄政王芥子同年

憶昔螭頭陪豪筆十度春風復秋月久憑時論謬同

推不道休官仍並日我修溫清返江村君抱隨和客

薊門一違丹地多岐路從此論文隔酒樽遙聞再起

承

恩遇

九重刮目凌雲賦玉尺南搜淮海才講熊西出涇原

路江鄉傳說慶遭逢詎敢彈冠學貢公清夢有時還

闕下散材無用合山中不期

鸞輅巡吳會

王芝堂詩集 卷下

沛恩昨歲微閒廢非開蟠木有先容始信併轡本無

外伏枕支離積五春愧蒙青雨潤枯根閒居願遂林

鳥養痼疾難參金馬羣金馬承明多舊侶詩壇酒壚

今誰主榮枯百變十年中欲續前歡無處所當時年

少皆華髮廿載流光真電掣共遊同宴昔尋常事過

追尋恍如失秦吳絕國限河關魂夢相尋語亦難幸

有故人西度隴雙魚萬里問加餐

過孫氏茅亭追感嘉復作此並簡嘉陰

藥欄花徑故依然良友逢迎憶舊年只道蹉跎成數

月那知幽隔遠重泉春風有信催遊屐白日無情感



逝川剩得題鵲單影在人琴遺恨滿亭前

黃信生新葺小齋

曲折無多地經營不日成春風當戶轉斜日到聲明  
守道安環堵攤書抵百城素交容促膝蠻觸底須爭  
送蔣秋涇往山西主平陽請席兼寄太守徐飛

山同年二首

漸老覺交寡如何君復去三載同晤言風月少空度  
豈唯以文會屢獲箴規助良會詎可常預結將乖慮  
將乖愴予懷不道征期遽已恨一水遙況茲千里路  
悠悠向河汾肅肅戒徒御零露滋園菊涼風颯楸樹

玉芝堂詩集

卷下

三

有酒孰同斟獨對碧雲暮

先儒立書院本爲道義敷世降重文辭於道固已後  
先正有遺作辭義要不苟才華非浪騁根柢必淵厚  
如何至今日彌望成根莠剽賊既可憫譎險益增醜  
恐山師道衰非盡學人咎講席如星羅宗工亦時有  
郡邑沿故常隨聲作賢否孰於簿書間能念教爲首  
蔣君淹雅才萬卷在心口常慨俗學荒寧倦博文誘  
負氣恥干俗風塵息奔走空持大匠斤未得運其手  
千里聘名士卓哉平陽守區區致私怨奪我輔仁友

姚功安池上集

三十年前舊友稀一樽還喜共晴暉興來不覺風吹  
帽話久方知露濕衣籬下晚花邀客醉溪頭涼月送  
人歸拒霜開日仍留約如此清秋願莫違

栽菊

幽庭被嚴霜百卉噤其腴叢菊標晚秀燦燦黃金輝  
秋氣顯以潔曦明徹軒幃花日五品瑩采艷相因依  
豈唯色香久兼示靜者機致之東籬下翫以忘朝饑  
讀吳江徐靈胎吳山書石泉記及道德經陰符  
經注傷寒類方醫學源流諸書

涇溪先生今七十白髮飄然身鶴立學通老易貫羣

玉芝堂詩集

卷下

四

言迹混漁樵屏塵雜肘後時懸抱朴方湖上新營輞  
川業吳山山半畫眉泉聞道春來競春錦雲壁雙開  
花藥香珠流三折湍涇急獵舍魚庄近石湖運我扁  
舟踏紅葉我識先生齒方壯十年荏苒成衰狀空撰  
病渴學無成雖脫樊籠神豈王忽枉仙帆訪寂寥且  
留龍輶同疎放羨君筋力尙完堅但恨絕學何人傳  
猶喜著書今略就大都通邑徧蹄筌

贈太倉金佑良員外三首

闕下一分手悠悠十二年豈期今夕會還共故鄉筵  
樹得鄰家蔭洫通郭外泉幽居有閒興簪綬亦堪捐



往者鵷行接壤樂意融非惟競爽似兼訝錫名同  
把臂十年外回頭一夢中原鶴俱折裂老淚滌悲風  
相顧成者又何由復少時君能續似漆我已鬢全絲  
聞有還朝約爲吟招隱詩耕耕如果諾心跡自鳴知  
崇明趙令作海隄護田兩月訖功

並海高防一學齊勢同鯨浪護耕和五旬春揭乘農  
隙百頃潮沙盡稻畦從此如雲興萬鍾笑他刻石立  
三屏若徵史自名渠例請號新隄作趙隄

大司寇嘉興錢公爲齋書朱子小學題詞跋語  
兼蒙內行醇謹之褒感愧交集輒竭庸淺奉獻

玉芝堂詩堂

卷下

五

長句二首

尙書榮遇冠儒臣食祿家居

寵眷頻兩浙東西推大老一湖烟雨作閒人並遊英  
俊歸陶鑄得意文章泣鬼神白髮門生偏有幸退耕  
仍得近清塵

箋素堆牀老愛書行間筋骨壓顏徐慚無左紙供揮  
翰幸有羊裙乞滿裾親示箴規進庸情謬將醇謹獎  
迂疎平生托契緣毫末敢忘

形埶對策初

歲昔以進士廷對公奉  
命讀卷獨賞其書

附東塔寺雪林上人

甲申

一村桑芋水灣環瓶鉢蕭然寄此間松子落時經院  
靜天花雨處石苔斑不離塵市心常定偶寫雲泉意  
自閒他日扁舟泛滄海欲參庭柏叩禪關

德慶堂識集作

舞袖歌衫映畫屏滿堂簪履動文星座中有客偏惻  
悵二十年前憶謝庭

從歸氏借得王履吉大字墨刻

王寵履吉有寄其友人王哲元肅長句字如  
掌大體維真草元肅寶藏其書嘗遇倭寇圖  
籍蕩然而此卷無恙因刻之周氏六梅堂其

玉芝堂詩集

卷下

六

後石爲歸氏所得今聞其家所藏唯斷石二  
行餘爲他姓瓜剖作衣砧藥欄矣余訪歸氏  
斷石所在主人遂以舊藏搨本全卷見示因  
贈此詩履吉嘗居停白雀寺此書蓋其絕筆  
而流俗相承目此書爲白雀寺碑名實乖矣  
十幅吟箋布字寬雅宜絕筆快傳觀仙禽展翅爭軒  
翥古樹交柯總屬蟠昔日兵烽誰保護於今砧礎恣  
摧殘多君借我猶完本要作唐摹宋搨看

贈吳興閔文山孝廉

漂寓同安邑淹留待故人空囊投古寺寒雨對秋晨

吾道寧求飽爲儒例得貧徒懷滿沫意無計潤窮鱗

九月十六日會飲姚功安池上去年九月十五日飲酒於此所

題詩雜在屏風

隔年重醉此池濱適興都忘執事入座半非前度客對花依舊晚秋辰停雲易夕添燈早薄暮微寒喚酒頻回首光陰真電掣素屏題處墨猶新

解郡承從秘府法帖摹得其先學士草書以見惠賦此謝之

學士遺踪世罕存數行草法重璠玞卽今開卷龍蛇動想見揮毫風雨奔異代蒐羅歸秘府一家模範付

王芝堂詩集 卷下 七

雲孫平生謬學紫春蚓慚愧雷門布鼓喧

再奉

恩命許赴京師以疾不行紀恩二首 乙酉

巡駕纔回

異命中

恩光先迫舊詞臣白慙莫展涓埃報敢借蓬山寄病身

七年風患日支離華國無文況自知不是耽閒戀魚鳥要存止足答清時

栢橋巷前輩挽歌辭

月地當年接後塵切慙文雅舊相親歐虞舊則推兼妙陶董風流見替人曾宿高齋聽夜雨每陪春酌醉花晨歡遊歷歷皆陳迹雍露歌殘淚滿巾

食藤花 丙戌

摘向松身露尙新春盤羅列和甘辛十年香案曾爲吏元是餐花嚼藥人

送秦生紫峯歸無錫

偶從故人招局來館茲郡茲郡富文才寡聞慚待問識子未幾旬辭我在今且曾微攻玉效遠此浮萍散殿最毫末間達識諒無歎留無彈鋏遇行有空囊思

王芝堂詩集 卷下 八

貧士易失職能免幾微慚愧非廣廈庇又乏監河潤尙論思古人聊慰窮途憤說秦阻上華屋乃高論事楚寢連敖登壇歎雄鳴豪傑未遭逢坎壈固其分龍蠖無定姿不哂烏能奮况從儒者後貴勉同窮訓於心屏攸求卽事寡尤怨紛吾學虛舟居世好任運忽忽贈斯言廣子以无悶

題趙豹三歷代錢圖 趙名彪詔恭毅公之子

幾年考索見書成文羅雙葉辨證精軼說廣蒐真好古空囊對亦怡情須知廉吏還曾選未必高人竟不名竊比彌明題石鼎如今此物最施行

咏枯槐作芝贈王雲上茂才

委棄牆陰剩朽株  
根要自足豈敢向榮競作干雲  
想誰解蒸芝應瑞圖

冬夜同蔣偶漁侍御在劉相齋中夜話

暖閣香簾坐不喧  
難龍欣此共清言  
青驄門外蕭蕭  
立綠蟻柳中殘  
旋溫水菓亂飛風  
簾穿燈花頻結夜  
黃昏甘辛各有知  
應處特爲知音一細論

得奉清閒計  
舊聞短檠添燭  
殘驢野人恰爲供湖

蟹家味  
還秋設醕芳榜散  
許陪東閣坐  
苦寒欣親上

台文江鄉此會應難得  
蹤跡依然在五雲

三芝堂詩集

卷下

九

始衰

壯心灰盡鬢毛殘  
病逐年增豈一端  
齒在但思摧朽  
易臂枯常覺執盈難  
盤食廢減非關學  
脾肉消亡不爲鞍  
休道百年才得半  
始衰應作甚衰看

題嵇留山先生抱犢圖

先生諱永仁字留山大學士文敏公諱曾筠  
之父今禮部尚書璜之祖無錫諸生也范忠  
貞公承謨總督浙閩先生佐其幕俱殉耿逆  
之難今年冬尙書過訪襄龍城書院見示先  
生遺容戴笠橫鋤抱一臥犢跌坐二女左右

侍一持節者名雲霞一捧卷軸者名烟波乃

謝文侯所畫齊肅於公爲通家子贈仰遺容

風範如接承命題後敢辭短拙

留山先生忠俠骨書生身輕膽如鐵八閩昔佐范忠  
貞維時平南勢猖獗幕中草奏關安危奇功未遂身  
羈縻識同賈傅策淮南憤北清臣抗希烈百端誘脇  
彌確然死耳不爲不義屈官軍怒報克仙霞窮寇知  
亡恣屠戮忠貞授命先生從烈士山來願同日越王  
城下骨相撐千載無慙蕩陰血志大才高惜未伸時  
危那復計全身形毫涸色忠名在烏石崔嵬廟貌新

玉芝堂詩集 卷下 十一

烏石山立廟 忠孝論謀餘慶久報施須知天意厚台鼎  
經綸付後賢清華門第光朝右聞風愧我懦且頑淵  
源忝附通門後齊肅卿試進士內閣學士服膺高節  
久咨嗟恨未同時識山斗偶從尙書接末座出示遺  
容驚拜叩畫者何人是謝彬筆墨清高非俗手當年  
耕讀身事閒遠道中散希神仙遂憑妙手寫抱犢巾  
服滿瀝圖中傳同成添得雙婢娟春風淡蕩花嫣然  
左持玉笛右黃卷休鋤對之微破顏詎羨漢濱空贈  
答聊占崇嶽感纏綿儒生著意防交戰不遣紅粧眼  
中見成仁取義如先生頗怪未能忘婉孌君不聞仲

升擁抱疎勒城睢陽食足妾未烹但令真有英雄氣  
何必都無兒女情

爲常州太守潘我溪同年題雲岡

故人剖符南蘭陵望歷列郡馳廉聲郡門洞開鬱嶂  
峽畫堂三重接雕甍堂西新齋手所營房櫳清閒凡  
屬明花木掩映羅前庭左右圖書照軒楹棧務暫憩  
神懷清或會僚佐娛賓朋曜靈西藏列華鐙看核既  
旅鴈醒傾四座歡洽紛獻饒贊頌輪奐美攸寧君獨  
胡爲心忤忤含憂抱戚如有懷遠想長懷志專凝一  
事耿耿胸中橫明然憑心念生平當年射策揚

王廷志詩集

卷下

七

王廷志謀祿養獲斗升一紆綬緩乘輜幘廿年馳驅  
懷伏冰公事絡繹皆有程高堂晨昏曠不承中欲顧  
私義所縈哀纏風樹咽噍嗚扶服卽路奔見星  
翠華南巡衆務盈大吏臂指藉才英簡書徵還不得  
停回顧頌宮涕霑纓松栢幾時栽兆塋爾來承  
恩凝飛騰受任日淺敢陳情我溪之流玉琮琤太守有別業在桐城北都親在焉前有一青山碧樹意所樂溪太守各之曰我以寓開極之思青山碧樹意所樂  
一身公私難合并乃心西悲目煢煢白雲悠悠情可  
勝梁溪姚生妙丹青點染物色下筆成頰毫更藉丹  
陽丁傳神獨在雙瞻時我嘗書雲侍蓬瀛舊時形質

空緘縈爲君作歌寫此誠祝君他年擁旌旌  
詔歸上冢衣錦行更紀盛事垂谿藤

四月十一日奉送協辦大學士戶部尙書昆陵

劉公新拜吏部起復還朝同楊進塘韻五首刻  
流光彈指一年更鶴首春波忽送行人到離羣皆惘  
惘我銜知己倍縈縈清風滿路隨帆去台曜中宵傍  
斗明未許攀留致私願

聖朝金鼎佇和羹

後塵久矣渺蓬瀛故國何期復送迎學問卽今眞宰  
相起居依舊是書生每成文字先教讀幾度杯觴得

王芝堂詩集

卷下

七

共傾到底會時難似別

新恩已復促遄征

亦知語默難并道崇朝已戒行讀禮慙容違密  
勿斷仁懸待領銓衡山河舊仰文章麗門館重瞻風  
裁清獨恨支離成瓠落五雲回首不勝情

一聞書舫抗行旌心緒渾如三日醒信宿但餘遵渚  
幕餞筵全減對花情疎頑已分辭金冷衰病難期會  
玉京結習未能忘舊業何年重許話深更

祇應清夢逐春明長憶登龍對短檠日覺散人添懶  
慢誤蒙折匠與聲名一年笑語留陳迹三日鈞陶謝

曲成翹首沙隄無限意祝公加飯慰蒼生

王茂才輓歌辭

茂才名陸醒字介祉能爲古今詩歌家貧奔走衣食客遊湖湘年三十四道卒其友毛君寶之欲僕論次其詩行於世又求爲作傳僕十年來諾貴不謂者多矣一吟一詠既非專精加復久病神思衰倦二者均非所堪辭不爲也若以僕於茂才踪跡可記柳南王丈之座早聞名聲難弟雲上之筵曾接談笑今聞零落寧無感槩虞殞之歌詩里之章其來舊

王芝堂詩集

卷下

三

矣可得而言聊綴三絕塞毛君意

李白姚黃句白妍親聞詩老爲流傳十年追憶還如

昨惆悵音塵已索然

王丈東敘嘗與君談牡丹句云相公自進姚黃種姚子偏吟李

自詩今王墓木拱矣

藉藉詩名倚馬才旅魂漂泊亦堪哀夜深風雨湘江

上疑是騷人訪客來

曾同杯酒得從容滿座風生舌有鋒今日談諧更誰

繼一哀莫道涕無從

勸學一首贈黃生漢鋪

黃生漢鋪行年十九籍甚學營顧步軒昂姿

神秀迥異廊廟之瑚璉庭堦之芝蘭者焉家貧孤露時復抱病性本高邁自傷中暇所作詩詞悲感淒怨輒貽此詩用廣其意兼勸進業致其鄭重云爾

生身一爲士千載悲不遇所藉觀詩書聊以永其趣羣經富奇辭歷史貫時務九流及百家一一精理寓通窺而盡知十年等閒度文采既以成窮通我無煩大鑑鑄羣材往往有錯遘曠覽古今事萬變皆備具而我生其間細比蠅蟻數得失亦區區何事成忿怒家貧士之常學貧古所慮願子養病暇時復御細素

王芝堂詩集

卷下

南

博聞既可尙平心亦有助參力年少時白日不留駐

漢鋪以長句述余衡山舊遊賦示

黃生落落人如玉志氣軒昂骨不俗人間百事付疎慵獨把殘編自歌哭生來寤寐愛青山但恨郡郭無烟髮今春忽過銅官下躡步直上仇忘餐香飄襟袖松林遠身逐烟霞屐齒閒我曾夜半登衡岳曉看燭龍銜若木偶因夜話述前遊新句朝來已見我孤懷本與猿鶴近清境忽從烟墨收千尋翠壁星辰接一片紅霞海面浮危崖激澗身未到奇情會意窮冥搜妙年才氣今如此令我咨嗟意無已更教萬卷游辭

源黃河豈是人間水莫歎鵬鵬猶未變此才會向蓬  
山見王粲山來悲體羸陳平終不長貧賤吾今衰  
日星星無復登高作賦情讀書事業遊山興一併殷  
勤付後生

和漢鏞對鏡行

對鏡行哀日苦重稚孤貧少侍侶偏親織作伴書燈  
隻影嫺嫺行踽踽一身寥落已自憐况復疾疾來相  
纏旁人盡道太消瘦對鏡自驚非去年少年意氣爭  
雄壯鵬鵬欲出青雲上多病多愁乖宿心長夜幽吟  
獨惆悵對鏡行怨且悲勸君自寬莫傷懷勸君自強  
玉芝堂詩集 卷下 五

莫摧頽功名富貴真外物前言往行皆吾師輕狂愼  
戒少年習沉靜更於養病宜羣居飽食可無事檢素  
對書聊自怡優柔饜飫將有得怨尤憂患夫何爲愛  
君本是金玉質苦口願陳藥石詞年華一過豈可得  
四五十須臾期此時對鏡頭如雪少壯踈跂悔已  
遲

寄王芥子同年

故人分陝佐旬宣書札頻勞問手編只道買驢能作  
參豈知捫井久無泉文章商榷三千里樽酒聯邊十  
七年未惜勤封勸餐字秦吳絕國思綿綿

袁隨園前輩過訪

講堂白晝鎖重門忽枉仙旄語笑喧車馬經過綠故  
舊樵蘇不甕只清言七年風月相思積卅載金蘭古  
道存一得漫勞垂下問須知此事久推袁

論文自厭太迂疎邂逅高軒意豁如海畔何須種菰  
蕪豚蹄堪笑望籌車識塗幸有軍中馬樂事真同濠  
上魚悅魄蛾眉詎同貌與君相視一軒渠

徘徊知從騷雅來長篇讀罷重低徊送人歲暮愁江  
樹哭妹春風訴谷雅別酒闌珊歸騎急芳魂漂泊在  
原哀世間不少傷情處寫出迴腸別有才

玉芝堂詩集

卷下

夫

銜杯誰共接殷勤隱隱清歌兩岸聞車子轉喉悽座  
客越人鼓柁散波紋新詞解唱龍標句慢曲閒消白  
傅醺却恨蒲帆不相待未教滿耳聽穿雲

送黃生漢鏞往徽州

無計留君住相思獨黯然柳條春色裏帆影夕陽邊  
驚急長灘響蒼茫野渡烟江山何限好極目恨綿綿  
誰道新知樂翻成遠道悲二年時未久千里會難期  
往復憑書疏寒溫隔路岐平生慣傷別添得鬢邊絲  
起子推英妙依人作遠行非非芳草節脈脈異鄉情  
書劍空囊壯溪山旅眺清無因重攜手相送一露纓

聞道新安郡儀型大雅存元暉窻裏岫北海座中尊  
爾去投知己吾衰念及門空堂雙樹老風雨怕離魂  
四月初十日夢中篇

曉風吹夢夢汝髮髮辰負氣人方嫉懷嫌我亦嘆  
聞聲趨視遠輟食抱持親寂寂殘更盡含酸在析薪  
題陳氏亦園

陳氏有別業其名爲亦園三復命名意若有不足然  
想當經始時結構早可觀基址必開曠位置皆清妍  
錫名表崇厯自足侈當年何其謙而卑不肯居人先  
世人尙夸飾榮名以自尊覆篋成峯嶂已若登泰山

玉芝堂詩集

卷下

七

疏泉注廣池便謂江湖寬臺館盡蓬壺村舍皆桃源  
冀九比隋珠鉛刀慕龍淵虛盈而約泰稱實良所難  
主人曰陋矣吾則無取焉晨夕恣便仰聊以適目前  
公西志小相子荆願苟完此亦一國耳何必爲大言  
雖無金谷麗林沼亦足盤雖無蘭亭兩觴詠亦足歡  
魚鳥盡相狎亦不羨輞川樹石盡所愛亦不企平泉  
觀其命斯名乃知主人賢至今歷三代增飾非一端  
上以奉蒸嘗於此羞豆邊下以穀孫子於此習誦弦  
儔守前人志稱謂無改遷惻惻遺讓意世世以相傳  
送常州太守潘公新除浙江寧紹台道

原缺

廟堂之文發源三代詩書所載雲漢爲章其弗可及  
已漢代相如子雲孟堅之徒推波助瀾揚葩吐芬往  
往文勝而質衰諷一而勸百然其善者類能宣上德  
通下情不遠乎曲謨雅頌之旨故是貴也自茲以往  
風氣代變晉宋之際骨幹尙存齊梁而下綺靡日甚  
至于李唐並推燕許爲能以博大之氣撫富麗之辭  
光華炳然雄視一世後之作者互有師承八家代興  
諸體漸廢我

朝文教跨越前古騰芳藝林擅聲館閣者多矣而吾  
獨有味乎荀慈之文也其論古人有云於綺藻豐縟  
玉芝堂文集 跋

之中存簡質清剛之制觀其所作誠踐斯言蓋不失  
實鍊不傷雅洵足上追李唐遠攀晉宋者歟荀慈文  
六卷詩三卷總名玉芝堂集其同年生王芥子許爲  
之序矣然余未及見也故表而出之以爲學者法焉  
溪同學弟彭啟豐跋

玉芝堂集九卷

江蘇巡撫  
採進本

國朝邵齊燾撰齊燾字荀慈昭文人乾隆壬戌進士官翰林院編修是集凡詩三卷文六卷乃其晚年所自定詩文皆不分體大抵駢偶之作爲多爲四六之文者陳維崧一派以清麗爲宗其弊也庸廓吳綺一派以秀潤爲宗其弊也甜熟章藻功一派以工切細巧爲宗其弊也刻鏤纖小齊燾欲矯三家之失故所作以氣格排異色澤斑駁爲宗以自拔於蹊徑而斧痕則尙未渾化也



凝齋先生遺集十卷末一卷

〔清〕陳道撰

福建省圖書館藏清乾隆刻本

附《四庫全書總目·凝齋遺集

八卷》提要

序

凝齋少從廣昌黃崧甫學古文因好治宋以來  
論道者之書蓋道之難明久矣游夏顧孫同門  
相議荀况氏非思孟而呂步舒至詆其師書大  
愚若此皆大儒也去聖未遠或親承緒論猶不  
能合況後世之紛紛乎宋儒自謂得不傳之學  
而後世尤宗建安之書然建安學出程氏而編  
議其門人同時獨于廣漢無貶耳他若金華金  
谿皆有微論推其明道之心不嫌自異豈惡人

凝齋先生遺集

朱序

一

之異已哉乃世皆以姚江不同建安爲訾何也  
昔蘇軾氏以彌望黃茅白葦議王氏之同學建  
安者得無類是凝齋論學以廣思集益爲要於  
前賢之言意無專主惟擇善者從之此與公毅  
左氏同立學官五經兼用漢宋注者皆爲與遇  
而廢寧過而存旁求無方之至意可謂篤信聖  
人善躬自厚不爭不黨之君子矣崧甫之文峭  
岸凝齋易以平直雍容質實尤得載道之體茲  
合其所著書序雜著傳誌行狀祭文若干首爲

幾卷外詩二卷觸事興懷亦足以知其意之所  
存凝齋陳氏諱道字紹洙江西新城人乾隆戊  
辰進士後以子守誠貴

恩贈中憲大夫其行身大畧已見于藏誌墓碑茲不  
著乾隆二十七年季夏灘川年眷弟朱仕琇撰

凝齋先生遺集

朱序

二

序

同邑陳凝齋進士以沉篤之姿攻舉子業初爲國子  
生肄業太學獲交當代賢士夫聆其緒論讀書兼攻  
詩古文辭不專習舉業其學尤重躬行不專尚文藝  
旣登賢書成進士以兩尊人年高鮮兄弟遂侍養不  
出爲人恬淡寡欲家素封而服食器用無美惡精粗  
處之如一嘗僑居會城旦晝酬接賓客卽事爲學客  
退卽讀書晚則篝燈展卷坐默凝思漏下數箭不止  
夫澹於嗜好而又能沉毅以守之其於學必力其於

凝齋先生遺集

黃序

一

文也必能深入其阻而究極夫所以然乃年止中壽  
未克竟其志所願學而於文亦未暇盡發其學之所  
能言也然文雖不多皆醇慤而足於理讀者因文以  
攷人則人亦可見凝齋之卒予以淡泊寧靜四字額  
其靈幃致嘆惋蓋淡泊之志凝齋所已明其寧靜足  
以致遠則人尚未知而凝齋所可至而惜乎未克竟  
所願也均於其文覘之矣嗣子金衢觀察兄弟刻其  
遺文屬余序凝齋捷禮闈出予門人宮問卿樸庭之  
門有師友淵源之誼故序其文兼約舉其行事不以

華以實庶幾言之可信云乾隆壬午孟秋中浣年通  
家眷侍生黃祐拜譔

凝齋先生遺集

黃序

二

序

自世之論學者分道學經濟二之於是有道學  
之文有經濟之文一本分岐而體用裂夫經者  
經也常道也經未有不濟蓋經濟卽道學道而  
經濟備矣陳子凝齋讀有用之書尤沉潛性命  
壯遊吾師崧甫黃先生門有得於程子自私則  
不能以有爲爲應迹語益研精定性書自是雖  
車馬風塵勞攘事已輒收視返聽內觀凝然久  
之更網羅元明諸儒皆能自得先生謂可與適  
道而先生官刑曹每當繁劇凝齋從容佐辦並  
有條理及啣

凝齋先生遺集

涂序

一

命江南讞獄獄先生必命之從則道學之效也其居  
家佐前人義舉訓嗣君分巡浙東諸所設施尤  
非經生迂誕者敢望故其發爲文章也說理則  
徵事言事則根理內外體用學無分功文亦無  
二致顧嘗欲閉戶十年以大成其所學又欲更  
作文以發胸中之蘊未逮今所遺文僅若干首  
然其爲有體有用之學則固可按而得矣予與

凝齋同門相與切劘者幾二十年而自顧所學  
不逮遠甚序以誌愧亦幸師門之尚有人焉云  
爾同門學弟涂瑞謹撰

凝齋先生遺集

涂序

二

凝齋先生遺集編次凡例

先生生平學宗宋儒不汲汲文詞有作亦或隨手散  
去故所存無多今諸孤檢其遺篋得若干首又從其  
生平諸遊舊處檢得若干首合之凡六十一首諸體  
不無牽率酬應之作然其立言必思有補於世其諸  
師友往反書問披宣衷曲商論學術一出至誠語無  
泛設尤足見其根抵謹依先儒書例編書簡爲第一  
卷

昌黎集論議解辨雜說以及讀儀禮讀荀等篇俱以  
凝齋先生遺集

凡例

一

雜著統之以爲其所著之書也先生生平有志著書  
而未逮然讀書有觸與夫朋友講習之餘心有所得  
者往往見之於文惜其散佚者多矣今僅存十首亦  
以雜著統之爲第二卷

表章先哲遺書先生之志也嘗欲輯成江西文統一  
書而網羅未遍往年曾與築野涂先生同刻二三種  
後又燬於火今其序尚存羅文恭逸稿序程山文集  
序是也合之時賢集序贈送壽序共得二十二首記  
一首附焉爲三卷

先生嘗言吾知學自見靜山先生始與人言及學問未嘗不舉靜山先生之所言者其爲靜山先生行狀凡數易稿而後定曰吾此文未成日見吾師於夢蓋精誠專一之至也其後病亟時復夢靜山先生若將往從之金山者蓋靜山先生守鎮江日常爲先生假館金山招其往學未能赴先生常以爲憾也已而淒然曰吾久不見吾師於夢今夢若此其不久乎而先生竟卒矣行狀之作其師門之淵源存焉與家狀並列爲第四卷

凝齋先生遺集

凡例

二

傳誌墓文先生不輕作間亦不得已而作者然所存特少僅各得一首祭文二首足考見其師友之情也爲第五卷

先生居家一言一動以身教其所以教後嗣者至矣加詳焉而有訓蓋其慮之長也官戒蓋爲長嗣觀察作者其胸中蘊畜亦頗可見祭田爲封公設卽推以贈族人又可見其仁孝之思矣立學田而示以規欲使子子孫孫相勉以正學尤其慮之周也爲第六卷

先生於詩非所好然車馬風塵之間每有作焉友朋贈答閑居詠懷亦所不廢所謂感物而動一性之流露也以古今體分爲七卷八卷

先生壯歲以前專力攻制舉業刻意爲江右前輩之文及遊靜山先生之門於是沈潛儒先之旨期於自得其爲舉業一以發揮義理爲主時或緯以史事旁推交通而識議乃益闡放矣故其生平舉業約有二種其篇幅謹嚴者皆壯歲以前之文也其言理徵事爲暢明切者則壯歲以後之文也近日古今文分爲

凝齋先生遺集

凡例

三

二途築野先生云本一事也宜合之前輩素堂黃先生亦云然故以九卷十卷終焉

昔賢集末必載墓碑誌銘哀誄之文所以遺後之人誦其言而知其人以爲尚友之資也先生之文不足以盡先生欲考其行將於碑誌乎有徵其爲之者皆君子也與諸嗣所爲行述附列卷末

有凡爲編次之例如此仕驥非能於先生之學有所得然承其長嗣觀察以其習之久而嘗與聞緒論也命使爲之故不辭而引其說於端門下生魯仕驥謹

識

凝齋先生遺集

凡例

目

凝齋先生遺集總目

卷一

書十八首

卷二

雜著十首

卷三

序十五首

贈送序六首

壽序二首

凝齋先生遺集

總目

記一首

卷四

行狀三首

卷五

傳一首

墓誌一首

墓表一首

祭文二首

卷六

家訓	官戒	祭田序	學田議	卷七	古體詩三十四首	卷八	今體詩二十七首	卷九	凝齋先生遺集	總目	制義二十二篇	卷十	制義二十五篇	卷末附	墓誌銘	墓表	哀辭	行述
									二									

凝齋先生遺集卷一目錄	書十八首	與黃崧甫先生書	復崧甫先生書	復崧甫先生書	與涂築野書	與涂詡菴書	與涂詡菴書	答涂詡菴書	凝齋先生遺集	目錄	與祝人齋書	與祝人齋書	與雷翠庭先生書	復雷翠庭先生書	與熊心垣書	與魯厚齋書	與千企周同年書	與賴晝亭同年書	答朱梅崖同年書
									一										

謝朱梅崖同年書

凝齋先生遺集

目錄

11

寄黃崧甫先生書

春夏兩致稟函未識曾否得達左右。清秋風月日佳。此身羈繫不能趨侍。函丈承教詔祇增惶懼。道自三月後日從通考稗編諸書。叅稽前代典制。似於世變得失少見明白。然素習鹵莽不耐心細索。過時尋思遂已得前忘後。惟早晚讀儒先書間或歌古詩數章。心神頗爲爽豁。要是心隨境轉主宰無定靜中涵養。

凝齋先生遺集

卷一

**—**

工夫全未得着手處。似此泛逐。恐終淪棄。六月前苦  
多滯悶。固緣家事紛冗。無緒觸目不安。亦由緬于念  
懷憂患。使然近雖稍知省悟。終屬勉強排遣。未能洒  
脫。無滯累也。鄙衷瑣屑。無足告語。輒復覲縷上陳。冀  
夫子知其病憊而藥之耳。比來純養深功。德政旁達。  
並所願聞。便風幸見示知。無任離思。北望神馳。草草  
附便不莊。



復崧甫先生書

九月五日接示書及分致各函一一送到伏蒙垂念病體近服藥見效漸平復總由元氣不固不禁發洩故生病常在夏間入秋飲靜遂爾安帖道之身病固然而心病殆有甚者根器淺薄事理入手不能即明澈又不肯耐煩細察思路不熟見處只依稀恍惚易爲搖動大綱維雖努力撐拄其間節目窳曲便自僥倖過去幸未入場做事失錯處未甚闕碍然一向恃此學問終無得力時矣自念精力漸減家事塵穢讀凝齋先生遺集卷一書二書

書難得整頓工夫惟廓清此心平日偏私習氣逐漸洗剔使於紛擾煩冗中能自主宰不爲牽引墜累事去亦無復凝滯日久或於事理稍熟耳望吾師不厭詳示一月之約道所深願特遊子長途倚閭繫望未便如許稽延正月公務稍暇當坐春風十日謹齋過署近事當已悉冬寒伏惟珍攝興居無任依仰

復崧甫先生書

客冬接手書擬三春旋里趨侍在即故不後奉稟今得二月來函尚爾留滯人情如斯難測惟吾師能安恬處之便洒然無累然亦難矣道素未經挫折稍拂抑便形滯悶益知安命之非易也道家事殊難就理才力短淺雖家庭密邇莫獲展施今且耐心徐圖冀幸得大段收局而神消力耗此中間廢工夫不少首春當道延訪經術之士涂丈于岸及道並見物色到南昌促令往見卽以親老面辭蓋自審志學無成虛長浮名祇自害耳涂丈亦以病歸然特謂道不當久作居家計與其在零雜中虛費精神不如出去可隨分自盡此意道不謂然舍奉養實事而圖不可必之事縱令才足有爲已屬非理况迂鈍不堪應世耶敬質吾師是否裁示年來訪求同志頗切卒少遇近各郡招致人士行誼雖未能周知而論議氣象間總未見具大本原者豈生材固吝耶抑師友道失耶念此殊堪悵歎接引培植不得不恃吾師相見何時引領望之

凝齋先生遺集卷一書三

與涂築野書

奉教自具安宅自創基業爲荒怠者頂門一針敢不拜嘉元夕後心稍清曠回念數年間所擾擾者皆爲一朝之患起見而於終身之憂反遂棄置輕重失衡幾於迷復今當力加懲創以副厚望前明講學者輒以一二言爲宗旨黨同攻異紛紛騰口舌而良知之門尤甚良知之說非不足以教人然以之救書蠹攻訓詁則有起死回生之功而槩施于浮情鹵莽者適以長其縱恣自是侮聖無稽之習念菴深創此弊就其凝齋先生遺集

卷一 書 四

說而維持匡救之其心甚苦其功甚大蓋念菴之功專精能出險祛蔽故其言論皆懇切爽朗雖有過求元妙處亦能徹底透露不少蒙翳視明水殆有過之無不及也明水集中平實語不少獨與雙江念菴攻刺寂感語多滯泥而其自爲功處亦未見真切肯綮語意恍惚大段爲工夫卽本體一言所蔽來論謂念菴爲陽明藥石誠是明水補救念菴處鄙人竊有未喻意以歸寂爲偏藉明水救之乎夫念菴之主靜乃所以慎動其言曰絕感之寂非真寂離寂之感非

真感又曰酬酢萬變而於寂者未嘗有碍聲臭俱泯而於感者未嘗有息此豈分動靜爲功者明水懼人之守寂無以妙感遂謂人心恒動無未發時猶以躬行爲要遂謂卽行爲知皆因噎廢食之論意將矯弊而適啟人爭辨也問途之人雖得路程本子知所向往其間險夷曲折非親履時不悉妄意揣度是否幸不靳教

涂詡菴曰按明水答念菴辛亥一書引朱子大極之有動靜卽天命之流行靜亦謂之流行則人心凝齋先生遺集

卷一 書 五

恒動似亦足以自明其旨而念菴動靜互看道理固自圓足吾兄旣于念菴有契正延平所謂與心會處便是正理他有不合可置勿問予向與凝齋札云爾附識于此

與涂詡菴書

荷承教詔。切中膏肓。非吾兄關愛二十分。誰爲鍼砭。到此弟雖固陋。敢不努力以副盛心。然內外合一。煞實難到。弟困衡已久。屢自創艾。而未有得手處。其故仍是內不足耳。內足者。神清志定。遇事闕開。節解旁行。無滯此中。廓然若無事者。又何事之足累。弟學力未克資性復拙。當前旣多游移。事後輒生追悔。閒中檢察。觸處皆荆棘。恨不得超脫局外。冀圖偷安。所謂不能操舟而嫌溪曲。思之殊堪發哂。然亦有難言者。凝齋先生遺集 卷一 書 六

蘊利生孽。古今成敗昭然。弟家頗受此累。不及時轉計。行且日甚。省會尤四面受敵之所。卽決意收歛。絕口不與人爭利。猶虞其他。况復未然。誨盜招怨。損智益愚。種種情形。終日在耳邊目下。安得不悶。安得不懼。且職業有定。口談問學。而日與市人嘍嘍爭利。不特非其所能。卽能亦復何堪。然老親在此。無人分任。不敢不向前承當。強顏含羞。如坐塗泥中。無計解脫。而抑鬱孤衷。又不得發露。貽憾高堂。所爲日夜焦思。如醉如噎。數年來大都似此。今尤切耳。荷兄眷念。覩

縷至此。不勝慙悞。其有解懸善劑。更乞垂示。常州師久無音信。大世兄不知曾否復去。丁僕計程當回。信到幸卽見寄。比日涼爽。近履安嘉。臨穎無任馳溯。

凝齋先生遺集 卷一 書

與涂訥菴書

接吾兄手書。慰甚。相別半歲。尚不獲南旋。終日爲雜俗。奔忙。苦惱。實甚。入秋後。賤體乃得復常。逐日檢點所學。毫未得力。放心不收。隨事僦侗過去。思之不禁汗下。吾兄齋居有常。功力日進。旋時當以教我。常州師近日屢有信到。春初想得隨侍。吾輩今日總當併力。身心爲斯道。延一綫之緒。然非踴躍勇進來。易承當。于兄造詣益深。離懷種種。未及作札致候。希爲此道。便中附此。不備。

凝齋先生遺集

卷一書

八

復訥菴書

弟壯歲知學。于今二十年。猶是空知。解撐持爲身。爲世。毫無實際。辱念賤齒。錫以鴻文。獎借非所敢承。而日征月邁。之教且追及。師訓讀之使道通。身汗下。年來塵中錯磨。不無少得。而汨沒初心。處亦復不少。家計粗定。向後或得假手。歸理舊業。正藉吾兄爲之鞭策也。謹佩德教。厚儀。令小兒敬壁。

凝齋先生遺集

卷一書

九

與祝人齋書

正月四日奉書。倉卒未盡所懷。竊意聖道大而無方。孔門諸賢如卜氏言氏仲氏端木顓孫並因其所造。以爲淺深。當時論議不無同異。幸得至聖爲依歸。長善。抹失。故皆不失爲聖人之徒。後世若邵氏陸氏以及陽明諸家論學。揆之洛閩。信有偏矣。然亦未嘗無補。救處學者幸生其後。博觀慎取。以盡集思之道。可矣。遲執一說。分別彼此。俱其或隘也。鄙意欲將諸賢之書。擇其善者要者。各爲一冊。苦力不專。心不細。決擇未敢自信。而朱集浩繁。猶難別白。前書所謂煩複雜冗。乃編集者之過。非敢妄議先賢也。如同一論說。彼此前後小有差異。而其意同者。卽擇其簡括者。畱之餘。可無贅云爾。來教謂語類中記說多誤。誠然。但云竟直改之。不知是取証他說。附註以志疑乎。抑直以己意改之。如以己意改之。滋後人之口。寔不如節取簡要。存其本語之爲得也。荷吾兄教愛。不嫌鄙陋。直陳就正。不當無靳往復。

凝齋先生遺集

卷一 書

十

與祝人齋書

濶別歲餘。令弟暨吳元至。開緘拜讀。恍如面晤。詢悉道履佳勝。內外安吉。不勝浣慰。館中聚書既多。又得好友同堂。講論其樂無極。恨不能一往分甘耳。注經貴簡括通貫。忌盡忌雜。然非搜羅衆說。萃會採擇。不能得歸要約。或能約亦是一家偏論。而非集成之義。程子所謂身坐堂上。辨堂下人是非曲直。惟吾兄足以當之。要亦須防堂下人強詞奪聽也。三書綱領條例。何似早爲寄示。去冬以翠庭雷公召命。擬今秋偷暇一往。後接信。幕中人多。且承見諒。遂不復作出門計。涂敝姻歸。又有字相招。甚急。見在圖一人代行。然甚難得。聞簡菴篤敬不怠。仰企不獲。一近尤儀學幕中。無掌總者。主人殊勞瘁。臘間不可不一往。弟數年酬接俗務。頗慣習不厭苦。特才本滯拙。當幾應付不能。周詳應對。間亦多不明晰處。事過旋生悔恨。填塞胸臆。莫能自遣。固由主宰未一。昏塞眩亂所致。抑亦資性鈍力。不能克荷。吾兄指示。敢不奮勉。但廣大四語。豈容易到迂疎之才。自分只堪閉戶藏拙。而境地

凝齋先生遺集

卷一 書

士

所處萬萬不能偷安。用違其質。強作鮮事。其不至傾仆招尤幸矣。吾兄舉子之期。當不遠。早聞喜信。爲慰。涂榮兄六月已旋杜門讀書。友朋中甚爲難得者。便中并及。

與雷翠庭先生書

接讀手書。歡忭無任。閣下德養冲和。爲不世出之人。師今出而羽儀兩浙。簡在得人。不獨遂迎養之情而已。然於此益見寵渥。報稱益不易矣。某夙承知愛。不須召命。固當負篋從遊。適家慈抱恙。侍奉湯藥。驚悸不遑。今已托庇痊可。而元氣未周。正須調養扶持。故致方命。且桓園二兼暨做姻于岸先後來集。幕中不慮無人。某不能趨侍。敬陳愚妄之見。以供採擇。近日士不難於少。而難於實。大約文盛之地。習俗漸薄。凝齋先生遺集卷一 書 十三

非大加整頓。不可。至若樸陋之所。本質尚存。擇其秀者而變化之。當易爲力。然須教官得人。乃可承宣。今之學博。能爲人師者固少。而其勢實不足以有爲。竊意各郡縣山長。延訪各儒。久居其間。當道實心敬禮。亦庶幾小補焉。舉優亦獎勵中一事。教官平時漫不留心。視爲具文。上稍重。或且因緣爲利矣。郡縣又若無與已事。雖訪之。乍難得實。要亦未可槩疑也。但令所舉之人。必臚列事實。及有無著述。從此博訪細察。庶幾得一二端方者爲士行倡。課文雖末務。藉此亦

可爲觀察之助。特非按臨時一日面試可猝定也。擬  
每季通行一課。古今雜文題並出。責令教官傳集考  
試。按季解投。其中不無倩代情弊。姑且聽之。但憑文  
選取。按臨日先傳所取生童面覆。與之坐論。觀其氣  
象。語言加以傳訪。素行彼此。泰合求之。未必不拔十  
得五也。遇有代作之文。果識議超出。不妨根究其人。  
延而禮之。亦推廣旁求之意。而僞者益知愧矣。近年  
學政多務寬大。諸生以苟容爲悅。嘗記往時前輩遇  
歲考。輒戰慄不自安。極因循者亦閉戶數月。今則泄  
擬齋先生遺集 卷一 書 十四

泄。然若甚暇裕者。邇來錄科稍嚴。急科名者遂不敢  
不整理。可知姑息之恩。使人苟安頽惰。非愛人以德  
之意。然沿習既久。稍加振厲。輒生詫異。惟有德者能  
使裁成真意。孚信於人。然後可振頽風。亦須勤發曉  
諭。三令五申。使各教官警戒諸生。庶無慢令之議也。  
資。賸之見。極知無當。惟閣下不棄土壤。故覩縷及此。  
臨書無任馳仰。

復雷翠庭先生書

前五月接讀示書及頒行條約。卽今法中。揭示古學  
者之道。士誠能奉教無怠。智愚並可裁成。仰見循循  
善誘。中正簡易。使人樂從至意。簡菴先生耄年篤敬  
不獲一親光儀。涂敝姻素不出門。今一出獲侍大賢  
且與數君子。日夕周旋。其受益必多。他時歸里。道得  
竊聞緒論。亦厚幸也。道困於雜俗。極欲出遊。稍滌塵  
心。如禽飛無翼。何老親雖荷庇粗安。誼不當遠離。終  
日紛拏。好日子皆被閒冗。錯過虛度年華。漸至見過  
擬齋先生遺集 卷一 書 十五

掩面包羞。無可爲計。敝姻處必具悉鄙況。祈不靳救。  
藥爲幸。黃世兄不當遠出。誠如尊論。已寄字奉達。山  
長缺少。亦緣近時以此應貧居者之請。若計度無忝  
師道。則亦難乎其入。且恐以師道自處者。又難久居  
也。轉移風勸。惟閣下是望。南薰晝永。惟道履休嘉。太  
夫人萬福。闔閭多慶。

與熊心垣書

去春惠教尊著讀之躍然敬企奉命轉寄涂倣如意其有論說爲報而其病未痊不及論訂屬致欽仰之意云弟遂遲遲未卽繳歸欲俟胸次澄定細釋精蘊以副教愛盛心而冗雜牽係無寧暑致尊冊久稽罪甚愧甚道私心嘗謂聖道大而無方別門戶以求之非私則隘論前世諸大儒當先觀其行而後擇其言行苟正矣言卽稍偏亦無害其爲賢者吾擇其善而從焉可也顧不惟其善之從而專摘其瑕疵以相詬

凝齋先生遺集

卷一書

十六

厲以滋口舌豈闕疑慎言之道尊著所謂古人體道以身今人講學以口誠篤論也所議陸王得失銖兩悉稱無絲毫偏倚緯餘篇中思深慮遠斟酌古今確然可見施行非徒純性定不克至此竊有疑者訓說性理一二條尚費揣摩未爲自得中語冀裁定以嘉來學夫心性隱微可由心悟未易言傳前明講學者喜言高妙辨極毫芒析愈精而說愈紛於已於人究無裨益夫子一貫之言微矣至矣而曾子語門人祇在忠恕顏子既言如立卓爾又曰欲從末由其旨亦

元妙矣而明其功力乃在博文約禮嗚呼是二賢者豈不能談說高妙其見道也真慮患也深故其旨愈遠而言愈近道學植淺陋又混迹泥塗此事不敢開口向人感長者厚意而鄙見又多契合尊著者故不禁妄發藉此就正幸有以教之尊恙久不愈懸懸在念而未敢以片紙候問干擾靜養春融伏冀道履冲和善加珍攝無任禱祝

凝齋先生遺集

卷一書

十七



與魯厚畬書

索居抱悶。感觸萬端。靜念此身。日在沉霧中。泯泯梵  
芬。何能有爲。將欲脫身事外。又屬非理。倘得此心如  
止水。不妨隨地迎紅塵。此大賢事也。弟何敢望。坐此  
益增慨歎。良友久踈。如何。如何。前聞尊體抱恙。急欲  
候問。而未有暇。然心甚懸懸。弟素不耐病。然病後回  
思。覺妄念消除。較平時。憧憧似更惺覺。則病亦不爲  
無助。吾兄驗之然否。適接信。知已全安。喜甚。尚冀加  
意調養。令心神寧。一心寧。則血氣自舒。而身安。養德  
養身。原無二致。萬萬自愛。

凝齋先生遺集

卷一 書

六

與千企周同年書

濶別歲餘。音候踈隔。幸知我不以爲過。門長滋官半  
載矣。四境以內。風土利病。瞭然在目。一切措注。規模  
具有成謀。且將見之施設。道遠何由一觀。善治也。竊  
意。今時民自謀生。士自爲學。古所云教養者。無能措  
手。惟寬靜和輯。無擾其自生之路。而聽訟明決。懲惡  
長善。不失弼教之意。云爾。然欲盡此道。不專在案牘  
間。而在整一堂階以內之人心。自僚屬幕友。以及吏  
胥。徒卒。無能欺枉。而又樂爲我用。則四境之事。不足  
爲觀法。幸甚。

凝齋先生遺集

卷一 書

六

與賴晝同年書

聞吾兄主講肝江甚喜。師道至難盡。近世人不講師友之誼。固未知所以爲學者。必由師友。亦由爲師友者。不盡師道。泛泛然與之遊處。彼皆曰如是而已。而何師爲。記曰。師嚴然後道尊。夫所謂嚴者。非峻其丰采。高其門牆之謂。要在律躬以道。接人以禮。使人可親。而不可犯。夫子繫易曰。威如之吉。反身之謂也。學規宜肅。講習宜勤。課文無工拙。均次逐一批其病。缺開陳肝術。懸賞格。分等第。皆起人爭心。能與當事商。凝齋先生遺集 卷一 書 主

確。一切破去。成例爲妙。或未能。則虛中無執。因其文而次第之。使在學者。昭然知其明且公也。近人每視書院爲釣名之地。要結延譽。厚幣干求。往往而有此。習行學宮爲壘。斷生徒皆市人矣。所當痛加掃除。日將義利之辨。知命之說。反覆曉訓。俾知有悟。而後可與推尋。向上路頭也。生徒費幣。似亦情所可受。然主者已致束脩。不宜更收私禮。況將破人趨利之習。雖矯枉過正。亦所不妨。其或有行干誘之術者。均當以禮峻却。在我無隙可乘。彼術自屈矣。荷知愛不厭迂。

拙上陳採擇

凝齋先生遺集

卷一

書

主

答朱梅崖書

辱惠教十年濶跡爲之一慰。吾兄改官學博。他人或爲君憾。自君視之。或內或外。爲師爲吏。均一致也。在舉其職而已。令之施設。且或不克盡。如吾志師長教導事。可惟吾所欲爲。無牽掣者。但得作新一二人材。其裨益世道。視吏治奚啻十倍。然非吾兄學成言立。亦不足稱斯職。故弟且爲兄幸。抑爲貴鄉人士快。所可惜者。失君令子。要亦命也。切望寬懷。自愛。同年林君向亦聞其志趣。讀其書文。與行均可敬愛。而不幸凝齋先生遺集卷一書

凝齋先生遺集

卷一書

三

草草不盡欲言

與朱梅崖乞先大夫墓表書

正月曾生遊貴里。還辱手書。慰詢勤勤。感愴交并。伏審興居多慶。侍奉萬福。惟年老先生負不世出之材。早歲追蹤古人。作爲文章。摩唐逼漢。爲今日復古鉅手。今又未老歸休。益修南陔白華之志。行流蔭華芬。魯生云。人皆謂先生氣益盛。而貌加豐。此蓋內養有素。克然自足。而不爲物役者之所能也。道愚不肖。亦嘗側聞師友之緒綸。於古人之學。頗切嚮往。而爲之不力。又人事之擾。疾病憂戚之纏。牽耗其血氣。沮其凝齋先生遺集卷一書

凝齋先生遺集

卷一書

三

靈府今髮種種。而齒就頽矣。顧視生平。茫無可守。而來書反盛推以儒先云云。甚非所以望於知己者也。抑將勵之乎。祇益之慚。已雖狀不敢不勉。卒志業以副良友之意。道稽首稽首。竊有請者。先考辭世九年。不幸去年先妣又見背。禮葬不踰時。墓石之文。當時已拜親故之賜。竊自恐此生樹立。終無以暴揚先人之懿。則益思託諸不朽之業。以傳伏惟年老先生以金石之質。發仁義之旨。每不惜撰著。以光寵世之爲善者。況道序在同譜。又相契好。其能不哀其請而賜

之寵乎。先考妣墓同一隴。敢求一言表於其阡。俾後世讀尊集者。知有先人名氏。則道雖不肖。或可以少贖其辜。已相望百數十里。義當踵門叩額。病軀支離。不任馳驅。謹錄先人行畧誌銘其一冊。竭力奉獻。乞賜採擇。道敬屏息待命。臨書無任恭虔之至。道再拜。

謝朱梅崖書

承賜先父母表墓文字。拜讀之下。感激涕零。同志友人傳讀大著。交相推服。謂其語簡而意該。由於識精能提。要至若附見側出。牽綴連屬。間如天衣無縫。非深得古大家堂奧。未易到此。道父母賴以不死。其所啣感者。不獨道一身而已。不獲趨叩。鰭堂謹東向稽首拜謝。向蒙垂問。鄙人學業。惶愧未有以報。道性拙而情非有所促迫。常終歲不成一字。有所作亦自知其不足留。隨手散去。近年頗自悔悟。思欲稍稍撰述。凝齋先生遺集卷一書三。以自表見。而精力不振。循省壯歲所讀書史。儼如隔世。以此益自頽廢。而仰望作者。未嘗不感憤神王也。咫尺鄉閭。何時一親道範。以抒積悃。尊集已成。刻便中幸賜教。端此布意。不盡願言。

凝齋先生遺集卷二目錄

雜著十首

書涂築野格致誠正解

讀左傳

書平準書後

書後漢書儒林傳後

書蘭澤齋詩後

書李孝子行畧後

書雷時若行畧後

凝齋先生遺集卷二目

新城田租說上

新城田租說下

仙說

凝齋先生遺集卷二

雜著

書涂築野格致誠正解

後幅論議。即曾子忠恕一貫微旨。程子天德王道。其要在慎獨。亦此意也。揭出好惡總闕。使學者知肯綮下手處。尤爲切到。正訓一似。仍是誠字界內。意誠後。大段私欲僞妄已除。所累者。意必固我。膠滯爲累耳。故傳只以有所言。有所則偏。偏則不正矣。格訓通甚善。謂通物之本末可也。謂卽萬物一體似大快。非致凝齋先生遺集卷二雜著

知甲裏事。程子有云。物我一理。纔明彼。卽曉此。此合內外之道。擬是格物句正解。與通字恰合。向嘗謂易繫傳。仰以觀天文。俯以察地理。近取諸身。遠取諸物。以通神明之德。以類萬物之情。數語可注格物致知。夫子大象觀玩六十四卦。並取爲修己治人之則。可爲物格知至之証。初學未能到此。師其意焉可也。謂必窮盡天下之物。固非坐定身心。意知家國天下。亦覺太拘通得來何物。非身心家國要在能切已返觀耳。

附錄後幅語

萬物紛矣。統之乎好惡。修齊治平其事紛矣。統之修其好惡。齊其好惡。治其好惡。平其好惡。好惡存于方寸。而慊是爲誠意。以正心。好惡行于視聽言動。而慊是爲誠意。以修身。好惡行于親疎長幼。而慊是爲誠意。以齊家。好惡行于尊卑上下。而慊是爲誠意。以治國。好惡行于四海九州。而慊是爲誠意。以平天下。八目無二三綱。惟一此孔曾之授受也。

凝齋先生遺集

卷二

雜著

二

涂詡菴曰。程子謂學者識得仁體。只要義理栽培。可知識得萬物一體時。去萬物一體尚遠。此正致知中裏事。據易繫仰觀俯察云云。以詮格致。視程子格物十六條之義。更覺渾該。於朱不背。于王亦通。卽守此爲格致定解可也。

讀左傳

道者事之質也。事者道之與也。事非道無由立。道非事莫爲行。故曰載之空言。不如見諸行事之深切著明也。春秋時王道微缺。列國之君臣。蕩軼規矩。事之衷於道者鮮矣。夫子作春秋。一閑之於道。因文以見義。則事也。而道存焉。然則讀春秋者。將遂求之聖言而已足乎。不能也。經之言微而約。共事行常在語言之外。後之人不獲見當時之史冊。而欲以私智窺測聖人之微旨。果有當乎。吾未之信也。予觀左傳于春

凝齋先生遺集

卷二

雜著

三

秋之紀載亦詳且備矣。於人則王侯卿尹。儲宗權倖。妃妾嬖倖。於事則禮樂征伐。會盟弑逆。時變天災。愛憎往來。施受於言。則忠賢之箴諫。老成之謀議。警史之規誨。下至歌謠贈答。讒言佞語。有關於治亂興亡之故者。靡不畢具。微者顯晦者彰。誣者得以辨。僞者無所逃。迄今數千載。猶倖有所尋逐。以窺筆削之意。而觀聖王經世之大道者。恃此具也。或曰左之失誣。書其可盡信乎。曰固也。聽獄者。兩造具備。揆之以情。度之以理。雖有欺罔之辭。猶將權衡其間。而判其曲

直若春秋者曲直已斷於聖人。學者緣其事辭。究夫是非之由。取其無戾於經。而有當於道焉。彼之誣與妄者。不待辨而自理矣。又烏可以其小有失實而遞少之哉。

書平準書後

財用國之大端也。合天下之財以奉一人。一人不敢視爲已有。時其緩急而輕重布之。其散之也。爲天下之所不得不散。其聚之也。爲天下之所不得不聚。出入舒縮。動以法制。而不容以已私。與私則其奉已也。常奢而其取人也。必厚。奢于自奉。縱其意之所欲。凡可以愜其欲者。竭天下之財而不惜。厚于取人。則肆其智術。雖至廉耻冒亂。官吏慘急。來天下之怨讟。而莫之省。嗚呼。平準之事。可以觀焉。當漢武之初。承文景殷富之餘。公私財幣充溢。而不可校。遽料其至于哀耗哉。一旦司農藏錢。無以奉戰士。而遽修賣爵令矣。猶不足。則更造錢幣。又不足。則貨鹽鐵。迫至繙錢。告乏商賈。中家以上皆破。天下洶洶不樂生。而取盈之心尚未止也。武帝豈甘於爲此哉。其神仙土木窮兵贖武。始於一念之求逞其欲。而不知自制于理焉。故也。平準之行。又以美名欺天下。而彌其苛政之怨耳。夫聚財歛怨。而恃智術以愚天下。天下果可愚乎。徐勃一呼。而四方側目。其有由矣。則始之欲自快其

私者適所以自困也。與是以王者理財之道。要在。于。清。心。而。寡。欲。

書後漢書儒林傳後

西漢武帝置五經博士。振厲學官。其時傳說訓詁。專門名家者。未始不斌斌稱盛。然或借資以躡祿位。考其所行。往往與經訓違背。中興以來。承學之士。蓋亦恪守師法。與前漢未甚相遠。而矜名節。厲廉隅者。矯矯乎異於曩時矣。蓋光武顯宗。嚮用敦朴方正之士。自公府以至郡縣。辟召莫不延訪。聲譽物色。幽人大節。稍虧鄉評。所未許者。多見黜焉。士於是益奮厲。鼓舞漸成風俗。公卿大夫。皆折節下士。有所措置。畏干凝齋先生遺集卷二 雜著 七  
清議故。雖朝綱陵替。權奸之徒。猶顧忌而未敢縱恣。國祚延於垂絕。職此之由。范氏歸功於庠序。殆得其一。而遺其二也。語曰。君子之德風。彰獮淑惡。以樹風聲。自古然矣。



書蘭澤齋詩後

蘭於花品最貴。然亦足怡目已耳。翠庭先生曷取諸。蓋思祖德也。其祖慎菴公。貽後以善。可爲追慕者甚。大何繫于一蘭。所積既大。不能徧指。而質言之。姑卽其情好所寄。舉以見端云耳。昔淵明愛菊。濂溪愛蓮。迄今見蓮與菊者。猶恍然思其爲人。況其爲祖宗所手植者耶。況其所植者。歷數十年。益茂不衰。可不謂非盛德之感召耶。先生之培護此蘭。而以蘭澤名齋。固宜。朝士大夫。既仰先生之德業。而又知其淵源有。凝齋先生遺集卷二 雜著 八

夏檀園曰。婉而多風。

書李孝子行畧後

余向居京師。得交建寧朱筠園兄弟。筠園長於詩。梅崖工古文。力追唐漢以上。京師能詩文者。並推尊之。而梅崖常與余誦言其里中同學者。若李樞園黃菊村。皆以詩文訓後進。樞園及門士。有族子大儒大仁。均可愛敬。予因嘆建邑在閩一隅耳。而楊林上沙河。又建之僻壤。村落相望。距數里。問師友。唱動鼓舞。遂已多材如此。可見世非無材。顧成就長養之何如耳。既而予友魯夢義仕驥往遊其里。向所謂李氏諸君。凝齋先生遺集卷二 雜著 九

子之詩文並錄歸余。讀之益深愛慕。閱夢大儒來訪。後以其所著文字及弟孝子行畧見示。且曰。吾之弟不幸以毀卒。其孝其學。不可無文以記之。余曰。賢哉君兄弟也。君之弟篤行如此。天假之年。烏能測其所至。雖夭死而學術性情。具見於梅崖傳中。亦既可傳。君志聖學。尤駁駁未已。他日學成。吾見楊林上沙河。且繼尹洛而盛。昔程公珦聲施到今。無亦以二子故。與君勉之。君弟可以慰矣。因書其後以歸。且以質筠園兄弟。

涂築野日閒中頗挫逸調自彈

凝齋先生遺集

卷二

雜著

十

書雷時若行畧後

才生於天。成於人生之難。成之尤難。程伯子嘗有言矣。曰。賦生之類。雜糅者多。而精一者間或值焉。則其數或不能長。此爲其子邵公言之也。今時若雷君之沒。豈異是耶。君爲副憲。翠庭公仲子。孝廉。蕙畝之弟。有美質。篤志嗜學。且能兼綜門內外事。其生之已異於人矣。而其所以成之者。又皆賢焉。嗚呼。世常患無才矣。或又不得賢父兄成之。其資志以沒者。何可勝數。如君者。克其業。烏能量其所至。而年甫踰冠。遽凝齋先生遺集 卷二 雜著 十一

至於此。則信乎其成之尤難也。余辱知於翠庭公也。久。獨未嘗一面。君然聞君志行。竊愛慕焉。况年來知交零落。海寧祝君人。一病而逝。新建夏君檀園。卒於湖南。嘆老成之漸凋。謂年少如君。庶幾大有成立。余雖衰頹。亦得藉以相輔。而君又如此。四顧茫茫。百端交集。更重以人才難得之感。余其能爲心耶。蕙畝爲此行畧。孝愛之思。惻然。悱然。每風雨交至。竹屋浙瀝。一展此卷。如見時若之生平云。

新城田租說上

田計畝分賦別九等。古今通制。顧其法不能徒行也。歲久弊生。高下多少。並失其故。明制丈田冊籍。藏之藩庫。暨各州縣衛副本。散布鄉都里甲。便民稽攷。時或有所侵隱。故爲藏匿。猶得追尋官冊而糾正之。國家賦稅輕減。民樂輸將。有司見上供無虧。蔑視其籍。因循已久。浸漉湮沒。冊之存者。十蓋二三矣。而新城尤無一畱遺。問畝分步筭上下科則雖故老茫無以對。俗但以石斗名田。田供租一石。稅糧三升而斗斛凝齋先生遺集卷二雜著

士

大小不一。南鄉石視官斛大六七升。出且腴。西北多磽田。石小官斛五六升。稅皆同科。稍清晰者則有老牙桶斛與官斛二升七合小牙桶少官斛二升五合之別。然此類十之一耳。他皆漫無別白。且田無定額。石斗往往隨人自占。邑賦未嘗加。而田額日增。故有田多而賦少者。亦或賦多而田少。鄉民買田承種。田入稍薄。仇視其主。抗持之風。漫衍浸漬。雖豐入者亦且效尤。爭訟盈庭。主佃交困。皆田則不清所致也。余聞南昌新建佃田者。上則畝止租二石。中或一石五

六斗。下則畝率一石。新邑志載每十五畝五分六釐。有奇。合科糧一石。以俗例三升糧額通較。每畝合租穀二石一斗餘。視他處上則且溢。豈新邑田則獨寬耶。抑或田浮于賦耶。非丈量復古畝分。不可得而稽也。明萬歷初以賦稅不均。詔天下丈田。江西叅政喬懋敬上議丈量法。甚具屬吏奉法急促以增額爲能。民訴不平。事幾沮。建昌守許孚遠獨力任之。以爲及今不治。冊籍散亂。後益難理。請覆丈田。分三則。曰上中下。塘二則曰魚池。蔭塘。地二則曰肥曰瘠。田地圖

凝齋先生遺集卷二雜著

卷二

雜著

士

形長廣具載。麟冊時建郡屬邑。惟廣昌民自言糧均。求不丈。他皆案行如式。新邑令章宗理尤勤心措注。民大便。今于丈量事益難言矣。見諸文以備觀風者。採焉。

朱梅崖曰。所言田賦不均之弊。各處皆然。然其弊多本姦民售賣增畝。益賦田主不察展轉。相仍與夫縣里吏胥飛洒之所爲。徒言丈田而不除二者之弊。則雖偷定一時。而其法未久而復壞也。涂詡菴曰。田賦不均。緣失麟冊。民間只據文契爲

憑而買者利輕。糧賣者圖重價。則以上田而過下。根里稍爲賣主愚民爲業戶。則以下田而過上。糧展轉爲奸積成宿弊。欲革其弊。必須設立鱗冊。欲立鱗冊。非丈量不能。而丈量之弊。滋多。非丈量法有不善。特行法之不善耳。有明張江陵議行丈量而沮之者。多以滋弊爲言。惟張棟之奏。最得其平。可知鱗冊爲要典。丈量詢良法。後有欲舉而行之者。無以滋弊爲疑也。

新城田租說下

昔之議丈者。以平賦稅。今則重在均租。建郡田皆主佃。兩業個人轉買承種。田主無能過問。其弊滋多。故議丈視昔尤急。然細分九等高下。相去僅毫芒。易眩不若三則簡直無欺。新城田皆依山傍溪。其高下一因山水。故惟山深水沃。平疇塗泥之地。可爲上。則去水稍遠。待人力溉糞者。爲中。則下則沿山臨谷。畸零小坵。大水旱不能任。中歲猶可爲田。若夫童山惡水。歲受旱澇。疎薄不宜稻者。當別之爲地。使種菽粟麻。蔬上田畝。租二石中一石六斗。下一石二斗。地或五六斗。賦稅如之。通計邑境。根數等次而均分之。無溢無歉。租定賦平。卽有訟獄。可按籍而理。其法先將弓步積算。諸圖形。遍行曉告。都編一字。設鱗冊數本。鄉各舉公正三四人。同往丈量。官監之主佃。並至田所。公同區別。上中下則長廣圖形。核實註草冊。別給一票。與田主收執。後有訛誤。持以爲質。至于積畝成賦。人可自爲核筭。便易莫過于此。田旣均矣。水利興焉。高燥之地。勸民築塘聚水。灌溉塘地。租賦凡受水者。

均之瀕河則立車引水其費一責于田主。此又變瘠爲腴之方不可不籌也。

朱梅崖曰二說確鑿可見諸施行文氣亦樸直入西京但丈量上中下則長廣圖形注字冊籍既紛非積以歲月不能就理其一切人工飯食紙筆之費將安所出此處尚宜補籌也

涂訥菴曰有明何塘作均糧之議水田旱田皆分三則但既曰旱田則當歸下則矣誠不若分三則爲較簡直

凝齋先生遺集

卷二 雜著

六

黃素堂先生曰丈量爲平爭息訟之要允宜舉行梅崖所論費用亦須籌及但尚非難事所難者不在官而在民也

趙勉哉曰田糧鱗冊誠爲善法然須多備副本散給鄉都以防遺失倘慮工費浩繁於清丈後許令各鄉都人戶鈔冊送印存據卽能全鈔合邑圖冊亦准一體蓋印給發如此則存于官者縱有漫竄之虞存于民者永無散佚之悉矣 國朝定鼎建郡五屬唯南豐請行清丈司其事者爲甘健齋先

生暨先高祖介子公首城廂次附郭次近都次遠鄉以千文編號丈量之日主佃並詣田所丈訖發給田圖印票凡字號地名坵角四至租數斗桶弓廣畝分業主個人靡不註記詳悉民間買賣持票轉相授受租賦不得意爲重輕而田糧之訟亦視他邑差少今縣冊既失印票亦鮮有存者特各鄉鈔冊尚可稽考然未鈐印信猾者遂敢目之爲僞又苦無別本可以質對大抵此法應酌行于六十年之間其費出自富民其任責之鄉先生之賢者

凝齋先生遺集

卷二 雜著

七

仙說

木之壽者曰松栢。人壽之長者曰仙。世於松栢未嘗以奇異目之。而怪奇悅恍不經之論。獨於仙乎是逞。豈非以松栢世所常有。而仙者千百年不一見耶。夫事非經常。儒者弗道。自秦皇漢武惑於長生之說。而方士者流。倡爲羨門安期生等杳茫事。簧鼓天下。如劉向者。號稱博雅。亦牽引傳會。著列仙傳。以神奇之甚矣。人之好異也。近世有言八仙者。或繪其圖像。以傳。嘗考之向所傳列仙姓名。字無與合者。蓋其說既。凝齋先生遺集卷二 雜著 丈

幻合不合未足較也。或曰。上古人壽多至百餘歲。雖今世亦間有之。是豈盡無說耶。草木花之妍者。令人喜。實之肯者。令人甘。非不炫耀可觀。而精華內竭。久存者百不一二焉。惟松與栢。美不外見。而神氣含藏。故能葆其天和。形強而性固。人之長生者。得毋類是。是或一道也。余宗煥。彩年六十。強健如少壯。以八仙問。余長生之道。余無以答。作仙說以贈之。

凝齋先生遺集卷三目錄

序十五首

藏書目錄序

羅文恭公逸稿序

程山文集序

崧甫先生日記後序

蘆汀晚筆序

黎水文載序

西江風雅序代

凝齋先生遺集卷三目

西江祝嘏序代

西江文律序

西江墨卷鈔序

南豐謝氏族譜序

王田陳氏族譜序

魚亭詩序

王毅堂詩序

韓元圃制義序

贈送序五首

送傳少尹歸雲南序

送魯承田先生調選序

送贛州太守葉先生序

送魯厚畚教諭萬載序

送夏檀園應選序

壽序二首

涂築野五十序

魯節母潘太夫人九十序

記一首

凝齋先生遺集

卷三

重修萬安橋記

代

二

凝齋先生遺集卷三

序記

藏書目錄序

古聖賢之道綿延絕續以迄于今猶可得而追尋者恃有載籍以傳之也。非載籍之能傳也。載籍之所傳者跡耳。而其性情心術隱躍于語言文字之間者。非後人之心思默相契召終不可得而見。蓋人之心無聖愚一也。愚者自汨其靈。雖以父兄師保面提命之。猶或不喻。而何有于斷簡之遺言。知者擴其中。無或障焉。則同然之心全。同然之心全。則我心一。聖心也。以聖人之所先得。牖夫同然之心。其感通之神自有不言而信之妙。余性拙而嗜古。平生于書籍見之未有不喜。喜則必羅而致之。雖多而不厭。然少未知學。貪多而無當。比遊學京師。師事靜山黃先生。示以學問之本原。道德之指歸。積聞既久。然後知古書之當讀。不當讀者。南北轉走三四年。所至輒求而所謂當讀者。僅獲其六七。又以知古書之散佚。世固不多具也。學莫要於知言。讀古人之書。一息不與其心相淪。

淡毫毛之失。相去尋丈。讀而通之。如是其難。則體而踐之。其甘苦得失。又何如也。孟子曰。博學而詳說之。將以反說約也。顏子之學。亦曰博文約禮。道雖未敢必其遽至。然書策具在。又得大賢長者爲之師。敢不勉力以自新哉。經史子集若干卷。類次目錄。因并序論志學之由。以自勗云。

黃靜山先生曰。鞭辟近裏之言。而文氣峻潔。可喜。

凝齋先生遺集

卷三 序

二

羅文恭公逸稿序

羅文恭公集板行已久。明嘉隆間。撫守劉某金谿。令甄我溪吉水令蘇誠齋先後並梓。而誠齋刻爲最備。分內外別三集。統若干卷。時先生卒已三年。胡正甫敘其學特詳。今其板亡矣。羅氏家藏本。視誠齋書僅半卷。首並載胡序而去。其所敘分編等語。若原刻盡於是者。道既錄其內集。遺佚之文。涂子于岸復採訂外集。有可以見先生行誼者。並付諸梓。爲念菴逸稿。嗚呼。先生之學。豈待文而彰。而亦非文之所能盡也。

凝齋先生遺集

卷三 序

三

自古道德之士。得行其志者。三代而下。曾有幾人。而世有豪傑。赫然乘時。建立然考其所爲。或不必盡由問學。學者見其然。因岐道德功名。而二之。噫。亦何怪也。乃有學純養裕。遭世艱虞。未獲大行其道。而假手歲月。功業已自彰彰。可紀此于前之岐。而二者庶幾可一矣。乃世之論者。又或不然。如宋李忠定。明王文成。是也。二公皆負蓋世之才。而深沉不露。口滸其德。慧于淵默之中。故一出而拯靖康之禍。定宸濠之變。運謀決策。措置安閒。如處家庭細故事。而世並疑其



學爲禪且夫觀人者亦觀之大本大原之地而徐及其餘不當於語言文字間摘其一二微疵以槩其人之生平事勢顛危至靖康極矣而君忌臣沮忠定又未嘗一日得安其位斯卽潔身遠遯詎得繩其非乃召之卽至忠君愛國之誠發于中心雖經流離竄斥不少晉而進退之際抑且從容合道無幾微膠固之私此非權於時中之義不克至是若文成者時與事視忠定稍易而沉敏周通實不相下世固美其功矣而反疑其學蓋亦逐流而不溯源者矣夫以二公之

凝齋先生遺集

卷三 序

四

道德見于外者明明如此而人猶疑之則士君子之蘊畜未克遠施者又安必人盡知之此吾于念菴深有感也念菴私淑陽明而深慨夫言良知者任情流轉未嘗敦本澄源不足以應世故嘗默居石蓮洞中收攝歛衆意惟是廓清本體使纖欲不留而後可以時出成宜也觀其爲邑人平賦役終日相對率數十百人而神志安定筆畫詳盡未嘗厭倦則動靜合一之功已有明驗先生亦于此自信其學矣假令措之天下使天下實見儒者之功施豈不甚盛而卒老於

石蓮。可慨也夫。學不足爲世用不可謂之有得而履道未深者亦難以徵諸事業諸葛武侯王佐才也其言曰寧靜以致遠邵堯夫行已類曠達尹和靖稱其志在經綸而孟子亦嘗以顏淵禹稷同稱則論人者豈徒以其迹而已得此意可以知念菴矣

凝齋先生遺集

卷三 序

五

程山文集序

程山文集十八卷。南豐謝秋水先生著。當時及門弟子。甘健齋黃亮公曾編次。日錄講義書牘鈔錄成帙。其他雜文多散佚。零亂乾隆十年冬。元孫鳴謙乃彙集其書。付吾友涂君于岸。爲之採輯編訂。將付諸梓。而示道曰。謝先生易堂畏友。其言皆篤實可循。不可不公於世。余惟前古儒學之興。至明而大振。亦至明而大壞。蓋自經義取士。四子六籍之言。浸漬于人心。士束髮受書。皆知尚名義。崇本務實。故一時道德經

凝齋先生遺集

卷三

序

濟文章節烈之士。濟濟翔翔。爲世羽儀。後稍陵夷。衰微性命仁義之言。則益工而行益僻。學益雜且僞。強者虛憍滅裂。弱者蒙頭局知。泯泯焚芴。依人護己。上不足爲國家養士之報。下無以矜式閭里。後之人莫究其由。相戒於儒術之迂疎。而不敢蹈鳴呼學固如是乎哉。國初吾鄉彭躬菴魏叔子憤然欲雪其耻。倡爲經世實用之學。而易堂之名著聞天下。同時並起尚德不倦者。則髻山宋未有程山。謝秋水二人皆亭亭特立。直欲造古人之室而後已。其與易堂論議。

救過攻非。常若不相下。而心膂孚契。乃不啻左右手。惟恐或失。豈非以學術崇閎人之向往。各因其才力之所近。非有直諒之友相與切劘。匡救未必不緣意氣矜尚而陷於一偏不自知也。程山之學。以畏天命爲宗。以切己爲要。以當前一步不放過爲基址。其于微顯之幾。可謂審矣。而易堂諸子或規其迂遠不達情事。先生輒改容受之。往復論議。得其指歸而後已。嗚呼。觀易堂之忠告。程山之虛受。與世之分門戶膠意見者。迥然不侔。古所謂以友輔仁者。殆不過是。是

凝齋先生遺集

卷三

七

豈不可法而可傳哉。往歲讀先生大學中庸切己錄。折衷簡當。於前賢解說不苟。爲同異儀。封張清恪公序其書。歎爲有德之言。今讀是編。益信然。吾於是益思髻山之爲人。當日與諸君子時相過從。互爲啟翼者。當復有在。今其書散亡。不獲並傳。可惜也。

朱梅崖曰。牽連易堂髻山波瀾入妙。

涂詡菴曰。凝齋嘗欲彙吾鄉三山遺文。都爲一編。以地同時同志同也。而易堂程山收輯畧備。惟髻山諸公皆散亡。卽宋先生文之存者。亦復寥寥。故

於篇末致嘆惜焉

趙勉哉曰程山之學躬行實踐一洗明季口語積習宜乎二君子之表章不遺餘力也鸞邑里後生夙欽德教乃爾頑鈍因循坐使前修隕墜弗克振興雜誦茲篇益增愧耻而已

凝齋先生遺集

卷三 序

八

崧甫先生日記後序

乾隆十八年秋道與涂瑞旣編次先生南庄類稿其嗣光理復以日記來示道受而讀之益知先生之文與行有自來矣先生之言學以適用爲貴學而不適于用猶農植蕘稗女廢蚕績而工纂組也顧天下士人衆矣而見諸寔用者少豈盡躡取虛聲耶固有墨守文義而不知權古今達時措之宜者其傳述論說非不壘壘可聽而施之事爲則舉步而已膠又或矯此而馳情功業昧於端本澄源亦非所云精義致用

凝齋先生遺集

卷三 序

九

者也昔諸葛武侯晦迹南陽以淡泊寧靜自飭其身若無與于天下及出而輔世凡禮樂兵農邊方守戰準古揆今一如其所素定見之章疏論議未嘗有意於文而能文之士莫之或先范文正公自少以天下爲己任嘗言先天下之憂而憂後天下之樂而樂卒之敷政陳言皆本此意嗚呼蹄涔之水其流不及尋丈江河巨浸放而達諸四海非有千里之源不可得也先生山居十餘年蘊畜閎深未易窺測是編特其客館所錄記者卽此而觀亦足以見其制行之原宅

心之遠矣。雖位非通顯。與世齟齬。不得行其志于天下。而剛毅之氣。終始不同。非其中有以自得。而能是乎。吾嘗嘆元明以來。士或空言無實。幸而有一二豪傑。可以建立者。往往抑鬱不究其施。所恃以維持世教。傳之不朽。文焉已耳。今校先生日記。益不禁低徊再三云。

凝齋先生遺集 卷三 序

十

蘆汀晚筆序

良醫之治病也。不以速效爲能。而先審夫病所自來。脈絡經行。殊其分子。母會通視其要。原始要終。病乃可得而已。善爲政者亦然。小民無知競利。攻取勝負。既自豐其部。更胥又從而眩誘之。故其所爭甚微。而蔓延糾轡。至於殺身而猶不止。若江右之艸地。江南之蘆洲。是已。牧民者恃其明斷之才。追逐標末。時獲小愈。而根株常在。其毒旋生。蓋亦未審病源也。素堂黃先生自給諫出爲江南副使。下車伊始。監丈蘆洲。凝齋先生遺集 卷三 序 十二  
事舉其要。賦惟其平。異時供億煩苛。悉與蠲除。民大悅。奉檄察議。爭占沙灘。先生既條其曲直。知訟端之起於預報水影也。則議除之。不聽民占報。卽有新生洲地。悉以歸公。而爭端永杜。又故事五歲一清丈吏。輒持其高下以邀賄。先生於丈畢。卽條說增減。所以使民曉然。無惑。賄不禁自絕。凡所設施。皆先事預防。按本塞源。故於時不必有赫赫之功。而湖山千里之外。民蒙其利。而不知。蓋先生體國公忠。官侍御時。屢奉詔巡南漕。又常按察直隸山西。行部所至。風采

肅然。內外章疏。不爲矯激。以沽直名。而於國計民生。言之動中窾會。釐政之議。蓋其小焉耳。然且矜慎如是。敬事固無小大也。近日居位者。於民事落落不措。意事至應文逃責而已。一二勤民者。又或目之爲迂。道嘗私怪其然。自恨闇拙。不達吏事。無能爲役。讀先生日記。竊仰慕焉。因書其後。以質於先生。當與否未可知也。

涂詡菴曰。結體莊重。小中見大。偏處見全。事固然也。文亦如之。

黎水文載序

文字莫富於宋明。其時學士大夫競著述。以自表見。雖龐雜紛綸。工拙並出。而其人之性情學問。寄托在是。昭示來茲。不無裨益。世乃不甚愛惜。散亡磨滅。至於今存者。益亦罕矣。昔人有言。散亡之禍。甚於秦火。豈非然哉。余往時與友人念先哲遺文。缺佚欲網羅。收集編成。西江文統。走書幣託四方同志。轉相購求。歷有年所。而應者百無一二。因竊嘆文字之傳。非人能爲之傳也。使其人之言。果皆誠中形外。其意理足與天地古今相維係。雖當時沉埋挫抑。未能顯著。而其後必有時發見。愈久而彌彰。然當欲墜未墜之際。非有人焉爲之藏于名山石室。則斯文之絕續。亦未可知也。新城自宋紹興間。分縣人文固已大盛。及明而益顯赫。今國家甄陶化育。百數十年。人士沐浴歌詠。後先蔚然。而其文籍。閱四五十年者。遂已散失。況遠者乎。馮君耻齋。獨痛心焉。于是招亡失。收斷簡。自親知故舊家藏。以及殘碑破冢。單詞片語。莫不聚而寶之。既乃精心研究。求其幾於道者。合爲一編。付

之梓人其爲力既勤其用心彌苦矣使學者盡如斯古今能言之士顧不幸耶抑余聞馮君爲人清介寡合於富貴利達無歆羨而獨於古文詞愛之不啻自出王荆公曰人苟遺乎今必有以合乎古歐陽文忠公曰凡物好之專而有力未有不可致者是二說吾嘗取以語學人今于馮君益信之矣讀是編者仰先哲遺風泐然而興是又編輯者倡導之微意也

趙勉哉曰中有切至之論

凝齋先生遺集

卷三 序

十四

西江風雅序代

山川於天地險夷平峻剛柔清濁體勢不同人生其間者因之有秀頑強弱之異發見於語言文字則高下疾徐華寔周疏喜愉憂悲各得其情之所近而不能相通昔夫子刪詩流覽列國篇什取其關於治亂興衰者存之以垂訓戒後之學者因得窺尋當時風化之由而山川風土之所爲漸漬成俗亦於是焉著班固作地理志往往援據詩歌以形其風俗以爲爲治者變化之由然則詩之係於時與地非細故也

凝齋先生遺集

卷三 序

十五

今國家德澤涵濡海宇道一風同而十五國之嗜好習尚亦有難爲強者江右山勢竒特水泉幽異民儉質士大夫多醇謹以介立爲尚著爲詩歌往往率其天真發抒情性而耻爲剽掠雷同之言若晉之靖節宋之山谷其尤著者迄於今此風流傳未替也余少時側聞江西派之詩名甚慕之比官斯土亟訪后山容齋諸人詩不可得沈君泊村守筠州有年雅愛詩聞人有佳篇則羅致之片語之工嗟誦不置前學使金太常有西江風雅之選其詩多古質可喜因類爲

若干卷。將以教授多士。余既不得見前人之作。而深樂其有是編也。可以識當世士大夫性情問學。而十三郡治名賢古蹟。民物風土志好美惡。並得見其端。隅其于政事。不無補矣。古天子命太史氏陳詩以觀民風。信有深意耶。因爲敘論之。以質于泊邨云。

朱梅崖日文氣渾厚而雄直得北宋大家之遺

西江祝嘏序代

國家治平百二十年。涵煦生養。齊民蕃息。爲曠代所未有。而兼容遍覆。邊荒援服。舟車所至。海聚山徼。如出入堂戶。無戒心。民生父子祖孫。不聞有賦役徵召。事恬嬉愉逸。于是極矣。以故康衢擊壤。傳誦休風者。匝地敷天。乾隆十六年冬。恭逢皇太后萬壽。海宇士民。既共仰聖母之仁壽無疆。復荷皇上錫類隆恩。懽欣忭舞。發于中心。不容已而遠方細民。無由瞻叩。闕下晉祝南山。于是形爲歌咏。被諸管絃。爲吾聖母聖君慶。此皆由我朝世德相承。厚澤淪洽。人心不自知其手之舞之足之蹈之也。夫宜上德達下情。臣職攸司。日聞蒼生黎庶。仰戴堯天。如此其誠且至。而壅于上聞于職。有闕。謹令南昌府通判臣某採訪編輯。彙次成帙。以進。雖天地之量。日月之容。非草野所能繪畫。而傾葵獻曝之誠。見於山。甌士庶亦足爲久道化成之一徵。在昔神堯不辭老。人之祝而幽風老農亦得申躋堂稱觥之誼。用敢援引古義。以識其端云。

黃素堂先生曰質慤處不易到

朱梅崖曰廣厚高明辭事相稱其措注法度有曾

文定公之遺烈焉

涂詡菴曰詞簡意厚韵味悠長此東京之論贊也

西江文律序

制義創于王半山其體稍降于古而取義甚精四子六經文之源道之宗也約士人心志於其中童而習之優游而浸漬之將使其言在是其行亦卽在是云爾流傳既久初意漸失捺觚者競事藻績前後公相沿襲無事經訓而志古之士或且厭薄不樂爲嗚呼文辭之弊也久矣不溯其源而慎所趨齊人之子習爲楚言久且忘其爲齊人矣夫文之所重者義理耳理莫備於聖言體諸身驗諸事晰其同異審其肯綮

而會通之道具人心豈難知耶吾觀前明作者取材甚富秦漢以下莊騷子史百家靡不淹通而出之也慎必測夫經傳意旨所在以融於心而注之手故其文淵渟演迤若無涯涘可尋而實皆聖言之所蘊熙甫荆川暨臨汝諸君子遠文具在可覆視也三二十年前吾鄉能文之士類能慎守此意故多傑出一時今其風稍替矣爰同友人魯厚奮酌爲是選以存先正之典型以爲志古者之先路江右古今文推盛於世歐陽曾王並出於宋虞揭范盛於元陳章羅艾著



於明迄今道其姓氏。溯其里居。莫不敬而慕之。其學脈淵源。具見史策。今豈遂多讓乎。亦在爲之而已。

西江墨卷鈔序

人性一也。而剛柔輕重遲速不能無異。形亦一也。而短長肥瘠聲音高下不能強之使同。治性者矯偏易惡。以至於中焉善矣。狀貌固生而具者。無能易也。衡品者亦未嘗執一以繩也。學人之爲文亦然。文之賦形萬有不齊。而有性情托焉。各省其人以出其人。而爲寬裕也者。其言多溫潤而和易。爲果毅也者。其言發奮而縝栗。靜正者之言淵然以深。凝然以肅。反是而爲蕩佚浮誕怪詭之文。其人亦多浮薄不根。行僻而僞者。前古以言取人。憑文以爲權衡。雖未能銖兩無失。固亦十得其五矣。獨爲制藝者。或不謂然曰。是將求合時趨。以博科名而已。輒弃其性情。而襲他人之聲音笑貌。以爲容悅。吁。學校養育多士。固將藉四子六籍之言。涵揉德性。待其純焉。選而用之。顧若是其僞焉。可乎。韓昌黎論爲文。貴自樹立。不苟因循。吾鄉先進羅圭峯鄧定宇暨陳大士楊伯祥澹餘諸君。子皆淵源經籍。自抒所得。而皆取上第。其文亦至今傳誦不衰。故謂非墨裁不售者。惑也。余友魯君厚畬。

教諭萬載深慨當世爲文者少自樹立取同鄉先達  
之文百餘篇爲多士式寓書謂余曰前明大家尚已  
今之爲此者所謂近已而俗變相類議卑而易行乎  
君其無哂余曰然是不獨爲萬載人士也授之梓人  
其將有同好者乎夫世惟知應舉之不可不合時好  
故苟爲依附而不恤誠見其不如是而未嘗不得則  
反而求之吾心索諸書史功既簡捷易從而又無失  
吾先資拜獻之誠其誰不幡然喜勃然興也

凝齋先生遺集

卷三 序

三

南豐謝氏族譜序

國初南豐謝秋水先生講學程山四方賢士多從之  
游甘健齋黃亮公其高第弟子也同時如易堂彭躬  
菴魏叔子髻山宋未有皆魁傑人豪每過程山論學  
淹留旬日而後去或持其所得遣使質問往復不休  
於是世皆知南豐之有謝氏矣道生也晚既聞其流  
風餘韻思讀其書而未得乾隆九年其元孫愧于乃  
以其遺稿屬涂君于岸編訂余始得受讀焉且因是  
得交愧于愧于爲人爽朗負氣不少下然與于岸及  
凝齋先生遺集卷三 序 三  
余言未見有逆于其心也既訂其祖程山書序而刻  
之越三年愧于携其家譜問序于余余方與愧于私  
淑程山義不可以不文辭謹按謝氏始遷祖鹿峯公  
自建寧藍田徙居南豐南臺其繼別者至秋水先生  
近二十一世矣中間代有聞人若松溪羅源明學龐  
舟子強仲執諸公皆以文學政事焜耀一時其有譜  
帙則自十世玉恭始玉恭譜甚簡當續修者或且附  
會訛舛今更荒墜五世矣愧于引爲已任號召宗支  
集其世次行誼叅稽史傳以正訛補漏信者傳疑者

闕嘉言懿行可爲孫曾法者別爲傳以表之以是寒暑無間出入必偕終日欽欽不啻其祖宗臨之在上質之在旁而無敢或有假易也不亦勤且恪乎又不自以爲是馳書數百里外就正於友人盛于野涂于岸諸君懇懇不已夫爲之既勤且恪而又虛懷好問如此非深明乎尊祖敬宗之意安能敬慎若此哉張子曰賢才出國將昌子孫才族將大謝氏有程山之令緒後之人紹聞衣德言續承焉勿使有替其顯懿昌大寧易量乎嗚呼此愧于作譜之志也。

凝齋先生遺集

卷三 序

五

王田陳氏族譜序

陳氏居江右者大都祖義門而世遠支蕃莫識其始遷之自與夫支流派別者往往而然余同姓居新城者十餘處皆各自爲譜倘能具遡源流安知非一本乎乃吾家譜二十餘世詳其可見者僅十餘世而已其前則杳茫無據往歲纂輯譜牒撫卷傷心益慎所不知關其可疑雖亦敬宗之道而葛壘瓜瓞君子嘗樂遡其生初也王田爲南豐望鄉吾宗聚族而居者歷數百年子姓繁衍今有遷嘯溪者皆端樸自重敦凝齋先生遺集

卷三 序

五

先世譜序未詳以至於今多所闕畧而重喜輝川之  
得所承也爲之序論如此

凝齋先生遺集

卷三

序

美

魚亭詩敘

汪君輦雲以詩名二十餘年矣。世不乏能詩之士。然  
或矜奇炫博。工偶語以飾聽聞耳。汪君獨上沂漢魏。  
追尋古風人之意。故其詩一出。如儀象雷尊。人皆知  
爲三代法物。寶而貴之。遠近能詩之士。願得締交爲  
快。輦雲亦樂爲之下。每當名流聚會。燕飲投贈。輿益  
豪。詩益超妙。莫可端倪。其平生篤于友誼。一語契合。  
終身以之。集中懷賢寄友諸什。寄托尤深。蓋其情所  
獨至也。情者詩之本。喜怒哀悲懷思。蘊于中。不得已  
而形見於詩。曲折旁通。以申其意。固不知其詩之工  
而詩乃彌至此三百篇之微旨也。汪君有之矣。顧一  
時同遊諸友。後先取科第仕宦京國。而輦雲獨困牖  
下。豈所謂詩人多窮耶。抑將老其材以大用耶。然輦  
雲意興自若。益嘯吟謳歌。以爲適噫。此其爲不可及  
也。詩集版行已久。其可愛而傳不待余言。余特言其  
所以爲詩者。以相質。且以凡詩之不可無本也。

黃素堂先生曰。筆力簡老。所謂泰之太史以著其  
潔

王毅堂詩序

余少鈍於詩。未嘗學。既壯。稍自爲之。率意抒懷而已。絕不知研磨聲律。以爲此非吾資性所近也。既又思孔門屢詔弟子學詩。其言詩之益甚大。且謂不學則無以言。時取三百篇反復吟詠。覺人之爲言。果不可不如是者。然觀唐宋而下諸詩人。所爲巧思傑句。又若不必盡然。於是益疑沮不自爲。及今追悔。更欲爲之。則已老矣。同里王君毅堂。性行肫篤。喜爲詩歌。以自娛。遇名賢勝蹟。與能詩之士。輒相與流連唱和。得凝齋先生遺集。卷三序。天。

韓元圃制義序

康熙初年。韓慕廬先生。文名冠天下。士束髮受書。卽皆知雜誦先生文。奉爲準繩。迄於今。不替其後。嗣紹續前光。取高第入館閣。以詩文著稱者。踵相接。元圃君。蓋其一也。君學豐才。瞻爲詩文。頃刻數千言。縱橫自若。同曹並縮筆。莫與爭鋒。而獨困於場屋。屢薦不售。去秋來遊江右。與泊村沈先生相唱和。上下古今。議論契合。無間。沈公輒爲余稱誦。不置。余因得相見。益讀所著撰。既奇其才。而深惜其遇之不早也。然吾凝齋先生遺集。卷三序。天。

咸相與貴之又豈余所能道其美也黎水陳道謹序

凝齋先生遺集

卷三 序

三

送傳少尹歸雲南序

今上卽位之初銳意興治臺省言事之臣咸思切劘計慮指畫利害而言中時弊一本忠愛之誠如建水謹齋先生者蓋不數人是時上方嚮用直臣風動天下先生由侍御擢雷都少尹一時公卿相賀以爲主聖臣直君臣相遭之盛於今復見也道雖未識先生之面然已心志之旣而聞其爲少尹飭身臨士敬教勸學思有所建立以荅主知則益仰望焉而恨不得一見也未幾以左遷需次居京師六七年凝齋先生遺集卷三贈送序三

道幸時相過從因得窺其蘊奧先生居京師如在深山鍵戶著書蕭然自得然語及民生利病未嘗不惓惓焉蓋其志固有待而恬退安守若將終其身者易曰習坎有孚維心亨先生其庶幾乎金之剛也鍛鍊而益顯玉之潤也磨礪而愈彰古今來蘊才畜德之士不獲施用歛身戢翼而其志益堅其才益老其所以處此者益休休乎有以自得斯爲不失其所亨者幸而遭時復用其所建立固自不同卽不幸而抑志以老不獲被之當時抑必貽澤於後世此坎之所爲

不可不習。而惟有孚者具習之之本。心亨者著習之之效也。今先生歸矣。閱遠克實。日新無窮。道烏能測其所至。耶。詩曰。慎爾優游。勉爾遁思。竊以是爲先生期而更有不得不爲斯世祝者。先生得無意乎。

送魯承田先生赴選序

承田先生舉於鄉。距今垂四十年。乃上銓曹謁選。故事鄉貢士授令職者。以次銓除。率不過二十餘歲。先生蓋侍養太恭。人不欲遠去。左右故遲遲至今。邑人士莫不欽其孝行。奉以爲法。然是行也。或有私憾焉者。問其故。則曰。先生足不出庭戶。布衣蔬食。怡然自得。里黨中漸被其德。非一日矣。一旦官守四方。後生小子於何矜式。道曰。是將使賢人君子獨爲已有也。天生賢人君子。非獨使之自治其身而已。修之於家。鄉之人飲其德。達之於朝。天下被其光。是故古之君子不敢自小。其志自私。其有以拂夫天之所以與我之意。而其端緒往往先見於鄉邑之間。嘗讀周官鄉大夫考其德行道藝。而興賢者能者。未嘗不歎古人選士之嚴。而取人有方也。下至兩漢盛時。亦皆倣其遺意而行之。豈非以士之臧否。惟鄉之耳目爲真。其見信於鄉邑者。必克大有爲於天下者哉。先生之行。誼施于里黨。里黨之人敬且信如此。猶欲靳之。使不得施及四方。毋乃非天意。且重誣君子之道乎。拂

天意違君子之道。先生殆有所不安也。吾黨誠卽其未嘗汲汲於仕而終不敢不仕者。推求其義。則其爲教愈大矣。於是衆皆釋然。賀先生之行。道因序次其語。質之先生。且冀他日更以其施及天下者。惠教鄉人也。

傳謹齋先生曰。議論正大局法緊嚴。

雷翠庭先生曰。筆意極似李習之。

凝齋先生遺集

卷三

贈送序

三

送贛州太守葉先生序

仕學一道也。而學爲本。諸葛武侯曰。非學無以廣才。晉舉郤縠爲中軍大夫。曰。是能說禮樂。敦詩書者。夫將行軍。治兵。宜無與于學。而猶必選諸此。況于牧民者哉。金華葉先生自少爲有用之學。請業于李剛主先生。而深造以自得。守建郡六七年。民無冤獄于吏。民賢否。政俗善敗。洞若觀火。甚者去之。終不以察察爲明。凡事每先爲之所。民蒙其福。而莫知所出。蓋其學優然也。去年冬。改官虔州。郡人士攀留不忍釋。而凝齋先生遺集卷三贈送序三。又慶先生之德業。將衣被天下。不以一郡私也。今顧以平反疑獄。杖柯引去。往者朱文端公作令時。因事忤上官意。欲奏罷。會長官他遷。代者至。聞其事。曰。是介立不阿者。特薦之。得內召。然則位之得失。有命焉。豈可以意逆計歟。士君子惟不自負其學而已矣。不負其學。然後能不負其位。位雖失。猶得也。況未必終失乎。先生審此。蓋有素。其確然不回。恬然自得也。道親見之。何待言。獨推本其治之。由於學者。終始如此。然則世有仕而不學者。視先生終始宜何如也。道志。



學未成。又素辱先生知。先生必有以教之矣。

黃素堂先生曰。送葉太守傳少尹序。皆簡核而其言有物。非無見地者所能爲。

凝齋先生遺集

卷三

贈送序

三

送魯厚畬教諭萬載序

國家設官分職。在外服者。藩臬監司守令。以至倅丞簿尉。各有攸司。賦稅獄訟。簿書捕緝之掌。迎送期會。奔趨之役。無能逃避者。而郡縣學博士。獨得燕居休暇。無冗雜撓心。其所任教導事。又皆聽其所自爲。而無拘牽督迫之累。竊嘗謂士人入官。惟此爲宜。顧其職大難稱。不可不自量也。而世不審輒以閒曹目之。夫天下治亂在人材。人材興替由學術。昔胡安定以經義治事。教授蘇湖。學者出而筮仕。往往取高第爲政。多適於用。曾文定公學記曰。以不學未成之材。而爲天下之吏。又承哀敝之後。而治不教之民。仁政不行。盜賊刑罰日積。胥由於此。然則修齊治平之道。莫不出於學官。而所以陶冶其性情。鍊達其職趣。則皆藉乎師長。周子曰。師道立則善人多。其責之重而任之大如此。其可以閒曹視之乎。吾友魯君厚畬。世家子。弱冠能文章。舉進士。爲人卓犖。不羈屢試春官。無得失繫念。日沈酣經籍。涵渑演迤。以大其畜。今奉詔教諭萬載。其意克然。以是。矜可抒其素蘊也。余亦

爲萬載人慶得師也而私心竊有慮焉者古之學官聚弟子朝夕親炙于師師弟子所講貫者無非修己治人之道相與優游而浸漬之故人才有成今之弟子員散處鄉曲終歲一再見其所資于師者課試文字而已其行能性術弟子不問於師師亦不能探其隱而繩糾之而俊敏者或借試課以干聲譽其才愈高其行愈絀將何以正其迷謬發其志氣使知敬業樂群其相切磋以成有用之才厚畬審此已久其所以引翼而勞來者必有道矣抑吾聞萬載士風淳謹凝齋先生遺集

卷三 贈送序

三

無脂韋浮競之習賢師長擴其志量振勵而鼓舞之宜有英才出焉他日疏其姓字知爲厚畬所倡導而成就者則教諭之職明而吾言果非夸也于其往也書其語以俟之

涂詡菴曰重視教職以興學造士爲務此本分語也而厚畬深領此語官萬載所造就士皆知敦本重四維所謂仁人之言其利溥哉

送夏檀園應選序

世或謂儒者不諧於時信然學固不可以仕乎人之才力短長敏鈍不齊非學則短拙者固無以自擴而長且敏者亦或奔軼繩尺之外如怒馬失啣莫可羈制古所稱循吏者惻惻無華以寬靜馴擾士庶漸摩既久化行俗美民懷若父母類皆儒術之所優爲儒何負於世而遂不諧耶吾友夏君檀園舉於鄉二十餘年守道甘貧於仕進泊如也而馭世理人之方見於撰述論議問者灼然有可施行今需次將爲令矣乃語余曰子固不樂爲令也令責重而權輕居其位四民利病損益不爲吾所欲爲吾心不可如必行吾之志勢又有所不得二者皆無所取又何樂此爲余曰嗟夫余於此量度久矣如君者行方而智圓養純而氣和與人接無智愚懽然各得以之獲上孚民綽有餘裕顧懷疑畏而不前使天下不受儒術之福天下益得執是以相誚讓且古之賢達垂勲竹帛豈皆逢時適意而卒能有成者其有爲之志堅而因時利導曲折以赴之也事固不可不慎始而圖終然過爲

凝齋先生遺集

卷三 贈送序

三

之。應。則。利。害。之。見。惑。焉。而。多。阻。今。古。情。勢。未。甚。相。遠。  
積。吾。之。誠。而。批。尋。窾。曲。則。盤。錯。艱。難。中。開。吾。智。慧。其。  
奏。功。愈。大。其。遺。澤。益。遠。余。不。能。然。然。以。是。屬。於。君。君。  
行。矣。毋。外。余。言。

朱梅崖曰此篇縱橫踴厲乃絕似魏冰叔也

擬齋先生遺集

卷三

贈送序

四

涂築野五十壽序

君。子。之。學。將。以。有。爲。也。而。不。必。於。爲。得。志。行。道。其。事。  
有。天。焉。前。古。聖。賢。恬。退。需。時。若。將。終。身。顧。於。修。己。治。  
人。之。道。日。夜。孜。孜。爲。之。不。少。倦。蓋。係。於。天。者。不。可。強。  
而。修。於。身。者。無。容。缺。也。後。世。學。者。櫻。心。利。害。視。問。學。  
爲。干。祿。之。具。幸。而。遭。時。得。位。則。盡。棄。其。所。守。爭。榮。逐。  
羶。無。異。于。不。學。者。然。蓋。其。本。念。已。非。後。之。趨。而。彌。失。  
也。固。宜。吾。姻。友。築。野。涂。先。生。自。少。爲。義。理。之。學。迄。今。  
三。十。餘。年。行。成。名。立。而。韜。光。晦。迹。不。求。聞。達。乾。隆。十。  
五。年。春。詔。舉。經。明。行。修。之。士。觀。察。黃。公。郡。守。葉。公。  
交。相。推。薦。以。爲。稱。斯。選。者。築。野。爲。竄。下。令。屬。邑。津。遣。  
至。國。門。築。野。固。辭。不。獲。留。數。日。謝。病。而。歸。是。豈。無。意。  
於。世。耶。何。自。牧。之。深。也。凡。物。有。備。斯。有。用。醫。卜。書。數。  
雖。小。道。耑。志。殫。力。爲。之。亦。足。爲。功。於。世。而。傳。于。後。况。  
經。世。理。人。之。業。蘊。諸。心。體。諸。身。筆。之。於。書。漸。積。數。十。  
年。之。久。其。精。神。所。結。出。則。爲。景。星。慶。雲。處。亦。如。泰。山。  
喬。嶽。爲。世。宗。仰。世。未。有。誠。而。不。動。者。築。野。雖。欲。韜。晦。  
焉。其。可。得。耶。且。夫。雷。非。伏。不。奮。龍。非。蟄。不。信。才。智。非。

擬齋先生遺集

卷三

壽序

四

遏抑不發。德性問學。非敦固純一。則其養不密。而量不克。故天之於賢人君子。不予以庸衆富貴之遇。情其心志。而賢人君子所以自成者。亦不敢輕用其身。幽貞素履。欽欽然守其道。而不變。築野年今五十。而滯諸生中有可出之時。而不遽出。闇然內歛。繼此而日克所養。孰測其所至哉。道學業淺陋。無能仰探高深。聊舉其端。以爲乞言之具。且以諗諸同志者。爲先生進一觴也。

趙勉哉曰。賢人君子所以自成者。不敢輕用其身。

凝齋先生遺集

卷三

壽序

聖

此中煞有關繫

魯節母潘太夫人九十壽序

人有不得已而後以忠孝節義著而天地之元氣。國家之綱維繫焉。其義根于至性。至情。庸夫孺子聞其遺言軼行。皆知愛慕。傳爲美談。然非有艱貞之志。果毅之力。不足以經歷險難。故智巧之士。往往避讓。不樂爲是者。或反在閨門之內。何也。其志專其守定。無他視聽眩惑。雖輶軻拂抑。不以亂其天。天亦從而矜之。康彊其身。穀其子。若孫以爲世鑒。予向者私嘗持論云。爾今觀魯節母潘太夫人而益信。聞中翰端凝齋先生遺集

卷三 壽序

聖

撝公少以勤學致疾。太母祇奉湯藥。調護維勤。佐理一切家事。無滋擾累。及旣貴而夭也。太母曰。夫子之所未完者。子職耳。父道耳。余其容諉于是。脫簪珥。節縮服御。以奉甘旨。舅姑有命。恪誠盡慎。無少違。二孤時方數歲。旦日就師傅。夜侍紡績。旁背誦所業。涕泣語中翰公志事。督令繼述。二孤飲泣承命。勤學勵行。聲冠庠序。長君今待次官學。博矣其後課諸孫也。亦然。乾隆二年奉詔旌節。內外子姓咸稱觴上壽。太母不爲喜。環顧諸孫而言曰。妻道也。臣道也。忠貞其

分也余不幸而爲是豈以希 恩榮顧惟子若孫克承先志以承余代終之意耳嗚呼推是志也以爲臣若子其庶幾無愧矣夫古來建奇勲偉績光昭史冊者皆此志此力也予子守詒爲太母孫女婿以荒怠失學有愧門楣太母之孫德綬仕驥並志學能文倘克奉太母之教堅忍果毅以竟職業所爲顯揚先烈以報太母之意未有艾也今冬益爲太夫人九十壽辰二姻友年俱六十以上斑衣稱慶余且具道太夫人前事與所以期勗孫曾者以是爲太夫人所樂聞

凝齋先生遺集

卷三 寄序

四

藉以侑觴也。

重修萬安橋記代

衢城北三十里曰蓮花村溪流自上方峽口至洋村三石航匯衢江地當孔道行旅往來必由此間津梁紹興間始建石橋圯後至 國朝康熙初年僧濟澄改造於舊橋下里許岸濶三十餘丈水立五墩亘以長石行人稱便歲久石漸頽不修且隕里人徐爾太僧悟光憂之謀復前規鳩工伐石顛者植之傾者定之缺者補之既完且堅復覆以屋秩秩翼翼風雨攸除行者攸息役始於乾隆二十二年秋閱歲工竣白凝齋先生遺集

卷三 記

星

金之費千餘皆歛集銖積以成其爲力既勤而其功亦永矣余奉 簡命分巡此邦甫下車有司具文請記余惟事之創於前者善矣而非有人焉克善其後則前人之功墜尋丈之堤蟻穴以傾泰山之石積湍可穿溪流雖小春夏湔潦汎漲奔衝怒突不難破堰而獨墩其可不先事維持以鞏固斯橋耶 國家忘養元元山陬海隅利濟之典無不具周奉揚 德意脩廢舉墜有司之責也余嘉太守能化滌斯民樂事勸功以復前脩遂記其始終俾勒之石永永無墮

凝齋先生遺集卷四目錄

行狀三首

崧甫黃先生行狀

顯考立軒府君行狀

顯妣魯太宜人行述

凝齋先生遺集卷四

行狀

崧甫黃先生行狀

黃先生諱永年字靜山別號崧甫江西廣昌人其先均祥由石城始遷傳十一世至諱麟瑞者爲先生曾祖祖諱蕃父諱紱歲貢生並用先生初試刑曹時進階得贈封奉直大夫祖妣氏劉母氏劉俱封宜人先生少穎敏善學經史子集諸書具能掇其精蘊家貧獨學白田山中躬自爨給時或坐古松下啜茗茗俯

仰吟哦意氣自若見者咸異之輯先儒語爲希賢錄謂此學人本源循是有得則行誼政事文章一以貫之矣爲諸生十八年困躓舉場藉授徒以奉甘旨非其所有不取也涇陽王遜功先生以名儒總藩江右聞先生學行招見不可得時吾廬陶先生主豫章講席傳語曲致之始一見雍正六年詔舉孝廉方正執政以先生應固辭不就雍正十三年中江西鄉試乾隆元年成進士授刑部福建司額外主事越六年乃授實二年晉員外郎又二年轉郎中皆在刑曹先

是世宗憲皇帝詔徵天下博學鴻詞常中丞首薦先生今上登極引試殿廷多拔擢改官詞垣先生既授職則謝病不與試曰吾業試于事豈敢復希館職清華日坐曹理案牘諸疑獄多所平反嘗謂古人引經斷獄持其平而已今法令具著虛心求之庶無失輕重耳長官以爲能保督京倉又令總稽秋審規畫皆中條理公卿交章薦爲御史少司寇秦公蕙田官閣學時舉以自代先生始未嘗知及知亦弗謝爲人端廉簡重與人言常訥訥不竟其意出入敝車蹇

凝齋先生遺集

卷四

行狀

二

駢隨從一愿僕退直則掩闕兀坐尋繹經訓無異居山時所嘗與遊者雷翠庭劉蘭谷蔡葛山王毅齋陳元若傳謹齋諸君子聚或竟日移時相與責善糾瑕不少貸乾隆十年安徽撫臣劾宣城令段雲翮溺職將去縣民戴德呼籲攀留擁衆塞府署復劾雲翮指使罪當逮問先生奉詔往讞廉得寔情事乃雪民人並減死還奏稱旨上溫語慰勞詢在部歲年出身階級先生敬謹奏對並及歷試名次上笑曰若是當居詞館今官刑曹得毋廢書耶對曰臣性拙

惟知讀書職事暇未敢忘舊業翌日命知平涼府先生官京師十年頻請假省親爲上官留阻使事竣方卽入告還有平涼之命先生流涕日平涼去家七千餘里舟楫不通老親勢難迎養君恩誠重然安有十餘年不見父母之子卽具疏乞移隣近地改知鎮江歲餘復遷常州先生爲政寬重有大體開誠馭僚屬虛中集益人人得盡其長而無敢以私干屬人士亦無有狎至其庭者行部則必咨訪人才測其土田高下溝渠堤圩所宜與令熟計之而于人心風俗尤

凝齋先生遺集

卷四

行狀

三

三致意丹陽奸胥某爲令所黜乃偵他事譟詠之制府尹公將劾令先生曰令固當去然以滑吏敗則長奸風非儆官邪也尹公深領其言民有兄弟爭訟蔓引連歲不決先生導以天良使悔悟然後平其曲直俾無相仇害旁觀並感泣武進地高苦旱爲穿渠引水並開德勝渠港諸溪之淤塞者漑連江橋以下四十餘萬畝歲獲遂倍他邑瀕河低窪者趣民築堤堰咸鼓舞爭先乾隆十三年夏米麥踊貴鄰境騷然而毘陵獨得晏然無事先生嘗言吾蹇鈍百不如人

惟此拙誠爲民之心。早夜矻矻。則鎮常人士皆可與知方思規畫社倉。興復東林書院。而去職矣。其官鎮江時。奉大府檄審常州董守狗張紳爭田獄。先生訊知張田鬻人已久。贖之未當。而誣買者用賄行求事。左驗無寃。所引證行求吏人反言其意。皆出自董守覆上董。既罷黜制府。將以先生改調常州。先生既面辭。復爲書陳請。其畧曰。毘陵領邑八屬。較京口增倍而治辦易於京口。此一轉移皆外吏求之不可得者。況職在屬郡。東西南北。惟命之從。是於人情。旣不必凝齋先生遺集

卷四 行狀

四

辭於分。又不得辭。而某顧名思義。通屬知府。獨某爲萬不可膺此調者。日前常州之案。兩院會疏曰。商之撫臣交與鎮江知府黃某查審。是常州府之叅劾事。由鎮江府審訊。夫糾人之奸。而卽代其任。雖奉命自上。而自顧亦何以御僚屬對百姓知愛如公。惟恐某在官少有疵玷。不獲成全。豈令某居此嫌疑之地也。語甚懇至。卒不聽。且令申理前案。已而張紳坐籍沒。先生時行部江陰。聞之愕然。莫識其由。而董張兩家騰布蜚語。歸謗先生。先生亦不與辨。其在官也。日閉

閣理民事于太吏同僚往來及縉紳就見儀文疎濶至是無爲分解者雅公初撫蘇以江陰署令不謹事牽連劾議鐫二級復守常州先生固辭引退雅公遣僚屬稱引古義相責謂初有嫌隙後爲莫逆如蕭曹郭李范文正呂許公皆是也前惑已解不宜更存芥蒂陳請再三不聽去在官一月而制府黃公又奏罷矣其奏罷也以巡部胥吏夫役屬縣代買食米爲言先生坦然聽鞠羈吳二載未及成獄而先生死矣先生家故貧内外官十三載無分寸積落職後薪米將

凝齋先生遺集 卷四 行狀

五

不繼先生不爲念日杜門著書自得毘陵士民咸怪黃公去官而貌加豐云然體素羸事無小大必竭思慮坐是益勞瘁年未五十鬢白齒脫落卒不長享嗚呼可痛也已先生爲學探原六經下及宋元明儒先書尤愛念菴語要意在兼集衆長歸於自得而蘊蓄淵涵不露雖素所知交及從遊之士非久與處莫能知也平生友無妄交語無妄發律已嚴而待人恕獎誘後進惟恐不及常念人才衰耗皆由師友道失英俊之士往往斲其根株苗已壞而冀其秀實難已與



人言學以適用爲貴定其志恢其識鍊其才歛其英  
銳而固持之庶幾其有立乎又論讀書之要曰聖賢  
備言之矣闕疑逆志論世知人三者失一不得謂之  
通儒而研心經訓尤爲簡切諸子文集浩汗如取金  
于砂礫功多益少耳先生爲文不炫奇示博而意理  
妙遠古質醇麗使人味而彌旨所著有春秋四傳異  
同辨靜子日錄南庄類稿若干卷居吳時所自集也  
輯成後數月卒於邸舍時乾隆十六年六月二十二  
日享年五十有三娶羅氏子二光理郡增生光琮尚  
凝齋先生遺集 卷四 行狀 六  
幼女二長適同邑諸生唐廷魁次適奉新舉人帥家  
駿嗚呼先生志在經綸天下少時慕易堂經世之學  
從梁質人先生遊而友高守村彭祖硯涂贊皇于岸  
兄弟於古今制治典法損益廢置得失之由相與講  
明而切究之要在宜於今而不失古之意故觀其外  
退然若無所能及與之擘畫事理動中窾會乃連蹇  
一郡叔姪挫折不得展其猷爲其所表見者特其小  
焉而已且橫被口語抑鬱以終豈非其命也然先生  
既死越二月稚公奏覆徘徊嗟惜且今屬吏善歸其

喪云子光理將卜塋於某鄉某里道從遊久不得以  
不文辭謹述其歷官行事之可見者乞銘傳於有道  
庶幾天下後世知先生之爲人仰止而私淑焉一綫  
之寄不至墜失亦先生之志也歟門人陳道謹狀。

凝齋先生遺集

卷四 行狀

七

顯考立軒府君行狀

府君諱世爵字浣修號立軒爲先王父 馳封奉直大夫西岐公諱以沂先王母李宜人仲子子曾王父邑庠生章明公爲孫高祖處士啟元公爲曾孫吾家自宋進士孔明公始遷新城于今二十餘世代以禮義傳家先王父尤遠心經學困諸生三十年恪守寒賸絕不問家人生產事家益消耗府君於是廢書謀生日累所獲以奉甘旨食指百餘並能克給不以祭王父母心然王父竊憂之謂曰治生固急無本奈何凝齋先生遺集 卷四 行狀 八

府君曰兒以信義爲本耳先王父乃喜以城市煩費命析居鄉落府君卜宅鍾溪益刻苦自勵貿遷于吳楚閩越燕齊趙魏諸鎮地水陸奔馳歲無寧處性剛果遇事卽行無留滯與人期無宿諾雖甚風雨必往踐之四方人士數千里外千萬金但得府君一言遂爲左券與人交樸直簡諒詞色端嚴若難忤者而器量濶達時或受人欺侮始不免憤懣終能寧耐抑志下之嘗取師德唾面自乾以爲法臨財無苟得非其力之所爲絲毫不取其權子母也惟意所欲行得與

失亦未嘗追念也其用財也非所當急者不務爲名高至義之所在無吝心亦無倦意族祖祠創自前明後移建他地堂廡卑狹不足容子姓雍正十三年秋族人以修廟事爲言府君曰新祠修之無益盍卽舊趾而鼎新之衆皆懼費不資府君毅然引爲己任命不孝同族兄華璧經理之不數月而廟遂成堂寢齋庖規模程度一稟之府君乾隆七年歲大稔里人洵洵赴告府君買穀四千餘石艤舟載歸是冬不孝自大學假省至南昌寓中府君喜曰汝歸正好鄉里苦凝齋先生遺集 卷四 行狀 九

饑我幸有餘力義當勸分推解事則難繼計惟平糶善然度今所收貯并家倉存蓄僅支吾鄉三月糧萬一購買不續外販裹足使市中無米則此舉非惟無益適以害之汝往家其與長者熟籌之設施措注必詳必均毋執毋徇毋忿毋矜終始如一斯可以濟不孝卿命旋里編列戶冊計口均給夏五暨閏月市價日騰視減值且倍遠近爭趨赴糴府君聞信急船豆麥諸糧以代匱隣里藉是以安去春吾邑爲隣境搬運米價陞昂復命不孝倡先平值如往事鍾漢爲西

鄉。漚。流。之。所。水。流。漫。衍。架。木。爲。梁。率。十。餘。年。一。易。雍。正。五。年。里。人。以。新。橋。事。集。謀。時。孝。廉。魯。君。孟。采。在。坐。府。君。與。語。曰。君。其。有。意。耶。吾。二。人。共。襄。之。孝。廉。曰。爲。此。不。難。難。在。選。材。耳。先。是。衆。議。歛。錢。公。建。輒。言。採。買。山。木。需。時。皆。歛。手。疑。懼。府。君。曰。約。半。月。卽。當。集。事。卽。日。徒。步。相。度。山。木。周。行。三。百。餘。里。五。日。返。報。曰。橋。梁。具。矣。人。或。疑。爲。誑。言。遲。數。日。而。梁。木。果。至。兩。月。而。工。訖。乾。隆。十。五。年。復。專。力。建。造。又。集。里。人。士。歛。捐。租。田。歲。積。其。入。爲。修。葺。改。建。之。儲。其。生。平。暴。義。樂。善。處。事。凝。齋。先。生。遺。集。卷。四。行。狀。十

敏。決。類。如。此。他。如。平。治。道。途。與。夫。藥。病。掩。骼。歲。費。數。百。金。無。少。靳。嘗。謂。天。與。人。以。財。當。節。惜。有。餘。以。補。不。足。不。當。擁。以。自。奉。故。施。予。無。嗇。而。服。食。器。用。具。有。分。寸。不。改。常。度。又。訓。不。孝。等。謂。勤。儉。二。字。雖。治。生。常。談。然。勤。則。無。邪。思。儉。則。無。妄。求。士。人。居。官。行。已。大。端。亦。不。外。此。吾。生。平。得。力。在。是。當。恪。守。之。昔。曾。王。父。以。嚴。整。訓。飭。子。弟。出。入。言。動。無。敢。違。繩。尺。遇。有。譴。呵。事。衆。子。若。婦。並。長。跪。請。罪。意。解。而。後。已。府。君。篤。守。家。法。端。謹。嚴。憚。無。一。戲。言。易。語。又。奉。先。王。父。遺。命。教。子。弟。必

以。小。學。近。思。錄。二。書。爲。先。不。孝。初。從。師。府。君。請。以。二。書。訓。讀。師。謂。此。於。舉。子。業。無。與。也。乃。於。夜。分。親。督。課。之。摘。取。古。仁。孝。忠。義。事。行。反。覆。解。說。謂。是。固。當。效。也。時。或。與。群。兒。戲。語。妄。發。杖。懲。不。少。貸。稍。廢。業。則。涕。泣。語。大。父。屈。志。勤。學。事。以。警。勵。之。不。孝。因。躡。舉。場。有。年。科。名。念。已。寢。日。見。府。君。勞。瘁。從。傍。分。理。府。君。曰。人。各。有。志。雖。父。子。不。相。爲。謀。治。生。事。我。之。職。也。汝。當。并。力。讀。書。以。完。素。願。乾。隆。二。年。春。命。不。孝。遊。學。京。師。謂。太。學。爲。人。文。所。聚。足。資。砥。礪。並。舉。同。鄉。前。輩。中。可。師。法。凝。齋。先。生。遺。集。卷。四。行。狀。十

者。數。人。爲。親。師。取。友。之。則。不。孝。奉。命。以。往。兩。試。北。闕。不。遇。府。君。且。憫。曰。無。餒。也。良。農。不。以。歉。歲。而。惰。但。力。爲。之。必。獲。豐。年。戊。辰。幸。邀。一。第。援。例。加。級。得。請。封。典。府。君。曰。王。父。積。學。種。德。數。十。年。今。得。一。子。封。稍。慰。余。心。然。汝。之。志。事。固。止。此。耶。方。自。此。始。耳。士。不。可。一。日。廢。學。廢。學。則。前。功。盡。棄。矣。不。孝。拜。命。不。敢。忘。然。日。夜。念。府。君。旅。舍。辛。勤。心。力。交。瘁。稟。請。歸。里。府。君。抗。聲。曰。往。時。經。營。四。方。犯。晨。夜。冒。霜。雪。且。耐。苦。爲。之。今。坐。會。城。眠。食。得。自。如。我。雖。老。不。耐。閒。也。去。春。復。請。乃。命

不孝曰京鎮有未清事汝能清之我卽歸矣時府君病瘳方愈胸膈微痛日戒就道不孝遷延未決府君意甚拂及行有日矣乃喜送于門顏色欣欣無離別意也詎知其竟爲噎病卽病噎詎知其至此耶痛其有極耶嗚呼府君苦心勞形獨力措拄五六十年困窮憂悲憤鬱艱虞情事嘗之殆盡居常道故未嘗不涕洟沾襟方幸歸里得優游願養以永天年而竟如此聞病方薦卽肩輿還家三四日間猶能與家人親友欸欸話舊臨終神氣清明語言井井不亂獨不凝齋先生遺集

卷四 行狀

三

孝兒遠離不親湯藥不奉一語永訣兒則何辜而罹此慘裂昔先王父病咳血授徒郡城府君嘗賁藥餌一晝夜往返百二十里今不孝視府君何如也府君天性孝友男兄弟五人以貧故異居後稍克裕輒分財與之計謀聚居合產不幸先後早世從兄弟培桂聯並撫教如子而聯弟早夭季父亦旋弃世哀傷尤切高祖以下各設祭田五十畝又嘗念族人散而多貧思欲立義產以贍婚喪寡弱者而規畫未就蓋府君之志事其鬱而未伸者尚多不孝子所爲每一念

至。不自知其肝腸之寸裂也。府君長身美鬚髯聲如洪鐘目光射人鑒別人多奇中生于康熙壬戌年六月二十六日卒于乾隆十七年十月二十七日享年七十有一太學生例授州同 誥封奉直大夫母氏魯 誥封宜人子卽不孝道娶楊氏女二長適太學生魯江次適例貢生吳邦燦孫男五守誠守詒守讓守訓守譽曾孫三元觀寬嗚呼府君負卓犖之才雖混跡市廛而飭身勵行自少至老勤惕如一日其隱德遺言並足爲子孫法不孝懼不能有所建立揚親凝齋先生遺集

卷四 行狀

三

之名乃忍痛而述其梗槩冀有道君子錫之銘傳光昭後世不孝等世世感且不朽謹狀

顯妣魯太宜人行述

母宜人氏魯邑庠生正音公之次女幼失恃善事繼母繼母視如已出外祖與先王父素友善於館舍見先君侍側狀貌魁偉卽以宜人許配年十八歸我先大夫時家初貧食指衆先王父館穀不能贍母輒脫簪珥衣衾佐之甚得王父母歡心既久不支乃承命異居先君如遷鐘溪益困乏母氏親井臼勤紡織飲水茹蔬不言苦於王父母生事壘祭並竭力相助如禮無干問諸伯叔先君性嚴毅言動稍不合意卽見凝齋先生遺集卷四行述古

誚讓母皆委曲順承無忤顧遇橫逆時有不能平者母輒微言勸解常於肆中失物久之其所竊者形跡顯露先君欲白於市母勸之曰若人雖無行市肆之辱亦難忍失者不可復得而又憎茲煩惱乎佐理家政質文豐儉各中調理先君交遊頗衆母間於房中聞其言辭退與先君議論是非邪正意輒合以故先君遠客外郡數十年恬然無內顧憂宜人艱於嗣育產子女六七人所得成人者惟不孝與二女弟而不事姑息有過必重懲之或與兒曹爭忿不問曲直先

加扑責常篝燈夜績命不孝讀書坐側泣語吾一子非不欲汝安逸顧不學無以承先志大家聲汝念此當自奮也稍長卽令習勞苦曉諭理家事然不使入市廛一切薪水交易並託親鄰代之使不孝得專志問學無爲雜俗染累不孝屢困舉場未嘗以爲憂既成進士亦不甚喜且曰但讀書無遷入仕父母年俱老遠宦羈係非汝所宜遇隣里有急難及歲飢行賑則助使盡心力爲之欣助曰是卽爲官之道也課諸孫尤嚴每出入必稽其所往聞與賢師友處則惟教令尊禮之如屬燕朋狎比卽遣使促歸譴呵責不稍貸守誠將應選告行戒之曰京師未易居須愛惜身名無替家聲貽我老人憂今夏得選金衢嚴分巡道則命不孝曰守誠初任便爲人長官治地千里僚屬百許一不慎害人且以害己路近汝宜速往教之且擇賢友相助約束家人無擾地方不孝遲迴未行每待食必趑趄裝復自作札使先寄往戒論不孝見其神氣清明眠食步履無恙六月中請命戒行母色滋喜並屬無速歸且將署中一切措注安善嗚呼孰謂

凝齋先生遺

卷四行述

古

此語便成永訣。告行即是長別。時耶嗚呼痛哉。不孝接知七月二十五日病信。即日就道至家。詢察病由。無一能言其故者。但知不孝出門後。飲食視舊有加。是日精神尤振。發遍視諸房室。坐語移時。午後忽呼婢具水沐浴。時天不甚暑。諸婦稟止弗聽。浴方畢。微聞喉間痰聲。諸婦奔集扶起。遂不能語。藥亦不能入。云嗚呼痛哉。不孝兒罹何罪。咎父母壽終並違離。不能侍疾奉含殮。哀哀父母何用此。不孝子爲吾母方教兒無違宦而獨於孫之官舍。起令速往。蓋亦恃其精力尚健。不自料其一旦至此。而不孝撫心追悔。以子之事致抱此終天之痛。死罪何極。其尚得爲人耶。尚得爲子耶。嗚呼吾母佐理家政五十年。身處閨門而門內外思患防微。植德敦本。事無不闢。其念慮自窮。約以至顯達。言動衣食無改度。飭家勤儉。教子孫讀書守禮法。終始如一年七十付家政。與子婦然猶不時檢察。提撕暇則觀書以自娛。終日端坐無倚側。倦容性行介直不苟。嘖笑不輕有求。取雖姻婭餽遺亦欲然思所以報之。聞親屬有過不能隱。必莊語規

凝齋先生遺集

卷四

行述

六

正而接待恩禮。新故無異。情生於康熙辛酉年八月十六日卒於乾隆二十四年七月二十五日酉時。享年七十有九。以不孝候選縣令捐加三級。誥封太宜人子一。不孝道娶楊氏。妾雷氏。女二。長適太學生魯江。次適側貢生吳邦燦。孫男五。守誠現任浙江分巡金衢嚴道。次守詒捐授部主事。次守讓守訓守譽。孫女三。長適內閣中書楊尚鉉。次適太學生涂志紉。幼適魯勤。乾曾孫男女六人。自守誠出者曰元曰寬曰觀曰允。自守詒出者男曰光女曰金英。嗚呼不孝等奉養無狀。使太宜人不得長享耄耋之年。生受晉封而隱德懿行委曲佐輔。在初歸顯考十數年間。危心苦慮之處。不孝未能具知。宜人間一道及涕淚交頤哽噎。不能終當此慘痛之際。不孝思及肝腸寸裂。莫能綴筆所得舉述者。特其大節顯行而已。語雖未有倫次。事皆不敢襲虛竊冀有道君子錫以銘傳志表光昭後世。不孝等世世奉爲家範。感且不朽。

凝齋先生遺集

卷四

行述

七

凝齋先生遺集卷五目錄

傳一首

夏存齋先生傳

墓誌銘一首

貢生鄧希賢墓誌銘

墓表一首

許孝女墓表

祭文二首

祭崧甫先生文

凝齋先生遺集卷五目

祭祝人齋先生文

凝齋先生遺集卷五

傳墓誌墓表祭文

夏存齋先生家傳

先生諱熙澤字爲霖晚號存齋世爲新建人父菊莊公以進士任刑部主事曾講學於易堂程山之間歿時先生方七齡家貧饘粥不繼嫡母黃生母張督之學或乏膏油則危坐默誦稍長益自奮年十九奉母命遊學親師友至京師從韓慕廬孫莪山諸先生遊見聞益廣時高文良公方爲庶常舅氏周翁託爲擇

凝齋先生遺集卷五傳

壻晤先生喜而訂交告舅氏以女字焉歸補博士弟子員己卯鄉薦庚辰成進士同考官靜菴寶公更進以身心之學兼博覽史書務求有濟實用方冀以祿養五年間連喪母竭力治喪具不問諸昆服闋謁選得廣東增城縣時邑大水田疇成巨浸既受事報水災開倉發粟按行村落散米數千石更勸富民捐貸民以不困秋大熟民相率輸倉至冬缺三百餘石吏胥請追比先生曰此皆極貧赤子何忍戶索庭笞哉代還之聽訟暇振興學校購書籍聘名師聚邑人子

弟教之。邑介山海區。有靈山。後嶺。層嶂。僻徑。逶迤。潛通七邑。爲諸盜逋逃藪。郡邑捕急。咸嘯聚剽掠。商人索金帛粟米。出僞牒邀贖。先生與同城武弁計曰。俟報上官。往返經旬。日賊勢猖獗。橫索。根足守險難。奪且民被禽。受害已深。攻其無備。出其不意。兵法也。彼恃負嵎。必無備。我傾敢死士。先入。君率營卒繼之。合隊夾攻。賊巢可破。武弁唯唯。先生戎服佩刀。糾衆夜發。武弁逡巡山口。乃分鄉兵爲二隊。直入其巢。賊聞鼓砲聲。不辨衆寡。奔散。過半。強梁者方對敵。後隊

凝齋先生遺集

卷五 傳

二

奮呼疾赴賊潰。追殺十餘賊。生禽其渠魁。男女被擄者悉解縛。奪歸。當是時。武弁恐形其短。不以白上官。上官亦諱言用兵。功抑不敘。而先生以清介自持。凡上官胥吏婪索。絕不一應。百計中傷之。旋以監斃盜犯過多。被劾罷。時斃者十二人。梟獄四府獄三。皆歸獄於縣撫軍楊公。方自閩至。未察也。旣而延入道意。甚自悔。贈遺甚厚。曰。知令貧母我卻而增城人民扶老携幼咸嘆息泣下。先生伯兄早世。嫂孀居在增城。延嫂及仲叔二兄携眷偕往。及歸家。修葺老屋居。兄

嫂自餽數椽。淡飯黃齏。讀書不輟。間出遊。徧歷名山大川。訪異人逸士。或身無僮僕。蕭然獨往。至老不倦。年七十卒。平田劉公嘗言其胸中無富貴利達之見云。

論曰。望溪方先生謂唐宋八家所立傳必徵者以其不獲達於史也。後世爲貴人傳者。失之然此可爲公卿大臣言。若州縣以降。則不獲達於史者多矣。夏先生擊賊救民。當時且泯然。況後世乎。先生長子之翰志行卓然。與余交久。知其不溢美以誣親。據其狀爲凝齋先生遺集。卷五 傳 三

作家傳俾修史者擇焉



貢生鄧君希賢墓誌銘

君姓鄧氏諱宗偃字希賢世宗新城之社坑其始遷祖某傳九世至元埭爲君曾祖祖文甫與吉甫爲高祖兄弟吉甫未有嗣文甫以子德紹爲之後故吉甫爲君祖而德紹其禰也吉甫負豪氣客遊四方而居吳城鎮最久德紹乃承其志率諸弟僑家于鎮事畜積數十年間業日隆起君性孝友兄弟十人雖析業異食而運籌生計常如一日庭內男女雍肅無違言里黨誦友于之風必推鄧氏伯兄宗僑爲萬載寧州寢齋先生遺集

卷五 墓誌銘 四

防守某歲得疾以死遺孤數齡思勤教育君任之不啻己子與人交然諾無欺四方賓客常藉一言以爲重人有急解囊勸分必拯救之乃已先大夫歲一至鎮與君昆季縱飲話舊爲樂錢貨勾稽事一委于君君不辭繁瘁區畫周悉會年四十餘常舉子矣而艱于育意怏怏不樂先君慰之曰坦易正直如君而無子必不然之理但少寬懷無自苦也君竟不能自釋鬱鬱成疾未數月而遂死矣惜哉君爲德紹第六子母周孺人春秋高晨夕奉甘旨務極歡心疾篤猶懼

傷母心諄囑諸弟兄而呼弟宗僕曰吾死矣汝子世

錡素爲吾所愛必爲吾後無負余言弟含淚承命乃

賁時乾隆二十年正月四日距生康熙乙丑年六月

四十有七年娶魯氏妾二曰王曰鄭繼子世錡女一

字魯諸昆弟將歸塋于某山率其孤奉狀乞銘余與

君家世好誼不獲辭銘曰

生獲令名今死有餘聲年壽短長今何裨重輕蓬科

馬鬣兮緘此名旌

寢齋先生遺集

卷五

墓誌銘

五

許孝女墓表

孝女名福弟徽之歙縣許氏女也年十八夭死而歙  
 之人士爭以孝傳詢其事則云女年十三能割肱以  
 療母病因並道其祖許旭齡素有割肱事其女孫蓋  
 觀型有自云余聞而異之見歙人必咨訪之無間言  
 乾隆十四年冬女父秉恆客余家因得具聞其詳孝  
 女少孝謹勤女事能承母意乾隆八年夏母病侍牀  
 席晚夜無怠既久不痊念父客外閨中弱女無能遠  
 求醫藥聞人肉可治病遂引刀自割其肱雜飲食以  
 進內外人無知者閱五年女疾且篤母撫摩其手得  
 一凹痕急詢之俯首嗚咽不肯言母徵問益急乃垂  
 泣道狀母相持慟哭而女竟死嗚呼爲人所難爲之  
 事而不求聞知雖學士大夫猶或難之顧乃得之兒  
 童女子若甚易者是始其性然歟抑所謂觀型有自  
 得之家庭者爲獨切歟在昔盛時家塾黨庠熟聞孝  
 弟慈讓之訓故其時農夫野老婦人孺子類能知其  
 義盡其禮相習於家庭里巷間視爲固然非其遭遇  
 奇變亦無以孝弟特稱者三代而下風教漸替民生

凝齋先生遺集

卷五

墓表

七

曾王文字

黃靜山先生曰嚴謹中有寬博之氣絕類遵巖學

凝齋先生遺集

卷五

墓表

七

不見庸行之軌其有天性篤摯孤懷獨往若無可自  
 效者往往以畸行貽風後世余深惜斯人之無聞而  
 哀其心之大可矜也許氏祖孫相繼爲此彼平居莫  
 知敬養寢疾不親湯藥者其視此當何如惶愧也女  
 以某年某月日卒未字其父既塋於某鄉某里不忍  
 令其歿而無聞乞表於余余惟其事之可以啟人孝  
 思也遂次其所聞俾揭於墓左以爲世勸

祭崧甫黃先生文

嗚呼夫子遽至於斯天生夫子斯文綱維士類仰爲圭臬國家倚爲著龜胡不畀以上壽使之克竟所爲而甫見施設乃遂促駕而遄歸生徒知交聞訃涕洟互執手而長號問蒼蒼其何知追維夫子德宇含宏群言羅蓄撮要取精屏除門戶潛光韜聲形爲著作函史翼經故其溫柔可挹渾然不見鋒鏑而真氣所盤旋實任重而無却初試刑曹簿書紛錯秉義揆情愼加權度一二年間賢聲丕作帝用疇咨簡視京

癡齋先生遺集

卷五

祭文

八

倉旋以江左疑獄譴張奉使往鞠懲奸遂良奏復稱旨命守平涼顧以親老亟拜辭章改官隣近初鎮後常惟鎮與常治用弛張去泰去甚威德並將馭屬寬簡整飭紀綱無畱大慝無掩寸長公私旁午細大具詳心力交瘁朝夕不遑何爲中路忽遭顛扼求全得毀衆口交謫旣興復抑極于三黜嗚呼已矣世復奚爲漸鴻于遠斥鴳是嗤金揀于沙衆口鑠之豈伊異好臭味差池自古皆然何獨今茲惟吾夫子履險如夷返躬內問坦坦無虧菜羹蔬食其甘如

飴聖經賢傳相對忘疲書來謂道曷不相隨道味彌肯能無朶願捧書未幾遂聞凶期嗟哉夫子不獲人知天也何尤亦不慙遺嗚呼已矣道將疇依自昔從遊荏苒十暮遠離函丈莫覩光儀頻年相招雜俗稽遲意謂解組旦夕來歸重加拂拭滌垢去疵何期鎮江一別遂成今古之悲但畱文字數帙使道執卷而嗟噫嗚呼夫子寔德難施猶恃空文可以長貽沮我忌我紛挐是非蓋棺論定直道難欺嗟彼謾說抑復何裨所可痛者上有垂老雙親下有未昏幼子家無海齋先生遺集

卷五

祭文

九

擔石之儲可以養生送死而其間修孤况輒受人之詆毀蓋自書生至仕宦無日不與憂患相終始天乎旣生此賢哲胡爲乎困厄乃爾道所爲撫棺長號呼泣而不容已嗚呼形魂雖往心神猶存追維教思起頑覺昏庶幾卒業無負師門慟哭陳詞敬奠一樽師靈不沒鑒此盤飧

涂策野曰氣舒度閑詞安義穩於呼搶中仍不乖溫柔之則大是難事

祭祝人齋先生文

嗚呼先生而遽止於斯耶。胡天不佑賢哲。喪我師資。使我善無由聞。過無與規。嗚呼已矣。我心如擣。我首如疾。我神惝恍。其何依。回念與君訂交于今十有七。若彼此聚散。雖無常期。而神志維繫。不啻朝夕相追。隨吾兒應選都門。先生視之猶子。顛爲之扶危。爲之持我藉。是以稍釋憂思。今官舍切近。君里教誨成全。幸先生可爲依歸。而天不憖遺。遂棄我而逝。使小子悵悵于途。迷嗚呼。是豈先生之心哉。實余之不幸。莫廢齋先生遺集卷五 祭文 十

獲善人相倚毗。抑余之委託相累。使先生寒暑失節。至于一病不支。噫。余之負咎多矣。余其何時能已於悲哉。在戊辰。先生與余各返衡廬。謂余二人旣未有以出。將何以爲處。而可一日曠此居。諸六經傳註。雖極明備。而春秋戴記尚多紛挐。君任禮注之尋討。余曰。五傳可爬梳。去冬君來報我。謂注稿業有成書。而我尚泯泯焚焚。聽衆說之繁蕪。愧無以見先生于生。日猶冀後此策勵。可補失於桑榆。而先生則已死矣。撫先生遺稿。余能不汗顏而歔歔。先生之學遠宗程。

朱近法楊園。故嘗有淑艾之錄。願學之編。楊園書久已殘軼。今刊布學宮。士人皆知向往。遵循益學。使雷公表章之力。而收遺補。缺先生實闡發于二十年之前。其沈浸得力已久。故其爲人廉介清醇。閭閻事理。不厭詳密。權度措置。惟義所安。與朋友交。切切閭閻。余嘗與君諍議。時或齟齬。不相下。而語畢。論定。彼此欣欣。無間言。嗚呼。往歲京華。同志晤對。多以十數。少亦五。六人。今皆散處山巔。吾二人者。意其可必聚矣。而先生不爲余留。使余一身落落寡偶。望越水而屯。凝齋先生遺集卷五 祭文 十一

遭君之孤。甫離襁褓。遺書慮其難于繼紹。余謂此有天焉。非人所能了。卽如先生誰能卜其造詣於少小。況復有穀以詒孫子。夫何慮學之不傳。而世德之不保。天或假我以年。余其忍忘茲舊好。今當歸里。不獲躬致生芻。遣人絮酒陳詞。冀先生鑒此微誠。而無惱嗚呼尚饗。

黃素堂先生曰。委曲婉摯。盡達其意。所欲言而出之。自在定推作手。

凝齋先生遺集卷六目錄

家訓

九條

官戒示長兒

十六條

祭田序一首

立軒公祭田序

學田議一首

謙益堂學田議

凝齋先生遺集卷六目

學規十一條

凝齋先生遺集卷六

家訓官戒祭田序學田議學規

家訓

人道莫大於倫常盡倫之道始自家庭孝慈友恭人  
人秉於生初而所行或見違背者好惡之偏雜蔽溺  
其心閨中瑣細又從而惑之往往徇情溺寵踰分滅  
禮而不自知故有事甚明顯平心觀之是非了然當  
局者或迷而不覺其端起於細微而禍敗之所積延  
及子孫可不畏歟畧舉其大端以訓兒曹因是而類  
凝齋先生遺集卷六家訓  
推之庶無大背人理也

一敦孝友論語開卷便教人孝弟曾閔大賢並以孝  
行首稱誠以孝弟爲人道根本寔愛敬之原而仁義  
所從出也不植基於此而托言學問矯飾事功枝葉  
雖茂而本寔先撥末有不傾者顧是二者相因而成  
惟善事父母然後能友于兄弟亦必友于兄弟而後  
能承順父母由是而儀刑妻子肅雍門內仁讓之風  
達於家庭里巷間無論富貴貧賤皆足以自重而不  
至貽羞召辱矣

一正情夫婦居室情好易狎少年不知自重習爲戲謔致婦無尊敬之心或恃寵生驕或矜才擅干家政稍加節制便生懟怨固由女不柔順亦男無正室之道所漸積非一日矣故欲永始終之好必嚴內外之位婦人雖才職專中饋無令干預外事時教以孝敬舅姑恭順夫主之道而待以恩禮無非道震使彼此相愛相敬以全靜好之誼

一辨分婦人之性多疑善忌家有嫡庶猜嫌輒生不明正其分則此懼其踰彼怨其遠無事不見齟齬而

凝齋先生遺集

卷六

家訓

二

爭端啟矣夫惟不以小加大滔破義而後能使嫡宏逮下之恩妾守順從之則家可和而福可生至於嫡庶之子分位不無差等而愛惡不可或偏慈育之義教之父母之道也爲子與媳婦者當一體孝敬徒知嫡母爲重而輕視庶母與親比生母而不知尊嫡母者均爲廢禮滅義有傷父母之心

一却細言徇私見小婦人之常爲夫者不能以大義折之習聽其言有似於愛我親我故其言每易入人之既久且多則偏私之見習爲固然婢僕又承其意

以相婁斐而孝友之心日消其害至不可言矣此在斷之於初察之於微凡屬垂傷父母離間兄弟之事雖其言或是亦當屏絕勿聽而以大義開導之漸消其私小猜嫌之習爲婦者於婢僕讒間之言無問虛寔痛加叱遣使其說不行庶可以和睦娣姒佐夫全兄弟之誼矣

一敦推讓父母於嫡長衆庶子孫不能不稍別差等理也分也爲兄弟者則不可存此見以少陵長以庶匹嫡固乖禮義苟挾嫡長而欺幼弱又豈友于之誼

凝齋先生遺集

卷六

家訓

三

財產外物得失無足輕重手足天性生分便無人理世之爭財而傷同氣之和者其初只薄物細故端隙一開漸成大釁不幸而有匪人讒搆共間遂成訟獄彼將取利其中勢必使兩敗俱傷而後已詩曰兄弟閱於牆外禦其侮言兄弟雖不睦外人欺侮猶不肯坐視而乃招致外侮以戕兄弟返之初心諒亦不忍特以一念忿爭遂甘心爲此可不痛哉苟知其害之至此而念祖父之物得失皆歸兄弟有何不可則爭心自息又況一人能讓則貪者始或昏蔽久亦漸生

愧悔上綿家聲下穀後嗣視相爭成仇者何樂如之  
何榮如之爲吾子婦者當共體此意和睦娣姒愛敬  
諸姑母以瑣屑細故妄生誚詆母以讒言曲說浸潤  
夫君肅雍之象聚於門庭吾愛之重之否則輕之叱  
之不恕宥也

一和三族吾族散居遠隔情渙而氣不聚人之情習  
又多孤傲不相下生齒不蕃大都由此向於祖父祭  
田內立助贈規條冀欲聚渙收族培養元氣耳要非  
徒恃此也汝曹奉行此事當有真寔和藹之意流貫  
凝齋先生遺集 卷六 家訓 四  
其間遇孤弱愚懦者矜之憫之不可存輕薄倨傲之  
心五服內者尤宜加厚祖若父之姑姊妹及同輩女  
兄弟諸表親皆至戚親屬無論貧富往來禮貌並宜  
一體遇事要真意關切貧者尤宜體恤祖母之外家  
汝輩舅氏及諸子外家皆世聯姻親尊行者當敬禮  
之同輩及卑行宜恩意相接不可以才智相加勢力  
相耀遇緩急相與維持古人謂人家有數代親戚故  
舊往來者可以占共家之厚道宜力行此使其心日  
近仁厚而澆薄之俗不得相染也

一尊師友師能開愚蒙而傳以德義友能責善輔仁  
皆我身所藉以成立者顧不重乎特其人未易得如  
語所云直諒多聞者平素延訪而慎擇之無濫及也  
幸而遇其人矣敬之禮之惟恐不及而非徒虛文承  
奉以博好善之名也觀察慮下聞善則遷有過則改  
而後直諒者樂爲吾箴規也否則皆將弃而遠之以  
爲不足與言矣故其本尤在修身

孝弟之道近而寔遠微而甚大非語言所能悉姑舉  
其端以祛蔽溺而培養愛敬之心耳當常存此心於  
凝齋先生遺集 卷六 家訓 五  
經書中教孝教弟者尋味而體察之家庭日用間隨  
事異宜觸感生情總此愛敬之所流行而行之必以  
忠信家庭耳目至嚴稍涉虛偽隱微具知此人道之  
基爲學之大原也毋以近而不察毋以久而或怠思  
之思之無忝爾所生

涂詡菴曰準情度理得失兩邊說透修齊之道已  
具於此

官戒示長兒

初到地方宜博訪僚屬察其俗尚美惡舊政沿習何似無甚害義者且循故跡無輕率變動未能洞悉原委而輕妄動不惟無益且以滋擾初任官或故作振厲以炫才華以矜威福往往爲有識所笑所貴坦易平和與人無忤漸次熟鍊知其端的而後可以圖議治屬疆界山川道里均宜先知托同官鍊達者將各府繪一總圖地之肥瘠高下土地所宜水利開塞以及州縣接壤水陸道途所通及大市鎮並細注圖內凝齋先生遺集

卷六 官戒

六

更胥機巧非智計所能防察當立定章程使不能爲弊恩信相孚使不欲欺不假權於若輩批判一由內幕而尤嚴飭門上無與爲比內署左右爲書吏耳目所係本官性情又爲左右所伺察必自守嚴正安重無偏好無輕言妄動使人得而玩之日用物件悉照民間平買無貪小利短折累民或舊有官價陋規須潛訪察明張告示無爲買辦蒙蔽食用須酌定章程豐儉適中他物寧自節省無好侈靡奢而不足必致妄取於人所得甚小而所失甚大

衙署房屋足蔽風雨卽便安居不必修葺如今屬官代修尤爲不可圖一己之快而爲累於人何爲也凡有餽遺槩宜絕謝卽食品不便却亦須擇其至輕者凡送物投汝所好必將有所爲且與門上相通方能如是宜峻拒之稍涉游移後將引類而至所累甚多而玩物甘言尤足中汝切宜謹守至於托人購買物件尤爲非理此口一開人無不輕而玩之

養廉按月收支無預借諸友館穀逐季送清餘以給日用能節存十之二三以備急用爲妙萬一不敷寧凝齋先生遺集

卷六 官戒

七

家中補湊斷不可妄取人錢祖父以清白傳家非義之物一介不可取慎守官箴無替家法事上宜恭謹而不可卑諂如某某之爲雖幸不敗露亦不可爲此須平素守正不阿人方不以此類事相委若素常詭隨臨時豈能謝絕凡與人交不可求一時親密人之易見喜者必易見怒惟遵禮致敬不見好亦不招尤所謂淡而可久是也見兩司及在撫軍坐中凡言他屬能否與計議政事不可輕易出言本屬有公事及官當遷調之處均宜先與兩司商定再



陳之撫軍葢兩司總持風紀通省政事皆其主張分  
巡職當聽命無專擅之理遇公事差遣切不可推諉  
院司書稟宜常通但須擇地方切要有益而可行者  
無泛舉動以啟人厭

待僚屬宜寬平和易使人相信而不疑故作威福以  
爲不如是不足以生人敬畏而不知適足以使人輕  
賤遇一老猾者慮其不測卽先發以相制未能制人  
而先自敗如某某等可爲前鑒屬吏能否當於政治  
實績間驗之語言狀貌未足爲憑固不可先設疑心  
凝齋先生遺集 卷六 官戒 八  
待人尤不可以片語投合便深信不疑守誠於觀人  
之道絕無講究往往入人套中迷而不覺今有察吏  
之責不可不詳慎

州縣相見並須和顏悅色論地方政事須聽其暢言  
畢後方詰其曲折或所見不同亦宜和婉相商有能  
抗論是非者必其中有所見尤宜平心下氣加意採  
擇無執己見遽折人非人有胆弱者一折便將不顧  
事理曲附上官之意貽誤民事不淺同是公事只期  
事理得當而已人我意氣斷不可畱

本境武官尤宜和協事有事相關者和全辦理無分  
彼此無大小接待總宜謙下

出巡於地方未能有益而先於屬官有損鋪張迎送  
雖甚簡便亦不下數十金書吏家人難免需索本官  
不能防閑人已均有闕碍但初任不能不一行部切  
宜輕裝減從一幕友二三老實家人書吏曉事者各  
二人厨子一人從供使令便好此外無多帶僕從夫  
馬及船自發錢僱無取於縣尤要在不遣頭站人諸  
弊皆從此生先已行牌通知斷無須人前去屬吏預  
凝齋先生遺集 卷六 官戒 九

備執事郊迎俱令掣回隨畱數人備傳呼而已所帶  
家人只一可信者應門餘俱不得與府縣人相通所  
到地方或有訟獄當折者就近理之利害當與革者  
細心察看與同官叅議回署再酌無以已見遽出令  
也一切餽遺除酒食外槩行謝絕無爲語意殷勤稍  
涉游移也或辦差務及往省均須酌定合用人數無  
多帶閒人

善柔之人能以曲說巧語入人心腹當前甚覺可喜  
或引而進之謂此人必爲我用而不知爲此者葢有

所圖也圖之既得或他事未盡如意卽生怨怒心我之勢又或稍失彼將轉媚他人遂不難加以讒譖陷害此自古迄今小人之常態未足爲怪閱歷未深者往往爲其所中事後追悔已無及矣官場中傾軋之事甚多而此尤難測好諛者尤當隨地自省加意防察

幕中諸友須情意親洽禮貌周到不可似向年踈忽飲食酌定數品只一二席稍豐時常陪飯便令厨子不敢省減論事當和婉清商無執已見輕行改竄卽

凝齋先生遺集

卷六

官戒

十

或意見不合亦宜以禮貌相別無出惡聲

分巡雖有察吏之責而無進退之權稍一專擅欲自見長則上疑於僭下嫌其侵矣故以安靜恬退爲守官之道人自炫欲做能員其事至勞其心至苦尤易招人讒忌不能上進卽便爲人擠下求榮得辱何爲也且爲政最不可喜事喜事見能必至生事滋擾而奉行不善者非藉以取巧卽因緣爲奸然又不可以此而自怠苟安也事到面前無大小皆當細心體察分所得爲者審時度勢隨事救正於民生不無小補

也

人惟能受善言能知人善任使雖無才亦可免過矜智恃才以自用者乃世間至愚人小伎倆適以自害而已用入聽言之道前已詳說今更提撕當時時以此自省

以上條舉皆初任飭躬大槩餘可類推至於聽政理人之方未易言大要總以愛民爲心隨事隨時默存此意安靜無擾使人陰受其福也

涂于岸曰節節諦當邇固不遺遠亦不禦居官居

凝齋先生遺集

卷六

官戒

十一

家皆當取法嚴正安重受善言能知人善任使一十三字以相天下可也

謙益堂學議

學無間於富貴貧賤也亦非以求富若貴也富與貴非學無以守貧與賤非學無以立故人之所以自敬其身而無貽家羞者莫要於學富貴而不學是謂自棄貧者膏火不繼束脩難備非甚有志之士或遂廢業於是世家大族設學田以資助而勸勉之然其後子姓因緣爲利凌奪猜忌之風輒見於門內夫學也者所以明義利正倫理也倫莫大於親親孝弟慈讓之義明而後人道立乃以簞豆細故而忘親親之大

凝齋先生遺集

卷六

學田議

士

義使祖宗勸學之具爲起爭召釁之端前之人何貴乎有是舉後之人又何取乎有是學也然或因是而置焉不舉亦非父兄教育子弟之道今酌定條議數少而惠均使無相爭也課勤而功實使無相冒也嚴勤懲之法敦推讓之風申報本之誼使知勵廉隅而崇本行也而非有孝弟忠信學識優通者董率其事則培養失宜而振興無自是所望於賢達子孫張子曰賢才出國將昌子孫才族將大其能無厚望也夫

學規

小學爲養正之基近思錄乃適道之門祖訓詒命教子弟以二書爲先後人所當恪守然非徒能誦讀而已幼童在館課讀宜令稍暇師長隨以小學中倫常義理解說大意嘉言善行如講故事使之歡然樂聽以浸漬其心開發志氣乃爲有益十五以上者令其日讀近思錄數條尋思玩繹問其觸悟何在師長隨時鼓舞之

爲學以經爲本史次之文又次之九經四子書易書禮孝經是也資敏者全讀純四傳左國公穀皆擇通者雷春秋周禮後補亦可四傳其精粹三之一通鑑綱目文義通明後分其餘功兩漢史記前後漢擇其有關係而文雅八大家宋儒諸書並次第講讀經書畢後卽以時文相間同讀字學詩學餘功習之可也

凝齋先生遺集

卷六

學規

士

儒學以躬行爲要規矩準繩六經備矣宋周程張朱五子書其入門階梯也讀其書當習其行無事口語講說而已摭拾異同論辨尤屬末務本根大定旁泰於象山陽明以廣其識可也他如白沙甘泉龍溪以及講學分門別戶聚訟紛呶功多益少毋泛涉以分

其志

先儒云學貴有用非必居官臨民用於世而後爲有用也古聖賢垂訓立教以淑身心爲先吾視聽言思以及日用倫常無一非用事事由其道體而行之所學之經訓乃不爲無用矣且必身修而後治理之本立不能端本善則而遽談經濟恐生浮競而長權術爲害匪小可弗審哉

六經垂訓皆修己治人之道無甚高遠難測文義既明靜心熟玩自文其理自出思而不得求之傳註註凝齋先生遺集

卷六 學規

西

或未瑩姑且闕之以俟後悟妄生已見拘牽訓詁皆非學也試觀孔曾思孟如何讀書所以教人善讀之方又何如能於是取則焉其庶乎近道矣

廿二史爲歷代正史通鑑綱目乃編年以紀事寓筆削於書法紀事本末則集事之始終萃會聯貫便於省覽學者於史記兩漢文義高古不可不讀三國志而下冗襍難治莫若專力於通鑑綱目日看五年約計二年可週每週一代必度其時勢審其治亂得失之由是非之要所以增識廣才非徒記故事矜博洽

也至若典章制度詳見於正史中者繁複難理三通書亦繁惟函史下編舉歷代典制彙集成編其損益得失具有折衷省覽記誦甚簡要能於此尋流溯源叅稽攷訂以明損益之是非出而應世不至面牆矣古文由八大家上溯西京六經三史固其根柢也南宋惟朱子摹仿南豐元之虞揭吳柳明之二川皆胚胎八家他則旁門別派烟海迷眩難於別白無事汎濫

時文以識解爲先氣局次之筆力半由天分不能強凝齋先生遺集

卷六 學規

圭

同要在靈轉開宕前輩大家融會經書平素積理既深其氣格筆力復醞釀於古文故其文精純超脫學者多讀時文不如勤學經書古文雖得效稍遲而收功自遠卽或不能盡然四書本經必須透徹取歸胡金陳佳文百篇爲根柢更以時賢理足氣昌者輔翼之學其命意運筆之法無事勦襲無工浮雜

詩賦雖非急務苟欲爲之必知其門徑而後免於襍俗賦以文選古賦爲根柢每類讀二三篇習熟後再看律賦功省而格高詩從晉魏古體入曹子建阮步

兵左太冲陶靖節唐之子昂太白其首選也律則以李杜王孟爲宗他雖不無所長博觀而慎取焉可也能此而爲應制科試之作有餘裕矣不知務此而專事搬拾填砌揣摩字句之工力倍而品卑去大雅遠矣

本家藏書於學問切要者大段已備諸子弟常行誦讀之書均宜自購不可取用其多卷大部與坊間不常有者許令揭覽於學長總理面前註明某人某日揭某書幾套幾本看畢卽歸本架無得久假及遺失

凝齋先生遺集

卷六 學規

一

殘缺如失缺責又或一書二三人並讀須彼此面酌先後互更不可一人獨據每曬亮時按目錄卷帙查檢無凌亂失次

學貴自得非語言格式所能喻也特是出門必先問道審所向往循途而趨庶無南轅北轍之憂余少時妄謂聖賢書冊具在苟學焉必能有至不知訪求師友扣槃買櫝枉費心力年三十乃知悔悟博親師友尋繹討論稍窺門庭而家計奔逐功力不專未能登堂入室用自愧悔深懼後人之復蹈予轍也故舉肝

術大端使知所往其間甘苦曲折惟深心實力者閱歷審喻耳然余猶有懼焉近世學人專務苟簡急時文以取科名父兄教子弟亦以爲然見有積學經書古文者鮮不謂其道紆其効遲余年二十時志壯氣盛亦謂科第指顧可得且爲其所以速售者旣得焉更求正學未晚也逮偃蹇不遇始悔從前所學幾於兩失孰若悉心實學卽不獲科第猶可以自立乃轉而圖之未嘗急於見售不數年而已售矣更徵之友人亦未見實學之有妨科名者如其專務科名則於

凝齋先生遺集

卷六 學規

七

實學大相徑庭矣世之急科名而不遇者比比矣人有營一事而可兼獲者未有不竭蹶爲之顧於學而願爲兩失之道乎弗思耳矣後之人其鑒吾失而慎所趨焉可也

凝齋先生遺集卷之七目錄

古體詩三十四首

擬平定準夷雅七章

送友人從軍

夜坐懷涂大築野二首

擬古三首

雜詩三首

出都

嶧縣道中

凝齋先生遺集

卷之七 目錄

宿州道中

過八斗陵

過鵲湖書院

四十述懷

讀杜工部詩

撥火

遣悶

小孤山

遊語石巖

遊蕭曲峯

鑿氷行

擬行路難

過小孤山

觀音石歌二首

約友人三村看桃花未遂有感

凝齋先生遺集

卷之七 目錄

二

擬齋先生遺集卷之七

古體詩

擬平定準夷雅

惟清受命四夷皆春有土悉貢無國不臣  
蠡爾準夷自其後夫後夫之凶豈待翦除

蕩蕩聖祖姬熙九有薄伐既張釋舍羣醜亦越

憲帝以養以容惟彼愚庸遂驕且矜

惟天不富淫降彼內訌惟帝不與頑哀此孤窮赫

然振旅斷自宸衷桓桓武士爲我西攻

擬齋先生遺集

卷之七

古體詩

一

瞻瞻班公曰總朕師率彼降人惟左右之鄂伯貳車

則搖其虛草薶禽獮以靜邊隅

翼翼六師旣整且暇采入險阻壺漿來迓凡茲降者

帝命赦旃旆旆殷殷士卒訢訢

帝命還師武不可耀獻功辟雍告成宗廟開國承家

酬庸惟肖懷柔遠人文德爲要

惟文與武異用同治其張其弛道在因時勉勉我

皇攸徃咸宜準夷初降不震不疑亦旣卒定匡之綏

之決策明堂福祿來維

送友人從軍

皇猷光四表邊塞靜風塵涵照百年久將卒服儒巾  
一朝虎符下徵調赴西川蜀道自古難劬閑挿雲天  
况在金川地懸崖履深淵么麼輒恃險兵法不攻堅  
詎知廟算神義不予生全臨軒遣大將選士錫金  
錢雲梯三百士虎賁五千人感激酬恩厚刻日定凱  
旋是時日南至馬嘶風雪熾寶劍薄寒霄金鞍光照  
地山谷暗旌旗郵亭爭餉饋道傍皆嘆息乃今知  
天使自非窮鼠穴何以稱無愧行行多珍重茲行

擬齋先生遺集

卷之七

古體詩

二

軍國寄

夜坐懷涂大築野

晚涼侵戶內細雨連朝足風定燈始明炯炯爲予燭  
乍釋還自理形神可無辱伊人天一方何由訴心曲  
君書未忍釋臺臺予心沃試看並世士誰似人如玉  
君踞岱華巔我猶滯山麓豈伊道里長無乃與說輟  
振策理前途兇險足踳踳前村好鳥鳴轉瞬眩心目  
將伯時見招謂予早山谷九秋雲氣薄高軒傍籬菊

擬古

南國有老梅隴頭耳寂寞花爲歲寒開留芳歛精魄  
賞者自紛紛知音向誰索古之肥遯者三友以爲樂  
我非風雪姿對此慚劣弱薄田既可耕南山亦可託  
時復挹清芬把酒相酬酢

春風苦無賴汎汎入重闌紅顏愁看鏡留思欲告誰  
但恐君難悟寧嫌識察遲聊復整襟帶引領待歸期  
亭亭碧梧樹燕雀巢其端衆鳥相和鳴焉知非所安  
緬惟林藪下飲啄何盤桓如何舍此去赫赫受金丸  
感歎天機巧人世自汗漫

凝齋先生遺集

卷之七

古體詩

三

雜詩

寂寂何所思沈沈苦夜長蛙聲鳴未已風雨意無常  
家世渾無定問天天渺茫中夜起長歎顛倒任衣裳  
仰視不見月悲風生白浪

吾慕希夷子縱恣托虛元長生只穩睡無爲永與鉛  
壯懷卑華岳浩氣絡坤乾長嘯一聲去萬事歸雲烟  
嗟爾太平時亦旣耳草澤胡不逍遙遊得毋負泉石  
天意未隨人孰知順與逆榛棘蔓椒蘭騏驥隨駑櫪  
茫茫今古間志士多愁寂

出都

歲晏寒雲重驅車去金臺臺畔多烈風紛紛起塵埃  
留滯亦云久去住復徘徊徘徊戀帝里宮觀何崇  
起顧非大厦材壯心能不已載歌南陔曲娉修望前  
軌

嶧縣道中

野水不受棄棄之反爲變滕嶧土多曠輒言被水洊  
有司下令嚴預籌疏洩便此意豈不佳何如溝渠善  
蓄洩均有資高下居民冥過此輒齋咨瘠鹵何時轉  
凝齋先生遺集

卷之七

古體詩

四

宿州道中

我行經邳宿使我憂心促居人爲予言河伯無厭欲  
去歲食我黍今年竄我屋黍盡望君恩屋去待誰築  
滔滔懷山陵倉皇入山谷天子有恩言哺之以船  
粟匍匐入縣門舉首皆鰥鰥吏胥唱聲疾十人五口  
足束手歛眉去採茶供餽粥聞言心酸辛河神何太  
酷

過八斗陵

陳王多哀怨乃傳八斗名君臣獄未理遺毒第兄生



天教多才藝不與扶危傾載咏丹霞句悠悠不勝情

過驚湖書院

信宿偶然事湖名至今芳宮墻幾興復風流任渺茫  
吁嗟四賢心遺編足追尋胡爲臨淵羨而無以身任  
異同空騰口集益宜虛受大道廣且深千載懷豐蔀

四十述懷

茫茫穹壤間撐拄事在已前古繼後今雜遝相輸委  
千鈞寄一髮肩力其任弛我生四十年孟浪游書史  
少小多疎狂視世不足理十載居京華波流風靡靡  
凝齋先生遺集卷之七 古體詩 五  
名材千萬輩臃腫何足齒掛席歸田廬編籬扶蘭芷  
江漢自悠悠匡廬自聳峙長嘯挹清風披襟滌煩滓  
頽然野人俱養直游太始

讀杜工部詩

造化忌全能與齒去其角人事各有長清滋必厭濁  
身後享盛名當時固寂寞吁嗟杜拾遺窺身歸劍閣  
致主心嘗殷憂亂意已歇同時謫仙人冤繫潯陽獄  
孤懷時一鳴狼籍詩千軸至今兩人聲籍籍傳空谷

撥火

閒撥爐中火爐中乃能發發之恐易盡宿于深窻室  
仰觀萬化凝霜雪醞由葉人心胡不然而乃衆物實  
時或驚紛馳英華一朝竭持此告靈臺炯炯藏于密

遣悶

平時不識酒排悶聊獨酌酌罷興亦陶書卷任手索  
泛涉無停披未甘受束縛時逢古良朋無言有真藥  
往者幾世年天地自寥廓

小孤山

聞道仇池穴決滂出山巔二氣相胎息山澤爲傳宣  
凝齋先生遺集卷之七 古體詩 六

小孤一抔土偶茲寄水府下根窟魚龍蒸氣上雲雨  
世俗紛忙迂雜沓呼神女吁嗟事非一誰爲剖今古

遊語石巖

幽幽語石巖蒼蒼松栢陰憑軒木末外千峰失故岑  
曉日光下徹城郭信指尋側聽巖下泉泠泠傳清音  
禪房依巖岫四壁有遺吟杳然遊天際相對豁襟襟

遊蕭曲峯

昔聞蕭曲峯絕壁橫霄漢我行到語石仰視益企羨  
拄杖理前途藤蘿任攀援玉筍植懸崖怪石壓人面

石上梅花蠟荒草何漫漶俄聞鴈掖祠左折光景見  
高士昔居此草堂足清燕遺址更何存今亦荆榛遍  
大息躋峯頭決滌心目眈引手摘星辰千峯執壤翼  
飄搖御風行信可恣汗漫人事苦因循何由到彼岵  
語石初行時僮僕共驚嘆謂此少行踪十造九得半  
茲乃窮其巔賈勇賴諸彦大道無險夷驅除懶與慢

鑿冰行

鑿冰黃檀溪冒雪已三夕小艇四三人側身仰天踏  
坐卧移東西寒風窺蓬隙夜來起冰城四面如銅壁  
凝齋先生遺集 卷之七 古體詩 七  
南人少見聞艤舟並股栗招呼共解圍奮挺轟霹靂  
先登恃一人奔潰散瓦礫夙昔河北遊層冰凝數尺  
盼望解凍時憑藉東風力此乃恃人工亦咲寒威失  
吁嗟局方隅潢池等震澤

擬行路難

君不見太華山中老睡漢一睡數年失昏旦夢裏時  
與天仙遊世路任從狐鼠竄人生有眼慎勿張兩眼  
張時苦腎腸平林可以托何必高飛擇朝陽澗水可  
以飲何必矯首挹瓊漿桃花源裏冬復春花鳥日夕

來相親乘舟直到無人處嘯倚長松看白雲

過小孤山

日光動銀河倒影度飛鷺屏開九疊琉璃鏡奔濤合  
沓湧達天恨身無羽翼仙境難追攀栗里應遺菊漣  
溪尚種蓮何時逍遙出泥滓敲白石煮清泉追隨五  
老吸雪餐風白雲野鶴日夕相周旋

觀音石歌二首

銅山何年罷探役翻然化在仙蠟宅蠟中木石盡奇  
特鬼斧神工鑄雙壁梯懸石磴下千尺牖戶潛通日

凝齋先生遺集 卷之七 古體詩 八

光射臺榭空嗟舊風流洞口泉聲自今昔  
狀元峰下曲逕通古道翳埋荒草中藤梢石角鉤衣  
破松根慙坐來長風風吹翠蘿日亭午泉可汲烹石  
可煮我今欲移此山去爲問山靈與不與

約友人三村看桃花未遂有感

桃花開處春容與傳道桃源春風古彭澤當時嘆迷  
津今欲尋之誰爲侶出城延頸望三村平疇綠野浮  
江渚風吹花片襲遊人我亦襲軒爲鼓舞無端風雨  
昨夜來咫尺雲山悵修阻憶昔京華幾度春桃花歷

盡杏花紛南郊旭日友生聚意氣磊落薄青雲而今  
此願成虛擲白髮婆婆空慙慙陰雨冥冥催春去三  
杯取醉無復論

凝齋先生遺集

卷之七 古體詩

九

凝齋先生遺集卷之八 目錄

今體詩二十七首

喜聞平定準噶爾四首

雜興

東林寺阻雨

楓香驛阻雨

過大關

定遠道中遇雨

夏五卽事

凝齋先生遺集

卷之八 目錄

望湖亭

放舟夜行

歸自南昌魯四厚畬以詩見貽依韻奉答二首

雜感

過彭蠡湖

五十自答

元日偶成二首

舟行阻風寄示大兒

梅塢偶興

春郊雜興

疊韻答汪魚亭同遊水亭

偶步蔬園三首

昭君詠

凝齋先生遺集

卷之八 目錄

二

凝齋先生遺集卷之八

今體詩

喜聞平定準噶爾

惟天無失覆中外一同仁西域餘封豕 王師靜塞  
塵雲霓初愜望威德已無垠三月邊城雪今生萬谷  
春

建旗聲罪討師直律皆臧羽檄傳深入囊弓不待張  
崑崙青海上台吉宰衆行共威 聖人意輸誠託筐  
筐

凝齋先生遺集

卷之八 今體詩

一

凱奏來西極懽聲動普天豈知 廟算定早在出師  
前但使甲兵洗非貪境土連共球富六合端不藉開  
邊

萬國車書會百年兵甲銷偶然逢小蠶何異折枯條  
荒服懷柔至 深宮化澤遙翩翩千羽動萬里聽簫  
韶

雜興

微風疎暑氣細雨洒新秋池水淵淵靜魚兒淢淢浮  
蕙蘭添色秀菡萏遞香幽對此煩襟豁浮雲任去留

東林寺阻雨

客路偏多雨窮山馱有風如何咫尺地反滯塗泥中  
白日沈雲黑寒爐宿火紅荒村隨處宿人世似飄蓬

楓香驛阻雨

密雨空濛布霏霏擾客心故鄉已在眼旅次漫成吟  
杯酒其能醉離情已不禁孤燈寂寞夜歸夢幾番尋

過大關

連山如水湧起伏皺波紋窄徑穿林薄微光照夕曛  
荒村茅店古石澗細流分風景故鄉近遙遙南嶺雲

凝齋先生遺集

卷之八 今體詩

二

定遠道中遇雨

東風吹細雨不覺濕征衣馬怯春泥滑鴈投野水飛  
荒城延暮色古樹帶斜暉何處遶人宿前村烟火微

夏五卽事

長夏炎蒸甚空庭傍禁城午風吹夢熱花氣入簾清  
醉眼窺天地狂歌任性情無才朱紱謝喜甚俗緣輕

望湖亭

新漲添江水秋風動客心十年不到此今日復登臨  
歸鴈層雲上閒鷗曲渚陰何當塵迹掃掛席上青岑

放舟夜行

野水千溪月微風靜夜舟頻年常作客到處便淹留  
入夢鄉思苦計程征路悠此生渾不解何日臥林邱  
歸自南昌魯四厚畬以詩見貽依韻奉答

故園翻作客旅舍竟成家失學耳書蠹閒心似鏡花  
暮雲何處白秋鴈幾行斜携手丹楓下錯疑桃李葩  
近聞招北驥有詔待南金攬轡常搔首驚心欲賣簪  
飽看草上露坐聽風中琴此意憑君解爲誰覓賞音

雜感

凝齋先生遺集

卷之八 今體詩

三

世路原無碍吾生自網羅至今猶物役終久遂蹉跎  
蠹食殘書在嚶鳴好友多何當巖谷下鎮日共婆娑

過彭蠡湖

秋宇昭昭淨湖流淼淼平逐帆風細度戲水鷺爭鳴  
鹿洞傳名久扁舟望眼橫匡山真面目總爲白雲更

五十自告

五十年非暮泥塗混跡過中霄常自怪盛世可蹉跎  
生事從兒懶行藏責我多古之肥遯者肯德蘊春和  
元日偶成

又是履端日驚心作老人婆娑雙白髮歌嘯一天車  
園柳露華暖瓶梅香氣新宜春花信早樂意在芳辰  
頻度江城歲今知膝下懽婦爭傳絲勝兒喜上椒盤  
試筆能分韻成人豈在官雍雍門內樂吟嘯地天寬  
舟行阻風寄示大兒

歸去無多日胡爲又遠行我生渾不解爾輩自能明  
夜雨添春漲江風卜早晴迢迢京國望寶爰是身名

梅塢偶興

閒步尋芳草寒梅發我心春風亦相愛獨立倚梧吟  
凝齋先生遺集

卷之八

今體詩

四

春郊雜興

雨後園林暖氣融桃花飛入李花紅更逢海燕新巢  
幕帶得春歸小苑東

疊韵答汪魚亭同遊水亭

一池新綠漾微風影動樓臺落照紅同渡水亭君興  
遠凭欄獨唱大江東

偶步蔬圃

殘梅幾樹吐高枝積雨淹留春信遲喜見晴和剛一  
日西山遠望暮雲移

荷花池畔綠成隄柳度春風拂檻低南浦雲橫開匹  
練東湖水滿漲橋西

市廛不合野人居步到園林望眼舒此洗堂前湖水  
在臨風懷想憶吾廬

明章斗津先生此洗堂據年譜紀載應在蔬圃對岸今失其址

昭君詠

嫫母宮中列錦茵昭君馬上泣邊塵冶容自不勝軒  
冕延壽何曾非解人

凝齋先生遺集

卷之八

今體詩

五

凝齋先生制義目錄

上下論二十二篇

本立而道生 三句

夏禮吾能言之 二段

我未見力不足者

始吾於人也 四句

賢哉回也 不改其樂

女爲君子儒

如有博施於民 必也聖乎

凝齋先生制義目錄

默而識之

雅頌各得其所

色斯舉矣翔而後集

子路問聞斯行諸 二段

必不得已而去 二節

不逆詐 三句

不曰如之何 一節

有一言 其恕乎

辭達而已矣

言未及之而言 三段

性相近也

子之武城 二節

四時行焉 二句

微子 全篇

敏則有功公則說

學庸十一篇

至知在格物物格而後知至

孝者所以事君 三句

凝齋先生制義目錄

如保赤子 不遠矣

莫顯乎微

天地位焉萬物育焉

舜其大孝也與德爲聖人

草木生之禽獸居之

優優大哉 一節

禮儀三百威儀三千

知遠之近 合下四節

尙不愧於屋漏

孟子八篇

文王以民力爲臺爲沼

取諸人以爲善 二句

五穀熟而民人育

繼之以六律正五音

智譬則朽也 二句

人恒過 三節

盡其心者 二節

鄉墨三篇

凝齋先生制義

目錄

三

行不由徑 二句

或困而知之

卿以下 二節

會墨三篇

好人之所惡 一節

子曰嗚呼曾謂泰山不如林放乎

魯君之宋呼於埳澤之門

本立而道生孝弟也者其爲仁之本與

道之生也有由可知行仁者之所立矣蓋道莫大於

仁而非孝弟則本之未立生於何自然則君子之立

本於孝弟者豈苟然哉且以道之蕃衍無方也不足

以廣德心大公溥君子弗貴焉然使植根未深而後

言外榮是又彌爲不及之勢也古之聖賢培息於方

寸而胞與天下之量已裕惟其所務者得焉耳夫君

子之所競競焉惟本是務者豈不知道在天下固有

萬物同體之量其緒至紛其流至廣而非一身一家

凝齋先生制義

上論

之所得而竟其事也哉蓋將植萬化於一心則機之

所達事固有從其朔者焉失其所起而凡於彼于此

莫得其相衍之端抑將推至德於天下則勢之相引

道固有會其通者焉敦其所最良而後近域遐陬皆

可以循境而暨吾嘗曠觀夫道之所由生也日新之

萌根於富有敦化之積發爲川流天下事之不能無

本而生也明矣而況於爲仁而無所本與而爲仁之

本顧能舍孝弟而他屬歟是蓋有順而利導之機焉

民物之待命廣而難周而一觸於愛敬之全心則徐



而達之不矜情而自流。非有待於附益也。肅雖之德。敦而常凝。斯惠鮮之施。出而日茂。本之所為順導者。有固然耳。且有充而日盛之勢焉。親疎之異分。紛而難齊。而一準於和順之至德。則平而暨之。惟遞推以相足。非其好為馳騁也。親睦之積引而彌長。斯協和之休緣而相及。道之所為充盛者。有固然耳。此君子所為植萬化於一心。而推至德於天下。以庶幾乎仁道之生者。莫孝弟若也。否則泛驚施濟。而休嘉之象。不見於門內。是猶本之既撥。而欲發榮者之繼長而增高也。有是道乎。

凝齋先生制義

上論

二

上下不打成兩極。以息相吹如帆之轉。不窺見古人意匠者。無由解此。

魯承田先生

雄渾震盪。直接震川。

朱梅崖

疎灝之氣。胎息唐宋大家。其法縷則合歸金為一手。

黃素堂先生

夏禮吾能 二段

聖人欲維二代之禮。寄慨於杞宋者深矣。夫杞宋不能守夏商之禮。而聖人能言之。則禮猶未亡也。其曰不足徵者。蓋深慨焉耳。嘗觀古今致治之政。而知前王之典章。殊足重也。唐虞以前。世風沕穆。大都簡畧。味淳樸。未具至夏商而科條備矣。儒生雅意。參稽或得因迹。前世之所傳。而追溯休風。雖其子孫未甚顧惜。何可忘也。夫閱世以人。而宰世有禮。其傳為法守者。井牧黨庠。任官行師。以至昏喪朝聘。制數律度。名物事物之際。炳炳烺烺。典則具張。蓋立本以經常。亦趨時而適變。自我周創制。顯庸或因或革。潤色彌彰。而夏商故典。不復在人耳目間。然其子孫猶得修其禮物。作賓王家。此固文武忠厚之遺。而亦夏殷先王之功德。不容遽泯者也。吾蓋念此而瞿然矣。尊命尊神。易其政。尚忠尚質。異其宜。此固後人推度之見耳。而在垂謀之際。蓋各有本量焉。當日者。克勤于邦。克儉于家。所為鈞石之垂。固已無間可議。而制事創心者。亦惟是建中于民。而非專為矯革變俗之規。故雖百世而

凝齋先生制義

上論

三

下原隰不忘禹甸。伊洛猶怙湯孫。而聖德王謨昭然。可拘世之人。不觀制作之全。而隨所見聞。以為想像。夫亦烏知禮制哉。此予所為徬徨而眷念前轍者也。喬野之俗。朴而不文。嚴肅之治。尊而不親。此亦其末流。既甚。則然耳。而在立制之初。蓋各有時宜焉。當日者。帝治方終。王風伊始。一切文命之敷。已非盡渾噩之舊。而克寬克仁。亦且彰信兆民。而未聞有先罰後賞之為。故雖我周繼作。幽雅猶存。夏正疇範。悉訪先民。而遺風故俗。仍然未改。世之人莫察損益之由。而

凝齋先生制義

上論

四

執其流弊。以相疵累。夫亦烏知禮意哉。此予所為低徊而寄望後嗣者也。然而杞不足徵矣。宋不足徵矣。獨恃予能言乎哉。業無反古之權。而欲於千百年後。徙恃匹夫之口。以維前王盛軌。此亦事之必不然者也。乃居稽之下。一綫未墜。而流風餘韻。猶得口誦而心維。顧以苗裔衰微。遂聽其泯滅。而無傳我心滋戚矣。是以制度考文。不干時王之制。而小正坤乾時懷近古之思。幸附三恪之後。得以世守先祀。則亦踐修厥猷。以彰前人令緒。斯固情之所當然者也。乃受封

以來。象賢莫繼。而播遷傷敗。遂至寢衰而寢息。反恃草野紀載。為之傳信。而傳疑其能無慨乎。是以撫念東樓。不勝式微之感。而興懷鹿上。難忘故國之悲。吾能言之。吾不能徵之。夏殷典禮。其將何恃而永存耶。古調獨彈。有朱絃疏越。一倡三歎之意。夏知畏蒼涼感喟。古趣盎然。賴維叙

凝齋先生制義

上論

五

我未見力不足者

決天下之柔情於其用力時信之矣。蓋力在仁中，一足則無不足者也。夫子爲用力者決之人，可不自奮哉。今天下之至足者，仁也。天與人以仁，而禁其力，無是理也。夫仁外之力，末由自至，而仁中之力，勢有可憑，隨所爲而副之道，有在乎用之而已者。蓋當人心迷復之際，力固隱於無端，而茫然者幾若無由自振。若夫天心悔悟之頃，力自乘於有感而快然者，遂覺引而常伸，斯時也，尙得以不足爲辭哉。今天物之相

凝齋先生制義

上論

六

凝齋先生制義

上論

七

氣之或餒乎何者，力因用爲量。惡之往，奉仁爲主，而勢勌則力之施與惡俱盈而藩壯，惟忍而坐棄者始覺不仁之數有常勝耳。是故仁之爲器雖重而任之不聞有越墜之憂者，惟其力有以勝之也。夫剛大之力，昇諸有生，設以之任仁而獨輸爾載焉，則造物生人之理幾至虛懸，而官骸非載仁之具，仁之爲道雖遠而行之不聞有疲乏之虞者，惟其力有以詣之也。夫強毅之力，根於性初，設負仁而行而獨中途阻焉，則聖賢誕登之路行且榛蕪，而古今絕純仁之士此豈理之所可信而事之所或然者哉。夫天下不足之物，必因至足者相形而見。若仁與力之在人固相輔而行者也，曾何不足之有。吾蓋重爲用力者信之也。但云力足不實從仁字與好惡透出，何異博士賣驢乎。註中爲仁由己四語實是此題，章詮得此文方見廬山真面目。魯厚會

披剝堅果處頗似章柳州特氣較平和耳 朱梅崖

始吾於人也 而觀其行

無信人言。感於今而惻然矣。蓋惟言行不相符。而後觀人者。不以人言爲信。今之視昔。情有不同。夫子所爲惻惻也。曰士生三代以後。而欲舉世之人。皆於論篤乎是。與我固知其不然。所幸吾黨之士。言行相顧。共維直道。於不替庶生平君子待人之道。自處於厚。而天下亦不笑吾術之疎。乃不謂此意已成往事也。考其言復詢其事。古人何遠有此深計。殆非無故而然耶。向也未經閱歷。幾謂前人爲多事。不知言無以

凝齋先生制義

上論

知人我方自幸其可免。而烏知其非計耶。今者幾經躊躇。乃嘆失人之已多。何也。聽其言而信其行人之。以誠待我者有素矣。今竟不可復得乎。聽其言而觀其行。我之薄待斯人何爲也。始念應不到此矣。豈不知善善欲長。常存此忠厚之意。與同堂相偕於古處。而無如其難行也。蓋至言與行遠在人。已不自信而猶欲我之相信乎。回念生平與人之故。侃侃間。皆可見表以知裏。而忽增一猜心。以相往我之於人。殊多隱痛矣。寧遂謂始者不如今也。亦嘗念直道而行。

凝齋先生制義

上論

頗爲此逆億之術。令斯世疑吾莫測。而竟有所不惜也。蓋至行不顧言。我卽其受其欺。而遂聽人之自欺乎。試思古今衡鑑之方。所由所安。皆當從微以証顯。而恃此觀察之維。嚴人之於我。庶無廢情矣。不得不嘆。今是而昨非也。而吾於此竊自幸矣。向令始終如故。夢夢者坐受其愚罔所失。於已猶小而令天下謂人不我疑。行遠者日衆而色取者日工。後世相與追原。謂我實階之厲也。我其於人何所爲。由令追昔愧念。常多而庶幸。今茲可告無過也。而吾於此且爲人

幸矣。苟恃揜著之工。曉曉者爭飾於聲聞。其流正未有極。將使生平之學業。皆虛作僞之途。既熟斯作。德之念難返。後此雖欲補救。不勝前非之已甚也。人其謂我何。所爲聞善而疑。雖乖素履。而轉覺此道之大可恃也。吁。閱世未深。難語知人之學。而所持失術。彌得遷善之方。我之借助於予者。不旣多乎。愈曲折愈透闊。令人尋繹不盡。夏知畏宛轉低徊。惟妙惟肖。黃靜山先生用筆之婉妙。不待言難。其含孕深富。風骨蒼疎。非

具有大學識而澤於古者不能也。宰我在言語之科，其足以動聖人之信處，必其條指皆中情理，非夸誕者比也。荀卿所謂其持之有故，其言之成理，猶是偏知小見如莊生云：『多得一察焉以自好者，若能爲聖人之言而無實，則其害益大矣。』後幅推擴指摘處，具見特識。朱梅崖意彌厚而辭彌婉，具見尼山當日警發人一片婆心。趙勉哉

凝齋先生制義

上論

十

賢哉回也 回也不改其樂

造道之深者，樂其所樂而無累也。夫簞瓢陋巷，雖非可樂之境，而樂其樂者，豈得以是爲累乎？其不改良有以也。且夫人于性天之地，游息未深，則萬慮盡足以相役，而當躬之拂意，爲尤甚。我生居貧日久，深知此中欣戚之故。息息與吾學相關，乃今於顏氏子有深契也。夫能復其性，則樂賢哉回乎？蓋樂其所樂也久矣。人心自得之境，學者知之不學，不知也。回非好學者與？而欲罷不能之天，固有舞蹈于不自知者矣。天命无妄之理，仁者體之，求仁者亦利之也。回非三月不違者歟？而作德日休之致，殆有呈露於不容已者矣。回其賢矣乎？夫安飽之求，雖君子所不爲，而貧窶之歎，亦賢者所時有。乃若食飲蕭條，陋巷是托，羣憂所集，而回乃自此遠矣。懸一道之可悅，以歆吾情，而祛乎身世之感，是求所樂者，而非樂其樂也。事非其所素習，則離合之迹未渾，離於此者，卽麗于彼。而人欲之感，不得不相乘，而移其素，孰是油然而俯仰之間，而道器胥融，乎器與道俱，而萬物皆備者，一物

凝齋先生制義

上論

十

不歎矣。求其心于所往。以屬吾情。而爭于聞見之交。蓋懼其改矣。而難必其不改也。神未底于昭融。則絕續之端難泯。有所續者。即有所間。而矜持之際。遂不禁詭附而失其常軌。是迥然廣大之宇。而曠若發蒙。乎見大心泰而一私不動者。萬累皆安矣。是故心苟有物。富貴亦足為累也。若回之簞瓢陋巷。其始本非回有其終。究非回物。泮與優游之下。外物儻然固已消融於無欲之天。而安之若故耳。所性未深外遇皆非坦途也。若回之簞瓢陋巷。不能於身見少。何復於

凝齋先生制義

上論

三

彼求多。彌性樂天之候。即欲強為淡漠。亦烏能驟變其不已之情。而釋此他念乎。由是觀之。不堪其憂者。人之自失其賢也。不改其樂者。同之有異於人也。同其賢矣乎。吾於今乃益為回信也。

沉酣理窟。名語絡繹。宋人臯比。晉人麈尾。殆兼之矣。朱梅崖

於孔顏樂處。實能道出。所以而不改二字。俱有着落。此大家說理之文。亦純儒言學之章。徐訥菴

女為君子儒

審所為于儒中。以君子嚴其防也。夫均以儒稱。而別之曰君子。固未可以漫為者也。嚴以守之。庶不失為君子哉。且夫名之所在。天下爭托焉。托之者眾。而冥冥者遂以誤天下之趨。其何恃以居業乎。蓋亦自密其不容托之閑而已。何言之古之人。惟君子乃可名。儒故儒之途甚嚴。入乎其中。而一德師承。皆可引為同心之助。今之人。即儒中不皆君子。故儒之途甚寬。介乎其間。而岐徑互爭。所當絕其遷就之緣。吾黨固

凝齋先生制義

上論

三

君子儒也。女亦嘗於所為加之意乎。詩書禮樂之程。君子由之。即同為儒者。其由之也。顧其所為。則女自喻矣。屋漏之神。明雖赫。未必制吾出位之思。師友之輔翼。性嚴亦難糾乎外。援之願。徒恃此渺渺一心。自勤砥礪。微乎茫哉。而不可忽其微也。無惡于志古君子。雖潛若昭矣。胡弗慎爾獨也。仁聖賢人之詣。君子慕之。即此為儒者。其慕之也。顧其所為。則女自審矣。隱約既久而意氣之浮動。倍難自攝。造詣已深。而怨尤之根株。愈覺難除。將恃此瞿瞿歲月。力持永終。危

乎。艱哉。而不可懼其危也。遯世無悶。古君子樂天知命矣。胡弗固爾窮也。是故不精其志。則羣儒之術中我于似女。其思所以辨之大庭廣衆之地。不必挾一儒名以自炫。而力正其誼以誨君子之歸。中立不倚。固不容稍易其方矣。不大其傳。則君子之脉微而欲絕。女其思所以續之。守先待後之餘。恍若挾衆君子以交糾。而以道得民。用著大儒之效功。崇業廣更。未可獨善自終矣。爲之哉。吾於女不無深望也。

閔深肅括不愧作家 魯厚齋

凝齋先生制義

上論

十四

命意沈着引氣清疎 黃靜山先生

較勝羅儀部作 朱梅崖

慎爾獨固爾窮中立不倚以道得民的是儒者立本領所在文持此以發儒者之蘊覺宋史儒林道學自不必爲分傳 涂訥菴

一握一掌血讀之令我通身汗下 趙勉哉

如有博施於民 聖乎

以聖功擬仁者爲還其事于聖而已。夫博施濟衆。聖功也。非夫子別而白之。爲仁者幾何其不窮乎。且儒者推求性量。雖所期甚大。不敢自隘。而驟以其至者。取必于儒生。有茫然莫得其歸者。固學術之大患也。說在子貢之問。仁是已。夫仁之量至聖人爲極。而仁之道不待聖人而行者也。昔子貢之論仁也。而曰。如有博施於民。而能濟衆。蓋以德周於無方。則惠澤之流。推暨靡限。舉天下之大。胥給求而養欲。非不知其

凝齋先生制義

上論

十五

窮年莫殫。畢世莫竟之爲。而仁心所際。固如是也。遂樂觀其發而泰然侈矣。蓋張其事而隆所奉之詞也。而夫子則曰。何事于仁。必也聖乎。蓋勲處於極盛。則名言之下。擬議幾絕。盡蒼生之衆。爲引和而布愷。詎非天下一家。中國一人之願。而求仁之過。適相踰也。爲特正其名。而爽然失矣。蓋美其功而難所安之意也。今夫仁聖之理。一而分殊者也。兩間民物之寄。仁與聖共持其權。故聖與仁爲體。而仁以聖爲歸。道本同揆。會何彼此之判。而大小廣狹之差。仁與聖難誣。

其分。故仁之勢所絀。或爲聖之力所優。概以相期。轉  
滋泛。驚之憂。是故聖人間世。而一生仁道。體事而威。  
在夫子。欲望天下以盡仁。而不敢望天下以盡聖也。  
是其示子貢者。豈謂仁者無施濟之事哉。要必有其  
道矣。

實理虛神兼到 魯厚齋

鍊格蒼秀甚類孟旋 朱梅崖

其詞約而其旨淵然以長 趙勉哉

凝齋先生制義

上論

十六

默而識之

體道於心。其識有獨神矣。夫非心有所得。雖強識之  
不爲功。況於默而識之者乎。子故深思其體道之微  
也。曰。大道懸於兩間。而領取自在人心耳。而目之恣  
所收。而轉失矣。神而明之。淡所取而罔遺矣。善體道  
者。固無俟外求也。以其心密爲之繫焉而已。何則。邇  
德性之良。浩乎萬物皆備也。良知良能。豈不時露天  
倪。而神弗與迎。旋至端無與續矣。故遠求近取。隨所  
著。而要其宿徵。於動者。藏於靜也。大見聞之蓄。曠乎

凝齋先生制義

上論

十七

古今靡涯也。前言往行。非不各呈至教。而滯於言中  
或且遁之言外矣。故觸類引伸。因所接而會其精得  
其意者。忘其象也。蓋識之貴乎默也久矣。間嘗思之。  
凡物於我。嘗相疑欲求其合焉。不可也。識未底於通  
微。若吐若茹之間。雖有偶獲。亦相謝而去矣。默識者  
所以投而輒契也。名物象數。亦嘗借牖於人。而牖於  
人者。卽自其天通之歛。聰明於不恃。而潛與爲契。舉  
夫遠近幽深。人所探索。未得者。彼則見爲固然。而唯  
唯相受也。抑我之於物。嘗相違欲據以安焉。不可也。



德未臻於純粹。將絕將續之際。雖有強力。亦難彌其  
 隙矣。默識者。何以居之而安也。視聽言動。未嘗不制  
 於外。而制於外者。還自其中。養之泯。矜持於不事。而  
 靜與之凝。舉夫化裁推行。人所持守。恐失者。彼則息  
 之甚深。而淵淵莫聲也。蓋天下之微妙。具於人心。室  
 其宇者。自置之耳。故攝天下之形象者。實超乎形象。  
 齋戒以神明其德。而知來藏往。一性之所決而融焉。  
 耳而吾心之虛靈。管乎衆理。少所蓄者。自外之爾。故  
 守方寸之緘。勝者。乃能大其緘。勝。洗心而退藏於密。  
 凝齋先生制義。上論。十九。  
 則資深達原。萬善於是會而通之矣。夫大造之神化。  
 敦於翕聚。至人之德業。裕於天淵。吾蓋深望默識而  
 神往也。

息之深深 魯厚齋

三語地位。儘高與不憂不惑。不懼一例。非聖人不  
 能到。故曰。夫子自道也。文樹義俱有。援據潔淨。精  
 微。鄉先生此觀。老人後此其替人矣。朱梅崖  
 心花意蕊。結撰靈竒。神妙欲到秋毫顛。黃素堂先  
 此。即大易之多識。前言往行。以畜其德也。肅括宏

深作者殆自具本末耶 趙勉哉

凝齋先生制義

上論

十九

雅頌各得其所

推正樂之由。誦詩而有餘慕矣。蓋雅頌樂之大者。不  
得其所。樂何由正乎。夫子所為。追念雅頌而有遐思  
也。若曰。今日者。進太師而考宮懸明王之休聲。得以  
粗備于今茲者。豈吾之力哉。蓋賢聖之精神。留遺於  
篇章者。不容遽沒。故雖脫殘之餘。猶得收拾亡逸。正  
其訛繆。以復先王之舊也。夫樂為詩而作者也。依永  
和聲。律呂固有相諧之節。而薦祖洽賓。詩歌亦鮮失  
次之章。古聖盛時。無不得所之詩。即無或不正之樂。  
凝齋先生制義 上論 三

也。故雅頌得所。樂之本也。吾之反魯而樂正。正以此  
也。其為雅歌。與是恭敬以發先王之德。和悅以盡羣  
下之情者也。而其為聲廣大而疏遠。非是者。不在雅  
列。故黍離作于王朝。列以為風。非以周室既東而故  
降之也。抑戒雖在侯國。進而為雅。非以武公幾聖而  
故升之也。他如生民。公劉。諸詩。揆之思文。天作並陳。  
祖德未嘗不可同年。而語然而陳戒後王者。其辭質  
敷。揚先澤者。其辭文。吾也。抽繹遺文。以尋厥旨。歸而  
見夫雅之所不容。或僭者有如是夫。其為頌聲。與是

追。恩。先。德。以。配。郊。祀。揚。厲。成。功。以。告。神。明。者。也。而。其  
為。聲。寬。靜。而。柔。正。非。是。者。不。在。頌。列。故。侯。國。有。薦。享  
之。文。詞。雖。誇。也。猶。得。次。於。周。後。先。代。有。禮。記。之。典。文  
雖。缺。也。豈。容。遺。諸。篇。末。他。如。訪。落。小。豳。諸。揆。之。鹿。鳴  
皇。華。並。咨。臣。僚。未。嘗。不。可。比。類。而。居。然。而。燕。勞。之。禮  
行。於。朝。寧。誓。戒。之。辭。陳。于。廟。中。吾。也。循。習。義。類。以。別  
其。體。要。而。見。夫。頌。之。所。有。不。容。或。紊。者。有。如。是。爾。而  
吾。因。是。有。感。焉。東。周。如。可。興。也。得。與。二。三。名。卿。作。為  
詩。歌。薦。之。清。廟。明。堂。使。雅。奏。而。德。洽。四。國。頌。歌。而。馨  
凝齋先生制義 上論 三

於。神。人。雖。未。足。以。饒。隆。前。休。而。以。古。準。今。固。不。待。穆  
叔。不。拜。而。後。知。肆。夏。之。失。響。也。此。予。向。者。之。志。未。嘗  
急。於。釐。定。耳。大。道。而。既。隱。矣。乃。以。鞅。環。儒。生。留。情。衆  
稽。訪。諸。父。老。傳。聞。而。由。庚。莫。補。其。詞。幽。頌。難。定。其。義  
固。未。敢。以。無。知。妄。作。而。尋。聲。按。律。庶。不。若。聲。濫。及。商  
而。致。嘆。有。司。之。失。傳。也。此。予。今。日。之。情。所。為。差。堪。自  
慰。耳。詩。正。矣。而。樂。乃。益。正。矣。予。情。蓋。與。雅。頌。而。俱。遠  
也。

立議皆有根據。無浮響。無枝詞。後幅妙有閒情。亦

正爲然後二字生色耳

魯厚齋

朴實重厚乃有嘉隆人風格

朱梅崖

題不難於填馮難得雅切說來有情緒斯爲意勝  
徐訥菴

凝齋先生制義

上論

三

色斯舉矣翔而後集

物有審幾之哲其天全也蓋舉與集之間有幾焉審其幾而先後無失鳥亦靈矣哉且宇宙間動靜作息莫不有幾宜焉日呈露於耳目前以待人之審擇而憤憤者或未之察也得其意者顧在無知之羽族吾黨有深感焉一日類記及此日色斯舉矣翔而後集造化感應之神無間小大故禽鳥雖微而或作或止相感而動者率其天於不容己入世趨避之幾不容差謬故朕兆甫萌而見微知著慎慮以從者循乎道

凝齋先生制義

上論

三

之所固然嗚呼色已呈矣天固以是警鳥耶而鳥已舉矣孰爲驅之而若或告之見幾而作不俟終日同此神智也由是而翔矣鳥固於是而擇木耶而鳥乃集矣幾爲審之而若或遲之若虞機張往省於度同此運量也且夫避險而趨易舍危而就安者人情也然而畧獲陷阱日驅納于其中而莫能知即知之而進退疾徐間未必從容中節茲鳥也何以宜舉而舉宜集而集若斯之神也夫欲多者其智昏明明利害當前茫然罔顧者有之鳥乎飲啄動息之外無他慕

矣。是故其情專專則有觸斯應。爲舉爲集。皆與人意。爲迎距而機心變幻。反不如任天而動者之獨哲也。性動者其神亂。憧憧往來之下。冥然無覺也。必矣。鳥乎林棲木處之間。有餘閒矣。是故其神靜靜則無感。不靈曰舉。曰集。皆有自然之權宜。而智慮周通。以視夫擇地而蹈者。若更捷也。噫。是獨鳥之靈耶。可以識時之用矣。

名理霏霏如錦玉屑。昔人稱對瀑布可豁塵襟。聽松風可雪煩抱。讀此文一過。其豁塵雪煩當復何

凝齋先生制義 上論

三

如正田子方稱北郭順子所謂使人之意也消也。朱梅崖

此癸酉江西鄉試題時凝齋坐會城經紀前緒。聞題卽草此以示生徒。紛雜中乃有此閑心靜悟。足以見其胷襟之廣大也。徐築野

子路問聞斯行諸 二段

敏行之道非一。聖教兩全其用也。蓋行專於敏。則子路冉有之間皆是矣。而孰知審命於父兄。與聞斯行之道。固非一端耶。故類而記之。今夫尊聞行知。學者之道。莫不皆然。顧其行也。有以慎爲貴者。亦有以敏爲貴者。將聽其人之所自趨。而各得耶。抑將調劑于其間。合施而並用耶。若子路冉有之間。可得而類觀焉。資於古所以鏡今。是故人求多聞也。前言往行。皆是爲吾先路之資。人惟無所聞。則惘惘者將何之耶。

凝齋先生制義 下論

三

果而斷。乃罔後艱。是故道在力行也。功崇業廣。皆本夫勤志而成。學而不勵于行。則悠悠者將安獲耶。然則聞斯行諸。子路冉有之言是也。而夫子曰不然。古今之異宜也。審慎之下。權衡出焉。此固非躁率者所及謀也。試一思研幾度務者。尙有人乎。爰咨爰度。敬慎所由。不敗胡弗。酒食之需。而爲觸藩之壯也。是非之相淆也。精詳之下。至善生焉。此又非淺識者所及窺也。誠能念老成典型者。尙有在乎相齒相先。退讓亦以明禮。宜凜壯罔之凶。而顧蹈履錯之咎也。而他

日者又有聞斯行之之說何也學於古而有獲不深  
造焉難以居之安矣故聞道而疑者如若慕之終將  
自棄何者其行息也古今道德之途不墜於昏愚無  
知而敗於聞義不徙之人可深懼也詢其謀而可庸  
復需時焉後將莫可爲矣故遇事不決者議論雖多  
成功愈少何者其行窒也宇宙艱大之業懷安者諉  
以自敗精勤者因之有爲是可鑒耶故問一也而  
夫子之答之則不一也書言之矣出入自爾師虞庶  
言同則釋是有父兄在之說也詩又戒之矣如彼繁

凝齋先生制義

下論

三

室於道謀是用不潰于成是聞斯行之之意也

兩面說來總爲下貳字安根耳文于實義虛神分

寸皆具斟酌 朱梅崖

命意立格猶見先民矩範 徐訥菴

必不得已而去 二節

國以民爲本其心固大可恃也夫誠得民心矣雖不  
得已而去兵與食亦未至于不支所爲濟變者仍不  
失守經之道與聞之古人有言民爲邦本本固邦寧  
何其言之切而慮之遠也世之論治者動以此爲迂  
濶之論而不知當國家艱難之際所以轉弱而爲強  
繫亡而爲存相與轉移於呼吸之間專恃此魚魚之  
氓而此虫虫者又不徒恃其力而恃其心幸生無事  
之時未嘗深計其情而視吾民爲無關緩急無惑也

凝齋先生制義

下論

三

是故足食足兵民信之言夫子爲經常謀國者計也  
獨無不得已時乎古今無長治之時平政往復與運  
循環有心維持者固不禁嗟嗟而過計而聖賢有善  
全之道窮變通久與時偕行開觀局外者未嘗不借  
箸而前籌雖然時至不得已獻計者必曰治兵爲急  
國家無一日不備之兵況時值多難而戎車不飭可  
乎但使師徒邱甲有可以振其積弱之勢者雖至耗  
物力違禮義亦將有所弗恤又必曰謀食爲先民生  
一日不再食則饑况敗端已甚而廩藏空虛可乎但

使度支會計有可以廣其儲蓄者。雖至乎睽於上。怨起於下。亦將有不及謀。設有爲之慮者。謂兵多足糜民食。財聚恐失民心。惟與之敦尚孝弟。型仁講讓。庶幾以禮義爲干櫓。忠信爲甲冑。古之人折衝樽俎之間。而談笑以綏強鄰者。可效也。天下必曰。是人愚此皆惑於生死之見。而未有深識。而遠謀者也。且夫儒者謀人家國。亦豈不計民之死生。而漫爲是迂論哉。兵之設也。所以衛民。然至國蹙民罷。使天下疲于奔命。以供師旅。則民殘而兵日驕。夫驕兵之不足以衛凝齋先生制義 下論

民也。亦明矣。即使倂倂圖全。而此瘡殘之餘。轉於溝壑。與陷於車騎。一也。誰秉國是。而顧爲兩敗之道哉。是故去兵者。所以藏兵於民也。上有以全其生。下必不忍餘其力。萬一戎馬方深。負耒耜之戮。力無異荷戈者之前驅。制挺可撻夫何羨。公徒之三萬也。食之足也。將以養民。然至勢窮力絀。使圍城食此升斗。以相搜括。則形聚而志已散。夫志散之不可以得民也。審矣。即使勢力暫支。而此瓦解之象。發于遲而禍大。不若發于速而禍小也。誰謀人國。而顧蹈此必亡之

途哉。是故去食者。乃以不食其心也。君不獨飽以餒其師。民自忍飢而殉其主。卽至雀鼠偕盡。取義者之鬚眉凜凜。終勝揖盜者之泉下奄奄。星岳猶存。而何畏於絕糧之莫與也。然而天下必以去兵去食爲愚。人之計者。彼固未知不得已之時。所可懼者。半在貪生之輩。一念苟得。則使貪使詐。不可究詰。而兵良食廣。適足生戎心。而齎盜糧。所可恃者。惟此致死之人。片言仗義。而與存與亡共相固結。雖兵羸食殫。猶可延國脉。而同天命。不先審此。至于束手無具。倉皇以凝齋先生制義 下論

圖苟免。而卒至不免者。可勝慨也夫。聖賢處變而不失其常。是見天理爛熟處。此文發揮透闢。包括史書中多少事故。夏檀園

雄峙鴻龐。豁達洞開。一種疎古之氣。似得之北宋人文集 徐築野

不逆詐不覺者

誠至者明生逆億非所恃也。夫天下之詐與不信多也。逆且億之。則相猜無已時也。不有先覺。孰知誠至。明生有如是哉。今使斯世之人心相趨於平易。相尙以坦白彼此心迹之交。無不可以其告。夫豈不善而人之情又不能皆然。于是各矜其智術。預爲防之。曲爲擬之。而人之術轉多。人之智益敝。無惑乎察察者之勞擾於天下也。雖然。爲是道者。彼豈不欲自居於先覺而漫爲逆億哉。懼夫人之工於愚我也。待其已

凝齋先生制義 下論

三

至而墮於術中。何如未至而察於事先。則彼之多方以投者。我且探其隱曲而遍相窺伺也。而人之術窮矣。又懼夫己之見疑于人也。俟其已著而中于猜心。何如未形而早爲防範。則世之羣疑共興者。不妨預爲計量。而陰相彌縫也。而世之機心釋矣。當斯時也。積百念之聰明。以冀一時之偶獲。因端推測。未必遂無所中。然恃方寸之靈明。以敵萬感之紛至私意叢生。卒且歸于無用。將謂世途之險也。我第率其天直以相應。則巧偽雜乘。終將受其蒙蔽。而無以自明。故

時出其智慮以與爲角勝。而後巧偽之端有所懼而不來。而不知人心之靈也。我第守其真誠以相照。則物來自應。豈遂安於愚蒙而不及察。故常留其渾樸以忘於無事。而凡物感之際。亦非無所恃而往往來之遙渺也。而推之洗心之神知。夫豈不知世變滋生。物情無盡。而自藏密者觀之。不啻舉千萬世於几席也。則當前之情變。更可知矣。蓋本然之靈覺。不擾於私智之用。則清明在躬。志氣如神。任天下之相傾相軋。日投于吾前。憑此心以照之。直若燭照而龜卜也。

凝齋先生制義 下論

三

君子以虛受人。道固然耳。險阻之互乘也。而梟之聖人之易簡。夫豈不念戎伏於莽鬼。載一車而自研慮者處之。遂能轉號呼爲握笑也。則平時之明察固有道矣。蓋本天之睿智。不雜以人爲之偽。則靜虛所至明通自生。任夫人之爾詐爾虞。交構于吾前。恃吾知以通之。不啻察毫而觀火也。至誠道可前知。理固然矣。不然。明未底於先覺。而漫以不逆不億相高。則逆億者反得以小智相傲也。是故有望于不逆詐不億不信抑亦先覺者。

安帖力排弄猶見前輩事實力量夏檀園  
 一氣渾成精深透脫以單行之神化排偶之迹萊  
 峯震川合爲一人涂築野

凝齋先生制義

下論

三

不日如之何 一節

無救過之心者。君子亦窮于救矣。夫人即欲救人之失。要必待其人自迨以求通。而後吾之謀可得而入。否則將焉用耶。且所貴乎君子者。爲其吉凶與民同患。而長善救失。以通天下之志。斷天下之疑也。乃執斯以往。而其道嘗多抑而不行者。此其咎豈在君子乎。蓋嘗審觀其輕動之情。而知其任意以行。不惟無以成天下之務。而生平之自棄於君子也實多矣。何則。雖有賢知不能禁事之無疑于心也。而心嘗周乎

凝齋先生制義

下論

三

事之始終以究所由來。故日用飲食之故。其端甚微。而必往復焉以觀其變者。作事謀始。所以自免於憂患之途。苟屬賢知。又嘗欲其悔之早萌于心也。而心乃迫於悔之前後以救其將來。故仁義道德之事。其行甚正。而必遲迴焉以善其終者。敬慎不敗。所以自導于吉康之地。然則如之何。如之何云者。蓋善敗之機而生人補過之端也。吾之欲得斯人而與之揆幾度務也久矣。今夫事變無端也。得失有由也。平危者必思傾易。省括者乃可張機。濟而終止。道斯窮矣。吳



苟先庚吉且利焉。古之人立一法。建一事。必謀及乃心。謀及卿士。庶人者。豈好爲是迂曲哉。理無倖獲而思以磨通也。而乃有不日如之何。如之何者。將恃其聰明人傑。憑吾一往之氣。以臨之。謂天下事舉無足爲者。不欲使疑貳之說。撓其銳志耶。斯卽幸遭時會。或可有成。吾猶慮其謀之不滅。況乎用壯者必至羸角也。夫人挾浮動之氣。敢於自斷而不顧者。彼未嘗不惜古人之成迹。以爲彰彰可行也。而抑知損益變通。此中之權宜。有非倉猝所能辨者。胡爲悍然不加。

凝齋先生制義

下論

三

慮乎於此而欲進一解焉。以救其敗。而詆訛者固已拒而不相入也。又或素本剛愎自用。伸其獨斷之胸。以行之。謂古今事漫無足計者。不欲使異同之論。形其偏私耶。斯卽憑其樸拙。幸而偶中。吾猶慮其未可嘗試。況乎豐蒔者嘗多不覩也。夫人負固陋之資。敢于任情而直行者。彼實未嘗知事理之曲折。有非一二端可盡也。然苟能殫精力。索自竭其志慮。不無鬼神之通者。顧乃冥然不自念乎。於此而欲轉一籌焉。以惺其迷。而憤憤者。又將聞言不信也。吾向者亦祇

謂昏庸者不足圖幾。而幸得一才智之士。與之沈幾以觀變。天下庶其有幸矣。而茲之聰明自恃者。乃舉是非權衡之故。概置於不問。其視予之徘徊審顧。反將謂悠悠者。卒至無成也。彼方謂予謀之本疎。而我顧代爲之謀。不亦左乎。而予心滋戚矣。而又謂躁進者。難與圖功。而苟得一謹厚之士。相與極深而研幾。事行庶其有濟矣。而茲之師心自用者。乃舉心思慮之能。俱棄而不事。其視予之往復咨諏。不且謂擾擾者。徒亂人意耶。彼方謂予計之多迂。而我更爲之

凝齋先生制義

下論

三

計其能入乎。而予情轉痛矣。夫人至末如之何。吾亦豈必過爲之惜。而獨惜天下事之敗于庸庸者。不可勝數也。

骨力雄剛。體氣肆大有。陶菴人中之遺烈焉。朱梅崖  
議論警闢。而擒縱收勒。可當一則古文讀。涂榮詔  
眼孔高。魄力大陸。機入洛孫策。渡江吾佩其英風。  
不置。黃素堂先生

有一言 恕乎

約行於一言。惟恕爲切圖矣。夫恕者。卽身而具行之要道。莫切於此。子貢其奉是以終身哉。今夫人業以進修。自任不患其志之不廣。而患其力之不專。泛而驚焉。情愈博者。行愈荒。終日言道德。而性情不克自治。涉萬物之途。紛然易亂。則操功無具甚矣。吾滋爲進修者惜之。何則。天下之行。不外吾身。返觀焉而已具矣。吾人之身。不容有二約舉焉而已悉矣。子貢達者也。其馳情學識已久。至是乃舉其終身之行。而約

凝齋先生制義 下論

三

求夫一言。意者歷夫紛紜之會。未嘗有術以自持。而多方措應。不勝往來之感。故欲觀夫衆理之通。而擇所主焉。以從事。則慮善以動。庶無窮大之憂。且夫行之要於終身者。豈易量之圖。而易舉之數哉。情偽利害。物感之紛乘。其無論已。卽在吾身。以內緣境。生心緣心。生智密循之。而俄頃倏轉。身與身。且有自相左者。是將以行課吾身。而先以身累吾行矣。故從轉轉拂鬱之下。默念其行之得失。孰是審幾省措。而行之偕臧者。蓋危乎其途。而幾幸得一以貞也。險阻憂虞。

事變之雜投。誠未可知。然卽吾身以思。情生而理出。理出而事通。實按之。而性命潛通行。不行皆有可自驗者。蓋以行求行。而行愈隔。以身求行。而行可通矣。試從憧憧應感之際。靜審吾身之從違。豈無握要御繁。動而不括者。亦平其心者。而相與慎慮以從也。有一言。而可以終身行之者乎。其恕乎。置身於道德之域。後陳性功。而實踐多疎。懼其行之流於虛也。有恕焉。可以稽吾心者。卽可以徵吾行。而喜怒哀樂。隨在以致其功。雖仁聖賢人之詣。悉由此充焉。行之終身。

凝齋先生制義 下論

三

而不見其不足者。莫此若也。置身於倫物之地。矜情纖悉。而大原未得。懼其行之多所眩也。有恕焉。可以範吾行者。卽可以攝吾身。而酬酢往來。因事以酌其宜。雖天地萬物之大。悉由是以推焉。行之終身。而常見爲不足者。莫此若也。厥後子貢自言不欲無加。非其致力於恕者深乎。而非爾所及。又夫子毋以終身之意矣。

力爭上截。不獨作法宜爾。亦力掃陳言法也。中幅是過來人語。魯厚畬

理實氣空若引星辰而上若決江河而下 涂榮野

凝齋先生制義

下論

三六

辭達而已矣

立修辭之準。達之外無餘事也。夫惟意足而後能達。達則已盡夫辭之事矣。舍此而他求奚貴焉。若曰自古典籍之垂簡嚴易直其道愈久而愈明。後之作者衆矣。質之聖人。或離或合。而怪奇偉麗。往往震發于其間。世有好奇愛博之士。輒從而效之。殫力於文字間。而不識其言之有自。吾甚惜其徒勞而罔功也。今夫辭也者。古之人蓋有所不得已於其間也。性命之微。難以言傳。而深造自得之餘。時有不容中緘者。聊出一言以覺悟人心。則意理相宜。豈能不曲爲擬議。而不知者以是爲輪轅之飾也。身世之感。難以其白。而居今懷古之際。輒有不能自己者。因發數語以昭示來茲。則情事相觸。豈容不深思往復。而不知者以是爲藻績之工也。吾得爲斯人正告之曰。達而已矣。且夫達亦正有道矣。道德未備。而貌爲仁人之言。雖使極意鋪張。而非其中之所有。則其苦得失之故。貌似而神非。識者輕其言之無物也。古之君子。府事修而叙歌始著。易簡得而父彖斯傳。彼所爲謨陳彖繫。

凝齋先生制義

下論

三六

以發天地之藏者。蓋惟積厚而流矣。而緝辭者沾沾於取心注手之時。何爲也。體要未明而假爲英華之發。雖使極力規仿。而未能足乎其志。則誇多闢靡之場。意失而精衰。君子鄙其言之無文也。古之君子。因文著道。而有典有則。吐辭爲經。而可法可傳。其所爲則古稱先。以昭和順之積者。夫豈浮夸是尙哉。而費辭者。逐逐于矜奇立異之爲。何益也。將惟是情之不足。而乃故務爲有餘。以飾聽聞。古今來繁辭曲說之能自立者。幾何哉。榮華飄風而莫適于用。好音過耳。凝齋先生制義。下論。早。

而。不。必。盡。傳。彼。所。汲。汲。而。營。卒。至。于。敗。亡。磨。滅。者。蓋。深。可。惜。也。而。世。復。從。而。甚。之。則。亦。念。古。人。美。愛。之。傳。而。可。矣。業。已。中。無。實。德。而。復。事。外。榮。以。爲。觀。美。古。今。來。玩。物。喪。志。之。自。取。咎。者。可。勝。道。哉。炫。聰。明。於。美。麗。既。心。勞。而。日。拙。驚。精。神。於。秘。怪。更。罔。念。而。作。狂。其。卒。靡。靡。自。敗。相。率。爲。諛。邪。道。者。亦。深。可。懼。也。而。世。顧。莫。知。返。焉。曷。亦。思。古。人。實。勝。之。故。何。如。耶。吾。故。謂。達。之一言。可爲修辭者正其歸而杜其流也。

囊括古今論文之旨以傳聖經乃如水乳之合蓋

其所擇者精也 朱梅崖  
文亦可謂能達頓挫跌宕神似歐陽子不獨用其語也 涂築野

凝齋先生制義

下論

早

性相近也

覺人於相近之天。所以尊性之權也。夫性自有權。而人自失之。乃曰不相近耶。夫子重惜之。而大爲之覺也。若曰人類之不齊也。相率而歸咎于天。夫天豈誠任咎哉。吾爲之還觀于受中之始。而冲漠之宰。敷布於形色間者。實有不能過爲區別之勢。則人世觖望之情。夫亦可以少息矣。均此耳目。均此心思。而獨鄙夷之曰。是難與變化者也。其人必且拂而不受。夫其不受之實。固亦念其初之不至如是。而鄙夷有難耳。

凝齋先生制義

下論

聖

也。耳目異矣。而心思則同。心思異矣。而懿德則同。而忽推奉之曰。是莫可攀躋者也。天下亦且欣然慕之。夫其引以爲慕。當亦知民之秉彝。而成功則一也。然則人與人何不相近也者。夫不尋其端。不知末焉之可齊也。不審其同。不知異者之自外也。人類雖萬。而天命不貳。天下之忘乎性也久矣。一氣之所鼓盪。而剛柔遲速。雜然者各呈其象。此固資生於父母。而父母所不能自主者也。則嘗比而較焉。同而同之。莫非水金木火之布。異而異之。要皆風雨煥寒之徵。蓋猶

夫大父之子。雖舜跖同一家矣。何疑相協之有。差一理之所散殊。而升降飛揚。塊然者日流其化。此又錫極于維皇。而維皇奉之以無私者也。試一參而觀焉。偏有與爲偏。不越沉潛高明之屬。全有與爲全。祇此健順易簡之常。蓋同稟降衷之命。雖苗頑亦遵路矣。而寧陰陽之或爽。太極不能憑虛而行也。游氣紛擾。而於穆漸清。故見仁見智。不妨參差。以示神奇。而共在各正之宇。無分畛域。氣質之性。形而後有。故也。二五不能離真。以獨運也。精氣爲物。而太虛已凝。故剛

凝齋先生制義

下論

聖

榮善惡。悉任人事。以歸至中。而本此繼成之善。無能區別天命之性。通極于道。故也。夫天下之忘乎性也久矣。苟念天事常優。無容退而相讓。則知生初有權。何難進而相參。亦慎所習焉而可哉。

融會先儒之說。以立言而無訓詁氣。無語錄氣。於

理境中。真能掉臂游行。者魯厚齋

提要鉤元。刃迎理解。極制義之能事。朱梅崖

其理精而醇。其氣疏以達。趙勉哉

言未及之而言 三段

歷指三愆之實。侍君子者宜自省矣。夫躁隱瞽亦侍君子者所不欲蹈也。而語默之際。往往蹈此。其殆未嘗加省乎。且夫言者心之聲。由中而發焉可矣。顧必規規焉取人之向背以爲吐茹。謂是可幸無過。則是語默之道不揅於已。而惟人是從。天下之工於巧令者。且將藉爲口實。諒亦君子之所不樂聞。而吾且以是決侍者之三愆何也。夫君子固未嘗以是責人也。但使言與不言無違於理。則辨訥之間。稍踰其度。亦

凝齋先生制義 下論

望

諒其持養之未純。而不必動輒爲咎。即侍君子者亦未嘗以此自檢也。但謂言與不言各行其志。而疾徐之間。未能曲中。且將恃包荒之有素。而無容過爲提。防。惟其然而所謂三愆者。遂錯出而不自禁矣。驟執一言者而議其爲躁。彼其心必不樂受。而不知其曉曉者。蹈此非一也。蓋其有懷欲吐。率爾遽陳。幾令君子莫訊其端。未會一念君子之言。此時爲已及乎。若猶未也。雖欲不謂之躁。得乎。又執一不言者而責之爲隱。彼更有辭以相謝。而不知其寂寂者。致此有由。

也。蓋其深情不欲遽獻。而啓口故爲三緘。幾令君子莫測其中藏。會一思君子之言。果尙未及乎。亦既聞命矣。雖欲不謂之隱。得乎。又執一言者而呼之爲瞽。彼且更訝其非情。而不知其惜情者。昧此已久也。蓋惟知其說之未終。而莫審夫聽者已倦。幾令君子莫禁其鋒銳。殆亦於君子之顏色爲未識乎。亦既覲面矣。雖欲不謂之瞽。得乎。且夫言貌之微。通乎性命而語默之道。密於時幾。故惟心止于符者。則出入以度。而官止神行。渾然與天則相合。豈待君子臨之而後

凝齋先生制義 下論

望

休於我躬。乃儼而臨之者。亦既有言可則。而有儀可象。則動靜節宣。敬承之不暇。而猶慢易以將之。則生平定命之故。可知已。亦惟功操有素者。則靜躁異宜。而省招釋度。從容與時中相準。豈待愆尤已著。而後生其悔悟。乃動而有悔者。非傷其辭之多。則咎其辭之屈。是樞機榮辱。平時不知慎。而復徑率以將之。則當前審幾之學。更無問已。然則察言觀色。雖視君子爲從違。而因物適宜。要以吾心爲權度。安得恃徑直無他。而肆志於君子之前哉。

骨鏡懷

朱梅崖

國朝最近金伯直陶子師二先生也

風格峻整筆力矯變後幅推勘入微直令鹵莽滅裂人無可逃遁 趙勉哉

凝齋先生制義

下論

四六

子之武城 二節

聞所未聞。望治之情殷矣。蓋弦歌之化。不聞已久。而於武城遇之。當不自武城已也。牛刀之笑。有以哉。且儒者蒞人家國。類不敢蹈俗吏之所爲。則小試而效。

味清簡

諒亦君子之所心許而不虞布政者之猷爲伊始觀

風者之願望彌深也。昔者子至武城而聞弦歌之聲。

蓋自先王之治民也。上敦教化而下移風俗。聚天下

於黨庠術塾之中。使之博習親依以興禮樂。故其時

春誦夏絃歌聲若出金石聞者善之習以爲常乃今

者善之習以爲常乃今

凝齋先生制義

## 下論

四十七

無復是矣。吾夫子思欲一行其志而大道難容。古音  
絕響心蓋悄然傷之不謂颯颯入耳忽得諸武城也。  
子矜雖在城闕而我魯之禮教未遽湮沒則流風善  
政猶能於荒陬僻壤間一振遺音。○(二)親○鮮○所○懷○至○風○華○掩  
○映○頤○似○慕○塵○先○生○獨宰之所爲乃先王先公之所留貽以慰東周之望  
堯軾者用是快心焉可已。汴林卽有飛鴉而東山之  
木鐸足振聾瞶則敦詩說禮或得於耳濡目染間轉  
相慕傲。○○此○一○弦○歌○之○聲○也○又○不○僅○宰○之○所○化○乃○杏  
○壇○泗○水○之○所○薰○蒸○以○著○期○月○之○兆○攬○轡○者○於○是○滿○志

焉○可○已○而○夫○子○則○且○莞○爾○而○笑○則○且○牛○刀○為○喻○焉○何○  
也○業○為○意○所○欲○得○之○事○而○其○所○得○見○者○僅○止○於○此○則○  
快○心○之○處○即○來○失○意○之○嗟○而○又○不○得○謂○非○其○所○欲○也○  
則○姑○留○一○笑○焉○以○發○其○奢○望○之○情○而○今○茲○所○聞○直○等○  
諸○越○俎○之○代○庖○蓋○亦○三○代○之○英○猶○有○可○逮○之○思○也○明○  
知○勢○所○難○滿○之○願○偏○有○一○小○獲○者○以○激○其○情○則○未○竟○  
之○懷○轉○多○拂○鬱○之○隱○而○又○不○欲○自○沮○其○志○也○則○聊○寄○  
一○笑○焉○以○鳴○其○慷慨○之○胸○而○今○茲○所○聞○直○怪○其○善○刀○  
之○未○藏○是○又○美○玉○雖○沽○終○當○待○賈○之○意○也○嗟○乎○操○刀○

凝齋先生制義

下論

聖

一○割○而○風○流○令○行○遂○使○盛○世○之○休○聲○復○留○輓○近○此○碩○  
果○萌○生○之○象○也○云○胡○不○喜○乃○全○牛○莫○試○而○積○珍○懷○珠○  
至○使○批○郤○之○長○技○聊○效○烹○鮮○則○猶○餘○羊○徒○供○之○具○也○  
何○足○以○減○此○牛○刀○之○喻○夫○子○有○深○感○也○然○而○武○城○人○  
則○已○幸○矣○

三復之餘令人神往所謂粥粥音送細齊人情如  
是如是 夏檀園

風韻絕佳大似廬陵 傅謹齋先生

宛然一篇白華樓稿文字 朱梅崖

四時行焉 二句

觀○行○生○之○象○天○固○有○可○述○矣○夫○天○不○能○隱○其○行○生○而○  
四○時○百○物○固○已○具○有○一○天○也○則○謂○天○之○可○述○也○亦○宜○  
今○天○下○有○疑○天○之○無○言○而○望○其○諄○諄○然○以○命○之○者○乎○  
天○固○不○任○受○也○於○穆○之○率○雖○未○易○窺○而○法○象○之○昭○垂○  
充○盈○布○濩○以○流○示○於○兩○間○者○固○闕○之○而○不○能○亦○叩○之○  
而○即○得○也○何○則○天○體○健○故○行○而○不○息○天○心○仁○故○生○而○  
無○窮○行○也○生○也○其○即○天○之○自○為○天○者○乎○乃○窺○其○體○體○  
則○渾○然○矣○察○其○心○心○又○窈○然○矣○如○是○而○謂○天○之○隱○也○

凝齋先生制義

下論

聖

天○其○何○以○自○解○然○而○有○其○行○焉○者○矣○動○靜○迭○運○之○中○  
無○端○而○若○有○端○無○始○而○若○有○始○歷○歷○乎○其○可○指○者○非○  
四○時○乎○然○而○有○其○生○焉○者○矣○細○繹○化○醇○之○下○無○形○而○  
衆○形○悉○見○無○象○而○萬○象○俱○開○昭○昭○乎○其○可○觀○者○非○百○  
物○乎○將○謂○觀○仁○氣○者○必○於○春○夏○觀○義○氣○者○必○於○秋○冬○  
固○也○此○亦○人○之○窺○測○如○是○耳○而○天○無○心○也○太○虛○不○能○  
無○氣○凝○之○而○為○一○者○析○之○而○即○為○四○寒○暑○晦○明○原○自○  
流○衍○於○古○今○以○彰○其○互○根○並○立○之○神○將○謂○觀○物○之○流○  
形○可○以○識○元○亨○觀○物○之○各○正○可○以○驗○利○貞○固○也○此○亦○



人之擬議則然耳。而天無意也。二氣感而化生。統給於一元者。分形於百物。栽培傾覆。又自燦著於品彙。以昭其爲。通爲復之理。是故敦化無迹。而川流之象。無乎不呈。行焉者其富有之儲乎。生焉者其日新之盛乎。陽變陰合。顯露其真機者。莫非時與物也。而觀化者。遂以爲取之不禁。而用之不盡矣。復何多求焉。糟粕雖粗。而神化之精。卽此而具。四時之行。其運於不已者乎。百物之生。其徵於不貳者乎。乾端坤倪。過於心目者。祇此行與生也。而知道者。咸以爲卽數而凝齋先生制義。下論。五。

理精語粹。現前指點。神致欲飛。黃靜山先生得力在起一段。下只迎刃而解矣。朱梅崖不貪後陳。時物處處作指點語。閩會上文。此之謂識高於頂。涂劬菴

微子 全篇

出處有微權。類記之爲世鑒焉。蓋隱逸去就。其迹不同。而各有不易之義。非折衷於孔子。後之學者。何以爲鑒乎。且夫出處去就之間。有時宜焉。求其可法者。則惟孔子。而非參觀古今。亦無從而知之也。微子箕子比干三人者。殷之貴戚也。紂雖播棄。義未可以苟去。而或死或奴或去。以爲不如是。無以自靖。自獻於先王。蓋其心皆爲宗社存亡計。故曰仁也。展氏世仕於魯。有柳下惠者。以直道爲士師。不見容。至於三黜。凝齋先生制義。下論。五。

可以去矣。而惠曰。是父母之邦也。其爲逸民以終。且夫天生聖賢。以爲天下。雖當無道之世。賴以維持國脉。左右斯民。而聖賢之生。其間者。苟其君猶知敬禮。亦且委曲徘徊。以副上天眷佑斯民之意。以全君臣之義。無有忽然遠引。但自潔其身者。若楚狂丈人沮溺輩。果於忘世。孔子憂之。時欲引而正之。歸於中道。所以扶君臣之義。而易此滔滔之天下也。然則伯夷叔齊亦與沮溺類。與非也。彼之所爲。決然長往而不降不辱者。乃所以留君臣之義也。故與惠連虞仲輩。

例稱逸民。夫隱者我無心於世。逸者世無情於我。跡相似而道不同。故孔子取之。他如樂官之屬。位非可以行道。守一官不得其職。則去之。他邦或且入河蹈海。皆守官之常。亦非所謂隱者也。噫。是可以識出處進退之權矣。獨是魯承周公之訓。親親尚賢。一變至道。視齊特易。孔子所欲藉手為東周者。乃用之既有明效。而間於權臣。與齊景之不能用等。以視我周初載作人之雅。一家而八士奮庸者。其盛衰相去為何如耶。此微子一篇。吾黨所以深悲孔子之志而特記之也。

凝齋先生制義

下論

至

天地間賢人隱是全冊通旨。然其中疆界亦自有區分。文以隱逸分提而論。立定中樞。遂使題之南。阡北陌指畫井井。仍悉會歸我域。蹊徑渾化。只如自作一篇通論。是為高手。涂築野不用筆力驅駕。循題節次點綴風神。氣脈渾厚。此胎息居士集而參以正嘉之風格者也。朱梅崖全以神行。趙勉哉

敏則有功公則說

萬事理而萬物和。敏公之道得也。蓋有功則萬事理矣。說則萬物和矣。而要由敏公致之。豈偶然哉。且帝王以一人勞天下。而以一心順萬情者也。為天下而勞。則瘁在一。人而即効在天下。與萬情為通。則愜乎萬情。即以如乎一心。此其宰化有力而出治無私。良非苟耳。何言之。兩間之平成。不能自造。端藉大聖賢之心力。經緯而成。是有功也。帝之勲。王之業。所以巍巍蕩蕩。而卜大猷之允升者也。顧為之深求其情。方

凝齋先生制義

下論

至

惕然永終之是戒。罪過之難辭。何功之敢計。然而不計功而功已莫尚者。敏之至也。當日者。堯曰在爾躬。湯曰在朕躬。武曰在一。人是知天下大器。羣生大畜。毅然於天命。人心之不假易。而前無所恃。後無可寬。直以一己當之。而不辭。此其敏也。何如。而謂難於圖功乎。是故當其敏也。以為躬之責。朕之責。予之責。而非四海之責。萬方百姓之責。故其有功也。祿可享。罪可謝。過可釋。而即四海可與觀其效。萬方百姓可與稽其績者也。所謂瘁在一。人而即効在天下。有如此

者。宇宙之太和。有所由生。必合愚夫婦之媚茲醞釀。而出是說也。固帝之世。王之民。所以熙熙皞皞而占順氣之成象者也。顧爲之進詳其詞。方凜然天祿之不敢居罪過。引爲自咎。何說之敢祈。然而不祈說而說已深焉者。公之至也。當日者。數則本大臣則推帝人則稱仁。是知大寶難邀。命討宜慎。一稟乎大中至正之無敢或私。而上準天理。下當民隱。直可以共質之而非誣。此其公也。何如。而謂有不胥說乎。是故其爲公也。本乎天之心。帝之心。仁人之心。而卽四海之

凝齋先生制義

下論

孟子

心。萬方百姓之心。故其說之也。天與之帝。眷之仁人。歸之而亦四海之所獻其忱。萬方百姓之所歌且舞者也。所謂愜乎萬情而卽如乎一心者。如此者。體剛健而應天時。行不過風雨雷霆。靈物與無妄。則至敏卽本至公之念。酌民言而下。天上施所以禮樂刑政。四達不悖。是相說卽在有功之中。合之寬信。帝王治天下之道脩矣。

獨得雄直氣發爲古文章 曾厚齋

闕機閭開軒豁呈露匪惟氣昌實由理足 夏槐園

雄深雅健直逼西京此等文卽起熙甫子駿爲之亦當歛手避席無論餘子 朱梅崖  
氣質深厚似李泰伯周禮致太平論而筆力更排宕不羈 黃素堂先生  
滔滔汨汨一滾而來須知臨臯亭下半是岷峨雪水豈斷港絕潢之所可及 趙勉哉

是書七上制義 下論

孟子

致知在格物物格而后知至

知有由致可觀其成於物格之后矣蓋非求知于物而  
知常因格以致觀夫知至者夫亦愈知格物之爲  
要哉今將謂一物不知儒者所耻馳其心於浩渺之  
途而貪多務博其不至於徇象溺心不止然矯是而  
索鑑于虛則又自封其智也吾爲原夫致知所由始  
與夫知之所終極而致知之功乃可得而言矣夫致  
知者非欲求其知之至也哉而正有未易言者河馬  
洛龜亦何關於性命而知之至者乃以爲通德類情

疑齋先生制義

大學

五

不外是焉則夫遠求近取必非無功於靈明可知也  
陶漁畔稼亦何裨于神奇而知之至者或以爲明倫  
察物卽此見焉則夫學聚問辨必非無裨于睿智又  
可知也審是而欲求知至者其在格物哉知之體渾  
而無端不涉之事爲之際則其緘不啟而性靈無由  
自達故受之以格使心與物相薄而理生研慮之下  
神知發焉而萬象胥涵徑寸之中知之所爲虛而能  
藏者此也知之用變而不居不歷之繁賾之途則其  
識不周而德慧亦無由而出故通之於格使事與理

相錯而互見○桑伍之下○智術生焉而精義以全○致用  
之能知之所爲○旁行不流者此也是故其格也卽晉  
之知以爲格而非逐物以求知故其知也不目物而  
始有未嘗不緣格而益開由斯以觀世固有知至而  
不由於格物者與均之此理也向之強探力索扞格  
而不入者今則道器胥融觸處有會通之妙此時並  
不見有物而格之既盡則無物之所宰卽有物所不  
能遺古大人不厭紛賾而日用行習具致其精詳者  
有由然已猶之一心也始之抑塞蔽虧膠固而難通

疑齋先生制義

大學

五

者今則左右逢原隨在有自得之趣此時卽有所格  
而知之既至則格卽其知之所貫而知卽隨格以俱  
融古大人無事冥契而極深研幾以底于神明者不  
可誣也蓋物卽知之散殊由百慮以歸一致而格卽  
致之先導自無思而無不通此明明德之始事不可  
以不審也

格致之義莫詳於程子十六條而延平循序少進  
數語朱子嘆非他說所及此更融會出之故爾言  
皆有物 涂詡菴

孝者所以事君也 三句

家國有同情。治在齊中矣。夫孝弟慈。修齊之事也。而事使之道存焉。孰謂教國有外於家哉。且人止此身耳。而上下僭處者。環屬於其間。以待我之所以應之。夫應之之事。在此而所應之具。乃不得于此而常緣端以相及。無他。類得其所合。而情足於相因也。審是而知教國之道。不出於家矣。夫地廣則其分易疎。不有以聯之。則尊卑之誼。漠不相通。貴審夫所生之理。以融吾體焉。族衆則其心易渙。不有以萃之。雖敬愛凝齋先生制義 大學 五

之將。澄以滋偽。當原夫率性之道。以厚吾天焉。今之教國者。必曰事君事長使衆。而其教家也。曰孝弟慈。斯固兩不相謀之事也。吾嘗比而論之物。各從乎其類。令其有相判之形。雖君上不能強之一致。試觀家國間所爲俯仰而承者。均此名分耳。元后也。戴爲父母。友生也。懷同弟兄。卽至惠我嘉師。孰非鞠育之深情乎。準乎其類而相比。以爲稱固無藉于假合之緣矣。物各準乎其情。令其有相隔之勢。雖聖人不能約之使同。試觀家國間所爲崇而奉。卑而畜者。共

此情性耳。位列君父。而連屬於尊親。義分兄長。而並致以恭敬。又况撫字之恩。固卽毛裏之所推乎。充乎其情而積漸以相達。非有待于附益之勞矣。是故人有桀驁難馴之氣。思有以凌君長而弱臣庶。而惟親友慈祥之念。得而制之。夫制之之權。莫大于君公。而嚴教習于國。視爲具文。置象魏於家。習若固有。孝弟慈所爲閑于耦居日習間。而治理于不覺者也。人而爲詬誶器凌之事。罔知所以致尊崇而施慈惠。亦惟親長老幼之誼。得牖之。夫牖之之功。莫深于董勸。

凝齋先生制義

大學

五

而示訓于國。有時強飾而非真。起化于家。徐收其效。而漸摯孝弟慈所爲誘于易知簡能中。而化洽于自然者也。道從乎繼。每緣朔以爲功。理逐乎流。亦澄源以相暨。家與國有分人。而泊與齊無二致。不出戶庭而教成於方州者。職此故也。舍孝弟慈而言教國。胡可得耶。

從三所以挾出家國相通之理。包舉渾成。視比擬

滯者天淵 顧書亭

精深與折在大力文止之間 徐于岸

如保赤子心誠求之雖不中不遠矣

保赤者通于一心不僅可爲保民例也夫例保民于保赤以其心之誠求無不中故也而又何疑于立教者哉且家國之間一天之相爲流通耳天藏于心寸衷皆真性之結而心會于天萬情悉同氣之符默司其契而性之相觸胥融者遂一一與爲脗合焉此其道通諸孝弟慈而顯著於保抱攜持之間何則大造生生之意與物無私故聖賢大公念切同胞而祥和之流布者必恢之彌遠而生人不己之良緣感而動

凝齋先生制義

大學

本

雖顛蒙無知情專顧復而天真之呈露者亦近而可推昔武王知保赤之心大可恃也爰著其篤摯之情樹爲保民之範曰如保赤子豈非以赤子之心卽具于保赤者之心而求之者固隨在卽得也哉且夫赤子之心亦至難度矣喜怒哀樂變態無常抑之未可告之未能彼求之者將何恃而能中乎乃爲赤子者方且任其情之遷意之幻錯出於起居食息之間幾莫測其所自來而保赤者祇恃此天之命人之心默會於形聲意言之下卒未嘗迷于所往無他求之者

無念非誠則中之者自無時或遠也萬象之渺茫也

出人心之靈與之徵召且將索其情狀而達其隱微況在一體之近者乎密叩諸形聲之表出入動靜在在與爲來會不啻舉赤子之疾痛痾癢麗于當躬而形骸不隔呼吸皆通也當其時雕琢不事隱情如結保赤者固亦不解其何以悉中有如是也惟其心之靈通焉耳矣百爲之繁賸也本精誠之積與爲凝聚且將竟其端委而究其初終況其爲天真之發者乎凝神于耳目之下屈伸俯仰息息與之相闔直若舉

凝齋先生制義

大學

空

吾身之精神志慮殫量以赴而形與之俱神與之一也當是時純一無二彼此胥融保赤者又已捺其罔或不中有如是也惟其誠之感孚焉耳矣道非根於自然君子不敢據之爲理向令保赤之心其求也出於矯強其中也隣于假合則所患者不獨在赤子矣乃無端之啼笑形色甫動而有意之推求志氣已迎不識不知並效其天于不容己此道誠足恃焉耳事非其所常勝君子不敢恃以爲功向令誠求之下相合由于襲取命中出于倖成則所患者不獨在保赤

矣。乃一時之揣摩。委曲如見。而百念之恩勤。欲惡皆周。若啟者翼兩呈其命於各正。此意殊足珍焉耳。惟其然。保民者必取之爲範。而保赤者更無容垂之爲訓矣。

呼吸轉掣。勁氣盤旋。抒義亦極切實。黃靜山先生  
紆餘爲妍。規圓矩方。題分恰稱。賴壹亭

凝齋先生制義

大學

空

莫顯乎微

明顯之在微。微固有難忽者矣。夫微亦猶是隱也。而顯莫顯於斯。識微者曷可弗審耶。昔夫子之贊易曰。○借○端○作○合○題○理○幾者動之微。吉之先見者也。夫志慮方萌。而吉凶早見。此豈恃乎推測之術哉。蓋發邇見遠。勢固漸長。而返衷內叩。理更難誣。此際之靈明。固有獨伸於萬象之表。而予人以不容或昧者已。則試進隱而言微。其在爾室中。而發此朕兆耶。則微亦未嘗不在隱地也。顧屋漏之中。監史或憑。而方寸之絨糾繩無隙。將無

凝齋先生制義

中庸

空

不能寬於隱者。或得自恕于微也。其處大庭時而動此端緒耶。則微又不必盡隱地也。夫知其爲隱而疑畏懷慚。必至自形疚惡。業已非隱。而依違詭附。不免借以自蒙。則所謂見者在隱。而所謂顯者。或不在微也。乃中情甫動。雖無形象可名。而機勢已張。自覺端倪難掩。微乎微乎。其莫顯於此乎。事爲紛紜之際。表裏具微。幾于無細之不達。而或泰之以意見消之以利害。不免私心自眩。是非因而輒蔽。微則一意初萌。絕無他念之雜。稍一惺焉。則作聖作狂判然若涇渭。

之分不容或混此蓋天心之自呈示人以從違之方者也。以視顯中之顯其差數亦可觀矣。功業垂成之後初終悉具自可無微之不著然或假借以自便苟且以圖功遂至遷就其非疑似輒見姑容微則成見未定初無難轉之勢稍自覺焉則為醇為疵較若銖兩之稱不容或亂此又良知自具牖人于聖天之路者也。以視顯後之顯其明昧不較然哉然則輕視此微者祇自欺也。假令意念所呈無闕于消長之數則悠悠焉聽其所之可耳。乃其顯者亦既如斯操舍存亡其間不容以髮而堅水之漸馴至不涇則師保之嚴或有時可欺而神明之凜殆無念可避人將何恃而忽置此微也。然或難視此微者抑又自棄也。萬一神智自昏不足為照鑑之用則憤憤者付于莫可如何已耳。乃其顯者既已如斯且晝狴亡其間有時或昧而平坦之氣悔悟旋生則借鏡于人分寸不無差池而索照于己形神悉合符契人亦何幸而得有此微也。慎之慎之其敢稍自縱耶。

沉著痛快可當一幅箴銘 夏知畏

天地位焉萬物育焉

驗聖功於位育相目而效者也。夫萬物育于天地中耳。中和既致而位育之效相目而應謂非盡性之極功乎。且自天高地下萬物散殊而我於其中渾然同抱此至聖之德顧令兩間之氣化渺不相屬非吾體之有隔也。性未臻于渾合斯同體而若相岐矣。若夫致中和之君子則何如蓋成性存存道義之門大本立而達道以行由是裁成輔相以左右民範圍立而曲成罔外斯時也天地固已位焉而萬物由茲育矣。夫自乾坤定位以來職履職載兩大各司其官以主宰于鈞陶之上而及其顯諸仁也天氣下降地氣上騰萬物相生相養於其間則夫萬物之育于天地而天地之所以位焉者固其大德之自為敦也。於聖人何與雖然氣化不待人而行而性命實以類相召彼蒼也而尊以上帝嶽瀆也而尊以公侯此其顯焉者當主靜立極之時喜怒哀樂定命於符有以凝天地之心而高卑健順各安其常而無或越者何在非至德之所裁成也。七日之復也而閉闔初陰之茹也。



而勿用。猶其後焉者。當敬以直內之際。喜怒哀樂。咸脩其官。有以正天地之性。而風雨寒燠。各盡其職。而無敢曠者。何在。非聖人與。爲輔相也。由是以其範圍天地者。曲成萬物。飾喜飾怒。君子所以調陰陽。卽所以同好惡。而順氣成象。萬物無不恬熙。所以成若之徵。兩大不得獨專其事。制禮作樂。君子所以移風俗者。卽所以官天地。而茂對時育。萬物共仰休風。所爲化育之贊。一人反若獨尸其功。位焉育焉。相因而至。有如此者。蓋異體無相孚之情。而一性有呼吸之理。

凝齋先生制義

中庸

卷一

惟乾。吾父。坤。吾母。萬物皆吾兄弟。之倫。故乾。易。知。坤。簡。能。萬。物。自。享。生。成。之。樂。古。聖。人。在。上。天。不。愛。道。地。不。愛。寶。人。不。愛。其。情。者。非。致。中。和。之。德。有。以。管。之。與。照。注。作。一。串。看。最。得。蓋。萬。物。不。在。天。地。之。外。未。有。天。地。位。而。萬。物。不。育。者。也。至。其。精。言。粹。義。融。釋。貫。通。可。當。一。則。著。書。朱。梅。崖。理。精。格。老。無。一。間。字。剩。句。此。胡。思。泉。銅。墻。鐵。壁。之。文。徐。訥。菴。

舜其大孝也與德爲聖人

虞帝極孝之量。盡人道也。夫孝者。人道之常。而人未至於聖。孝亦烏得爲大乎。子故推舜孝之大。而首舉其德也。若曰。孝。庸德也。人徒震乎其象。而泛泛焉。日驚於外。至之數。謂是庶幾無遺量哉。而不知躬修有闕。庸行固早留憾矣。吾是以穆然於舜。今夫舜。聖人也。亦孝子也。顧稱舜之聖者。既略乎其孝。而稱舜之孝者。又不及乎其聖。析爲二端。若視聖德爲孝外之語。而盡孝者。不必屬之聖人也。夫謂孝不必屬之聖

凝齋先生制義

中庸

卷一

人。彼其意中。固以孝爲易盡耳。烏知卽此人人同盡之孝。固有極其大如舜焉者哉。不歷盡天下之苦。不足以達倫中之變。舜也。蓋以未諧之家。曲將至性焉。意其時。負未井廩。皆所以窘其才。而困其力者。而舜又緣是以得無遺也。無遺者。大之至也。不閱盡天下之甘。不足以復倫道之常。舜也。蓋視天下之悅。輕於草芥焉。常其時。九官二女。無非所以移其情。而奪其慕者。而舜乃因是以見無加也。無加者。大之至也。大哉。孝乎。君子之所以盡人之極乎。何也。吾身爲親所

生之人。則格親所以爲人。吾身爲事親之人。則盡人  
乃以完親。安見有德非聖人而孝道無忝者。惟舜也  
其盡之矣。其在窮人無歸之日。惟負罪。惟引慝。方且  
自晦其德而不欲進已於聖。以彰吾親不慈之名。而  
在克諧以孝之後。爲底豫爲允。若固已論親於道。而  
非徒讓德不居以附善。則歸親之義。蓋孝爲德本。未  
有大孝而不臻於聖人者。德乃順親。又豈有聖人而  
不盡孝思者哉。吾故曰盡人道。所以完子量也。  
義蘊已足。不止打疊省淨。魯厚會

凝齋先生制義

中庸

空人

大力稿中上乘文字 朱梅崖

草木生之禽獸居之

於生與居觀山。亦足以見其廣大矣。夫草木禽獸。非  
山則無所容。故生之居之。亦惟山是獨也。此所以爲  
廣大。且天下有物焉。可以爲功於人。而雜處此土。則  
於人爲有害者。于是別生一山焉。以相載。而是物也。  
亦遂蕃衍容畜於其間。第見爲山之廣大而已。幾不  
知山之外復有所爲天地者。斯何物耶。草木禽獸。非  
耶。聞之天地。訴合煦。姬覆育萬物。而後草木茂。勾萌  
達。羽翼角觫。並獲昭蘇。則草木禽獸。亦惟仰生成于  
天地。而山不得攘之爲己功。至誠御天。茂對時育。萬  
物于是設虞衡。禁斧斤。蒐苗獮狩。以時田獵。則草木  
禽獸。且將藉培植于至誠。而山又何能擅之爲己德。  
然而草木禽獸。並倚山爲天地。而山亦居然自爲天  
地。至誠皆不以爲僭。美而直讓其能于山。何也。平原  
可度。民居沃衍。並宜穀種。令草木禽獸。得以雜其間。  
而妨民業。其爲害不少。天地亦何樂乎有是物也。惟  
山則五穀不生。居民亦鮮天若特設。是以爲動與植。  
之閒田。而草木禽獸。皆借以滋萌蘖。而長子孫。以生

中庸

空人

以居各得其所而不與人事相好此山之所以濟其  
 好生之窮而代天以扞民患也冬官庀五材虞衡馴  
 百族使生者居者不足贍其求而供採擇其備物無  
 多天地又何貴乎有是山也乃山之積氣甚厚處勢  
 甚幽天亦時藉之以佐生與居之外府而草木禽獸  
 于是乎乘陰陽而分種類生之居之綿延其間而不  
 至有時或置此山之所爲承其大生之德而後天以  
 周民用也蓋其磅礴而鬱積者儲精已極其厚雖使  
 瑞芝日生名材繼立鳳凰麒麟充溢郊藪未遽彰其  
 凝齋先生制義 中庸

蘊與何者廣大之蓄盛而不過草木禽獸不能獨當  
 也而其生息而長養者隨處皆堪利用固有神農不  
 及知公輸不能窮禹鼎山經莫名氣類並足彰其靈  
 奇何者不貳之徵積而益蕃草木禽獸莫能自閔也  
 可測乎不可測乎固不待觀于寶藏之興矣  
 奇而確斯謂之奇矣不知者驚猶河漢實則總爲  
 廣大二字張皇無他謬巧也 魯厚齋

優優大哉 一節  
 聖道無間極天下之莫破焉蓋莫破者道也三千三  
 百道之優優者不已入于無間哉且天下悉數之而  
 不能終其物者莫道若也非道之取數于多也萬有  
 之區悉屬斯道之密察循是而稽而遂莫名其多焉  
 何言之天以道爲體故聖人本天以降命其叙之而  
 爲典者卽殺之而爲制物以道爲根故聖人卽物以  
 彰教其乘之而爲則者卽垂之而爲經優優大哉禮  
 儀則三百焉威儀則三千焉必遇事而遞給疑于紛  
 凝齋先生制義 中庸

矣而道固不紛也大禮必簡惟是散而布之遂覺委  
 曲繁重之數皆爲生人所不容已於以隨在求之而  
 各足必因器而後陳隣于迹矣而道固非迹也至禮  
 無體及其乘而麗之遂覺等威品節之詳均爲日用  
 所不能缺於以盡人由之而皆安是故上以官乎天  
 地節與之同也下以管乎人情異以之辨也有是哉  
 至廣而不厭者原非私智所增而欲漫爲之減也道  
 任受耶民志以定受之以履也致飾而亨受之以貴  
 也有是哉至動而不亂者且有日生之端卽欲預爲

之規也。道任受耶。總之道無往而不在。聖隨在以成。能禮儀威儀。鬼神之物。三千三百。小德之川流。起之以義。無非教也。約之以敬。其致一也。優優乎聖人之道。又如此大何如哉。

生氣全湧。包掃一切。魯承田先生

凝齋先生制義

中庸

圭

禮儀三百威儀三千

觀禮教之詳。聖道體物而不遺也。夫三千三百。禮幾繁矣。然皆道之體物而形者。其優優何如哉。且自天高地下。萬物散殊。而禮制行焉。為聖人者。亦相安於固然。以聽生人之自適。而必制為軌物度數。範天下於委曲嚴重之途。而天下亦相率以其由者。此非聖人之能為之也。萬物無容已於其天。聖人無容已於其道也。聖人之始作禮也。本天以降命。肖象於天地。陰陽四時。日月有經。而等有曲而殺。叙之而為曲者。

凝齋先生制義

中庸

圭

即殺之而為制。因物以彰教。推致於喪祭射御冠昏。朝聘。人官有能。物曲有利。會之而常通者。即由之而皆宜。不觀禮儀乎。胡然而人鬼交。胡然而黨族序。立其本秩。其文而搏節。退讓以昭其賁。飾者已。不啻三百之多焉。不觀威儀乎。無故而辨采章。無故而嚴升降。名以命數。以紀而曲折。委蛇以協其分。藝者且極於三千之詳焉。是豈道之洋洋者有所不足而待此三千三百以補其餘。而彌其隙哉。蓋禮者仁之發。聖人懼天下各私其形氣。而不悟天地生物之意。則萬

類無以爲生。故散其仁於往來。施受之地。以宜其情。以達其愛。而開夫屯蒙之氣。使天下之由其中者。有物以章身有道。以樂性而天道之所爲。陽生萬物者。愈顯而無所遺。已禮者義之實。聖人懼天下各恣其情。欲而不識。天理自然之宜。則人類將無以自成。故著其義於綱紀。事爲之際。以綴其濫。以致其敬。而固人肌膚之會。使天下之游其下者。既知和而有節。亦由嚴以得泰。而天道之以陰成萬物者。愈昭昭而無或紊。已是故道本無象也。及其乘而麗之。遂已繪於

凝齋先生制義

中庸

圭

廟朝煥於里黨。顯設於名物象數之間。禮之所至。卽爲道之所至。而形下之官器。無非形上之享精。雖欲從而掩之。莫得而掩之矣。禮亦自簡也。惟是分而布之。遂覺遍於倫物。達於日用。纖悉於冠裳服御之中。道之所察。卽爲禮之所周。而天載之渾淪。不啻人事之參伍。雖欲從而滅之。莫能爲滅矣。聖道之優優。又如此。顧不大哉。

精確不磨文氣亦朴健絕倫

曾厚齋

探原取精與上文融爲一片仁義二義可補樂記

之缺 朱梅崖

四德相濟相成。原非割然四項。前問政章。仁者人也。節亦見仁義與禮互相爲用。中二比根柢既深。而出筆更復洋洋灑灑。偃草熙甫。涂詡菴。義無泛設。語必透宗。斯爲漱六經之芳潤者矣。趙

凝齋先生制義

中庸

圭

知遠之近

合下四節

由知幾以造德始終一闇然也蓋天下事無不操于近自與發于至微之中則闇然者深可恃矣知至至之知終終之孰有外於此今夫君子而爲是淡簡溫者將遂置天地萬物于不事而惟一己是圖哉夫世宇離合之交易息與吾心相伺而我生隱見之地事與世境相緣惟終其身于闇然之途而後天地萬物密運于其中而莫之能外然而知此者鮮矣方將馳思化理餘意交身而樞機之在近自者反若忘之

凝齋先生制義 中庸 主七

且謂欺慊自喻內外殊施而誠形之不容不顯者莫或信之率是以往不惟視聖神功化等于鋪張揚厲日汲汲于賞罰刑政之不暇即自修之地亦將求之於言行事爲間矜情飾貌而所爲敬信內省致嚴于不見之中者或且疑爲虛寂無當實得又何惑乎去道日遠而終身無與于入德之途也哉夫天淵之地大業所由生也神化之功藏密所自裕也不操其本則爲己爲人皆屬作僞如得其要則善身善世總此一機自昔聖賢未有不審幾于近致力于自操功于一

微而能幾于成德者吾試與之誦詩潛伏矣而以爲孔昭爾室也而胡云不愧詩殆爲戒懼者咏乎靡爭也而洽于無言其刑矣而依然不顯詩其爲治平者示乎蓋上世人皆學道即篇章游泳皆能採修治之原我生望古遙集每三復前言而益信中和爲要吁疾惡潛滋蔓難圖矣敬信常昭愧斯免焉待賞怒而民始勸畏則恭已無爲者又何以稱此天德王道所爲胥本于慎獨而同原其貫者也不有君子孰能明其故哉君子知人心存亡之故惟獨中不能自欺亦

凝齋先生制義

中庸

主七

惟獨中善爲自容故嚴其端而非幾必絕亦聯其天而本體胥融乾乾乎朝夕惟惕而基命緝熙所儲乎遠風顯之原者裕矣生平戒懼之功可以攝一己之性者即可以通萬物之命故動變有象而不聞刑賞端拱無爲而自致時雍皞皞乎知識胥泯而盛德大業所發于近自微之際者神矣此之謂闇然此之謂日章入德者尙其審諸

掉臂游行理境中到此大難向時愛讀正希瞻彼洪渙文常舉示學侶謂爲力大則輕之候今于斯

文亦云  
魯厚齋

凝齋先生制義

中庸

主人

尚不愧于屋漏

致嚴于爾室。密其常惺之心而已。蓋屋漏無可愧之事。而有可愧之心。詩人言此。綦嚴矣。其心不常惺哉。且夫覩聞未交之地。疚惡之端。雖未肇也。而疚惡之原已伏。斯時所可致力者。惟此炯然不昧之心耳。設或縱焉。雖防之有所不及。早為操之。而心止于符自乘之。無可乘者矣。吾嘗讀相在之詩。而知古聖賢基命宥密。未有不致嚴於此者也。從來戒懼之功。凜于已然。不若持於未然。謹其入。而其出者可知矣。故戰

凝齋先生制義

中庸

主人

兢自守。先在純其內念。而廣大之天常昭。克治之方。制其人心。不若純其道心。謚於全而乘於渺者。易為矣。故劼毖以將。要在密於夙夜。而畔援之端。俱絕。昔衛武公以睿聖之姿。嚴爾室之戒。其德臻圭璧。既有瑕之必盡。而心懷恂慄。更無時而不乾。曰尚不愧于屋漏。豈非其進德已深。而勤修無間也哉。齋居一室之中。非不寬然自暇。無端而悚乎。若失有迫我以難安者。此蓋不已之命。默牖於寧謐中。而無能自秘者也。故廣衆之前心。或無疑于理。而退藏之下理。又生

而責心○我○惟○長○存○一○可○愧○之○心○以○厲○其○神○明○使○人○與○  
 天○俱○渾○渾○無○相○間○焉○或○可○因○是○以○自○慰○也○已○優○游○寂○  
 處○之○際○非○不○恬○然○自○得○無○端○而○作○乎○其○容○若○傲○我○以○  
 悔○悟○者○是○蓋○良○知○之○靈○潛○覺○于○靜○一○中○而○無○能○自○掩○  
 者○也○故○酌○對○之○時○人○或○可○為○吾○恕○而○返○觀○之○地○我○更○  
 善○以○心○疵○是○惟○力○去○其○可○愧○之○念○以○全○其○純○修○使○心○  
 與○心○期○坦○坦○無○相○拂○焉○庶○可○由○茲○以○有○獲○也○歟○然○則○  
 武○公○于○此○其○有○戒○心○乎○學○幾○成○德○無○畏○形○而○有○畏○情○  
 終○日○之○乾○惕○不○以○屋○漏○為○可○寬○而○臨○之○在○上○質○之○在○  
 凝齋先生制義 中庸 全

旁○務○使○萬○念○常○伸○不○留○一○可○愧○之○端○是○以○聚○精○凝○神○  
 時○凜○陰○陽○之○戰○而○洗○心○藏○密○獨○存○天○地○之○心○抑○且○有○  
 懼○心○乎○功○修○日○進○無○疑○事○而○有○疑○象○爾○室○之○閑○存○不○  
 予○寸○衷○以○自○造○而○儼○乎○若○思○惴○乎○若○谷○惟○恐○一○念○未○  
 慊○致○開○自○欺○之○緣○所○為○功○以○靜○而○益○謐○幾○於○其○身○不○  
 見○心○以○切○而○增○懼○轉○覺○有○悔○可○虞○吾○故○紬○繹○詩○言○而○  
 重○念○存○養○之○君○子○也○

以○惺○惺○者○為○本○體○本○體○即○工○夫○以○惺○惺○者○為○功○夫○  
 功○夫○即○本○體○推○闡○入○微○遂○覺○聖○功○學○脉○已○在○箇○中○

涂詡菴		凝齋先生制義 中庸 全			
-----	--	-------------	--	--	--



文王以民力爲臺爲治

以民力論周王說詩之引端也。夫文王豈輕于用民力者。然即詩之詠臺治者以觀。則謂其以民力爲之也。可嘗論國之所重者民。而民之所重者力。聖王之用民力也。家不過一人。歲不過三日。此爲國有大政。凡起徒役而言也。他若不急之務。又安敢以煩吾民。雖然信斯言也。則如靈臺之詩。之詠文王者。又何以稱焉。夫文王固以民力爲臺爲治者也。何言之。即以詩之所詠知之也。當日者。文以西土諸侯之長政。

凝齋先生制義

上孟

全三

治之餘。日與二三臣工。憇息於此。以極夫游目騁張之娛。洵云盛事。雖然其如民力何哉。夫民固甚愛其力。愛其力。即不肯以其力輕爲上用。此其意亦凡有民者所宜爲民諒者也。以文王寧猶昧是。然而詩之所言。一曰庶民。再曰庶民。果何以云也。甚矣文王之臺治民力爲之也。且夫文王之時。民力亦困甚矣。上有湮虐之天子。宮室臺榭之侈。既絕於天下。而江漢汝墳之間。民之欲自全其力者。文又率之以服事王。朝。惟此岐陽之地。數百里之間。庶幾生是邦者得少。

自休息其力。故天下莫不聞而慕之。詩曰。王室如燬。父母孔邇。亦其徵也。文王奈何又以臺治困之說者。曰。此詩人頌揚之言也。其意欲尊文王。而不知適以誣文王也。臣竊以爲不然。夫使文王不爲臺。不爲治。不藉力於庶民。即欲從而頌之。揚之。奚以爲言。迄今西都雖廢。而過其地者。猶得指而目之。以爲此文王向所爲臺者也。所爲治者也。覽其遺跡。相與憑弔。徘徊久之。然後去。何況當年。故臣嘗反覆是詩。而知適情之舉。聖王所不廢也。即民力所存。亦未嘗不可用。

凝齋先生制義

上孟

全三

也。然臣竊謂惟文王爲能得民力。何也。民歡樂之也。此詩之所以作也。

峻峭傑悍。子厚介甫之遺。涂詡菴

覲定一以字左。繁右拂而氣力尤在。提放處。趙勉

取諸人以爲善是與人爲善者也

推同善之懷非取無由與矣夫善者人所自爲亦安從而與之而與人同者卽相與於取善之時也是可推而得焉曰觀古雍動之世善氣翔洽天下競奮其才智以致於光天之下竊疑大聖人有奇能異術以致此乃徐而察之偏若一無所致第殷殷然日求人之善言善行聚而有諸已曰吾取諸人以爲善者何也夫聖人豈不欲胥天下同歸於善哉又豈不欲推其所有以與人爲善哉而未取以前若姑緩焉而置

凝齋先生制義

上孟

孟

爲後圖既取以後又已安焉而別無所事曰斯人皆已爲善矣無俟他有所與矣性命本自各正也使其待給於人古聖人宜有以曲致之然而聖人曰盡人皆善耳無需假也吾第卽其固有之善揭而相示日用飲食之中具有神化彼誠知之夫誰弗寶貴焉道德人所自致也使其可以借力古聖人宜有以代爲之然而聖人曰善固其自爲耳不可借也吾第就其所爲之善表之爲則知能行習之下可致高遠彼誠慕之夫誰弗踴躍焉人而有鼓舞向慕之情則我之

取其善也既得而來之夫勞來之權莫尊於君相乃設教於國中情有時或矯而感發于同類意無念不步也憶舜當日深山之中木石與居而罔察不遺早已召歷山之耕夫澤畔之漁人漸以仁而摩以義焉而沛江河者若無與也其游於性天之宇而已矣人而有孤立寡和之懼則我之取其善也既有以揚之夫過揚之典莫神于舉錯然摩厲於功名志氣有時而衰攀援於道德精神無時或怠也憶舜當日明廷之上恭己以臨而疇咨不輟不啻進亮工之岳牧服

凝齋先生制義

上孟

孟

采之浚明徧爾德而錫爾極焉而効弼直者仍不知也其相與順帝之則而已矣是故專與善之權以爲斯世之善皆由已成大聖人無是心也彼惟不以庸愚視百姓而天下之人乃敢以聖賢自居渾渾乎天與天相觸而胥融人與人相觀而益善而其爲善也交相鼓舞於不倦持獨善之私以爲斯人之善聽諸自然大聖人更無是道也彼惟不敢獨居於聖神而蒸民之衆乃得以性情自効浩浩乎遊之於蕩平之中引之以親遷之事而其與善也潛爲變化而莫知

夫量未恢者。不知此理之至公也。苟其知之。又規規焉揭諸其懷。以爲與而孰知夫善與人同者。固卽在取人爲善之中乎。遐哉弗可及已。

以取爲與實道出所以然。磊磊明明理家上乘。類亭

凝齋先生制義

上孟

八

五穀熟而民人育

觀民人所由育。亦使民自爲養也。夫以君育民。不若育於五穀之爲大而遍也。然非后稷之勞心。烏克致此。聞之六府之事。以穀爲終。夫豈以養民爲緩計哉。蓋必五行之氣和。而後粒食之用彰。於以果生民之腹。而養萬姓之天。古聖人所爲竭心力於廟廷之上。而溥美利於不言也。如后稷樹藝之教。其所以爲民人計者。不已至哉。斯時也。畎澮之間。皆載我后之精勤。固無俟屢畝而代耕也。而有相之道。自足以上召

凝齋先生制義

上孟

全七

天和服疇之衆。咸若曾孫以克敏。固無俟借力於君上也。而我稼旣同。自足以下寧婦子。蓋至是而五穀熟焉矣。前此水患初平。尙仍艱鮮之舊。今者新畬是艾。庶觀養恬之休。而民人有不育焉者乎。五土之氣不一。雖明昭有錫。安必此疆彼界之無殊。然而不足慮也。維穀有五。所以別三壤。卽所以均地利。當日者。雍冀之民。固廢多黍。荆揚之族。亦慶多稌。熙然而飲。天地之和者。九州通其畛矣。三時之需無涯。雖康年屢降。安必春耕秋歛之多給。然而不必慮也。維穀有

五。所以。順。天。時。卽。所以。周。民。用。當。日。者。春。夏。既。樂。來。牟。之。貽。秋。多。旋。慶。黍。稷。之。茂。恬。然。而。享。饗。殮。之。福。者。多。種。代。其。匱。矣。未。耨。未。興。之。先。五。穀。之。材。僅。同。于。草。木。自。聖。人。制。爲。養。民。之。具。而。後。作。井。之。用。彰。弗。厥。豐。草。種。之。黃。茂。所。以。盡。物。曲。之。利。而。爲。仁。民。之。道。也。一粒。食。既。開。而。後。五。穀。之。淡。莫。饜。其。口。腹。惟。聖。人。示。以。食。氣。之。常。而。後。饗。珍。之。弊。絕。烝。民。乃。粒。萬。邦。作。乂。所。爲。於。厚。生。之。中。而。寓。觀。頤。之。吉。也。古。大。人。之。勞。心。如。此。而。沾。沾。以。並。耕。言。者。其。爲。育。民。也。幾。何。哉。

凝齋先生制義

上孟

今人

發越處仍歸含蓄古節古音度越臥子

賴畫亭

出語矜貴製局腴鍊頗似此觀堂經制諸作而其氣味之清辣則仍得力於柳州者多也作者少年辦香故自江右前輩集中凡此種文皆其少作云涂築野

繼之以六律正五音

爲天下正音者不容已于律也夫律者音之統紀而五音由是以正者也舍是不繼聖人豈能長恃此耳力乎且天地之神形於氣發於聲而成于數氣數者聲之綱紀而神化于是託焉凡事皆然樂律其尤著者古聖人將以樂化天下必先於氣數之間制爲不易之規以相稽而非徒以耳力謝天下也何則凡音之起由于人心清濁高下或任意以爲低昂何以使氣之所宜調劑適均而無偏勝之虞凡音之作原于

凝齋先生制義

下孟

今人

天籟多寡隆殺率吾真而無紀律何由使數之所衍小大相資而協乎自然之度聖人曰惟音有七而統之爲五以正馭變之道也凡律十二而括之爲六以陽統陰之義也音定于律而律以諧聲則六律之繼其容已乎天地之和同也祇此陽與陰鼓盪于其間而下降上騰遂以宣八風而調四氣聖人得其至和之用而則之以爲律故陽道常饒而下生者利用損陰道常乏而上生者利用益由是而推焉葭飛灰而宮聲起蚕吐絲而商絃絕機固應于自然火吹于薪

而以為徵。水響于泉而以為羽。氣復徵于同類而聞。宮閏徵又所以節其餘分以合生氣之和者。夫天地節而四時成。陰陽調而五聲備。聖人所為通化育之道于聲音也。圖疇之遞衍也。祇此九與十參伍于其中。而為生為成。遂以行鬼神而成變化。聖人因其至神之機而通之以為律。故約十而取九者。體之所以立。衍九而虛十者。用之所以行。由是而推焉。黃鐘一均。始于宮而窮于角。固三分之所乘。除旋相為宮。下生倍而上生四。亦三分之所通變。而用牛用變。又所凝齋先生制義。下孟。牛。以紀其空積以成終始之序者。蓋參天兩地而倚數。度律均鐘而定樂。聖人所為推圖書之理于聲音也。由是抑揚抗墜。人意之可為高下者。一受裁于律呂。而出之必循其節以大化之。慘舒調人心之喜怒陰陽剛柔胥有位可安而不至于相奪。順氣成象而和樂以興。繼之之功于是可大焉。爾小大精粗器數之雜。出無紀者。一聽命于律同而裁之。必有其度。以有定之。奇偶制難。憑之度數。簫管祝。敵胥有分寸可尋而不患其無倫。百度得數而終始有常繼之之功于。

是可久焉耳。而聖人之耳力長存于天下矣。	精博與衍 夏檀園	融會宋儒樂律諸書。疏抉題蘊。確鑿可尋。毫無牽強附會之迹。所以為難。賴畫人	凝齋先生制義	下孟	九
---------------------	----------	--------------------------------------	--------	----	---

智譬則巧也聖譬則力也

進明智聖之說於巧力得其合矣。夫人知孔子之聖與夷尹柳下異而不知其所以異者。惟其智異是以聖異也。孟子以巧力喻之而智聖之說合矣。若曰吾以樂擬孔子之集大成而得智聖之說。雖然夫智聖也者。析觀之而見其分。不若統觀之以求其合。其分焉者。始終條理之足以盡之也。其合焉者。始終條理之猶未足以盡之也。吾於此更有以譬之。今夫形有所注而神默有以運之。運之而形若爲之使也。則巧

凝齋先生制義

下孟

卷三

之爲也。神有所注而形遂有以赴之。赴之而神若與俱往也。則力之爲也。今試以巧求之力顯於此。而巧實主之於前矣。所謂智者。寧不如是耶。今試以力求之。巧立於此。而力遂繼之於後矣。所謂聖者。又寧不如是耶。故巧力之說明而智聖之說明亦巧與力之說合而智與聖之說亦合何也。凡聖莫不由智入而孔子之智爲獨絕。蓋其崇效天矣。是故其寂然不動也。而洗心以退藏于密。知來藏往。周乎萬物而靡遺。一天之照臨于上。而四方上下無不耀其光也。彼各

明其一者。蓋猶局於方隅矣。凡聖莫不成其聖而孔子之聖遂獨絕。蓋其健亦法天矣。是故其感而遂通也。而齋戒以神明其德。至精至變。道濟天下而不過一天之運行于上。而五行四序無不當其用也。彼各造其極者。蓋猶限於氣化矣。故其智也。譬則巧之生於心。而得其環中以應無窮者也。彼夫或偏或倚。滯於一者。遂有所遺矣。斯則三子之讓孔子以獨絕者。與其聖也。譬則力之呈於前。而因乎自然以適其所而已。彼夫或先或後。止而待者。則亦及之也。斯豈三

凝齋先生制義

下孟

卷三

子之讓孔子以獨絕者哉。蓋聖一也。而其聖之所以異者。以其智主之也。猶之力一也。而其力之所以有異者。以其巧爲之也。此智聖之說。始終條理未足以盡之也。觀於射而可見矣。

題平意側平還題面側還題意細心體認之作  
徐

其筆力則柳州之遺也。其氣味則震川之遺也。而其發揮精實。詒經確當。又榕村藏稿之所以獨掩前人。此種制義。正東鄉之所謂不讓李杜韓歐者。

人恒過 三節

大賢警衆人欲其與聖賢同生也。夫人即不思爲聖賢獨不思自全其生乎。憂患安樂之間有天意焉。亦可以識所處已。今將執人而漫語以降大任之天。聞者幾疑天之獨厚聖賢矣。而不知此聖賢之善承天也。夫天之於人蓋未嘗不均其施而承之者顧有異焉。然苟能承之則雖未必與聖賢同歸而固亦可以自立於此。見天心之仁愛斯人而欲生全之也。蓋芸芸庶類莫非天之所生也。天生之而或不若自若其生於是遠於生而即於死。夫其所以遠於生而即於死者人也。非天之所以能與也。然則吾謂人皆死可乎。古今來中人多而聖賢少。其至愚不肖者亦少。故極治之世少大亂之世亦少。古今之天下大都中人之天下也。中人者不能無過過而能改者也。其未困心衡慮也。欲其作焉而不得也。未徵色察聲也。欲其喻焉而不能也。故夫衰晚之季國僅中主而猶能不失社稷坐享祖宗之基業者。必其法家拂士匡救於內。敵國外患偪處於外。匪是國未有不亡者也。嗟乎此

皆○天○也○天○之○生○人○無○日○不○以○憂○患○相○傲○戒○人○之○得○生○  
無○日○不○與○憂○患○相○終○始○其○所○以○憂○患○之○者○何○也○欲○其○  
生○也○彼○聖○賢○者○明○于○憂○患○之○故○故○能○以○其○憂○患○全○衆○  
人○之○生○世○無○聖○賢○則○衆○人○固○自○生○自○死○于○其○間○於○此○  
而○能○警○于○憂○患○之○來○者○生○也○其○必○去○憂○患○以○就○安○樂○  
與○夫○耽○安○樂○而○不○知○憂○患○者○是○自○棄○天○也○噫○死○矣○或○  
日○死○生○亦○大○矣○必○若○所○云○何○以○處○夫○憂○患○而○不○得○生○  
安○樂○而○不○至○死○者○日○衆○人○以○生○爲○死○君○子○以○死○爲○生○  
夷○齊○之○餓○龍○比○之○殺○身○顏○冉○之○天○皆○生○也○此○又○天○心○  
凝齋先生制義 下孟 六

之○微○妙○者○其○降○大○任○與○舜○說○諸○人○等○若○夫○庸○庸○者○流○  
酣○象○富○貴○日○以○其○身○從○耳○目○之○欲○極○驕○奢○之○形○則○其○  
生○生○之○理○已○絕○雖○覩○然○視○息○直○委○形○焉○耳○又○况○牯○其○  
心○斧○斤○其○身○其○生○死○固○旦○夕○莫○保○哉○人○卽○不○思○爲○聖○  
賢○獨○奈○何○不○知○自○全○于○生○鳴○呼○豈○不○哀○哉○豈○不○哀○哉○  
氣○格○渾○成○議○論○警○卓○才○大○心○細○之○文 涂詡菴  
以○韓○子○之○筆○詰○孟○子○之○書○乃○似○自○作○一○篇○醒○世○奇○  
文○而○按○之○題○之○神○理○不○失○系○黍○孟○韓○固○一○脉○相○承○  
故○也 魯厚翁

盡其心者 二節  
天○理○具○於○人○心○精○而○體○之○以○致○一○也○蓋○知○性○以○盡○心○  
所○以○精○其○理○也○存○心○以○養○性○所○以○體○其○事○也○天○之○在○  
人○寧○有○間○哉○且○自○繼○成○而○後○人○心○各○具○一○天○矣○夫○天○  
日○在○人○心○而○人○之○承○之○者○顧○令○其○與○我○渺○不○相○属○焉○  
是○不○獨○外○心○也○抑○且○失○性○實○甚○何○則○天○之○所○命○於○人○  
者○性○也○而○人○之○載○性○惟○心○故○心○也○者○性○之○綱○維○而○與○  
天○相○流○通○者○也○吾○爲○知○天○事○天○者○告○之○維○皇○於○穆○之○  
理○非○稟○於○生○初○雖○有○明○哲○難○爲○通○矣○是○故○廣○大○之○宇○  
凝齋先生制義 下孟 七

乾○坤○麗○焉○而○吾○心○之○量○烏○可○不○盡○乎○然○或○卽○心○以○求○  
心○是○反○鑑○而○索○照○也○烏○乎○盡○夫○性○立○天○下○之○有○而○心○  
包○其○外○倘○四○德○之○所○蘊○無○以○會○其○全○斯○一○神○之○運○適○  
自○詒○之○蔽○矣○何○也○性○外○無○心○大○本○立○而○萬○象○皆○融○天○  
藏○於○性○衆○理○通○而○一○理○自○徹○以○性○會○天○實○卽○以○心○會○  
心○也○會○何○有○先○後○之○殊○乎○不○然○者○索○天○於○吾○心○之○外○  
早○已○自○昧○其○性○而○聲○臭○胥○冥○之○載○豈○容○以○擬○議○測○之○  
也○哉○吳○天○旦○明○之○神○非○具○於○方○寸○雖○嚴○對○越○難○爲○假○  
矣○是○故○出○人○之○交○陟○降○憑○焉○而○吾○心○之○理○安○可○不○存○



乎。然或息心以求心。是致虛而守寂也。烏乎存夫心。本吾身之官。而性司其職。惟於位之所宰守之。而不越斯於責之所承奉之。而不違矣。何也。心以性為體。閑邪即存誠之域。性與天相宅。願若為盟。薦之乎。以性格天。實即以心格心也。會何有彼此之殊乎。不然者。尊天於吾心之外。早已自棄其性。而日鑒在茲之赫。豈得以文貌承之也哉。蓋知天之事。先窮理。故知性而後盡心事。天之實在操存。必存心乃可養性。究之天也。性也不外乎吾之一心。人可知所從事矣。

凝齋先生制義

下孟

卷九

道理看到融洽處。而文筆喜其能瘦。魯承田先生絕無一含糊語。真腔實板。猶存正嘉之遺。趙勉哉

由堯舜至於湯 全篇

溯道統之傳。望於今者。彌切矣。蓋自堯舜至今。見知聞知。遞相傳續。如此。今可獨無有乎。孟子所為懼而歎也。若曰。道在天下。未嘗一日亡也。乃自古迄今。當其任者。落落數人耳。而此數人者。遂以維持道脉。而綿盛衰興復之幾。此不得諉權於天。而自謝其責也。何則。道之傳也。非其人不屬。而人之任道者。非心與心印。不足以與知。自生民以來。無二道。亦無二知。顧有為之先者。生值同時。而心源默契。是為見知。即有

凝齋先生制義

下孟

卷九

為之後者。身居異代。而先後同揆。則曰。聞知是二者。相需甚殷。而相遇彌切矣。吾嘗上下古今。而歎天生聖賢。非偶然也。由堯舜至于湯。自湯而文王。而孔子。皆閱五百餘歲。遲久而始一見焉。幸而一聖人出。則有數賢哲。相與贊襄輔翼。共扶斯道。使流風餘澤。可於此見。天之衛道。甚焉。而斯文未喪。固有由矣。是以見知言。若禹皋陶。是已。後此如伊尹。萊朱。太公望。散宜生。皆與湯文一德同心。仔肩大道。以聞知言如

我孔子至矣。前此若商之成湯，周之文王，皆於堯舜紹聞衣德，嗣續前徽，以古推今，後此千百年當無不然者。乃時至孔子，勢一變矣。迄於今事，又殊矣。堯舜湯文以君道作，則于上治與道合，而政教之所漸被者，深歷世雖遠，精神不能遽泯。後起者猶得有所追尋，以相繼述。已若我孔子，以師道垂訓於下，道與治分而書冊之留貽者微，數傳而下，末流遂以淪岐。自今其何恃而延一綫于不墜也？幸也，今僅百有餘歲耳。世既未遠，而居又甚近，天於此不可謂無意也。

凝齋先生制義

下孟

百

顧我生以前，君歌臣廣，父作子述，以至杏壇泗水，師弟相承，莫不濟濟彬彬。張皇師道，而今其能然耶？今其可無人耶？有之則必且暮遇之矣，不則其如後世何哉？吾是以前望古人，後思來者，而不禁勃然以興，慄然以懼也。

謂無見知必無聞知，此從前文家所宗也。謂論先後則見知為先，論難易則聞知為難，並無側重見知之意。此後來文家所宗也。文不主前後說而渾發並慨，一往情深於註，所以明其傳之有在而又

凝齋先生制義

下孟

百

以俟後聖於無窮，意俱在言外，領會洵合作也。  
有間架有神味，是當行制舉業好文字，但其根柢不從時文討生活。  
黃素堂先生

行不由徑非公事未嘗至於偃之室也

觀人于其所不爲可以得真品矣夫行有徑幸有室皆人所爭趨者而不由不至如是士品卓矣相士者其亦有真鑑也哉且天下非無才智之足患也而世多厭醇謹之士而喜才智之流夫大閑未立騁其浮動之氣舍難而就易刻方以爲圓使天下不知有名教之防則才智之可懼不若醇謹者爲可喜偃之繫心當世久矣而適有滅明其人者之恆予懷也何則乾坤正大之情豪傑之所爭流俗之所棄非其樂于

凝齋先生制義

乾隆甲子鄉墨

三

不啻如畔之越坎之陷者蓋祛一由徑之心而畔援歆羨之私祛于吾心者且無盡也而滅明自此遠矣慎靜姤修儒生廉隅之厲豈容稍縱乃同儕酬酢之際亦潔身自矢而私念所轉忽不禁權位之于者志昏于欲理有難持也孰是致嚴于矩矱不疑其拙力戒乎非幾不嫌爲矯雖在邑宰之門視之不啻如辱之招耻之媒者蓋嚴一非公之閑而羞惡是非之情嚴于吾心者更無盡也而滅明自此高矣人惟自處于道德也而後功利之見不入而相泰滅明乎何功

凝齋先生制義

乾隆甲子鄉墨

三

利之悉捐也蓋本平日之非道不行非禮弗履者形見于動靜起居而皆有不防之防維故萬物爭馳其智巧而彼獨淡之淡之者有所以承之者也嚶嚶獨尙之衷回邪所由俱絕耳亦惟不徇乎時趨也而後賢聖之徒乃可進而相攀滅明乎其賢聖之是希也蓋卽當前之行不欲速交必以道者循之以行已立身而自有無窮之德業故羣類依違于風會而彼獨遠之遠之者乃所以近之者也踽踽獨行之踪古處所爲日敦耳是故偃于滅明非素相善也又未嘗習

與之居也。而素履之貞。繫人寐思。假幸有斯人久矣。敢以質之夫子。

着眼題中遊神題外蕭疎淡遠之致如百尺孤桐于霄直上 本房袁老師原評

凝齋先生制義

乾隆甲子鄉墨

一萬

或困而知之

不以困斲其知。知固無嫌於困也。夫人亦豈皆困知者。而知之途固又開此一等矣。則求知者尙無以困自諉哉。且天之生人亦奇矣。哉。既未嘗阻人於弗克知之地。而顧使之從輾轉拂鬱之際。始見靈明之一境焉。似乎天於斯人待之甚薄。而不知不如是不足以見人勞之極。且無以驗天心之厚也。使天而僅予一生。知一學。知以畢知之途。則生知學知皆得恃其私厚之天。而下焉者無與於斯道之數。知之道不於凝齋先生制義 乾隆甲子鄉墨 一萬

是第乎。是故生知之下。既嘗有學知。學知之外。不妨更有困知。事莫患於無端有開。其先者則繼至者可相追也。夫人既已開學知之端矣。我從其後而追之。心窮力絀之下。安在不。予我以攀援之路。物莫患於無本有蘊於內者。則外求者可相補也。夫人亦各蘊知之之本矣。我大其力以索之。艱難况瘁之餘。安見不底於會通之期。雖然其爲知也。固已非困不能矣。斯人既自苦於途之迷也。而乃不自其於途之迷。則見爲困而非以生人之稟盡如是也。道本寓於形器。

彼獨見形而不見道。神自存乎迹象。彼獨見象而不見神。雖以賢哲相牖。亦必遲久而始悟焉。則惜其攻苦。而以困歸之曰。此其所為獨歉於天之數者乎。蓋重其能而拓已盡之徑也。是亦推而極之云耳。天下共矜其智之窮也。而轉幸其智之通。則謂困而非謂知之所造。必由於是也。閱歷夫見聞之多。而德性乃開。研究夫事物之久而精微。始得苟其功力未殫。猶將徘徊而莫釋焉。則鼓其志氣。而以困知易之曰。此其所為獨全夫人之分者乎。蓋崇其知而升所降。

凝齋先生制義 乾陸甲子鄉墨 二頁

之意也。是在力而進之可耳。大道之昭示者。亦坦坦乎其無匿矣。我不求知。安知吾性多窒而知之有甚艱乎。則人之困也。正惟求知之迫。而乃見焉。然至迫而相求。而殫精畢慮。益見道量無窮。而吾心不敢自安。以即於冥頑。則傍徨驚顧之情。既有所難已。而刻厲奮興之神。亦若其性生焉矣。天良之濬發者。或適適然其相忘矣。苟非困知。又安見吾心之靈而得之。不容輕乎。則人之知也。且將經困之後。而愈重焉。蓋至困而得亨。而羣疑頓開。益見神明可恃。而斯理終

不甚遠。以阻人窺尋。則漸積深造之下。既已不覺其勞。而觸類旁通之會。轉若自忘其拙也。已是非其果能與天爭也。神智苟非天授。雖經探索。難為通矣。於此見天心甚普。而特為求知者增一明膏之等。以示變化之多途。是又不必援擬於學知也。膏慮如可自得。雖甚紆迴。無吝餒矣。於此見人力甚大而更有困知者。特闢通微之路。以破明聰之成局。故曰。天下有困知之人。則知之道特恃以不窮。而天之待人誠厚也。

凝齋先生制義 乾陸甲子鄉墨 二頁

題語本渾成分疏。如何困如何知。便涉雖愚必明境界。文語語中的。又恰是本句。或字移向上。文不得至其文境。沈刻峭厲。仍復夷猶澹宕。絕不見經營之迹。知其陶汰功深也。 本房袁老師原評

鄉以下必有圭田圭田五十畝餘夫二十五畝  
酌分田於常制之外惠至周也夫圭田以厚君子餘  
夫之田以厚野人皆常制外所必周者孟子故爲酌  
定之曰先王疆理天下治地分田定爲百畝之制以  
是爲經界之大分也而有時不必皆百畝者蓋其仁  
厚之性常寬然於意念間而纖悉爲計於是準其制  
以通之而推類以及者遞減其數之半此雖奇零錯  
出而巡方布算仍不失夫百畝之常規於今猶可取  
爲法焉吾嘗籌度國中與公共天祿者惟君子待公

凝齋先生制義

乾隆甲子鄉墨

頁

爲引養者惟野人野人君子足以概一國之人而百  
畝助賦未足盡仁政之大夫仁政之行也燕及朋友  
既推上祀之榮媚於庶人亦宏逮下之典而經緯措  
置遂已旁通於鄉國而物色升降乎其間何則明君  
之立制也恩以情殊法由義起讀父書而懷祖德高  
會之貽穀佑我後人乃身列後明之班而薦享無異  
庶人此卿尹之所痛心而亦庶司百執之所同情者  
也特以祿有常秩天家升斗之賦未敢濫邀無端以  
案盛之供諗我君公斯亦覲其非分者矣而執意禮

下之君已向臣工俎豆之旁而預籌之也勤隴畝而  
謀生計物產之盈縮數本無多既糜於衣食之繁而  
子弟復皆坐耗此主伯之所深慮而亦幼子童孫之  
所隱念者也特以受田有期國家井地之均未敢冒  
干無端以恩勤之私謀於長上斯亦望之過情者矣  
而孰意施仁之主已進疆以亞旅之傳而並圖之也  
故圭田之制畝必五十凡卿以下皆不可缺而餘夫  
之田二十有五又百畝外所不容靳此所謂恩以情  
殊者也而吾於此推觀其義類焉念臣子之先人非

凝齋先生制義

乾隆甲子鄉墨

頁

於我効股肱卽與我祖宗共憂勞者也有功於國且  
得以世祿及之而祀事之供禮無專設錫類之施謂  
何而顧令耕籍之典獨隆於一已也則圭田之錫非  
以示恩蓋將使列于朝者皆得致其薦馨之誠內盡  
志外盡物而奉盛以告不徒曰民力之普存而競曰  
君恩之寵及而念舊之情庶幾可告無憾焉耳念畝  
畝之童稚非攸止以烝髦士卽他日服勤而力穡者  
也國有游民時以道鐸警之而卅角之輩聽其逸遊  
土物之愛謂何而顧令淫心之長歸咎於沃土也則

餘夫有田。豈徒明惠。蓋將使散於野者。皆得有其可。耕之田。釐爾成。發爾私。而負耒以往。不聽祖考之。訓。而其樂。王。朝。之。鼓。舞。而。心。藏。之。教。於。是。爲。至。周。焉。耳。顧。論。者。或。謂。國。小。地。狹。安。必。有。閒。田。以。遍。給。於。常。制。之。外。比。私。憂。過。計。者。之。見。也。夫。卿。士。國。有。常。位。但。就。一。井。之。地。分。助。耕。之。半。通。而。計。之。其。於。天。庾。所。減。幾。何。經。國。者。量。爲。出。入。而。已。有。餘。矣。餘。夫。雖。無。常。數。然。卽。一。夫。之。田。足。供。四。人。之。給。綜。而。推。之。其。所。受。田。之。時。未。久。度。地。者。互。爲。轉。移。更。無。不。足。矣。願。吾。子。

凝齋先生制義

乾隆甲子鄉墨

章

勉。君。力。行。焉。則。恩。與。情。洽。法。緣。義。生。而。君。子。野。人。歌。咏。仁。風。於。無。間。也。已。

興到筆隨縱橫自若望而知爲汲古之士本房袁老師原

好人之所惡 一節

好惡之矩在性得失不獨人受矣。蓋人有性。君子所恃以絜矩而同其好惡者也。奈之何拂之以貽咎於身耶。聞之仁人在上。休嘉之氣。浹於寰區。而國家亦於是久安長治者。夫豈有奇能異術。以致此。竊嘗觀其好惡所自出。惟恃此天之命。人之心。以相劑於同然之準。所爲以一人絜天下。而喜怒各適。斯以天下奉一人。而憂樂皆安也。何則。生人好惡之原性而已矣。是平天下者。不易之矩。而所持以錫福聚順者也。

凝齋先生制義

乾隆戊辰會墨

章

自舉不能先退不能遠而生人之性已鬱而不伸。然猶未甚相遠也。孰知其有更甚於此者。與善善惡惡之良。雖庸主亦自具之。而有時是非倒置者。昏庸牽於私豪傑使於氣也。擾擾者日汨其天。於是乎臧否相蒙。賢知或抑其長。不肖反暴其短矣。而天下之人太息齋咨。茫然莫識其所始。激濁揚清之典。雖暴君亦得持之。而故爲黜陟乖謬者。剛愎果於自用。苛察反成愚汶也。悻悻者獨行其意。於是乎愛憎任情。賞既濫加。惡德罰且滯及。清流矣。而天下之人。次且踧。

踏○俛○然○莫○測○其○所○終○當○斯○時○也○威○福○由○已○天○下○但○聞  
 一○人○之○好○惡○矯○罔○縱○恣○人○固○有○難○為○受○者○而○君○乃○不  
 恤○也○葵○秉○在○人○天○下○自○有○人○人○之○好○惡○防○川○自○潰○已  
 亦○復○何○利○焉○而○君○并○不○悟○也○向○非○不○仁○之○甚○孰○其○拂  
 人○之○性○以○自○取○戾○一○至○於○此○哉○天○命○維○嚴○亦○既○以○命  
 討○之○權○寄○之○一○人○則○本○天○而○動○以○佐○其○福○善○禍○淫○之  
 意○可○矣○而○不○虞○借○之○以○行○私○也○故○作○福○作○舊○天○亦○時  
 降○威○命○以○儆○悟○人○主○而○佑○終○不○移○者○雖○有○甚○愛○之○天  
 心○其○如○民○秉○何○哉○蓋○亦○自○貽○伊○威○矣○民○情○可○畏○亦○既  
 凝齋先生制義 乾隆戊辰會墨 聖  
 以○欲○惡○之○命○託○於○君○公○則○因○人○而○施○以○還○其○公○好○公  
 惡○之○理○可○矣○而○不○謂○矯○之○以○誣○世○也○故○為○詛○為○祝○民  
 亦○時○出○是○非○以○呼○號○人○主○而○強○悍○弗○顧○者○雖○有○原○忠  
 之○人○情○其○如○天○意○何○哉○夫○亦○難○追○其○責○矣○可○知○性○也  
 者○生○人○立○命○之○具○即○大○君○永○命○之○原○順○之○則○治○拂○之  
 則○亂○而○吉○凶○同○患○深○宮○獨○司○其○柄○好○惡○者○君○之○所○以  
 制○人○即○天○之○所○以○制○君○公○焉○則○安○私○焉○則○危○而○鑒○觀  
 有○赫○彼○蒼○顯○持○其○權○夫○平○天○下○者○孰○不○欲○其○身○之○安  
 且○吉○而○好○惡○之○施○顧○不○一○教○仁○人○何○耶○

不為巉刻斬絕之言而容與閑易中自具淵然之  
 光蒼然之色非養氣功深未易至此  
 本房宮老師  
 原評

凝齋先生制義

乾隆戊辰會墨

聖



子曰嗚呼會謂泰山不如林放乎

即泰山而轉詰之。僧者之情奪矣。夫季氏即不以僧爲非。獨不畏泰山之弗享乎。夫子以是曉冉。有即以是救季氏耳。若曰子誠退懦。犯顏強諫。與大夫爭。是非吾不敢望之子矣。而獨有說焉。難爲大夫解者。而因是以解大夫之惑。則於情無甚拂而言亦無甚難。而子顧不知之也。蓋即泰山而思之。今夫泰山昔天子所封以鎮東邦者也。其秋視三公。其禮隆四嶽。惟天子巡行方岳。哀對敷天。於是乎有升中之典。亦或凝齋先生制義。乾隆戊辰會墨。葛。

有事望秩燔柴致告焉。下此則備位東藩。乃得承天子命以祭其封內之名山。我公實式臨之。雖齊晉諸君無敢有過而問焉者。而不虞今乃有季氏之舉也。夫季氏何人也。而泰山是旅蓋不獨欺人也。抑且欺泰山實甚。且人亦有難欺者。如林放是已。彼惟以流俗後靡而亟探夫制作之本原。本原既得。則凡天下之緣情制禮。因文見義者。皆將審其所自。而不容誣泰山之旅。其義何居。其情何始。舉而質之。放必能爲之辨矣。顧以是蒙泰山噫亦誣泰山甚矣。萬一山實。

無知向所爲取精多用物宏者。至是而直等諸冥頑之物也。夫冥頑之物衆必鄙之。爲不靈季氏其焉用此不靈者爲哉。若其神不可射向所爲臨之在上質之在旁者。至是而直昭其不享之神也。夫不享之祭衆必呵之爲不祥。季氏其耳爲此不祥之舉哉。情每封於所蔽。但以邀福之私心而遂忘矯率之無益。當局或未知返而旁觀者復不爲之勸念焉。此亦事之無如何者也。能無嗟乎。事必牖其所明。業已知享祀之宜。豐則亦知明神之有赫。事前不加熟計。至事後凝齋先生制義。乾隆戊辰會墨。葛。

而始悔其無謂焉。此又情之深可憫者也。庸遂釋乎。夫任人之事而聽其陷於大惡。不一引手救者。不仁也。救之而弗盡其情。事使之自悟者。不忠也。仁矣。忠矣。而彼終不悟。則聽者之咎也。子爲人宰而坐談於不能救也可乎。

委婉曲折使當日慨歎深情躍然紙上。所謂不寫題貌而直追神理者也。本房宮老師原評。

魯君之宋呼於垓澤之門

卽垓澤之呼。魯君之氣體可見焉。夫魯君之氣體。豈待至宋而始見。而呼於垓澤。其事可徵。故援端以相述也。曰。人苟非德輝。所動自著其赫喧之盛。則氣體之隆。誠有不能無藉於外者矣。蓋分位攸崇。而威儀以昭。固無容於假借。而亦不必故爲減損也。吾因王子而有感於魯君之宋一事。夫宋壤地雖小。爵固上公。周天子所命。以世奉湯祀者也。其宮室車馬衣服。視列侯爲獨隆。後之子孫。雖象賢莫繼。猶得守其禮。凝齋先生制義。乾隆戊辰會墨。其

魯君爲黨援。故往來會盟。時見於簡策。古者朝覲聘問。各有常期。大夫無故不出境。況諸侯乎。具守土之責。非時而翱翔他邦。何爲者。然時至春秋。朝覲無聞。而會遇頻見。茲者魯君之宋。其爲好會耶。參盟耶。未可知也。夫君人者。惟德是務。則服物采章。人皆望而生敬。在昔泮宮。魯侯戾止。言觀其旂也。曰。其旂旒。樂數其馬也。曰。其馬躋躋。細至和鸞僕御。亦皆侈陳其儀。以是爲德心之所形焉。若是則移氣移體。固有

不專在官室與服間者。不然。而魯君之宋車馬。閑衣冠都麗。昭耀郊圻。皆有足紀。胡不聞咏歌其盛。播爲美談。僅以傳呼之事。聞於垓澤也。當是時。宋之君臣遣使郊迎。繕修宮室。以待魯君之至。使之車馬有所賓從。有代隸人牧圉。各贍其事。雖過都越國。而賓至如歸。魯君臣樂其有禮。而燕好彌篤。可知已。茲固不具論。特以事可借觀。情有參驗。魯君之呼。視王子之輿服。儀文特盛。而宋郊之上。聞魯君之警蹕。耳目爲新。道旁問指。而異之。亦將歎息其居養之隆。而凝齋先生制義。乾隆戊辰會墨。其

守者熟聞宋君之事。則以爲是固當然耳。何者。其居使然也。

題不難於古雅而難於生動。文能兼之至其闕會章意尤爲識高於頂。本房宮老師原評。

皇清誥贈中憲大夫分巡金衢嚴道加三級

賜進士出身新城陳君墓表

沈歸愚先生

君諱道字紹洙號凝齋江西新城人也世業儒  
王父縣學生諱以汧者精學不治生以故家益  
貧父立軒先生諱世爵始去儒事賈援例入太  
學後以君貴俱贈奉直大夫君幼隨立軒公在  
市課句讀輒倍于他兒立軒公出賈君佐母魯  
寘人治家事居閒益刻苦讀書廣昌進士黃永  
年治古文分司刑部君遊太學因從黃學益購

凝齋先生遺集

卷之末

附墓表

一

古書講明其意嘗謂禮記大學朱氏訓大人之  
學以其可爲治也李忠定王文成皆儒者有大  
功宋明世儒議其學爲禪若然則禪學大學無  
二矣其意將以病二公而不知以病道也以古  
本次大學謂明明德之本末該於誠意又謂宋  
明儒者論道之異如四時寒暑之成歲學者取  
其益已以合於聖人可耳不必主此奴彼也爲  
文章喜言世事博徵前代經制精思熟處一時  
之宜求其必可行者凡水利田賦吏治之曲折

皆有成說其旨雅馴脫去浮夸苛碎之習蓋自  
寧都魏氏以議論馳騁各一時江西學者多宗  
之君獨好吾鄉汪比部之文凡所稱引必傳經  
術制義法前輩五家而著其所得於古人者戊  
辰余奉

凝齋先生遺集

卷之末

附墓表

二

命主禮部試讀君文清通簡要異之出聞知爲君則  
益大喜蓋君遊大學已爲合河孫公所器甲子  
得舉益有名所與遊者平田劉尙書吳龍寧化  
雷憲副鉉宣城劉按察方諸若溪傅大常爲許  
海寧祝孝廉淦皆士大夫之賢者也黃刑部罷  
官常州待勤衣食于君及卒經紀其喪還塋并  
梓遺集祝孝廉歿君在二千里外每念愍然欲  
撫其孤親舊以緩急告者未嘗不以義應也本  
立軒公遺命設義產贍族規制具脩君爲人嚴  
毅勤慎余嘗欽其德器謂可屬大事讀君之書  
而推其志亦知慨然欲有爲者也進士例當選  
爲縣部檄屢催君不應有司舉君經明行修亦  
以疾辭有勸之者君第笑而不答人莫測其意

也及讀君訓子諸書言在官無失已之難而最  
之委曲以持正因知君之難出非苟自佚而已  
蓋善得其身者也君諸子皆賢長君方官金衢  
嚴分巡次君爲部員外郎皆稟家訓以從事勤  
施無已然則君之志其終將見於天下也夫君  
以

皇太后萬壽恩贈某官卒時年僅五十有四其世系子

姓兆域及塋之年月日已具誌銘茲不著長洲

沈某表

凝齋先生遺集

卷之末

附墓表

二

陳凝齋先生哀辭

魯夢羲

先生以沈毅之資淵茂之品肆力六籍歸本性命卓  
然爲南國望者餘二十年其沒也遠近士咸相與悲  
之當先生未沒前一月夢羲自館歸省先生先生止  
夢羲者再壺壺講論氣雖衰神不怠也夢羲省試戒  
行私念歸必再見而先生以仲秋朔四日死矣臨沒  
謂家人曰吾于人事無所繫念惟讀書志未竟爲可  
憾耳悲夫世以第進士爲讀書竟先生顧獨有所未  
竟耶先生一時所與遊如夏檀園祝人齋雷翠庭諸  
凝齋先生遺集

卷之末

附哀辭

四

公兩年中皆相繼淪沒夢羲每侍涂築野先生論及  
海內耆舊中心愴然而先生于夢羲尤有知己之誼  
每一念之不禁涕下夢羲年來遭家庭死喪之感不  
能執筆爲哀誄文然于先生不敢以已也遂爲辭以  
抒其悲其辭曰

衆賸賸以託處兮相與馳騫乎紛紜終此身之未遑  
敢兮寧悲有生之沈淪昔尼父之致嘆沒世兮用慨  
思夕死與朝聞維前仰古而後思來兮何夫子素修  
之振振悲夫遇以豐而遂志兮志亦以遇而分彼庶

務之繁吾身兮孰冥冥而弗親既因時以從事兮亦  
因事而立程綱至人之眷懷兮初不遺日用與人倫  
何曜靈之易駭兮業累積而弗伸企前途之綿邈兮  
諒所志之難盈揆化理之究若茲兮惟厥施之長存  
用于家而施諸國兮終永譽而勿諉形穆穆其焉如  
兮神炳炳其在天齊旦暮于今古兮何論乎修短與  
偏全惟小子之冀冀兮望知我以策鞭胡旻天之不  
可知兮使賢哲之萎然將考德之無從兮徒愴怛于  
荒阡嗚呼古人之不可復作兮聊綴悲思于斯文

凝齋先生遺集

卷之末

附哀辭

五

皇清賜進士候選知縣例贈中憲大夫顯考凝齋府  
君行述

嗚呼昊天不弔降此鞠凶去秋既殞我祖母

太宜人今庚辰八月四日復降割於我府君

不孝守誠既匏繫一官不孝守詒又以前一月

下旬奉府君命走南昌勾稽先王父未了事

病不得侍湯藥歿不得親含殮終天抱恨曷有

窮極尙何顏視息人世惟是府君生平不讀

非聖之書不墮非禮之行作德立誠兢惕弗怠

凝齋先生遺集

卷之末

附行述

六

倘不及時紀述俾純德實行日久就湮則不孝

辜戾滋甚用敢忍死須臾洒淚和墨敬陳其槩

焉府君諱道字紹洙號凝齋姓陳氏先世宋

進士孔明公遷居江右新城至先王父立軒

公始家於邑西之鍾溪遂爲新城鍾溪人孔

明公二十餘傳爲文學章明公諱一翰是爲

府君曾大父章明公生文學

贈奉直大夫西岐公諱以沂有學行載郡邑志

西岐公娶

贈宜人氏李生太學生例授州司馬

封奉直大夫立軒公諱世爵則 府君父也母

封太宜人氏魯邑庠生 正音公諱印鏞次女歸

立軒公以康熙丁亥五月十八日誕 府君於

鍾溪性簡重幼入家塾未嘗舍業以嬉 西岐

公既世守儒術遺命教子孫必以小學近思錄

爲本故 府君幼卽有志聖賢之學不寂守訓

詁一以力行爲先念生鮮兄弟 立軒公殖產

勤劬日從旁分理勸其善行嘗曰聖學周流於

凝齋先生遺集 卷之末 附行述 七

日用動靜舍職業所當爲而外求學非學之善

也然治事暇輒手一編琅琅誦讀至夜分不休

久之奉 立軒公命以國學爲歲貢生肄業成

均時郡人靜山黃公官比部 府君從而師之

益銳志於學閉戶治經史旁及水利農田軍政

邊防諸要務一時賢者若尙書平田劉公副都

諫翠庭雷公京兆丞謹齋傅公觀察蘭谷劉公

孝廉祝先生人齋夏先生檀園皆樂得 府君

而交之合河孫文恪公主成均每獎勵 府君

稱大器 府君卒未嘗以私謁文恪公益重之

在成均六年兩應順天試皆垂得而失 府君

不以是一日戚戚也歲甲子始舉江西鄉試乙

丑會試下第 立軒公欲令以貲爲郎 府君

進曰兒患學不至耳無患不售也且吾江右舊

聞放佚先儒所著書或半未就梓或已梓而歲

久漉沒兒意欲訪而葺之分爲經史子集四部

計數千卷總命之曰江西文統請移貲以成之

立軒公咲曰能如是乎卽聽若所爲乃屬涂

凝齋先生遺集 卷之末 附行述 八

先生南池總其事五六年間計滙書若干卷較

刊行世者若干卷而館鄰不戒遽燼於火會涂

先生亦抱恙遂中止然訪求遺書如故蓋 府

君固欲以晚年終集其事也戊辰 府君成進

士閉戶如在太學時或諷之曰君何杜門不一

出耶 府君謝曰吾得一第歸養吾親足矣他

非所聞也鄉試座主漳浦蔡公聞而喜之稱爲

真學者旣歸則益佐 立軒公分其勞爲善事

益力然稍暇卽挾冊誦讀如諸生與雷公及祝

夏涂諸先生論學相往復益勤 府君爲學主  
於宋五子而亦不附會攻陸王者爲文喜汪堯  
峰氣味時似南豐新安其著於言者未嘗多然  
皆本心得躬行以爲言未嘗以勦說章句爲事  
辛未

詔舉經學郡守葉公以 府君應 府君固辭其後  
選期及亦以親老辭不就壬申奉 立軒公命  
有事於北比歸而 立軒公於冬十月見背

府君號痛不欲生期年須盡白旣以禮治喪塋  
凝齋先生遺集 卷之末 附行述 九

又推 立軒公遺意立祭田二千畝以爲義產  
讀書有膳鰥寡孤獨廢疾有養昏喪有助畧昉  
文正范公舊法盱江書院再興 府君助白金  
二千兩爲師徒朝夕費太守欲爲申部邀獎叙  
府君力請止之於黎川書院之建也命 不孝  
輦曰俟其成當亦如之生平造輿梁蔭長短亭  
善劑藥斲棺槨諸利人緩急殫力爲之多人所  
未知而於荒政尤急癸亥壬申江右兩大稔鄉  
里饑 立軒公豫籌平糶 府君承命以行編

列戶冊計口均給較市米僅半值已而遠近爭  
趨赴糴米不能繼復船豆麥以濟由是視耗登  
爲上下歲以爲常於人落落寡所合然與交者  
必出於中心之誠歷貴賤死生無少間靜山黃  
公被議旋卒於吳 府君痛哭爲經紀其喪權  
其家事編梓其文集人齋先生歷聘四方強年  
猶艱於息 府君爲購書數千卷資以館穀約  
先生分註禮記於其家而自家居疏春秋五傳  
蓋互策以不朽業且爲先生計嗣續也去年先  
凝齋先生遺集 卷之末 附行述 十

生卒而遺孤已六歲矣 府君復欲爲經營身  
後俾孤可以立方集其遺稿與檀園夏先生作  
合而梓之而不及竟已 府君生平喜培養後  
進噓植善類其教 不孝 輩亦以小學近思錄爲  
世守又增疏古人嘉言善行以爲訓曰憂勤惕  
勵人生所以自立自古聖賢豪傑莫不由此吾  
自顧得力在此四字汝曹解此則家事不足治  
推以佐 國家無不可也己卯之夏 不孝守誠  
膺

帝簡分巡金衢嚴三府 府君奉 魯宜人命至署  
為不孝 擇師友立章程定要求又書箴戒十餘  
條置之座隅凡所以事上接下剔弊釐奸之法  
罔不脩而尤以受善言知人器使為急務以絕  
苞苴清心寡欲為主宰且曰不足吾給汝若有  
玷清白吾不若子也故不孝 雖愚所屬吏民頗  
相與安之初 府君之至不孝 署也以 太宜  
人神氣清明眠食步履無恙且奉命嚴急不得  
緩 府君亦擬月餘即返詎意抵任二旬 太  
凝齋先生遺集 卷之末 附行述 主  
宜人以無疾終 府君念為獨子父母大故俱  
不得身親益哀慟抑鬱漸有咳疾冬月不孝 守  
誠 奉檄買米江楚 府君以事闕民瘼力疾至  
章門口授不孝 機宜哀毀之餘繼以勞瘁咳日  
甚狀精神尙如故其後屢奉手諭皆以病輕為  
言至春得血症吐衄交攻延及於秋遂以不起  
卒之久猶端坐中庭如平時惟戒家人無諱我  
立此清明之氣欲使之寧息固未知其將承訣  
也嗚呼痛哉蓋心力早為之瘁神雖清寧形不

固矣其論不孝 守誠 以病輕者冀 守誠 振民以  
報國不欲 守誠 以內顧分心也嗚呼 府君所  
以體恤不孝 者如此憐念不孝 者如此顧不孝  
愚魯慚負家學既上違親志又以奔走數千里  
外不能稍循子職以報罔極言念及此真無以  
自立於人世矣嗚呼痛哉所著有古雜文二卷  
詩二卷制義百餘首嗚呼 府君雖以躬行為  
學不涉汲於文辭然使天假之年富有大業當  
未止此徒以豚犬不能分任家事又重以官事  
凝齋先生遺集 卷之末 附行述 主  
分親力而所著遂以未盛每一披覽不知哀慟  
之何從也嗚呼痛哉 府君生於康熙四十六  
年歿於乾隆二十五年得壽五十有四乾隆甲  
子科江西鄉試舉人戊辰科進士候選知縣以  
不孝 守誠 例  
贈中憲大夫如 守誠 官娶吾母氏楊楊公諱大炳女  
例  
封太恭人生 不孝 男三 守誠 例貢生分巡浙江金衢  
嚴三府 守諭 例貢生候選員外郎 守讓 業儒女



三長適壬申舉人內閣中書楊尙鉉太學生忻

長子次適太學生涂志紉文學涂登次子幼適

魯勳乾隆丙辰舉人候選知縣浣長子庶母雷

氏生 不孝男二 守訓守譽 俱業儒 守誠 娶魯氏

歲貢生大庾縣教諭諱燿第三女生孫三元聘

黃氏候選知縣道嘉長女 寬聘楊氏國學生世

洪次女 觀 幼未聘撫女一字周原任翰林院侍

讀學士諱玉章次子相綬側室張氏生孫一允

幼未聘 守諱 娶魯氏歲貢生廬陵縣訓導淮次

凝齋先生遺集 卷之末 附行述 十三

女生孫一 光 幼未聘 守讓 娶魯氏國學生江長

女生孫一 範 幼未聘 守訓 娶魯氏壬戌進士原

任福建臺灣縣知縣鼎梅女 守譽 聘吳氏例貢

生邦燦次女嗚呼 府君聲色遊觀玩好之緣

不接於外榮賤得喪橫逆之來不奪於內恐恐

然惟日不足以增修其惠雖所用未見於世顧

承遠近賢士大夫交推爲學人爲端士聞其計

者莫不欽歎太息哀 府君之志銘傳之錫當

所不靳 不孝 輩苦塊餘生謹次 府君平生言

行伏奠

大人先生俯賜採擇光以燕許大筆豈唯 不孝輩

銘泐五內實世世子孫感且不朽 不孝守誠守

諱守讓守訓守譽 泣血稽顙謹述

凝齋先生遺集 卷之末 附行述 十四

古

賜進士出身候選知縣例贈中憲大夫陳凝齋先生

墓誌銘

涂南池先生

邑陳氏自立軒公以計然策聞天下凝齋奮跡儒術科名世益顯立軒凝齋父也母魯太宜人本宋進士孔休公來新城廿四傳生文學公章明章明生文學公西岐是為凝齋祖祖若父皆奉直大夫以贈以封凝齋生而岐嶷封公名之曰道既冠字紹孔旋易孔為洙當十齡四子五經暨小學近思諸書脫口瀾翻每暮從塾歸封公携入闥問肆背日所誦必無遺凝齋先生遺集

卷之末

附墓誌銘

主

乃已既攻舉業魯承田先生教之矩矱先民為文憂憂務去漸泰諸國朝乃汨汨乎來詩古文宗唐宋壯遊太學交日廣耳目日擴兩試北闕不遇舉乾隆甲子本省鄉試戊辰成進士時西南兵饑疊告捐例起舉進例即得官念鮮兄弟不就也凝齋自幼雖書生然涉歷世務及是乃益服封公勞自續緒貽謀暨利濟里閭邑郡事若族田社倉若橋梁若書院若歲凶荒費百千萬計者封公之志凝齋志之且力辦之加贏焉歲奔走會城靡寧居會城封公創業處也聲名

動江左右而凝齋瘁矣封公沒益收拾遺業又滯於

書瘁日甚已而遭魯太宜人喪痛念兩大故皆適奉

父母命奔走不得奉含飯毀瘠咯血亡何浙荒長嗣

監司君採糴江楚嘔心血指授疾遂革不起凝齋為

人為子也愛而能敬為父也慈而能嚴為友也始而

能終其接物宏其應務斂其處囂不亂而富而能貧

高而能下憂勤惕厲是其本也其生康熙丁亥其卒

乾隆庚辰得年僅五十有四配楊宜人副雷氏子五

日守誠貢生浙江分巡金衢嚴道日守詒貢生候選

凝齋先生遺集

卷之末

附墓誌銘

主

員外日守讓皆楊出日守訓日守譽皆雷出女三長適庚午舉人候補中書楊尙銓次適國學生涂志紉予仲子也三適丙辰舉人候選知縣魯浣子勸乾子婦及孫男女詳行述中初予未識凝齋雖聞其讀書名然尙但以爲富家子能志科名者歲已未遊太學歸與相見進止溫恭身願然而長寡言笑叩以經史則滾滾若泉湧時靜山子以書來告曰某官京三年但喜得君邑一佳士其人志苦而堅毅然以濂洛為必到君向者胡不余告君殆失人謂凝齋也余為愧

汗自是往來日密踰年遂申之以婚姻而余族弟瑞  
亦靜山門人凝齋每會予舍則必偕三人甘苦聞見  
相與共之迨今二十餘年如一日當甲乙丙丁間寧  
化雷公翠蓮官輦下恪主閭學海內歸之凝齋先後  
上春官留京邸與諸君子晨夕切磋造愈遽諸子者  
於金谿餘姚非所好也顧凝齋則又往往牽予言篤  
嗜羅文恭公書戊辰以還欲偕予覓一石蓮黃陂地  
其竟茲事予謂君定性功何必石蓮黃陂會予亦病  
廢不果三年前新建夏檀園告予曰凝齋會城辟風  
凝齋先生遺集 卷之末 附墓誌銘 十七  
雷雨電交作蟄龍不動何以能是嗚呼凝齋自是遠  
矣天倘假以年靜山子言殆庶幾也卒踰年得吉壤  
於某都某原某山某向其孤監司君詣予曰家君塋  
有日矣孤念家君交遊遍東南其在北京都賢公卿厚  
相期許者蓋亦不下八九而今黃雷諸公往矣獨座  
舉主沈葉蔡三公在耳他日墓表當累三公誌銘則  
非先生不可余念之泫然凝齋十年前曾屬余叙其  
舉業稿余歟舉業不如凝齋工未爲而今乃爲銘凝  
齋墓也悲夫銘曰魂氣無不之也而魄藏于土山兮

蒼蒼原兮膺膺永安斯作爾宇我懷孔悲我志匪詡  
瓜瓞千秋徵是石鼓南池涂登誤

凝齋先生遺集

卷之末

附墓誌銘

十八

後序

凝齋先生遺集合古今文歌詩其幾卷蓋先生既沒之二年諸孤收拾其生平所著謂諸執友點定而仕驥承命爲之編次授梓者也仕驥昔成童以制舉業事先生既而竊嘗爲古歌詩雜文又好觀儒先論學之書先生見之稱善爲示指要俾反求諸六經當是時仕驥方泛濫于諸子百家之末欲以極其心思之所至又自以爲六經聖人之言精微廣大古之學者三年而始通一藝其勤若此蓋其難也而仕驥治科舉之業有考試應酬之累居貧又時奔走於衣食計一歲之中其得優游以誦讀者蓋無幾焉於先生之言心嚮往之而未遑也比三數年先生館仕驥於室委課諸幼子章句頗欲從事於向所奉教云云者冀有所得親就而質正之而先生下世矣撫茲遺業感念愛我之思不禁愴然出涕也方先生病亟時仕驥將赴鄉試躊躇未忍行先生日促之且慰遣之曰吾疾雖病度尙未可以死蓋吾少未知學及壯從賢師友遊知所以學矣以家累又卒卒不得竟其學今先

人志事粗畢吾方藉此暮齒以盡吾學吾於六經粗涉其籀籀合吾欲討論春秋諸傳說成一家言子去視書肆中有儒先論著義涉春秋者爲我廣搜以歸仕驥方壯其志以爲天必假之以年俾就其業乃數語者竟成永訣矣悲夫先生之所欲論著者蓋尙有待而今之所遺止於此豈不惜哉豈不惜哉然生平志行亦頗著見其中云乾隆二十七年夏六月門下生魯仕驥頓首謹序

疑齋遺集八卷

江西巡撫  
採進本

國朝陳道撰道字紹洙號疑齋江西新城人乾隆戊

辰進士是集爲其子守誠等所刊凡文六卷詩二

卷中頗多講學之作

# 柘坡居士集十二卷

〔清〕萬光泰撰

南京圖書館藏清乾隆二十一年汪孟錫刻

本

附《四庫全書總目·柘坡居士

集十二卷》提要

## 柘坡居士集序

近儒顧氏寧人之論曰凡書有所發明序也無所發明但紀成書之歲月可也人之患在好爲人序余友萬君循初計偕北上館尙書錢塘梁公第以病卒方病中奉書母氏永訣外蒼自定詩十二卷一緘寄余有可存則付令子存之不者燬之之語余與循初交好磋切有年而兒子如藻又嘗從循初問字情分宜然固未嘗屬余爲序也初余嘗與循初論天下士循初屈指今古文手推寧波全謝山先生第一心識之庚午秋遇謝山於杭州爲亡友再拜懇謝山諾從余旣薄遊頻歲歸則謝山已病不能作今亦赴修文矣循初兄敬懷謂余循初有自記一則歷記某年至某地某爲作序約計十餘序不得其一二未知其文舉不爲序耶抑散失無存也謝

## 柘坡居士集序

山已矣序非子不可余惟循初之詩之至本不待序而章而况於余序姑述夫求序不得及余不敢僭爲序之由以塞敬懷之請或亦例於顧氏無所發明但紀成書之歲月云云已爾刻旣成取循初別字題曰柘坡居士集其古文詩餘極夥聞手自燬去外雜著十六種則皆其自定緘寄者俟他日續刻是爲序時乾隆丙子十二月八日同里汪孟錫康古

柘坡居士集目錄

卷一

南邨草堂集乙巳至乙卯

詩七十五首

卷二

樂于集丙辰丁巳

詩五十六首

卷三

聞漁閣集上戊午己未

詩六十七首

卷四

聞漁閣集下庚申

詩六十八首

卷五

北郭草堂集辛酉壬戌

詩八十首

卷六

柘坡居士集目錄

江船集上癸亥

詩六十五首

卷七

江船集下甲子

詩六十首

卷八

聞漁閣續集乙丑

詩五十三首

卷九

瓠屋集丙寅

詩六十首

卷十

江船續集丁卯

詩五十七首

卷十一

五上春司集戊辰

詩六十二首

卷十二

青乳軒集己巳

詩六十五首

柘坡居士集目錄

二

柘坡居士集卷一

秀水 萬光泰 循初

南邨草堂集

詩七十六首

唐子畏雪景

疎梅香動隔溪橋危棧千尋抱嶺腰誰道東風容易喚銀泥如許不曾銷

四月十五夜楞嚴寺對月

城隅地幽清深夜羣動息高松罷微風殿影月中直仰窺天無滓萬里惟碧色蕭騷數棲禽已宿猶振翼睠懷皇古來良夕幾盈昃疏經話長水此地關榛棘電光馳歲年樹石表遺德星移更漏轉零露潤春植無寐聞曙雞心清化人域

柘坡居士集卷一

次韻徐枚士丈芭蕉

數尺過庭垣多陰一院昏空虛成妙喻舒卷出靈根雪後圖難似秋來雨最喧截蒲煩廢學慚媿種盈園

嘉善道中風雨

赤馬駛于梭驚雷挾雨過落帆猶簸坼稼杙盡滂沱意外沈舟有人間破柱多餘霞開晚綺前路正澄波

和家兄敬懷秋日閒居五首

燕來育羣雛雛出燕欲去單衣未歸篋複衣復當絮踈鳥迅不停顧兎疾雖御微茫造化機舉手作新故愚夫懷千憂志士亦百慮何如蟋蟀詩行樂歲聿莫  
城市衆所驚清曠還郊垌春莢媚柔綠秋至果實零野雀晨俱來網蟲夕可聽嗟彼窮巷士袒褐僅蓋形平生相牛法肯

易相笏經浮雲去皎皎晚日空庭青

瘦尊含古制庖琴韞奇曲席門無高車樞斷繩自續比鄰二三叟但話桑麻俗飲水侑亨瓠翦非佐脫粟百年腐儒餐粗糲願已足

登高望湖渙歷歷明帆檣朝來小陰翳正晝仍驕陽曝布標長竿曝書滿竹牀雨聲忽東至濕我羅衣裳陰陽多變化有目迷翕張衣袂戒旣濟寧謂勿過防

露晞岸草黃霜落林葉赤連畦種汙萊各有鹵莽獲篝車陌頭載墉櫛屋後積南山豆落其伏臘告自擊吾生寡筋力幸辨救與麥伐檀感風詩素食徒挾策匡衡世農夫揚雄豈仕籍驅雀彼何爲今人不如昔

喜雨

柘坡居士集卷一

久旱憂焦土朝霖喜破怪如傾谷簾水誰賽敬亭山庭草滋開徑籬花墜掩關笠檐蓑袂與竟夜憶魚竿

萬氏舊德詩十一首

萬于古爲希姓氏家立傳僅後漢槐里脩魏安成王安國隨藝術寶常唐孝友敬儒宋隱逸適五人而已餘可紀者頗雜見于他傳家君命作舊德詩十一章因以顏延之五君詠體述潘安仁家風詩意不及孟子弟子著也敬儒以後不及衆也雍正六年十二月五日

漢魯國文學生

見漢書公孫劉車王陽蔡陳鄭傳贊

文學登漢闕六藝全智仁名垂子伯議事著桓生論治平足良策述作非具臣同時六十輩輻輳何斷斷

漢右將軍槐里侯脩

見後漢書本傳



槐里炳先幾攀龍附雲起圖畫南宮臺黜配任光與李忠餘  
光黯南陽遺德紹泣氏曾元瓜戡縣爵土漢終始

魏少府潛見魏志太  
祖紀及注

少府少升朝忠直出天性舊臣推有聲早世歎無命名存長  
史表功紀東郡迎事往念著簪延康沛恩令

吳丹楊太守震見隋書  
經籍志

丹楊多學識方物勤蒐編冥搜續曼倩博取開茂先東南竹  
箭美爾雅蟲魚箋遺書僅散見百世誰爲傳

晉長沙太守嗣見晉書陶侃  
傳及易傳

長沙具水鏡早識長沙公得人居沽外取士芻牧中千秋磁  
珀合一語縞紵通全身王午賊吾感主簿雄

晉臨安令寵見晉書  
隱逸傳

柘坡居士集卷一

三

臨安慕隱淪崎士每共處回兵蘇子高下楊郭文舉神仙非  
有求禍福本無語玉棺葬王喬縣舍等羈旅

魏散騎常侍成國公度歸見魏書  
西侯傳

成國師有律威名震西垂一征服鄯善再出平焉耆參旗僅  
晨舉露布已夕馳惜乎班定遠不得生同時

梁豫章貞婦晞見梁書  
止足傳

貞婦生章江貞比江頭石堂前浣補勤閨內形影隻之死誓  
兩髦及身賜束帛孀居多令名舉一飢凡百

隋識音人寶常見隋書  
藝術傳

寶常學鐘律識曲聽其真探微旋宮舊流涕淫樂新鍾儀本  
君子戴逵非伶人時衰竟窮餓水尺同沈淪

唐盧江孝子敬儒見新唐書  
孝友傳

孝子生義門三世共汲爨宅因廬冢荒指爲寫經斷鄉名同  
里榮碑字至今煥仁讓累葉傳亦有涇縣晏涇縣萬晏數世同  
居亦見孝友傳序

綠陰

抱影連朝戶不開林光青到納涼杯一池倒浸鶯簧語半屋  
橫遮客屐來熱屬熏天空赤日繁英掃地只蒼苔田家自愛  
桑榆陰不索成都橙木栽

禪藻齋觀元鮮于伯機草書嵇叔夜與山巨源絕交  
書卷子

虎林隱吏困學民風流自擬晉宋人晚年裘馬氣俱斂落紙  
具有湖山春草書雄壯妙入神上追米薛下筆親泥中輓車  
何筆法亦如舞劍師裴旻嵇康絕交書最古七不堪辭山吏  
部抱琴自爲鴻飛高肯向塵埃薄湯武柳陰無暑貴客來不

柘坡居士集卷一

四

聞不見驅車回廣陵散今遂絕矣山巨源終安在哉右軍將  
軍曾屬筆摹本鮮于復其一龍騰雨墜奇勢存想見臨池心  
手疾同時幾輩成烟雲此卷幸遲松雪焚六丁雷電取不得  
知子守護誠辛勤辛勤守護何人識斷楮零縑增太息墨池  
昨夜瘦蛟橫山雨吹窗晚風黑

硤石

小艇溯潯洄河光晚鏡開峯形低並立塔影遠孤來月閨涼  
風早天陰暝色催逢山應有句沿路一詩裁

臨平

古鎮屋連雲來船去住分藕花香約略石鼓事傳聞汲甕儲  
新水登原弔古墳野禽如識客檣尾集紛紛

初至杭州游冷泉亭

山行幾處村古寺倚山根松翠遮無路泉聲聽在門空亭常  
若翼居士別開園欲上韜光路簷簷四面皆

西湖晚歸

烟裏度晴湖亭臺香秋蘆聲飢雁語馬影亂雲鋪紺塔南  
山北青旗有酒無從來馱日返閒殺暮山孤

石門灣

蘋風送客還夜宿石門灣細火如巴字高帆過屋山雅兒爭  
隊開釣伴互歌閒明日家林到歸心一夕關

三月二十七日游城北王氏園亭

寥落過歲初節侯互喧冷晚春袞袞來去日炊黍頃修禊少  
長偕浴沂童冠併提攜出閒坊野外問清景當門語燕乙繞  
沼躍魚丙梅林暗蒙籠竹籊墜斜整殘香半委地新綠方滿

柘坡居士集卷一

五

嶺紫藤獨最繁遍綴瓔珞影溫風扇高樹炎候急鼎鼎怡此  
村落偏悟彼巖壑靜餘霞不可戀還懼破萍行歸去仍閉關  
東風酒初醒

晏公巷看桂

野館散涼颺幽香動林際言尋水神祠遂問山阿桂荒橋寒  
簾條矮屋冒薜荔小草紛白紅因時各妍麗亭亭月窟樹獨  
立具遠勢一盤復一盤五層互虧蔽旁條嬾仙衣孤頂撐佛  
髻分明鐵浮屠錯落金粟綴村人謂之桂塔僧歸山鳥飛客去山鬼睇  
菊樓海棠巢巢比較何瑣細酒尊如可羅月下更來憩

二月一日杉青厓夜發

寒霧如烟覆淺蓬星光點點落船中離家短夢提金續出市  
長橋劃幾通何處菴山猶鼓響幾回耕塢向銚紅前途忽過

杉青堰笑問奔湍舊跡空

自平望驛至八圻疑卽百尺瀆也

松陵路近曉光微水驛花寒圻尚稀風裏畫旗雙埃立烟中  
黃笠一牛歸春晴疏棧齊抽甲晝靜苔磯自臥衣聞道瀆名  
仍百尺越書吳傳是耶非

蘇州

斜陽催傍園闌城幾曲紅闌照水明烟景八門原富庶風花  
二月太淒清橋邊賃廬聞春粟市尾吹簫欲賣飭悵望古人  
今不見晚簾小閣不勝情

虎邱得邱字

依然衰草滿荒邱一水應通走犬洲塘上笙歌因客集礪邊  
鐘板得僧留魚腸劍失方員鑄石壁詩傳往昔游懷古尋春

柘坡居士集卷一

六

俱偶爾不須重起洛吳愁

雨不得至鄧尉山

湖外垂雲向夕冥湖頭密雨灑窗櫺梅花暗落千林白銚影  
閒挑一夜青踏雪多年期佛屋衝泥咫尺阻漁汀雞鳴欹枕  
蕭蕭甚且當還元閣上聽

和貫上人菜花

春園羣君不畱妍又染溫香入野田睇燕風輕千塊直浴蠶  
水暝一杖圓平鋪漫比繩金地急種遙思釀雪天莫道士夫  
無此味殘柅宮院寫黃筌

南村草堂雪後偶述三首

南村三日雪促縮困寒羽白日耀西墻排檐滴成雨直身松  
竹健曲體蔓藤古遙知百草微萌蘖亦暗吐幽居斷來往踪

跡舊雨數攬筆寫奇懷歌終節誰撫

禾壤既堪種堅壁亦可耕吾性拙于世比閭工治生始春春  
杵集先社鼓笛鳴婉婉婦士樂藹藹鄰曲情貧家澆塵飯終  
歲一飽營蓬戶高蓋避蒨綵珠履輕褐衣抱荆璞擲地無玉  
聲轅下踟高步寧謂骨骸成

三年泣麻衣啓處昧昏旦長懷烏鳥悲莫補風樹歎感彼孤  
根花抱凍坼貞幹烟光澄向夕月色靜申旦攀折貽所思遙  
途阻江漢醜拙亦自知豈求羣目翫春風敷澹蕩百卉競雕  
粲寂寞守父書良辰逝飛翰

贈岐上人

破衲一身孤空飄傍賈區經聲清若水佛閣小于壺昔夢銅  
坑在今年綺語無燒香畱客坐竟日竹根爐

柘坡居士集卷一

七

讀宋書二首

我愛王令明迂闊有恬德清言執理要一語衆賓默禪風  
雨至徐起無遽色無田不營田無食不求食茫茫千載來此  
士難再得

我愛顏延年陋巷掩席門寄情塵壒表三十無與婚斥爲始  
安郡投文弔屈原中年益弛縱出野傾壺尊茫茫百世上誰  
述庭誥言

和朱仲芸湖州雜詠二首

天聖寺管仲姬畫壁

魏國夫人竹春風葉葉偏蜃灰畱一堵蠅沫落千年金錯刀  
垂重銅盤露滴鮮湖州原有派清節數枝傳

道場山孫太初墓

不復歸鄉里孤墳是客星青山誰伐石白恰久忘形五隱名  
猶著中原迹徧經淒淒風池館遠南坦隔南屏

南唐宮詞四首

指冷笙寒徹小樓新詞側艷最風流一池春水千何事要共  
春江一樣愁

微涼往再浸桃笙恩澤侯新策夏清桂屑塲邊基跡滅如烟  
秋草不曾生

內道場開唄佛聲然燈如畫畫猶明內人看寫泥金字般若  
函邊列小名

黃昏靈鵲集河干秘祝長生半夜寒紅白越羅圍百幅梅亭  
差讓月宮寬

營理月河僦屋夜中有懷長水田舍

柘坡居士集卷一

八

營室近城郭野田仍繞屋茸牆補屋漏壁瓦紛交前日落衆  
工散月華明戶偏鐘聲巷尾遞續火庭陰穿忽念南村居偃  
息逾十年特以遠市故躑躅復屢遷夢寐竹松影依依桑柘  
烟斯干詠式好槃澗歌勿緩人情戀三宿捨去誠涕漣何當  
頌瑞室更志山棲篇遽廬豈不達終恐謬聖賢

朱氏園亭

晚日松陰遠橋南問小山管從旁舍掌門對曲潭關種樹人  
俱老看雲客最閒到家纔數武昏黑不愁還

次韻敬懷兄黃葉

秋林容易得霜晴濃淡新黃遠近生十里西風蕭寺掩一蟬  
寒日故宮明籬花共影渾無次野蝶爭飛亦有情認得春前  
金綫柳數條無恙曲闌橫

十二月二十八日游冷仙祠

神仙事若誕阮倉寧有書飛昇略可紀稚川非欺予吾鄉冷  
啓敬郎潛勝國初七絃寫泉石翠看爲軒渠奇跡托餅隱俗  
緣棄土苴葛井錢作蝶劉盤噓化魚往事二百載遺祠竹中  
居符籙羽客宅刀砧屠沽閭空堂寂于野升降廢殿墟隙地  
菰苕蒔方池萍藻瀦不沉春水舫時荷新雨鉏仙人蟬蛻後  
塑像玉雪如去來青霜袍乘以雲光輿下土何所見惟聞響  
瑤琚登樓近粉堞冬老萬木疎散馬臥短草飢鳥啄長樗星  
湖衣帶水水淺斷釣漁一市飲淪渙數家掩蓬條吾來每臘  
尾雪姑鳴屋胥寒光澹憑几曠境興攬袂側聞可祈夢絕勝  
占旄旗祥徵獲鉤印禍兆消篋梳此生本如寐况悟莊叟遠  
安知天門狴不等鼠穴車齋心詠仁義盜篋不可胙下梯踏

柘坡居士集卷一

九

夕烟明發逼歲除

無酒畱客戲作短歌

風鐙亂舞春雪乾酒星下照深卮寒深卮無波酒星落一院  
江梅醒殘角公榮意氣如白虹倚墻鼻息春雷同無人與飲  
亦自好以歌代酒聊惱公君不見周太常一日不齋神茫茫  
又不見王元達連月不醒意兀兀濁賢清聖誰智愚有酒醕  
我無誰醕今年收秫七百石不了麴蘖端可惜隨身荷鋤非  
忘形不如化作陶家餅糟香酒氣塞戶牖客來問事但指口  
此口不能談世事此腹惟宜貯醇酒提攜如意敲唾壺接離  
倒著西日脯三閭大夫非是族五斗先生真吾徒吁嗟乎倚  
門豪氣空飢憐徒見伊優北堂上蘭茗翡翠各紛飛跋浪鯨  
魚自悲壯酒泉侯酒藏吏奉君一卮顏色喜明月西沈酒人

起

陳所翁畫龍

畫龍昔有點睛僧騎雲百族梁間騰亦有毘陵董啞子怒水  
千尋坐中起葉公一去無真龍南宋絕藝歸陳容陳容之龍  
世恒有贗本紛紛貌蚘蚪此圖尺幅成江湖九天如夜雲垂  
胡微波澹澹絹色暗所老二字真非誣冒中奇氣如烟霧會  
向臥龍岡外吐瞋目不諱嚴挺之滕席能交濯仲孺飄零道  
墨五百年脫巾蘸髮態宛然拙工斤斤識鱗爪三停九似空  
宜闢卽今夏壠如龜坼壞水楊枝困蜥蜴試聽鐵簡入鯢淵  
定有驚雷生霹靂蛛絲煤尾日銷殘古錦紛綸學彩鸞兒童  
未識審飛意時向窗中仔細看

喜仲芸自青陽歸兼簡令兄大蟠

柘坡居士集卷一

十

聞君青陽歸能說芙蓉海歸囊如葉輕兄弟江船載有約竹  
間期開軒爲相待

春波門外燈詞三首

日斜便動一街塵單夾羅衣試暮春較似上元寒儘淺柳陰  
如帳半籠津

羊角蟬紗意匠殊蘇杭舊樣一時無行來闔竹園于洞題品  
新名要石湖

春波門外篠簷嬉水影雲光出隊遲幾許畫闌憑袖看繡牀  
殘燭罷爭基

將之杭州朱潛起約同舟已而先發悵然有寄

蓮葉碧成叢催花湖上紅七年曾聽雨一夕欲乘風櫂去波  
猶動帆回望轉窮臨平今夜月不得苦吟同

西湖寓樓和葉笠亭二首

如練湖光似掌平連朝積雨到山楹石橋半夜開開放出  
開先漱玉聲

不須搖艇看荷花面面樓窗面面霞藕挺清涼蓮子賤提壺  
鎮日對鷗沙

七月十四夜三潭泛舟

約得琴僧與釣朋鹿頭船就曲楊登一條湖月秋初滿二響  
城鐘夜可乘荒館安歌淒浦笛小橋清梵隱龕燈摩挲石塔  
多寒薜幾客中宵到此曾

游瑪瑙寺

山空蔓草深破殿脊無瓦佛頭巢鷓鴣樹腹墜鐘啞鈎衣越  
荆榛瞻望極梧櫨石怪餘叱羊原廣廢牧馬復聞後僕夫泉

柘坡居士集卷一

十一

在巖脅寫幾級磴抱蘿一泓土凝赭風林靜飄響掬手代尊  
把湖心數武餘來客亦已寡笑問中庸子布金誰長者

錢塘江上四首

客舍江隄上開門下見江潦收洲益露風息浪微撞出浦魚  
魚續排天雁雁雙已多觀海意誰覺市言哢

東窺上虞郭西望子陵臺謝墅千峯古嚴灘萬壑哀人生吹  
短景世事幾沈灰浩蕩東流水終年挽不回

斷雲生夕照估客遠船明岸下帆檣集沙頭負擔爭橋包香  
翠籠酒甕灑稠餚關吏勤心計連宵算權征

上冬潮不至百谷海能王尚憶蒼葭候羣看白鷺翔千金贖  
息壤一夕徙空桑早晚桃花水無憑射弩強

同周元木游丁仙洞分賦六首

半月池

秋雨三日霖翠浪時一張桂華不滿輪終歲月幾望

蟾石

爬沙脚手鈍炯目猶視天中藏丹砂書食之爲飛仙

飛來石

欲墮復不墮西風剝苔蘚昔來無翼飛今住非石轉

垂雲巖

石石青倒覆藤蔓繚繞之山鬼賦大言九天雲下垂

歸雲洞

津潤泉眼通溼氣鬱如霧浮雲亦有家客胡爲中路

翡翠巖

壁立數千仞鶴聲墮巖椒道人長日對鬢雪春風消

柘坡居士集卷一

三

十一月十二日夜過泖

三泖通三江浩渺載郡牒長風駕洪濤四望天水接向來征  
行子每過心膽怯旱潦賴灌輸兩陽實調燮窮冬迫水役巨  
浸占夜涉斜陽背村屋月出逐漁艤金波千頃淨玉案一洲  
帖微聞暗潮生偃荻動枯葉杞憂忽興歎遯患蔽目睫念茲  
舊渚沙半餉新田饑漁人失世利耕父增永業寧知秋水生  
鼃匱驚鼃妾餼生局株守官辦付藩拾誰爲濬疏功遠比涇  
與鄴凌風徐叩舷不斷往來楫

泊大雲寺卻寄李北楮

孤舟湖朔風歲暮非選勝重尋陸瑁湖遂造羊求徑歸程何  
太促負爾寒湖凝遲遲浦上帆杳杳城中磨荒村遺破寺短  
楫黃昏石居僧自掩關行客方炊飯憶我茸城侶烟沙一洲

巨蜺踞此孤吟橫琴若爲聽枯林前岸黑宿雁中宵定咫尺  
溯洄心霜鱗阻持贈

王受銘錢坤一同過草堂竟日尋入城宿受銘宅

年華袞袞去如潮句讀斷斷息此朝嘉客冷隨飛雨集窮愁  
閒與渫雲消沿街偃子喧桃杖遠市貧家少麥苗譚劇更爲  
城內宿漏聲徐伴燭花搖

柘坡居士集卷一

三

柘坡居士集卷一

柘坡居士集卷二

秀水 萬光泰 循初

樂于集

丙辰

詩五十六首

新勝能仁寺

宋代能仁院春風幾劫灰依村禪舍小近市信徒來水柵升  
初日山門啓古苔暫時繩坐到清露溼經臺

游藏溪鄒氏園

去郭微嫌遠行舟不覺勞花谿三折曲草閣一層高柳早風  
催眼梅遲雪解韜鄒陽能興律晴色灑東皋

平湖登弄珠樓寄笠亭

日暮欲回舟高樓更上頭決雲歸去鳥飲水倒來牛細草連

柘坡居士集卷二

一

城碧遙山入海流幽人寒不出碁局石牀收

織籬

種竹初滿園織籬補垣敗麕眼乍經營貓頭先翦拜索綯集  
衆手緯勝皎如畫叢幽鳥恣窺徑密藤屢挂居然六枳寬未  
信五畝隘撲棗婦不驚斲筍盜知戒何須樹雞柵更俟修鹿  
柴

桐鄉舟中同沈大經

吠蛤聲聲水氣涼低蓬威縮兩形忘梧桐鄉外桐花雨論畫  
看詩路不長

四月二日將入都畱別仲芸昆弟二首

重林過微雨首夏清陰繁中堂張燈燭鳴鳥喧初昏遠行定  
明日小艇先泊門多情同志友遠過申贈言清芬比蘭芷雜

佩過璧現自來千仞材不局尋尺根翹車良足貴藿食敢自  
尊却慚驚馬足何以施華轅出游犯塵霧慘戚衣淚痕逐隊  
非上計終宜貞邱樊

君家好兄弟交輝映鄉土聲和憂球錙味美併酪乳我到常  
竟畫展策溯三古雄詞罄縣河苦諍急鳴鼓如何別此去中  
道行踽踽鳴琴罷清宵裹飯惜零雨濁酒不成醉悲飮聊自  
拊手中楊柳枝肯作如意舞山川通久要天末亦鄰伍去去  
別春潮空江軋柔艣

太湖

天影接江容琉璃覆一鍾常州應在眼吳國已當胷淺激千  
枝別輕舠一葉逢抽帆嗟晚景未拂莫釐峯水經注楊備太湖  
賦懷太吳以當胷  
蘇州同曹緘三游開元瑞光二寺二首

柘坡居士集卷二

二

已過嬉春侯繁花茂苑非偶循城下路得扣竹間扉古樹烏  
巢密疏寮客到稀南風吹水煖池面有荷衣  
塔頂參雲上落梯久絕緣鈴空隨瓦墮碑斷入墻垣倚闌看  
人外隨僧拜佛前錢王遺宅廢更溯赤烏年

泛舟淮安城西歷游湖上諸園晚歸遲月三首

長隄如井眉城邑在井底平疇通酒壚斜陌截腥市綠溪見  
漁父迷路問蘆子纔遵短行却喜單舟橫晴沙秋練淨遠  
綠春烟靡數彎迹已深一席輕可使微吟聊自賞默會興何  
已停橈復潭陰草色動圓水

林廬在水次緯壁皆赤蘆不爲華丹飾未失漁釣徒粉籜放  
新竹錦英纒朽株熙熙數鄰家窺客衣短襦終年飽淮米復  
飽魚與苽農桑洵可樂金紫誠奚須啼烟一鳩應拂水雙燕

俱感時春令過傷遠羈情孤長軒更流憩細穀平風湖  
枚生作賦處垂柳依依東皇妒青眼團作飛絲飛攀條欲  
贈遠繞樹風吹衣流萍俄已滿晚日將無歸歷歷鵲依岸明  
明魚擁磯潛聞蘆雨溼盡卷蒲烟微棲禽噪林隙孤磬開僧  
扉明燈水面靜圓月城隅輝却顧共游處亂雲迷夕霏

漂母祠

數椽低共釣臺存玉珮書蟲是薛痕姓氏不曾形管記性膠  
常就白蘋喧轢羹邱嫂慚先見薜食鄉亭歎少恩遺像千秋  
畱楚國飛名終賴附王孫

初乘車遇雨自臺兒莊至馬連屯日僅行十八里

一車聚百工意在遠能屈肉稱輪不匡久和輶勿壞居材後  
賢儉象物私意殺前無八騶雄中僅一鹿隘空聞大壯輶時

柘坡居士集卷二

三

有積中敗將毋斲輪年早筮脫輻卦南來始執綬局脊聽歷  
塊問塗方皇皇遇雨復央央曳泥上危墻冒水越深澗前林  
箱乍傾後坂輟復絳惟憐跛蹇跛那得駛牛駛賤無提壁歎  
貧有騎衛戒在家不忍飢出戶復何啁溷燈野店靜短屋行  
客憊遙憶瓜皮舟片帆正迅邁

在平宿顧無競縣齋

新豐客子賤時鄉投轄今宵借一牀烏尾畢通星影大犬羆  
岑寂漏聲長無詩詠比袁臨汝有酒清如顧建康明日勞途  
又風雨襖衣通夕費爐香

和大經趙北口二首

一橋纔度一橋紅人語車聲鏡影中洗盡繁埃清景出破塘  
五月欲秋風



翠莢連洲似篆回澄波不動的船開信天巢小巢何處只見穿烟漫畫來

都下答南念貽見贈

纔思途中執征衣尚有塵閉門非課夏迎客自斬春楚製蘭爲佩燕臺酒有人瑤章頻結托何以報情親

金鰲玉螭橋三首

雨後宮鶯接水明荷花高下繞宮城閒鷗隊如魚樂永日全無網弋驚

城內垂楊城外山瓊華島勢復孱顏曉來濃翠東西映也算蛾眉對仗班

魚鏤前朝濯不開宛虹千尺臥蒼浩詩情此日疎狂甚神武門邊策塞來

柘坡居士卷二

四

孟山人畫菊歌

皖公山人善畫菊如書草書日百幅雨餘善補濛濛雲晴後亦添釣勒竹得錢易酒雙管鞘酒乾錢罄重抽毫前身靈根定香草醉魂此日猶離騷豐宜門高花繞郭一錢一本花不落圃師有法日龍葱畫史無慘畫盤礴山人何不歸山城數峯青峭花上橫飲水未成胡伯始乞食猶勝陶淵明長歌未已山人起菊影橫街月如水

東華門外寓齋聽大經彈琴

沈侯彈琴有琴癖質衣買琴凍不惜搥筆時作吳興吟流水之志空山音前餘一指後一紙上考炎農下雷氏塵深屢摘青桑摘解暗更求赤奈理抱琴入都因拔解待闕未官仍退士兩生從學容恂恂亦解稽心誦涓子秋城會宿霜氣濃月

黑不見西山峯倒餅一笑金錯罄焚香特進銀絲供陰蟄切切啼燈閣老樹遮庭下惟簾孤舟搖演江中行羣雁呶呶天際落就君今宵紙衾眠高情寫入春溫絃閒居得飽刻上齋相賞自勝鍾山泉胡爲蹙蹙黃塵邊

食筍同胡稚威

窮士如萃鹿相於一食呼吳舫鄉味寄燕雪歲華徂珍重漣漣手參差脫殼圖金瀾新釀好莫惜犯街沽

送吳青然歸全椒

歸去江梅白滿枝泉聲如舊繞鞭絲春風只望旋轅快不寄全椒道士詩

雪中魏功夏招飲同袁子才作

夜長柝不鳴曉靜雞失旦擁被冰壺寒啓帷玉花粲當關呼

柘坡居士集卷二

五

不置著屐芒接斷巷泥已糝深市屋猶麤散公子敬愛客溫酒自持勸同調得袁絲高詠帽幘岸清言奪鍾呂古意溯周漢雲垂深掩門風起屢褰幔君家本廉吏郡縣至榮貫冀北兩岐歌浙西五袴諺今茲方面尊子舍尙旅館因知挈榼來定出典琴換南榮俄滴雷北牖猶待伴歸途逐昏鴉餘興送爛漫

十二月三十夜馬墨麟副使招同陸蘭皋朱玉階飲

米市衡衡僧舍因得十一月十七日家中書卽寄敬

懷兄任邱二首

青衣水外繡衣回蕭寺招尋共舉杯蜀道如天人易老佳辰此日口須開閒聽市鼓冬瓏擊遠憶江梅淺淡催酒罷鄉書忽銜袖歸心鼎鼎逼春來



阿兄前日度盧溝趙北燕南古鄭州廢家披榛拜扁鵲荒臺  
乘雪手吾邱遲眠北斗三更轉小別平原十日留一種萍浮  
慚弟妹慈顏何倚離離憂

為商蒼雨題張天扉樵風涇圖涇上蒼雨所居宅即  
明倪文正公別業

高低野樹環溪潯老屋數椽藏釣輪朝南暮北風力便日落  
不見樵薪人名園舊說尚書樂讌客時時下簾箔蕩花病竹  
經幾秋拆盡衣雲舊時閣翰林索米長安居頻年風起思尊  
鱸買田欲近賀監宅歸櫂肯負柯山湖畫圖冰雪滌毫素涇  
上依稀見書庫石廊細雨尼師巷更問尚書墓田處

三月三日同胡稚威周元木吳子謙袁子才集徐志  
伊寓齋聽雨得秋字

柘坡居士集卷二

六

密坐雨修修當軒似澗流今游悲似昔春禊冷于秋短韻銷  
殘燭深杯煖微裝相將論故里蘭渚正停舟

和吳樸存詠榆葉餅

如錢遲莢鑄早葉入廚炊采自明星下餐當禁火時香應嘗  
夢好眠豈養生宜偶共吳均說牢九未足奇

魚藻池

菰葉蘆枝數畝餘夕陽明滅客停車年年冰泮紅魚上一盃  
琉璃一寸魚

和蒼雨詠史二首

神龍失雲雨偃蹇同凡鱗草澤困英雄軒輦由婦人常山出  
亡命外黃樓其身成安好儒術苦匱資其貧時危冠冕賤勢  
重巾幘伸不見陳孺子張重羞為姻

東方口詆諧上書好言事故叔客吳王得失詳諷刺書生為  
世用識者忠孝字報國徒文章俳優帛同賜相如封禪頌身  
死乃獻媚安知所忠歸不作方士偽

稚威招游豐臺看芍藥俗以賣花為業已盡翦入城  
不見一花而歸二首

朝來有客挾清游昨夜燈花忝穗抽九十春過猶殿後南西  
門近作遨頭呼雞牧豕村村靜移竹分松事事幽秋簫橋官  
原可樂不因千戶擬封侯

雙扉白竹掩蒼苔雙燕雕梁笑客來山色登樓浮遠黛溪流  
繞岸撥清醅徒聞老樹銅為幹不見當階錦是堆摘得野香  
簪鬢滿人言紫陌看花回

為商紫芝題剡溪秋泛圖

柘坡居士集卷二

七

四圍紅翠接前灣不比清寒雪下還採得穀皮須更上天台  
卽是縣南山

六月四日同璞存國子監觀石鼓

斯文竹簡亡貞石畱百代周王狩自東史氏紀其槩徵文紛  
聚訟釋字沸鳴喙名鼓非有聲稱碣失其類閒居好搜討遠  
道苦津逮幸從王國來況在太學內火中曰正永吳子我相  
介登車共飢轟觸熱任襍穢我數仞赤鸞鬱萬松黛入門  
見崇牙鼓篋想釋菜疾趨覓籀篆端拱拂塵垞爛兮晨星陳  
驚然元玉對模糊蟲鳥跡彷彿龍馬背九全尙員輩一缺已  
破確飄零久榛莽堅重過鼎鼎不知寶雞祠何以橐駝載摩  
挲屢左右審視復一再直為文字原肯止奇古愛詩成韋韓  
後考繼薛鄭輩寢學慚夏紱握衣降階退

送王載揚歸吳江

送遠秋風勁乘流潞水紆人隨歸燕急月照去帆孤詩卷松陵集家居鸛脰湖征衣和雪浣來歲訪菰蘆

鄭彝章以高麗布作山居衣蒼雨璞存俱爲作歌贈之要予同作

若耶溪水如銀鎔若耶溪叟明經宗築廬世傍射的峯拾箭屢有神仙從觀光昨日到辟雍縣鶚取笑桃李禮東國史臣譯館逢以字通指聲于喁館前百貨雜賤寶果下小馬非驚驂三楹仙草元氣鍾明油大扇附束松龍須草席第成封白碰作奏宜葛龔盆盛梅石東坡供叟麾不顧行蹤踵抱得大布如耗耗并刀剪落吳江淞纖纖燕女要襪縫服之稱身昌且丰不異美錦輕綃重承平之世萬國恭山海到處呈球共

栢坡居士集卷二

八

丹服皮服息燧烽夾右碣石通行舸江流一帶鴨綠濃三千六百連碕若俗知禮義偃鎬鋒夫耕婦織勤蠶農楊花渡頭寒浪春不知幾夜催吟蛩吾生兼衣無蔡彤焦背頗嗤何敬容令聞廣譽慚印顙更論奇服蕙與蓉叟今歸去鳴雁嗔萬事不以愁挂胃瀕間或印垂綸踪山際或鏗采藥節貂裘羊裘盡蒙茸不如此布令禦冬新詩滿襪題鸛龍我詩求益成附庸一笑買萊君非傭

潞河舟中簡查恂叔四首

天街塵土一年多重挂征帆入潞河不是歸期能間阻天教畱看海門波  
河上青山覆金低河中白浪接雲齊吾生亦似新沙蒿此日河東昨岸西

黃蘆紫蓼繞魚巷潞水無人繼客談果爲農耕求碩畫畿南終不減江南明徐貞明欲仿元虞集於京東潞海地築堤潞水以成稻田作潞水客談皇朝雍正間營田天津等處未效而止  
求書都下載書還凌雜丹黃甲乙編聽徹吟聲袁虎在不須更署米家船

天津游海光寺

城南潞水秋洋洋海光孤寺河中央叢蘆繞洲波若髮崩車欲渡川無梁長年招我乘船去席帆半幅春雲張是時秋水初納潦中深外淺煩測量低脰倘似魚露脊高隴已如蟹負筐農民數家蔭蓋瓦簷戶一帶蘆爲牆須臾到寺登傑閣尋有老衲來長廊握手相看喜吳語安心早退忘他鄉西風吹衣林葉碎小雨撲帽籬花香啼雅一聲送歸櫂戍臺落日天蒼涼

栢坡居士集卷二

九

閏月九日同劉紫仙丈吳中林先生周月東余犀若查心穀王慕陟趙端人汪西顥胡佩康施濟清朱崙仲集恂叔秋白書堂看洋菊分賦得九言

奉君綠沈青鏤之瑤管勸君五酸九醞之繡螺擊君蠅文龍背之寶劍獻君過雲振木之浩歌涼秋九月百卉盡搖落桂巖香散遠浦無殘荷菊花後出淡艷類有德茗茗秩秩獨立寒嵯峨重陽節過時序又晚晚臨風三艤堂上傷蹉跎今年天公好事不省事紆迴日轡未暇鞭義和煖爐會開已進上冬炭登高水縮猶落秋前河蠻王師子再動食糕與卻憐老菊早向西風莎誰吹花船遠自海外至藥枝美錦徧地兼團窠又如白鷺之翻赤翟羽聞歌而舞市也來婆娑登諸華堂風葉展晴碧高高下下壘作胭脂坡東籬白衣蹢躅行未至

流觀山海飛落青邱驚在昔秦皇入海求上藥童男童女相對嘖秋蛾不知此花可食兼可飲延年益壽勝刈瓊山禾人生百年三萬六千日來日苦少去日恒苦多奇花令節二者難並值對此那不肯眼雙摩挲醒當繞花醉則臥花下禮法豈爲吾輩諸人苛復憶樂游臨渭厖游士當日驕驄連蹀車連輻聲銷影沈俯仰卽千載存者東日西月雙龍梭今我不樂歲事又云莫便當貽笑縹緲青青柯五辰清寧庶草效蕃廡四國怡晏瀕海恬風波安得從今一月皆兩月使我簪花黑髮無時蟠

寄題蒼雨嬾園六首

南軒

開軒名大裘短布亦不惡百城無擁書輪此南面樂

柘坡居士集卷二

十

接葉亭

茅亭僅一個雜樹環四圍斜陽屋角暗密雨檐端稀鶯巢不可覓時見雛鶯飛

舫居

舟居既非水陸處仍有屋鳥蓬如鏡湖來去鏡心熟樵風涇未歸舫齋記可讀

長廊

徑斜先得月楹敞恒多風苦吟步還獨歡坐升須同

槐屋

夕烟槐葉開曉烟槐葉合隔牆種青裳開合互相答

小瓊瓏巖

天外削三峯此山螳垤同壺中貯九華此山恒與嵩齊物少

真是移山任愚公

銷寒詞調杭大宗納姬

花壺昨夜凍輕冰太液今朝也感凌惟有玉堂風不到辟寒簾隔一層層

寶坻銀魚聯句

小鮮自蛤山百里冰相屬劉文冠潛身影欲無點晴光尙燭光同隊數筋排或躍一鉤曲文冠縱橫秋楮飛顛倒春縣束光雪以爲銀剖石而得玉文冠煮宜定盃盛洗倩月泉沃光湍不縞至淡噓無毒文冠嫵添竹胎黃脆配菰葉綠光鶯烹不藉刀砧觸文冠鮭菜應勝吳鱸薑那思蜀光樂取舍兼所欲文冠舊稅蘆臺蠲新詩白小續明時寶坻有銀

熏籠聯句

柘坡居士集卷二

十一

熏籠創何年光智出對竈燎制器適寢興光分材自簞篠如光籬鹿眼疎文冠似錦毬路繞烘裳侯門炎光炙笙洞房悄鵝籠擬穹窿文冠魚罩共深窈春來被池重光寒逼枕屏小彈基光聳孤局光砥柱空四表深藏稽火紅光微吐篆烟縹遲眠開光闔頻光護緩動移少兒臥仰成筐光婢倚夢失曉熱中多閱光歷光送老亦燕趙千眼喻法王光居士偈可了光

柘坡居士集卷二

柘坡居士集卷三

秀水 萬光泰 循初

聞漁閣集上戊午已未

詩六十七首

枕溪廊看桃花二首

叢竹初開金錯刀垂楊旋挂綠絲絛司花不管閒忙事又綴

繁紅上野桃天津地寒冬月竹皆以舊曆封之二月始開

好香和影落平沙送客牆頭樹樹斜持得一卮澆晚日酒肥

如葉鮮如花

同犀若西顥濟清夜半水月池觀打魚

城頭月色如曙雲水光汎汎搖細紋醉行池水漱池月此身

疑是雲中君漁郎打魚夜初半網密池清水花亂一魚入網

柘坡居士集卷三

羣魚驚撒銀刀向空竄君不見城東海水何滔滔十丈修

髻隨怒濤南城池水繞一尺紛紛鯁蛭何足撈漁郎不語褰

衣去無數啼鳥繞池樹

四月十七夜同胡文錫宿水西草堂

郊外寡塵勞夜中益孤寂綠陰檐端遮清露池上滴鳥聲靜

低巢花氣散遠陌方愁雲連山不覺月在壁懿茲壁表心復

爾閒中客攜被不須眠來宵恐陳迹

宋謝文節公橋亭卜卦硯歌爲月東賦

信州城下兵如蟻信州守臣鼓聲死天塹長江渡若飛何況

安仁半溪水國亡母老全身隱猶抱江南人物恥寸長尺短

總何爲季主鄭詹聊爾耳冰霜一代遺民在如水有磯瀾有

砥西臺慟哭既姓同柴市成仁亦鄉里建寧市中碧血青海

津鎮上魚鹽腥五千里外見殘石得之野廟非吳舡雪樓題

識字徑寸其後徧以夷齊銘麻衣草屨人已遠犀紋鶴眼光

常焚一時薦賢本爲國芝蘭反受富門刑陳疇抱器古豈乏

橋亭終勝鷗波亭周侯愛硯如蒼璧不寫辭章寫經籍三楹

草屋出郭長一道河流對門碧信州舊事多遺佚欲執殘編

問殘石哀哉匪舌不能言清淚蟾蜍夜同滴

同月東西顥恂叔游直指菴觀元人所畫劫鉢圖還

入大悲禪院淨土菴四首

銀繩金剎繞河明次第逢僧次第行疑向善財彈指後諸天

樓閣一時生

畫家鬼魅易爲摹怪醜爭傳劫鉢圖多謝長洲文待詔寫經

一一補驪珠

柘坡居士集卷三

寺門如翼曲池寬池內菰蒲五月寒此景鄉園多見慣天星

湖外雨中看

一層樓迴浮雲散一畝園荒逝水流往日迦藍無記錄空勞

柯古問經游一層樓在大悲禪院畝園張氏別業

以蓮蓬爲酒卮戲作

如杯波上影象鼻變長筍已去細心苦猶穿綠柄空蜜脾甘

味滿竹筴暗泉通要得餐英意公池坐晚風

雨後見新月贈寄紫仙

注檻餘銀竹懸簾墜玉梳羣山新沐後小市晚燈初習懶涼

因樹忘憂困撥書不知劉夜坐今夜句何如

題丁芝田新樂府

京洛年年改鬢絲雪花如席壓春旗當杯度徧黃河曲一串

殊喉更屬誰

登稽古寺藏經閣

快晴洗陰氛孤寺郭外湧空林難走車高閣且曳踵雲端鈴  
戛舌風際鐘叩甬攝衣單丁輕投杖五體勇經函凡幾置寶  
護如璧珙別傳付禪宗實語守教種下闕閤柱斷如馬一足  
踊老僧侈仙踪怪事指斗拱要知龍象法不少魔鬼擁達人  
悟空虛信侶動瞻竦憑闕賜四野芳草蔓烟壠壞住兩無因  
斜陽在山冢

西沽晚泊

清晨期客來日晏期未踐繫纜枯楊根澄波照團扇回櫓轉  
丁字翹足見葦淀渚鳥多雪衣汀花肖人面暑殘行役樂秋  
早時物變展席臥林風誰能水爲殿

柘坡居士集卷三

三

同恂叔泛舟通州城東河至通流閘三首

竹箭流高日夜生白河無復白沙明小舟獨溯跳波去絕似  
秋空雨弄晴  
練衣竹扇十分涼澤國漁商迴自忙人世從來愁浩渺不關  
遠浪接天長  
牖水飛流白雪空然燈塔又暗城中羽衣誰立黃樓待吹笛  
人歸百步洪

聚

七月七日都下同文錫分詠瓜果二首

霜花飛四月曾記葉生遲  
葵女還度夫人嫁及時來來藏  
隱語纂纂續新詞到處牆隅種西隣撲最宜

西瓜

今夜匏瓜宿偏臨乞巧盤剖同萍實赤嚼比水精寒引蔓秋  
濤滿剝皮野艇寬東陵空五色無復舊龍肝

同幕陟游拈花寺

即萬柳堂故址

秋陽鬱熱雲火紅高林無蔭天無風舍車而徒誰我共牆東  
避世王君公逢人問途凡幾里古社叢祠半頽毀池平大壑  
仍種蘆田出空窻尙扶耒寺門粥魚角角鳴山雲幾濕經臺  
經林荒不禁樵斧入垣缺屢見茶寮停堂中昔日觴詠地少  
長羣賢後先至謝公邱壑道難忘內史風流文不墜新荷一  
曲聲無傳老柳十圍今幾年浮雲飛鳥逝無迹綠髮道人今  
皓顛終朝鹿苑畱行屨十里沙隄迷粉堞君不見藍田古寺  
號清源原是王維朝川業

方鏡和大宗

柘坡居士集卷三

四

秦宮不製月形圓匣就空江一冊天鑄錯已成徒聚鐵安禪  
無驗竟磨甄風神通峭晨匱啓圭角光精夜榻懸自笑相逢  
同柄鑿封侯誰有面如田

金吾橋釣魚不得爲余荆帆丈解嘲

東井山人釣鰲客不論簪笏論鉤綸菰蘆藏名五十載以竿  
爲政魚爲民魚分溪湖逮潭匯竿別晴晦兼昏晨承蜩累九  
技若振頤指臂使天而神又如斷輪進於道行年七十老斲  
輪昔者薄游浦陽水層船網戶環江脣支離一叟辭色傲絕  
藝自比稽山躡山人偷閒偶共戲叟也再拜蒼顏驕自從北  
來走塵土馬鞅常綴雙蒼筠摩挲過于刀五尺結束勝于錦  
一純今年觀水發悵懷張帆鼓棹來三津三津水多魚所國  
鱸沽戶戶飛霜鱗金吾橋邊揭竿往柳絲一桁圓清淪清晨

乘日期澆金薄晚載月仍空輪新詩絡繹獻嘲笑虛名從此  
問水濱吾知山人固有道臧丈夫釣非絲綉綢緞每抱彈鋏  
歎包魚自古不利賓況當水落魚盡蟄事等不獵求縣鶚利  
劍恒因躡屨廢駿馬豈爲鹽車馴明年潮河返征棹園收芋  
栗猶未貧垂虹橋邊問甫里回軒巷外尋元真

九月二十五日雪有懷敬懷兄滄州

燕南九月似岐陽鴻雪先時墜冷光庭草變衰愁出戶爐灰  
溫煖喜畱香飛空響雜青蘆葉望遠烟迷白雁行讀易東窓  
空自暇西風誰寄鯉魚涼

題月東小墨玉鏡

采此北山雲圓作東嶺月或云慶封車或云夔妻髮

喜得蒼雨鎮江書卻寄

柘坡居士集卷三

五

安仁困拙宦千載柯潛亭夜書乞米帖晨誦忍饑經一麾得  
外郡五斗仍寒廳訛言荻苗漲沈命陽侯靈今朝忽鵲噪遠  
道通燕翎布帆盡安穩官舍無零丁市虎古所惡塞馬奚足  
驚由來海風厲天不罪管寧卷簾雪浪淨繞郭金焦青歸塗  
過北府肯爲兵厨醒

次韻恂叔喜張少儀至

良朋惜歲暮走馬問疎梅殘雪寒光在喧風晚色來才奇應  
斫劍事往付銜杯愁絕城頭析初更便喚回

楊村對月寄紫仙荆帆嶠仲西顯文錫心穀恂叔

澄波亘長川孤月出遠岸月湧波不搖始知冰未泮念我同  
心儔臨風起長歎擊柝猶相聞停雲遂無畔離羣在咫尺舉  
首沙河漢伏枕待雞聲荒村夜將半

都下雪夜聞歸鴻用少陵客居韻聯句

客踪如飛雪飄泊無株根光又如隨陽雁來往相翩翻周大  
仲月末和氣寒水失舊痕光遙天吹落絮旅禽傷羈元大  
手得周子開心遡詞源光雖無奇語作却有真意存大勸駕  
媿計吏棲遲憶衡門光執束縛轅下走驅馳穴中奔大林鶯終  
出谷海鶴非乘軒光深宵秉紅燭孤館陳清尊大遠懷誰共  
慰生理誰同論光芳草遍南國雜花開北園大乳燕欲將子  
祖竹還生孫光幽都寒大苦朔雲春正繁大豈無忍凍屋或  
有啼飢村光他鄉裏又葛歸計朝復昏大出處付時命旋轉  
由乾坤光晨曦幽壑吐積素清流吞大德術要加長酬唱須  
遞番光母爲鴻鵠至分念雕弓援大

題友人集杜詩後

柘坡居士集卷三

六

河干曾送若邪風京國重逢一禿翁示我蠅頭詩本細畱人  
鳳脰蠟燈紅琴名百衲聲原古裘集千狐製轉工介甫曼卿  
魂可作三都誰論十年功

玉泉菴看桃花簡江岷山

都門二月地氣騰連巷穿溝似畦町劇驂偏仄康莊窮大者  
成池小成井行車解輓節挂壁見豕負塗鼻息屏都官員外  
淘渠詩欲和未終人已癡玉泉僧坊一里近桃萼數枝風日  
永入門不聞粥飯喧到殿更覺鐘磬冷今年花時喚頗晚已  
塢山櫻未開杏蜜蜂早出籬落忙語燕夜歸簾額靜乃知人  
生自分別茵溷化工全不省海濱逐臭誠何癡交帶坐中母  
乃病巖然稱言江應元竟日看花惜流景來朝儻和淘渠詩  
更叩僧坊踏紅影

同敬懷兄游天津城東牛氏園

一片荒落外支頤送落霞磨門無稚子看竹似貧家池涸因潮滿亭偏更石遮晚風狂不定吹折數枝花

題惲哲長墨嶼

墨嶼何人筆閣家有士安八纖排樹細眼活漚泉寒屢熟他鄉種誰行古軫彈吳江畱小舍作賦憶秋灘

四月三日興濟曉行

早風屯夜雲夜熱如病酒展轉難三號倏忽秋歷九茸蓑覆掩肝散絮穿露肘獨行易傷懷衛生敢不厚朝暾煬林木熱屬又奔走農畝土作龍神覲水灑柳籲禱日以虔甘霖竟何有燕齊恃二麥曉夕望南畝極目牛尾稀傷心飛蓬首茅檐烟漸出啼泣徧黃口一市聊米鹽連村各攜負陰陽變上相

柘坡居士集卷三

七

乾溢軫 元后年年振官倉渺不計升斗救荒無善策備急要經久太息桑林情因風詠星雷

宿銅城驛聽雨

密雲囊雨閣霞邊卽遞檐聲到枕前候館未秋聞落葉家山和夢繞流泉衝泥騶子宵分欺抱甕耕夫日晏眠物理難齊從古是挑燈聊補紀程篇

東阿

乍來南皮縣復此東阿國公子魏家英居然兩相識

舟泊宿遷卽事

洗手吳娘勸夕飧今朝價賤買雞豚自憐菜肚無情味只憶東園芥有孫

五月一日自儀徵渡江用六一居士初出真州泛大

江韻

天寧洲外天欲窮黃泥灘前日過中雲光拂水波上下帆影背樹船西東金山仍向郭璞墓楚調若唱春江楓是日有說晚渡於江口者晴漁舍看歷歷一雲潤州迎便風

由楓橋達太湖行村落晚烟中有懷少儀

喬木低烟一棹移過橋尤喜見疎籬淡青洲尾波生穀平碧山腰日隱規十友風流餘粉郭三高祠廟對寒漪步兵未向江東返此日彈琴有所思

到家梅雨旬日示康來弟

溼雲暗平林墜地梅子熟東風無時休柱礎潤于沐連宵注泉瀑鎮日響竹木直憂甃產蛙不止菌生屋歸人遠方至淡曉談秉燭慈母頻加餐回尊勸童僕昨游真草草亦緣飯不

柘坡居士集卷三

八

足何年買青山兄弟抱黃犢夏畦馬耳鏃冬場豚蹄祝畜雞先織籬種黍兼造麴深耕一夫田遠積九年穀此願今不能青燈且勤讀

五月二十七日登永樂蘭若後樓

五月綠陰深佛閣山僧邀客踏初桃林間矮屋低于鷺雨後殘雲走似羊白水又看秧剡剡紅塵誰喚日遑遑緼袍糟食吾今悟願借空王懺悔香

清涼寺訪姚東玉寺外作

木龍行雨似銅鳥灑灑清流竹院紆古衲無家歸定水高人有髮寄圓蒲同游幾換文章伯別集新成主客圖夜半窗中呼隱去九歌重補禮魂無

食新荔支



柳帆一夜返閩南百顆勻圓白竹籃華實兼成星匣兩色香  
俱減日過三剎來雪梳憐肥瓠圖上冰綃肖伏蛭聞道楓亭  
堪驛吏何年親下建溪探

朱井叔以手摹王子敬洛神賦十三行擬本索題爲  
賦一絕

能書北海又能鑄重采明珠出洛川不借茯苓芝自署欲將  
新木敵麻箋

瓜架

邠風賦食瓜近取在場圃三年零雨思情見有敦苦浮生如  
狂蔓亂出受塵土歸來媿顛當終日守門戶呼童折青條引  
蔓待朝雨已看竹鼠來遂振莎雞羽蒲亭長仇覽果萊有行  
伍拔葵自相材烹瓠思隱侶黃花兆秋實涼蔭已無暑什結

柘坡居士集卷三

九

中田廬作菹獻皇祖

七月十四日復同敬懷兄北行夜宿涇橋

五年盼歸程兩月住鄉里身爲下坂丸欲止安得止涇橋離  
郭近細雨溼沙沚寄夢無回潮遠行自茲始

同蒼雨樓存登鎮江城望江上諸山

背山起郡齋庭宇接巖磴偶爲屋後游遂發江中興登城俯  
京峴人影在荒徑隔岸遙聞鐘前林卻鳴磬焦山子東峙浮  
玉婉西鏡寶塔如可招蝸廬正相映千秋兩登待百谷此苞  
孕遠艇去重回亂帆行若定孤雲迷海曲細樹見江乘日夜  
長波流客心愴何競

畱別蒼雨

北顧樓邊樹今宵坐尙同燭侵桐葉暗席亞檣花紅滿酌中

瀛水難忘小許公舊物字號舟人嗟遠道只祝送潮風

重至儀徵

真州重又到鵝鴨繞秋塘隔浦吹銅笛遙山展畫牆湖來迎  
棹閣塔見就船長尙憶灣頭泊排簷晚飯香

揚州游法海寺遂登平山堂

禪林小閣竭晨跼散屨行經午市煙水檻數家花上雨山門  
一片竹閒田鐘鳴漸到司徒廟茶熟新開第五泉忽聽松濤  
吹滿耳松蒸萬樹正差肩

天寧寺

天寧門外草蕭蕭寺磬琅然轉石橋樹可隱人聊陰喝船能  
載酒盡停橈林泉樂志身何負衣食勞生髮易彫屈指離家  
又旬日秋光都向暮霞消

柘坡居士集卷三

十

再過紅橋

黃月初生豆葉明欹斜風慢半船輕重來仍是匆匆轉可有  
吹簫隔水聲

畱別陳授衣潘廷簡張曦亮施竹田兼寄問閔廉風  
五首

華壁開荆山見隻思得耦乍吟法曹詩旋執康樂手燕南喜  
旋轅江比怨折柳永期百年貞不戀一日久授衣今第江皋今  
年初贈于天

京華一相見良會如飄風重逢得今辰笑語還暫同日車不  
可繫逝水西還東始知人間迹甚于泥中鴻

舒向金玉人卿雲黼黻士藜藿久沈冥學積身未起臨風披  
述作奇采有實理傾心玉軫音盡洗箏笛耳

清詩如石鼓千里桐魚聞裴徵善騎驛東野願作雲謂菹  
存菹



托異嗜贈我纒縣文相將無以報欲折若木芬竹田思序拙集  
城中玉井生城居若空谷手鐫玉井蓮裁剪作奇服街雨阻  
行車津鼓催去軸碧雲咫尺遙何計慰幽獨

天妃閣待放

前宵泊船茱萸灣船頭水作漩渦漫昨宵泊船邵伯埭水沒  
雙隄一隄在舟人心怯淮水高未到淮口先煩勞清江浦前  
水斗落竟日牖版關銀濤來船不行去船止一板纔提萬波  
起決防下灌非不豪直恐揚州沈水底閒尋小落登廢墟廬  
居蕩析生長魚牽船競徙岸上住吹火或向蘆中漁東流纔  
塞西流決南堰培高北堰蟄我無健步探河源買讓許商空  
勦說 聖朝治河期萬全以水攻水終行權河平作頌會有  
日今夜且聽河聲眠

柘坡居士集卷三

士

泃河夜行雜詠三首

草蟲鳴草間趯趯如有訴燈明各飛來燈暗自飛去  
運帆若鵬翼日落猶遙征塘回帆脚轉前後餅笙鳴  
雙堠立如人孤楊亂于髮繞岸一聲鳥催起河上月

宿仲家淺

仲子雲仍在千家聚一閭大賢宜廟食古屋若樓居雞黍平  
生事冠纓未死如停舟慳進謁翹首愛儲胥

濟寧游南池

少陵吟咏處勝迹並南衡少陵集有兩南池詩其一衡州南池也使節今常寓祠堂昔  
近城苔痕碑漸沒菱雨水猶清邪許千船集禱燈徹夜明  
臨清出閘

南流之牖二十七北流之閘二十一朝朝閣獎待灌塘鼠在

角中無穴出今朝忽到臨清州此牖一過行不留德棣清滄  
皆順水櫓聲搖到白家樓平原縣外寒威早屯氏河邊秋色  
老秋耕莫歎麥苗稀小舫村村賣梨棗

九月九日滄州州宅別敬懷兄

如水官齋畫亦局平疇無處望遙青攜壺滿兌麻姑酒佩續  
齊登太守廳蒼雁叫雲還斷渚黃花移月印空屏尊前兄弟  
猶同醉咫尺茱萸別夢醒

重至天津送查貢木歸嘉興

海津濱海國一水通吳畿我從鄉國至君向鄉國歸人生非  
燕鴻何為相背飛

和蘭小劍歌

鏤邪不鑄龍泉折薛燭無言歐冶絕誰吹陽炭烹陰霜聚汝

柘坡居士集卷三

士

阿南一鼓鐵鯁人髮髮曼胡纓鵬尾脩脩徹骨清桐布作衣  
犀作室西風幾點生鼉腥鯁人賣劍歸驅憤霍霍無聲試良  
玉劉父不報細碎餘徐鉉還添刀劍錄領頤折頰漫摩挲那  
識鸞聲清廟和溯緱畱伴先生鉞彈出羣蠻慕德歌

文安蝗不入境美知縣姜君

鯉淀原疇廣蝗餘政化淳護田蛙亦怒禦侮雀皆馴蝗初至為蛙食所食再至為  
食所 炎火風詩畀昆蟲蠲饗神衰安方考部先薦魯恭仁

柘坡居士集卷三

柘坡居士集卷四

秀水 萬光泰 循初

聞漁閣集下

詩六十八首

題金人王澹游歲寒三友圖卷二首

老筆無多氣韻疎家傳三絕畫詩書

鄒慶三絕畫詩書趙開閣贈黃華山主句澹游黃華子也

剝共蛇癰破竹葉晴添鳳羽梳朶殿恩榮春最永雪窗風景

歲應除苦枝更得離奇態可是村梅勅賜餘

汴州亂後蔡州亡墨寶流傳比半璋草滿荒亭迷野史圖收

內府說原王靈根螻屈花無色跋尾蟬聯句有香再倩磁藍

籤帖首風流猶得見明昌

平簫 楚中平氏女子製

柘坡居士集卷四

一

湘浦停霜竹春深鳳吹長參差仍楚調法度是平當質重仁

聲在年多玉色黃柔荑親翦刻鶴脚敢同量

寄懷李于野保定

短李多年別秋霜改鬢毛庚桑尸祝重丙舍子心勞夢遠違

雞水官閒問馬曹種山亭坐處殘石久蓬蒿

和恂叔謝諸葛白巖惠吳去塵浴硯齋墨

明代墨工誰擅名前推方羅後方程青邱南羽四父子零珪

碎壁皆堅精吳拭去塵最後出細分燈炷烟尤輕桐薪一縷

深室閉魚胞萬杵空山鏗南陽諸葛間何闊昨朝遠寄元香

笏病風手試油窗明點漆光浮渠几滑主人長歌教客和連

日談元窮燭跋中書君賜黑頭公道明入座生春風隱書樓

高墨成苑豹囊幾輩方圓封吳生小挺豈多得奚珪潘谷爭

長雄我聞古人惜墨如惜命又云練墨如練性北山攻媿兩

詩人寓意寓言何靜正禮耕學耨彌歲齡相著而黑聖所銘

君其確此研六經

同凌獻珍試舟荷池之作

麥寒時節綠陰圓荷葉初抽已過錢萬象剎那藏代謝一回

來似一經年

芟竹

初見新篁抽已看出牆度宗生各一叢亂發不知數紆瘦原

有由藤蘿復相附畦丁怒運斤書客喜來顧剔穢呈清虛刪

繁保貞素搖林風漸疎穿影月徐吐乃知長養恩不赦始刑

措

晚浴

柘坡居士集卷四

二

既雨暑更蒸初晴氣猶溼多汚方麴塵益膩白汗汁賓來厭

巾轡夢去想簑笠幾尺杉槽寬一斛素梗汲垢骸言既清爽

氣聿來集如彼負重車水草脫銜繫簷際一蟬鳴簾陰數螢

入

荆帆招飲疊石山房分賦得雁來紅

淺深爲列間紅黃洗手花邊共夕涼鴻雁未來先有信胭脂

多買不成粧霜餘葉賸微尖綠短梢添數尺長便作楓溪

楓樹看敗荷酒熟好還鄉

荆帆家諸暨之楓溪山房荷酒以敗荷葉爲名

海光寺晚歸賦所見

明月如盤海上生湖光連引入空明居然金色浮圖相船在

浮圖頂上行

八月十一日恂叔招同西顯文錫游盤山晡時于楊

村渡河

餘暑欽城郭林風颯然清尋山同所願有約不再盟出門多  
阡陌車騎相間行未經眺聽地早得巖壑情潞河秋浩渺喚  
渡魚不驚順風蒲席穩急水蘭篙輕回看萍葉散馬尾蕭蕭  
明

十二日過寶坻二更至崔黃口

荒屯塗易長元時崔黃口有  
荒溝舊屯田秋後少延暑日中抵縣城日落尙村  
市扣門宿店稀二鼓行未已秣梁隱行人鉅父喧稚子箱車  
積滿道咭咭負何駛一燈齊候門狼籍徧比里仰看中天月  
照地如白水我亦田間人何爲不蹠耒

十三日自邦軍入山停車蓮花池步至天成寺少息  
至西甘澗老僧法天出所藏李隱士琴觀之又引觀

柘坡居士集卷四

三

元全真王棲真所居石龕至東甘澗還宿天成寺樓

五首

青山喜客來馬首相拱揖中峯遂雲深旁嶺儼魚立徐行度  
犖确還望失原隰空浦蒼烟生颯沓秋氣集停車古池口取  
徑循石級澗水半欲冰殘荷尙如笠

薊州李隱士穹谷龍蛇蟠負薪以養母用勞爲承歡筮逢蠱  
上九高尙同伏鸞當途勸不應名晦迹亦刊老僧業淨土結  
屋臨哀湍示我壞琴一古聲如未彈年深漆色碎嵐重絃絲  
宛旋觀不敢弄挂壁莓苔乾

石龕覆如蛭羽客昔年鑿五千道德言無字乃注脚

乍飛西澗屐又挂東澗杖半扉柴作關一樹藤自上乞茶紫  
筍香掃石綠苔長松子落衣裾松風作濤響

危樓臨鳥巢清境便會宿微吟斷鐘魚短夢依轉讀幽懷忽  
不寐萬籟靜空谷鈞窗月隱明啓戶風已肅流雲紛細碎疎  
響散琴筑佳游宜及晴聽雨亦所欲竹嫩明日攜何如賞茅  
屋

十四日由東甘澗樵徑至古中盤登正法寺閣望紫  
蓋峯下閣避雨於五松堂雨霽過中盤飯於少林寺  
至紅龍池觀明正德十年除夕盧師卻等題名出黑  
塔峪溝失道陷深谷中攀繩而上至上方寺夜宿東

竺菴四首

東澗據前巖中盤在隔嶺平坡紆且遙捷徑近可騁初行陌  
尙廣再進塗漸梗赴壑如乘流攀闌似出井人從草中起遙  
邐見寺影好奇亦何爲垂堂古有警

柘坡居士集卷四

四

小閣在寺頂早暮流霞飛僧來施烏食彈指開其扉前峯宛  
靜女從者爲靈妃晴光生婉變秀色怡渴饑氣蒸忽作雨吹  
上游山衣疾走就松陰繞身青翠圍堂前奏匏竹堂上鳴軫  
徽長梢忽亂舞又若交翟輦雨過仍出戶前林已開霏天光  
淨指拭萬象增采輝奔泉皎碎玉散漚妍圓璣雜花復四照  
滿眼涼州緋旋聞搗藥杵又度魯魚磯中盤出兩寺今古誰  
是非頽垣詩語瘦斷碣筆畫肥空山敢求識我貴知我希  
紅龍在花陰泉淨花自照鑿龍朱其鱗兒戲可騰笑大定篆  
最古正德書亦妙道人臘日尋奇事有同調  
近辭少林寺遠見焦僊峯爲聽溝曲水遂誤山椒鐘石角滑  
行屨藤枝礙扶筇流水真似水坎窞還重重束身就懸布努  
力乘高塘夕照隱叢棘寒聲沸陰翳歸風滿樹星出月在

松孤菴可畱宿尙隔蒼烟封

十五日游雲罩寺登自來挂月二峯下山歷石筍洞  
青溝禪院萬松寺上劍臺觀月翠屏峯下四首

杳杳山意遠冷冷秋思淒宵爲山半宿畫作雲中躋青黃歷  
果林橫直越萊畦山僧善娛客攜茗兼栗梨前行跨幽岫直  
上移故蹊獸石紛似伺樓松密如擠植立萬劍士粉袈兼羽  
袿寺門近忽沒怪鳥驚交啼入庭見斜閣登頓愁踏梯遂問  
九蓮鐘久矣樂銑漸浮圖據絕頂衆嶺朝桓圭側足恣危眺  
千里邊牆低崩施布周索蜿蟺生晴蜺洵河升勺水劣可潄  
牛蹄三城鎔脚立巷市紛醺雞蘇州平谷三河薄寒氣僚慄東日聲玻  
璆鄉心動南望秋來不可隄下山更矜慎衰草清無泥云有  
古巖洞絕似空室闔一客住摩齡終歲忘鹽齋味道有仁義

柘坡居士集卷四

五

果腹非忝藜巖前石筍二岸各分東西年年不成竹髯角憎  
髦犀片席獲久坐把茅成逸棲還看兩峯影熊耳常雙齊  
拙公擁錫處山勢杳如饌遺言付剝竿老屋答鳴磬圖經多  
考索居止亦奇勝我輩後來游敢忘仁者贈盤山志青溝僧拙菴所創屋頭木  
葉落谷外鳥聲應小結僧單緣默坐千息定

萬松羅寺頂寺在松根中卽以萬松名四面青濛濛赤髭識  
舊事指菴稱衛公堂皇昔丹牖簷桷今雨風劍臺高百尺獨  
上愁履空下有升仙橋曲于克敵弓

懸崖削屏風石氣生衆綠階陰陳酒肴殿角屏燈燭初焉皎  
林端久乃射峯足何來纖阿御亦似咸池浴談諧旣交暢吟  
嘯還互屬應知八表寬齊此一宵囑仙人白雲篇隱士紫芝  
曲馭風可以游招手下黃鶴

十六日乘山輿至感化寺又至天香妙祥寺寺多柿  
一池養魚云冬寒則納之于井又至佑唐寺觀洗盃  
池搖動石唐咸通時碑尙存還至鯨甲石是衆水交  
會處再宿東竺菴夜大風六首

斲木爲籃輿麤笨夫用二力短屢息肩道長且投寺寺僧識  
儒書鄭箋孔正義乞食繞遠村磨門驅烏稚問言遲不答機  
魯僅識字如聞憂患多且畢姓名記食山復飲泉麋鹿又何  
異

梁侯無故國烏特傳空名天香妙祥柿大與松陽爭金顆秋  
卵重赤葉晨霜明蜜殊持餉客蜜味中邊生何座孰同削漆  
林久罷征

細水成曲池衰蒲菰長葉泥深杖共探沙冷足深涉上流一

柘坡居士集卷四

六

穴通下匯萬波接浮沈得蝦蚶來往過魚妾其旁爲井谷橫  
木作樓堞魚倉可錫名奚事九三渌

九華如蓮華近華蓮瓣展不聞人跡畱一徑鹿舂輶石間列  
十佛剝落毛目顯當時恣鑿鑿百代絕兵燹山腰綴巨石側  
臥勢偃蹇一指推或搖萬牛不能輦復有洗盃池似井深不  
淺斷碣納陰潛奇書具壩漏至人不語怪怪事以理遣小說  
侈虞初繁芳具宜翦

懸水會山根山空失凹凸終年殷怒雷一望密飛雪濯纓來  
日晚愛此寒且潔澗狹響易高溪回勢微折坐久澄心魂餘  
波澹鳴咽

山肥僧寺富竈漏亦潔鮮蒲褥帖如水布衾柔勝縣微溫十  
笏室小像孤燈懸欠伸就瞌睡永夕安四禪何來屋頂葉驚

起癡童眠渾疑夜潮至誰信蒼筤顛披衣犯晨出手作枝指  
駢空亭昨來處欹倒無尺椽

十七日重過上方寺遂至山後游青峯法藏雙峯諸  
寺三首

野果滿荒溝墮巢散幽阻空枝已無風敗葉向如雨循塗丹  
臺近隔嶂青澗古侈殿瓦有松孤僧伴惟虎上方每夜有虎至寺僧  
每禮拜丁無侶常取飯  
何運幢女直書漫滅疑石鼓梵言音貫聲奇字指畫肚回廊  
壁圻罅小院峯倒豎夏去飛瀑微涓流涸蔬圃

山中念佛社每旬期以七人為微妙音不縛小乘律我持燒  
香偈亦到散花室笑問布施何隨身但兩膝回途過法藏破  
屋氣蕭瑟古碑四面昏雙桐一枝失法船石何在餘石夥于  
蝨山趾半規泉涓涓濯秋日

柘坡居士集卷四

七

愛山足忘倦山盡身亦勞閒眠就僧榻洗耳絕市囂微颺  
林窠激盪成笙璈懸知夢中鼓卽是松下濤空山自寂寂華  
屋何嘈嘈雙峯不可上紫翠斜陽高

靈泉

去歸山  
五里

離山十步一回顧培塿相逢亦平素小溪淺淺清可渡溪底  
泉眼碎無數泉從眼出碧沫吐微風引之若綸絮平碕橫截  
通細路泉急各出石縫注如彈朱絃韻韶護弦指無心兩相  
遇溪頭草閣藏礪具日短礪停翹白鷺客來無事繞溪樹

八月二十一日游西山宿永壽菴

青門多軟紅西出有綠野秋聲葉上來寒色沙際寫初程早  
停車小寺可縲馬犬迎藤影中鳥宿柏林下踈烟迷徑石遠  
星照屋瓦共坐繙經牀城鐘不聞打

二十二日晨入善應寺登盧師山北至普覺寺游寺  
後退谷櫻桃溝五華隆教二寺還題詩宗上人房四  
首

侵晨尋破寺寺破無完牆涼颼送初日山氣何鬱快殿角漏  
零雨綠麻垂脚長時時饑鼠出見客投長廊草間得古碣最  
蠟樵斤戕入戶旣蕭索出門益蒼涼沮洳積水白斷續搖晨  
光恒河憶見性感入波斯王

盧師乘舟行舟定師亦定勝緣結茲山宿果得水證菴前二  
童子無耳法能聽至今溽暑餘有物繞巖磴居人識龍孫行  
客悉龍性雨暘稍愆期祈請必靈應神功被稻陂餘潤逮蔬  
校專祠托青鸞報賽禮亦稱

退翁居退谷谷上平如砥時攜玉劍歌徧挾金臺士清言雜

柘坡居士集卷四

八

琴筑高步雜杖几山亭故依然前哲呼不起下爲櫻桃溝萬  
綠齊石底行人踏樹梢飛鳥觸展齒夏初紅子結壓擔入都  
市都人不敢嘗薦自原廟始茲來惟菊釀碎亦可喜再循  
夾澗上路狹纔網趾清流能鑑顏激沫屢逼履僧廚日取給  
剌木兩山裏誦經伴房房擇菜洗干指飛英隨派下脫葉遇  
砥止本無出山心沿洄固其理源窮寺又出一閣快俯視當  
春酒舍多適野跼舞疑白雲擁輪蹄青嶂被錦綺茲來復何  
見惟見衰草靡還尋烟霞窟舊丹漆乃稍修甘瓜架未除叢  
桂香尙蕪勞勞竟何得足已懲荆杞較心調御容亦復偃雙  
解軒睡容他人津梁疲此子誰能別醒夢因是悟生死小憩  
杪樾陰青光澹流水

已公能賦詩深屋邀客坐不參露地禪自吹甌爐火窗花曲

窈窕砌竹直倚那風來有竹聲風定有落葉佛樓昏鼓動院  
院固鍵鎖無眠我猶能竟夜定跌裹

二十三日游碧雲永安二寺穿洪光寺柏徑而下至  
法海寺再入盧師山游龍泉菴菴有海棠花向盛開  
至聖感寺寺僧言海岫禪師事久之今寺亦頽毀矣  
窮山頂至翠微洞洞僧出翠微茶啜甚苦還宿證果  
寺卽秘魔崖也六首

木橋行堂堂上壁下絕壑雕甍飛畫壁蜃灰落壤衣顧  
愷佛塌翼薛稷鶴締造費萬金今古一邱貉來青軒亦近旁  
囑更蕭索墳塔若蟻封券牆似漁箔是皆中使家盡力地脈  
鑿前于既潰敗後魏復營度笑問桓大夫曾否臥石柳  
柏徑窈而曲清陰畫溟濛但知登復下不識西自東參天勢

柘坡居士集卷四

九

最矯負地力亦雄昂昂樵牧內久脫斤斧礪大材世有用小  
草志不同風霜折庶物枝幹非青銅

寺藏山之腰山外曳旛影踵門步已勞到殿路更永徘徊勿  
遽去石磴坐微冷下視溪中烟不定若倒景

龍堂龍不來龍吻有泉山下接方池方丁東應空室童來汲  
軍持客看挂卽栗習坎祇既平麗澤兩無溢土甘山氣厚卉  
木亦蒙密請看三春花尙耀九秋日科頭隨意插不慮禪破  
律爲問鶴林枝何事殷七七

風吹人語遠響落秋烟深山中忘短晝城內急暮砧一來高  
閣望寒色滿橡林雙闕可指掌渾河近于襟高僧昔晏坐鬼  
物齊翹心寂寞空堂影莊嚴留至今  
已過大悲菴陰谷益竚窺齊滯先登拾級礙回眺空樓仄

危柱其下哆幽竅磊磊般般若光陰陰牟尼照似聞積雨餘餘  
濕葆疑耀土茶含苦澀瘦池想深峭有味山僧貽歸途攜石

二十四日四更乘月出秘魔崖車行過渾河度羅喉  
嶺入岫雲寺枕上聽龍泓泉竟夜四首

晝游已不開秉燭待良夜早起月行高金波淨如瀉驚禽徐  
散起怪石受跽籍擁鼻互招呼褰衣共凌跨星稀俄入霧水  
復漸迷泱曉行自多愁夜歸可無怕肅霜過九月老物向凋  
謝此身筋骨強誰異草木化癢痒赴前林粥魚動農舍

盧水塞門北急流少漪淪踰山固繞雷衍潦皆洪津秋霖阻  
行旅壞堰方寔薪笑脫淖中輓曳汝波上輪連翩拍鳬雁子  
子追靡屬直如刀割塗何礙坐累茵少見每多怪奇事非常

柘坡居士集卷四

十

倫終年陸沈客寧識風波民

晨呼二勃湯夕禁三昧酒行客非羯磨何爲亦守口一笑共  
停鞭青旗隔衰柳

築軒倚流水入座聞驚濤支枕復深夜繞牀鳴佩環機高念  
鵲飲藤斷嗟猿攀笑問清廟樂何事荒谷間天寒客少睡夜  
靜僧開關忽憶黃梅侯西疇聽水還

二十五日流杯亭前看竹上山至歇心亭還憩紫竹  
菴午後至馬鞍山戒壇游化陽三慧極樂三洞道甚  
險還宿永福寺四首

汶篁去燕國有竹種者罕珍茲青豆房得保碧玉瑄大枝旣  
如椽直體復中筍清風拄杖來綠雪吹帽滿團圓曲流水泛  
泛晴雲盈秋禊期匪遙征衣莫遲澣



九峯四面抱中嶺藏么荷一移一改面濃澹分髻螺惜哉修途斗遂有勞者歌我馬豈不瘠顧僕寬衙珂

戒壇若壺方及至路窈窕以途入雲凹一徑走木杪香清佛國古翠合寺門小自經岫雲喧益悟此境悄經臺日影正寥落住僧少偶逢獻花人遂聽啄木鳥九龍松在院鱗鱗果奇矯寶汝千尋枝容我百匝繞

秋草荒長岡四望盡鬻禿側問壑奇遂造一峯獨先尋化陽洞寬廣擬靈屋燎麻窺陰潛勝熱汲冢竹後來用尾銜先至試足蹴下梯地益低反覆如轉軸曲穿紅螺腸銳鑽紫龜腹虛巖撲兩碎乳觸蝙蝠已深扉闔雙再狹壁塞複忽如金鼓響定知狀流湑入淵心兢兢回步足踟躕旋見天光明仍對烏兔宿言尋三慧洞小穴隱長菊去之斯已而絕頂更

柘坡居士集卷四

士

馳逐犀株插單秀鯨尾掉高齋行人困負牆導客快漸陸捷于騰林猱勇過入水驚重經十重障下俯千仞谷懸竿趨不前捫葛往而復惴心幾投崖慄股竟登木條驚等丈撤更苦腰背鞠可憐地行臣惟冀天傲福鬱紆凡幾里歷徑漸樵牧四支僵若蠶一汗溼如沐是名極樂峯可極千里目放身石磴眠隨手土泉射石間成化字半缺尙可讀亦有高人廬清比伯夷築腥風俄來虎呦鳴或過鹿我身雞肋同自信非弱肉惟慟歸途無欲作華頂哭僧言有平徑稍遠亦通麓亟爲返青鞵幸尙健黃犢斜陽送入影直到清溪澳一村住烟霞數家臥疎磬茲遊信奇絕勝向龍門宿戲語王景元仲楚莫蒲伏

是日又易以傷足不行

二十六日萬壽寺看假山遂循高梁河入西直門

納履履已決車摧僕言疲俱爲入城約還訂高梁期高梁水最潔萬壽山亦奇相傳有南海清涼及峨眉孤峯湧獨幹列岫披分枝誰歟役鬼作甚矣愚公移遙夢結魚樵古情明驚絲蕭蕭烟渚映颺颺風蒲吹回首菱歌聲江南正堪思

九月一日都下陶然亭登高晚飲沈晚叔檢討隱拙齋二首

東籬未把菊花杯南郭先尋戲馬臺地僅牛鳴塵務少客如麕至好懷開連空白鳥翻烟去撲地黃蘆送雨來城上斜陽如有戀更攜風袖一儂個

隱拙齋中種竹成點燈看竹葉青青無多木石居何儉永日丹黃典自清酒戶分曹頻舉白宮門掌事任催更東田題詠殊難副擘得雲箋句未成

柘坡居士集卷四

士

大宗招看菊得漱字

小菊移金鈴廣庭張組繡主人官清貧花亦甚癯瘦酒酣益情瀾意得開辯囿止此文字朋何必絲竹奏微香散靈帙六藝潤可漱風流海潮舊事畫圖又

吳鉤楚爲少詹事時招李西涯等賞菊事

歸天津移書室於聞漁閣南小屋文錫戲名曰繭屋

同賦

循環食候與眠時喚作吳蠶嬾亦宜門外雪高寒惻惻箔中春早日遲遲客來便當同功喚吏治無勞保障爲願學羅浮蝴蝶拙經年雅舅不離枝

改繭屋名小陽谷再賦

小陽谷本楊藏齋火閣名

溫暉三面入檐檼似與陽鳥作久要出舍梅移連夜放向風餅凍到晨消楊家火閣何多讓邵氏行窩總最饒從此南村

薪炭賤地爐松葉不須燒

題崙仲七松圖寄李遠川項城

撫松人去隔高城寫得新昌七樹成彈罷玉琴風雨過一條  
絃裏一松聲

詠十歲奴劍郎

欄具含純白昆吾冶最良先生從辟咄君子藉周防問價百  
金直論身三尺強刷緱方作客無字照春坊

十二月二十五日同荆帆西顧江臯天津城西散步  
三首

渾河冰厚雪難消冰影連空海不潮漫道天寒曾慘絕鑿空  
仍不赦魚苗衛河

衰草茫茫葬不分如堂如斧暗愁雲貞魂肯受陽侯厄砥柱

柘坡居士集卷四

圭

中流四女墳四烈婦墳在水涯大愛不沒

折戟沈沙洗更紅樓船軍去戰場空穹碑兀立旗門闕時有  
耕夫說戰功漢武場有明正德九年曾都御史陳天祥平賊去思碑事詳毛大可列朝諸傳碑則難陽孫清文也

二十六日同西顧江臯城南散步三首

水月池邊紫冷烟公輸祠口憤初眠宋郊重跡人何在千古

無才繼木鳶公輸子祠

僧衣數校土膏融港似重規兩道通今歲藍田禾穗重好舫

小廟祭牲紅城南稻田皆總兵官藍理所開謂之藍田再南有八塔廟

有客城南愛靜居藁楷深處結林廬討春無客先吾輩連日

寒畦自擷蔬慈西頻族入景升田舍

柘坡居士集卷四

柘坡居士集卷五

秀水 萬光泰 循初

北郭草堂集辛酉壬戌

詩八十首

正月五日紫仙招飲雪舸用淵明游斜川韻

始春接殘歲蜡農咸息休劉翁飽簞食顏巷招宴游屋勝暑  
舟號棲陸兼枕流城陰雪片積環岸如沙鷗接武造衡宇一  
窗置糟邱中厨進豐膳外戶來惠儔盈觴勸浮醕連解催獻  
酬客意已云足主顏猶謂不高言傾四坐大笑忘百憂仰看  
書滿屋此外真何求

七日恂叔招飲清機庵用昌黎人日城南登高韻

昨日酒未醒今日翰復弄踈檻納晨曦小益解宿凍益友三

柘坡居士集卷五

一

徑開損道二簋用簡略忘主賓幽清屏儻從要使澹泊懷得  
以長久共新年喜鼎至舊歷感潮送陳陳園掃籜累累湖積  
詩樊籠坐自繫烟水浩宜縱塵居太喧卑塵事亦倥傯花前  
思尙多竹下過還重

五雜組四首

五雜組游春服往復還分朋鞠不得已牽蘿屋

五雜組園中花往復還陌上車不得已城頭笳

五雜組熨帛圖往復還臥褥爐不得已書門符

五雜組博簫子往復還投壺矢不得已離鄉士

午晴樓試燈限韻

繞檐明月繞廊燈月影今朝又早升回望隔街燈更盛始嫌  
樓少第三層



仇實父平倭圖 并序

平倭圖一卷明嘉靖壬戌秋吳人仇英實父作蓋追紀四十三年倭犯蘇松事也卷不盈丈而城郭廬舍馬隊伍以及賊舟進洋偵望格鬪焚殺劫掠及逃難諸村提負倉卒奔竄號泣之狀纖悉備具無不生动真絕藝也按蘇松之役彭年孔嘉自四月夜嚴至五月朔賊退皆有詩是圖隱括其意而小有異同或者各舉其一偶言之耶乾隆辛酉二月旬叔出此相賞因仍括彭詩意作歌綴于圖末觀是圖也爲保障臣者制治未亂之計當知所亟矣

稻秧未插二麥黃吳城四月蠶桑忙柘林柘浦昨傳箭城內小兒爭遁藏郡中作事何倉促聞警先燒城下屋雲龍門前烟漲天朱雀航頭月如燭八公草木仍虛驚野塵不動溪流

柘坡居士集卷五

二

清連宵大雨如瀑布城陰幾處呻吟聲海門疾入俄飛電已過新洋江上縣登陴一夕攢槍旗束手千門絕樵爨華亭又復高雲梯爲書雉炬空噬臍侍吏新聞中流矢長圍大似棲連雞吳兒齊客真義烈奮馬春戈技超絕過橋再接船沈波出塹一窺騎蹠血畫中仇英蕃舶長不數卓歇東丹王獨櫓招搖弩機發憤風一片崇明洋前行跳盪疾若織後行矜嚴立如植官軍盡作蒼鴿飛倭面遙成溼灰色半身苾布枯腊支飛頭落水浮萍吹王江涇後無此勝翁家港口空爾奇卻憐逃難諸村戶極負提攜猶露處已聞捆載海鮪歸更忍兜鈴邊燧舉仇生之畫傳詩情彭氏之詩如寫生俱爲史簡百年據不與軍尉一日爭江南未靖閩南毀民力東南真竭矣督師御史漫成功祭海侍郎旋泣止

宜亭二首

宋家亭子久荒蕪翠幔猶聞壓笛無柳癭曲隨樵斧破荷衣寒入稻田枯

村童三五出林扉竹擔籠花露滿衣啼鳥不須名喚起行人只愛寄當歸

是日多黃當歸花者

同朱崙仲申及甫查忤叔張家潛隄上晚步得徐字古岸高尋丈低頭看漕渠廢橋猶斗入列肆若巢居水淺租船滯灘長撇網徐去年維纜處梁燕宇初胥

五月二日天津城東泛舟游懷園遂至慶國寺

兩河會一水到海流滔滔輕橈順歸壑浪急無畱篙名園綠水裔萬木森叢蒿披懷就農畛頗厭雕飾勞池心涌山家其外環桔槔黃犢窮中應赤幘桑下號真有田舍情絲荷况方

柘坡居士集卷五

三

苞壺觴少犀兕班草傾濁醪微聞松吹過傾耳齊國韶再南得淨域益遠絕市囂相傳洗兵馬積甲熊耳高唐碑已久失未毀惟蒲牢淒涼數間屋連歲崩洪濤覽古惜龍戰撫時傷雁噉此生天壤寄出處如鴻毛奇哉死心客竟日安方袍

宿若槎聽風竹聲作

溝中斷是竹間扉狹檻疎窗萬箇圍清影碎金昏過月涼風蒼玉暑添衣銀牀久厭梧桐墜角枕從驚蝙蝠飛絕似家園長嘯地出山塵土此聲稀

詠遼史十二首

迭刺新開日月宮駿鳥三足入懷紅龍姿九尺人難見葆取神光別幕中

萬卷儲書望海堂贊華蕃馬達梯航惠文枉自多猜忌傳世

他年屬永康

冰影鱗鱗泮杏渦頭魚宴罷又頭驚東風白羽飛如雪鋪遍  
長春鴨子河

龍須草席軟春絲塞北花時避暑天牙帳卓成涼淀吉黑山  
池上賞金蓮

畫角聲疎木葉聞砧鹽野鹿夜呼羣草中遺箭書名姓認是  
前驅鐵鶴軍

墮曉曉日映元和進士通名繞御坡誰賦射熊三十六緋衣  
人比果園多

婆陲雞識樂歌懽迎節纔過送節還釀得菊花新法酒登高  
齊上駱駝山

臨風月杖疾于飛臘後東京細馬肥諫議不須重補牘朝來  
柘坡居士集卷五

漢使進毬衣  
遼水求銀道路長點金身合住仙鄉縣名大安山下銅溝破更  
置陰山採煉坊

瑟岳渾池限趙秦三關迢遞使星頻餅花一朵天顏隔早有  
偷傳阿堵人

堂印逡巡一笑紅名城連局賭盤空官家萬事如雙陸勝彩  
會輸越國公

遙芬多戰語更番屈體完顏作弟昆可憶石家遺寨在縞衣  
紗帽爲稱孫

題漢公卿祖二疏圖用淵明詠二疏韻

知足辱不承名遂身可去士當晚暮齡益有泉石趣商山避  
秦亂漢初尙高舉二疏繼其踪遜野謝師傳丹青傳盛事車

騎塞道路畫人不畱名恐是吳郡顧見唐王績樽壺兼鼓瑟賓  
主各稱譽郵亭應閱人幾輩識時務白圭在山阿入廟亦純  
素不戀一日榮常先百年悟恒情惑乾沒勇退失研慮誰如  
兩禿翁圖畫久昭著

雨夜有懷  
抱葉涼蟲罷絡絲打窗疎雨一更遲無多暑熱隨風散有幾  
秋光與月期雕鶚青雲騰接翅烟霜白菊靜孤枝論文說劍  
尋常典寂寞今年覆酒卮

尹兒灣晚歸卽事  
名園罷酒漫乘舸岸闊潮平水不波古戍空臺長日閉小橋  
孤寺數人過菰蘆歲晚歸心切秔稻秋成樂事多滿塢碧雲  
邊雁到緜衣風冷感漁簑

柘坡居士集卷五

五  
答祝宣臣都下見寄二首

海角鄉音久不聞書來京國慰離羣登樓悵望昭邱賦祭妹  
悲愁栗里文宣臣方喪妹舊夢搖鞭黃葉脫新懷掃閣暮霞曛皋蘭  
自慣幽林晚不爲充堂減夕芬

雜詠燕臺說土風楚謠魏製競傳工酒功成贊箴規在鞠政  
爲銘調笑同紅袖他時爭畫壁玄亭從爾悔雕蟲元和才子  
雞林價樂句先應唱入宮

秋水同查堯卿作  
澇水秋河退益遲淒颼五夜凍凝漸微膠道左鳴長轂易結  
牆陰斷稿枝午市暫停雙棧響冬威已遣一餅知蟲疑狐聽  
關年簞鉅黍司寒又一時

西沽舟中焦飯聯句

晚飯香舵樓鑲金聲作光枯腴粒相黏黃白色交錯光反  
覆剛柔偏中邊燥溼各光焦頭座上客爛胃關內爵光智鑽背  
面尚驕騰謗骨可鑠光何宮肥炷臍已灼光昆明雷漢侈阿房畢楚虐光拾殘比煨  
燼棄餘異糟粕光嗜炙秦人同失餽魯論御光裴宜尊食持  
搏應嬌兒索光不堪貧士簞且充孝子光嚼齒冰菹鳴轉  
喉骨鯁光釀酒有古方調飴稱上藥光含苦念作甘食菲  
安處約光婆餅喚禽言飢塵漑魚躍光

浦口阻風

細雨溼平洲土囊中夜怒枯林叫餓鴉積氣亂如霧層波力  
用壯孤艇扼吞吐懷冰不得眠夙起斷前渡蒙頭走村落凍  
足屢僵仆草黃棲畝空日淡積倉露殷勤農丈人甯客雞黍

柘坡居士集卷五

六

具溼薪烟易濃糲室土如錮呼兒問升斗謀婦進栗芋桑柘  
信驪虞塵沙孰馳騫可憐蟄穴蟲騰躍受寒沍

未至河西務河冰建飯而下遂舍舟徒行

逆風兼上水挽船如挽牛三朝行百里漸喜波浪柔何來薄  
凌片一夜喧中流琤琮碎瓊散突兀巨筏浮孤帆蝨其間應  
接勞轉眸冥冥屢相避真似魚中鉤撩衣急登岸朔氣穿羊  
裘短葦毳兔走落木羈雌留前驅耳受敲後顧鼻病舩敢恤  
徒步艱聊免胥溺憂嘶馬繫廢井收豬上高邱夕陽又歸市  
野色何優游

香河車中曉行

乘黑辭店門落月猶在屋冒寒度冰河夾岸起羣鶩微霜灑  
東面側望半枯濱菱藕蕭條空渚洲窈窕復雙輪曳麥壠歷

塊何碌碌下有豚耳蔬時誤拂馬腹是皆瘴家婦拮据備冬  
蓄民生職在勤物理報亦速高城忽在邇灰瑱昧兩目解鞍  
息前林草率具湯沐凝雲沈斷堞孤塔聳平陸古道一徘徊  
殘碑半堪讀

自北石渠至百草溝

去山尙一程土脈已墳起平田出崖隙缺處若敗齒疎林少  
人跡墜葉沒步趾行久寒益深觀空秀乃峙清渠流不絕沙  
石梁文理中畜針頭魚終歲行唯唯前爲百草溝數屋伴農  
耜鄰村三五家質樸守雞豕邱園貢无咎有穀詒孫子諒多  
賣畚賢豈少負薪士善心畱瘠土古誼在仁里緬懷囚子春  
遺德渺洵水

晚入鷹城

柘坡居士集卷五

七

村牆屹百雉樓櫓雲間開鷹房毀叢草更問呼鷹臺條鉞想  
耶律側自秋氣哀卓帳九部萃射虎羣官陪鹿醬進深甌菊  
醪潔新疊登高幾朝夕又見城闕積昔之守燎處今有瓦礫  
堆古王掩羣雅置網在八垓鐫鏡得常節腰臘無費財游畋  
不敢盤成若誠仁哉虞箴久不作野館生陰苔

登焦原山石閣

朝朝坐山中舉眼山在闔脂車問僕夫近嶺云可達相將渡  
淺水取次松林歇我騎方溝間我童已木末修塗秀壁轉傑  
閣孤巘豁天風何蕭寥四面響蒼枯三休至者緩十笏望已  
闕旁有畫壁奇拂拭汚駝褐山鬼貌可怖海僧眼猶活年來  
雲霧深丹粉半剝脫還尋梅花石曲徑斷蘿葛獨立嘯虛無  
長烟翠如潑

重游靖嘉寺至馬鞍山絕頂下爲明司禮監牧馬坊  
大奴守天育金多布精藍百年神駿盡常住惟佛龕昨游僅  
彷彿未究孤筇探重來足力健一往門扉諸經堂急鼓沸樵  
徑清鐘韻紺塔更斗上危塗標蒼嵐斷溝俯河潦狹巷指劇  
驂黃精無地刷白雁俄已南行將采霜菊歸共疎梅簪

宿彭浦

晚塗貪遄征卸馱失常店荒祠道左開綉窠翠帷艷何神擅  
血食從者珥長劍諒非山水人亦遽袍笏僭道人衣襪穢耕  
稼業自占芻蕘驟馬充萊果賓客屢平生困羈旅每藉行路  
膽對此寒風嚴能不自媿奈起視月猶遲屋頭星閃閃

寄題西山滴水巖

客游獲龍子珠僧定擇鵝王乳挈壺欲應六時穿石遂歷大

柘坡居士集卷五

八

古

和大宗待雪三首

侯偏飛檐碎玉聲乾風仍繞北林鳴皮冠不出高邱暮丹燭  
無花徹夜明瑞應封條憐鶴語寒徵種麥慮蟄生 皇畿旱

溢頻年告更忍三冬困久晴

堆鹽庭院不成團激箭年光又向闌好句未教吟謝女閒愁  
翻欲臥袁安畱泥指爪鴻飛絕過嶺蒼黃大吹難撥盡爐灰  
肌粟起玉樓無恙五更寒

蘭臺侍從郢中歌呵凍初成感物多爲望同雲沾士女先懷  
舊雨寄羊何階前萱草將探策江上蘆花待著蓑未必風簾  
終不舉來朝盈尺晃鳴珂

爲中林先生題中秋大洋泛月圖三首

百詠繞題鳳卯山一舟又逐鸞帆還青天有月皆同看黃木  
無風只此灣鳳卯臺山名杜集古詠詩先生官臺海時所作  
潮來萬古奏彭鏗不似繩橋合樂聲五色洋高天漸近笑闌  
月暈幾重生  
過時清景付茫洋繪得空虛作景光萬里莫愁無倚著金樞  
水府總坳堂

受銘游天台山還以石梁觀瀑圖屬題書至而圖不  
至賦寄

桐柏宮前夕照寒壯游歸後寫驚湍鴻飛只送空函到練影  
何由淨眼看卜築爲隣期總遠畫圖相對事猶難寄詩聊索  
桃花笑更乞與公賦蕞殘

三河道中望大梁小梁二山出雲山頂尚有積雪

柘坡居士集卷五

九

平楚接天寬衆嶺與之際清雲晨滃楚春氣發潛閉中峯薄  
吹絮橫半忽綸曳俄頃徧羣山列嶂互虧蔽其顛猶積素旭  
日照妍麗日高轉晶瑩寒氣益淒厲巍峩如有待飄忽又無  
繫爲念山中人誰投紫烟契

游圓通寺

山居有聚落烟火村塢深獨來雲際寺開我塵中襟丹堦圯  
宿草碧葉展舊林物性各生長具見天地心入門殿宇邃磔  
磔鳴午禽當階兩松樹坐久移翠陰歸雲戀晚岫流水縈清  
澗乘月不嫌遠沿溪還獨尋

北石渠晚歸馬上短述

老馬鈍如蛙昏黑頗識路行行逐清流徑仄踟高步回看晚  
翠淨高下與人互一時御雲還不復辨風露樵斤響更遠亂

石塞前渡攝生懸箔嚴能勿虎豹懼明燈俄一點疎轡越墟  
墓啞啞護巢鳥孤飛亦歸樹

詠夾竹桃

縹箭一叢繁園桃又返魂蒼蘇相映發風日正溫羅架密旋  
連屋筒新未伏盆爲歌江畔路水煖上河豚

自天津抵東昌舟中雜述三首

黃流漲連宵衛水竹箭疾微聞石價開已報金隄溢乘舟別  
直沽逆浪爭萬一奔龍勢躡退鷁心惕怵桑蓬志四方衣  
食靡月日滯畱久海濱夙夜媿華實賢兄綰銅章百里喜初  
秩相攜適南雲便道問家室驚波吾敢畏夷浪終可必夙興  
命榜人端坐進蕩漪昔賢到叩喙九折駁曾此

紅粟聚江淮飛輓歲百萬牽連巨艦長踴躍卒夫健南來塞

柘坡居士集卷五

十

廣川北返據長堰邪許震壓居中途雜賈販仲統舟最小張  
歛更遲鈍輟槳誠所嗟觸籬無乃困順時甘守拙涉險利言  
孫聊爲塘上行再進瀨閒飯

溱雲起無時大雨行溽暑漂蓬劇焚絲鳴席復萬弩緣隄水  
浮纜隔岸雷破柱危檣折舵中不定迅風鼓蓬生能鎮定積  
沫等衆煦但惜百卉腓可歎一足舞此疆連歲侵秋穫少乾  
土蓋藏罄室懸振救指天庾齊魯荒更甚比戶奔驚金天河  
不可挽天漏詎可補勞心在大人吾艇何足數晚照曬魚梁  
低頭理篙艣

七月七日濟寧守牖

齊南秋早冷殘荷太白樓前又一過乞巧人家喧月露過歸  
客子阻風波三年陳跡蟬聲晚雙闌清陰柳色多莫便盈盈

怨相隔黃姑猶自限明河

瓜洲

幘歷連街樹深烟曉尙昏樞疑鳴野渡帆已挂城門鐵甕城  
何處金山塔獨尊暗雲生細浪江有識風豚

渡鶯脰湖

蓴絲未老秋鶯啼放船斜渡清湖西蘆洲灣環如脰曲水鶯  
亂飛蘆葉綠或云湖波淡黃有若鶯領文晚颺細細斜暉  
舊游到此春二月盲風折帆帆不發大魚跋浪揚修鬚平波  
臺如一粟危蒙衣入市手挈榼店門早閉濁酒如滌糜何意  
此來風色正淨穀千絲凝曉鏡過橋白鷺見雙飛隔浦紅荷  
畱數柄湖中女兒玉雪膚一生結網供魚租魚租無多魚種  
好銀鱗五色浮丹朱作羹勸客清而腴終身不入西太湖太

柘坡居士集卷五

十一

湖銀魚亦珍美但恨魚身強健魚頭羸我來不及銀魚候歷  
亂晴蓑挂秋柳猶勝前春中酒阻風時靜守寒簪臥湖口

初歸嘉興題北郭新居壁四首

稻花深處結柴荆南陌東阡十字橫鄰近鐘魚資佛力巷疎  
冠蓋得山情烹雞作社年時稔種柳當門樹價輕一水蕭蕭  
澄晚碧小窗憑罷濯纓清

頻年借宅困通錢燕壘鳩巢屢卜遷詎可舟居常岸上不禁  
家具滿車前一枝寥落樓同谷數屋零竝破玉川編竹茨茅  
畱次第短檠先就壁光懸

閱境升沈悟蜀莊飛蠅擾擾百年忙郵亭認客柴車賤買肆  
衡才舞袖長建鼓求亡情本拙鑿池防火計猶良閒搔蓬首  
看風葉又滿幽風九月場

越嶺衡陽雁過稀荆株南別夢相依牽絲帆楫公程急奉膳  
甘辛子舍違瘴海墨雲須藥物仙山丹竈稱儒衣江流聞說  
秋濤減眠食何如欲奮飛

駕鶴湖采菱曲五首

菱花向夜開花落湖波紫脫儂荷葉衣染取菱花水

雨多菱易熟過熟斷菱絲要煮雙雙角休愁七七期

則菱落也

菱角如雞豆南湖水不深莫擗湖北去菱角銳如針

一板橫船腰郎來艤船待郎坐東頭擗儂坐西頭采

菱船易損菱更喚菱缸載湖上一缸盈湖邊數簾賣

湖上賣菱以簾計

過岐上人故菴

摩竭居然掩空扉長蘗苔詩篇隨手散香火別宗開一拂

柘坡居士集卷五

三

多事雙林去不回人生老病益爲悟衰積

游金陀汪氏園卽曹秋岳侍郎倦圃

倦翁著書處倦圃翦荆榛寂寞斯人去秋風獨鶴馴

穆湖晚眺過小雲臺還入香嚴寺四首

陌草秋深沒履牆人家落葉一條黃小菴如芥清湖曲厨下

烟生過野航

湖魚白白釣輪輕葭蘼聲中郭索行尋得渡頭空腹樹禪心

和水坐來清

竹屋誰家晝不開樓欄牆角葉成堆藤陰賭酒連旬醉已是

秋風十載來

路盡何知更有村空林雨冷復沙昏彤牆不蔽長蘿碧一桁

橋關對寺門

城西南陳氏園看芙蓉花復至真如寺

市南壓長虹湖尾置別墅廣除闢翠寒圓沼濤曲阻幽花孤  
且晚玉潔秀葉楚懿茲深谷芳媚色乃貞處游儵萃衆樂鳴  
鳥矯一舉遲客久未來沿流復登渚

宰官發洪願捨宅城南陌佛爪久紛飛浮圖鎮遺跡秋光相  
輪淨鈴語西風隔遙看野鶴盤片段殘霞赤前村穉稼熟細  
路牛羊夕更戀石闌斜松聲散晴碧

重九日曹曙瞻外舅招游晉山用杜樊川九日登齊

山韻

晉浦遺踪共鳥飛墓田猶賸小山微未零黃葉明秋晚無恙  
寒潮慰客歸

予以乙卯冬歸游晉山今年矣

玉杖不扶翁健飯翠尊頻酌月澄輝

柘坡居士集卷五

三

同仲芸過楞伽禪院觀項東井所畫楞伽禪院圖

乘暇攜朋好禪林踏夕陽開門雙鶴起入室一松長語妙僧  
無答圖佳樹有行高人今不作遺墨重珪璋

陳毓恬招集張九野林亭二首

元月流光徂義馭迫短景詩人如游鴻物外刷孤冷喧卑城  
中地何處望可騁獨尋仲蔚居蓬藿欣造請疎枝公暗壑敗  
葉塞簷井頗謂街巷通幸非車馬境移厨愛竹烟騰爵爵松  
影日月曾幾何弱木已癯頸酣歌撫石擔誰第甲乙丙對此  
悲白駒百年過俄頃

清言不厭夜夜淺月已高壺觴復屢進斟酌如秋濤諸公介  
石志各永鳴玉操苔亭蓬中麻本異牆上蒿蟻羶嚇鵲腐相  
悅脂與膏結交慎新故良窳肯共陶君子挾策勤小人運甓



勞何爲感時者早歲傷二毛北風搖百草榮色要以韜相期  
及春令攜手登東臯

盛宜山居士魚鼓歌陳函暉屬賦

陳君揖我南湖室示我竹身小鼓一長腰瘦面節目通弼以  
魚脣虛不實宜山居士昔寶愛銘字雙行出親筆塵封汗漬  
年歲深顏色陰沉滑如漆瓣香閣傾詩社散幽壙無兒螢火  
出不如此鼓長流傳屢閱春秋聽鵲蟬陳君與鼓爲蛩蛩負  
鼓遠游無客從去秋秋靈水斷道一囊遠謁天都峯入山出  
山兩足繭囊空幾處迷齋鐘手敲魚鼓行乞食鼓聲搖動黃  
山松南湖水淨浮寒黛主客茲辰坐相對客言重理山中聲  
白雨青山行一再都疊答臘何焦殺疏勒雞婁亦煩碎不如  
此鼓聲和平鏗鏘噲思將帥南湖早日烟縣縣漁蓬未開

柘坡居士集卷五

古

人晏眠鼓聲不休湖水湧時見魚尾空萍穿陳君拍鼓清而  
圓白眼看人青望天裸身作吏亦何快且迂田租祈康年

柘坡居士集卷五

柘坡居士集卷六

秀水 萬光泰 循初

江船集上

詩六十五首

有約天津春暮尚不得行却寄恂叔卽次去秋見懷  
韻

沽水迢迢午夢餘挂帆前約又全虛難同翦燭論心夜屢藉  
加餐努力書南國行厨挑筍候東風望眼陟冰初扶踈漸欲  
成新夏愁絕陶家草木廬

過古心禪院遂至吉祥太平諸菴四首

菜花雨後高遠近匝村陌得朋非夙期卽境有新獲長塘粲  
如繡遠水深于碧數里見漁幢幾家聚豚柵桑陰將食樵壠

柘坡居士集卷六

一

上已秀麥暫要田父言遂溯林棲跡

行行且復止谷鳥飛相交禪關可投足茶臼山童敲紫荊相  
映發蓓蕾連根梢竹籬亦迸筍稚子纓錦苞

風和足力輕更踏野香去胸中吉祥宅行得吉祥處空垣老  
蔓繁大石古松據晴看落翠飄靜聽游禽絮落花將坼藍色

澹得僧助鶴放亦已還鐘鳴忽如曙

有客市中隱偕游閒亦堪織簾手口勤賣藥名姓諳仍尋滌  
煩境野色紛繞巷堂中古德像幾葉分北南辟支惟好靜彌  
勒可共龕山雲持不去歸楫春橋淹

受銘歸自高安題其竹蒙詞後二首

大江西上曲何雄春水東流語太工千古詞家流別在一時  
都付客船中

聞道宮亭湖上還片帆  
壁得北風寒湖神可似巢湖姥乞與  
新聲壓翠瀾

贈汪康古豐玉兄弟

孟家兄弟城東住一室方壺四葉傳  
樹老歷年如翠帳書多連屋半丹鉛  
朋樽昨日臨花坐大被終宵對客眠  
遺藁碧巢重得讀典型彌復想前賢

外舅宅看牡丹和鄭悅山

紅雨吹香障紫絲荒庭還坼最繁姿  
宵晴合膩銅槃照春晚能轟羯鼓追  
話到分根搔鬢短眼看飛絮送杯遲  
彭州洛邑誰重譜莫伴煎酥墜好枝

次韻悅山移居

青楊菴裏種松居落落江聲倚檻疎  
東郭數廬遠雉堞南湖

柘坡居士集卷六

二

一水狎耕漁工文後世猶題宅近市  
前賢每著書雲路霄程畱未許可  
能瓜架待刪除

茅渠眉丈七十初度分賦西吳古蹟  
爲壽得峴山十

五老圖

襄陽山脈分吳興逸老堂成自嘉靖  
誰追洛社作新圖遍寫當時耆耄影  
幅巾閒雅深衣博九老聯翩六客併  
人閒復擬見顏蘇物外居然聚張邴  
應期燕雀同來往命日春秋分煖冷  
香其葦簫各無荒滅火循牆交有警  
丹青經久歸烏有傳記傳觀想清境  
山花雀桀比常珍山鳥鉤輅同祝哽  
座無監史誰祈爵筆有雲烟從露頂  
卽時酬唱墨盈牋不計蕭騷雪垂領  
故家瞻望惟喬木名士游揚多畫餅  
十同年會尙難如二百年來無此景  
峴山文物何難繼潯水風流重可整  
南園

亭榭自千秋西塞烟波猶萬頃調鉛  
我欲補輕綃汲古公誠得修綆此山  
常作畫圖看此士還同泉石永

小方壺觀劉松年蘇蕙織錦圖後有  
幽棲居士朱淑貞畫蕙小像及璇璣  
變幻圖記

纖經密緯紛如須有美獨居何麗都  
機聲當戶非織蒲采絲一片明樛繡  
吳刀脆澀女手瘡愁顏雖淡微歎吁  
安南將軍漢南居頽鱗不到蒼雁孤  
仙風飄衣輕五銖黛眉鬢髮凝脂膚  
莫言機中良袂揄羣姊亦是傾城姝  
暗門畫手近世無粉如初吮毫新濡  
六朝冠笄古桂襦辨析分寸窮型模  
卽如秋花階下臚向背一分新枯幽  
棲居士系小邾浙西侍官高堂俱偶  
圖小像氏以蘇號以若蘭如可呼胸  
中璇樞轉輓轡能借星象釋舊圖初  
從中央周四隅旋布粉墨丹黃盧八百

柘坡居士集卷六

三

四十相威紆金輪舊解猶猶踈傷哉  
若蘭夫壻殊相守不及秦羅敷七襄  
已甘織室輪千絲更歷愁腸紆居士  
平生亦憂虞聊藉翰墨相始始辛勤  
瘦腕支檠株泔泔疾首當風扶青衣  
侍兒解慰娛小家碧玉庭前梧疾首畏風瘦腕支檠株泔泔疾首當風扶青衣侍兒解慰娛小家碧玉庭前梧人生失意類此如何必閨闈殊冠裾西楊相  
公方正儒大書跋語衫袖烏國子先  
生馮具區印鈐煜熠紅珊瑚流傳絹  
本千載淪重綈今日歸方壺方壺兄  
弟雙韋珠索我作詩如索逋我無錦  
段貂襜褕空機終日營麻纈定當詒  
笑蘇與朱

綠谿八詠爲宣臣賦

甫柏山

蒼官何杉杉離立氣貌古中有清廟  
聲寬靜可歌魯

西礪



山花覆蒙龍一礪若遺索雨過急流乾亦疑晚潮落

藏經閣

經籍志隋書釋道經作殿笑問牀頭書老氏止二卷

荷衣莊

荷衣生晚涼白雨碎子豆緝裳伴幽人坐惜水痕瘦

石屋

山店木數層野老茅一把誰如穴山者以石代陶瓦

獨樹軒

城中非荒村樹老根若鐵却欠圓沙圍江船度殘雪

涵白齋

月觀與水觀百事悟隱几放雲彼何爲繪雪亦戲耳

竹樓

柘坡居士集卷六

四

架空無一塵洗慮對娟素秋陰竹母肥翠雨掃窗暮

幻居菴觀明人所書大方廣佛華嚴經六首

井序

嘉興城東幻居菴藏華嚴經八十一卷明季合蘇松嘉湖四府能書之士所書而乞書者青鎮寶閣僧道琳祖芳也始于萬歷壬子迄于崇禎壬午書成函于閣顏曰華嚴墨海後歸於幻居乾隆八年七月九日過菴飯老僧素言出以相示凡十六帙每帙首皆趙宦光篆書每卷首籤其名可紀者傅女循薛虞卿朱從古何原錫陳元素董孝初文震孟陳繼儒馮鼎儒陸廣明陸彥章陳瑞徵楊之翰吳恪朱本洽侯峒曾李宗之何爾晉李兆箕注明際顧于王周裕度呂克著王中立馮大成吳邦域吳道昌陸鑑諸人一稱江左沈郎不知何名也書行楷八分間出經八十一卷則每卷一人皆正書爲韓

敬杜大綬喬拱壁喬熙佐徐期生徐元嘏徐之彭盛國楨王淑民王瑞庭朱從古朱鷺朱朝聘侯峒曾侯岐曾沈宏祖沈廷脩沈永明沈紹文楊廣來金時振陸廣明陸士仁宋懋晉文震孟文震亨文從簡馮斗如馮鼎爵吳琪佩吳恪吳邦域吳道昌程嘉燧程廷尙龔繼極韓弘胤韓道亨夏胤都唐道孚唐世瀚唐瀧唐元望張元袞張暉李宗之李紫庚施道翀洪邦基董玉鉉蔣爾揚毛惟寅葛海一范元衡陳元素何原錫何爾晉周裕度汪明際顧于王嚴澂嚴柱嚴楷嚴楸嚴樾趙宦光釋子八人雲門大幻武唐光德釋真智華亭南禪比丘邱大徹華亭超果寺儒宗雙髻峯圓信華亭澄鑒寺圓照秀水黃葉菴大居沙門方擇女弟子一吳興廣緣以父命書者二王穉登子無田何起鳳子正國以目皆倩人書者一王重

柘坡居士集卷六

五

識代婁堅惟第三十六卷閔志孝薛明益二人同書第四十九卷缺 國朝曹三才爲補寫第六十九卷不著名第七卷後又有對者吳坦張人豪二人合之共八十三人真大觀也素公年八十晨夕禮佛著足處輒穴數寸詩名隣沙集皆少時作今亦聞琴不舞矣是日同觀者錢載坤一陳經業毓恬汪孟錫康古仲鈐豐玉與予共五人

一樓新築萬田環古木遮門望若山海國涼雲隨法住不知煩暑落人間

圓教西來涌海波憶持心口世無多獨將于闐去千年偈重正金陵舊譯訛

汧陽肉味到腸休菩薩仍隨佛語收紙翰無殊書格異勝分襖帖較湯歐

古錦生香墨未乾護如頭目尙零殘亦知證果分深淺不是藏函有缺完

容臺筆妙世爭推卷末偏無蠶尾垂更爲經王看般若蓮花

全勝屑金爲是日又觀董文敏所書金剛經及金字法華經

高僧八十眼雙明能說源流對晚生彈指曬經凡幾會顰顏無恙照河清

宣臣招看桂不赴

湛露零階桂粟黃巖阿幽思續淮王人歸鳳閣文章暇秋入漁莊草木香勝地招要勞置驛高天攀仰許升堂閒情媿比飛花嬾咫尺南山道阻長

毓恬招游胥山四首

行舟西風中舟駛如一葦攜具煩孟公望山情疊疊港口塞

柘坡居士集卷六

六

菱竿圩邊絡殘卉天容澹無爲野色榮有斐谿回動杯面橋過暗船尾迢迢送秋聲不問前路幾

疎林落碎葉進艇山光低牛場敗屋閉菜圃寒花棲孤僧不迎客細路尋昔蹊慘成烟雨痕滲漉莓苔梯厲風濟枿曰古木颺颺啼未言單紵寒且踏涼草齊

涼草滑山腰逶巡度深壑一年不來游石劍仍岸粵稻稂紛在野黃茂想于橐不僮土壤肥益信農圃樂梧桐種未老亂石相交錯伍祠既塵晦陸墓亦寂寞

羣峯繞左海一髮青烟彎不知是何峯妄謚爲機山眠鷗驚未起唳鶴招不還雜樹香蒼合遙沙如印環登高愁白露望遠凋朱顏胥濤怒不起太息清江灣

將之陽山連宿小方壺畱別宣臣潛起受銘坤一康

古豐王兼寄渠翁毓恬二首

燕薊奔馳歷幾年全家又上越江船蠻烟庾嶺新愁織錦石嚴灘舊夢牽稱醴有兄膺薄祿閉關無分守陳編馬入瀧吏聊煩問秋暝何妨去權遣

小院桐陰漲積霰消閒道暑屢經尋情如西閣畱連久會比南皮笑語深別酒通宵憐萬水清詩壓卷荷兼金相憐賴有梅充使十月花開好寄吟

自錢塘至常山江行雜詠七首

捩舵秋塘暮鷗沙半水寬離家天漸遠近海地猶寒日出移晨泊烟生就晚餐十年漁浦月今夜枕濤看  
查杳富春城平波百里程斷腸搖不到傍眼見何明遠見富春塔  
迴憐孤立山深想耦耕午風墟市語吹入放船鉦

柘坡居士集卷六

七

柏樹緣江岸江清岸照紅殘霞千片似隆火一山同收子耕童集披圖畫史工前灣灣未已再摺幾屏風

潮到桐廬歇山從釣瀨齊泉名存十九臺址隔東西歌哭前賢逝蓴魚過客攜臨風增感慨深竹盡蒼啼  
五兩連朝順重陽一夕來亂雲山外雨駭浪峽中雷白水何人會黃花此地開老親新健飯莧酒祝深杯

又復穿烟去蘭溪縣外江橋林枚計百碓屋杵懸雙牛鼻高浮纜鳬翁白近窗日斜山寺露輟權禮空幢  
樹杪常山近沿洄路阻遙一灘還一丈三暮復三朝水淺流如竹魚多細見苗年來知坎止不復急征橈

雨後坐竹兜至玉山口號

山行雨後洗無泥篴竹輕于木駛隄一霎草萍街易過鷺鷥

飛處見江西

南昌道中答廷簡西顥叔堯卿天津見懷之作四首

樵谷農山未易淪浮江且作獨吟身經年會合期全誤萬里  
緘題意却親魚尾莘莘勞上水稀膏軋軋阻方輪情瀾漫比  
流波闊覽面詩篇地越秦

尹兒灣口柳辭條最憶深更密炬銷衛虎精神陪奕奕袁羊  
名理聽超超愁來遙思憑明月夢後閒踪逐暗潮西郭南街  
游歷舊停杯想又話蓬飄

跨海旌旌鼓角雄書生磨盾雪鳴弓昇平歲久兵尤重閩越  
疆連路易通少日懷鉛期立鶚幾人投褐傲停驂卷旆任說  
無心草未必春來百感空

柘坡居士集卷六

八

章江沙岸織如絲奉母安行到處遲隔省鄉音童子怪過灘  
風色長年知湖經彭蠡難爲水閣到滕王例有詩誇向故人  
應尙妒素衣久矣厭塵緇

十八灘六首并序

十八灘者吉顥之間最險灘也首惶恐次漂神次縣津次大  
蓼次小蓼次舞索次曉次崑崙次梁次橫石次銅盆次青洲  
次狗脚次大湖次小湖次石人次天柱至櫛潭鼉灘而出灘  
諸地志次第增減不一惶恐或以爲黃公漂神或以爲標神  
縣津或以爲縣繩大小蓼或爲大小料又爲大小湑舞索或  
爲武索又爲武朔青洲或爲錫洲大小湖或爲大小壺又爲  
大小烏江又爲大小烏澗土音譌轉不能悉爲定也唐時謂  
之顥石李肇國史補以南康之顥石比蜀之三峽孟襄陽詩

顥石三百里沿江千嶂同今考十八灘止一百九十里孟詩  
蓋兼龍南以上諸灘言之非入南安道矣進灘最艱每歷旬  
日子舟適遇順風僅一日半而濟因口占六絕以當棹歌

已過百家邨俄看萬安縣灘聲響如雷灘水急于電  
數灘得一廟靈旗矗秋雲拈香齊望拜禮薄心殷勤  
祈得東北風直上西南路梁口人家多吉虔分界處

洗脚船頭坐船如駿馬馳十灘一日過不必請灘師  
亂石如江豚水滿石難識行到大烏江一時風浪黑  
忽出櫓潭口歡聲雜櫓謳不須多筆墨八詠至虔州

游南安東山歷明右副都御史劉原芳墓登元武閣  
遂至山頂還過道源書院不入三首

柘坡居士集卷六

九

九九灘流出灘窮也到山雷連舒目極登頓試腰頑弔古殘  
碑剔憑高傑閣攀澗泉涼沁骨濯手送潺湲  
石滑馳樵擔菴深晦佛燈危厓俱竹障廢圃半沙崩跋草因  
尋塔穿松不見僧梅山門外路歷歷直于繩  
下嶺聞絃誦何人隱市槐深衣新立社治事別名齋長道塵  
容抗名山舊業乖明朝真嶺外鄉國更天涯

過大庾嶺

積陰布重雲曉日隱遺燎怒風窮巷來倒入五侯廟衝寒扶  
長幼先後隔輿轎預恐豐扛欹端坐學垂釣長陘拳古木升  
降碧虬肖哀響發刁調百鴟一孔叫輿丁怯斗上慾憑暫延  
眺微勞和四肢緩步利衆窳開山溯唐代重日先天曜曲江  
文獻公奉命開奔峭史簡不備詳碑記撮其要至今當關途  
屈曲瓜抱紹松梅一百里蔥鬱騰騰殘燒屢添正德裁常護開

元詔正德甲辰廣東布政使廷舉下山山益積外內賓主醺又如天居

嚴九牧肅觀頻他鄉隔暄冷異候與歎弔繫此枯樹愁尚有

英德碧落洞

萬山峙湏陽面面英德石誰將巖積痕倒作峯勢坼佛宮置  
空處牆色浸江赤藤蘿綠繞之虛室不生白何年呼鷗鷺長  
此曲闌拍去去辭盤渦莫近龍所宅

將至陽山灘流益急舟篙之勞過賴江數倍適敬懷

兄遣吏來迎寄詩二首

沿路看山五涉旬連陽山勢更嶙峋茅簷夾岸窺今日松桂  
成林憶古人偃臥船窗魚鳥熟逢迎驛館吏民新卽事章帶  
須披束一笑知兄簿領親

柘坡居士集卷六

十

榕陰官舍看應近柳外風帆數益遲亂石爲羊成叱馭懸流  
如布困登陴無田棲隱勞何憾有字平安緩亦宜明日辰良  
波浪減短橈準機釣魚坻

陽山縣齋夜觀牧民山火

西風入山山尚青牧兒遺火燒荒坳日沈月黑微見星東山  
煜熠西山冥聯縣十里游蝦蟇又如秋宵散寒螢旋明復暗  
遮翠屏一燈忽上紅亭亭金地掣電光流鈴勢不可遏雷擊  
霆重甌沓甌峨窺陘突尾不曲羹成鏹迴風復帶椒檄馨吹  
灰餘力暄寒廳車薪欲救窮挈餅嚮邇勢迫心無寧廣廈聚  
族蕉夢醒渴赴陽儀迷門庭毒蛇善虎齒百齡禍并玉石焚  
頑靈嗟山非囚何赭刑或言此事春耕令積燼壅糞冬淵淳  
時雨應候流濁涇或言有獸彘籬扁藉以擣穴搜潛腥中山

集詩衆所聆畚田雨卦占簞筵煖灰下種芽坼町茗穎雲發  
無蝗螟火耕之說誠典型言焚獸者何聽焚獨憐山黛凝娥  
姪書臺遺刻多古銘偃松雖短可扶苓忍使濯濯牛山形我  
來寄迹隨流萍愚民難醒限寸莛作詩寫物兼叮嚀璅詞或  
者聞女丁敢效皇甫書圖經

羅浮竹葉符歌

劉仙壇邊竹葉符綠如蒲澗初生蒲佩之登山可以厭蛇虎  
神人保護遠勝雲陽呼我夢羅浮蒼翠接南渡東江缺舟楫  
空聞夜樂有丹鸞復道朱明多彩蝶到難欲賦終難到漫想  
青龍乘竹葉山中美人篁中居日來寄我雙明珠蛭涎鳥迹  
繞葉紆我欲識之一字無衡岳重探神禹碣洞庭私守靈威  
書平生愛訂看山約拂莽披榛山路惡隨身五嶽得新圖換

柘坡居士集卷六

士

骨一丸過上藥葉中醫缺非雕鏤四百三十二點蒼烟秋其  
間曲折亦非篆隸籀水簾之水潭沸爭春流雨漬風翻蟲更  
蛙文同吳鎮無圖處誰能句漏尋砂來我欲山陰采箬去

初游塔溪至釣臺謁昌黎韓公像卽用公陪杜侍御

游湘西兩寺獨宿有題因獻楊常侍韻

湓溪山所官平地生國險履夷審危端導近識遙漸盆中列  
疊洗席上聘琬琰羣峯愿而恭孤嶂望之儼荒花聯斷級冷  
翠實虛丁歷茲寒序深未覩秋氣斂蓬麻歡剪刈穀粟奔料  
檢檐低撲雨航籬闊展風簾叢篁弱偃草亂樹挺刺芡安歌  
民志舒力作吾徒忝地寬佛屋創塔迴僧室掩循牆紛荔牽  
倚石甃苔點掃途溪纓繞回望山旗颭卓幢呈碣砥函偈鎮  
怪麗深流夏最怒碎沫冬稍貶蹈喜素礫清蔭惡曲樹韶長

磯隱股脚古像表着臉蓋以赤闌新護甚白圭玷瞻貌真識  
韓愛陰逾分陝人奇精爽弘地僻牲醴儉昨宵殷雷奮今我  
農耜剡炎方暖奪寒瘡土勤補歉塵勞易沈沒歲紀亟荏苒  
未能飛遞從暫與靈境染行當搜顛厓暗窟窮明燄

夜坐聽三門灘水聲用昌黎合江亭韻

薄雲從風東列翠旋海左晴光啓吸噓宿雨欽欽唾琉璃月  
壁正玳瑁星珠佐興沒皎千燈光怪繁百貨南灘水羹沸西  
郭濤鶴和寂居城重闌危坐舟一箇奔虛道忽遠加厲岸有  
圯未安驚猿啼欲起蟄龍臥戰車晨爭程續火宵查課推波  
險未夷障手狂可奈平時氣雄驚歷事膽孱懦未堪鼻駒答  
邊藉指絃播窮山薄生產小竊出寒俄比戶難誅尤得情忍  
欣賀牒訴風葉積敲朴土牛情醇良非三古惻隱及四座憂

柘坡居士集卷六

難孔懷分閒喜良夜破開簾山色蒼萬象卷塵泥

立春前一日積雨初霽登東華寺佛閣三首

三冬文史幾曾闕綵勝春光又道宜南食漸安便遠宦北堂  
常健慰佳時山溫幸免寒肩聳地溼惟嫌澤國早庭葉不衰  
階草綠索綯竟夜雨聲垂

誰道天無三日晴紅萍侵曉亦東生象牛出市喧簪鳥葦簫  
連村沸鼓鉦殘歲一句船下瀨新田千耦鳥催耕印牀鎖罷  
班春畢弟勸兄酬樂事併

佛閣前溪後背山望鄉愁客欲偷閒靜看鼠跡行鐘鼻悶數  
蝸廬落幔顏僧老無言松塵冷人歸如掃竹門關青裙挽菜  
誰家婦節物他鄉未盡刪

柘坡居士集卷六

柘坡居士集卷七

江船集下

詩六十首

正月十三日見燕作

春雨晝濛濛初來燕受風舊泥尋壘暗新火試燈紅翦紙啞  
鄰女祠祿誤社公山城節候早正月似春中

北山寺觀瀑布遂至游息洞登韓公讀書臺而回卽  
用公送靈師韻

窮山晝夜雨水處如蛟人置身辰漢絕翻手雲雷觀解后屋  
收潤微茫階起塵東林挂白日西閣撐青旻一峯漏窈窕衆  
岫升嶙峋客來勒山郭我亦忘撰辰百靈效新異羣蠢斂腐

柘坡居士集卷七

陳空原鬱野馬大樹叢山神苔滋劍三尺藤縛弓六鈞巫言  
矯電舌鬼服狂巖輪羣飛禽翥樂聚嘖蟲吟辛長坡再岌岌  
旁嶺皆困困放牛寢訛久墾土舊畝新耦耕半女婦交語雜  
越岡歎珠得泉大懸布尋源真乍闕眩端視久立危高堦磅  
硯河出華湫濕江發岷鐘鳴啞秋寺雞唱笛寒晨過橋見精  
舍牽袂隨儕倫哦松手特撫仰桂檐重巡昔云招偃蹇今豈  
無沈淪踈風送竿籟磐石褫帶紳後跋盡山脊前踰跨江潯  
遙思區寶輩共聚貞元春提筐摘荒萼投綬牽潛鱗餘風賁  
草木往迹疆城闕佛骨官又貶潮陽海之濱經涂亦可再後  
游無復頻航奇寸陰速選語一字貧還瞻書臺近左與巖洞  
隣先後羣幼率登降高陵因題名富前罕刻句紛州民靈地  
華國寶微帶寒門珍洞木晦互弁穴草青交伸遺世事絃誦

安心棲陸沈彤霞徹戶映翠佩緣陔循執珪吟似越登樓家  
非秦少壯不努力南北屢問津榆枋蜩翼息渚陸鴻飛遶陳  
編漫束置奇氣空調馴司徒三物作秩宗五典惇詩歌豐鎬  
愷文治荀楊醇盤桓向空谷媿此禍與巾

石厓山觀宋紹熙元年磨厓聖傳頌

并序

石厓山在陽山縣北五里山頂石壁高二十餘尺廣倍之刻  
皇宋聖傳頌并序紹熙元年正月十有五日庚午迪功郎連  
州陽山令管勸農公事張本中賦并書又有大峯之顛東麓  
之地數語亦本中識按紹熙元年光宗即位之次年也岳倦  
翁程史云中興授受之懿追婉堯禹一時薦紳名士親逢盛  
際濃墨大字以侈千一之遇者間有之而史不多見因獨載  
廬陵王才臣子俊淳熙內禪頌一篇今考本中是篇蓋亦才

石厓居士集卷七

二

臣之類惜乎倦翁未及覩也

空巖到頂山級窮林疎石瘦荆榛豐野人導客尋古刻藤枝  
綠暗藤花紅高餘二丈闊四丈撮襟大字書當中首言二聖  
體天地卷舒進退陰陽同次言詒謀逮孫子常臨父母忘高  
崇頌詩七言遡皇極意配清廟歌臣工旁加短語亦幽絕石  
泉流水平陵通法苑禪舜古所有父子何必睎重瞳拓拔宇  
文事佚樂首棄國政傳童蒙唐之四君亦倉猝事等刳制非  
純終微欽北行宋南渡光堯太上中興隆興授子年鬢暮  
竊然汾水觀鴻濛淳熙之末率舊典率官格祖開明聰頌揚  
君德臣子職內禪作頌廬陵翁邊州窮邑聲教遠好事亦有  
張迪功一朝將種司內政連歲不謁重華宮都人隱憂臺諫  
泣引裾排闥聲鴻瓏嘉王攝位幹父蠱草草時勢同癡憊信

知禪讓非美事盛德有媿穹碑礪紹熙歷今五百載越南軼  
事隨沙蟲惟存正氣不磨滅或爲震電爲奔虹海陵覆舟碣  
大節厓門負帝祠孤忠茲山豈亦神鬼護子立僻壤光熊熊  
兒童敲火牛礪角讀罷四望蒼烟空扶筇曾看家人卦吹船  
未著涪溪風澗泉滌筆聊一賦明月冉冉桃江東

費滄杜自山陰以揚州石塔寺井中蘭亭拓本見貽  
賦謝

中興名蹟失重編瘦本飄零異代傳古井無波沈史後殘碑  
如玉渡江前紗籠詩裏鳴鐘寂石帶評餘斷鮮全蘭渚邗溟  
今並遠相貽仍藉子猷船

病起雜述五首

桂陽天氣太溫和藥味生多病亦多半夏苗前人晏起紫莖

石厓居士集卷七

三

一一卷新荷

窗陰故紙出螳螂窗下青莎蛺蝶藏一樹芭蕉花落地竹簾  
遠近賣蕉黃

去年蠶月住家林蠶豆詩成酒自斟是處團圓家亦好出門  
無奈少鄉音

畫省相對語琴堂立夏前頭早放忙白苧葉高黃葛老病人  
惟道木樨涼

梅銷嶺上未開梅轉駒成陰醉實垂如箭光陰如梗客暑平  
又是北游期

送校士丈歸里卽次其游越秀山韻

先生昔在都每晨越明光國子與胄子恂恂列門牆教成齒  
子學衮衮含省香大材獨難施僅以一邑當越邦富林壑土



沃山更蒼衡波拾錦石紡薛升丹房簿領事不廢足民且知  
方水火濟寬猛琴瑟調弛張歷歷治縣譜可以聞天聞東西  
北江水越舫幾回揚鬢須江水白遺愛江水長一朝以喪去  
無轍攀黃五月暑炎盛挽舟陽山陽九年都下別烏兔奔  
茫茫依然老經生高步論禹湯錫我新卷軸德音過隰桑全  
豹半斑露大海一蠡量江干復解纜淒然惻中腸先子平生  
交有幾同韻頌

次韻薛尺菴參政銅鼓

吉金最古首山鼎後數三代兼秦權越銅鼓漢時出鑄成  
馬式百體全伏波北逝餘鼓賸文奇制詭窮推研樂瓠裔孫  
百牛購比重鐵券盟言堅胡盧笙圓竹笛短都貝神怪花樓  
偏浴日亭前制尤古蝦蟇水族緣其邊旁州別縣亦間出似

柘坡居士集卷七

四

鑄九府流刀錢遠隨鐘聲應洛下近挾劍氣千斗躔泗溪掘  
土往往得荒畚圻臺荒蒲塞千椎既寂翡翠活五勝未蝕丹  
砂鮮土人好事態傳會海潭嶺嶂虛名懸新寧縣東南有銅鼓潭山嶺東南有  
銅鼓嶺桂鄉東南有銅鼓嶺高要縣西南文昌縣東南有銅鼓山異事更說韓襄毅手除瘴霧清腥涎秋  
月千營會組甲春雷百面轟雕筵樂經鼓葦思將帥令吾懷  
古欽高賢嶺東薛公治韶石五經作筍邊腹便考古不屑尙  
功下正樂欲迦奚仲前詩成若響應千里嗟予客此空經年  
波羅江高隔驚浪廣利廟遠遶長天水經聖鼓迹更近故道  
尙亦迷流傳聖鼓道在陽山不量材薄復賦此臥想躍冶飛炎烟誰人  
牛鐸遇神解舉世瓦缶方喧闐笑持魯鼓繼薛鼓韶峯此夜  
應鳴絃韶州有鳴絃峯

六月二十七日西竺菴遇雨同章士耕

六月街無暑城西灌木遮過橋雲起亂隔竹雨來斜溼碧僧  
廚火飄紅佛案花坐看秋再插生理羨農家陽山雜詠八首

陽山雜詠八首

仙令謫來垂釣神人隱去讀書飛鵝祠下擊鼓洗馬街邊建  
旗

山泉一冷一溫潮水十盈十竭客誇胥母觀濤我愛洧盤濯

髮

稷裹黃茅乍熟彩裁白葛初涼雪蘆四月吹岸粉籜三冬過

牆

摘茶峒女歌聞斫竹山家路繞經年梯上懸茄計月籬邊飛

鳥

香花瘴生閉戶紙鳶風起登高紅襟燕雛三鵲烏柏蠶駒八

柘坡居士集卷七

五

練

雨村紅豆齊收水市黃薑漸賣裹鹽客去烟生撥網人歸月

曬

寒草綠于春望蟄蟲喧似秋鳴雪不到垂繪壤雷猶作破柱

聲

豐年楊柳陂修小邑鷓鴣戶狎宮花廟口看花水鴨塘前看

鴨

八月十六夜環翠樓對月懷敬懷兄廣州

今夜仍完月光先近水樓徂炎西候減遙思北江稠試院閣

猶鎖歸航待抽陰蟲牆隙叫聲有別離愁

九月一日復離陽山次日過清霜鳳凰二灘遂出三

峽

清霜灘接鳳凰灘別淚山城拭未乾  
小雨和風三峽出慈幃  
昨夜夢應安

沈口祈風虞惠如廟

苦衣曳深潭潭匯去船急繫船丹竹陰  
石路拾高級明神卷翠帷  
鸞髮玉珪執英烈紀唐年鐵船水軍習  
榜人所順風稽首寒沙澀醅容牲醪散  
義色旌旆立鳴竿衆客返博飯數鴉  
集三五溪根民昏烟聚樵汲

望南華山

亂山濛濛暝香水江聲注烟濃香見岸  
月澹紛疑樹幾點蒼然峯陳仙墓何處

庚嶺尋卓錫泉遂入雲封寺謁唐張文獻公祠三首

梅關相近日趨西便筍聊休白竹攜老樹橫斜前度路空厓

柘坡居士集卷七

六

明滅去年題收茶打稻鄉風別負笈牽車物理齊總爲奔馳  
負秋色小家庭戶自豚雞

孤亭危徑出泉涼滿菊曹溪法乳香碧影晶瑩僧眼淨圓光

浮動佛脣長雲移不見池邊葢葉落仍投石上牀新好叢花

吹又萎一時疎雨散寒芳

風度樓前江水圍山顛重謁冷雲祠還家疑夢蘇耽井去國

殷憂海燕詩一代經綸傳右相千秋袍笏照南枝梅銷庾勝

遺勳在不得溪毛共進卮

夜雨南康舟中

滿耳瀟瀟岸不波船頭開闔響烟蓑情連客舍離腸惡興入  
僧廬暮景多一昔江干踈髦柳終宵蓬底驟新荷殘燈剔盡  
囊衣溼無數危灘又暗過

夜過南昌仍不上滕王閣

風急帆多塞暮川停橈夜渡火明船西山積翠迷無地北斗  
連珠挂在天再至有心期九日一壺終未酌雙泉詩成且傲  
蒼菴叟舊館無殊十載前

楊基詩十載以前猶有閣三王之後豈無文

安仁道中看紅葉

十月江程氣候暄明霞寸寸翦秋原寒林八幅營邱畫雜樹  
千株錦水園青未了中晴翠滴紅于花處夜霜繁羈人奇絕  
生狂叫漁子樵翁總不言

水碓

俯仰逐鳴淙飛糠矯雪龍雷鳴山小過風轉日高春腰石勞  
何獨心亭險有重頻頻船上瀨愁絕杵聲逢

小車

柘坡居士集卷七

七

羊角獨輪車如聞軋軋鳴過隄榮輟淺停市側輓斜名士高  
軒重鄉人下澤誇儒冠千世拙輓輅且天涯

廣信鍾靈橋長百餘丈中十三環榜平礎闕目所僅

見今年七月爲水所毀

秋水百川至長橋一夜摧危闌猶堵立亂石已雲堆掘地功

衰矣稽天勢壯哉魚頭人戢戢更起浙河哀

關浙江淳安等處被水尤甚

將至玉山戲題所乘校船壁

鏡錦頻來往名梭象物宜穿花魚過疾纖浪鳳銜遲未近支  
機地何年挂壁時嘯歌吾不廢臨別爲題詩

龍游見菊花有感

一年山縣聚團樂手種秋英未及餐今日龍邱山下泊數枝  
翻就客船看



月夜宿大漾

寒月山顛懸溪面如旦晝一舟宿深隩來艇互相就淒颯  
老物萬木嘯玄欬篙杙失堅牢船移順灘酒幾家住蒼茫一  
徑覲疎秀言猶紆楚尾俗已近吳味旅思難成眠深居羨巖  
構

五更過嚴州再用前韻

舟行趁風定夜起不待晝月落江路昏曲折與灘就娟娟起  
宿驚噉噉墮驚狖枕畔奔幽泉因知渡深瀆嚴陵山大好石  
怪遠松秀擁被何所聞惟鳴衆雞殊劃沙更前征短堞隱層  
構

七里瀧三用前韻

翠嶽千巖來雙眼搖短晝高臺峙巖腰釣竹俯可就藤幽倚

柘坡居士集卷七

八

山鬼樹密挂風狖遙憐江漸寒亦似泉納漚高嵐生隱霧樵  
唱一峯秀擊竹無昔人誰誦朱鳥味憑舷欲畱語好句不能  
構

將至杭州四用前韻

連山壓桐江三宿始出晝忽看富陽城天水闊相就橋烏風  
色轉舟子捷林狖騰空縱飛帆翻訝潮不漚高邱菊既晚偃  
渚葦猶秀纔經漁浦潭便見鳳山味回瞻來處峯奇絕天所  
構

出杭州艮山門黃昏至塘棲曉起已抵皂林驛矣書  
寄里中諸子二首

塘棲鎮盡寂無譁兩艇相朋趁夜竿魚梭屢逢疑雨響雁繩  
橫度想風斜衾絛薄後天遲曉驛鼓喧時客近家鄉語數聲

殘月白倒衣起坐尙啼鴉

長亭五百望吳畿今日遄歸健似飛黃葉詩情千里在青泥  
書檢一年稀尋山短艇乘烟載刻燭深堂到夜圍料得盟鷗  
情亦切久凝青眼盼征衣

小至日重哭姚氏妹三首

寒雨飛林葉寒聲謾謾摧大雷書不到小至日重來和扁居  
然絕膏肓漫自催遺言無一字零落可勝哀  
悔昨全家去經年病始知飛鴻過嶺隔歸楫出江遲懷抱兒  
同喪啼呼女尙癡七歌同谷淚愁絕是鍾離  
慈親衰日甚每飯不能多道遠猶頻念人亡更奈何成書空  
悵望投筆再滂沱珍重難兄弟多方慰髮皤

題項孔彰雜畫三首

柘坡居士集卷七

九

易菴畫樹用意爲下筆偃蹇蛟龍蟠江干有七三似之思翁  
一代俯首推墨林之孫繼者誰雜樹

墨雲白者雪風葉掃江淨潛魚依織杼飢鳥墮鳴磬凍手扶  
枯篙曷不蓬底聽雪艇

榮荷浦澈徂暑密雪汀洲苦寒獨寫叢蘆叢雁潦痕新退前  
難蘆雁

游城南陳氏在野草堂四首

南邨曾住十三冬最近籬門到便慵今日隔城翻一到竹間  
題句墨痕濃

青銅鑄水鏡圓方紅礎縈廊帶短長幾陣栗萊吹壓帽螺潭  
廟口昨宵霜

橋邊度曲曲瓊瓏將外調鞍小步工又占道人林下趣芙蓉

殘月柳絲風

主人來少客來多  
多少塵踪負薜蘿  
此際曲闌併無客  
寒花誰與慰蹉跎

公詩集

初冬夜同康古豐玉小方壺分賦得李璧注王荆文

宋詩首歐梅體得雅頌所半山起臨川元音繼鐘呂獨探二  
謝與不踰少陵矩俗情嗜肥體真味誰見茹丹陵李文懿盛  
業在疆圉戰功錄中興閒書著臨汝排秦危奏上平蜀大師  
舉何意蟲魚箋又出隻手巨前經餅瀉水時事絲貫村淮江  
南北閒如見公出處遙思熙寧法所負亦矜許得君既久專  
同輩遂齟齬遺踪見吟詠末路太淒楚消憂禪客心失意老  
兵語墨香凝斷錦蠹粉落殘楮徒存雁湖名莫問鶴山序寒

柘坡居士集卷七

十

臆喜共展寒具卻粒妝再賡元豐行吾亦望多忝

題元祐黨籍碑拓本

元祐黨碑祐陵立諸賢名氏駢琳珪溫公冠首文呂繼三百  
有九隨摧撓大書皇帝行孝弟旌別淑慝窮根抵殿門東壁  
御筆寫其外諸石臣京題即時黨議遍郡國貶遷禁錮多方  
齊羣邪刺天公論倒衆正掃地忠顏低我思宋德本仁厚自  
年無事怡須黎更張失度僉壬出沸羹覆餗喧蟬蛸引弓反  
射君子鵠鑄鼎象物相訶詆悼京代典竊末緒衣冠一網封  
鯨鯢燕雲再失六賊死國事潰壤無涯隄發端交咎洛蜀朔  
授人以隙生媒梯寧知平陂關國運洛陽早有鵲聲啼崇寧  
之碑三度刻瘦金書毀蒼烟迷桂林崖壁亦漫漶此本出自  
江西西吉川饒君頗好事重葺大石良工封京書不改年月

續慶元戊午秋風淒淒呼京也有筆力少年曾學徐會稽龜  
山寺書太清帖往往落筆詩人攜即看此本亦疎豁姓氏直  
欲君謨齊不書皇極書黨籍枉暴寶玉投溝泥請書元祐開皇極黃山谷贈張文潛句  
復思慶元偽學禁亦借黨籍相斐縷元老倉皇窮海去大儒  
局脊窮山棲毀賢侮聖靡所屆故智不出尋常蹊宵人故智  
行有盡正氣終古騰虹霓下爲崧高神降獄上爲箕尾星連  
奎

寒星

清夜天垂下元冬昂過中一枰沈斷港幾點件殘鴻密想銀  
釘換稀憐畫角終征鞭曾指看愁絕汝州風

寶祐四年登科錄聯句

一代孤忠列光三年盛典刊運丁南渡晚王仲鈞星動上台寒

柘坡居士集卷七

士

額俊求金鏡光臨軒駐玉鑾姓名龍在榜仲飲食雁于磐人  
賀廬陵瑞光文騰貢舉歡後庚符奠鼎仲同甲讓翔鸞久道  
陳無逸光前車炳大觀蓬茅忘避諱仲符澤待安瀾接武才  
尤盛光捐生節共完舟中論道席仲江上誓師壇養士朝廷  
厚光籌邊將相難連城烽火警仲當國論交謹涕泣勤王詔  
泰崎嶇開道鞍關門除鎖鑰仲都邑進壺簞琴破傷囚楚光  
椎亡負報韓靈魂皆碧血仲歸里豈黃冠曠劫遺編在光絲  
霄短燭看拜憐花映髮仲奏想鐵爲肝治業分經賦光添差  
備職官宴仍精義仲設仲笏改集英光殿端準勅繙錢倍光崖  
詩湛露溥新銜簽節仲度仲舊事志臨安柴市精靈肅光崖山  
歷數殘招魂歌重節仲賣卜淚追彈九死消吞炭光千秋定  
蓋棺清風薇蕨老仲正氣日星千衍義開筵痛光成仁論世

歎雲萍誰作錄仲惶恐昨過灘芥信魏科拾光根從利器盤  
鵠袍多窈窕仲慎勿事華丹光錄中第一甲第一人文天祥第二甲第  
卷官則王應麟也久道無送等皆文山筆中語談後唐近接蘇軾  
附基之運文山謝表中語宋史陸秀夫景定元年進士與此錄不同

臘八粥聯句

嘉平歲饑終原野穀成熟光高廩登黍稷貧士備旨蓄已禁  
七日寒未欠一年祿仲勞農澤大普祀祖儀先肅春磨各  
相詒招要更有粥仲造創始祇林烹煎到部屋分香華盃供  
候火沙瓶宿光配豆滑數匙雜果甘一羽膠牙或加飴染指  
久斷肉孟氣蒸甌滌冰響送魚敲木仲凝膏清溢面填塹飽  
送腹熱宜吹噓對涼廢暖咽祝光維時風雪交宜此餽飢族  
大慰餒而寒兼可妥與僕孟屑豈山下榆煮異松根茯漢臘  
祠于今孔銘餽自夙仲兒憎救麥滑客嘆咄嗟速已忘著簞  
柘坡居士集卷七  
主

秤水

斟酌中河水豐凶隔歲占寒權移炭墜淺渚汲魚潛極淨銷  
冰柱高懸瀉谷簾始春衡正協古井浪俱恬職守玄冥重均  
調樂氏嚴已平雙甕貯預想數星添江海流何盡銷銖校已  
織針姑兼葦卜次第物華拈

掃塵

老屋多年敗飛埃屋角長掃除資縛帶披拂及升堂落屑紛  
如鋸吹灰競繞梁兒先尋鼠穴婦欲理蠶房衣素愁爲緇纓

長欲滄滄縱橫散書簞次第置琴牀燕地方糊壁邠風既滌  
場南榮朝有日蓬華爛生光

送炭

熾炭誰分爇風淒歲序單閉門衣褐短過市栗薪乾擔重顏  
肩壓條長束竹攢崎嶇經雨雪剝啄問瓢簞向凍晨餐并初  
溫夜坐盤直身干世晚內熱受恩寬篆火香爐撥蠅聲石鼎  
安雙銀今價賤不藉辟寒丸

銀磨

兩石他山合荒廚善手攻枝磨知積日斤運看成風堅銳如  
穿札巖頑利擊蒙砧疎鳴夜午火急迸春紅幾畫縱橫列千  
溝脈絡通經硯聊自厲磨磨竟多功行螳流光疾疲驢舊迹  
同清齋修軼事血味瓠盤空

柘坡居士集卷七

三

柘坡居士集卷七

柘坡居士集卷八

秀水 萬光泰 循初

間漁閣續集乙丑

詩五十三首

宿清河縣聯句

朝發清江浦暮宿清河縣鄭尚麟雲歸日銜衣岸折風裂面光  
逆水帆檣遲勞人髣髴變沈威舟如雁齒連沫作蟬珠濺泰  
可輓綬聲甚譁過闌色猶戰向登高望楚州溯德思禹甸泰  
在昔初決排此邦極清晏培春浪靜桃花秋濤順竹箭泰  
庚三詔煩賈讓三策繕向侵尋徙東南浩蕩并淮汭光  
資轉輸灌田惠耕佃培因循既歷年利害亦互見泰  
頻告徐揚災屢失高大奠向討謫勤廟堂奔走瘁史掾光  
効力材

柘坡居士集卷八

一

勇登經費殷實選培赤蘆連岸崇青柳福隄衍選威紆制湧  
流倉卒塞奔漩向回瀾計誠周習坎至終存光我行值泮冰  
彼岸迅激電培薄寒映層層殘白浮片片選推蓬萬象集轉  
楫百怪現向魚鱗河伯宮鳥翼江妃殿光殷耳神絃喧瞬目  
靈節炫培中流津吏愁半渡篙師扑選從來恃忠信聊爾弄  
筆硯向遠思蒼壁沈近問紫魴薦光舵樓晚飯香店舍春醪  
賤培明燈燭孤燒險韻句百鍊選夜久星斗移話多童僕倦  
去家日以遙南顧益懷戀光

汶上謁梁太師王彥章祠

魯北齊南境梁臣墓尙完鐵槍名不朽畫像記曾看侍史戎  
衣肅行人席帽寒浮橋三日戰河水舊隄殘

夜宿東光同汝咸點燈游普照寺觀鐵佛

夕陽投旅店餘興踏繁埃古佛銷金鑄春城把火來雷空無  
講樹雨場有經臺暗井波誰探昆明憶劫灰

三月三日都下陶然亭修禊卽席送天扉詹事假歸  
嘉定二首限三字

無處堪停野外驂城根閒地有精藍亭開近歲幢猶剝蕪集  
良辰酒倍酣修禊詩成追癸丑得朋占就利西南名花亦共  
游人早隔竹桃枝放兩三  
侍臣歸權指江南分手前期預盍簪申紙幾人求畫藁垂簾  
鎮日欽棋函如天春水平于地第四陽關疊已三聞道浴室  
傳召急練川桑柘莫頻淹

楊村題壁

卸馱垂楊外長條客思搖塵輕經雨壓虹斷得風消海國三

柘坡居士集卷八

二

春暮津門一宿遙題詩畱異日燈火夜頻挑

和紫仙脚痛紫仙一

雪翁年七十強飯壯夫如三日坐相隔一節行忽徐王微非  
病寒陸繼正耽書細數平生事詩成幾墜驢

送荆帆移家南皮

西津蒲葉密于莎攜拾琴書走一舸客裏爲家芳草斷天涯  
相見落花多五官詞賦今誰將太史波濤昔有河野井炎冰  
無恙否廢臺爲我更頻過

銷夏第一集分賦桑苧翁茶具得炭撾

茶事重烹煎欲清先執熱擇炭既有秤製撾亦宜鐵豐中一  
尺引銳上六棱設微碁星散零善解冰破裂深宮琴作樣豪  
室獸和屑慎爾當權能直柄莫旁掣

寄題岱贈上人盤山柴背菴

柴背何幽絕層峯一碧遙高僧見方竹亞歲結團瓢城化人  
爭歇包輕我欲挑幾句春雨過豆菜早生苗盤山出豆菜

答樸存慶都見懷

京峴城頭看落暉七年鴻迹問漁磯周郎陸弟江山遠越角  
吳根去住遠紅豆寄來書鄭重綠陰尋去夢依稀陶唐虹電  
存祠樹吟遍霜皮四十圍時以竟年廟古相歌見示

銷夏第二集蘆筍聯句

已過河豚時蘆芽尚爲筍光短葉未紛披長苗欲潛引潘世仁  
虛中空土室直上圓波隱查須繁雜蘚苔根屈互蛇蚓劉文行  
行涉曲渚采采徧幽吟查搜剔不厭深拾撝俄成稱光販夫  
喧巷陌窮子動願吻世買歸比竹萌供食繼舊本趙濯泥蕒

柘坡居士集卷八

三

自牧解羈縻在韁馭畱尖駢指纖去節利牙齧翁居然山澤  
壘不與烟火近光牽連玉切珥演漾水浮準世開筵薦鮮新  
入饌屏肥腴體解熱雜寒冰清神佐良醞文闌干盤易空瑟  
颺頗還殷翁昏情殊非薤苦味異茶堇光澹泊志可明咄嗟  
辨豈窘世白露零蒼蒼西風一朝緊趙

煎茶畫梅歌寄汪近人楊州

淮南有高士結屋青杉中杉陰時時畫梅樹復有水厄日飲  
茗汁如王濛遠道無由作若會想見風爐響松檜畫梅會對  
一兩花雪後水邊還竹外近聞茶損一目成偏盲猶能映窗  
弄筆曲折承窗光長鍊已完茶亦熟啜茶看畫春風香大明  
寺中泉第五東閣詩成興千古繁華地有冷澹人桃李膏梁  
盡塵土新芽都統籃舊夢中峯菴種梅何必庾嶺雪種茶何

必蒙山嵐人生適意是鄉里官園野驛我亦思江南梅花味  
苦茶味甘

銷夏第三集抱甕園分咏得梔子花

曾入宣城詠當堦雪意陰無風猶逆鼻有日得同心定色依  
僧澹澄懷與道深封侯名國等千畝憶秋林

乳燕

纔見新巢定將雛羽又豐試飛初掠水哺食能銜蟲物理生  
成易人情子母同癡童愁早起簾戶若爲通

雨中飲心穀花影菴

結菴喜與屋簷連折簡招登竹下筵銷夏光陰河朔會逃禪  
賓主飲中仙高懷自昔憑絲竹醉語從君問聖賢漢上題襟  
連歲隔今宵重聽雨聲懸

柘坡居士集卷八

四

銷夏第四集分賦津郡古蹟得滄州蘆池

長蘆參戶地置縣始宇文城空屢遷徙故老忘前聞惟存蘆  
數畝搖動清波紋至今蘆池蹟遠配蘆臺軍秋華吐白雪春  
蕩屯綠雲可碣亦可檻鷗鷺飛成羣相傳包轉運莅此政務  
殷官符禁鼉鼉效勝壯鞠焚事微人則重土厚草不蒞誰與  
繼清德觀水懷神君

烟

小草紛塵市何年火利開神農經失載呂宋國移來葉槁乾  
時切花紅露下栽麴生風味似爲爾減深杯

讀葛洪神仙傳用淵明讀山海經韻十三首

伯陽稟奇質長耳口齒踈周時隱柱下扎子造其廬彭祖尚  
無爲不造詭惑書獨行人不見壘設馬與車勞身爲上藥養

氣爲嘉蔬深藏去淫志壽與天地俱奈何房中術穢累素女  
圖還看五千文字字箴銘如

初平與方平一壯一童顏一爲牧羊子去家三十年一縉五  
色綬來往羅浮山朱衣不足羨白石庶可言

我欲縮地脈舉足登青邱壺公入壺去長房非我儔復聞黃  
盧子禁水能逆流蘭舟桂爲楫浩蕩恣乘游

秦王一四海建都在咸陽方士說迂怪儒生議短長輶輶鮑  
魚臭一閉不復光豈知桃源中元髮怡然黃

趙昇守田穀七試皆可憐忘身取桃實絕意雲臺山世人多  
繫俗要道難與言不存松柏心難保嵩華年

蘇林種橘樹養母藉靈木董奉不耕田種杏滿山谷一時沈  
銅去快過熱湯浴國手無十全癥結誰洞燭

栢坡居士集卷八

五

孫登坐不語披髮空山陰王烈得石室重來迷故林解形嵇

叔夜死抱廣陵音養內未養外何以全退心

河東焦孝然閱世河流長單衣垢膩體寒暑無改常爲廬宵  
蝸殼白石充贏糧大雪臥荒原起視夜未央

劉綱視桃樹樹怯離外走攜妻入四明禁虎還見負女子勝  
丈夫神仙亦時有烏爪戲麻姑鞭聲在其後

少君事安期周行到東海文成食馬肝成山跡猶在叔卿非  
人臣去後武皇悔葆光期萬齡少忍不能待

薊子好閑居讀易悟易旨乘騾東陌行尸似屈鐵死生前百  
其身死後一隻履仙人髮尚元我貌信堪恃

負薪慰寒人點金濟窮士嘆酒雨成都火止雨亦止神人期  
利物獨善徒爲爾墨翟亦列仙九拒公輸子

蓬蒿有傲骨官府非清才蕭條真靈位迢遞謫謫來淮南習  
驕貴主者咸見猜人間尚可樂飛昇何爲哉

銷夏第五集題陸叔平蘇州承天寺福昌院圖後

福昌院者承天寺北院也承天屢燬而福昌獨完弘治六年  
秋楊君謙與客過院賦詩一章繼和者有沈啓南祝希哲二  
詩俱畱院中久之失去嘉靖中有僧松隱者求黃志淳補錄  
三詩而叔平爲圖總爲橫卷圖向藏真定梁氏今歸恂叔云  
平坡細路直不坳垂楊兩樹如垂髻雙扉白板常畫掩墻填  
亂石亭苦茅僧如高坐簡應對扶節二客攜尊匏竹閒一隻  
意尤寂看竹不語風帷捐佛堂蓋瓦制轉樸生空餘粒晨餐  
拋其餘小屋尙凌雜確房浴室通厨庖包山陸治畫矜慎掃  
坐不受俗士交偶逢佳勝亦揮灑明窗自解丹青包院題福

栢坡居士集卷八

木

昌本古院春閒草色如芳郊南峯儀曹得佳句興酣落筆騰  
瘦蛟同時妙友沈與祝後先次韻言無譟靈威不守風雨破

暗塵零落逃蟪蛄松隱上人善守典舊詩一一纖藤鈔更倩  
陸圖寫其勝略點水墨成莢苞佳詩從此永無極畫手百載

誰嘗誓承天之寺梁時剎頻經劫火鳴弓稍准張元末據爲  
殿石幢改建魚須橈英雄敗滅宮衛散麋鹿又上蘇臺跑二

三文士娛暇日昇平坐對雞膠膠函經幾卷發鬚匣金橋幾  
實垂林梢信知萬事少常住空中電露河中泡卷詩掩書起

長歎暑雨颯颯鳴菰菱

貯天泉聯句

北地秋始梅李廷礎潤若新沐涼雲興四郊光急雨灌羣木茨  
檐不斷聲查布帳旋張幅四角長繩牽高中心積水蓄繞堦

集飲益定沿徑走童僕初看注金莖光久乃瀉銀竹呂梁沸  
縣洪禮匡廬挂飛瀑喧鳴雜鼓鐘頻濺沫到堂屋小汲已干  
紙定多藏俄百斛空齋愴無事光嘉客來不速重輕較泉名  
厚薄試茶錄辟寒杼炭攪頻去滓縑囊漉觀空眼共明定  
弄潔手頻翳風爐紅一杓光雲盃洗三復頻轉響急禮鷹  
爪嫩芽蹙點拂無纖塵頻咀嘗有餘馥等盟白水清定加敬  
醴酒肅新經續柔酈光舊品廢張陸禮

七月二十四日東招飲七峯草堂

輕車歷錄過浮航認得城東舊講堂門外濁流河善徙窗前  
生意草長荒一觴喜有圖書侑數語何妨意象忘圖就雲峯  
還獨笑年來禽向孰翔翔

次韻恂叔對月

柘坡居士集卷八

七

寂寞潘懷縣鰥居對晚涼愁深星在戶吟久燭移房太上忘  
情少人間失意長青荷中婦鏡莫負照流黃

九月八日同潘廷簡陳東麓高季治潘遜修南樓看

月得然字

屋南秋氣爽乘夜踏涼烟看月初更盡登高一日前星光隨  
帽落燈影隔城懸是夜城外船楫俱熄燈重九多風雨今年却未然

送高岱原還新城

高子津門來半年詩酒共昨朝得家書歸思北風送黃花開  
尚多河水深未凍少緩亦不遲何為太倥傯君家噎泉口水  
木作清供門臨靈隱山窗對靈隱洞負米慰親顏明年足官  
奉莫歎羅江東十上書不中原已十上公車矣羅江新城人

晚叔前年巡漕至濟寧于南池重建杜工部祠堂還

朝得其像畫之寄題三首

工部祠堂沈水傍幾年秋草沒池塘南樓東郡風塵改史筆  
詩名日月光吾道長城非崑崙同時短薄失丞嘗楚雷巴火  
遷流憤白酒惟應翼耒陽

河流滾滾萬艘開使者天邊泊粟來洗馬無人攜畫艇飛翬  
不日照蒼苔堂成路比西郊熟筵秩尊追北海陪懷古情多  
官事簡神絃遙與廟聲洄

西風繡斧又還朝諫草纔焚畫史招杜曲游踪花事老吳裝  
遺像墨痕銷餘波綺麗宜金鑄大樹蚍蜉付瓦飄粉繪基堂  
俱萬古辨香他日更誰祧

咏史

千金博得副車椎秦棧全灰亦快哉未共赤松辭世去已招

柘坡居士集卷八

八

黃綺出山來

悅山以秋日游法源寺觀蘇靈芝所書敬无垢淨光  
寶塔頌詩見示作此却寄

孟冬十月冬未立黃菊滿庭秋露濕河干野鴨聲如風中有  
幾行南去鴻鴻來遠寄故人字前月初游憫忠寺琴囊酒榼  
益友三古坊小巷城之南遙林脫葉松壓屋夕蟬罷鳴鐘鳴  
龕墻陰古碑至德載字有微凹為磨改市中墨本貴兼金寺  
內居然片石在無垢淨光寶塔王光天大聖文武皇天宅幽  
都鎮戎索神祇胎蟹朝闔閭人生紙墨何足費一字忠奸分  
賤貴平原擊賊大名垂遺墨至今有生氣曹參軍爾何為  
賊庭俯首甘委蛇永興戈法枉自秘中有鐵騎蕭蕭悲飯僧  
人遠啼烏悄門閣重窺丹漆繚函藏舍利神光無牙獻辟支



遺蛻杳忽憶前年寓一屋桐陰曾路晚涼天因君欲問棠梨樹更訪唐碑景福年

王具區攜詩夜過聞漁閣十一日

寒風如雨落枯條野客相尋坐半宵夏玉新篇詩律細顏山故態鬢毛彫談深茗渴銅餅轉漏永爐熏石葉焦已是清冬過一月比隣可更少招要

題心穀澹宜書屋

幽人結屋比秋滴枯木爲堂擊槁枝竟日關門詩挂壁終年畱客墨盈池吹華色界原無覺嚼蠟禪心久似飴駒隙光陰畱不得屋頭寒雪又綏綏

衣月廊

明月出東墻中庭澄夜景廊虛無屋遮來往見人影仙人喜

柘坡居士集卷八

九

乘光月褚無乃冷

竹間樓

高樓結在蒼筤頂啓戶開簾有竹風何日竹身長萬尺樓檐都覆竹光中

水琴山畫堂

琴仙與畫禪聽水復看山聲在有無際樂居仁智間披圖呈巖劣聞曲送潺湲昨寫越江意數峯清一灣

古芸室

藏比千箱積收如百貨居時窗時散帙不復走蟬魚

訪月東不值還過洪濟北極水月諸菴得好字

草隄束河流河外有高蹈單舟犯曾波冷霧壓破帽山人采藥去野雀聚堂與回棹尋紺園潭影石幢倒林楓無寄葉庭

竹尙霜冒諸菴頗相同偃息隨所好深窪斷宿葦斜日在積澇相待河水冰攜酒更一到

次韻恂叔雪夜偶成

畏寒不肯出深檐凍手枯毫放復拈雪好今冬畱一白詩來古韻壓雙尖農家夜語蝗蟲絕顏巷晨興酒價添鶴背僧腰知幾處清游仙佛可能兼

水西園分賦寒事得埋井并序

園傍河隄水升斗不敢內引懼潰也穿地爲井旁陂陲置水車春夏候潮上園內果蔬菱稻皆資之冬月地凍井甃易裂畦丁架木覆席擁以土若冢然噫井冬煖者也猶畏凍地苦寒可知矣

寒光洞洞歲駸駸玉甃無聲素綆沈俯仰終年機事畢江湖

柘坡居士集卷八

十

是處沈沈深春風叩蜀會窺火秋雨蛟龍任折金貧士自來晨興絕桐陰合遣薜苔侵

延簡招飲竹葉酒醉後寫竹一枝以贈并題

有分今宵竹葉杯當前只欠菊花開醉餘亂條無銷處仍吐雲光紙上來

十二月恂叔招同戴闇成朱崙仲周月東潘廷簡吳

驥調陳江皋陳東麓王履仁楊涵遠高季治潘遜修游海光寺酒中戲以冰牀代騎分朋校射

野寺重河外天寒問病僧清齋偏載酒騎馬却乘冰射事男

元習年光佛國仍遠林烟數點歸路晚潮增時沙後尚有潮

柘坡居士集卷八



柘坡居士集卷九

秀水 萬光泰 循初

瓢屋集 丙寅

詩六十首

正月十日恂叔海光寺放魚用東坡西湖秋涸放魚韻

層冰未開雪作塊野渚彎如兩已背橋南魚鼓喧千椎寺北  
蟹簾牽一帶釣公收簾喜得錢簍子拭砧行待鱸如天長者  
發慈悲隨地衆生全細碎素心止合飽芹菜蘋尾何難活湍  
瀨銜鉤涸轍等溝中脫網深淵真意外仍賡玉局蛟龍句勝  
率金錢螺蛤會東風解凍續清游春水方生魚到海  
是日復于冰牀校射再用前韻

柘坡居士集卷九

一

阮子胷中多壘塊半酣騎上蒼鯨背漫學驂騑地上行仍看  
弓箭腰間帶草枯飛將爭鳴鏑風急姜侯罷行鱸三中重疊  
雁行排百步從容楊葉碎緩馳猶擬鵲盤雲疾去豈殊船下  
瀨謹呼勝負舉危餘慘淡烟霜投旆外清齋臘八才前度韶  
景王正復此會水嬉忽動故鄉思雀墓廟前人似海

送廷簡歸杭州兼簡大宗西顯巖亮竹田二首

草色微茫雪滿河燕南二月未春和尋常保社催花雨忽漫  
離筵折柳歌獨往還山京國隔相憑寄字里門過驪雷迅邁  
俱無定不用臨岐感涕多  
青雲有路孰彈冠白日無繩自轉丸衣食驅人難閉戶雲山  
招客易投竿晨車願化飛塵送夜店須回落日看湖上故人  
多寂寞因風亦望訊平安

移寓瓢屋同紫仙季治恂叔堯卿咏梅影分得顏字

移得如匏屋踈花共一間春浮無雜樹玉照見清顏太白翻  
成晦非空亦自嫺吹燈尋昔夢黃月滿孤山

以端溪小硯贈季治 并序

予有端谿小圓硯銘曰秋瓜未落帶凍芋強抽萌嘲石亦自  
嘲也季治愛之因割贈

軒轅石鼎鑪豪句送到晴窗寫練裙匹似山家無物餉摘瓜  
煨芋夜畱君

食山藥作

藥味春杯慰忍飢數莖香到玉延炊種如人臙肥尤甚屑就  
瓊糜淖亦宜破衲裹來忘釣鱖長鏡掘處想蹲鴟半生齋  
甘貧賤不向齋房乞紫芝

柘坡居士集卷九

二

西園看白桃花未開同堯卿作

禁烟百五過匆匆走馬追看雪一叢越女容華天下白東風  
消息去年紅背時梅格開原晚入夜梨雲夢豈通酌罷流霞  
仙犬吠瓊臺愁共武陵空

曲陽安天廟唐李克用王處存中和五年題名碑拓

本并序

知曲陽縣孫君陞陞於縣北安天廟掘地得唐中和五年碑  
一上云河東檢校太保同中書門下平章事隴西郡王李克  
用以幽鎮侵擾中山鎮落漢步騎五十萬衆親來救援與易  
定司空同申祈禱翌日過常山問罪時中和五年二月廿一  
日克用記易定節度使檢校司空王處存看題至三月十七  
日以幽州請就和斷遂卻班師再謁辟容兼申賽謝便取飛

狐路却歸河東廿一日克用重記末云天會十二年七月六日尚書都官員外郎知曲陽縣事高君陳募刊按舊唐書中和五年三月丙辰朔丁卯車駕至京師已已御宣政殿大赦改元是三月之十四日已改光啓曲陽去京師遠故未知耳又克用親援處存與通鑑遺將康君立事異曝書亭集謂可補舊史之闕然克用史無太保之稱處存以檢校司空遣大將張公慶率勁兵三千合諸軍滅賊巢于泰山以功檢校司徒事在救中山前則救中山時不宜仍稱司空又金史百官志六部尚書皆有員外郎而無尚書都官員外縣有令判縣事而無知縣事皆事之待考者山陰吳君樸存拓一紙寄余且索余詩爲賦七言古風一章并識其疑于此

柘坡居士集卷九

三

動地夫牛喧中書門下隴西郡有唐賜姓朱邪孫看題司空亦健者泰山滅賊王處存于時西京新克復故宮禾黍九廟燔鎮州小兒年十歲受制幽部窺鄰藩河東河北倚唇齒號呼求救師出援至誠感神神默許兵不血刃車旋轅重尋舊題恰匝月光啓未改中和元飛狐口入大愷樂安行在席歸太原自從乾符唐事去地維頓絕天綱翻收城舉義兩第一帶礪要共河山論和事天子謬刑賞上源不悉鷄兒冤興元又出陰地敗英雄末路真難言電光石火一瞬息朔雲彈指歸金源都官員外郎好事豐碑元立光瑱瑤豈知道左猶燐血天陰鬼哭聲潛吞時平父老忘戰處賢侯美政絃歌繁讀碑人去農社散老烏啼上荒祠垣

漢氏成園丞印

并序

銅印一龜鈕文曰漢氏成園丞印按漢舊儀六百石四百石至三百石以上皆銅印鼻鈕文曰印比二千石以上銀印龜鈕文曰章今銅印如二百石以上而鈕取比二千石以上與漢儀異矣奉常屬官有諸廟寢園食官令長丞其外又有寢園郎等官百官公卿表上卷皆不載可知表之所遺不僅園丞也

古銅暗綠春陀陀六字繆文紅沫渦棱頑欲銷字不說千年客弄精華多奉常之屬不記秩廟寢食官奉饗餼園丞職與令長匹啓開典司同一律東都墓祭如嘗丞西都舊事亦上陵衣冠月出原廟與叔孫制禮櫻桃登丞哉丞哉爾何事坏土禁防縣繼嗣微官鈴誌鈕用鼻龜背未平疑詐偽昌陵作治鴻嘉中五年未畢門殿功戲鄉改奏移扶風六十二里非

柘坡居士集卷九

四

新豐桂宮卽位尊諸舅夜出微行晨辛酒外家恩寵今烏有侯印纍纍猶在否不如園丞職掃除寢園令常相於時來或駕丞相車謝病亦與相如如秋風石馬空悵悵銅狄潛銷印無恙飛燕皇孫嗟甲帳傷心更訪使仔葬

班婕妤葬

菊苗和堯卿卽用其董腫臙韻

老菊善傲霜寒畦每孤聳隔年老梗存磊砢而臙腫春深芽蓓蕾夏首葉鬱鬱初如紫蕨拳漸似翠羽總嘉禾困根莠佳士蔽傷燐已憐草縛根更忍蟲穴孔扶筠似結籬合瓦肖籬桶不學洪景嚴采擷入茶籠

五月四日雨戲改宋潘邠老滿城風雨近重陽句邀

同人和

是日

滿城風雨近端陽又在天涯晝漏長沒狗陰晴占北至分龍

早滂紀南方樹萱偏向愁中過曬藥能無客裏妨塗抹佳詩  
酬令節催租不學宋人忙

同團冠霞陳江阜高季治查恂叔堯卿分詠落花館  
雨中草木得樓欄

杜陵在左縣曾歌海樓木又賦蜀門樓青黃偏厓谷物微來  
自遠孤館亦見錄有用等漆桐不材異楮穀疎風搖大葉急  
雨鳴簌簌正似打新荷還疑灑秋竹木魚且勿餐翦亭對葵  
屋

雨中三宿西園寄恂叔四首

繞雷難休六月長潢汗吹湧擁車裳移牀何處逃宵漏乘馬  
居然宵野航高樹蟬飛初得陰深荷魚戲但聞香西園雨興  
真奇絕不負衝泥到草堂

柘坡居士集卷九

五

絮語明燈夜轉陰重雲寒與夢俱沈支更村鼓疎無節入幕  
秋蚊銳見侵破寂絲簾徒聒耳禦冬裘褐易關心愁霖喜霽  
平生賦襍諷黃門嬾重吟

清晨清景得全收徙倚虛廊更上樓烟外故人思裏飯檻前  
新水欲盟鷗千帆帶溼抽還卸一纜生潮去復留局縮秋蓬  
聽總熟畫圖今日羨歸舟

連夕連曉戶長落城中人至索詩來登臺伉俪煩憂集踴壁  
淒清晚照催御叔街杯聊侮聖秦優上殿孰倫才商羊黑蜨  
頻頻舞重爲黃流首一回

和堯卿方于魯墨馬

墨爲登甲筆陣詞宵作馬式誰始之平沙淺草無纏羈房星  
墮地光如磐紱麟齋中鍊吉日熊膽成丸杵鳴漆流傳但賞

寥天一虎脊龍文更幾匹昔人嗜墨衫袖烏亦有好馬尾鬣  
朱支公鄧公不可呼客卿子墨真吾徒

游王氏園

勝地海河東孤樓辟荔中紛烟垣竹翠搖日渚蓮紅靜數雲  
帆集潛聽石湧通締衣無熱鬧永晝坐微風

七月二十三日得敬懷兄二月四日陽山書卽題書  
後三首

三千里外五千塗八月前頭二月書信是衡陽無雁到一封  
常隔半年餘

阿母康強慰食眠團圓何日下章川昨吟清遠樓中句不得  
中男在眼前

移任滇昌事假真疎梅栽遍縣前村歸遲預想春初好一路

柘坡居士集卷九

六

看花到縣門

八月十七日將游憇題上方二山同岱瞻季治恂叔  
會宿東安石梁草堂

汗漫盧敖未許隨清游亦等列仙期人來物外交尤澹月過  
中秋夜漸遲破壁和詩殘蘚積荒籬陳跡暗蒼苔知田園自少  
簪纓想徹曉山心與夢馳

榆堡

千園榆柳合成烟巷北村南有市廛遺俗能傳醫樹法斷碑  
猶說避兵年

盧眺望延我別松門成老大南陽愁拜故家阡

涿州道中遇雨五首

沙路行迴臥紫駝涿州城外柳陰多十年高閣曾登眺無恙

雙尖宰堵波

巨馬東流紀水經紫淵遺蹟閱巖層塵纓擾擾淪漪碧欲就

荒陂問鄰亭

隱見村居闕屋教盡鋪山骨四檐高西戎板屋秦風句未似

燕南構石牢

曲澗分畦土脈腴秋深香稻長紅粳東風陣陣兼霰雨渲出

荆卿督亢圖

亂石推輪路更欹深泥更恨馬蹄遲明朝脚力何人健要借

琴高赤鯉騎

半壁店僧舍次恂叔韻

半壁仍名店人家傍稻塍車中愁遇雨竹外喜逢僧拄杖通

泉眼聞鐘上佛燈茅菴無課誦蓮漏一宵增

柘坡居士集卷九

游憩題山五首

西峪雲居寺

古寺藏深峪高門隔細泉雲多峯入牖日冷竹侵筵應器干

僧出疎寮百級懸唐年畱石塔風雨暗磨鐫

石經洞觀隋淨琬法師所刻佛經

大契丹清寧四年殿試進士趙遵仁碑略云石經七太平七年建名得數得

正法念經碑二百一十條大涅槃經碑一百二十條大華嚴經碑二百四十

條大般若經碑一千五百六十條自太平七年至清寧三年續刻造到大經

若經碑二百四十條大寶積經三百六十條總白經碑二千七百三十條

石經古洞秋雲露客來看經先洗心千回百轉行迹斷巖花

微笑溪蟲吟是時洞口日卓午光照洞石平如砧言言廣布

龍樹舌字字瘦綴鳩羅鍼分行不異垣宿映垂筆更訝屋雨

淋後墻闇黑須秉炬老衲導誦頻伽音其餘八室亦奇絕萬

古肩鑰迷窺曉春烟畫滃昏點畫寒月夜照渝丹黔窓櫺交

网露一二橫眠側立如聚樛薜蘿久斷山鬼怖龍象永護波

旬欽惜昔五千四百卷總集肇自梁華林開皇始別經律論

三部流布真源尋南嶽弟子改官寫發首勒石絕幽岑藏深

直比汲冢竹費大任竭祇園金歷唐五季函未滿太平續刻

遼功深千秋法乳流浩蕩大海木異牛蹏泚人間古碑日稀

少荆榛到處埋幽琛道旁遺愛作鎮石家中談語成荒琴嶧

山功德野火燎峴首勳績江濤沈十鼓何由遇司馬九經每

易逢劉鄒茲碑年遠獨完好一字不剝苔無侵高僧作事信

永久慮過葉漆南山陰自慚學書廢鉛槧更話作佛抽冠簪

鈔膽打搨兩難遂他時臥看攜秋金

曝經臺

不守垂堂戒危厓又強登板巢棲鵲落接臂飲猿升下界惟

聞嘯中臺忽挂藤躡經無一卷辛苦涉蒼校

杖引泉磐石上飲尋泉源不果

山中方脫屐水上更攜壺浮白觴俱滿流紅葉半枯萍蘋斤

竹澗洲島石魚湖去去尋飛錫平田道路無

香樹菴

小院同蒼荀孤僧別住持新陰萌葉盡舊事吼雷奇淨地誰

觀鼻私房好挂頭木犀花已過懶謁晦堂師

游上方山八首

入山

羣峯闔雙厓雲啓狹路出連坡走長陁奇勢拱與室墻危夾

壑邃白日黑于漆升虛履聲聞轉曲杖影失枯溝顯紫紆素

礫隱明瑟側想夏潦餘白練飛一匹攀援到石磴緇鐵神戰

栗出險歡喜臺履坦筮貞吉

宿文殊院

文殊尸利院中山迤西偏下視萬壑風鴻濛景青烟僧來收  
柏子蒼鼠鳴尾顛後園埤竹密刻字失紀年僧言山氣煖冬  
凜忘褐旃野梅繞地栽香似江南天復聞風俗古夜寢戶不  
鍵出無豺虎懼居有薪柴難潔身慕箕穎坐受塵網牽終焉  
寄一宿勞逸從因緣

游淨業大乘諸菴

山月挂屋隅粥鼓喚客起鄰菴阻陰厓升降勞步趾瓜花黃  
漠漠豆葉青靡靡矐矐旭日暹照見采樵子一菴連一菴進  
反如折水相看徒侶踈五里成十里

兜率寺

柘坡居士集卷九

九

兜率最初寺知名同梓州三門接鳥道屢費工匠修經堂建  
立遠如冠居上頭翁茸兩榮木長夏清陰幽四十二章經碑  
者馮保與劉蘆明時寵宦官權過十九侯利民以奉佛德福  
兩不酬賢愚孰甄別同器傷薰瘠

一斗泉

山腰一斗泉梁潯照人影分塗覓泉根重屋闕清冷微烟柳  
更窈幽谷燭待秉運肘志其方向矩如畫井山中泉有二泉  
泉甘美與之並茶具儻再攜歷試建茶餅

循紅橋過藥師辦香諸菴

旱龍過山逕遺蛻石面嶺中藏不可測蟄蚪與潛蛟披陀下  
石棱左右老樹交一條清淨水流入香積庖赤橋貫谿上人  
影立樹梢凭闌與僧言聲答鶴鶴巢

再宿文殊院

山深日早昏返照在石壁東巖銅盃敲西嶺木魚擊初來遠  
近喧久聽轉寂歷不比闌闌間聒耳沸笙笛草堂行就置毛  
鬢霜雪易閱世移搖蒲煩襟藉澄滌長歌紫烟曲秋氣凝慘  
戚落果打巷扇諸天一時寂

不及登摘星陀

林岑毘盧頂游子稀經過下俯伏獅厓上仰齋星陀星陀屹  
天際子立絕萬羅木梯級級空踏石如踏波同人賈餘勇攀  
索呈拔河進步百尺竿身與雲日摩日子濟勝乏中道紫栗  
拖歸來草菴臥半日怡庭柯庭柯悄無言野鵲鳴竹窩巖顛  
客亦下流汗猶滂沱

宿盧溝橋聯句

柘坡居士集卷九

十

日落下馬盧溝橋橋水迅急如涌潮征鴻嘹唳度驚鴈  
餘響散入孤雲飄飄市廛西合丹翠遙微茫略見西峯  
椒嶺明燈列肆行旅招負擔握算及士僚羸網鈴馭車  
鳴鑣足奔輪轉城郭搖俯閱流沙壁千條洄洑蕩刷  
喧晝宵遠源井代經荒要或汙于地阻礪礪馬邑一  
見波騰驤衆水漸會馮夷驕幸夾兩岸安不剽京西  
忽逾千岩堯鎮土疎脈散聲勢翬長驅直下如淋澆年  
年春汛桃花天亦越瓜蔓至荻苗田禾汨沒廬舍漂  
廟堂坐歎心神焦築隄建牖天濬挑水衡錢作金鍋  
銷近開水利資衰穠分水殺怒土力饒秋成穀賤風  
雨調窮士不復憂單瓢何年長虹下赤霄若纓係首  
帶束腰平如澄江鋪練綃白如仙闕堆瓊瑤後貌千

枚工琢瑯禮兀立柱頂毛毳毼禮攜持子母情性嬌光垂髮  
亦似嬰兒髻韻一十一洞穿岸寮禮般雷撞擊絞沫跳韻明  
昌營建功莫祧泰光修舉歷紀元明朝韻都人送客停使輶禮  
金尊油旆風蕭蕭韻牛輪殘月澄素朝泰八景分入詩人語  
爾夷猶吾爾何寂寥禮觀魚濠上物累超韻惜哉歸艇不可  
棹光泰

都下送俗瞻還盤山

不肯紅塵住離山旋入山破鎬同十日落葉滿重關童子驅  
烏侯高僧戴笠還上盤天一綫更約臘前攀

題查梅壑仿倪雲林溪閣孤舟橫卷印用卷首所錄

雲林詩韻二首

終南自有滌煩磯齒冷紅塵捷徑非釣罷舟回魚不得荻花

柘坡居士集卷九

士

深處掩荆扉

雲林堂內荆蠻民久雨無人過近鄰似憶貞居張外史特移  
菌閣壓溪新

宿康古寓齋四首

幾度將車又輟輪此行纔得故人親寒踪寂歷階前露勞役  
蒼茫褐上塵瓦合自殊魚就溼尸居何意雙求伸年華荏苒  
心期永竹屋松牀久有鄰

寓牀閒趁濁燈眠城關閑深夜寂然樹繞飢鴉啼暗月簷飄  
墜鏡響疎烟無邊鄉思斜河絡有待天光白日鞭也似西山  
最高頂曲肱難破睡地禪

曲徑荒榛物自遙脩塗如髮引昭昭虹光看劍多理蝕官樣  
論文少詠謠上藥正祈除疢疾先民翻謂采芻蕘寸心冷煖

年來悉努力肩持藉久要

會難別易最神傷牛輓仍牽海國箱身作閒雲游亦倦客如  
離鶴望應長三秋杜老踈今雨一水并州比故鄉釋念蠲憂  
何術是殘尊且對菊花黃

肅寧宋氏五烈女二首并序

五烈女肅寧西跑莊田家女康熙戊寅為強暴所逼皆自經  
死

河間有賢女志行如蘭荃四姑與一姪長幼相比肩自小工  
織作不解工數錢一朝命不淑鸞鳳逢鴟鵂回身各自愛次  
第樓中懸

劉昫舊唐書曾傳女學士華昭倫憲荀五女皆宋氏羣居誓  
不嫁入宮掌箴史彼女儒者家此女出野里後先瀛貝間聞

柘坡居士集卷九

士

風可興起

桑文侯處士抱鐺詞并序

處士名天顯幼以孝聞父病膈處士合羊脂和粥日以進父  
父卒抱其鐺哭不絕聲者三日善畫者為作圖屯田主事調  
元處士子也屬題詞

羊脂數合米一劑病父在牀惟啜粥父能啜粥子亦甘粒米  
勝于五鼎肉升屋泉某無歸魂束薪斷火鐺寡恩牀前呼父  
鐺畔哭抱鐺三日鐺猶溫嗚呼恨身不作鐺中米臨歿猶能  
進一七謂鐺不閒鐺有耳

微雪後紫仙招飲雪舸得畱字

雪意千林歲律道龍公試手暮旋收朋遊近局簪能盍屋似  
扁舟酒可浮豪氣無心談虎落寒威有味抱羊裘臨分更看

街頭月如此清光盍少畱

寒柳

西風吹葉滿平池已過鳴蟬聽蛩時漁舍烟消吳髮短板橋  
霜滑楚腰飢江潭漫說傷搖落歲暮何堪贈別離殘月白門  
空翠遠亂雅儘合併寒鴉

十月十五日同紫仙具區崙仲屏若季治集恂叔范

華館作畫會用少陵奉先劉少府新畫山水障歌韻

吾鄉畫會江干樹古幹奇枝紛似霧百年文采孰流傳惟見

清詩寫高趣明季吾鄉徐春門李瑞雲諸前輩  
會畫江干七樹圖詩見竹浪齋集余生學畫無家數意到

便隨神理遇塗雅點貯兩不知搖筆無端汚絹素治華館主

好畫度寒冬畱客調鉛丹分曹宛作玉壘戰轉瞬已罄金壺

翻何論平江與峭壁寧限落雁兼驚猿自笑頻年有底急小

柘坡居士集卷九

三

舟屢犯洪濤入萬翠蒼茫衿袖溼餘波跳作鮫珠泣棹郎曉

日竹間炊游子夕陽沙際立便將此景填空闊回首家山已

天末不如扶杖畫中翁梅庵茶科自生活諸君作畫通畫髓

我筆蠱跡難校比幼輿且著邱壑裏貂首犀腰付餘子他年

看畫開元寺品第吳王拂塵滓更誰敘祗推終始

戲和紫仙索聽心穀女奴琵琶之作集杜

何處鶯啼切蕭蕭荆楚秋如聞馬融笛欲傍習池游棘樹寒

雲色燕姬翠黛愁南翁巴曲醉肯作致書郵

餽鮑

五色南唐具寒風重御厨方從吏部得味到秀州殊搗辣香

浮箸添醯滓滿盃莫將蜚蜚裹齊語正盧胡蜚蜚裹齊語  
見齊東野語

石榴

剛榴北地貴品過肅寧桃餅墜看辭帶珠明笑解苞直牛寧  
論價少子却宜饗尙憶觴蒲候繁枝映日燒

柘坡居士集卷九

西

柘坡居士集卷九



柘坡居士集卷十

秀水 萬光泰 循初

江船續集 丁卯

詩五十七首

謝西顯惠宋蔡忠惠書萬安渡石橋記拓本

蔡忠惠公大字書萬安橋記碑第一伯施骨力清臣筋遠嗣  
右軍稱入室平園贊譽喬嶽重炎海文章驚浪汨金窠玉箸  
傳豈多蚤雨蠻烟反無失汪君別我五六年都下到津三兩  
日隨人作計會合難對月相思情意密寄將却有紙兩番珍  
重豈止金百鎰坐開尺素江魚烹宛對垂虹海石叱成梁十  
月本夏令水涸天寒農事畢既平王政民休和特發水衡波  
蕩滴始于皇祐迄嘉祐醴水飛梁四十七鑿鼓弗亟經營成

柘坡居士集卷十

一

竹馬却來文字出嗟君北上途迢迢適我南歸意倉卒阿兄  
遠宦久分襟有母加餐思繞膝破帆直指八千里險石清灘  
助愁疾膝王閣外問風鳥庾勝山頭占雨鷗卻思宋代清源  
近咫尺家門榮徽驛客途誰慮驛無梅子舍依然懷有橘故  
鄉衣錦人空羨此志題橋今莫必耦耕何日慰南陔君有同  
心訪蓬華

題錢龜采二寒圖爲具區

寒梅以花尊寒松以葉勝頡頏冰雪中正氣千古巨譬彼斷  
金交流言不足聽我鄉錢副使繪事絕踐徑今看二寒圖繁  
疎雅相稱自云右指路久已謝酬應特爲同庚人呵凍寫清  
興王君攜畫來邀我詩作勝晴窗日正明一片寒香凝

正月二十五日復離天津堯卿有詩贈別是夜宿陳

官屯次韻却寄

久作勞者歌益悟行路難陸登懼峻阪水涉愁奔瀾三年津  
門住僅作石火觀復有越嶠役往返必逾年此宵第一宿古  
屯號陳官孤燈燄燄易滅獨寐憂難宣回數昨宵會譚飲紛百  
端客嘲酒力弱主念歸思遒伊人獨病臥瘦若寒鷺拳知我  
將母殷爲詠閒居潘前征歎遠邁後會違高眠安知今夕夢  
不話旅店餐信還聊附句用比貧交篇

曉寒

犯曉辭溫衾曉寒燈不炯駕驂秣未停出戶路何賔旅人無  
久夢斷續車上醒春風勝冬颼潑水貫踵頂舊璽半體覆敝  
絮十指挺懸心日出遲霞氣香農町空村屢歲儉觸目半禪  
聚山雪我何悲短布尙掩脛

柘坡居士集卷十

二

桑園覆車別鄭雲弋

傍河隄不平土落馬足失車箱倒在田車輻壓我膝殃祥變  
轉眴幸爾坎窞出衆手藉輓推兩股猶戰慄前宵逢越客把  
手問聲律同隊渡清河周旋已三日流萍各根蒂羈鳥互儔  
匹將伯豈無情光陰一何疾高暉能遠照貞義難久暱西望  
塗不同瀕行意蕭瑟

雨後宿銅城驛

前年聽雨銅城驛今日仍然雨後來世事從來如兆定人生  
何苦不省開

鍾山

崎嶇昨路同宛折復村中種柳初溝水行車半帆風山名雙  
嶺出河勢一橋通漸入東平境騎驢憶阮公



二月四日臨城見月題壁

缺月纖纖挂屋椽行人靜對驛樓眠塵沙竟日因何事明日  
迦河又放船

雨泊揚州不得過授衣

詩人家傍董公祠吟遍漁洋集裏詩泥滑春城尋不得空江  
白雨細如絲

和坤一咸和四年輓歌

春雲作泥花作土客子還家十日雨刺船問友城東門魚市  
曉鯉河水渾主人居廬顏色悴積潦盈堦苔滿地一輒得就  
墻陰看上有咸和四年字質如石重校矩方盈尺不足盈咫  
強蘊沈既深于性靜辟暴不著其工良主人昨客臨溪水日  
有永安山在几耕人掘地侵土龍鄰叟分詒共石髓我聞晉

柘坡居士集卷十

三

陶久不全南宋僅賸保母軼交螭方壺地下破與寧寶刻人  
間傳是軼後出與爲二能記倉黃渡江事四郊不壘蘇冠軍  
百甓定運陶刺史燒軼誌年謀亦周千齡臥聽松梧秋誰憐  
衣襦仍發冢亦有牧豎來登邱餘不亭高山鬼睇薛荔女羅  
知幾世誰能更覓沈約墳我欲再補石柱記主人枕出復食  
貧弔鶴不至嘯烏馴歌詩已廢寥我句塲土正待燒軼人嗟  
我將爲粵行客歸期遙指江楓赤且畱銅雀香姜材換取梅  
花蕉葉石

三月三日杭州開化寺登六和塔觀宋紹興乙卯沈  
該等所書四十二章經石刻三首

江路日高暝東風汎陽林山鳥喚客出山空雲復陰脫我裘  
與縣登彼陵與岑不知山勢迴惟覺江岸深幾艇泊沙觜一

帆行鏡心漲洲互迴抱細激潛侵淫前瞻佛閣近前路猶嘔  
嗽馮巖休足力杳渺魚板音

桃花夾兩崖花外素濤入春江濤不喧風鼓浪微急漁人滿  
枝瀆曬網萍藻溼隱約定山村山峯似魚立寺門達下坡仰  
面飛翠挹握衣代捫蘿細草紛拾級花明樹更暗風細鳥尤  
集金卿未可逢松橋側僧笠

唐人重稷辰登高樂游原此日曲江頭何似芙蓉園邦人愛  
游賞士女輿騎繁靈圖獨靜鎮倒影江流吞僧言石壁古石  
字凹可捫佛光久擁護遠自有宋存宰官四十餘階列翔鷺  
駕容齋與雍國殿後尤軒軒羈心易怙悵行役空馳奔人生  
寫經老亦足傲立言翹首夕雲斂隔江鳴夜援

富陽

柘坡居士集卷十

四

三年嶺北橈重繫浙西潮栗葉村仍密桃花水未消郭邊歸  
火細山外客星遙不寐聽漁笛因風過縣橋

徒步常山夜自蔣蓮舖至白石街月中看梨花數里

二首

孤筇過嶺紆繭足更修塗嵐氣黃昏失花光白月俱穿雲行  
十里積雪見千株寥落三家塢微香映酒壺  
雨打不開門春風舊夢溫泉邊還自落石畔總無言吠犬投  
家急驚禽擇樹喧明朝蕪徑沒誰記踏花痕

鄱陽湖尾絕句三首

三十六灣風順七十二廟水長南浮地紀陽鳥北望山指康  
郎

蘆中日晚生烟柳下春深飛絮投書欲化魚烹網棹或成龍

去

江湖歲月易老塵土衣衫久昏今宵都陽湖尾明日南昌市門

張家渡守風得野泉于荒棘中

小市隔江汀泉流亂石青疲牛飲掉鞅閑客汲盈餅神漢嗟誰賞孤蓬笑屢停北風旗脚轉薦菊水祠靈

陽山雨中寄懷枚士丈南海時在粵秀書院

遠水一江空千家超超風別來經甲子客至說毛公鄉夢魚傳素書堂荔溼紅西樵山下路遙想亦冥濛

熱

向夕火雲升通宵氣鬱蒸不停秋扇撲只望曉蟲薨茂樹難招月涼房欲倚冰金柔纔再伏無計露華凝

柘坡居士集卷十

五

食新秬

緣溪水碓香六月穀登場雲子新抄白占城舊種良多收思帝力冗食媿官倉十畝山畚賤誰租讓上堂

柳子

渾渾復團團冰漿入夏寒相癯輕見屏柳癭醜同看峒女頻成酒溪翁昨製冠記書會說大獲落媿虛觀效蕭詩記書身大似柳子

敬懷兄以新修陽山縣志屬校爲題後二首以正舊

志之誤

注水 井序

水經云匯水出桂陽盧聚東南過浚注縣南出注浦關爲桂水注云水出桂陽縣西北上驛山盧谿爲盧谿水東南流逕桂陽縣故城謂之匯水又東南流出桂陽南至四會歷貞女

峽南出又合注水注水又東南入陽山縣右合漣口水注水

又東南流與潯水合注水又南逕縣故城又逕陽山縣南又南東流又東南左合翁水注水又東南左合陶水注水又逕

含注縣西出注浦關右合潯水謂之注口鄒氏序注水源流如此子按經言匯水而注言注水是貞女峽以下不名匯也

注于漣口水斟水翁水陶水皆別詳所出之山獨于注水不詳所出是注水卽匯水其云又合注水必是又名注水之誤

閱者不察耳匯水名盧溪水又名注水又名桂水名已繁矣

而山海經又謂之湟水徐廣又謂之濯水其外又有潯水出桂陽西北山東南注潯水入敦浦西又有注水亦出桂陽西

北東南注潯入敦浦西皆載在鄒氏注其注水一條在潯水下考潯水卽今之潯水也鄒氏于注水出關之後言右合潯

水則于潯水下亦宜有合注水之文今竟闕焉乃合注之文雖闕而于潯水又西南下反有注水入焉之文注水下又僅

柘坡居士集卷十

六

有注潯水之文而無注潯之說潯水出臨晉西南東南注海

入番禺西又頗與潯水相似又漢水所出所注所入一一與

注水同記載賸駁名號繁複鄒氏之失此爲最矣總而按之

注水卽潯水也亦卽注水也因地名而異則曰盧谿曰注曰

桂因同聲而訛則曰注曰湟曰潯因字形相近而謬則曰匯

曰注曰淮曰注其實止一水耳貞女峽今在連州注水今名

連州江含注縣在陽山東南縣已廢其地猶名浚洸屬英德

設稅務云

匯水東南流長波勢澎湃盧溪卽湟溪名異非異派試考注

浦關洸口卽名峇

陽山故城 并序

陽山在漢爲侯國屬桂陽郡漢書王子侯表有陽山節侯宗初元元年三月以長沙孝王子封後漢書桂陽郡下無陽山應劭謂陰山卽陽山師古辨其非以爲前漢自有陰山不應云是陽山所改至晉書則始典郡下有陽山縣舊縣志皆云東漢省陽山至晉復舊子謂不然漢之陽山當在嶺北吳之陽山始在嶺南耳水經注云泔水又東南入陽山縣又云縣故含泔縣之桃鄉孫皓分立爲縣此嶺南之陽山也又云泔水出茶陵縣上鄉西北過其縣西又西北過攸縣南又西北過陰山縣南注云縣本陽山縣縣東北猶有陽山故城卽長沙孝王子宗之邑言其勢王故塹山堙谷改曰陰山縣此嶺北之陽山也陽山旣改爲陰山故孫氏復分桃鄉爲陽山縣

栢坡居士集卷十

七

應氏之說未爲無據宋書亦曰陽山漢舊縣後漢改曰陰山惜言之不詳致後人論駁若云後漢省陰山以陽山爲陰山縣則二縣興廢尤覺明顯至于宋之陽山仍非漢之侯國其曰漢舊縣亦失考正茶陵在今陽山北近千里攸縣又在茶陵西北陰山又在攸縣西北南北逕庭何啻霄壤故以宋陽山爲漢縣舊名則可謂爲舊地則不可宋書不知陽山卽是孫皓時所立而疑爲晉後立時代之未晰其莫辨南北固宜至文獻通考則云陽山縣晉重置在泔水南不言吳而言晉誤同宋書然曰重置在泔水南則前此固不在泔水南矣今陽山地西接連州東接英德北界臨武宜章乳源南界懷集清遠而自水經考之則當上接四會下達含泔今之四會亦移而南非水經之四會而廣東與圖猶以泔水入其境內宜

其糾紛凌襍不可解也至吳晉時之陽山亦是漸遷而東鄧氏注云泔水又東南入陽山縣又南逕縣故城又逕陽山縣南首云陽山縣者陽山界也次曰縣故城者陽山故城也未云陽山縣南者陽山治也儀徵項細新刻水經注以故城爲含泔故城得無謬耶若縣治自唐時已移水北亦非吳晉之舊詳見元和郡縣志

一山改陰陽南北移墨食旣定陽山南陰山自宜北莫將吳後城漫認漢時國

雜言七首

賈山書但涉獵枚舉文好詆嫻得失寸心自喻佳惡後世誰知

終者必有初新者必有故燕昭之臺可以市駿骨平津之閣

栢坡居士集卷十

八

可以改車庫

齊兒多褻衣吳人盡小冠好尙隔鄉城遠如殊煥寒言通或言介徒令讖者歎

一把之茅可以棲井爨彼爲子孫基堂慮何遠不見秦夏時節土築阿房蒸土築統萬

風帆借風勢水碓用水功智者創其法利用凡民同康衢鼓腹歌帝力三餐宿飽何蓬蓬

若登高而建旆若順風而振鐸豈權位之有加乃智巧之不

我今屹屹亦何事斷簡厄言取復棄君不見府掾只三言舍人纔七字

花鴨

花鴨羽毛奇紅冠翠翼能言甫里隊獨立杜陵詩水煖鳴  
應遠沙清睡定遲提攜千里贈莫惜關關隨

病中檢得亡友大蟠永城札有感

桂管地卑溼體柔筋絡踈秋感動海鶴夕枕困河魚貞枝較  
弱植自感樸與樗豈無中道折亦有當徑鉅農興理巾衍中  
得故人書故人昔梁宋幕府助拮据書來說饑饉倉庾千室  
虛流移塞道路溝洫連川渠相羊歷五稔寒暑幾改除故人  
客土沒故札空函儲淒雲閣新墜荒草衰幽墟徒聞向子笛  
誰過班生廬懷新少歡豫撫往增悲歎杳杳蜀州作棲塵愁  
索居

和敬懷兄螺山張侯廟祈雨有應

芙蓉祠上芙蓉峯七歲神人能縛龍前身恐是張龍子九子

柘坡居士集卷十

九

皆龍任驅使洽漑稻芒八月黃七月不雨高田荒開門閉門  
陰復陽敬亭鐘鼓空奔忙農言神在螺山近仙掌石高塗易  
問吹笙擔酒迎神來神之來兮雲不開須臾密雨聲如從南  
山北嶺交喧應翠旂不舞蒼帷舉山鵲鳴竹雞語黃芩山  
青藍水迎神來送神起

出白廟峽

四月到英州英州山雨多夜泊樹下根長纒樹上柯八月出  
英州水退江不波輕船順流出怪石船舫磨羣生走名利得  
失泣與歌誰能作水鑿溝洫思盈科笑問山中僧掉頭還辟  
蘿

守風天柱灘題水祠壁

野廟對江立負山如負屏廟下獨無風來艇雁翅停漁家送

魚鼈村店飯蕪菁涸澗兩橋白斷松中嶺青顛灘一十八險  
載作客經巨石弩牙拔亂流屋建瓴守株聊淹日叱御豈戴  
星歸禽宿畫幔夕照回曲櫺首塗便畱滯極目嗟雲汀

石塘洪

霜花澱水寒十月客爭灘上下洪俱急東西石半乾方舟喧  
併進重貨費分盤明旦嚴陵近輕橈看釣壇

初歸嘉興與康古招同受銘坤一集小方壺效唐人體  
各用其韻五首時豐王方病起坤一將入都

平生愛遠游迹逐流波轉歸來草徑荒高館招游衍涼風灑  
寒雨連屐踏秋薜居者惜日車勞人戀雲幟長檠明燭永短  
席清尊淺笑語此時同川塗自昨緬誰能養痾暇復並離心  
展抱膝炷殘香良宵坐難遣用蘇州自蒲塘驛  
迴駕經歷山水韻

柘坡居士集卷十

十

相思隔江浦每念霜霰侵及茲各相見又遠鄰曲尋劣寒我  
自赧重遠子所任朱絃有合響貞樹無兩心結交敦素履豈  
問升與沈居閒翫時變流目審古今木脫杖堪曳酒良壺可  
斟因拘坐自窘幾負清晝陰豪士感知賦孤生行路吟且修  
蘭菊宅更翦橘柚林空言寄終曲晚晚愁商音用柳柳州  
僕妾韻  
尺水辨波淪寸心分樂憂男兒生墮地隨世呼馬牛嚴霜拉  
萬卉不向松柏讐千夫互睥眈力折一士籌清晨上陵阪決  
背來古愁寧爲獨鶴舞肯逐羣鳬浮夜久劍自拔日短賓還  
畱此身非怪鳥何用長啾啾用孟東野  
百葉韻  
昔歲越江返相於同歲關桐枝落敗蕻寒草紛滿園統如五  
鼓絕擁被潑水寒詩成各累紙塗抹蠹簡殘今來又歲關三  
載瞬息聞壘篴兩無恙東西屋仍連余歸爲家室頗有俗務

牽齋鹽及薪水數日尙紛然今夜偶聚首自古良會難不有金石作何以諧所懼漏聲寒更遠爐火晨亦鮮別愁且暫置信宿怡我顏用白樂天東園玩菊韻

雨絲仍不絕雨夢與俱適鄰街犬吠深巷樹鳥鳴呃曲肱復抵足顛倒忘主客林梢萬籟昏雲罅一星白至人悅虛靜羽駕重霄隔觀象契朔初中有庖犧畫冥冥任元化皎皎悟靈迹晨披金薤讀暮采玉芝食暢樂過笙鏞心焉亦何惕同條肯共期浩唱刷烟石用陸翁草雜韻九首之一韻

錄會大母八十貞壽詩畢題後

憶年四五齡逮見會大母皓髮兼豐頤數齒猶在口逡巡三十載家樹拱已久音顏宛可追笑語在左右終身貞苦節自少冰藥守均平撫子孫辛苦奉姑舅半生聊自存九死甘所

不栢坡居士集卷十

士

受豈知松柏心霜雪逾不朽親朋慶八秩詩句侑觴酒苦語敘艱難嘉言頌耆耋會孫困旅食南北浪奔走五畝屢遷移數椽非舊有零箋蛛網暗滄墨苔花垢對茲類此生綴錄敢停手從來金石堅不敵文章壽

十一月十五夜有懷康古卽次康古見贈原韻二首

圓月今宵十一回樹顛猶作北風哀米鹽歷尾頻凌雜篋笥燈前暫闕開求道程嗟千里謬沃根陰誤十年栽蘭言賴有同心友宿火殘鐺每共煨

東羽輕微眇一鴻等身稠疊負三冬中年大減童年智室處難償旅處踪臥壁少文吾未暇升堂宗武子多悖萍流蓬轉知何定且保塵埃玉雪容

豐玉病起未晤再次前韻二首寄之并答詢公車蚤

晚

梁寺東頭昨暮回新篇句句玉絲哀重帷直下深房靜一榻橫施小徑開老葉堆窗疎棘蔓雛禽啄屋冷松栽蘆簾高韻尤佳勝女字梅邊藥鼎煨

脚力何時健落鴻出游虞寄及清冬行儺祀憲常年令調粥分錫昨歲踪智叟無能移晷夜散材難老廢憂悵征車蚤晚新春定勉爲家園百日容范石湖詩病多無脚力遙羨清鴻輕

渠翁自長洲歸以詩見貽答之三次前韻二首

老境蒼茫東海回人間逼仄武夷哀袖中江錦三年在枕上吳帆一夕開駱馬楊枝消宿業龍仙芝草長新栽經生得歲尋常事商陸爐深莫歎煨

泥爪東西雪後鴻南湖寥落又今冬歡場未靳淋漓意蟄室

不栢坡居士集卷十

士

能畱冷淡踪投贈心勤慚永好追趨步緩惜深悰雷平洞口嘉平臘願問仙人玉鍊容

懷坤一北行卽簡受銘毓恬四次前韻二首

雨轡烟蓬老萬回遠游重賦亦堪哀流漸半渡河初合殘月孤城店未開短翼長鱗荒館信疎花冷蕊故園栽較量道里吾尤遠棹柁翻羸此夜煨坤一今年行萬二千里予行萬三千里

王陳連日隔離鴻城闕相望過一冬待詔酒人成獨往閉門詩客少行踪端居意托蕭條簡索處情殊會合悰破硯生塵童筆退誰家車騎正雍容

送受銘之江寧五次前韻二首

前歲囊詩江上回松聲曾聽孝陵哀篋輿迤邐秋林出畫壁晴嶸曉閣開京口孤航重復上石城衰柳問誰栽登臺弔古

平生快況有殘碑撥燼煨

地主離離似雁鴻茸裘儘可度春冬山名幕府何妨客渡有  
桃根莫問踪商子家居今少信哀生吏治近添驚支節我亦  
神張王跬步西行笑不容

將理北行裝忽感寒疾康古書來邀往山茶花漾不  
能行也六次前韻二首

千金棄壁走林回百里兼衣凍角哀樂事每因多病戀愁懷  
難向出門開玉杯經術堪堪下金穴生涯漆好栽黃閣朱輪  
非我分殘篇何事未燔煨

天木佳人世外鴻墓田招我共窮冬遠追輞水溫經興略比  
謬臺避債踪瘦膊成山推不去破衾如鐵夢無悰書回一笑  
簷冰墜此日真慚邨曼容

柘坡居士集卷十

三

柘坡居士集卷十

柘坡居士集卷十一

秀水 萬光泰 循初

五上春司集

戊辰

詩六十二首

游吳江華嚴寺遂至垂虹橋

繙林明水涯紺塔峙天半捨宅思高人離家惜春旦遂爲川  
上游復此濠梁翫漁釣尊鱸情神仙杞菊伴芳踪不可尋獨  
立塘流慢

虎邱燈詞四首

佳節黃柑一例傳東風不雪暝吳天今年樂事羸前歲纔到  
閨門月正圓

矮竹疎梅間壽藤賣花門巷踏春冰今年樂事羸前歲纔看

柘坡居士集卷十一

一

花時看賣燈

燈竿入寺百層紆短簿祠高石壁孤閑立寺門重疊望中天  
斜絡萬繩珠

燈竿報曉竿自三門至千人石曲折數百年望若珠繩皆題曰東華旗

鶴市人歸虎氣收餘光猶似湛吳鉤笑他初白菴中客無月  
無燈到虎邱

上元無月亦無燈放菜

丹陽臨口插石獸

井序

未至丹陽三十里有臨口插牯廢久矣兩岸石獸各一土人  
云自奔牛北奔止此哆口卷鼻身兩翼而無角疑古厭水物  
也

呂蒙城邊草未齊小丹陽近河流低河低岸高古牯廢怪石  
不逐河聲西獸身鳥翼蠻客鼻旋毛曲局豐奎蹏辟邪天祿  
世罕識鸞鳳鍛羽疑鳬雞大荒經存禹鼎毀犂覬馬貌名何

稽昔人時此鎮水孳然燭夜照光如霓匹如李冰守蜀郡張  
儀樓刻三石犀神道設教易象取兩獸勝捍千金隄自從古  
壘築劉宋東師幾過長戈提太康地記記載失奔牛遂並烏  
亭迷野言訛傳事奇特神物夜走如牽蹊呼牛應牛石不辨  
高臥且長春郊黃金華叱羊跪且立昭陵汗馬趨還嘶江南  
農功亟播種易不鞭起扶耕犁微烟生渚日晏食青青一望  
荒麥畦濟時博古予並覩塊石從爾棲塗泥

京口曉望

鐵甕古城闕晨光逝水閒天遙揚子縣人隔戴公山旅雁成  
羣去孤輪失隊還石簫曾夜泊餘悸欲凋顏

乙丑春石簫過風船幾碎

揚州喜晤授衣兼問江皋消息

未息長安笑勞愧出門高人江外近遲日社前溫去住詢

柘坡居士集卷十一

二

難弟升沈話故國匆忙停棹暫聊勝俗塵轅

謝近人惠巢林集著色畫梅自鐫般若蜜多心經墨

本二首

平生詩畫興清過鄭園茶客至風吹句神來雪著花經年承  
贈答竟日坐橫斜兩美攜蓬底珍同十寶加

菩提無上咒手寫手摩鐫細密蟲書古輕明貝葉鮮多生成  
佛慧有味出家緣便擬侵晨誦山厨任斷烟

棲靈寺看梅五首

并序

東閣官梅水曹迹不存矣正月二十二日泊舟邗上時紅橋  
水涸自天寧門策蹇抵棲靈寺遂登平山堂坐久之還過法  
海寺寺後爲賀氏東園有春雨堂雲山閣芙蓉泚目聯臺品  
外第一泉諸勝過紅橋重築未竣乃遍歷諸園而歸同游者

嘉興曹培亨褚選秀水徐昭嘉善支浩然錢揆也

詩興動長宵幽極不可寐河干啓曙光城外得山意輕舫淺  
就膠小衛塞可騎遠巡過蘆灣窈窕入松吹靈泉井幕缺敗  
葉券臺碎賞心樹外堂投足花中寺供佛證色香懷賢惜條  
肄西望江勢雄平烟鎖叢翠

名園新結構向背森幽篁花從葉罅出舉目何青蒼深廊行  
復止累榭樞衣長植援滿晨岫引泉盈夕塘側身古天地彈  
指烏兔忙誰爲後來者但對冰霰香山僧解畱客再至荷風  
涼

輿梁未畢工野水退橋柱人稀落酒旗魚冷去曾戶綠洲一  
圃小排闥數牆古殘枿盡臥岡新枝尙茁土休糧氣太淡抱  
影意亦苦宛爾山澤癯蓬跣脫冠組亦疑婉嫵姿風露葉腥

柘坡居士集卷十一

三

腐江鶯應出林海燕欲胥宇良時在再過客路懸風雨

丹霞綺女牆日夕西城陰近水正亭短負岡斜屋深偶逢三  
四客各抱寂寞心吸茗續清事鳴琴揚遠音烏下晴雪滿牖  
中寒霧沈本無塵軌擾何有塵慮侵作歌以言志烟月流孤  
吟

仙院闌無人破關起棲鶻長軒仄砌迂小山附樓兀池孤平  
隱几石聚亂指笏仙翁駕烟來俯首拾明月迷蒙竹樹水隱  
映雲霧窟曲檻鏡鳬翁危磯網沾髮其間花更繁相向若朝  
謁移舟蘿影晦擊樂浪痕滑秉燭惜過歸酒樽申百罰合眼  
想清暉空山如絳闕

次韻汝咸鏡社湖

客踪難定相風旌入望晴湖似掌平隋苑寒花移櫂遠射陂



春水溯帆輕魚蠻小市千絲網牛屋孤村百轉鶯聞說秋濤  
長泛溢低田何術保耘耕

書家書後再用前韻

皮冠無分下弓旌也學河汾策太平古道久憐來往數勞生  
益悟利名輕書成八桂遲飛雁酒熟雙柑廢聽鶯啜菽烹葵  
吾願易頻年何事負躬耕

舟至宿遷河水迅急汝咸復以前韻屬和三次前韻  
重門終日下簾旌漫道春波岸岸平竹箭早來流更急鴻毛  
逆上命全輕河隄厝置如芻狗阪木鳴求少谷鶯築能宣房  
丹竈在鑄金差勝硯田耕

泊九龍廟風暴竟夜四用前韻

自顧身無一善旌敢云忠信涉濤平狂風顛鶴初昏發巨艦

柘坡居士集卷十一

四

漂萍竟夜輕物理推移驚市蜃山居安穩羨巢鶯攤錢三老  
寧知此襖被終宵夢耦耕

滕鄉間飢民載道五用前韻

穀城山似靡虹旌地入邾滕路少平不斷流亡民食盡無方  
振救客裝輕誰能稊敷肥鳩鵲賸有桑榆宿燕鶯最喜

翠華勤軫念時巡恰及省春耕

時駕幸  
闕里遂休  
休宗

東阿

碎礫堆行轍遲遲過柳邊袖中竹葉石車下馬跑泉聽梵山  
難問煎膠俗競傳蘆鞭相逐處彈指又三年

登良鄉法相寺塔

灰洞緩崩奔燎岡助蒐討古寺可攝衣壞墻未春草浮圖勢  
更峻萬象騰絳縞惜哉朽木支重建少僧寶林端忽湧月街

鼓一更早迤邐入村烟數燈射榆棗

重寓聞漁閣呈恂叔即次病中見寄原韻

仍向高林借一枝今年略覺到津遲徵君養疾身多暇居士  
緇經意不癡惜日空爲遮日客愁春又到送春時筆牀自此  
從頭滌和遍姬人服散詩

論篆八首

十鼓陳倉字半殘橋門移置石全安天雷異寶騰光怪千兩  
車宜日聚看

五鳳年甄篆一行釣魚池殿魯靈光竹垞證據逾孫承顧炎  
隸石今傳跋尾詳

五鳳二年篆廬庚子銷夏記金石文字記等書皆云隸  
石石今在孔廟同文門下有金開州刺史尚德高跋

說文一亥序無僂唐韻分編亂發凡昨讀水經鹽郡訓始知  
今注有訛妄

柘坡居士集卷十一

五

金地山民最好奇吉金貽我古銘詞新宮乙卯惟王享彷彿  
西征穆滿遺

宣和印史錦砂紅一匱官私撥蠟工八體刻符殊篆印何人

匾額只雷同

文物開封付濁流至和周禮出陳畱天官宰史紛羅列如對  
雷回古爵肖

朱芾明初篆家傳盧熊草勢亦嫵媚飄零謬種流吳

元趙光

蒼雅翻空出長箋

卽今玉筍體誰諸古法無多賸折釵欲向空山尋斷礎題名  
到處識徐錯

潞河舟中苦熱寄厲太鴻

舟中觀梨樹山房  
集附寄厲時在天津

浮雲無定踪客裏復爲客誰當赤日蒸渡此潞沙白怡心賴



高詠給目悟新格開銷茗盈升勝握冰一尺晴雲飲柳谷雨  
氣潤燕石缺月杳難窺幽人況遙隔耿耿托明河七夕又來  
夕

和大宗無米

筆未書倉道自充詩來甌石識全空官休陶令詞原拙厄到  
陳州路太窮席上凝塵憐客問室中懸罄愧年豐歌聲金石  
成何濟并少簞瓢負郭風

槐市買得宋柳伯和所募唐賢慈恩寺塔題名殘本  
志以長句

昭陵不望春宮深無漏寺址劬勞心西院浮圖三藏建高門  
四十何陰陰有足未踏曲江陌萬戶千門翠濤闕曉塵南市  
一襟黃古帖西風數行白七卷以前紙墨殘四級以上裝潢

柘坡居士集卷十一

六

完大名柳城潛使輯庚子十月宣和刊且言題名本故事宋  
在太平興國寺魁元考證自有詳隸楷流傳可無次壁間梁  
上蹟未磨進士頗少游觀多原頭采蘭上已近籬邊把菊重  
陽過開成稱載能無誤一字貞元自成據漢國山河句轉傷  
嚴維弟子詩何處帖中李嶠一行稱開成元載三月三日在係一行稱貞元四月八日  
在二絕而章二日裝錄錄一行稱貞元六月十四日詩惟荆叔漢國山河  
公元詩不見從駕李嶠最得名校書尤重顏真卿同登獨上皆堪  
誌一到重來太有情當時嘉話綠莒成例遂沼國史補紫  
藤花下臣侍香皇子陂前客避暑蜃灰剝落保貞珉旅館開  
開翠墨新一編勝讀城南記千古常留渭北春人間得失槐  
黃幾杏子成陰又秋矣莫問探花十五坊空憐過夏三千里  
送西顥歸杭州遂之福州  
相逢似岫雲舉權又離羣幾日還家樂終年作奏勤雨聲天

竺寺山色武夷君歸夢應相逐離襟忍遽分

鐵園

小巷大街通園基近佛宮殘蟬斜照後獨鳥亂烟中樹老藤  
全白籬荒東半紅曲池無寸水彈入雍門桐

閏七月七日得真字

餘暑未澄清穿針節再經常年交八月今夜對雙星客舍衣  
難曝都門葉未零來時通潞道恰滿一階夕至都

淨業湖口號三首

夏晚荷花高過葉秋深荷葉密于花淨心何愛看花艷坐對  
西風葉葉斜

只除鳳艫無船至亦有僧衣似咲開隄上行人閒照影水中  
宿鳥靜飛來

柘坡居士集卷十一

七

淨業湖邊淨業寺高梁河上高梁橋今朝新漲昨宵雨誰道  
西山出郭遙

同恂叔堯卿季冶秋日游萬柳堂還過夕照寺得結  
字

昔歲此登堂徒行苦秋熱重尋微笑緣似聽恒沙說黃蘗尙  
滿渚瑟瑟戰秋雪入密宛潛淵升高忽攀垤孤亭廢已久柱  
下萬峯列短塔在空明園壇正嚴潔不知栽種始烟縷幾隄  
折枯樹感淒颯羈人惜徂節夕陽過鹿苑古冢半狐穴剝棗  
落漸枝粒瓜走長颺沈蹤續後起高致晦前哲靜閱輓螭聲  
田園我心結

同季冶游慈仁增壽二寺二首

秋涼廟市喧游子午填郭言循果園牆遂造毘盧閣三門斷

畦菜一徑走園籬槐根尙疑龍松頂已逝鶴金元去彈指幢  
石無述作惟存成化碑如笏左右各顏垣補篴篴廢屋噪禽  
雀歲月屢推遷伊誰更升樓雲尖緊蒼雁山氣夜疎索攜箸  
撥寒灰更果踏雪約

鄰庵過街近蓮井驅蠅蛸殿角稅費墮殿前輪轡交一僧自  
東來云住盤谷均肅我坐蒲竹聽君談影泡香殘庖未爨茶  
熟經初鈔夙世悟行脚前途魏挑包飛埃咽鯨響新雨冷燕  
巢勞生三尺篴逸士一把茅歸步縱烟外轍痕如易父習習  
薄綿薄疎風吟樹梢

送宣臣歸秀水兼簡令甥康古豐玉兄弟三首

涼露如珠溼紵衣故人病起遠將歸湖邊菱芡心先到閣下  
文章迹暫違八表北堂松並健三秋南國雁初飛綠谿谿水

和數居士集卷十一 八

明如鏡尙有殘荷拂釣磯

津門求伴到都門草草商飈疾似奔執手動如岐路避賞心  
難得故交論崢嶸落紙來雙管邂逅持螯啓一尊也算緇塵  
奇會合江郎何事又傷魂

問訊龜駒與玉鴻諸甥才調勝諸洪春初別袂千林雪秋杪  
郵筒一笛風丙舍松楸迴上下丁簾燈火屋西東殘年聞有  
長安笑指日埽爐炙硯同

和季冶得貓

花陰午日圓野客送街蟬鼠穴窺初靜魚殮哺要鮮新名童  
抱後舊夢佛燈前小紙應圖就青苔一蝶翩

同王崑霞道士訪載揚不值

殘秋九陌同短褐有西風偶遇全真士相尋避俗翁穿橋車

轍斷窺戶若烟空不盡沿洞意微吟路復東

次韻恂叔移居繩匠衚衕用東坡書王定國所藏烟  
江疊嶂圖韻

霜風撼撼吹西山清郎擇里移爨烟抱犬呼雞畫紛若囊琴  
匣硯晨蕭然開軒先掃檀下簾洗石旋汲街陰泉素心一二  
陶栗里仙侶三五葛稚川因言春明本故里故宅即在辰居  
前自僑魚鹽海北地遂遠韋杜城南天茲來官簿初選注幼  
日閭版仍清妍新詩詠比古藤屋舊例和傲長河田時有古藤  
援田種食即  
例以詩索和淝湖退士性落寞曰歸正擬趨殘年苦畱高館慰  
憔悴靜對嘉樹怡便娟名園自古難獨樂寒夜况爾宜對眠  
却慚飽食同穀伯空據勝處成巢仙屏帷次第蠶室福灰火  
早晚圍爐緣吾當投君卒歲句子當酬我銷寒篇

和數居士集卷十一 九

九月十日恂叔招同崑霞蘭坡及甫玉階堯卿季冶

于陶然亭補登高得風字

亭係康熙乙亥江郎中葉所建成自樂矣  
更待黃家酒熟共一醉一陶然

成陣初飛紫塞鴻元蟬響亦靜高桐亭尋白傅詩中句帽落  
黃花節後風濁酒最宜秋士對華軒難得道人同年來旅思  
疲南北回首龍沙屢繫蓬

雨夜坤一過別後奉寄

踈雨客裘單都門已早寒泥中聞屐到燈下出詩看秋過流  
年急城深聚首難談終仍別去孤坐惜更殘

和江皋蘆花

藕蕩蓮灣四望空又吹秋思上寒叢停船送客愁江上伏枕  
聞笳憶月中殘雪幾行歸路近斜風一片畫圖工浮生最悟  
交蘆似不爲虛飄歎轉蓬

補溪古檜歌為顧備九并序

古檜宋處士顧翁墓木也元初徵不起隱常熟縣東四十里補溪之上自卜葬地得老檜一株曰吾宋人得托宋樹下無恨矣明建文末邑人黃給事鉞聞燕王入金川門赴溪死明史傳云鉞永樂元年以戶科左給事中召平進自投于水檜為之枯久之生孫枝二處士之孫二世顯焉康熙中樹為盜所斫盜亦敗若有神縛之者舉人備九處士裔孫也來徵詩以二百十四字詒之

補溪東流水云云上有老樹森古墳旁枝凌霄輪連雲柏葉作葉松作身漆燈陰沈宋遺民蒲車不駕元氏輪築堂溪旁網且綸蕨薇採罷行歌聞自卜葬地稱宋人自擇宋樹非擇鄰百年而後明建文靖難師入金川門邑有給事恥二君踏寶甘與彭咸親樹亦彫落如鉗髡再經百年枝發孫還民有

柘坡居士集卷十一

後科第新連縣兩世盤輪困大為杞梓小枯樵近來盜斫南柯斤盜忽自縛疑有神故知怪醜久自屯變化合與風雲親吾聞靈壇觀檜汝頽濱再生曾致東坡勤又聞至道觀檜邑乘存七星遠照梁時春君家世德縣簪紳君今老矣方釋巾檜今檜今將復根

喜樸存自邢臺至晤其令子鑑南時商鳳池亦在都并示之兼寄其弟組之南海憲以會稽三商皆從子學亦皆鑑南中表也三首

挑燈京口十年殘把袂燕南四載難不意帝城風雪裏今晨却共一爐寒

驢子新詩迴出羣低頭東野願為雲清聲雛鳳驚人句尚笑樊南譽未殷

傳何中表各才奇經庫書堂憶舊時何日更停江上櫂即今誰寄嶺南枝

十二月十日集借舫送江皋還天津得毫字

紙閣燭花高霜風動玉醪舊新年鼎鼎去住客勞勞後會藤應萼前征柳未纈宮中春帖子已染侍臣毫

書蒼雨衍餘作舟二集後三首

旅館鄉愁轉鹿盧稽城修竹夜寒無迢遙友道姿仍鳳踰躋年華齒失駒老吏自評空粉翠小胥頻聽任江湖長歌獨舞當年態此際家山與不孤

元旦開編歲暮終官情客思兩難窮蠶天政俗連村葉農月謳吟出郭風作楫傳巖才偶屈觀潮校叔氣原雄劉河一夕懷人盡持較漁洋集更工時子劉河督造戰船

柘坡居士集卷十一

王郎消息斷金陵吳季前宵共踏冰驛使未逢還臘蔬祖筵頻對欲春燈枯枝轉徙星前鵲故紙棲遲凍後蠅愁絕南徐沙岸別烟中今日望西興

為馬力春作玉井蓮圖題一絕

冷霜甘蜜人間味玉檢金編天外峯畫裏不妨搖白羽仙家何處覓茅龍

次韻薄啓東都水立春

暝入東風宿酒醒檻前啼鳥已堪聽對門居近欣貽佩次韻詩成願乞靈餽歲人情魚尾赤蔽春時物菜根青懷鄉令節離家候屈指橫參又夕星今年正月廿五日門

柘坡居士集卷十一

柘坡居士集卷十二

秀水 萬光泰 循初

青乳軒集上己巳

詩六十五首

正月二日同堯卿游慶壽寺俗名雙塔寺在西長安街

東風二日已舒舒城上西山豈不如慶壽寺前攜客晚長安  
街北賣燈初輒圖並立依宮樹葱肆連開占佛廬等得閒僧  
話陳迹金源遺刹半耕鉏

冬菜

纔釗十畝桑豚耳又經霜析析繩乾曬層層甕倒裝泥封窖  
室靜簞圻飢盤香彈指春三月臺心徧陌黃

送施大醇之三河

柘坡居士集卷十二

半月同餐久三更別路長渡河波欲綠出郭柳微黃蘄鎮通  
邊傲盤山對女牆春游多賞詠莫遣寄書忘

送程廷儀之汝寧兼寄桑髮甫屯田張長庚徵士三

首

碌碌過新歲頻頻送遠游相逢似春雪一夜不能畱  
河水流南北分途到汝寧汝州風不煖寒竹葛陂青  
徵士長爲客屯田老授書因君須問訊都隔十年餘

送恂叔之任廣西

不成萬里赴昆明恂叔初以同知將往雲南廣西又向灘江桂嶺行去國遲回  
看柳色攜家迢遞數灘聲送人漫比楊臨賀懷古應追阮始  
平我亦衡陽歸雁杳因風遙起陟岡情

送查堯卿李向叔高季治還天津

十年歡笑好朋儕底事今年會盡乖東去又呼乘月棹春來  
全負踏青鞵身如苦李淹畱獨客似漂萍轉徙皆此後藤陰  
真寂寞直須自訟別名齋

利孫子鏡詞并序

古鏡一徑二寸重四兩背回環有篆僅辨利孫子三字中作  
諸神獸形蓋四神八衛類也作利孫子鏡詞

圓規一片水初浴塵匣平鋪恍寒玉襄陽古冢久不開玄錫  
生衣土花綠秋葉豈是宣和春熒熒幾閱秦殿陳八銖錢輕  
輪郭蝕自非身毒非屬賓蒲萄海馬十二辰三瑞八衛復四  
神銘辭回環金背昏定有益壽葆二親仲宣八字今失五利  
子及孫意猶古萬年永遠祓不祥亦視左龍右白虎五月五  
日七月七尚方作鏡此第一囊之宮錦綬以花吾無純陽鍊

柘坡居士集卷十二

形術便當挂壁勤沐櫛尺面無多勲業畢葢卮函食從後人  
宜士宜公竊如添春寒惜惜久索居兗州家人餉何如刀環  
宛轉月再初遠歸好語聽又虛執釵且伴秦嘉書

藤花雜詠八首

穀雨閒庭幾夜泥日光穿漏見柔荑青莎老屋遮全滿紫風  
新圖繡待齊計日易傷春九十懷人動隔水東西山城無事  
河堤近翹首輕塵送馬蹄和梁幼微園後清勳堂前藤花將開招大醉

竟畫蜂衙蝶作團垂陰却要夜窗看長條與影俱升降薄霧  
和香自結蟠後日明朝風又起小樓深院燭初殘東華珂轡  
紛如鶯誰似春衫獨倚闌月下看藤花

石筍東偏石磴陳去冬醺酒約今春一麾出守俄江海半宅  
還人失主賓意外事多愁惘惘眼前花好對頻頻校書房靜

朋箋聚料亦沈吟惜短辰

懷寄巢花寄物  
叔莫卿同叔季治

飛絮黏天守硯池掩關餘事一花移圖成漫藉稻含狀譜定

重吟白傳詩濁水腥鹹晨汲換長條柔弱夜扶持達人未會

花榮寵只愛溫房漸放遲

以藤花  
插中

皇州春色壓春城到處青亭絡絳英信友早能如約至大街

遙共舍車行禽雛出樹迎聲樂也蔓堆庭踏影驚不盡婆娑

斜日暮竹光明滅茗烟生

喜朱石君至遂過大  
街呂氏宅看藤花

老本難鋪兩院濃新枝又夾一牆重初辭檐上花頭歛遍種

階陰土脈鬆明歲應添三月錦草堂直比四株松客鴻遷次

知何定有日凌霄識舊踪

雙藤樹屋前又  
栽藤花四株

作羹軼事渺東坡野饌今傳雪麴拖心苦不同綳惹招葉香

難學冷淘和供因佛盃餐逾淨取到蜂糧政太苛毛茨等垂

不栢坡居士集卷十二

三

青果累累飽儂何似豆棚多

和幼儀  
食藤花

雲罕華芝繞近寰上

陵迢遞侍臣閒寒帷同對丹雲

駐洗盞頻聞暮鳥還芳信縣縣催作夏落英袞袞積如山綠

陰從此深重樞薦

廟櫻桃滿市關

尚書梁公置酒藤花下同倪  
處顯作時花亦多落矣

雨中朱石君以題唐人雁塔題名帖長歌見和賦謝

二首

白雨翻盆積蘚青翰林詩句走雷霆吟終莫怪焚香頂千佛

名原是此經

塔記無人續蠹穿尉遲遺畫失龍蟠羨君博學如柯古更欲

崇仁問牡丹

石君令兄東輿復以題唐人雁塔題名長歌見和再

謝二首

兄弟君家甚火攻伯仁後出韻尤工吹簫纔罷吹壙繼十吏

傳鈔尙未終

燕都聞亦有慈恩寺與西涯久不存移石辟雍行較緩殘軼

且訪北安門

京師德勝門內有慈恩寺寺外即西涯明李文正公取以自號者也今  
莫識其處湯西涯傳記之甚詳東輿詩內欲移唐題名石置大學故  
句云

同坤一訪元木東江米巷卽次元木見寄原韻兼簡

宗室調玉吉十三首

開年常隔面把卷識存春行帳看山近隨車聽雨頻愁多身

在旅望遠道非鄰字字歸心切歸緣不可因

元木近詩名告春草  
取中堅存吾春語

屈詞仍孟夏馬賦昔宜春倏忽中年駛栖遲上國頻論心猶

是素擇友本如隣僕指相逢始宗親又幾因

王孫風格貴婪尾共吟春

望和  
子居停好宜予問訊頻東

不栢坡居士集卷十二

四

西雙巷接內外一城隣塵土何須惜驅馳有宿因

明漳浦蔡夫人雜花冊

并序

漳浦黃公道周夫人雜花十種工緻生動每幅有題語字端

勁不類婦人作于崇禎丙子正黃公居家爲民之時未幾卽

召復中允矣黃公在戎夫人嘗寫心經百卷及臨難夫人寄

書勉以致命遂志其行義固卓卓者畫藏石耕唐氏後歸小

山堂趙氏乾隆己巳四月廿三日光泰于清勤堂復觀因作

東宮學士辭青綈海濱自侶魚與蝦學堂斷斷靜不諱洞環

一部沈疴瘥濟陽淑儷美且姱閒居翫物耽升葩手調素粉

研赤砂十指拂拂抽靈芽蜚風蠻雨泥注嘉厥滅土物先漳

茶緋桃成畦榮若霞將離鄭俗祛淫哇當歸蔓菁思碼牙米

囊不羨鳴連柳小草細碎尤抉爬莖條婀娜根髮影月季末

幅意更遐兩族合併長春花自晉書至北齊何來鶴書鸞鳳豈形  
管遠不攜微車公勸陳新甲錄云臣年五尋依成籍燒荒畬音香香爐  
若益天之涯滄桑復變旋漢槎龜茲小國饒波遮市人驅戰  
逢雜麻扁擔一旅蟲為沙徒然賭墅野客嗟捉鼻那似東山  
家期何雲傷其相國詩也天畱正氣永不邪零星十幅依喪壘茂漪  
筆陣銛莫卸忠惠家法非塗鴉心經百卷世更誇惜久零落  
涎蟲蝸今得對此如靈蛇寶守敢不文綈加世間紅紫紛土  
直令人惆悵譏春華

次韻梁幼循蒲桃須

春前根似蟄夏首葉如葵舊格初成障新屏又引枝惺忪簷  
密布宛轉屋斜垂和露催晨長披雲暗夕滋最輕騰鼠迹容  
易網蛛絲瓔珞初懸後景恩未啓時虬鬚自磔蓬髮亂多

柘坡居士集卷十二

五

姿赤日三商避涼風一枕支善緣柔冉冉如織綠差差舒卷  
懷中綬縱橫手內著童閒牽共上僧醉畫尤宜更待堆盤後  
重吟添竹詩

五月四日聽王宋賢病起彈琴

冒雨江橋似火明端陽日近喜新晴聽君病起樵歌澹不祭  
司農折竹聲

題宋李純之長安草堂寺雙楹聯句後三首

純之名周宋史有傳

綠衣仙尉有高風五字吟成湛輩同天遣官聯前後繼長安  
鄠縣一程通

刻石蹉跎四十年揮毫一老故依然不知黛色雙青士也長  
新陰幾尺圓

賜第嵩山鳳德聞東明峯頂足閒雲當時詩價公卿重遺句  
今看小隱君

自笑

自笑昏昏野馬塵生年卯酉早司辰纖毫漫辨江休復寸膺  
難離歐仲賓豈有虛名稱好士只應危語誚盲人筋掣脈轉  
難容詰欲就琉璃悟淨因宋辛難識凡人指目者多是邪西克粉竟臣阿蘇  
難行句去廣不遠寸觀武廟丁儀為好士宋濂有各目童文

題青乳軒

婆娑惟一室青子向秋濃書比巢還亂身如蟄更慵低頭窗  
下草隨手壁間松具得蕭閒味高冠久不逢

昨得二首

昨得朝中報終宵憶瘴烟一官衣暫拂八口罄仍懸吏事儒

柘坡居士集卷十二

六

生拙蠻馭 聖主憐且將相見眼日盼洞庭船

昨得家中信終宵憶連病加新愈後醫誤古方前千里歸  
難遽三入瘦獨偏且將相急意日祝鶴鶴篇

伏日觀明王孟端林亭避暑圖聯句

京國思銷夏光茅堂學閉關施學廉雨餘宜讀書泰屋裏好

看山光屹立亭三角飛流水一灣書坡斜開磬確光徑側

蓮榛管密竹虛生籟書長松古在顏光瓊瓏穿乳竇泰窈

窕吐烟鬟書物外誰孤往光林中自絕攀泰鐘清幽壑度書

雲懶暗嚴途光似對匡廬坐泰如浮鑑曲還書科頭從眼白

妙席地恰苦班泰伏日秋先得光臨風墨未殷泰九龍揮染

亦亞書百鑑購求艱泰月色簫邊瑩光泉聲宅畔潺泰仲昭名

身擬到秦<sup>光</sup>留詠句頻刪<sup>學</sup>局促炎蒸候<sup>書</sup>夷猶杳霭間<sup>光</sup>石  
淙空往蹟<sup>學</sup>冰井沙塵寰<sup>書</sup>雪瀑侵衣冷<sup>光</sup>丹崖送脚頑<sup>學</sup>  
他時諸卜築<sup>書</sup>愚谷占高閒<sup>光</sup>

秋雨四首

最畏食時雲漏日最愁浴後樹浮霞昨宵錯信晴堪卜詰旦  
仍看點似麻  
橫吹窗訝半棧溼直注屋愁一角穿漂麥中庭聊偶爾移牀  
半夜太紛然  
蒲桃垂架紫將爛萍葉滿池青復黏人世枯榮殊聚散物情  
成壞各酸甜  
獨教羈客難爲聽爭忍愆陽久作陰繞壁癡蠅驅不去穿廉  
乳燕溼何禁

柘坡居士集卷十二

七

嚴海珊自懷柔過都見訪別後奉寄望都三首

秋蟲如織夕涼初客袂新經塞草踈職預野廬兼攝事途經  
都邑二停車清姿茂矣攀丹羽惠問瑯然奉玉珮歷數頻年  
馳望隔相逢直抵百回書

州郡勞人句轉清長城詩將得專城摩訶池續宮詞體端禮  
門添樂府評漫說神君惟薤本由來公事在松聲涿邪西去  
清宵暇官燭推敲想微明

畫船來去數吳中百里鄉閭兩地通清雪烟波多暇日休堂  
文采有遺風詞場前輩今誰敵官韻分題昔偶同古柏他時  
薤母廟短筇須約共吳融<sup>調</sup>

送崑霞之大名二首

多雨兼多病秋來把臂踈又聞肩笠去特扣面城居詩句丹

頻轉身形鶴不如長途無以遣白髮月中梳  
遙遙大名路籍籍小馮君五鹿自來古雙漳何處分山光堂  
下接木葉夜深聞倚寄高齋咏臨風有雁羣

送郭震侯提舉歸候官

郭侯文章如巨川奔流到海無回流有時一曲自葭蘆平沙  
淺渚秋江烟郭侯詩歌如古木青素不加含太璞有時清廟  
緼朱絃絃作春溫音中角都門十月天早冰微裝出巷風騰  
騰相逢不索傾蓋語一函攜伴殘宵燈僧伽塔下符離路草  
色頻青宦游處巫支祈并楚姑祠小記長碑幾朝暮黃樓河  
復空成篇上考無名翻左遷官如積薪那可上掉頭歸伴三  
山眠寒威落葉盈車下路漸南行霜雪寡閉門汗竹又成書  
定寄都門胡與馬<sup>謂</sup>

柘坡居士集卷十二

八

十月十八日魯啓人先生招食菜次韻

北州久旅食胸有三斗塵每思唐園味便羨遄歸人何來安  
肅種連頃鋪綠茵奉之君子廚不數淳母淳昨朝春風坐坐  
久調滑辛芻豢盡悅口此味尤利賓消融去渣滓如與盛德  
親釋芟盡精好如考問學真平生藜藿腹淡泊恬胃神何須  
大官羊踏破生古春晚菘昔著譽冬蓄利亦均鄙哉齊楚獵  
鮮割殷朱輪

夜食菜再次前韻

閉門不可學門外多征塵老圃不可爲我非爲圃人徒將措  
大甕思吐丞相茵况乃賢者食厭飫和其淳生菹淡不厭熟  
薦甘無辛依然有秋用未誤不速賓側聞田舍勞胼胝婦子  
親歲晏風露厚尊味含至真上以備饗燕幽可致鬼神吾徒



竟素飽慚愧顏如春夜霜吹淅淅說餅隨吳均明當更求益  
曉市喧千輪

平肇海以詩見寄再邀食菜三次前韻是日大風

司徒繼相印千載留清塵雲孫學鴻都高議追漢人前者一  
相見傾蓋遂接茵新詩復下及再味嘉蔬淳遙思上丁釋尊  
禮比上辛見師以此費事屬觀國賓君才美何蕃中夜燈火  
親不博康荔識自具鹽梅真清冬二旬過蜡饗索百神登盤  
紅甲細轉瞬青旛春報章紀稿事辨物思土均菜糜且勿再  
坐待停風輪

十一月十六日雪後復飯啓人先生齋四次前韻

都城大雪後連日堆玉塵曉來策蹇出略傲朝大人先生道  
氣暝雲霧生累茵壁書牀頭易滿屋黃虞淳熙理如飲酒頓

右皮居士集卷十二 九

解寒鼻辛何爲又治具屢作饗餐賓殷勤深淺勸委誣高情  
親此樂不可多此意誠甚真昨頒求士令巖穴窮左神先生  
五經可當世井大春故人滿江介會合道里均春和至不遠  
晴色生蒲輪

哭挺姪八首

初生玉雪錦爲綳豐下齊來穀也稱今日回思總腸斷試啼  
摩頂兩無悲

又見尋常上學時鳩車竹馬謝游嬉當階紅藥吟成句舞勺  
年前第一詩

萬里相攜赴嶺梅健如黃犢走還來誰知無病翻成病幾日  
風寒隔夜臺

佛桑花裏讀書聲盡日呻吟四弟兄最是縣齋難忘處夜窗

惟賸一燈明丁卯子重至陽山甫先已好於增二種尚幼每夜誦詩好告  
歸內子在外念惟見一燈然然索僕前庭展卷未已也

聞道沈郎命莫留阿耶正值上連州公程緊急輕兒女即此  
休官也合休告親假

家林孟夏雁分行匝月滇江又長殤厄運今年何太酷問天  
阿壁總蒼茫庚辰弟以四月廿八  
焚燒五月廿八發

孫班如荀慰含飴稚綠從今少一枝老淚已隨亡子盡可堪  
重爲哭孫悲

石舟歸計甚飄零弱骨何緣返越舫料得青山常遠隔千秋  
亭瘞女罕銘

爲王麟徵補結耦圖四首集陶

東園之樹衡門之下穆穆良朝濛濛時雨  
豈無他好豈無他人夙興夜寐抱樸含真

右皮居士集卷十二 十

翼彼新苗襲我春服民生在勤人亦易足  
允迪前踪沮溺結耦何以寫心求我良友

春近用黃山谷韻四首

一日東風煖一回競攜春色上春臺難青柳市烟猶淡易綠  
冰池水欲來

登車騎馬有風沙掃地焚香自靜佳夜永清爐燒榲栗曉寒  
紅紙護桃花

支頤西閣遙山影曝背南榮愛日暉畢竟冬春誰管領蒼鷹  
無力雁旋歸

春來綠酒黏臺重老至新霜點鬢勻治老良方須未老惜春  
閒事要先春

皮居士集卷十二



柘坡居士集十二卷

浙江巡撫  
採進本

國朝萬光泰撰光泰字循初秀水人乾隆庚午舉人  
是集其所自定卷一曰南邨草堂集卷二曰樂于  
集卷三卷四曰聞漁閣集卷五曰北郭草堂集卷  
六卷七曰江船集卷八曰聞漁閣續集卷九曰觚  
屋集卷十曰江船續集卷十一曰五上春司集卷  
十二曰青乳軒集前有汪孟錫序稱循初計偕北  
上以病卒方病中舊自定詩十二卷一緘寄余有  
可存則付令子存之不者燬之之說又稱刻既成  
取循初別字題曰柘坡居士集其古文詩餘極夥  
聞手自燬去外雜著十六種則皆其自定緘寄者  
俟他日續刻云云蓋光泰才思富贍篇什頗多後  
乃悔其少作所存止此也

綠杉野屋集四卷

〔清〕徐以泰撰

吉林大學圖書館藏清乾隆刻本

附《四庫全書總目·綠杉野屋集四卷》提要

綠杉野屋集總目

卷一

古今體詩五十四首

卷二

古今體詩八十三首

卷三

古今體詩一百三十二首

卷四

古今體詩六十六首

綠杉野屋集總目

綠杉野屋集總目

綠杉野屋集卷第一

德清 徐以泰 陶尊

藝蘭

林翠澹春曉荷鋪獨經行微微識香氣澗底一叢清將歸帶鬆土秀色堪前盈貯之黃磁斗養此碧玉莖出谷亦殊衆登堂方見榮蕤蕤幸自保蕭艾非縱橫

書紹興十八年同季小錄後

中興慕光武試策得臣賢誰識封樁軍繇不是修邊登者湖州七人芮瞻李彥穎朱三省王康年芮輝莫中施賈之也彥穎第二甲第十六人湖州德清縣永和鄉仁智里晚在東府三歲實攝相事嘗疎止發左藏封樁諸庫錢

采桑詞

綠杉野屋集卷一

誰家奧蘭婦莫住獨桑頭提筐穿曉出新月如籠鉤十日枕未安五日髮未理自識家桑條不貪野桑子行行南陌旁葉少心彷徨兒飢且斷乳蠶飢奈斷腸口頭值隣女立共斯須語采桑不采茶郎無種茶所小姑亦嬌嬈愛看紅嬾思但欲早作足雙手攀連枝蠶將眠日紅嬾思遇三眠方可飼連枝葉雨采急懸風朝采勿辭暮有時燈火光點點散深樹可憐羅綺家紅日明牕紗妝成相對坐落盡櫻桃花

蠶器詩七首并序

初夏偶讀元王永豐農務集知所詠蠶且問與湖地名目不同今擇鄉人大略必用者以補其未及稱器從月令云

鵝毛

燒香入市回買得蠶花朵市蠶毛者號蠶花擇吉便攤烏帕羅解先取紙上布舊種以帕裹之謂之打色以蠶毛刷於筐謂之攤烏徐安竹子筐罷炙桃葉火似髮隱初生如苗勻莫播誰言三羽輕化神看儺蠶苗初生狀如神

篋蓬

蠶小乍成形眼稀易漏底先時密密糊印版學堂紙竹輕擔就亮荷葉切盈七荷葉名繞看極周防提燈紛兼赤者間獨無圓蓋遮愁鼠與蠶子

桑剪

金與十奴銛鐵較二儀厚分隔美人匳不入花師手園午

綠杉野屋集卷一

快有聲達揚爭自取樹陰拗婦姑簌簌勿相後頭蠶時多剪條以將葉小挂丫枝間梯斜日初酉

葉部

提攜謝素手慙媿非頃筐此中亦空洞容卻須稱暑深排草頭匾側負翁身長青絲不爲系黃竹不作箱塗泥忽成竈風隔籬笆香食不能置絲竈者即用舊葉剪去其底內塗以泥上安釜屬旁出火門爲之

蘆簾

木梢縛山棚竹枝結花格棚上以細竹結爲方孔然後敷簾其上號花格竹樣來一片疎無波看有脊亦知受物平頗似承塵隔簾即箇說文箇受物之形風雨透朝寒看火禽聲迫豈如燕穿處垂下珍珠

草席

萬難難爲柱柴枯難爲心北方體義多用蒿梢柴枝爲之先作柱與心甚費手平頭  
載稻稈倒覆低成林綠蟻眠昨夜上山朝及今祝伊爾多  
白玉樹交森森大家齊喚喚慎勿烏頭侵上山死者謂烏頭

絲竈

載水自長橋吾邑長橋下溪水取以做絲倍光潤鄉人多駕小舟載之抱薪先老嫗短  
檐近安置舊塵都騷除史記竈上騷除騷音掃無笑客莫憂有  
舂人不踞連連百沸深續續千頭聚里正忽符來未絲將  
問絮

半畝園暑坐

火雲硯散晴虛獨客閒園僻自如灌木陰中時抱膝亂

綠衫野屋集卷一

三

蟬聲裏罷攤書朱華綠水風情寄白眼青天禮法疎山  
雨欲來詩未就不知身已到華胥

題唐子畏春社圖

十里半種桃五里兼種柳一邨一壺一雲阜好風一吹春  
抖擻打鼓蓂蓂曉暮催磨刀霍霍豬羊割田蠶大作社  
祠廟齊檐酒老翁蹣跚逐少年小姑窈窕隨中婦日斜歸  
路各相邀競啓門樞出嚶在歡聲暖氣坐團圍柳色桃  
英飛左右牽留或叫喚醉別忘誰某平場初散月將升桑  
柘參差影前後前者穿林帽壓花後者涉澗衣握手相呼  
相喚復相期此日明年更能否唐生家本胥江口畫出江  
南樂無有我悔不買圖中山戴勝飛時啁十畝

孝翁家

陝州神雀見宣政慈烏瑞天寶二年置神雀臺於陝州開元廿八年慈烏巢宣政殿拱  
何如曲頸令此理發長喙銜芻祭所親絕吃等長棘千秋  
香不鳴金鸞鳴沈氏興漢時童謡一坏贏得諡敗葉覆遺骸龜塘發清  
吹我欲種茴香杏竹補紅翠銘詞倘可鐫更勝兔碑字北魏朱榮立雙兔碑

太湖

四萬八千頃七十二峰青一葉秋聲駛三州濕氣宜殘蘆  
猶帶雪連火漸搖星橘柚林中酒今宵宿洞庭

豫石齋雜興四首

萬物各有營我身獨安止好風來楊園春暉已若此散髮

綠衫野屋集卷一

四

眺青山掬泉漱寒齒請君謝塵鞅自署巢居子

人生大夢中何乃甘擾擾來者不我多逝者不我少古人  
與今人同向月中老舉瓢酌姮娥疾去等過鳥委心順元  
化顧覺滄海小

蕭蕭長卿賦寂寂楊子居夜月自古色清光猶照渠堂前  
趨紫紱燭下圍香裾積金高北斗衆謂樂有餘一朝易其  
主華屋非坵墟嗟嗟此何以吾不厭吾廬

自咲腹何有高譚到羲皇耽茲幽居趣蓬萊可饒採茶  
不盈掬聊以沃吾腸種木不盈畝庶以贏我糧村中已蠶  
事我梯倚綠桑

分鞠秧

百草搖新莖及春各自猛早植乃晚成至理卻參若嗟余  
抱秋心牆角收舊梗於茲獨不廉處處叩門請辨種隼范  
劉如魚分乙丙籜瓦盆易為插籤字亦冷澤蘭榮未知徑  
松瑟相耿有葉先作羹無酒且賦餅

書萬安橋記拓本後

飛梁醺水已千春騰字林隨後輩論更有可人師法處溫  
成碑不奉明綸

銷夏八詠

松棚

風影靜荷院雨香深石枰樵山分翠粒蔽日滿秋情高訝  
細蟲落鐸窺新月生隔牆還架竹瓜蔓與堪平

綠杉野庵集卷一

五

竹簾

永晝垂垂下湘紋上素屏池香風不隔梁語月初停翠薄  
窺來惜瓊寒卷處聽夜深斜露濕最覺凝流螢

花籃

乍分占景製花氣一房侵低挂絲繩直中安瓦瓊深舉頭  
留小立吸鼻省閑尋蚤起頻添水羞將短髮簪占景銅盤名底

上出細筒可插  
花見清異錄

茶檄

羅峯老還計龔壺輕可參形模非小海位置亦都盤側  
試湯先溢停辛味倍語竹鑪新結侶人擬聽松庵

蔗枕

那必紅粧暗蠻藤滑易成夜香由茉莉秋思配桃笙著面  
知囊細遊仙與夢輕江南涼雨後一榻看山橫呂榮陽詩  
竹牀瓦枕

樓拂子

舊署無塵號驅蠅勢更便那須紅裋執未共白紵涓蕭蕭  
清飈發徐徐午寢還當今亦多士玉柄捉誰妍

鷹毛扇

轉意凌霄健誰憐戴角雄附人終在手斷翮也生風狗脊  
卑休賦龍皮織護工驅蠱看小試逐惡奏奇功

瓦噴壺

迸得珍珠急節來白雨同竟能蘇病葉全不費春風翻覆

綠杉野庵集卷一

六

手何捷瓊瓏心自通未輒煎錫製早晚課山僮

書楊敏壯公平閩紀後二首公為大  
宜人祖

釀酒烏龍日冥冥暑霧驕是翁誠翼鏢一戰洛陽橋  
八槩金門下漳南遂息烽將軍橫海號應比漢元封

秋夜檢故麓得汪鈍翁王阮亭朱竹垞梁藥亭查

初白諸先生題詠墨蹟謾成長句

京生今夕何佳哉寶光出篋欲把精滑詞瓊瓏唱俱徹古  
劍繡澀芒不摧南斗北星羅台彈壓百怪聲黔雷眼中  
之人意中事凡今誰砥狂瀾迴淋漓元氣紙上來欲補  
脫字寧避咭燈明自青月自白起舞姑酌黃金壘

齊甘樹

不飲海棠酒不賦青藤曲植此宜都枝勝事聊許獨婆娑  
日幾迴家密蔭我屋嘗把一卷書就月坐根讀却吟武陵  
人紛然木奴蓄

明齋壇茶字琰歌

神鼎雉羹應不數元修一代堯齋王青爵剛成內殿篇  
白瓷屢進浮梁簿玉泉屈注西宮清洗滌深教甘露盛文  
成五利應細啜身珮玉印壇中擊贊元班錄鈐山首竊弄  
金甌如在手范銀食器已恩殊五篋厄彝還自取人間遺  
事重嗟吁滇石龍涎知有無且試冰芽煨地火謾隨纖杓  
與沙壺雪花當刀樸英吐淪罷身輕無俗慮回頭笑謝紫  
極翁讓蓬萊卻飛去

綠杉野屋集卷十

七

南燭子即闌天竹謾詠二首

碎擊齊奴七尺枝畫闌斜整見燕支晚來微霰稍頭集錯  
認紅兒又雪兒  
臘月分將顆顆春一番冰霰一番新分明南國相思子誰  
是當筵記曲人

清遠堂古梅

唐梅吳郡臥若龍偃蹇十丈驕春容清江酒家更奇絕二  
者聞之石湖翁溪南溪北獨攜策冷避遊人石橋踞翠條  
紅粒各相媒入眼雖明猶婢妾城西老屋鳥不啼天晴白  
雪當塔鋪裂分一樹作兩樹花身仆地花梢扶屈蟠糾結  
判疎密青苔之骨苔剝膚楊湯好手畫不得石湖所見

如此無可不霰君家古檐角雲光停玉塵山名花今與  
客澹相忘活火新泉啜醃乳繞看一日須千迴明朝未落  
還重來約齊郎必三百樹盡向玉照堂前栽

食薺

小草有本性霜雪中潛抽爾雅釋薪藎時繞春田求花看  
三角細差應四月收乞醯舉沙盆作飯燒桑頭客來可分  
祿端居置家羞東坡與徐十三書稱爲幽居之諒何必鑽重冰作賦同夏  
侯

戴氏園二首

寒食城南路家家翠靄間一春深坐雨今日獨看山此興  
不能嬾無才聊得閒煙柳挑菜女逐隊未敢還

綠杉野屋集卷十

八

高閣留人處斜風飈薺薺離桃光含宿靄鷗鷺喜晴波遠岫  
闌前出輕飄樹杪過數聲來欸乃亦復復徐歌

曉渡錢山漾

林羽靜不飛岸燈青尚賸霧輕帆葉重秋渚久磨颺須臾  
日吐金晃眼得愁飲一鏡指粉光衆山撒草點黃潘錢山若  
浮按歌銅斗清射鴨竹弓險何處下菰城炊煙生冉冉

蒲帆塘二首

妾心如土船終日沉地底世本廩君姓巴氏與四姓約以土爲船沉於水約浮者當爲君  
郎心逐風流樂府遙遙千里肯作鐵鹿子  
望歡歡不來舟人呼爲歡冉冉碧雲起安得四面風顛倒看

趣使

西山

白鷺導我飛春波漾柔艣灣口信幾深桃花紅正午山下有桃  
鳴元真爾何人風雨此賓主一時訓唱多清詞二十五願  
作漁社圖宋洪內翰常作更修漁笛譜豈必西塞翁至今  
名尚數明嚴尚書震直自號西塞山翁墓在山下常撰  
澤州葬於永樂元年正月十九日

望下菰城

舟轉橫山址罨歷拖長煙城內舊有長煙亭緬彼楚公名築城  
空思堅今四壁門當其略秦趙寧知雍門憐吳封開十二  
趙客炫三千惜哉女環曲殺機伏琴絃越絕書李園引吳  
終即大悅留宿朱英雖感激禍非無望焉桃夏今已沒

綠衫野屨集卷一

九

況茲偶屯田蘇湖兩荒無誌乘徒糾牽何如夏姬者一技  
名依然郡舊志載春申君故宅在此徐獻忠掌故辨其非  
陵碑入絕之技依然菰城蓋茂吳時築營屯駐之處徐  
城夏姬善相蓋其一也

飛英寺羅漢松

生年未三十心已疲津梁形骸土木冷灰性不減屋下陳  
屍張天晴興發偶散策走見此叟影再須蒼斜披碧茸衣  
獨占青豆房長身面壁皮皺數但覺一榦陰十方濛濛花  
雨雲氣合肅肅風響潮音涼當年東坡居士此拈韻坐  
起想正在爾旁釵針三兩落更折塵尾長我今得句自  
呈佛隔窓袖窺窺啞羊晚尋桑亭廢園久明吳企置兩重  
塔送金珎李伯時倘圖甜寂中補我手握四十有二章有松根

總叙

安定書院二首

末世重詞賦實學供機排曾唯而顏說隻手誰兼該緇維  
真先生讀書窮津涯泰山負氣象孫石相追陪我冠洵模  
楷交范非虛推鐘呂既得所教授遂分齋執經媚學子  
親愛同提掖河汾儼在望濂洛從茲開洎平謁廟後上書  
尤可懷歷觀開寶際將帥煩公台北兄與西父所要孫吳  
才武學惜不舉時諺多擔揆儒行薄已久先生難重來  
生兮育吾人歿亦藏我土言尋觀德坊將以薦芳杜入門  
聞古香肅肅青桂雨蒙籠蓋一堂吟啞寂兩廡正學揭紫  
陽氣向字外吐堂懸正學二字文公書屏鑄皇甫書行事珍可數摠

綠衫野屨集卷一

十

衣重整容踴躍深拜俯碑碣讀未周楹桷軒非古當時魚  
樂亭播遷幾宿莽至元賴許公崇構力何劣一氣運鉅輝  
忠孝得繩祖堂後祀胡相當風月清酒聞金石拊創學肇子  
京寶元二年瞻公宗諒初建廢祀今莫觀飲水必知源敢  
告當事補

天聖寺管夫人畫壁歌

墨竹師承難定斷清氣偏鍾閨閣輩自描腮影月光中  
許有盧孌李有妹梅堯臣詩許有盧孌能畫竹盧氏許州人李公擇山房在廬山其妹為作墨竹  
見周必大記蕙蘭質更驕春羅綺休誇越國人宣和御府藏  
王氏墨竹有二茗枕閒居看作賦山廬繡佛不生塵廬繡佛圖散  
花偶過地盤龍殿古涼無二東壁光明粉乍新一時

煙雨拖春江脫約金銀運檢輕滿檐颯颯風檣聲寺旁有松雪堂

作圖一幹一筆筆齊立十指十筍筍易成丁香雀爪分

還合可是隨身蓮葉夫人嘗以銀珥買承旨應憐殘墨

寒補將苔石看猶濕六種蘭一枝蜨俱夫梅花移去月

宮中惜不移來供襯貼夫人嘗入宮畫墨梅系以詩有移入月宮中句

灌頂旁成都灌頂院有張立墨竹壁一四凸何須泥手槍郭熙令坊上以手槍泥於壁隨

其四凸穠纖開闔各有致諦觀真欲斫青光不呼作葛呼

作管王舟州云管人不識竹嘗謂是有節瘦影梢梢痕未淡

彭城之派莫說傳湖州不及此壁五百年餘留

曉出青塘門柳柳重瀟一名柳塘

烟柳鵲飛多采蘋人未起獨吟清畫詩欲訪天隨里陸羽別業

綠杉野屋集卷上

十

在青塘門外釋皎然有詩

次韻寄答穀由弟

屈首真憐已受書紙堆鎖穴待何如我心匪席愁難卷有

酒盈樽且獨居老驥頗聞歌處仙元龜端恐網余且秋

風日夜催黃菊甚欲憑高一豁除

明皇幸蜀圖

延秋曉啓天無色夷甫居然知石勒草野早懷今日事青

驪乍爾悲沾臆郎當夜雨誰相貸灌木仙雲劍門在斜谷

擎觴未破頰舞娥踴鑼還參隊崔渙崔圓奏表迎散來

春綠幸安行若非馬擁陳倉道拱手何絲見中興一聲水

調謾憐評可省霓裳恨最多驛畔冷埋香土歌軍前送賜

寶戟何書刺眼傷心碧杜宇催歸歸亦得兩京九廟總

戈鋌豈獨君蜀道難

王叔明山水卷

翠嶺盤紆水濶流板橋幾處斜安渡颯颯秋風靜裏聲

柵林遠近紅無數茆齋跌坐者爲誰彌勒一龕香一燈誅

僮洗硯客方來斟酌黃庭手相注錢塘崔生有此圖看山

可得山中住我家雲溪本一州如畫好山日來去只須近

結小團焦青年還寄隱居處叔明有青弁圖

題蔡放逸丈竹寒沙碧山莊圖

看山曾入山復此慰夢想野樵一徑深修竹萬竿響始觀

良縈紆徐筆轉聞敲突兀海紅柯扶蘇天坐仰傍邨何處

綠杉野屋集卷上

十

雷英溪落千丈回瞻石城雲窈窕晴空養鰲石倚可分釣

潭坐成兩

丹徒行和南墅元作

長千巷巷長千今年殺郎君明年殘諸桓丹徒崛起田舍

翁射地達符隆準公三十二辟岳脩貢覆舟戰罷戰關

中長民既誅盤龍死零陵心甘作臣子可憐大業漸蕭條

封狼居胥意不驕揚州燈火空憑弔淮左笙歌久寂寥北

固樓楊子渡人事能將天塹誤戰壘於今長秋蘆客帆盡

日隨鷗鷺郭公酒可飲戴公山可留周郎陸弟不可作鐵

甕城高說潤州



綠杉野屋集卷第一

綠杉野屋集卷一

士

綠杉野屋集卷第二

茗雲草堂

德清 徐以泰 陶尊

抱郭復背郭倚林還面林崇臺雲際出其下長溪深竹樹  
赴春色軒牕流鳥音愛茲灑埽初信美無俗侵適之良自  
足東山可投簪大人構堂市亭山麓即古舍亭山  
為宋王裕之隱處時稱王東山

同林蒼南樓賢山看梅

欲散不散雲香靄山之腹理策乍投邨一步一派矚妨帽  
接低枝摩腰上高陸疎當竹外明密向水邊復何方化千  
身攜卷使百讀好風指役期掘筭飯梅腴山產筍第一  
下有梅熟庵

穀函以端石見貽

綠杉野屋集卷二

十

著手寒生氣飛來一片雲論才難久事按譜易多聞好寫  
西堂句同傳洛邑文魏臺螺點漆莫更憎平分

臨溪曲二十四首

城外青山擁髮寒穿城一水溜於灘溪東日出溪西月分  
取春光入畫欄

小缸如帶大缸橫漁火疎疎塔火明欸乃船歸天欲曉一  
群鷺鴨亂溪聲

蓬葉戴來春不老齊花簪卻髻如仙孔公廟下鑿鑿鼓又  
看邨童戲紙鳶諺云蓬開先日草戴了春不老又三春  
戴齊花桃李羞繁華餘不廟祀晉孔愉

金鵝寒食走紅羣千樹桃花映碧雲日暮紙錢飛不到杜  
鵑嗟沈沈海昏侯沈或墓在金鵝  
山傍山村落偏種桃樹

白銀盤漢二峰青洞口臘脂帶雨零怪道西施曾小住水

楊柳亦學娉婷蘇山相傳范蠡汎湖時道此上有胭脂洞也蠡者贏也即螺也水經注唯陽有蠡臺迴道如蠡今山峙巨漾中猶蠡之浮於水面然

小市寒泉九井深踏青人禮木觀音狀元橋外飛花急一

片斜陽在竹陰新市有三潭九井覺海寺木觀音宋張敏叔有詩狀元橋近宋吳丞相潛宅夕陽原在竹陰西黃山谷過此句

乾元松逕湧香塵釵子包頭樣各新風起七賢堂外散蜨

飛團趁縹緲紗巾大中乾元寺在吳卷山陽寺內有七賢堂包頭紗雙林一人緣之湖縹緲起於明時

草堂春曉會亭南第溪山浸蔚藍會向石田誇畫本早

鶯聲裏雨初含家藏有久啓南溪山春曉卷端四字爲舊有第一

溪山亭

火前雨後關新茶俗煞城南說戰瓜更好武康山筍販趁

鮮一夜下輕艦吳越稱雪上瓜錢氏子第逃暑瓜戰見清異錄

溪館餘英長綠蒲鴛鴦拍拍自相呼醉花莫慮多消渴乞

向山南對石臺縣西餘英館有鴛鴦沼宋醉花堂在舊治後園吳堯有泉出石間曰石臺

食梅芒酸葛苦寒青精飯熟郎加餐儂情歷亂渾難理數

兩冰絲手作團俗於四月八日啖青精飯沈約雨坐齋中一女子攜絲絲具至隨風引細雨如絲絡之頃刻得數兩以贈約

東流水有西上魚寸寸知無尺素書可憐梅子黃時雨泥

滑竹雞空憶渠夏五溪水時至有魚逆爭而上曰逆魚萬千爲族長者至五寸六寸

蘆簾擦火鳥聲催一月蠶房數上日開鉦鼓夜深喧爆竹

弁山白鵲飛來蠶將繭用蘆簾縛山棚或風雨而寒貯火其下爲燎火亦曰灼山灼山燎火蠶

龍吟鳥

盆水團團祝子蛾同功蘭好作絲多小姑許嫁催紗穀自

織新絲替阿婆蠶蛾生子後小兒引置水盆祝曰盆水轉團團阿婆去了來明年樂府阿婆許嫁女

上八星明下八燈五壬梅減十壬增萬田無草低無水閤

閣青蛙大可憑正月八夕候參星占水旱又占晴雨云上八不見參星下八不見紅燈芒種後五日得壬梅高五尺十日得壬梅高一丈諺云田家無五行水旱上蛙聲

荷葉浦頭明月多教郎吹簫唱儂譚蓮心的的須含露蓮

葉田田自貼波

蓼穗蘋花泣露寒迎長門外柳絲殘情人莫上高樓望山

色重重上下關上關下關城東二山名

皂莢林深皂角尖摸魚公好白魚銜鹿心柿與雞心裏不

及蛾眉豆更甜

披絲黃雀啣蒼蘆十月日家儘辦租梅萼春妝閣暖梳

頭還自費工夫黃雀出十三下蘆渚間諺云十月無工只有頭啣飯工

臘前三白雪如花滿樹風聲掛竹笆多釀舍亭深瓊酒夜

寒煨火莫教賒臘前得雪三番白謂之臘前三白雪亭陶器大甕容三十石名之曰礪見括地志

打耗家家畫鼓同試鐙還及上元風一聲壓屋知無謂不

住撥人是葛公臘月擲鼓名打耗元宵前後謂之壓屋術出葛仙翁鼓聲若曰葛公在也縣治下有

韓公甥館竹林清半月泉頭滿月明莫石漫尋僕子蹟聽

松猶憶讀書聲韓元吉宅有松竹林蹟勝在石壁山慈相寺東萊先生韓偓也嘗讀書其間寺有聽松堂五子石在東主山

集 281-802

魏國天人王不如爐薰茶具稱閒居仲姬去後東風嬾猶

製銘詞更手書趙文敬嘗賦德清閒居詩墓在東衡山夫人管氏先歿文敬自爲之誌石并書

井欄不見裴檀麗宮巷多傳牧馬驕滿眼青山坐懷古欲

將諸沈話南朝鄒村入勝寺井吳越王賜瘞檀香作欄烏爲山官巷爲南朝牧馬案

上已汎舟至武康遊資福寺沿禹山麓尋宋杉和

王墓午後登計壽山歸憇昇元觀

艇李藹深邨欲進未可抵紆回港小通一櫂閣沙嘴草色

入鞅青輕寒過過旬市石滑不生塵松杉陰數里金鐘聞在

林禹泉掬漱齒樓殿幾興衰賜書傳寶璽資福昇元俱紹興二十六年所

中建高宗緬懷再將軍志勇氣所峙父子骨相望楊震墓

接梵唱晨昏裏趣塗境轉幽未得揖樵子風聲幽澗聲立

綠野集卷三

四

向小橋擬捫蘿上白崖白石綠磴嚼丹藥鸞鶴有遺蹤

葛仙翁煉計籌亦居士四眺風渚湖暝帶長烟紫生客易

魂驚突過草飛雉欣逢法侶迎爲導山門止方池尚有靈

寺前池中產莫問金書紙說道成春高宗幸山中賜祖

紅蝦無尾螺歷劫總一灰齊物喻非指耶溪與雲門我亦從此始

球郵拜先司空公 賜塋

一水當塔護維舟傍券臺鶴聲華表在鵝點夕陽來解

帶先圍柏看碑獨剜苔春山青若此述德重裴哀

晚晴步小虹橋一帶

漲起北派黃雲看橋下長犢歸沙有印蠶熟今生香綠樹

曾斜挂清風權緩將農談多不異明日隼分袂

舟中望弁山

溪流如帶山爲弁兩日舟行看四面不聞天語聞天風石

覆未開先暝眩絕頂常疑冰雪留半腰忽訝陰晴變黃龍

投處疾於雷白鷺飛時橫若線山匠連村采伐多千年

蟲蛀桃花片孔耳宣和字早湮弁山志舊得孔耳石舊曰

蓋石林故物也朱家題署誰能辨研北雜志吳興朱文忠

得圓證旁手撮石香焚一瓣葉石林墓在圓證寺左

逆魚

百里能西上終然列網漁鱗鬣分體段甲乙共苞苴嗟雨

黃梅近登盤白玉如苕邪鄉曲好及此當園蔬

綠野集卷三

五

新絲

拜族勞新婦繰多手作國差酬桑葉直已博蘭花看縑素

誰工織元黃未改觀莖輕分燥濕染淚不曾乾

題世父根味齋集後

舍筏乃登岬厥惟稱大旌新排十七卷致與白傳同溪山

擁座隅左右詩酒簡蕭然返初服華髮禁春風靜觀世氛

熱

金鴉出海騰影紅午雲助勢千山烘虛堂搖扇扇不息一

心但呪風無力青蠅有翅盡有聲天使毒類行其橫昔肌

苦瘦今苦胖恨不羽化空裸程豪家天地別有秋冰積如

山山不深邨知窮子紅塵陌身已蒸炊面如炙長詩跋腳  
義皇人得卧口臥君莫嘆

浴起

散步清無汗炎蒸頓已除今朝獨稱意王建詩沐浴  
明朝稱意身温水  
亦成渠未試雲間鳳也同濠上魚纖絺少塵土萱草以來

初三峰集鄭源令婢萱草浣衣輒  
云郎洗塵土太多手皮俱脫

遲鈔書人

障簾傾身久先生楷未工一疑今日吟此癖古人同為副  
巾箱本宜乘水閣風聚來真不易閱市媿王充

蓮花莊三品石歌

吳興園圃太湖接花石不煩車輦馳俞家百峰靈秀拔三

綠野屋集卷三

六

峯南沈蓬萊池天目王孫嬉倒好未能十晦瓜田老何限  
銅駝陌上愁峰峰移去却華島香深荷葉當門碧月河之  
西鷗拍拍日聽風簾兩耳清垂雲洗雪摩挲有松雪齋前  
有風篁石  
又垂雲石別有三峯削不成奇章一品徒磴磴城南城北  
僅見此廬溪九竅輸精英空青之府小有洞几席羅翫紛  
佳名壺中肘後亦瑣瑣能爾雲插高霄嶂魏公莊換吳公  
宅屋裏好山嗟似管采蓮人去酒船來狂飲碧筒歌此石

菊

中庭秋色淨數本買隣家似與詩人瘦頻邀醉眼斜疎籬  
聊倚著寒蝶共生涯為作西風殿今來始肯花

織簾先生祠

緯蕭託河上性慙亦山間觀其卻聘屢寧受檻與懸者書  
日有積譴禮八誰傳至今墟墓上或恐虹燭天先生臨終  
遺教像皇  
甫元晏箱中長溪香無際一望餘某烟惟當洗雙眼綆汲  
附考經一卷  
井華鮮井尚存摩挲燈火下寫讀元散篇先生有元散賦  
年八十猶能火

次韻穀由問南墅兄病

秋至百卉病木脫知涼深人身非金石寒暑得不侵弟兄  
憐各瘦相慰還相尋盡起命芳耐離英黃綴金求僊誤服  
食養病樂園林即事書自適江滬若蹠冷

題王石谷洞山烹茶圖

不識掩谿莊卻識山人王壬寅之夏偶紀勝一嶺至今風

綠野屋集卷三

七

露香陶坑四望非平陸尚見山頭深見腹嶺中多春煙礪  
中多箭竹是雨不雨晴小晴當流踴石行人行幾日茶園  
開有信上山侵曉茶天趁筐筥相將婦女隨山南廟後心  
知之白者合烏者帶細摘低攀露腰背斤一囊兩一釧大  
葉鹿枝蒸作片料得先嘗石谷生品題定不輸陽羨龍坡  
吉祥亦誤夸乘簾空記劉公家但得閉門掃地淨如鏡對  
此拂拭長覺手指生雲霞

太宜人有和蘇公雪後書北臺壁二首原韻敬為

續賦凡四疊

回飈既集舞六纖漏鼓初沈夜倍嚴小閣許數桑落酒新  
詩如嚼水晶鹽預分春色花如片錯認晨晞白瓦檐便上

層樓山不霽霜着應與豁雙尖

積素暉暉欲散鴉高空側耳響廳車依然謝氏庭邊絮不

是唐昌觀裏花關角搖紅看燭影曲中飛白話官家唐莊宗大

雲內宴鏡新磨進何人準備金香盒准備暖金香盒子有

詞號冷飛白曲

樹分張玉畫義

并刀剪落最纖纖山縣風深朔氣嚴座唱白翎懷紫塞盤

堆青之蘸紅鹽遙天此際難飛雁涼月今宵鎮挂檐密密

謾縫遊子線指膚數瘃不成尖

鶴髮髭髯老過鴉清詞本壓美人車簾旌不捲玲瓏玉意

並方開智慧花摧卻重輪追樂府折將釵股喻事家玻璃

凍合臨溪水待准魚羹且攔義

為炭為鑪鑄巨鐵冬威入骨太清嚴美雖著膝真憐雪負

米歸塗卻裏鹽點檢梅盆須暖室安排茶竈已垂檐憑高

別有凌虛趣群玉山頭架筆尖

黯淡連朝蕭樹鴉難繫冰入灌園車魏志馮鈞作牕中

野馬還爭隙池底潛鱗未吐花魚吐沫為萬嶺畫圖飛雪

本倪迂月試三間老屋伐冰家閉門一任題門客我自高

眠手嬾義

一彎月子兩頭纖霧淡雲濃未解嚴凍指漫調龜手藥

癡兒戲捏虎形鹽頻扶翠篠欲眠砌忽聽風鈴獨語檐蠟

屐探梅頭問訊今年何處早勾尖

點之鼠字手塗鴉舊事翻新腹轉車三雅正宜拈竹葉

一生不肯拜燈花由來副本多班誠展得群籤也鄰家莫  
漫牽愁冰署遠迷離煙樹夢三義謂三兄秦州

次韻世父試燈夜作

簾前山色已回春靜領風光不惜人石髮細梳殘雪淨綠

花高翦暮霞勻待邀三五分明月且醉壺觴現在身迎秋

踴歌何處女又催杖履入香塵

次韻世父十四夜雨

片片濃雲黯黯天燈宵風色得人憐魚龍欲上春江水星

月惟看古篆錢樹隔漁家明細火杯停鷗席散寒烟丁耽

聲裏笳蕭咽一任豪門以列筵

十六夜雪疊前韻

緣形野屋集卷三

今夜真成不夜天小樓清景坐生憐銜觴直欲三千石買

月何須四萬錢海上鰲紅微有影田中玉白謾生煙北枝

未共南枝吐底事飛英落此筵

大雪五日

天公開歲巧作新尺地何曾露泥滓玉妃左右頤指使剪

落并刀不冰水水如天白如空倏忽欲過九十之春風不

爾花絮何堪濛千山萬山無寸碧寒意欺人失朝日鳥不

能護其兒孫不能銜其雌老蛟冰底蟄病虎林中嘯燈來

隔竹呼鄰叟鄰叟告我雪未有東家牛凍若馬瘠牛无曷

替耕犁驅西家墻闌但支木眼見樓臺已無屋叟兮叟兮

春物慘澹愁吾膺安得上撻九節藤大叫放使紅日當頭

燕

花朝獨遊峴山

花信過幾番畫船晨未集  
吟余畢飯來蹋草露痕濕  
不榭冷參差烟霏起原隰  
讀書何處聲猶領松風入  
蒼蒼瑤瑤坡天匠鑿塔級  
上有萬古梅舉瓢漿可挹  
浮碧信堪圖舊聞空自緝  
嘉客與高風德輝替鄉邑  
逸老堂即嘉客堂高風堂址也  
感茲獨踟躕遠向學士揖  
與學士山相對安能曄明湖一變春酒吸

菱湖歸舟

青絲短長柳拂堤白袷冷  
暖人在溪魚標酒望指邨  
竹半路一聲聞午雞萍開  
忽心山影縹雨落乍收帆  
颺低郭門近達入返照  
蘼蕪欲放桃花齊

綠楊野屋集卷二

十

今年牡丹僅開兩朵連日遇雨

窮薄笑書生未春先布衣  
笑如夢復如塵洗紅竟洗  
白得酒意何爲凭闌看到  
夕誰傳遠巡方多試頃刻  
碧

荷葉浦

魚戲各西東鷗飛時一兩  
不見采芳人遙憐唱歌響

寄慈齋兄五十

丹砂詎必營白髮亦從茁  
曰余聞往訓和順利安節  
昔兄守道深外物了無悅  
味古得身肥淨心卻內熱  
素絲澹不緇虎尾履不啞  
北望春明門爲君膺駿烈

書船

曹倉杜庫出汗牛吳興有  
書書在舟直齋著錄五萬  
卷南

渡子弟紛雕鏤風俗纖里及鄭港挾此網利東西州一驅

高挂走二里滄江虹貫非其儔橫板作架枕作案程艤欲  
等萬万侯兔園掉冊隨邨館鬼名却向誰門投  
南中柳津聚書謂安用此鬼名坐稱書客袖書目書之主人檢擇留爲語主人且復留轉眼豪奪當巧偷不然何物充我舟他家沈值懸金收

筆船

浮屠尖含山巔善璉村造筆家祀筆祖如其先東家西  
家門有船  
善璉璉筆者祀家門有船善璉璉筆者祀縛毛爲柱竹爲管矢人之矢田  
夫田穉者後築者前結中乃規中員識職女兒于日夕工  
夫專筆成束省裁四出筆工之鬚坡竹緣葛生李展不足

綠楊野屋集卷二

十一

道泊宅河海江流壩張家舊舫記往昔學士作銘人則傳  
明初吳興張文實業擅製筆因名其船曰筆舫上大鳴呼  
夫多爲詩文遺之而解學士特爲作銘見屏抱去跋  
一技業堪世風俗至今三百年

有鳥

有鳥巢樹巔彼此好毛羽飲啄各遨嬉陰晴同牖戶乘時  
掠青霄縹緲莫之侮失時閉金籠翎翦首亦俯豈伊筋  
骨殊升沈安足數

書感二首

楚宮舊說好腰纖欲問金錢未有嚴在事分明真聚誠行  
三三三似無鹽凍蠅底事偏鑽穴窮鳥如今今伏檻記取  
淮南管運使南冠曾謂箇多大



投骨紛紛汴汴牙可知螳臂謾當車饒他翦綠夸瓊樹偏  
我挑燈吹火花翻覆雨雲同一手東西食宿竟誰家自來  
不信瞿曇說今日因緣記惡義

古鏡為穀雨賦

龍護秦官字花窺漢苑春孤光爭夜月寶氣厭山神肝膽  
能相鑒憂歡幸共親莫將一片影判却兩邊人

檢先太宜人遺篋得壬戌冬病餘對雪用蘇韻詩  
囊痛次三首

遺墨猶新字畫懋老生詩律儘森嚴如何風惡偏吹絮從  
此心酸不道鹽坐夜尚疑身傍膝寒帷祇見月低檐問安  
鸚鵡聲聲淚長向秋堂掉菊尖

綠杉野屋集卷二

主

男行雁鴈女牙牙央望雲頭意返車恨少承歡三味夢枉  
施續命五時花肥牀風月愁摩詰王維縹緲者京話蔣

家蔣欽母事卻怕慈靈憂病骨峻嶒不敢倩人義

雕蟲小技本微纖懿訓經六廿載嚴讀史每教兒聚米捧  
茶常咲婢加鹽模糊詩藁還留篋斷絕機絲半挂檐節物  
不殊人事改淚看菱角兩頭尖

好語心傷反哺雅流光無計轉義車飄蕭一老盈頂雪零  
落諸孫饋面花繡佛婆娑空作偈漆宮幽寂竟為家匆匆  
已是孟蘭節且學東京斫竹叉

功德香飄幾縷緘鐙清午夜展楞嚴共知五葉花成果枉

說三年食減鹽梁張宏策母憂三年不食鹽鵲影可能依舊日燕飛猶

自伊雕檐殘更欲盡鐘初起刀劍情懷正復尖

另兒潦倒藉人牙墮地虛勞忍破車六十已看成小劫飄  
零隨在是空花人生到此方知夢天意云何莫問家望裏  
揚州猶記取一江如帶樹如叉母家揚州垂逝時猶誦舊作望江南詞

汪豐玉既偕其里中諸好作銷寒詩唱酬以集十  
二月望後枉書見招因事不赴率寄答之

良會豈可惜連山多愁雲閉門擁絮動累日破牕冷視聊  
收身犯寒剝啄誰可語如雪縮爾蟲處禪羨君懷抱冰雪

淨吐氣直使千人溫痛飲文字相暖熱狂歌王客窮晨昏  
幅巾半夜舞鸚鵡鵲幟壇赤手拏麒麟銷寒豈必徵故實

百年大雅須扶杖望余索處隔異縣悔不早問東家鄰月

綠杉野屋集卷二

主

泉舊例久塵土苦溪勝社埋荆榛南湖燈火雜夢寐布颿  
烟雨紫吟魂拔山求助或可得作詩大咲君休嘆

晚步淡月鳴過周嶺村壘麓齋

參差帶林影石路風脩然禽蹤上下墮處枝娟娟適興  
復誰語叩門方晏然為客出茶具自向茆檐煎眾山對偃  
蹇芳甸滋華鮮何似斤竹嶺深得靜者便

汪康古兄弟約桃花時來德清遲久不至足之  
誰言船可乘未信山不隔蘭渚阻佳期落英飛日夕緘情

殊鬱陶安得春風百舊友几難憑宋詩舊友難如几可憑新愁酒

正馬回憶詩君時滿庭風露白中復集回豁覽夜頭不櫛  
兩士動九州一飲傾十石乃知磊落人哇吟力所關如何掣

電機已作搏沙劇吳興清遠鄉可舟亦可屐無事幸吾徒  
忘看芳華積夫君來何如不勞吉日擇

蔡薑田長郎上學索詩三首

屠龍舊費千金直畫虎具操一咲空記否與君分硯席  
長來項領又兒童

策勲萬卷誠非細玉雪纔當獨秀名從此郭西風雨便我

來莫怪不從卿

汝南先賢傳陳仲舉年十五薛勤訪焉其父出迎勤謂足下有不凡子吾來候卿也

一門君自分優劣萬里吾能測羽翰只恐文明呼字處

他年覽鏡玉堂寒

懷賓四子南歸

綠杉野屋集卷三

古

莫道春風不世遠看花偏負曲江行文章爾耳關時命逆

旅誰何媿姓名及馬獨吟芳草後羸僮相對暮雲平秋

他舊宇飛飛燕燕底新人按曲聲

李諷之詩燕之知時節還尋舊宇歸新人方按

曲不許傍簾飛見東臯雜錄

初夏述感二首

萱草綠年年傷心四月天煮茶非舊火看竹又新煙手線

單衫在遺詩隔歲編上方聊灌佛金鏡泣劉宣

榮悴交枯木淹回上竹魚物情分地勢吾意惜春餘籠燕

偏多觸囊雲只未舒向空休咄咄恠事可勝書

南塾生日二首

長嘯豪猶在

王柏自號長嘯年三十始知學

爲儒已誤身邨堪逢雨夜俱

是壯年人出問江東米歸燃硯北薪判無佳客到到爲憶  
啟辛

是月生多異飛騰未可知十年天與健萬里鬚初絲  
新分後微陽靜對時身名應努力松竹有前期

綠杉野屋集卷第二



綠杉野屋集卷第三

德清 徐以泰 陶尊

梅雨連日懷權石先生湖州

今歲雨過節冬青花破來諺云冬青花未破黃梅水正大蘇痕荒小徑雲  
腳駐輕雷百里山無隔三間閣自開江南煙草外愁絕憶  
方回

題賴古堂詩集後二首

天寶山前攬八閩投壺復見雅歌新大梁未許空同擅曾  
是邢洛驛壁人

并州謂與步兵張小筆空傳祭墨求一幃秋風零落在從  
頭時說外家才九太宜人爲先生外孫尚有其所藏馬達

綠杉野屋集卷三

家

孟井在武康

昔聞酸寒尉守官因異絲荒瀨日裏裏孤吟藉名投  
見本舊井感尚存想當安筆硯曉汲月半牀野步雲一金瀨

武康山中同南墅分賦二首

虎箭

短竹力千鈞山家鍛鍊新客何愁白額來莫佩黃神飲石  
遂疑草連機密有隣焦銅誇武庫善用政須人焦銅毒

鹿網

雜樹青莎外周陞四面高保無松柏先太宜人新  
臣望勞倚角虞人險鄉風楚國豪東丹圖畫好射手看誰

前溪

前溪接後溪各自生芙蓉獨憐東去聲合處還相送  
門前楊柳青當曙鳥啼急自出銅峴山須臾留不及

侍大人遊趙谷林園亭留贈二首

求仲蹟尋三徑舊華陽樓詩一層餘園有四山猶識面隔  
城碧樹忽銜牆對客疎橋下龜魚親杖履門前丁馬陋襟  
裾淮南桂許獨留在宵載名航乘元車

坐久風吹王客詩情三十六鷗旁三十三名園頗憶葵

綠杉野屋集卷三

二

辛志勝概應輸石子堂隣近東門堪味菜人來下若欠攜  
觴牙籤萬軸難輕母祇吟營巢占海棠

寒齋八詠邀南墅同作存四

紙窓

蘭紙明明不隔層蟬紗螭殼謝時興摹將竹影橫斜過  
擁得爐香澹泊增幸勿鳴風來野馬劇須烘日去凝蠅  
阿誰慣起零星棗塗抹東西亦可憎江總爲文多起稿總上

雪水

澁浪居然凸復凹石缸旋滿覺旋消藏符勒杓奚防治新  
桂蘇蘭且付澆肥助玉池神亦定細堆金井法初調金井  
誰調湯餅餅來頗信溜澗別與較康王谷更超

竹爐

湘紋細織偏宜火佳式無煩卦格均熨貼紅泥圍一寸煎  
烹然筍敵三辰唐元宗置三辰酒敢援韓老聯吟舊似出王郎染  
筆新錢澁銅腥銚石鈍蒲團只共此君親

絮被

重甚蘆花薄甚霜故衾壘塊壓身僵直憐雲霧結成  
窟聊與黑甜留作鄉兀坐湯婆中夜擁藪居蠅子隔年  
藏編麻補紙詎堪忍子育支離三腳牀

和南墅寒邨八詠之二

煨酒

不須八藪給蒸訂拾遺記八藪之木列甕堆糠漸漸明火

綠杉野屋集卷三

三

白場乾風有氣烟紅厨冷雪無聲醺人一醺初開筆咲客  
三錢達入城籬腳黃雞看不瘦團團消受過冬清湖州白酒名

春米

溪聲不辨復山聲步確家歲晚情已覺甌香聞七里每  
連雪惡揚三更轉身杵滑心心震入手篩圓顆顆輕想得  
收藏懷婦子瓦龕草固逮餅甕

次韻南墅以詩見招出城二首

獨影衝寒夜過關七賢過關圖雪景小僮沽酒恰初還咲他曉起  
伶俜屐誰似吹燈坐看山

夜深深鎖白雲關石鼎聯吟句往還未必由拳圖裏客襟

頭有此好真山時韓石先生留止昔堂

祝中完姊丈自寧國扶其太夫人靈輓歸里寄慰

三首

宛陵自指西陵發別賦還同恨賦編一病五年千里隔却  
聞奔跣哭冰天

飛來丹旆雙竿路為憶青山奈謝公鄉里浙西江北官髯  
絲騎省一樓風

同年各瘦各含辛忽地同為無母人相見不須疑面目尚  
憑聲咳記前塵

燈影子歌用昌黎燈檠歌韻

短檠紅射眸子長一規卻掩穿來光絕憐老蚌暈墨色  
貧家亦有珠招涼翦羅籠萬邸必異照我黑壓堆書牀

綠杉野屋集卷三

四

吟唔對面隔王容冷笑火攻真下策低頭別是聚螢心暗  
裏迴看室虛白漏沈僮倦僵不前抱書入幃寒且眠圖龍  
刻鳳儘豪恣只放金枝豔娥翠匿影憑將熱惱辭殘年  
細字防輕棄

雪夜懷韓石先生讀書茗雲草堂三首

寒帷影忽疑初曙漏竹聲猶記舊年臘我獨吟何所似月  
中寒鴛鴦驚肩

風來吼虎仍相虐歲去奔蛇不可援辜負論詩劉夜坐滿  
堂鋸屑落清言

統如漏鼓城墻隔童子屏風倚欲僵未必羈愁明侶雪邨  
無春酒煖為湯

題查藥師吳郡紀遊詩後

二八城春百五時紅橋白水柳如凝  
滴殘樽酒袍痕在倚遍亭臺帽影知  
行卷乍鈔千紙貴識君終恨十年遲  
杜陵孫子通家李何日重聯橋社詩

寄贈汪康古北遊四首

點檢征袍疊舊絲試鐙風裏說遊燕  
南湖一夜洋洋雪欲別梅花且續船

席裏檀包壓乘書隨自手只鈔香我  
來若問春明宅操典烏裘傍爾居

南歸歲月擲飛梭校繡譜今番較多  
居易居難愁不定初三初四問如何

黃樂地字居難唐末舉子蓋比樂天居易也貴耳錄一川官在都乞差遣留三四年

五

題詩有云初三初四亦  
所然初三初四二僕名

有才不媿逢人項知已誰為薦士韓  
去去因君憶華老黃塵烏帽自長安

謂康古外舅祝豫堂先生

題馬券帖後

長安蹴踏攢萬蹠病驥獨瘦何能為  
自古神物不可私其間交臂天所司  
但得千金買骨時生前儘飽鹽車管  
晉山所識精天機燒之剔之毛與皮  
戰場枉自爭雄雌平生他日泣路岐  
先生示受跋藉欺解驂作贈聊因依  
豆羹可繼粥可炊鄉里悠悠無是非  
青雲奪路羣兒擠華屋東脯終當飢  
何必俛仰龍旂撫茲妙墨涕欲揮捐  
二十萬傾家資買之騎向南山垂朝  
出射虎還射麋惜哉此志不克

依手序當票旁觀咄南海鄭露有前當票序後當票序

書族祖未後侍御西臺疏草後

寒鐙炯射紙忠諫心如雪明綱已不  
振斬佞檻方折舟行失其柁此位誰  
忝竊趙國猶舟也相臣其柁也疏中語養虎而教孫乃使樹留孽參王承光當惡有粉榆得歸同賜  
袂映睫淚秋風委茲霜下傑鳴嗶錢太僕卿元與臧郎中人長興先後庶頑頑諸孫寒食來再拜墓門碣

讀北史雜詠二首

鄴中甲子應周興覽鴨子官取次增  
幾日金人催鑄得天書遙捧紫鸞綬

綠衫野屋集卷三

六

此燕支山色多

苦辛桑實也經嘗藥議深開博士坊  
若箇進來寒食散而今端欲悔陰差

夜半匆匆走洛兒羽林端不負恩私  
長城看起五原役新集教頒丹卷舜

隣女明年貢上都去年玉兔後宮無  
阿誰同得君王味一兩戎鹽酒十觚

北來蘆葦擁江流瓜步行宮指顧收  
萬里有城知壞卻聲聲聽唱白符鳩

雲罕霓旌蔽日黃北山校獵賦長楊  
筆公不與牛車運馬上梢回壓箭房

河洛須稽蟲獸文却令道士佐真君  
皇居雅薄蕭何社獨起靜輪宮插雲

長樂多時保母尊漢官舊制莫重論  
直修玉粒金根奏與報從前幼哺恩

國史成來立石妨頭顱不淨竟罹殃  
未知畫紙傳何語賸有人間急就章

深深苑囿半侵民上谷書煩造膝陳  
一局文楸看未了掉頭驚倒下牀人

苑中飛輦抱皇孫廟內高聲徹虎賁  
拜賞獨遺尚著作東平父子太蒙恩

鳴弓仰射過山頭一度靈邱詡勝遊  
多事勒銘高片石墨花青處薜花秋

綠衫野屋集卷三

七

吳來已兆鯨魚大宋入還夸玉印  
麤史氏立階仍珥筆酒人上市乍提壺

寶地荒涼總劫灰神鹿舊禁未應開  
無端佛戶兼僧戶天子親爲下髮來

南伐聲言振六師卜都謀秘少人知  
前軍霖雨催朝發馬首尚書問所之

玉珮朱衣盡改觀洛陽士女唱迎鑾  
後宮奩鏡風沙少誰戀平城六月寒

踴壇頗咲戎衣褻設幕初停柏樹薰  
草野忽傳新姓氏太常雅樂幾回聞

賚予時頒少府錢五銖輕重太和年  
別看邊鎮承恩共拜賜官人有謝箋

侍臣無事屬車陪詔勅君王手自裁  
可但直飛江左檄時於馬上得詩回

玉几金牀夜不眠流將洛水使人憐  
桐枯竹死彭城恨卻在鐘聲欲飯前

試射西林鍼孔入賦詩曲水柏梁麇  
掖廷故事原難準不負焚香密誓情

盈廷一語證和熹崔侍中何失禮爲  
永錫欲尊秦太上獨餘諫議大夫知

乾羅達使覓遺經梵宇新頒出內廷  
寺外宮牆牆外寺夜深

綠衫野屋集卷三

八

深金塔九層鈴力士舞輕非中酒  
楊花歌遍正愁人黃祏不去桃弓在一種君王供奉春

北宮閉後兩宮分長望嵩山佛寺雲  
不道西林園一宿明朝遂解夜叉軍

稅難中宮漸及期腹蛇螫手夢何疑  
翠圍不記三千女舉袂曾隨唱普梨

兩行鐵字從天去萬騎金戈動地來  
津令湍波河縮水殿中孔雀尚徘徊

入關麥飯強教餐回首朱門紫極寒  
明月去懷流水逝散將玉鉢讓人看

龍種多蒙狗腳嗤遺孽 敝履念真疑憤車東閣遙遙云腸  
斷陳王五字詩

棄燃索斷兩無端木井前頭水欲瀾擊賊關他身手好一  
雙弓矢向天看

令公年少獨聲名東柏堂開難忽生拭鼻有人偏富貴世  
間相法自分明

如虎如龍一再傳水邊殺戮竟飛天石樓達拓黎城破此  
是高王不死年

胡鼓擔來頻按拍琵琶手後卻生憐直教主簿鬚多態又  
見彭妃髮最妍

宰輔風儀壓仗頭紫羅袍自內家修市瓜手熟朝堂暇合

綠野屋集卷三

九

捧金壺點劇籌

七日空城夸馬射三臺進酒闕天居金丹玉匣封無用只  
恐仙人樂不如

爪痕指血立幃旁辛苦南宮藥屢膏一眼御金親內聲入與  
可憐無補哭楊郎

省中有吏笑天子夜半打鐘愁道人至竟百年無樂處涼  
風堂勅不須真

滿街才聽九龍謠宮髻光寒素奈翹紅管正繁人未醉緋  
袍臺上映金貂

步落稽呼怨未休枉教臨穴和歌謳河南河北傷心更可  
有金雞在樹頭

玉女投壺天帝醉凌烟閣又起立洲丹青獨爲開生回舊  
是東山宴上猴

清道新教舊制仍華林東去看中丞馬頭赤棒驚人墜咲  
隔青紗障一層

青宮阿姊少嫌猜羽翼無煩四皓才三十人中初握至  
添都督看兒來

遺詔親承屬付深瑯琊受勅忽相侵腸肥腦滿麤豪甚不  
解琵琶有妙音

紫陌頻催速放兵鞭梢定十三城索他盲老公來後偏  
怪長安月最明

紛紛城社鼠狐羣簿籍郎中漫剖分使鬼尚煩開府薛可

綠野屋集卷三

能地下起將軍

飛鳥新安宮髻偏黃花其奈欲風天吹將裙袴真珠色走  
上香車七寶妍

晉陽羽檄日三馳老事中官入奏遲應念重來春不再故  
教圍獵且多時

慨慷千言枉孝卿斬關昨夜一身輕朱華給札求方畧又  
恐多詞記不清

北朔南陳咲若何無愁天子太愁多龜茲亦是他家物枉  
築黎陽近大河

邨舍華林聚不孤黑衣卻聽鼓龍胡黃旗卓處親臨拒可  
奈關西鐵騎麤

嬰城子女石空投帶語分明讓却周莫咲德昌纔二口阿兄猶不棄并州

生死雙棲共命情琵琶絃斷竟寒盟公家老嫗何人惜鏡暫重完月整明

入陣蘭陵唱得無眼中有鐵亦消磨雲陽宴上一聲笛憶煞當年朝士圖

淚灑平涼獨誓師吐哺上馬凜雄姿隔河六鎮披猖甚香火無情夜疾馳

電赴星羅檄九州免冠走驛涕交流如何伊霍終顏厚難向朝堂謝柳虬

寒風渭曲聞蘆葉落日潼關唱凱歌一十二條行未了六

綠野屋集卷三

十一

官九命更如何

鱗鬣秋風待釣初幸承顧問罷觀魚柳堤竝馬歸前殿燒燭只譚韜略書

藹藹清微殿裏烟三才歌器列歌篇銅盤有日輕辭漢未必仙人淚似鉛

平吳得陸較量餘兵出青泥旋掃除投杼若非疑內史兩車不檢過江書

八分字體劇摩挲此日寧都擅磔波釋奠特從蒼頡拜謝章應費紫毫多

故宅同州偶賦詩興章三候咲當時彭韓易死功臣盡風起雲飛枉寄思

寶樹鐙繁百戲陳未以高宴殿前人牙籤勅校青藜入麟趾抄名學士新

象戲誰參一著先君王神武獨天全懷中酒誥親書就玉斗空煩奉御筵

六代宮懸列兩階山雲新舞曲初諧禮經子卯明朝近小部應頒止樂牌

路寢高勝字新賦詩并得逮耆民醉歸獨把黃封盒兒女分將賜果珍

脩然蘭珮與蓮衣居士新朝入見稀斗酒足嫌知足矣不應三教論同歸

東伐多年一戰平有人先已掃門迎鏡臺寶輦隨分散不

綠野屋集卷三

十一

惜高家虎視成

刑經刊置列於霜大醮靈壇告上蒼天杖后妃都乞與也憐腳杖舊親嘗

廿四珠旒面絳霄天臺縹渺落笙簫侍臣已過清身日品色衣新趁早朝

九霄行殿洛陽中一月催增萬指工飛逐金車四皇后馬蹏三百里如風

人間粉黛禁無光日向深宮慶暖房好語更來何博士謝恩表邱指螺香

署詔功高孰與俱劉前鄭後竊鈞樞受遺未負中官願柱國差堪報女夫

授鉞分茅事事新勢八驕虎直須真文書驅使向來筆  
詔更煩天上人

米囊無底只空盛回望長安恨未平龍首萬家春樹裏白  
竿早記一千橫

桃葉山前早蕤春北兵飛渡湧江神憑誰說與黃奴道且  
欲分明見此人

金井鰐脂淚點深後庭花落樹陰陰晉王自拜元珪賜未  
快平陳一片心

聖杖神鐙用不虛十分靈感志無餘版文親報南郊瑞玉  
檢偏辭祀岱書

太史新推上道祥周天日近驗京房却愁丁匠添程作也  
綠野屋集卷三

學宮人刺線長

樂定牛弘舞更成泓然萬寶識新聲天高地厚房中曲只  
要關雎雅化行

上書不用河汾策獻籍多酌內府縑七十二生留太學儲  
藏空有萬牙籤

一母曾誇真第兄略無孽子壞宗初忒教枝葉凋零盡連  
理宮槐尚有情

離宮碧瓦映金鋪忠孝清河倘不誣覲地伐除無大敵白  
頭夫婦儘歡娛

伏地淒涼佳右丞看看律制起房陵上臺久宿強宗衛底  
事金牀未可憑

校獵芒山下洛歸雨曾不御油衣買家官闕誰當侍未  
必東都賦手稀

院門三面俯龍鱗綵樹緣渠月月春惱煞好鍾穿夢準妝  
成三十六夫人

蓮葉東西躍錦魚翠光湖上曳香裾月明昨夜蓬山頂一  
曲清遊下步虛

投來鶴警供儀衛飛去鸞音賀聖明殿上魚龍看曼衍鷹  
師又報集東京

行在時排四道場新聲低按拜曹王輦前不用燒紅燭萬  
斛流螢照乘光

撰成水飾刻沉檀都念分裁院影寒並席更雕生柳誓內  
綠野屋集卷三

人含咲抱前看

錦纜風生柳岸斜水精殿角抹紅霞一枝瓊蕊司宮進迎  
輦應羞合蒂花

獻食風馳水陸便郵煩筒口蠟封堅玉蘂金蟹年年好豆  
屑何因進馬前

落日雞臺夢亦酣紅梁淺酌捧春纖好風正撲楊梅軟何  
意終輸玉李甜

歸雁斜斜大小雷銅屏寶帳闔還開浙人未必能圖本親  
見臨春結綺來

千金購得肉飛仙三度征遼不偶然可憎銘辭爲雙鳥雄  
心聊當勒燕然



香草初除玉輦通昨公置郡宴觀風裴郎圖記番番有正  
欲蒲桃植漢宮

清暑汾陽北狩年單于窺塞忽風烟雁門不是九書密誰  
使官家早備邊

芳草成窠履跡稀無端水調淚沾衣楊花不管人間恨一  
任濃陰燕子飛

侍御秋深鄉思牽枉教袍袴絮三千永嘉莫恨東巡隔不  
及雷塘好墓田

引鏡傳觴樂未廻越王年少解相催草坊火照西宮惡一  
語傷心問阿孩

綠杉野屋集卷三

十五

綠杉野屋集卷第三

綠杉野屋集卷第四

德清 徐以泰 陶尊

徐烈婦詩 并序

婦蔣氏邑中談太守家婢配僕徐成既六年生一子  
殤乾隆乙丑十二月初九日夫死爲盡償其通而復  
葬之郭外蓋欲從死者屢矣其父日夜守之逾七日  
卒自縊

珠不受泥汗金或雜沙聚地勢豈足論輕重在自取蔡邕賦金生沙礫矯矯蔣氏操捐身得未覩結襦既六年獨結珠出蚌泥

百年苦夫在早哭子淚流漲兩乳子死隨哭夫淚血紛如  
雨無夫復何依無子將誰撫然猶殉從谷曲折安吾父責

綠杉野屋集卷四

十一

柳償宿通買菜種新鵝凡事夫之事一一手自部事完人  
亦完七日身化土烈哉談家婢不識字猶愈書此告鬚翁  
蔣氏已千古何必作夫人乃以光門戶

題鑒微上人茗溪小景冊子五首

亭外草青夜雨石根竹瘦春烟一卷書開竟日數株松種  
何年

兩岬水車不斷前邨茶客初歸籬犬遠隨餉婦髻邊時惹  
花飛

箇箇菱船槳恁翻翻菱葉絲牽咲問采菱諸女菱歌曲曲  
誰憐

對酒山容遠碧挂天岑影高秋我欲徧邀社客湖南勝事



重修

獨樹寒村一角夕陽流水三分負手竹扉久立雅聲接翅風聞

市亭山晚眺

環周美林澗密邇常登臨王裕之本傳謂林澗環周脩極登臨之樂落日帶達翠雜聽來清音東山慨太傅絲竹猶荒淫達人信自我早歲投簪簪芳塵邈誰嗣白雲懷古深裴裒亦云勸好風開衣襟獨還草堂卧百酒取酌斟樂甚奉朝請不競微在今先生常令其子就謂請曰吾欲使汝處不競之地

懷穀函讀書湖上用東坡寄子由韻

春水遠初生權船上清暉日夕佳誰與吟此處我祖

綠野屋集卷中

三

昔遊寓盛夏及秋中繩牀支病骨臥唯龍佛同名園今頗寂書籤響風牖有口但飲湖有花憑入手僮僕怪澹泊魚鳥忘猜疑養痾信得所進學安奇期嗟我守舊廬獨仰屋梁老不踴落梅香桃夢已開早行將拂烏石發願文已成預想烟雨裏枕上菰蒲聲

食鱸魚

冰壓連船販筐傾獨客貽不殊京口飯初上玉河時多骨偏含刺纖鱗亦帶滋吳娘工所鱸柳葉可相宜

三月二十一日隨侍大人暨諸鄉先生後祭呂成

公祠

出郭春雨晴長少行有次黃土築新牆已綠青薜荔南澗

仰遺暉北山同小寄八傳未竟書壁隱深鐫字慕落古衣冠年年來舉輝中原文憲非絕學關閩棄濟濟聚生徒風雨堂前肄誰於一節閒琢磨少成器先生嘗謂陸子靜但能於一節閒琢磨草色上堦除滋生看有意得親芳藻香何殊麗澤地

半月泉拓東坡題名請得一日假來遊半月泉何人施大手劈破水中天元祐六年三月十一日蘇軾曹輔劉李孫鮑朝懋鄭嘉會蘇堅同遊

莘老聚墨妙斷碣久不存愛此坡公蹟猶辨肘與跟公於山水邑到處灑墨浪茲來奉尺一慙緩郵程奔或云非公筆編年誰具論吳淞淹水宿去杭未隔旬合觀道里作益知請假因而況周沈輩宣和聞見真同遊五嘉客恨無一字存酌泉澆舌本我語公應聞宣和庚子仲冬六日鄭如幾與沈彥居吳子常周美

綠野屋集卷中

三

中同遊慈相寺月泉訪東坡舊題刻石寺壁

倪雲林小幅

雙松不支離垂鬚到牆屋夾以楓葉丹乾聲吹臚臚焚香息心想啓牖對蕉竹冷冷七絃動鳴泉相往復曲罷眾山青窈然自深谷

劉完庵小幅

嵐氣暗欲滴野橋橫欄邊竹樹晚多翠蒙籠隱扣檐簷間彼何人枯坐忘其年不咲復不語頽然把一編我欲就此住有屋寧無田

文墅山晉郭文曾種柏千株於此山

柏樹非古色石泉猶清音迴風澹落日夕鳥依故林我非

無情者憶此殊難禁情由憶生不憶故無情見文本傳

閨上已前二日赴西湖舟中先寄穀函用先少宗伯公汗漫集上已前一日韻

單居九十日禪寂過嬾融暖風入花骨看飲皮肌紅之詩補皮肌發紅綠開門放燕子種藕催山僮廣釋雅藕節發葉應月而生遇閨則益一節

安得春水宅拍拍隨鳬翁昨烹寄書鯉晨起截雨虹坐來天上好不安格子櫳沙唇倒嵐影日腳垂煙空但見楊柳外紫韁騎青驄風移我弗知擢轉邨已通南北雲窈窕裏外橋玲瓏念君日夕此呼吸滋陰胸讀書新面目分無塵土蒙邨必更盟潔連襪衣幃蘭亭聞再舉劉謝誰居中我才媿同調如律不應宮預愁羊公鶴或譏葉公龍罰酒非所慮吹面多湖風

松毛場

遠趁桃花水初停竹葉舟翠鈿晴陰草紫燕晚飛樓山暖開香市人間唱酒籌笙歌忽前導入隊且春遊

寄巢詩為杭董浦編修作

風雨換朱門笙簧歇大道未足長子孫復見移花草先生觀世久陸居亦舟小肯從蝸角爭而營蟲睫眇數樹偶婆娑半宅借窠交晴莫吟參軍雨或歌杜老怡神安樂中適興恍惚表李白大鵬賦以恍惚為巢自擇不過爾應弗愁綠柳王彥章我家山水窟形影匿枯槁敢謂狂士狂酒酣踞木杪側聞草堂舊夢聽松吹好向有松吹草堂一飛青雲端珠樹翔縹緲

萬象口正銜九重浪再掃俯視蓬蒿陰作窠笑衆鳥

初四日湖船雨汎用先少宗伯公丁丑上已韻

畫蛇著足誰譏怒畫蛇著足非多事先少宗伯句鳴儔著屐恣趨柳條看客頭早白花枝照水頭屢領是時龍并近茶事嫩煙出焙飄松龕城中迴望隱簫鼓一十四社非吾耽衫搖船影漾簾箔手送酒香連瓶甌遊人過橋歸漸惡淡雲無力風微酣昨朝文讌興偶爾眼前節物平分擔忘年詎止引甥舅論地寧復拘東南杭州太守坐搖筆名理不特妍朱藍裨成改席各有述清言滾滾泉飛甘得呼元九李十一倘值生張毅魏三夜來有味回驪想摩訶若食魚還使泔環湖窈窕綠陰逢麥田幾處嚙黃鶯山歡水悅愈淡泊

綠野屋集卷四

五

目所未到心已涵我家往事記丁丑垂五十年留美譚月泉舊社例偶舉黃髮老人詩獨詣一篇長句澁輔齋竟日好山窮研吟當時繭紙付陳蹟惜不數本絨重由留春今歲春更好東皇緩轡羲和湛義和湛而失職宋人語何當日作三日水居陸居供討探人生有涯幾兩屐萬事灰却三眠蠶感此興深歸勿遽故園即去還攜柑調言甚欲質詩老樊榭先生碧雲回首峰抽簪

六一泉

吟吟山中篇身拂樹頭絮一泓澹不流此味亦云庶草木發敬心豈定行樂處何必茗葉清活翁有香句楊誠齋詩細參六一泉中味故有活翁句子香

林處士墓

湖山竟寂寥衣鉢未繇永湖山寂寥無有繼者歐陽鶴去公語林洪有西湖衣鉢詩  
老蒼痕泉荒瘦菊穎猶吟石枕佳已出玉簪冷先生有謝閔師自天  
枕詩一片舊春烟青紅散桃杏

聖因寺觀實休畫十六羅漢

畫禪禪月師派出立本親今觀廣明應夢十六本却笑十八學士猶肉身明王堂舊記殿試次日詞林諸兵科觀閣立本十八學士圖天陰絹黑難諦視未分毛髮先精神發願至人應默感龍王故灑雨滌塵瞽首兀不語合指誰了因無相有相等寂滅云何悲喜云何嘆但覺簪絲玉箸墨尚濕絕勝桃膠柳汁采未勻珊瑚網李日華題實休應真真僧便卷云描法如春蠶吐絲衣摺亦用玉箸筆也畫繼西僧寫佛及羅漢於布

綠衫野屋集卷四

六

以牛皮膠為觸故用桃膠合柳枝水吳興後起記宗茂下筆蒼怪思陵珍香薰錦襲置御府尊者曇面開生新休公此蹟近千載供來瀛嶼如隔旬先帝在天留寶墨宜相訶衛無冬春安得十弟子瘦骨枯於杔貫休又嘗畫釋迦十弟子共鎮青獅吼永調白象馴我知兩峰南北三竺外夜夜吉祥雲氣籠快振

玉泉

魚跳也散珍珠點月印誰指淺綠牋雷峰下有珍珠泉明宣德間置白紙局於玉茶罷惜無僧覓句此中聖澤自年年

細雨泉

樹影圓於笠苔紋綠勝簑平橋低可坐未怕濕衣多  
謁岳忠武王墓遂謁牛輔文侯張烈文侯墓

英雄死乃全而世降論福護口殺何能帝心甘自辱鄂國一軍軍破敵如破竹未歸五國魂早鍛三字獄赴義及妻笑從忠有部曲已起餘悲鵬兒思往諱宰木鬱鬱相望山風吹正肅至今五里間遊騎不敢收

湖上見柳花三首

坐深黃鳥煙猶濕舞急朱樓雪竝寒前一日微雪南北山前吹不少亂人心最避人看

易碎難圓整又斜開因何事落誰家西陵自有相思樹此樹元非穩重花

滿店香生滿棧愁十三亭子十三樓重來繫馬春如此郎得青衫不白頭

綠衫野屋集卷四

七

九里松晚步

花片過春橋水聲雜松吹香林蹟久湮書藏名室識獨留風月悲朱弁有風月堂詩話我行懷副使如吹雪零魂猶照冰天淚吳興五頃荒青芝一坏寄表墓記殘碑惜不金飾字

蝙蝠洞

路迴起春風山仄劈神斧入門首孤昂窺穴身數俯欲燃雙松炬恐驚千歲羽杜鵑花色殷錯認紅蕉樹嶺南瀧州蝙蝠多雙

伏紅蕉花間

白沙泉

不覺自尋聲悵焉下山客林僧乞食歸引坐草同藉風吹欲上衣雪銷可盈尺何恠去分流遠田如卦畫

無門洞

池一寂千鍾石雨酒苔響紫藤孤升株赤立新浴蟾定  
僧湧海潮負壁若沉想聖既非本來無門爲撫掌洞  
四圍任僧灰粉塗之無門宋僧慧開字洞以名

懶雲窩

側足穿蒙茸欲進石角礙道人咲樹間喚我出其背屢折  
方得幽先迷宜須悔世事勸如何看雲愈有態

紫雲洞

策試高下步竄窳潛中穿瞥見一柱落倒植堵青天佛身  
旁可坐相與聳雙肩雲氣濕成縷近看如爨烟

烏石山房

綠衫野屋集卷南

夕磬散無際深竹鳥飛翻興廢議已屢嵌石驗屋浪覓句  
春草換條研古井渾大人與世父嘗讀書於此峰下有井兩湖靜一氣凭檻  
煙初昏

蘇堤新綠四首

漸漸罷春遊不看花看葉獨斟蓮子杯誰唱羅裙捐羅裙捐十二  
里曲名下

浴鵝灣

春水暮還生山色綠可飲何處問詩人篋樓自高枕

石屋洞

勝跡落陽崖列仙架雲構立髮頂冠松垂乳穴穿溜近瞻  
欹帽檐踞步下并盤橫雲與地平澁浪當頭縹緲然滄海  
螺西北石隙刻滄海浮螺四字到中散欲透安得酌天漿一枕味昏畫  
明司禮監孫隆鑿石梓石枕古佛形雕鏤靈龕位前後資薦各深鐫  
過半埃墨繡屋中苔題名代有增咸淳亦同壽刻石沈堅  
者甘逐平章臭蒼山字吐奇真膺易立究雖嬰黨黜嚴  
尚荷鬼神守咸淳臨安志謂蘇公題名似後人重刻其餘讀未全真草雜篆  
籀惜不響捐回毡膜攜兩襲齊樹倘可尋陟嶺肯憚又咲  
問棠陵翁別院誰所售明方豪於石屋嶺築齊樹樓於洞刻所書石別院三大字

水樂洞

綠衫野屋集卷南

蘇詩多情海月空留照蓋題東陽水樂洞者賈似道  
常於此洞愛葺水樂園刻置蘇詩墨蹟又摘詩中語  
以名亭館

洞庭不可通海月難留照別吹太古音一洗龔俗竅臺榭  
攷堦基榛莽踴戲翫猶憐附會工巧借文彩耀心空耳易  
諧坐久腳不掉夾石看老杉收雲拍速嶠洞旁舊有空谷  
歇蘭芳寒衣悵同調相傳洞中產蘭

飯理安寺

乞食偏鍾後看山偶路賒厨幽通竹簞僧靜拾松花方  
欲酌匙進底須三勒誇一口不能兩匙見范摩腰上高閣  
且任有烟霞寺舊有且任閣

度九溪十八澗

山程坎北山勢擠晚風吹送來山西澗盤路轉溪亦折短  
僅三丈扶高低野花發岍白鳥下私蛤吹人青蒲齊有時  
失路泥滑滑幾回過水風淒淒寒裳踟躕石誤一失淺猶滅  
趾深噬臍平生怕路如怕虎放翁之語母輕詆春潮隱隱  
恐生客江行還仗隨身藜

徐邨

花落后塘少酒香郊店多宋置酒庫於此女兒面江住能學弄潮

歌

江上

赤岍西邊浪不風林林人影散沙蟲小船搖櫓意何悠羣

綠衫野屋集卷四

驚立難飛忽空相喚達山鷹落日試登孤塔路蒼穹曲江  
賦手舊間在奚翅論才先後同時韓石先生偕行

宿雲棲寺

上下排蜂房各自埽庭戶岍傾月難圓樹密星半吐散足  
已關門老僧非畏虎不將眠具來一榻有寒聚沿山護新  
筍擊竹等備武微風意多聞法堂早鐘鼓

曉步竹迳入蓮池大師塔院二首

一莖兩莖斜禪語多福安得千首詩行行刻字綠

燈燈應結蕊鐵片可著花微風識香氣獨啜杯中茶詩因

燒集碎茶甄入悟住山  
月門前常挂一鐵牌

楊梅鳴

異果說金婆家種山頭樹我行采茶天但識採茶趣邨女  
澗西來筍鞵踟躕朝露看客石橋邊提籃笑忘路

踰郎當嶺至天竺

沓嶂莽四合一線強中穿鳥飛影亦倦虎去風猶腥我生  
法螺蚌閉戶常窮年荀子法螺蚌而閉戶爬沙地底鈍青冥愁雲綠  
首塗直自悔改轍將安遷旁無立錐寸下可碎骨千歷級  
始勉上偏迫如相鞭攬衣春不豎定齒頭微重意謂過山  
腹誰知纔山巔常恐疾飈卷忽作飄蓬旋行行過香客壘  
疊衝長烟迴瞻驗腳力自信翻不堅俯身更擬下試策終  
久延有時少滑達已若箭脫絛微鐘漸縹緲搖鐸恍恍後  
先天門晴蕩蕩翠掃蛾眉鮮天然有城皆山嶺之上即天門山

綠衫野屋集卷四

三生石二首

四時美風月寧待中秋來畫手縱劉趙難點千年苔劉松年畫  
千里皆有  
三生石圖

入竹色冥冥歸泉響激激問石何精魂遂聲吹不裂

冷泉亭小憩

陰涵草樹深澹上鬚眉綠歌舞載西湖出山終不濁誰起  
石田翁歸裝贈短幅

留題借秋閣

春色非吾戀歸期且自便落紅元帶雨萬綠總生煙山曲  
爭演凡鳥幽深弄絃此間堪過夏一指欲逃禪對一指石

入龍泓洞轉登飛來峰絕頂

入竇忽雲開無扉難晝閉人語散多層天時寒欲徹白日  
峰頂迴鑑光透圓穴其旁鍼孔明蟲蛭不落屑遺字剥苔  
侵禱歲嗟澤竭空憐齊國賢故里聲猶烈賈似道題名尚存似道母  
秦齊國夫人胡氏德清人性莘老守湖年石墨性所悅先  
後殺似道畏之見齊東野語莘老守湖年十一月晦向來戊  
昨為此遊爬搜購殘缺申宋神宗熙寧元年莘老以四年  
徒湖舍之徐追尋勇甚別轉折高攀一朵蓮碎躡千片雪  
金塔撫裴裏翠微感嗚咽韓勣王作翠微亭山半取萬岳忠武詩以名誌隱痛也  
窳入風號衆芳分位列微吟謝客詩直當慧公偈落日意  
蒼然却愁飛去瞥

放船至壑庵上幽居洞觀厝岬家人卦

萍開水明暗權轉天低昂柳花莫無氣晴絲飛有芒亭

綠野集卷四

泉成折帶客杉列行真山盡如假意得不可將亂雲躡深  
碧壞塔看微黃綠岬腳跟滑勿辭手爪妨六爻象風火  
八分牽鸞鳳凍水書莫辨望古欽靈光譬如會琴意豈  
必調官商旁刻米芾琴臺二大字洗眼期可再行及池荷香

荻港雨泊

樹裏人家濕炊煙晚不飛呼兒驅犢小放鳥捕魚肥水滿  
迷蘆界風清戀絮衣稍看草渡女荷葉蓋頭歸

掃晴孃

鄉人苦雨以五色絲布結成挂之檐下

雨蕭蕭泥滑滑翦綵以爲人衫襖檐陰揭求日日無光  
竹竿懸更颺但今朝掃暮掃天四碧白水自白勿以黃梅  
黃掃晴孃居無郎郎行即轉鄉天雨且得賜縛若爲常愁

自切爛死曬我田中秧低田要乾高要濕苦暑著身戴青  
笠

夏夜移臥室

滅燭夜光澹開軒秋氣生竹斜風有態池定月無聲荷氣  
凝相襲桐陰況自橫底須誇夜坐心跡且雙清

試善蓮筆學書二首

斟酌翹軒常馮家藝定優撮襟空卷帛朽竹漫篙舟白  
練展初濕黃華手未柔環肥將燕瘦吾意折虞歐  
風送雲收處霞催月上時臂痕生竹几墨采落荷池書狹  
遵遺訓捶琴就小詩定名羞姓氏敢倚舊毫錐

蕙

三花疇此羣九畹固其族都房魚裔旖旎未信香不足山名  
一莖數花而香不足直從天帝來山海經大帝之謂與大夫族士大夫  
夫亦山穀語敷榮有不爲夜帳鶴聲獨

趙松雪采蓮圖

蕩槳出垂楊似沿江子滙荷葉不禁風大小公向背賈老二婢曰六荷葉小荷葉

以施註蘇詩易陳疏恬所藏文待詔歸田賦卷  
作此謝之并寄豐玉

性不善書詎曉書劣欺項藉都無是漕司舊本讀方倦開  
闔粗能拂塵滓度閣寧教走壁魚換羊且欲懸屠市天籟  
儲藏重過眼知君金壁收縑紙平子之賦寫衡山邱文榮

木鈴終始一字還須一絹酬癡兒畫餅饒垂水卷尾項元  
二端彼此易觀儂賺得山泉落響花飛藥待詔書評  
三端蘇公之蹟聞更妙定惠兩章墨畫清泚憑向方

壺一借觀絕勝漢儒書雕刻

題茅文湘客五湖詩鈔

井社推詩老生涯有釣筒江湖凡幾頃容易著蒼翁宋張

有蒼翁集其自題秋江湖云若非

三萬六千頃把甚江湖著此翁  
五清詞後三千白髮新秣陵懷舊意湘水獨歸人先生

淮詩多述尊從祖止生

又嘗留楚中最多

史記之書長矣

姑蘇陳聖如刊刻

綠杉野屋集四卷

浙江巡撫  
採進本

國朝徐以泰撰以泰字陶尊德清人國子監生乾隆

二十二年官陽曲縣知縣其詩皆早年之作故骨

格未就而時有雋句如詠鷹翎扇附人終在手斷

翮尚生風一聯亦頗工點染也